




PHYSICA  
ARISTOTLE

1564














7148 | A











PHYSICORVM  
ARISTOTELIS  
LIBRI.



*Argumenta in singulos Libros, ex optimis  
Græcorum commentarijs conuersa iam  
recens adiecimus.*

Catalogum verò librorum in hoc opere conten-  
torum sequenti pagella reperiēs.

VIRTUTIS DVCE,



COMITE FORTVNA.

LVGD. APVD ANTONIVM  
GRYPHIVM,

1564.

*Ch. Corbo. X*



318222

CATALOGVS LIBRORVM  
IN HOC OPERE CON-  
TENTORVM.

*Physicorum Aristotelis, seu, de Naturali auscultatione, li-  
bri octo.*

*De Cælo, libri quatuor.*

IOAN. ARGYROPYLO BYZANTIO  
INTERPRETE.

*De generatione & Corruptione, libri duo.*

*Meteorologicorum, libri quatuor.*

*De Anima, libri tres.*

*De Sensu & sensili,*

*De Memoria & Reminiscencia,*

*De Somno & Vigilia,*

*De Insomnijs,*

*De Diuinatione in somno,*

*De Longitudine & breuitate uitæ,*

*De Iuuentute, & Senectute, &  
Vita & Morte.*

*De Spiratione.*

} libri singuli.

FRANCISCO VATABLO  
INTERPRETE.



# ARGVMENTVM

## LIBRORVM DE NATV-

### RALI AVSCVLATIONE

*ex Simplicio.*



**L**IBRORVM Aristotelis de Auscultatione physica facile est assequi intentionem, si prius eius partis philosophiæ diuisio, quæ de Natura est, ad memoriam reuocata, in medium proferatur. Fortasse verò operæpretium facturi simus, si vniuersæ philosophiæ distinctio, quæ ab Aristotele est instituta, à nobis hoc loco breuiter exposita, explicataq; fuerit. Est enim vt corporis medicina, ita animæ philosophia perfectio. Porro animæ vna pars irrationalis, altera rationalis est. Rursum eius partis, quæ rationalis est, vna est portio irrationalitati obseruiens, quæ intellectus potestatis vocatur. Altera portio est separata prorsus, atque seiuncta, quæ dicitur intellectus agens. Præterea duplex totius animæ vis habetur: appetendi vna, altera cognoscendi. Planè id genus, quod perficitur appetitum, quod totum in irrationalitate, & intellectu affectibus irrationalibus delegato positum, constitutumq; est. Peripatetici actiuum, administratumq;, & circa negotium, actionesq; consummatum nominauere, finemq; eius particulæ statuerunt boni delectum, atque indeptionem. Alterum verò genus, quod in conspectu duntaxat, & æstimatione rerum sola consistit, cuiusque finis est veritas, generali vocabulo spectatiuum, contemplatiuumq; appellare voluere. Item genus hoc posterius fecatur in species: nam ea speculatio, quæ circa res à materia non separatas versatur, quæq; auxilio sensus, & visionum ope ipsius potestatis intellectum perficit, naturalis scientia nuncupatur ea ratione, quòd & circa eas res, & in ijs consistere Natura videatur. Eam autem contemplationem, quæ circa res materia omnino carentes & purissimam intellectus agentis actionem, necnon circum illum actum intellectus potestatis versatur, quæ vnà cum intellectu agente conficitur, diuinarum rerum scientiam, & primam philosophiam, & metaphysicam vocant, quia scilicet post naturalium rerum traditionem instituta illa, & ordinata esse videatur. Cæterum ea cognitio, cui subiectæ sunt res partim con-

## P R A E F A T I O.

iunctæ materiæ; partim abstractæ Mathematica, & scientia de anima nuncupatur. Etenim mathematicarum rerum substantiam affinitatē quadam, & interstitiō vtriusq; naturæ ancipitem esse, atq; intermediam autumant, eō, quod si vniuersalitatem, atq; in commune spectes, materiæ sunt expertes: si dimensum ipsum, discretionemq; particularem, ac sensilem à materia disungi. atque auelli non possint. Idem de anima dicitur. Ex sensibus nanque, & imaginationibus, atque illo ipso intellectu potentia multum inesse materiæ colligunt, ex agente verò intellectu, quem caput esse animi Aristoteles ostendit, aiunt esse animā ab omni prorsus materia abiunctam, quamuis non idem Alexandro videatur, verum alias philosophiæ partes diligētijs suis locis exequemur. Nunc de naturali duntaxat est agendum.

Scientiæ naturalis pars vna versatur circa principia rerum naturalium, quatenus naturales sunt, atq; corporeæ, quod prorsus idem est, & circa ea, quæ necessariō consequentia sunt, & connexa principijs. Altera pars circa ea versatur, quæ ex principijs oriuntur, quædam simplicia habeantur, quædam composita.

De simplicibus ea pertractat scientia, quæ de cœlo est ab Aristotele instituta. Nam prioribus duobus voluminibus de quinta substantia eius, quod propriè cœlum est, disputatur, superq; perennitas etiam illius ostenditur. In reliquis duobus libris de quatuor elementis agitur, quæ sub lunæ orbem sunt, quatenus simplicia sunt, & quatenus motus simplices habent. Sic enim, vt arbitror, melius dicitur, quàm Alexandro visum est, qui de perpetuitate, & orbiculatione addit etiam de quolibet corpore naturali, seu de Mundo vniuersaliter in his libris traditam esse disciplinam. Nam de naturalibus rebus, quæ sunt naturales, in his libris, quos modò exponimus, agi ipsemet Alexander fatetur, Omne autem compositum naturale est: de cōpositō verò nulla ibi fit mentio, sed de simplici tantum. Quemadmodum & ipse Aristoteles in tertio operis sui volumine manifestè declarat. De primo, inquit, elemento iam dictum, & quale sit natura, & quàm incorruptibile, ingenitumq;: reliquū est de duobus dicere. Duo autem intellexit quatuor elementorū complexiones, quæ duobus generibus motuum subiiciuntur, vni, qui migrat à medio: alteri, qui tendit ad medium. Simplicia porro nuncupauit elementa. Quum verò composita omnia & genita sint, & corrumpantur: simplicium autem rerum, quædam sempiternæ, quædam generationi, & interitioni obnoxie habeantur, de sempiternis

agit



## P R A E F A T I O.

agitur in prioribus libris, qui de caelo inscribuntur, ut supra dixi.

De genitis, & interituris, quatenus simplicia sunt, in tertio, & quarto. Sed quum de gignendis, caducisq; iam esset dicendum, primum duo volumina de generatione, & corruptione conscripfit, quibus naturæ rerum earum quæ gignantur, quatenus sunt gignendæ, & ea, quæ cõmuniter consequuntur, quatenus huiusmodi sunt, plenissimè continètur, & indicantur. Præter hæc alia item de rebus alijs scripta idem Aristoteles reliquit. Naturā utiq; earum rerū, quæ supra nos regione proxima generātur, per eos libros, quos Meteorologicos vocamus, abundanter edocuit. De ijs verò, quæ infra nos producuntur, in animis satisfecit, in ea institutione, quæ metallorū naturas nobis cõplectitur. Et quoniā in tria genera ferè animans natura diducitur, animalia, frutices, & ea, quæ, quia ex utroq; naturam habent, *ἑσέφυλα* appellantur, ceu inter animalia atq; plantas ambigua, & amborum generum collinationes constitutas, de animalibus veluti per quendā historiarū modum exequuntur, est in ijs libris, quos de animalium historijs inscripsit. Rationes verò, & causas in his libris aperuit, quos de generatione animalium, partibus, motibus, somno, similibusq; composuit. Eodem pacto de stirpibus, atq; plantis duplici via, ac ratione disseruit. Hæc est, ut quàm brevissimè dicam, naturalis philosophiæ diuisio, distributioq; à Peripateticis prodita. Præsentis autē operis summa intentio est, ea docere, quæ vniuersaliter insunt in rebus naturalibus, quæ naturales sunt. Idē est autē, & corporeas dicere, & naturales. Planè principia sunt omnibus cõmunia, quæq; annexa principijs. Principia sunt ea, quæ philosophi causas, & cõcausas vocant. Causæ autem apud Aristotelicos sunt efficientes, & fines: cõcausæ forma, & materia, & postremo elementa. Verū Plato addidit causis exemplarē, concausis officialem siue instrumentariā. Quàm verò institutio hæc de ijs rebus sit, quæ insunt naturalibus vniuersaliter rebus, statim exorsus Aristoteles ostendit: Necessarium, ait, est Naturæ studiosis in primis, ea vt videat, atq; discutiat, quæ ad principia pertinent. Idē declarat in tertio volumine. Est, inquit, manifestum, & ob hæc, & quia omnibus videtur, hæc esse communia vniuersaliter ista esse consideranda ab ijs, qui debent singula, & particularia persequi. Est enim posterior rerū particularium specularus eo, qui vniuersalium est, atq; cõmunium. Quoniam verò Natura quodā pacto efficiens proximum est naturalium rerum, & principium motus, (vnde fit, ut quælibet res naturalis in se ipsa sui motus principium

## PRAEFATIO.

habere dicatur) necessarius omnino tractatus erit de motu ei, qui naturalem scientiam volet ediscere. Rursum cùm tempus metiatur omnia, quæ mouentur, quæ autem mouentur, in loco esse sit necessariū, & temporis, & loci naturæ videntur esse explicandæ. Item quum corpus, tempus, locus, motus, continua sint, necesse est edocere quid continuū sit. Atq; hæc sunt ea, quæ nos consequentia diximus, & annexa principiis. Sed inter hæc incidunt quæstiones, & ea, quæ de inani est, & ea, quæ de infinito. De infinito ea ratione, quod quū & naturalia corpora, & motus & locus, & tempus continua sunt, & dimensum habētia, necesse est esse sectilia in infinitum. Item vel infinita esse, vel finita, vel partim finita, partim infinita. Quoniam verò nonnulli sunt arbitrati locum esse inane quoddam spatium, & carentem corpore dimensionem, iure sermo is, qui est de vacuo, ei, qui est de loco, succedit. Quando præsertim physicorum plurimum, & quidem non ignobiles, vacuum inter principia numerarunt. Physicæ igitur disciplinæ omnis functio circa ea est, quæ vel communiter in rebus insunt naturalibus, vel videntur utiq; inesse, quamuis non insint. Causa etiam inscriptionis patet: docet enim de ijs rebus esse tractandum, quæ naturalibus communiter insunt, quæ naturalia sunt. Proinde meritò vniuersale quoddam nomen est inditum operi de physico, scilicet auditu, siue de auscultatione naturali. Cæterum auscultatio dicitur ceu ad eum modum elaborato, exactoq; opere, vt in auditionem, perceptionemq; aliorum sit propositum. Adrastus verò in his libris, quos de ordine commentationum Aristotelicarum conscripsit, tradit à nonnullis de principiis inscriptum, à quibusdam de physico auditu, aliquos priora quinque volumine de principiis inscripsisse, reliqua tria de motu. Hoc etiam sensisse videtur Aristoteles, quum multis in locis hac distinctione meminerit.

Cæterum naturalium rerum scientia, non solum ad eas res utilis est, quæ in vita tractantur, vtpote medicinæ principia præbeat, & mechanicis, cæterisq; huiusmodi artibus subministret. Quælibet enim & naturā subiectæ materiæ, & naturales differentias speculatur. Item non solum perficit ea cognitio partē illam animæ nobis associatam, atq; complicitā eo modo, quo Theologia partem intelligibilem, atque supremam, sed etiam reliquis viribus, & potestatibus animæ plurimū affert & vilitatis, & ornamenti. Videtur enim ad virtutes actiuas adipiscendas scientia naturalis maximū habere momentum. Primum ad iustitiā quandoquid

do quidem elementa, & reliquas partes orbis vniuersi, & sibi inuicem cedere, & suum amare quæque ordinē, æquabilitatemq; seruare. Geométricā planē perspicimus, vnde ab avaritia, & possidendi libidine nos faciet abhorrentes. Ad continentiam deinde, temperantiamq; proficiet, quum doceat eam esse naturam voluptatis, vt non sit antecedens vllum aut perse, ac suapte natura bonum, sed posterius quiddam, & subsequens, dum id, quod vehementer mouere, & magnopere expetendū videtur, multa etiānum præter naturam turpitudine commistum & coinquinatum appareat. Huiusmodi itaque studiū philosophiæ facile nos à eorum voluptatibus terreat, atq; ab eorum omnium cupiditate: quæ externa quum sint, plurimum admirari, & pretiosa existimare solemus. Vnde illud eueniet, vt & iusti, & continentes esse possimus, & in communi hominū consuetudine, atq; cœtu, consultissimi, & prudentissimi esse videamur. Sed è physicis & fortitudo sumetur contra mortis metum, quum didicerimus, hominem vix esse portiunculam sensibilem vniuersi, & viuendi spatium vix totius temporis esse momentum. Item genitum omne eorum rumpi, & dissolui in simplicia oportere, & partes proprijs reddi, atque restitui vniuersitati. Nihil enim aliud est corruptio, quā dissolutio, dissipatioq; compositi, per quam, vt dixi, partes in generalitatem, id est, naturam suam recurrentes, recipientesq; quasi accepto ferentes vniuersitati, renouantur ea, quæ conseruerunt, cōfirmantur ea, quæ debilitata fuere, atq; prostrata. Cæterum nunc siue paucis post annis emori, in nulla esse ponendū ratione ei, qui temporis numerum, atque adeo infinitudinē æstimarit. Quod si separatam illam animi sublimitatem ad ea agnoscenda traduxeris, quæ à corpore sunt, corporeisq; remota, tunc penitus cupieris vita excedere. Qui verò ita est animo constituto, atque composito, vt mortem contemnat, quid esse potest tam admirabile, quod illius queat mentem peruertere? Prudentiam quoque, cum plurimam habeat cum intellectuali animi parte cognitionem, ea maximè iuuabit disciplina, quæ naturam rerum ostendit, atque edocet. Excelso itē animo esse, atque magnifico facit ea scientia, quæ persuadet, nihil esse magnum, aut eximium in rebus humanis. Quis verò ita reuocamus mentem à sensibus, vt nulli cupiditati perduræioniq; pareamus, sed modicis, atque adeo intra desiderium Naturæ contēti, nostras possessiones velimus esse communes, alienis abstineamus, liberalissimi, & munificentissimi efficiamur. Iam verò maximū illud, atque optimum



genus vilitatis, quis non perspiciat, quod & ad animi nostri substantiam cognoscendam, & ad separatarum, diuinarumq; rerum notitiam capeffendam, hæc potissimum ratio, atque via esse videatur. Quod & Plato dicit, qui ex naturalium motuum perceptione ad eam substantiam inuestigandam perrexit, quæ, quam se ipsamet moueat, prædita est intelligentia, & diuinitate. Sed & Aristoteles quoq; hoc ipso opere ex perennitate motus orbicularis, immobilem quandam substantiam adinuenit, quæ motuum omnium origo esset, & causa. Accedit ad gloriam, quod huiusmodi studium philosophiæ nostram erga Deum obseruantiam, pietatemq; multum adauget, & tanquam concalefacit. Nam cognitis ijs perfectè, quæ fecit Deus, in admirationem, commendationemq; sui omniū animos, atq; ora conuertit. Hanc autem admirationem propensa charitas, fides, ac spes certissimè consequuntur. Propter hæc maxime physiologiæ danda est opera vel impensissima. Quod si utilis est ea scientia, certè utilissimum hoc opus, quo totius physiologiæ principia continentur, sine quibus naturalem disciplinam cōplecti non est possibile, quemadmodū ex initio Aristoteles statim docet. Tunc, inquit, intelligere vnūquodq; arbitramur, quum causas cognoscimus primas, & prima principia, vsq; ad elementa. Si quid autem & de ordine huius operis est dicendum, ex verbis Aristotelis, quæ nos suprā recitauimus, manifestum erit, primos hos libros haberi in naturali scientia, vtpote quibus principia naturalia contineantur. Nam post morales scientias, quæ ad vitæ nostræ institutionē pertinent, & post rationales, quæ nobis tradunt regulas discutiendę: diiudicandęq; veritatis, capeffenda erit rerum naturalium disciplina. Quam autem Aristotelicum hoc opus sit, superuacaneum est inuestigare, quum res controuersa non sit, præsertim cū in his libris, quorum autorem fuisse Aristotelem nemini dubium est, ipsemet Aristoteles opus hoc liquidò videatur agnoscere. Præterea studiosissimi eius discipuli, & omnes demum Peripatetici Aristotelicum esse hoc opus meminerunt, quorum nonnulli quoq; reperiuntur, qui id in capita nexuerint, & breuiaria itidem compilarint. Quum itaq; bifariam diuidantur hi libri, prioribus quinque voluminibus de principiis, deq; ijs, quæ principijs sunt annexa, & ijs, quæ veniunt in quæstionē, agi Adrastus putat, in sexto initium à motu capi tribusq; reliquis vniuersam de motu sententiam promi, & naturalia eius rei speculamina plenissimè iudicari. Quare & Aristoteles ipse hoc discernicula nomenclaturæ solitus

solitus est priora quinq; de principio vocare, posteriora de motu. In primo eorum, quæ de principijs sunt, agitur de concausis, materia scilicet, atq; forma, & de ea, quæ formæ opponitur, priuatione: in secundo de causa efficiente tractatur, quam esse Naturam dicit, & similiter de ipso fine. Et quia sunt aliæ quoque causæ, quæ per accidens causæ efficientes videntur esse, eodem libro secundo de huiusmodi genere causarum egit, quales sunt casus, & fortuna. Quum autem statueret, Naturam esse principium motus, & earum deinceps rerum omnium quæ motus aliquis proprietate, iudicaturaq; designatur in tercio docuit quid esset motus, & in vniuersum & singillatim singula genera.

Quum verò continuus sit naturalis motus, omne autem continuum in infinitum sit sciscile, eodem tercio libro & de infinito, & de continuo disputatur. Corpora autem naturalia cum loci egeant, & eius, in quo sunt, & eius, in quo mouentur, ea ratione de loco differitur in quarto. Ad hæc cum nonnulli putarent, locum esse vacuum interuallum, atque inter principia ipsum inane magno plausu, consensuq; collocarent, iure eodem libro eas exulcerat quæstiones, quæ de inani, atq; vacuo ferebantur. Item, quum motum omnem metiatur tempus, necessarium videbatur de tempore diligenter esse, accurateq; perquirendum, ita quartus liber finit. In quinto motum, qui proprius esset, ab alijs mutationibus separauit. Iam quæ oppositiones, pugnantiaæ ve, tum motus ad motum, tum quietis ad quietem, quæ motus item viciissim, quietisq; postremo quis esset motus vnus deinceps ostendit. Hactenus hæc. Ego verò additis paucis conuertar ad expositionem.

Ex ijs igitur, qui ante Platonem fuere, philosophatiq; sunt, Thales, atque Anaximander, atq; huiusmodi omnes, vtpote qui post diluuium, & rerum necessariarum instaurationem, studium philosophiæ primi in Græciam excitauerint, quum rerum naturalium causas quæreret, perinde ac ab vltimis inchoantes sola materialia, & elementaria principia cognouerunt, quæ postmodum nobis tanquam rerum omnium principia passim, indiscreteq; tradiderunt. Xenophanes autem Colophonius, & discipulus eius Parmenides, mox & Pythagorici consummatissimâ quidem rerum naturalium, atq; earum quoq;, quæ trans Naturam sunt, sed plenam ænigmatum, ambiguitatumq; nobis philosophiam reliquerunt. Anaxagoras quoq; Clazomenius efficientē causam adinuenit intellectum, ac mentem: quam in reddi-

tionē, & assignatione causarum rarissime usus est ea, quod in Phædone Socrates momordit. Tametsi non erat id magnopere absurdum: nam & Timæus, & Plato, qui Timæum introduxit, quanvis efficientes causas, & exemplares, & fines proposuissent, tamen corporalium causarum probatione, non ex illis, sed ex planis, figurisq; demum ab ipsa elementorum natura duxerunt. Veruntamen ipse Plato Pythagoram Eleatariūq; placitis, quæ inuoluta, subobscuraq; ferebantur, lucē quandam utiq; intulit, & ea, quæ ultra Naturā sunt, elegantissimē cecinit. In naturalibus quoq; rebus, atq; genitis elementaria principia disseparauit à reliquis, huiusmodiq; principia primus Plato dicitur appellasse elementa, ut Eudemus est autor. Efficientes item causas, & exemplares, & finem ita tradidit, ut distinctæ inter sese esse viderentur. Nam materiam simul & formā Aristoteles ex iisdem principiis comperit, is efficientem causam diuinum statuit intellectum. Finem autem illiq; bonitatem, propter quā vnumquodque sensibile intelligibilis exemplaris similitudinem gerit. Ab ijs igitur, qui Platonem antecesserunt, non solum in eo dissentit Aristoteles, quod efficientem causam intellexit, verum etiam quod materiale enucleatius vidit, & prodidit. Nam cum illi *ὑποσπερμείας*, hoc est similes particulas, vel vnum ex quatuor elementis, vel plura, vel omnia rerum principia esse censuissent, vel insectilia usq; corpora peruenissent, Aristoteles & *ὑποσπερμείας*, & quatuor elementa dissoluit, atq; ipsa in corporalem naturā, in formam, materiamq; diduxit: quemadmodum & ante Aristotelem Plato, & ante Platonem Timæus Pythagoricus fecerant, arbitrati proxima principia esse quatuor elementa, & ante elementa superficies. Principia verò prima elementaria esse formam, atque materiam, à Platone autem, simul & ab ijs, qui Platonem præcessere, Aristoteles videtur in eo euariasse, quod quum nonnulli, videlicet ij, qui ante Platonē fuere, de naturalibus rebus perinde, atq; de omnibus disputauissent: nonnulli ita egissent de naturalibus rebus, quatenus in Mundo habentur, & quatenus sunt partes Mundi, ita ut in libris de Mundo huiusmodi principia quæsiuissent, tradidissentq; videantur, quemadmodū, & Plato, & qui ante Platonem fuere, complures factitasse reperiuntur. Aristoteles naturalia omnia quo se quæq; ordine habeant, edocuit: deq; ipso corpore naturali quale sit suapte natura, etiam si nunquam fuisset mundus, dicato seorsum opere commonstrauit. Sed & in elementis aliud à materia priuationem esse ostendit, quum Plato



ante aut materiam, aut ex materia priuationem definiuisset. Cæterum cum causam efficientem alij differuissent, Anaxagoras vero, & Plato (idem est autem, ac si Pythagoricos dicerem) diuinum intellectum efficientem causam voluissent, vnus Aristoteles adiunctæ, ac propinquæ rerum causæ laborans, Naturam id genus causam efficientem expressit, quam Plato instrumentariam esse putauerat, moueriq; ab alio, & mouere subinde alia. Verum Aristoteles non sistit in sola Natura, sed ad immotam quandam, & mouentem omnia causam est superuectus, vniuersaq; , quæ mouerentur, in huius operis calce, pendere inde, atq; nitu acutissime comprobauit.

Genus quoq; philosophandi Aristotelis differt à cæteris, quatenus obscuritates, & scirpos illorum transtulit in perspicuam quandam & propriam expositionem, & vim præterea probationibus, & syllogifinis adiecit. A Platone autem eousque videtur dissensisse, quod demonstrationes apertius, illustriusq; inducit, quodq; earum principia à sensu, & ab euidentibus rationibus sumit. Ab omnibus præterea simul in eo dissidet Aristoteles, quod partes omnes philosophiæ naturalis vsque ad singularia euolutas, ac resolutas reliquit. Quum autē scriptorum cōmentariorumq; suarum species duas haberet, vnā eorum, quæ exteriora nominabat (quales erant historiciæ, & Rhetoricæ meditationes, demum omnia ea, quæ minus tū curæ, ac diligentia, tum intentionis, & studij requirebant) alteram eorū, quæ auscultatoria nūcupabat, in quibus philosophia remotior, subtiliorq; agitabatur (ex quorum numero habetur hoc opus, cui titulus est de Physica auditione) in auscultatorijs data opera voluit obscurus esse, ratus hunc in modū obiter posse rudiora ingenia ab huiusmodi studio quasi reijci, deterreriq; , vtpote quibus futurū sit per inde, ac si neq; scripta quidem vnquā fuissent. Quapropter Alexander post Persarū euerionē hæc ad illū scripsisse fertur: Alexander Aristoteli salutem. Non rectè fecisti, quod auscultatorios libros foras inuulgaris. Nā qua alia re præstare cæteris amplius poterimus, si ea, quæ abs te accepimus, omniū prorsus fiant cōmunia? Ego verò malim doctrina anteire, quàm copijs. Alexandro verò referipsit Aristoteles his verbis: Aristoteles Alexandro regi salutem, Auscultatorios libros, quos editos quereris, & nō proinde vt arcana absconditos, scito neq; editos esse, neq; non editos: cognobiles enim tantum ijs erunt, qui nos vtiq; audierint. Vale. Plutarchus Chæroneus in vita Alexandri de editione librorum metaphysicæ hæc vltro citroq; fuisse scripta testatur.



# PHYSICORVM

## ARISTOTELIS

### LIBER PRI-

M V S.

\*

*Ioanne Argropylo Interprete.*

Quis sit scopus huius libri totius, & de modo doctrinæ.

CAPVT I.

Principia,  
Elementa,  
Causæ, idē.

*F. x. d. i. r. i. o.  
d. i. s. t. i. n. c. t. i. o.  
c. a. p. i. t. u. l. u. m.*



V. M. circa omnes doctrinas, quarum sunt principia, uel causæ, uel elementa, ex horum perceptione cognitio fiat, atque scientia, (tunc enim unamquamque rem scire putamus, cum causas primas, principiaq; prima, & usque ad elementa cognoscimus) patet

et ea, quæ ad principia naturalis scientiæ pertinent, enitendum esse prius determinare. Hæc autem insita natura nobis est uia, ut è notioribus nobis, magisq; manifestis, ad notiora naturæ, magisq; manifesta, proficiscamur: non enim sunt eadem nobis, atque simpliciter nota. Quapropter hoc modo ex hisce, quæ naturæ quidem minus sunt manifesta, nobis autem notiora, ad ea, quæ dilucidiora sunt, magisq; nota naturæ, proficiscamur necesse est. At confusa, primò nota nobis sunt magis, ac manifesta. Elementa uerò, principiaq; posteriorius ex hisce nota per ipsorum diuisionem fieri solent. Iccirco ex uniuersalibus ad singularia proficiscamur oportet: ipsum namque totum sensu notius est, uniuersale uerò demonstrando uniuersali a eum ubiq; nota unde ex notis deuenimus ad cognitionem igniti.

uerò totum est quoddam, quippe cum multa complectatur ut partes. Sic etiam, & nomina quodammodo sese habent ad definitionem. Totum enim quoddam, indistinctumq; significant, ceu circulus: at ipsius definitio in partes singulas diuidit. Pueri quoque primum quidem uiros omnes, patres, mulieres quasuis, matres appellant: posterius autem horum utrumque discernere, distinguereq; uidentur.

5.

Enumeratio opinionum, quas antiqui habuerunt de principijs rerum naturalium: & eorum confutatio ex principijs, communium artificum.

CAP. II.

**N**Ecesse est itaque, aut unum, esse principium, aut plura: & si sit unum, aut immobile, ut Parmenides, Melissusq; dicit: aut mobile esse oportet, ut Naturales censere uidentur: [quidam aërem, quidam aquam, primum principium esse dicentes] Si plura sint, aut finita, aut infinita esse necesse est. Et si finita sint, pluraq; uno, duo, uel tria, uel quatuor, uel in alio quodam numero esse oportet. Si infinita, aut genere quidem unum, figura uerò, uel forma diuersa (perinde atq; Democritus assererat) aut contraria etiam necesse est esse. [Pari modo querere uidentur & ij, qui querunt quotnam sint ea, quae sunt. Nam ea primum querūt ex quibus constant ea, quae sunt, utrum unum, an plura sint] & si sint plura, utrum sint unū finita, an infinita: quare principium querunt, ac elementum, utrum sit unum, an plura. Considerare igitur si id, quod est, unum sit atq; immobile, non ad naturalem philosophum pertinet. Nam ut Geometriae non est ad eum ratio, qui Geometriae principia tollit, sed aut ad aliam scientiā attinet, aut ad communem omnium facultatem: sic & illi nulla est ad eum ratio, qui principia tollit. Non est enim principium si unum est tantum, atque unum hoc modo. Principium enim, alicuius, aut aliquorum principium esse constat. Simile est itaque, si

6.  
lenonitiat  
uam am inde  
peru sentia  
atq; ex con  
uatur

7.  
comprob  
a cognitiua  
hulartua

8.

9.

hoc

hoc modo sit unum considerare, & de alia quauis positione differere, quæ sermonis causa dicitur, qualis est Heracliti: uel si quispiam id, quod est, unum hominem esse dixerit: aut contentiosam soluere rationem, quod quidem ambæ rationes habent, & Parmenidis, & Melissi. Nam falsa sumunt: & forma sunt uitiosæ. Ineptha autem maioris est ratio ipsius Melissi, nec dubitationem habet: sed uno absurdo dato, cætera accidunt. Hoc uerò nullam habet difficultatem.

- ii. At nobis ea, quæ natura constant, aut omnia, aut aliqua moueri subijciatur, quod quidem patet inductione. Et insuper nec omnia sunt soluenda, sed ea tantum, quæ quispiam ex principijs ostendit falsa: quæ uerò hanc conditionem egrediuntur, non sunt soluenda: ueluti quadrationem eam quidem quæ per partes extruitur, ad Geometram dissoluere pertinet: Antiphontis autem, non ad Geometram redarguere spectat. Verum cum non de natura quidem, naturales autem dubitationes ipsos accadat dicere, bene res sese habebit fortasse, si parum de ipsis differuerimus. Hæc enim consideratio, philosophiam nimirum habet. Atque (ut à principio, omnium accommodatissime nostra hæc proficiscatur oratio) cum id quod est, pluribus modis dicatur, quonam modo dicunt unum omnia esse? Vtrum ut substantiam, cuncta? an ut quantitatem, an qualitatem? Et rursus, utrum substantiam quidem, unam autem esse cuncta: uelut hominem unum, aut equum unum, aut animam unam? An qualitatem, & hanc identidem unam: ut albedinem, aut caliditatem, aut aliquid tale? Hæc enim omnia inter se nimium differunt, ut dici non possint. Nam si est substantia, & qualitas, atque quantitas: siue separata, seiunctaq; sint, ea quæ sunt, non unum, sed plura profectò sunt. Sin uerò qualitas sint uniuersa, uel quantitates, siue sit substantia, siue non sit, absurdum est sanè

(si

Hippocrates Chius  
quadrās, cir-  
culū Geō-  
metriæ prin-  
cipia reti-  
nebat: An-  
tiphon uerò  
ion. 13

14.



(si id quod esse non potest, absurdum oporteat appellare.)  
 Nihil enim ceterorum præter substantiam, separatum esse  
 potest: uniuersa enim hæc, de subiecto dicuntur, de sub-  
 stantia quidem ipsa. Atqui Melissus id, quod est infinitum, 15.  
 asserit esse. Id ergo, quod est, quantitas est quædam: infi-  
 nitum enim, in quantitate nimirum est. Substantia autem  
 infinita, aut qualitas, aut affectus infinitus esse non potest,  
 nisi per accidens, si simul & quanta sint quædam: infiniti  
 nanque ratio quantitate utitur, non substantia, non qualitate.  
 Si igitur & substantia sit, & quantitas, id quidem est, non 16.  
 unum, sed duo esse uidentur: sin uerò sit solum substantia, infi-  
 nitum sanè non est, neque magnitudinem ullam habebit: erit  
 enim quantitas quædam. Præterea cum multipliter & ipsum  
 unum, sicut & id quod est, dici soleat, considerandum est quo-  
 nam modo ipsum uniuersum, unum asserunt esse. Atq; unum  
 dicitur, partim continuum ipsum, partim indiuisibile, partim  
 ea, quorum eadem, atq; una est ratio: ut temetum, ac uinum.  
 Si igitur est continuum ipsum unum, multa profectò est: conti-  
 nuum enim, in infinitum est diuisibile. Existit autem dubitatio 17.  
 de parte, ac toto, non ad sermonem fortassis accommodata, sed  
 per ipsam consideranda: utrum unum, an plura sint partes,  
 atq; totum? & quo pacto sint unum, uel plura: etsi sint plura,  
 quonam modo sint plura? Et de partibus non continuis, ea-  
 dem sunt quærenda. Et si utraq; pars, & ipsum totum sint  
 unum perinde atq; indiuisibile, & ipsæ profectò partes unum  
 identidem erunt. Atqui si unum est ut indiuisibile, nulla sanè 18.  
 quantitas, nulla qualitas crit. Neque igitur infinitum est id  
 quod est, ut dicit Melissus: neque finitum, ut Parmenides asse-  
 rit. Ipse nanque finis est (ut patet) indiuisibile, non ipsum  
 finitum. At uerò si omnia, quæ sunt, ratione sunt unum,  
 ut uestimentum, ac tunica, sit ut Heracliti sententiam dicant. 19.

Eadem



20. Eadem enim erit, boni maliq; ratio: & non boni, ac boni: quare idem erit bonum, atque non bonum, & homo ac equus idem: & homo atque non homo. At sermo ipsorum non unum ea quæ sunt, sed nihil asserit esse: & eadem insuper ratio qualitatis, ac quantitatis erit. At enim posteri quoq; perinde atque ueteres turbabantur, ne ipsis eueniât, ut res eadem simul sint unum & plura. Quapropter alij, est ipsum, auferēbant, uti Lycophron, alij dictionem transformabāt, hominem non album esse dicentes, sed albere: neque ambulātem esse, sed ambulare: ne ipsum, est, adiungētes, id quod est unum, esse multa asserant: quasi id quod est unum, aut id quod est, unice diceretur. Multa uerò sunt ea, quæ sunt, aut ratione: nam aliud est album, aliud musicū, ratione: idem autem est utrumque, ipsum igitur unum, plura nimirum est. Aut diuisione, ut totū ac partes. Sed hoc loco iam hasitabant, atq; ipsum unum, multa esse iam fatebātur, perinde quasi non posset idem, unū, ac plura esse, non tamen ea quæ opponuntur. Est enim ipsum unum, & potentia, & etiam actu. Hoc igitur modo nobis aduersus hanc sententiam proferentibus, ea quæ sunt, non posse unum esse, uidentur.

21. Vnum actu est, cū non est alterius pars: potestate uerò (id est, potētia) quādiu est alterius pars.

Quod non sit difficile, ut quis soluat rationes Parmenidis, & Melissi. Nam hic quidem utroque peccat, & Forma, & Materia syllogistica, quatenus & falsum ponit principium, & forma uirtutis vitiosa. Parmenidis autem ratio concludit quidem, sed aliud quā ipse instituat.

## CAPVT III.

22. **A**tqui neque difficile est ea soluere, quibus illi homines hanc suam sententiam ostendebant. Vterque enim contendendo ratiocinatur, & Parmenides, & Melissus: nam falsa sumunt, & rationes forma uitiosas efficiunt.

23. Melissi tamen ratio magis est inepta, neque ullam dubitationem

tionem habet profectio: sed uno absurdo dato, cetera acci-  
dunt: quod quidem nullam habet difficultatem. Patet itaq;  
uitiose Melissum argumētari: putat enim sumpsisse, si omne  
quod factum est, principium habet, id quod factum non est,  
principium non habere. Deinde hoc etiam est absurdum:  
cuiuslibet esse principium rei, & non temporis, & gene-  
rationis, non simplicis, sed etiam alterationis: quasi non fie-  
ret ulla mutatio simul. Præterea cur si est unum, immobile  
est? Cur enim & uniuersum non perinde atque pars, que  
quidem est unū (hæc inquam aqua) in eodem loco mouetur?  
Deinde cur alteratio non erit? At uerò neq; specie unum  
esse potest, nisi eo ex quo fit ortus: hoc autem pacto, non-  
nulli etiam naturales, unū esse omnia, dicunt. Sed illo modo  
esse non potest: homo nanq; specie differt ab equo, & con-  
traria inter sese simili modo. Idem & ad Parmenidem mo-  
dus est rationū, & si qui alij proprii sunt. Atq; solutio est,  
partim ex eo quia falsa sumit, partim ex eo quia non con-  
cludit. Nam falsa quidem sumit, quia id quod est, pluribus  
modis dicitur: ipse uerò, simpliciter illud accipit dici. Non  
concludit autem, quia si sola alba sumantur, ipso albo unum  
significante, non minus alba plura erunt, & non unum:  
nam album ipsum, nec continuatione erit unum, nec ratio-  
ne. Alia nanque ratio erit albi, alia eius quod album susce-  
pit, atque non erit præter album ipsum separabile quic-  
quam: non enim hoc rationem propriam habet, quo sepa-  
rabile est, sed albi ratio, & eius in quo est, non est eadem,  
sed diuersa. At Parmenides nondum id ipsum uidebat. Ne-  
cesse est igitur eos sumere, qui id, quod est unum inquitunt  
esse, non solum unum significare id, quod est, de quo prædi-  
cabitur, sed etiam quod propriè est ens, & quod propriè  
unum est. Accidens enim de subiecto aliquo dicitur: quare  
b illud

illud, cui id, quod est, accedit, non erit : est enim aliud ab eo  
 quod est. Erit ergo quippiam quod non est : non ergo id  
 quod propriè est ens, alij inerit : non enim rationem entis  
 subibit, nisi id quod est, plura significet hoc pacto; ut quod-  
 que quippiam sit: at id quod est, unum significare supponi-  
 tur. Si igitur id quod propriè est ens, non accedit cuiquam,  
 sed aliquid illi aliud accedit: cur id quod est ens propriè, ens  
 significat potius, quàm non ens? Nam si id quod propriè  
 est ens, erit etiam album, album autem non est propriè ens  
 (neque enim id quod est, ipsi accidere potest: nihil est enim  
 ens, quod non est propriè ens) album ergo non est ens: atq;  
 non hoc quidem pacto, ut quippiam non sit, sed ut omnino  
 non sit. Si igitur (ut diximus) id quod est propriè ens, erit  
 etiam album, fit ut id non sit ens, quod est propriè ens: ue-  
 re enim dicemus, si illud album esse dixerimus. At hoc, non  
 ens (ut supponebatur) significabat : quare si album etiam  
 propriè ens significat, non unum id quod est, sed plura sa-  
 nè significat. Neq; igitur magnitudinem habebit id quod  
 est, si id sit quod est propriè ens: ratio namq; partis uariisq;  
 diuersa nimirum est. Diuidi autem id quod est propriè ens  
 in aliquid aliud propriè ens ex ratione etiam patet: ueluti  
 si homo ens propriè quippiam est, & animal necesse est  
 propriè quid esse, & itidem bipes. Nam si ita non sit, ac-  
 cidentia erunt profectò: aut igitur homini, aut alij subiecto  
 cuiquam accidunt : at neutrum esse potest. Accidens enim  
 aut id dicitur, quod inesse potest ac non inesse : aut id, cui-  
 ius in ratione id, cui accedit, sumitur: ceu sessio quidem est,  
 ut illud quod separatur : similitas autem id, cuius in ratione  
 sumitur nasus, cui similitatem dicimus accidisse. Præterea in  
 eorum ratione, quæ in definitiua ratione cuiuspiam insunt,  
 aut eorum ex quibus quippiam cõstat, nunquam ipsius to-



tius ratio inest, ceu in bipede, ratio hominis: aut in albo, ratio hominis albi. Si hæc igitur ita sunt, atq; homini bipes accedit, separabile ipsum esse necesse est: quare fieri potest, ut homo bipes non sit. Vel in ratione bipedis inerit ipsius hominis ratio: at fieri nequit: illud enim in ratione hominis inest. Quod si bipes, ac animal alij cuiuspiam accidunt, & neutrum est quod propriè ens: homo quoq; ex ijs erit perfectò, quæ alij accidunt. At quod propriè est, nulli sit accidens. Et de quo ambo dicuntur, atq; utrunq; dicatur, & id quod ex illis componitur. Ipsum igitur uniuersum ex indiuisibilibus constat. Quidam autem utrisq; rationibus concesserunt. Ei quidem quæ omnia unum esse concludit, si id quod est, unum significat: id quod haud est esse dicentes. Ei uerò quæ ex partitione procedit, indiuiduas magnitudines facientes. Patet autem & uerum non esse, si id quod est, unum significat: & fieri non potest, ut simul sit contradictio, nō fore quicquam non ens: nihil enim obstat, ut id quod non est, non sit absolute non ens, sed non ens quippiam sit. Dicere quoq; si nō quippiam aliud erit præter id ipsum quod est, unū omnia fore, perabsurdū est sanè. Quis enim ipsum quod est, aliud quicquam esse intelligit, quàm id quod est propriè ens? Quod & si ita est, nihil tamen prohibet multa esse ea quæ sunt, ut diximus. Patet igitur impossibile esse, ut id quod est, hoc modo sit unum.

Confutatio eorum qui perperam sentiunt de principiis rerum: naturalius tamen sunt locuti, atque nomine Ens pro principio utuntur.

CAR. IIII.

**V**T naturales autem dicunt, duo sunt modi: quidā enim id quod est, unū subiectum corpus fecerunt, aut triuna unum, aut aliud quod igne quidem spissius, aëre uerò subtilius est. Cætera autem generari dicūt densitate, raritateq;

b

2

multa

30.

31.

1806

32.

multa facientes: hæc autem sunt contraria. Et uniuersaliter excessus, atque defectus: quemadmodum Plato magnum dicit, & paruum. Verum hic quidem hæc, materiam facit: ipsum autem unum, formam. Illi uerò, unum quidem (ipsum inquam subiectum) materiam: contraria uerò differentias, atque formas. Quidam autem ex ipso uno contrarietates, quæ quidem in ipso sunt, sequestrari dicunt: ut Anaximander, & qui unum, & plura principia inquirunt esse, ut Empedocles, ac Anaxagoras. Ex ipsa nanque congerie cætera segregant. Differunt tamen: alter enim conuersionem horum, alter semel segregationis principium facit. Et alter, infinita ea quæ sunt similium partium, atq; contraria: alter ea quæ uocantur elementa, tantummodo sumit.

33. Videtur autem Anaxagoras sic infinita esse putasse, quia communem illam opinionem Naturalium ueram esse existimabat: nihil inquam ex eo, quod non est, fieri atq; oriri: quapropter hoc dicunt modo, erant omnia simul. Et generationem, alterationem inquirunt esse: quidam uerò, congregationem, ac segregationem. Insuper, ex eo quia contraria ex sese mutuo fiunt: inerant ergo. Nam si omne quidem quod sit, aut ex entibus, aut ex non entibus fieri necesse est, atque oriri: ex non entibus autem nihil fieri potest: (de hac enim opinione Naturales omnes consentiunt) reliquum iam accipere necessario putauerunt, ex entibus quidem atq; ex hisce quæ insunt, fieri quodq; atq; oriri, ex insensibilibus uerò nobis ob paruitatem molis, ut dicunt. Quapropter inquirunt quodq; in quolibet esse mistum: quia quodlibet ex quouis oriri uidebatur: uideri uerò atq; dici diuersa, ex eo plane quod in mixture infinitorum maxime ob multitudinem suam excedit: nam totum album, aut nigrum, aut dulce, aut os, aut carnem, sincere non esse quicquam:

quam: sed cum plurimum habet quodq; id ipsius rei uideri naturam esse, dicebant. Si infinitum igitur, quo infinitum est, eo est ignotum: infinitum quidem multitudine, aut magnitudine, quantum quoddam ignotum erit. Infinitum autem forma, quale quoddam ignotum. Cum igitur principia rerum tam multitudine, quam specie sint infinita, fieri profecto nequit ut ea, quæ ex hisce constant, sciantur. Non dum compositum scire putamus, cum ex quibus, et quot ipsum constat, haud cognoscimus. Preterea si necesse est ipsum mole quantumvis esse posse, cuius pars magnitudine, paruitateq; quantumvis esse potest (dico autem aliquam talium partium quæ insunt, et in quas totum ipsum diuiditur) esse uero non potest planta, uel animal dicto modo quantumvis mole, patet neq; partium ullam identidem mole quantumvis esse posse: erit enim et totum quantumvis simili modo. At os, et caro, et istiusmodi cætera, partes sunt animalium: et fructus, plantarum. Patet igitur neq; os, neq; carnem, neq; aliud quicquam, eo modo quem diximus, mole quantumvis esse. Preterea, si talia omnia in cunctis insunt neque generatur quicquam, sed inest ac segregatur, atq; appellatur ab eo quod in ipso magis abundat: ex quouis denique fit quodlibet segregatione, uelut aqua ex carne, et caro ex aqua: cum omne corpus finitum ablatione finiti corporis consumatur, atque tollatur, constat non posse in unoquoque quodque inesse. Ablata enim ex aqua carne, rursusq; alia ex aqua reliqua segregata, et si semper minor ea, quæ secernitur erit, non tamen omni magnitudo in minor euadet. Quare si segregatio stabit, non in quolibet quoduis erit: in reliqua enim aqua nihil inerit carnis. Sin uero nullus segregationis exitus erit, sed semper sequestratio fiet: finita in magnitudine sanè aequalia fi-

35.

36.

37.

*L. p. 2  
quodlibet.*



38.

nita erunt, multitudine infinita: quod quidem est impossibile. Præterea si corpus omne, parte aliqua ab eo sublata, fieri se minus necesse est, carnis autem quantitas definita est ad molem utranque, patet minima ex carne nullum omnino corpus secerni posse, alioquin minima minor erit. Insuper infinitis corporibus caro iam infinita, sanguis, cerebrumq; inesset: unumquodq; tamen esset ab alijs separatum, & nihilominus infinitum: hoc autem metas egreditur rationis. Id uerò quod asseritur, nunquam segregata omnia fore, non scienter quidem dicitur, rectè tamen: affectus enim inseparabiles sunt. Cum igitur colores, atq; habitus misti sint, si fuerint segregati, erit quippiam album, aut sanum profecto, quod non aliud quicquam erit, nec in subiecto. Quare ipsa mens absurda est sanè, ea quærens, quæ fieri nequeunt, si separata quidem reddere uult: hoc autem efficere nequit, tam quantitatis, quam qualitatis etiam ratione. Quantitatis quidem, quia non est minima magnitudo: qualitatis autem, quia affectus inseparabiles sunt. Neque etiam rectè generationem eorum quæ partium sunt conformium, capit: lutum nanque tum in luto, tum non in luto diuiditur. Nec ut lateres ex domo, & domus ex lateribus fit, sic aqua & aer ex sese mutuo sunt, & fiunt. Melius autem est pauciora principia, finitaq; sumere, quod quidem Empedocles facit.

40.

Quod principia oporteret finita ponere. CAP. V.

41.

**O**Mnes igitur contraria principia faciunt: & qui uniuersum unum esse, atq; immobile dicit (Parmenides enim calidum, frigidumq; principia facit, atq; hæc ignem, terramq; appellat) & qui rarum, & densum, principia inueniunt esse. Democritus quoq; plenum ipsa, atq; uacuum asserit esse, quorum alterum ut ens, alterum ut non ens esse dicit.

dicit. Insuper & hasce differentias assert, positionem, in- <sup>hanc r. mole</sup>  
 quam, figuram, ac ordinem: hæc autem contrariorum ge- <sup>ta omnia un</sup>  
 nera sunt. Positionis enim, supra & infra, ante & retrò: <sup>ex a. r. y.</sup>  
 figure uerò angulis constans, atq; non constans, rectum, &  
 circumflexum species sunt. <sup>42.</sup> Patet igitur, omnes contraria. Prima sunt,  
 quodammodo principia facere rerum, idq; nō sine ratione, quorum non  
 sunt intrin-  
<sup>y</sup> Principia nanque neq; ex sese mutuo, neq; ex alijs, & ex <sup>seca priora</sup>  
 ipsis omnia esse oportet; contrarijs autem primis hæc in- <sup>principia.</sup>  
<sup>43.</sup> sunt, quia nanq; sunt prima, ideo nō ex alijs sunt: quia uerò <sup>significatio p</sup>  
 contraria sunt, ideo nō ex sese mutuo fiunt, Verum id ipsum <sup>scripi.</sup>  
 quo pacto sit, et ratione consideremus oportet. Sumendum <sup>43.</sup>  
 est igitur primum, non quoduis eorum quæ sunt in quoduis <sup>in d. d. a.</sup>  
 agere, neq; quoduis pati à quouis aptum esse, neq; ex quia <sup>h. e. i. r. a. u.</sup>  
 buscunque quiduis, fieri, nisi quis per accidens sumpserit: <sup>in subiecto.</sup>  
 quo nanq; pacto fiet, album uel nigrum ex musico, nisi albo <sup>et a. d. e. r.</sup>  
 uel nigro sit accidens musicum; Sed album quidem fit è non <sup>fit in subiecto</sup>  
 albo, atq; ex hoc non quouis, sed è nigro, uel aliquo medio <sup>ut albo d. g.</sup>  
 rum. Musicū autem è non musico, atq; hoc ex non quouis, <sup>est in pariet</sup>  
 sed ex immusico: uel è medio, si aliquid inter ipsa medium <sup>d. h. e. y. l.</sup>  
 est. Neque rursus in quoduis primum, unumquodque cor- <sup>44.</sup>  
 rumpitur: uelut album, non immusicum (nisi id ipsum non <sup>ad. album d.</sup>  
 nunquam accadat) sed in non album corrumpitur: atque in <sup>incomparat</sup>  
 hoc non quoduis, sed in nigrum, aut in medium. Eodem <sup>albedo sed</sup>  
 modo musicum etiam in non musicum: atque in hoc non <sup>in subiecto d.</sup>  
 quoduis, sed in immusicum uel in medium, si quid inter ipsa <sup>albo.</sup>  
 medium sit, corrumpitur. Similiter fit & in cæteris. <sup>45.</sup> Nam  
 & ea quæ non simplicia, sed composita sunt, eandem sub-  
 eunt rationem: sed latet id ipsum ex eo, quia dispositiones  
 oppositæ nominibus carent. Etenim omne constructum ex  
 inconstructo, atq; inconstructum è constructo fiat, necesse  
 est: constructum etiam in inconstructum, & in ipsum non  
 quoduis

46.

R. 1.

47.

48.

49.

quoduis, sed in oppositum, necesse est corrumpatur. Nihil autem interest, siue in constructione, siue in ordine, siue in compositione, hæc ipsa dicantur: patet enim, eandem rationem in cunctis esse. Atq; domum, statuam, & quoduis aliud similiter fieri: domus enim ex non compositis, sed hoc modo diuisis, & statua, figuratorumq; quoduis, e non sic figurato confici, fieriq; uidetur: atque hæc partim ordine, partim compositione constant. Si igitur hæc uera sunt, omne quod fit, e cōtrario profectò, aut e medio fit: & omne quod corrumpitur, in contrarium corrumpitur, uel in medium: media uerò sunt ex contrarijs, ceu colores ex albo, & nigro. Quare omnia quæ natura fiunt, aut contraria, aut ex contrarijs sunt. Plurimi igitur & ceterorum hucusque profecti, penè consentiunt, quemadmodum diximus antea. Nam omnes elementa, & ea, quæ ab ipsis principia nuncupantur, quanquam sine ratione, tamen contraria ponunt, quasi ab ipsa ueritate compulsi. Differunt tamen, quia quidam priora, quidam posteriora: & alij ratione, alij sensu notiora, accipiunt. Quidam enim calidum, frigidumq;: quidam humidum, atque siccum. Alij par, & impar: nonnulli concordiam discordiamue causas generationis esse dixerunt. Hæc autem inter sese dicto differunt modo. Quare eadem quodammodo, diuersaq; dicunt: diuersa quidem, sicut & plurimis uidetur: eadem autem, similitudine rationis: ex eadem nanque serie sumunt: contrariorum enim, alia continent, alia continentur. Hoc igitur pacto, eodem modo, diuersoq; & deterius, ac melius dicunt. Et quidem ratione, quidam sensu notiora sumunt, ut antea diximus: etenim uniuersale quidem notius est ratione, singulare autem sensu: ratio nanque ipsius est uniuersalis, sensu uerò particulari: uelut magnum quidem, & paruum, ratione:



rarum autem, & densum, sensu sunt notiora. Patet igitur oportere contraria principia rerum esse.

De numero principiorum naturalium iuxta veritatem, quod non sit unum solum, neque plura duobus aut tribus.

CAP. VI.

**D**Einceps uerò considerandum est, utrum duo, an tria, an plura principia sint: unum enim principium esse non potest, quia non sunt ipsa contraria, unum. Nec etiam infinita, quia id quod est, sub scientiam sanè non cadet. Vna quoque contrarietas, est in omni genere uno: substantia uerò genus est quoddam unum. Et quia generatio ex finitis fieri potest, atque praestabilius est ex finitis, ut opinatur Empedocles, quam ex infinitis fieri generationem existimare: cuncta enim, quae ad generandas res pertinent, ex finitis, perinde atque Anaxagoras ex infinitis, reddere putat. Praeterea alij alia priora, contraria sunt: & ex alijs alia fiunt, seu dulce, & amarum: & album, & nigrum: principia uerò manere semper oportet. Ex his igitur neque unum, neque infinita principia esse constat. Cum autem sint finita, non facere duo solū, rationem aliquam habet. Dubitauerit enim non incongruè quispiam, quoniam pacto densitas apta est facere raritatem, aut raritas densitatem. Et alia quævis contrarietas, simili modo: non enim concordia discordiam, neque contrā discordia concordiam congregat, & aliquid facit ex ipsa, sed aliud quid tertium. amb. Atqui sunt qui plura etiam sumunt, ex quibus eorum, quæ sunt, naturam conficiunt. Insuper & id quispiam dubitauerit, nisi quispiam aliam quandam contrarijs naturam subiecerit: nullius enim eorum, quæ sunt, substantiam contrariarum esse uidemus. Principium autem de nullo subiecto dicatur oportet, alioqui principij principium erit: subiectum

50.

Vna contrarietas, hoc est, duo ad inuicem contraria.

Contraria priora sunt substantialia: posteriora, accidentalia. 51

52.

Nota.

b

s

etum

Arum. 2.

53.

54.

55.

56.

etum enim, principium, & prius predicato esse uidetur. Præterea substantiam non esse contrariam substantiæ dicimus. Quonam igitur pacto substantia ex non substantijs, aut non substantia, substantia prius erit? Quamobrem necesse est eum, qui priorem, atq; hanc rationem ueram esse existimauerit, si ambas seruare uoluerit, tertium aliquod contrarijs ipsis subijcere: quemadmodum dicunt ij, qui solam unam quandam naturam, uniuersum asserunt esse, ut aquam, aut ignem, aut medium, quod inter hæc collocant. Atq; uidetur, ipsum medium magis: nam ignis, terra, ær, & aqua, cum cōtrarietatibus sunt annexa. Idcirco non sine ratione agunt, qui subiectū ipsum aliud ab his faciunt. Caterorū autem, quidam ærem ponunt: ær enim minime respectu caterorum differentias sensibiles habet, atq; hunc sequitur aqua. Verū enim omnes hoc unum in figuris contrarijs uertunt, densitate, inquam, raritateq; & intensiōe, remissiōe uel: quæ quidē excessus omnino, defectusq; sunt, ut antea diximus. Hæc etiam opinio uetus quædam esse uidetur, in unum, inquam, & excessum atq; defectum, principia rerum esse: attamen non eodem modo: sed prisca, duo quidem agere, unum autem pati dicebant. At posteriorum quidam e contra unum quidem agere, duo uerò pati potius asserunt. Tria igitur elementa rerum esse putare, ex his, & istiusmodi alijs animaduersis, uidebitur aliquam rationem habere, sicut antea diximus: sed tribus ponere plura, nullam. Ad patiendam enim sufficiens est unum ipsum. Si uerò quatuor contrarijs sumptis, duæ contrarietates ponantur, utrisq; seorsum alia quædam natura media subijciatur oportet. Quod si ex sese uicissim generare possunt, superuacanea nimirum alicra contrarietas erit. Et in super fieri nequit, ut primæ contrarietates sint plures: substantia

stantia nanque unum quoddam est genus eius, quod est, ut patet: quare non genere, sed antecedendo, sequendo ueduntaxat, inter sese principia differrent: semper enim una est contrarietas in genere uno, atque omnes contrarietates ad unum reduci uidentur. Patet igitur neque unum elementum, neque plura duobus, uel tribus, esse. Horum autem utrum sit asserendum, magnam dubitationem nimium habet.

De numero principiorum naturalium.

CAP. VII.

57.

**H**oc igitur modo nos dicimus, primo de omni genere ratione simpliciter pertractantes. Est enim nature accommodatum, primum communia dicere: deinde ea, que circa unumquodque sunt propria, contemplari. Nam quipiam est quopiam, ac aliud ex alio fieri dicimus, aut simplicia dicentes, aut composita. Dico autem hoc pacto: fit enim homo, musicus: & non musicus, musicus: aut non musicus homo, musicus homo. Simplex itaque dico ipsum fiens: hominem, inquam, & non musicum: & id etiam quod fit, id est musicum. Compositum uero, & id quod fit, & id ipsum fiens etiam, cum non musicum hominem, musicum hominem fieri dicimus. Horum autem alterum, non solum hoc aliquid, sed etiam ex hoc fieri dicitur, ceu est non musico musicus: alterum, non hoc in omnibus dicitur modo. Non enim ex homine musicus, sed homo fit musicus, dicitur. At uero eorum, que ut simplicia fieri dicimus, alterum permanens fit, alterum non permanens. Nam homo quidem permanet, cum fit musicus homo. Non musicum autem, & immusicum, neque simplex, neque compositum permanet.

Que cum ita sint, hoc est ex omnibus, que fiunt, accipiendum, si quis inspexerit, uti diximus, aliquid semper subijci oportere, ipsum inquam fiens. Quod & si numero

Simplicia dicimus, cum extrema sunt incomplexa: ut homo fit musicus. Composita uero cum alterum complexum est, ut immusicus homo fit musicus.

59.

60.

unum



61. unum est, non tamen est specie unum: atq; pro eodem accipio, specie, rationeq; differre: non enim est eadem hominis, & immusici ratio: atque alterum permanet, alterum non permanet. Id enim quod non opponitur, permanet, homo namq; permanet: musicum autem, & immusicum non permanet, neq; id quod ex utrisque componitur, uelut immusicus homo. At uerò quippiam è quopiam, & non hoc fieri, in ijsce magis dicitur, quæ non permanet: ceu ex immusico fieri musicum dicitur, ex homine uerò non dicitur. Verum & in ijsce, quæ permanent, interdum eodem dicitur modo: ex ære namq; statuam, non æs statuam fieri dicitur. In eo tamen, quod opponitur, & non permanet, utroque dicitur modo: & ex hoc fieri hoc, ut ex immusico musicus: & hoc fieri hoc, uelut immusicus musicus. Itcirco & in composito similiter dicit: ex immusico namq; homine, atque immusicus homo, musicus homo fieri dicitur.

62. Cum autem fieri multis modis dicatur, & quedam non absolute fieri, sed hoc aliquid fieri, quedam simpliciter fieri dicantur, quod quidem solis substantijs competit, in ceteris quidem patet aliquid (ipsum inquam fiens) necessario subijci, nam quantum, & quale, & ad aliquid, & quando, & ubi, fit aliquare subiecta, propterea quòd substantia sola de nullo subiecto dicitur alio: cetera autem uniuersa de substantia ipsa dicuntur. At substantiam etiam, & quæcumque alia simpliciter sunt, ex subiecto fieri aliquo, patefiet sanè diligenter consideranti: semper enim est aliquid quod subijcitur, ex quo generatur id quod fit. Plantæ namque, & animalia, ex semine fiunt. Eorum autem, quæ fiunt simpliciter, quedam transfiguratione fiunt, ut statua: quædam additione, ut ea, quæ incrementa suscipiunt: quedam ablatione, ut è lapide Mercurius: quedam compositione,

ut domus: quædam alteratione, ut ea quæ uertuntur mate-  
 ria. Atque patet, ex subiectis omnia fieri, quæ hoc pacto  
 fiunt. Quare patet ex dictis. omne quod fit, semper compo-  
 situm esse. Atque est quidem aliquid quod fit: est autem  
 aliquid, quod istud fit, & hoc est duplex. Est enim aut sub-  
 iectum, aut oppositum: atque opponi quidem immusicum,  
 subijci autem hominem, dico. Et uacuitatem quidem figu-  
 ra, & informitatem, uel inordinationem, oppositum: æs au-  
 tem, lapidem, aurum q; subiectum. Si igitur eorum quæ  
 natura constant, cause, atque principia sunt, ex quibus pri-  
 mis constant, ac facta sunt non per accidens, sed unūquod-  
 que id quod per substantiam dicitur, patet omnia fieri ex  
 subiecto, ac forma: musicus enim homo, ex homine quo-  
 dammodo, musico uel componitur: rationes enim in illo-  
 rum rationes dissolues. Vniuersa igitur quæ fiunt, ex hisce  
 porro fieri patet: atqui subiectum ipsum numero quidem  
 est unum, <sup>ratione autem</sup> duo. Homo namq; & aurum, ac  
 omnino materia, numerabile est: est enim hoc aliquid ma-  
 gis, atque id quod fit, non per accidens ex ipso gignitur.

At priuatio, ipsum inquam oppositum, accidens est:  
 forma autem est unum, ut ordo, uel musica, uel eorum ali-  
 quid quæ simili modo dicuntur. Quapropter ipsa princi-  
 pia, tum duo, tum tria dicenda sunt, & tum contraria: ue-  
 luti si quispiam dicat musicum, & immusicū: aut calidum,  
 & frigidum: aut constructum, & inconstructum: tum non  
 contraria: fieri enim non potest, ut mutuo contraria pa-  
 tiantur. Soluitur autem & hoc, quia aliud est ipsum subie-  
 ctum: hoc enim non est (ut patet) contrarium: quare prin-  
 cipia neq; plura contrariis quodammodo sunt, sed duo (ut  
 ita dicam) numero, neq; rursus penitus duo, quia ipsorum  
 ratio est diuersa, sed tria: diuersa enim est hominis ratio,

68.

et immixti, et uacantis figura, et aeris. Quot igitur principia sunt naturalium rerum, quibus generatio competit, et quonam modo sunt tot, satis iam explicuimus. Atque patet aliquid ipsis contrariis subijci oportere, et contraria duo esse: modo autem quodam alio, non necessarium esse: erit enim sufficiens contrariorum alterum, ad

69.

faciendam absentia, presentiaque sui, mutationem. Natura autem ea quae subijcitur, similitudine rationis sub scientiam cadit. Nam ut ad statuum aë, aut ad lecticam lignum, aut ad aliquid aliud eorum, quae formam habent, materies, atque informe sese habet antequam suscipiat formam: sic ad substantiam et hoc aliquid, atque id quod est, haec sese habere uidetur. Vnum igitur haec principium est, non tamen est

Unde  
p. 1. 1. 1. 1. 1.

70.

unum, neque ens, perinde atque hoc aliquid. Vnum etiam principium est ratio: et insuper id, quod est contrarium huic, ipsa inquam priuatio. Haec autem quonam pacto duo sunt, atque plura, paulo antea diximus. Primum igitur dictum est, contraria solum principia esse: deinde necessarium esse, quoddam etiam aliud subijci, triaque esse. Ex hisce uero, quae nunc diximus, patet quae nam est differentia contrariorum, et quomodo principia se habent, et quid est ipsum subiectum. Sed utrum forma substantia sit, an subiectum, nondum emerfit: patet tamen tria principia rerum esse, et quonam pacto, atque quis ipsorum sit modus. Quot igitur, et quae sint principia rerum, ex hisce, quae diximus, sit perspectum.

In quem errorem inciderint antiqui ex Ignoratione Materiae: atque eiusdem erroris dissolutio. CAP. VIII.

71.

Post haec autem et dubitationem ueterum unice hoc pacto solui dicamus. Primi nanque Philosophi ueritatem, atque naturam eorum, quae sunt, quærentes exorbi-

tarunt



tarunt, quasi ad aliam uiam quandam à ruditate depulsi.

Atque asserunt neq; fieri quicquam eorum, quæ sunt, neq; corrumpi: propterea quod necesse est quidem omne quod fit, aut ex ente, aut è non ente fieri, generariq;: neutrum autem esse potest. Neque enim fit id, quod est: iam enim est, & ex non ente nihil fieri potest. Aliquid enim subiiciatur oportet. Atq; hoc pacto id quod deinceps accidit, augen-

tes, neque multa inquirunt esse, sed solum ipsum quod est.

Illi igitur ob ea, quæ dicta sunt, hanc habuerunt opinionem.

Nos autem uno quidem modo, nihil inter hæc dicimus in-

teresse, ex ente, inquam, aut è non ente fieri, & id quod

non est, aut quod est, agere quippiam, aut pati, aut quoduis

hoc fieri. & medicum agere quippiam, aut pati, aut è me-

dico aliquid esse, aut oriri. Quare cum id dicatur duplici-

ter, patet & ex ente fieri, aut id quod est, agere, aut pati,

duobus modis identidem dici. Aedificat igitur medicus, non

ut est medicus, sed ut aedificator: & albus fit, non hoc sanè

quo medicus est, sed quo niger: medetur autem, & medici-

nam amittit, quo medicus est. Atq; cum maximè ipsum me-

dicum agere quippiam aut pati dicamus, uel è medico fie-

ri, si illud agat, uel patiatur ut medicus, patet & hoc, è non

ente inquam fieri, id significare ut non ens est. Quod qui-

dem cum non distinxissent illi, longè à ueritate semoti sunt:

& ob ignorationem hanc, adeò insuper ignorarunt, ut ni-

hil fieri prorsus, neque cæterorum quicquam esse arbitra-

rentur, sed omnem tollerent generationem. Nos autem &

ipsi dicimus nihil quidè fieri simpliciter ex non ente, tamen

ex non ente per accidens fieri: ex priuatione enim, quæ

est per se non ens, & quæ non inest, fieri dicimus. Afficit

itaq; id admiratione, ac impossibile esse uidetur, ex non en-

te fieri. Similiter autem neque ex eo, quod est, neq; id quod

est

Non ens sim-  
pliciter dici-  
tur, quod nul-  
lo modo est.

est fieri, nisi per accidens. Sic autem & hoc fieri dicimus eodem modo, ceu si animal ex animali fieret, & aliquod animal ex quopiam animali: ut si canis ex equo fieret: etenim canis non solum ex animali quodam, sed ex animali etiam fiet, sed nō ut est animal: iam enim idipsum est. Si uerò quippiam emerfurū est animal, non per accidens, 77 non erit ex animali. Et si quid ens orietur, non ex ente neque ē non ente, fiet. Dictum est enim, quid significat, ē non ente fieri. eo nanque pacto, quo est non ens. Insuper 78 neque hoc, esse inquam omne, aut non esse tollimus. is igitur, unus est modus solutionis. Alius autem, est per potentiam, atque actum. Dici autem hæc possunt, potentia, atque actu: hoc autem alijs in locis exacte magis determinauimus. Quare, ut dicebamus, dubitationes ille soluuntur, ob quas quedam eorum, quæ dicta sunt, compulsi tollunt antiqui: ob hoc enim tantum exorbitarunt ab ea uia, qua ad generationem, corruptionem uē, atque omnino mutationem acceditur. Hæc enim natura si uisa fuisset, omnem hanc ipsorum ignorationem utique dissoluisset.

In quem errorem inciderint antiqui ex ignoratione Priuationis: & eius dissolutio. CAP. IX.

79 Ipsam igitur & alij quidam, sed non sufficienter utique tetigere. Primum enim ex non ente simpliciter aliud fieri, atque oriri fatentur, ea sanè ratione, qua Parmenidem rectè dicere arbitrantur. Deinde si est una numero, & una solum potētia, ipsis esse uidetur. Hoc autem plurimum sanè differt. Nos enim materiam, priuationem uē, diuersa dicimus esse: atque materiam quidem, non ens esse per accidens, priuationem uerò per se, censemus. Et illam quidem propè, atque quodammodo substantiam, priuationem 80 uerò substantiam nullo modo esse asserimus. At illi, id quod

Non ens per se, est quod hoc aliquid non est aut ipsum cōstituēdo remanens.

quod non est, magnum, paruumq; similiter inquirunt esse, aut utrunque simul, aut utrunque seorsum. Quare modus hic trinitatis diuersus ab illo penitus est: hucusque nanque progressi sunt, ut aliquam naturam oportere subijci dicant: hanc tamen unam faciunt. Nam & si quidam dualitatem facit, magnum & paruum ipsam appellans, nihilominus tamen idem facit, alteram enim despexit: etenim materies quidem permanens una cum forma causa est eorum, quæ fiunt, perinde ac mater. At contrarietatis altera pars, nec esse omnino persæpe ei uidebitur, qui mente ipsius maleficium intuetur. Nam cum sit quoddam diuinum, & bonum, ac appetibile: alterum ipsi contrarium esse dicimus: alterum, suapte natura affectat, atque appetit ipsum. Illis autem euenit, ut contrarium, interitum appetat suum: & tamen fieri nequit ut aut forma se ipsam appetat (quippe cum non indigeat sui) aut contrarium, cum contraria mutuo seipsa corrumpant: sed hoc, est materia perinde appetens illud, atque si femina marem, & turpe appetat pulchrum. Verum non est per se, sed per accidens turpe: nec per se femina, sed per accidens. At uerò cum corrumpitur, atque gignitur, tum neque fit, neque corrumpitur. Nam ut est quidem id in quo, per se corrumpitur. Id enim quod corrumpitur, in hoc est, ipsa inquam priuatio: at suapte potentia, non per se: sed nec occidat, nec oriatur, necesse est: nam si gignitur, subiiciatur aliud primum oportet ex quo hoc pacto nascetur, ut insit in ipsa: hoc autem, est ipsius natura, quare fit, ut sit antea quam sit orta. Etenim materiam id dico, quod primum est uniuscuiusque subiectum, è quo quippiam eo fit pacto, ut non per accidens insit: si corrumpitur, ad hoc ultimum sanè proficiscetur: quare erit corrupta antè quàm sit corrupta.

maton's Do  
finitio.



83. rupta. De principio uerò formali, utrum unum sit an plura, & quodnam sit, aut quæ sint, primæ Philosophiæ diligenter, exquisitèq; officium est determinare, ac pertractare: quare hæc contemplatio, illo in tempore referuetur.

*indefinita  
positio.* De naturalibus uerò formis, quæ oriuntur, ac occidunt, in hisce quæ posterius ostendentur, dicemus, ac pertractabimus. Hoc igitur pacto sint hæc à nobis determinata, principia inquam esse, & quæ nam, & quot numero sint. Rursus autem alio principio sumpto dicamus.

# PHYSICORVM

ARISTOTELIS

LIBER II.

## Argumentum ex Simplicio.

**C**VM in hoc opere proposuisse principia tradere, & causas eorum, quæ natura constant, principiorum autem alia sint elementaria, alia efficientia, alia ut fines, ac primum offerant sese elementaria, quatenus id, quod sub cognitionem cadit, prouocat nos ad sui inquisitionem per suam naturam, ac constitutionem, quam quæ illi insunt elementa conficiunt. Idcirco in primo libro, post enumerationem priscaurum opinionum, ac confutationem eorundem, primorum principiorum elementarium inquisitionem fecit, ostendens generationes ex contrariis esse, quorum maxime communia sint forma, & priuatio: & insuper ex eo esse, quod contrariis subternitur. Ac de materia quidem ostendit, quod contrariis subiiciatur, atque in composito insit, quodque modo cognoscendi à physiologo comprehendatur, & quod differt à priuatione: & quod sit ingenerabilis, & incorruptibilis. Et alia itidem, quæ Physicū conueniebat de ipsa asserre. Eodem modo de priuatione ostendit, & quod sit, & quo pacto, nempe per absentiam formæ à materia, quæ sit apta, quodque per se non sit, sed per accidens: & quod non sit causa, ut quæ insit, sed per accidens. Nam eò quod absit, quodque  
sit

fit generatilis, & corruptilis. His omnibus absolutis, & cōsequēter etiā dicturus de altero elemētari principio, quē formā est, quatenus Physicum decet, postmodū ad effectricem causam, atq; ad finem disputationē traducturus, quandoquidem forma cōposito & vt elemētum inest, & vt efficiens, de natura primū differit, quam ostēdet tum formam esse, tum effectricem causam. Dēinde cū alij formam, alij materiā dicant Naturam esse, ac rectiūs sentiant, qui formam inquirunt, necesse est vt ad discrimen amborū exponēdum, de Natura considerationē prēmittat. Postremò, quia materia sanē, & quæ Naturæ, & quæ arti subest, eandem contemplationē habet: forma autē artis foris habet omne principiū motionis, Naturæ autē intus habet. Quapropter oportebat eum, qui de forma naturali dicturus esset, distinguere quæ sunt ab aliis, quæ nō natura cōstant. Et alioqui etiā accōmodatus huic loco erat sermo de natura. Nā in primo libro omnia cōmunia mutationis inquirebat, vnde & eius, quæ in arte fit, exempla adferebat, musicum & immusicū scilicet. Inde separatis artificialibus ab iis, quæ erant Natura, de solis his differuit, relictis illis. Et oīno necessariū est cognitu, & quid sit esse Natura, & quid secundū Naturam, quid præter Naturam: quōue modo hæc inter se differant, qui volet de Natura contemplari. Horū autē omnium prima est Naturæ cognitio, quapropter de eo primū pertractat. Non quærit tamē an sit, quod id sit manifestū: sed quid sit ipsa ostendit. Cū autem ea, quæ natura administrat, & Mathematicus consideret, & medicus, & is, qui dicitur Naturalis, exhibet pulchrē horū omnino differentiā. Dēinceps causas distinguit, quot, & quæ sint adiectis cuiq; differētiæ idoneis exēplis. Cēterum quia nonnulli Casum, & fortunā inter causas statuerūt, velut qui spōrē, & temerē quædā fieri putarunt, ex quorū positione sequitur, quāuis id nō animaduertāt, suprema omniū hæc principia esse. Nam etsi ponant Deum ac materiem, quo pacto euenit, vt ille ageret, hæc pateretur, si nō sit alia causa huius cōgressus? Quare à fortuna, ac temerē euenient maxima, ac iuxta Naturā stabiliissima quæq;. Hæc diligenter ad eō contēplatus, atq; reprehensis iis, qui hæc inter causas ponētes nihil de ipsis dixerūt, exactam distinctionē affert, vtriusq; Fortunam esse inquirens: in iis quorum est consilium, & electio. Casum in cæteris.



1. **E**ORVM quæ sunt, quædam sunt Natura, quædam ob alias causas. Natura quidem sunt animalia, partesq; ipsorum, & plantæ, & simplicia corpora: ut terra, ignis, aër, & aqua: hæc enim, & huiusmodi res, natura dicimus esse. Omnia autem, quæ dicta sunt, ab hisce, quæ non natura constant, differre uidentur. Nam ea quidem, quæ natura constant, principium in seipsis uniuersa motus, status uel partim eius, qui loco accommodatur, partim accretionis, decretionis uel, partim alterationis habere uidentur. At lectica, uestis, & quicquid sit aliud similis generis, quo quidem huiusmodi nominibus appellantur, atq; ab arte sunt, hoc nullum principium mutationis insitum habet. Quò uero ipsis accidit, ut sint lapideæ, uel terree, uel ex his mixtæ, eo motus quietis uel principium habent. 2. **Q**uæ cum ita sint, patet naturam principium esse quoddam, & causam, ut id moueatur, atq; quiescat, in quo primò per se, & non per accidens inest. Dico autem non per accidens, quia sibi ipsi quispiam medicus sanitatis causa fieri potest: attamen non quo sanatur, eo medicinam habet, sed accidit, ut idem sit medicus, subiectsq; sanationem: quapropter & separantur nonnunquam. Similiter sese habet, & unumquodq; ceterorum, quæ per artem efficiuntur: nihil enim ipsorum effectio in se principium habet: sed quædam in alijs atque extrinsecus habent, ut domus, & unumquodque eorum quæ manu conficiuntur.

3. **Q**uædam in seipsis quidem id habent, non tamen per se, quæcunq; causæ per accidens sibi fieri possunt. Id igitur 4. est natura, quod dictum est. Naturam autem habent, quæcunq; tale principium habent: atq; hæc omnia, substantiæ sunt:



sunt: subiectum enim quoddam, & in subiecto est semper natura. Secundum uerò naturam sunt & hæc ipsa, & etiam ea quæ hisce per se competunt, ut igni, ferri sursum: hoc enim natura quidem non est, neque habet naturam, sed competit, & est natura, atque secundum naturam. Dictum est igitur quid est à natura, & quid id quod natura atque secundum naturam est. Eniti autem naturam esse ostendere, ridiculum est. Patet enim tales esse rerum complures: ostendere uerò ea, quæ manifesta sunt, per ea quæ non sunt manifesta, hominis est profectò qui nequit id, quod est per se notum, & id quod non est per se notum, discernere: atq; id fieri posse, non est obscurum. Ratiocinabitur enim de coloribus quispiam ortus cæcus: quare necesse est tales homines de nominibus loqui, nihil autem intelligere.

Natura autem, substantiaq; eorum, quæ sunt natura, id quibusdam esse uidetur, quod primum cuilibet inest informæ per se. Veluti lecticæ quidem natura, lignum: statuæ autem, æs: cuius hoc signum Antiphon esse dicebat. Nam si quispiam lecticam obruerit humo: uimq; putredo acciperit, ut germen emittat, non lectica, sed lignum inde emerget, atq; pullulabit: propterea quòd dispositio quidem quæ lege, atq; arte conficitur, per accidens est: substantia uerò est illa, quæ & continuè dispositiones hæc suscipiens permanet. Quòd si cuilibet etiam istorum ad aliud quipiam hoc idem accidit (ut æri quidem, auroq; ad aliquam, ossibus autem atque lignis ad terram, cæterisq; similiter) patet illa naturam ipsorum, atque substantiam esse. Quæ propter quidam terram, quidam aquam, quidam horum aliqua, quidam hæc omnia eorum quæ sunt, naturam esse dixerunt. Quod enim quisq; tale esse putauit, siue unum, siue plura, id totq; uniuersam substantiam esse dicit: cætera

uerò cuncta, affectus horum, habitus, ac dispositiones. Et  
 10 horum quidem quoduis perpetuum esse. Non enim ex sese  
 mutationem ipsis competere: cetera autem infinities fieri  
 atq; corrumpi. Vno igitur modo natura sic dicitur, prima  
 cuiq; subiecta materies eorum, quæ motus in se, mutatio=  
 nisq; principium habent. Alio uerò modo ipsa forma, &  
 11 species, quæ rationi accommodatur. Nam ut ars dicitur,  
 quod secundum artem extructum est, atq; artificiosum: sic  
 & natura dicitur, quod est secundum naturam, & natu=  
 rale. Atque neq; illud habere quicquam secundum artem,  
 ut artem esse dicimus: si lectica potentia tantum est: nõdum  
 autem habet formam lecticæ: neque esse secundum artem,  
 neq; in hisce quæ constant natura. Quod enim est potentia  
 caro, uel os, id nondum habet suam naturã ante, quàm acci=  
 piat formam, quæ ad rationem accommodatur: quam assi=  
 gnantes, quod est os dicimus, aut caro: neq; constat natura.  
 12 Quare alio modo natura, forma & species est eorum,  
 quæ in seipsis motus principium habent: quæ quidem non  
 est separabilis, nisi ratione duntaxat. Id autem quod ex his  
 est compositum, natura quidem non est, sed est, & constat  
 natura, ut homo. Atque natura magis hæc est, quàm mate=  
 ries. Vnumquodque enim tum magis dicitur, cum est actu,  
 13 quàm cum potentia. Præterea ex homine nascitur homo:  
 sed non è lectica, lectica. Quapropter & inquirunt non fi=  
 guram esse naturam, sed lignum: quia fiet, si pullulabit, non  
 lectica, sed lignum: quod si ita est, & ipsa forma est profe=  
 14 ctò natura: fit enim ex homine, homo. Insuper ea natura  
 quæ ut generatio dicitur, uia est ad naturam: non enim ut  
 medicatio, non ad medicinam, sed ad sanitatem dicitur uia,  
 (medicationem enim, à medicina, non ad medicinam esse  
 necesse est) sic ad naturam sese habet natura. Sed id quod  
 nascitur,

nascitur, ex quodam, & quoddam, ut nascitur, proficiscitur: ad quod igitur proficiscendo nascitur: nempe non ad id ex quo, sed ad id ad quod fit profectio. Forma igitur est natura: forma autem atque natura, dupliciter dicitur. Ipsa nanque priuatio, forma quodammodo est. Si uerò sit priuatio, & contrarium aliquod circa simplicem generationem nec ne, posterius considerare oportet.

Quo pacto differat Naturalis à Mathematico. CAP. II. 16.

**C**um autem determinatum sit quot modis natura dicatur, posthac contemplandum est, quo Mathematicus à naturali philosopho differt: nam corpora naturalia superficies habent, & solida longitudines, atq; puncta: de quibus considerat Mathematicus. Et insuper si astrologia, diuersa sit facultas, an pars scientiæ naturalis. Etenim si ad naturalem philosophum spectet, quidnam sit sol, aut quid luna scire, nullum autem eorum affectuum, qui per se illis competit, ad eundem scire pertineat, absurdū est sanè. Præterea uidentur ij, qui de natura loquuntur, & de solis, ac lune figura dicere, & utrum terra, mundus uel rotundus sit, an nō sit, considerare, ac pertractare. De his igitur & ipse Mathematicus tractat, sed non ut est quodq; naturalis corporis finis. Nec hoc accidentia contemplatur, quo talibus accidunt: quapropter & separat: mente namq; à motu separabilia sunt, nihilq; inest, neq; cum separant, efficitur falsum. Latent autem id agentes, & ij qui dicunt ideas esse: naturales enim separant formas, quæ minus separabiles sunt, quàm mathematicæ formæ. Quod quidem ita esse patebit, si quisquam utrorumq; definitiones, ipsarum inquam formarum naturalium, & accidentium dicere enitatur: etenim par quidem, & impar: rectum, & curuum: numerus insuper, linea, atq; figura, sine motu nimirum definientur:

Hic declarat Arist. qualis sit consideratio naturalis.

19. Determinant  
idea uel ab  
Cat.



at carnis, ossis, ac hominis definitio sine ipso non erit: sed hæc perinde atque nasus simus, sed non ut curuum, concauumq; dicuntur. Hoc idem indicant & mathematicarum facultatum hæ, quæ magis sunt naturales, ut perspectiua, Musica, & Astrologia: nam contrà quodam modo sese habent, atque Geometria. Geometria nanque de naturali quidem linea contemplatur, sed non ut est naturalis: perspectiua uerò mathematicam quidem considerat lineam, at non ut est mathematica, sed ut est naturalis. Cum autem natura sit duplex, materia atque forma, res naturales perinde contemblemur oportet, atque si de similitudine quidnam sit, consideremus. Quare neque sine materia, neque sine ratione materiæ, res huiuscemodi considerande esse uidentur. Nam & de hoc ipso quispiam dubitauerit, cum due sint naturæ, de utraque considerare ad naturalem philosophum pertinet, an de eo quod ex utrisque componitur? Quod si de ipso, & de utraque contemplari, ad eundem utique spectat. Vtrum igitur eiusdem sit facultatis, an diuersarum, utranque cognoscere? Nam respicienti quidem ad ueteres, materiæ cognitio ad ipsum uidebitur pertinere: perparum enim Empedocles, & Democritus formam, quidditatemq; tetigerunt. At si ars imitatur naturam, eiusdem autem scientiæ est, formam, atque materiam usque ad terminum quendam cognoscere: ueluti medici sanitatem, & bilem, atque pituitam, in quibus est sanitas: & edificatoris similiter formam ipsius domus, atque materiam, lateres, inquam, ac ligna: & cæterorum eodem modo: naturalis etiam facultatis erit profectò utrasque naturas cognoscere. Præterea facultatis eiusdem est, id gratia cuius, finemq; & ea, quæ horum gratia sunt cognoscere. At natura, finis est, & id cuius gratia. Quorum nanque

*Secundu.*  
*Philosophum*  
*intelligere*

namque motionis si sit continua, finis aliquis est: eorum is ultimum est, & id cuius gratia. Quapropter & poeta ridiculè compulsus est ad hanc sententiam afferendam, Extremum ob quod natus erat, fatumq; petiuit. Non enim quoduis ultimum finis est: sed id quod est optimum. Artes præterea materiam faciunt. quedam simpliciter, quedam aptam idoneamq; ad opus: & utimur, quia omnia sunt gratia nostri: sumus enim & nos quodammodo finis. Id enim cuius gratia cætera sunt, dupliciter dicitur, ut in Philosophia distinximus. Dæ igitur domine sunt materiei, cognoscentesq; artes, ea quæ utitur, & ea quæ præest faciendorum operum facultati, ipsa inquam Architectura: quapropter & ea quæ utitur, architectura quodammodo est, sed hoc interest: altera nanque formam cognoscit, altera materiam facit. Nam gubernator quidem qualis est forma clavi, cognoscit, ac iubet: at architectus extruendæ navis, quali ex ligno, & qualibus ex motibus erit. In ijs igitur, quæ per artem conficiuntur, nos operis extruendi causa materiam facimus. In naturalibus autem ipsa existit. Insus per materies est eorum, quæ sunt ad aliquid: alia enim ad aliam est formam accommodata. At quousque naturalem philosophum formam: & ipsum quid est, scire oportet? an ut medicum neruum, uel fabrum æs, usque ad quandam terminum considerare oportet? Alicuius nanque gratia est unaquæque, & circa eas uersari, quæ separabiles quidem sunt ratione, in materia autem sunt. Homo nanque generat hominem, atque sol. Quo uerò modo sese habeat separabilis forma, & quidnam sit, philosophiæ primæ officium est determinare, ac pertractare.

Medicatiois finis est sanitas: finis enim est cuius gratia alia sunt: quomodo mors minime finis est. Nascimur enim ut naturæ functiones exequamur in corpore, & animæ perfectio nem assequamur.

¶ *per se possumus materia 66 organica uti.*

26.

27.

*Secundum formam separabilem & spiritibus. + alia formis*

Quòd oporteat naturalem causarum expositionem facere: & quot sint, & quæ sint.

CAP. III.

c 5

Deter

Hic Arist. de  
causis per se  
determinat.  
*et s. in d. l. b.*

28

*mutatio nis  
d. no. s. r. u.  
u. d. s. p. u. d. b. i. s.*

*l. u. m. e. d. i.  
m. o. n. d. o.*

**D**eterminatis autem hisce, considerandum est de causis,  
quales <sup>et</sup> quot <sup>in gratia</sup> sint numero. Nam cum hæc pertra-  
ctatio sciendi sit <sup>causa</sup> ~~causa~~, scire autem unumquodq; non prius  
putemus, quam circa unumquodq; propter quid est capia-  
mus, id autem sit primam accipere causam, patet <sup>et</sup> a no-  
bis hoc esse agendum, <sup>et</sup> de generatione, corruptione ue,  
<sup>et</sup> de omni naturali mutatione: ut ipsarū perceptis prin-  
cipijs, ad ipsa <sup>una</sup> quodque eorum quæ <sup>uult</sup> querimus, reducere  
enitmur. Vno itaque modo, causa dicitur id, ex quo quip-  
piam sit eo pacto ut insti: ut æs statue, argentumq; patere,  
<sup>et</sup> horum genera. Alio modo, forma, atq; exemplar: hæc  
est autem ratio quidditatis, <sup>et</sup> huius genera: uelut eius cō-  
centus, qui sonos omnes complectitur, ipsa duorū ad unum  
ratio, atq; omnino numerus: partes item quæ in ratione su-  
muntur. Præterea id unde primum principium est muta-  
tionis, aut quietis: qualis est causa is, qui consuluit: <sup>et</sup> pater  
filij: atque omnino quod efficit, eius quod efficitur: <sup>et</sup> quod  
mutat, eius quod mutatur. Insuper ut finis: hic autem est cu-  
ius gratia cetera fiunt: uelut deambulandi, sanitas: cur enim  
deambulat, interrogati, quo ualeat, respondemus: atq; si hoc  
pacto dixerimus, reddidisse causam arbitramur. Et quæ-  
cunque alio mouente inter ipsum, <sup>et</sup> finem fiunt: ut inter  
medicum, sanitatemq; macies, aut purgatio, aut instrumenta:  
30. differunt: alia namq; sunt opera, alia instrumenta. Cause igi-  
tur, tot ferè modis dicuntur. Fit autē ut cum multipliciter  
cause dicantur, multe etiam eiusdem sint non per accidens  
cause: ceu statue, <sup>et</sup> statuaria ars, <sup>et</sup> æs, non per aliud  
quicquam, sed ut statua est: at non eodē modo, sed æs quidē  
ut materia, ars autem ut id à quo motio proficiscitur. Sunt  
præterea quæ sibi sunt mutuo cause: ut exercitium, bonæ  
habit



habitudinis: & hæc, exercitij: at non eodem modo, sed hæc,  
ut finis: illud, ut principium motus. Idem insuper contrari-  
orum est causa: quod enim præsens, causa cuiuspiam est, id  
& absens nonnunquam causam esse contrarij dicimus. Vt  
gubernatoris absentiam, subuersoris nauis, cuius præsen-  
tia, causa erat salutis. Vniuersæ autem nunc dictæ causæ, 31.  
quatuor in genera manifestissima cadunt. Elementa namq;  
syllabarum, materies, conficiendorum operum arte: ignis,  
& talia, corporum, partes, totius: suppositiones denique,  
conclusionis. Vt id ex quo fit aliquid, causæ sunt. Atque ho-  
rum quedam sunt ut subiectum, ueluti partes: quedam ut  
quidditas, totum inquam, compositio, atq; forma. At semē,  
medicus, quiq; consuluit, & omnino efficiens, omnia sunt  
causæ: unde est mutationis principium, uel quietis, uel mo-  
tus. Quedam autem causæ sunt, ut finis, bonumq; cetero-  
rum. Id enim gratia cuius cetera fiunt, optimum esse solet,  
ac finis illorum. Interfit autem nihil, bonum ipsum, an ap-  
parens bonum dicatur. Tales igitur, atq; tot, causæ specie 32.  
esse uidentur. Modi autem causarum, numero quidem sunt  
multi: si in capita uerò redigantur, & ipsi pauciores eua-  
dunt: dicuntur enim causæ multipliciter, & ipsarum, quæ  
sunt eiusdem generis, alia prior, alia est posterior: ut sani-  
tatis medicus, atque artifex: & concentus eius, qui omnes  
sonos complectitur, duplum ac numerus: & semper eæ,  
quæ continent, ad eas quæ sunt singulares. Præterea ut ac-  
cidens, & huius genera: ut statuæ, alio modo Polycletus,  
alio statuarius: accidit enim statuario, ut sit Polycletus. Et  
ea etiam quæ continent accidens, ueluti si homo sit causa  
statuæ, aut omnino animal. Sunt autem & accidetium alia  
remotiora alijs, atq; propinquiora: ceu si albus ac musi-  
cus, causa statuæ dicerentur. Præter autem omnes, quæ 33  
accom

accommodate dicuntur, & quæ per accidens, aliæ ut potentes, aliæ ut operantes dicuntur: uelut ut extruatur domus, edificator causa dicitur, aut edificans edificator. Similiter & in hisce dicitur, quorum causæ sunt ipse cause: ut huius statuae: aut statuae, aut omnino imaginis, & aris huiusce, aut aris, aut omnino materie, & in accidentibus simili modo. Præterea & hæc coniuncta, ac illa dicuntur: uelut non Polyclethus, neque statuarius, sed statuarius Polyclethus: attamen hæc omnia, multitudine quidem sunt sex dupliciter autem dicuntur. Nam aut ut singulare, aut ut genus, aut ut quod per accidens est, aut ut genus accidentis, aut ut coniuncta hæc, aut ut seiuncta dicuntur, & insuper omnia aut potentia, aut actu. Interest autem tantum. Causæ enim actu, & singulares, & ea, quorum sunt causæ, simul sunt, & non sunt: ut hic qui medetur, cum hoc qui sanatur: & hic qui edificat, cum hoc quod edificatur. Sed quæ sunt potentia, non semper: non enim simul domus, & edificator corrumpitur. Oportet autem semper causam querere summam, quemadmodum & in cæteris: uelut, homo edificat, quia est edificator: at edificator est, per artem edificandi: hæc igitur prior est causa: & in omnibus simili modo. Præterea generum quidem genera, singularium uero singularia, dicenda sunt causæ: ceu statuarius quidem, statuae: hic autem, huius & potentia quidem causæ: effectuum potentia: actu autem, effectuum actu. Quot igitur sint causæ, & quomodo sunt causæ, satis sit à nobis determinatum.

De causis quibusdam non manifestis, Fortuna, & Casu:

& de eisdem opiniones aliorum. CAP. IIII.

Hic Arist. de causis per accidens determinat.

**F**ortuna etiam, & casus de numero causarum esse dicuntur, multaque esse, & fieri ob fortunam, & casum. Considerandum est igitur, quomodo sunt in his causis fortuna,

tuna, & casus: & utrum idem sint, an diuersa: atq; omni-  
no quidnam sit fortuna, & casus. Quidam enim & an sint  
nec ne, dubitant. Nihil enim à fortuna fieri dicunt, sed o-  
mnium definitam quandam causam esse quæ fieri dicimus à  
casu, aut fortuna: ceu profectionis à fortuna cuiuspiam ad fo-  
rum, inuentionisq; eius quem uolebat quidem, non putabat  
autem inuenire, causam hoc aiunt esse, illum inquam pro-  
fectum illuc, emere quippiam uelle. Similiter & in cate-  
ris, quæ à fortuna prouenire dicuntur, semper causam quæ-  
dam inquirunt esse, quam sumere licet, sed non fortunam.

Quod si quippiam esset fortuna, absurdum sanè uidebi-  
tur, & dubitabit non iniuria quispiam, cur nam sapietum  
antiquorum nemo causas generationis, corruptionis ue di-  
cens, de fortuna quicquam determinauit. Sed ut uidetur,  
nec illi quicquam esse à fortuna putabant. Verum & hoc  
mirabile est. Multa nanq; sunt, & fiunt à fortuna, & casu,  
quorum unumquodque non ignorantes reduci posse ad ali-  
quam causam ( ut ille sermo antiquus dixit, qui fortunam  
exterminat) illorum tamen omnes alia à fortuna, alia non à  
fortuna fieri dicunt. Quapropter & mentionem aliquam  
ipsius, illos facere oportebat. At uerò neq; quicquam illo-  
rum, aut concordiam, aut discordiam, aut ignem, aut men-  
tem, aut aliquid aliud huiuscemodi fortunā esse arbitra-  
bantur. Absurdum igitur est, siue non esse putauerunt, siue pu-  
tantes esse omiserunt, præsertim cum interdum utantur. Ut  
Empedocles non semper ærem supra inquiens segregari,  
sed ut fortè accidit. Dicit enim cum de mundi loquitur ex-  
structione, sic tunc huic currenti fortuito contigit, sepe au-  
tem alio modo: partes quoq; animalium plurimas, ortas for-  
tuna fuisse dicit. Sunt etiam qui & huiusce cæli cætero-  
rumq; cælorum omnium, casum esse causam asserunt: nam  
à casu



43 à casu conuerſionem, motionem' ue fieri dicūt, quæ quidem  
 diſtinxit, & in hunc originem redegit, atq; conſtituit uni-  
 uerſum. Hoc etiam ipſum ualde digneſt admiratione.  
 Nam animalia quidem, & plantas, neq; eſſe, neq; fieri à for-  
 tuna dicunt, ſed aut naturam, aut mentem, aut aliquid aliud  
 tale, cauſam ipſorum aſſerunt eſſe: non enim ex cuiuſq; ſe-  
 mine quoduis naſcitur, ſed ex tali quidem, olea: ex tali autē,  
 homo. Cælum uerò & diuiniſſima ſenſibilium caſu orta  
 fuiſſe aſſerunt, nullamq; ipſorum talem cauſam eſſe, qualem  
 46 animalium, atq; plantarum, inquit eſſe. Atq; hoc ipſum,  
 ſi ita ſeſe habeat, conſideratione eſt digneſt: beneq; ſeſe ha-  
 bet ſi aliquid de hoc ipſo dicatur. Et alio nanq; modo abſur-  
 dum eſt id, quod dicitur: & inſuper abſurdius eſt hæc illos  
 dicere, in cœlo quidem nihil à caſu fieri: in ijs autem ē qui-  
 bus fortunam exterminant, multa ab ipſa prouenire uiden-  
 tes: quod tamen contrā fieri, conueniens erat. Sunt autem  
 47 quidam, quibus fortuna cauſa quidem eſſe, obſcura tamen  
 humane menti uidetur, ut diuinum quoddam, atq; excel-  
 lens. Quare quidnam utrūq; ſit, fortuna inquam, & caſus,  
 & ſi idem ſint, an diuerſa, & quomodo in eas cauſas, quas  
 definiuimus, cadant, conſideremus oportet.

Quid ſit Fortuna iuxta veritatem declaratio. CAP. V.

48 Hic Ariſtot.  
 fortunæ defi-  
 nitionem in-  
 ueſtigat.

PRIMUM itaq; cū uidemus alia ſemper eodem fieri mo-  
 do, alia plerunq; patet horum neutri fortunam cauſam  
 dici. Neq; id quod à fortuna proſciſciſcitur, aut ex ijs eſſe,  
 quæ neceſſario ſemperq;: aut ex hiſce quæ plerunque, ſe-  
 peq; ſiunt: ſed cū quedam etiam præter hæc ſiūt, atq; hæc  
 omnes à fortuna proſciſciſci dicant, perſpicuum eſt fortunā,  
 atque caſum aliquid eſſe. Nam & ea, quæ talia ſunt, à for-  
 tuna eſſe, & ea quæ à fortuna ſunt, talia eſſe ſcimus. Eorum  
 autem quæ ſiunt, alia ſiunt, alia non ſiunt, gratia alicuius.

Et

Et horum, alia per electionem fiunt, alia non per electionem. Ambo autem in hisce sunt, quæ alicuius gratia fiunt. Quare patet & in hisce, quæ non necessario, neque plerunque fiunt, esse aliqua circa quæ potest id esse, quod alicuius gratia fit. Sunt autem alicuius gratia, quæ à mente agi possunt, & quæ à natura. Talia igitur cum per accidens fiunt, à fortuna dicimus esse. Nam ut ens aliud per se, aliud per accidens est: sic & causa esse potest: ut domus, per se quidem causa est edificatiuum: per accidens autem, musicum, aut album. Ea igitur causa, quæ est per se, definita est: ea uerò quæ est per accidens, indefinita: uni nanque infinita accidere possunt. Vt igitur dictum est, cum in hisce quæ alicuius gratia fiunt, id sit: tunc dicitur à casu fieri, atque fortuna. Horum autem ipsorum quam habent inter se differentiam, posterius assignabimus. Nunc hoc pateat, ambo inquam in ijs esse quæ alicuius gratia sunt. Ceu argenti recipiendi gratia uenisset, accepturus illud, si sciisset: uenit autem non huiusce causa, sed accidit uenisse, idque fecisse recipiendi gratia, neque plerunque, neque necessario proficiscentem ad locum: finis uerò, ipsa inquam acceptio, non est ex ijs causis, quæ sunt in ipso, sed ex hisce quæ sunt eligibilia, atque à mente: & dicitur tunc à fortuna uenisse. Quod si uenerit electione præmissa, & huius gratia, aut semper frequentans, aut plerunque recipiens, non dicitur à fortuna uenisse. Patet ergo fortunam causam esse per accidens, in hisce, quæ per electionem alicuius gratia fiunt. Quapropter circa idem mens, fortunaque uersatur: electio nanque absque mente non est. Indefinitas igitur causas eas esse necesse est, à quibus id fiet, quod proficiscitur à fortuna. Vnde fortuna indefinita causa esse uidetur, & immanifesta homini. Atque aliquo modo nihil à fortuna uidebitur profic

A proficisci: hæc enim omnia recte dicuntur, quia rationi con-  
 sentanea sunt: nam aliqua quidem ex parte fit aliquid à for-  
 tuna, fit enim per accidens. Atque ut accadat, fortuna cau-  
 sa est: absolute autem nihil. Velut ædium ædificator quidem  
 est causa: per accidens autem, modulator. Et ut profectus  
 argentum recipiat, non huiusce gratia profectus, infinite  
 cause multitudinem esse possunt. Nam & uidere aliquem  
 uolens, & persequens, & spectaturus ludos, & fugiens.  
 SS Recte etiam fortuna, præter rationem quid esse dicitur:  
 ratio nanque aut eorum est, quæ sunt semper, aut eorum  
 quæ sunt plerunque. At fortuna in ijs est, quæ præter hæc  
 fiunt: quare cum indefinita sunt ea, quæ hoc pacto sunt cau-  
 se, fortuna etiam indefinita nimirum est. In quibusdam ta-  
 men quispiam dubitauerit, si quæuis eius quod à fortuna fit,  
 cause fuerint, nec ne? ut sanitatis, aut spiritus, aut ætus, sed  
 non capillorum remotio: causarum enim per accidens, aliæ  
 S5 propinquiores alijs sunt. Fortuna autem dicitur bona, cum  
 bonum aliquod: mala, cum aduersi quid euenit. Prosperi-  
 tas uero fortune, ac infortunium, cum illa sunt magna.  
 Quapropter & cum parum desuit, ut malum quispiam  
 magnum, aut bonum accipiat infortunatum tum illum, aut  
 fortunatum dicimus esse, propterea quod mens perinde di-  
 cit de illo, atq; si esset: quod enim parum deest, id quasi mi-  
 nimè distare uidetur. Insuper, fortune prosperitas incerta  
 non sine ratione dicitur esse. Nam ipsa fortuna, incerta est:  
 impossibile est enim aut semper, aut plerunque quicquam  
 S7 eorum esse, quæ à fortuna proueniunt. Sunt igitur ambo,  
 casus inquam, atq; fortuna, per accidens (uti diximus) cause,  
 in hisce quæ non simpliciter, neque plerunq; fieri possunt:  
 atque horum, in hisce quæ alicuius gratia fiunt.

Quomodo differant Casus & Fortuna,

CAP. VI.

Interest



**I**nterest autem inter fortunam & casum: nam casus ad plura sese extendit: etenim quod à fortuna proficiscitur, à casu etiam fit: hoc autem non omne prouenit à fortuna. Fortuna nanque, atq; id, cuius est esseatrix fortuna, in ijs est, quæ fortunata possunt euadere, & omnino quibus actio cōpetit. Quapropter & necesse est, circa ea fortunam esse, quæ in actionem ueniunt. Cuius hoc indicium est: nam aut idem quod felicitas, aut prope esse uidetur: felicitas autem actio quedam est: est enim actio bona. Quare quæ agere nequeunt, ea nec à fortuna quicquam efficere possunt. Et propterea neque inanimatum ullum, neque bellua, neque puer, quicquam efficit à fortuna, quoniam electionem non habent: neque prosperitas hisce fortune, aut infortunium competit, nisi similitudine quadam: quemadmodum Pro-  
tarchus Fortunatos eos lapides dixit, è quibus extructæ sunt aræ, quòd honorantur: & ij, qui sunt eiusdem formæ, calcantur. Pati autem à fortuna, & hisce quodammodo inerit, cum is qui agit aliquid circa ipsa, fortuito aget: alio uerò modo, non est. At casus cæteris animalibus, & inanimatis competit. Dicimus enim equum casu uenisse, propterea quòd euasit quidem profectus, non autem euadendi gratia uenit: & tripoda etiam cecidisse casu: stetit enim hoc modo ut sit, sedens, sed non huiusce gratia cecidit.

Quare patet, cum eorum aliquid, quæ simpliciter alicuius gratia fiunt, non eius quod euenit, gratia factum est, cuius extrà est causa, nos tunc casu quippiam fieri dicere: horum autem ea, fortuna fieri, quæ eligibilem casu fiunt, in hisce quæ habent electionem. Signum autem, est ipsum frustra. Tunc enim dicitur, cum id quod est alicuius gratia, non est factum illius gratia: ceu si deambulatio, egestionis est gratia, si non euenit ei, qui deambulauit, frustra dicimus

d

illum

Fortuna tantum illorum est, quibus conuenit bene, aut male agere secundum electionem. Vtpote hominum qui soli agunt secundum propositum.

60

61

62

illum deambulasse, frustra q; deambulationē fuisse. Est enim id frustra, quod aptum est esse ob aliud, cum nō efficit illud gratia cuius erat, ac aptum erat. Nam si quispiam lauisse se dixerit frustra, quia sol non deficit, ridiculus utiq; erit: non enim hoc, illius gratia erat. Ita casus nomine suo tunc dicitur, cum quippiam sit frustra: est enim & tale nomē ipsius, quod hisce terminis constat, ipsum inquam & frustra. Cecidit enim non percutiendi gratia, laps, casu igitur, ac frustra cecidit ipse: quia cadere, & ab aliquo proijciente percutiendi causa potest. Maxime autem separatur id, quod à fortuna sit, in hisce quę natura fiunt: cum enim quippiam est esse & tum præter naturam, iam non à fortuna illud, sed à casu potius esse & tum fuisse dicimus. Est autē & hoc, aliud: illius enim externa, huius interna causa est. Quid igitur est casus, & quid fortuna, atq; quo pacto inter sese differunt, satis iam diximus. Virunq; autem ipsorum, ad modum eius reducitur causę unde est principii motus: etenim eorū aliq; quid quę aut natura, aut mente aguntur, semper est causa: sed horum multitudo indefinita est. Quoniam autem casus, atq; fortuna causę sunt eorum, quorum aut mens, aut natura fieri causę possunt, cum per accidens quippiam horū ipsorum fuerit causa, atq; nihil eorum quę sunt per accidens, prius est hisce, quę sunt per se: quare neque per accidens causa, per se causam antecedit: casus nimirum, atq; fortuna posterior & mente est & natura. Quare si quam maxime cœli casus est causa, necesse est priorem mentem, atq; naturam, & aliorū multorū, et huius uniuersi causam esse.

Quod non sint plures causę, quàm dictum fuerit: quodq; Naturalis ex omnibus causis differat. CAP. VII.

Tot sunt rerū naturalium causę, quot

Esse autē causas, & tot esse numero quot diximus, patet. Tot enim questio propter quid, sanē cōplectitur, 68

Nam

Nam ipsum propter quid, aut ad ipsum quid est, reducitur ultimum in immobilibus, seu in mathematicis. Ad recti enim aut commensurabilis, aut ad ceterorum similium alicuius ultimò definitionem reducitur. Aut ad id, quod primum mouit: ueluti propter quid bellum gesserunt? quia templū spoliarunt: aut gratia cuius? ut imperium cōsequantur. Aut ad materiam, in hisce quæ fiunt. Perspicuum igitur est has, & tot causas esse. Cum autem quatuor causæ sint, de omnibus

sunt earum  
quæ sitiuæ, ex  
quo, p quid,  
à quo, & cu-  
ius gratia:  
quæ propter  
quid, comple-  
ctitur.

70

scire, nimirum ad naturalem philosophum pertinet: atque ad omnes ipsum propter quid redigens ipse, materiam, formam, id quod mouit, & id gratia cuius naturaliter reddet, ac assignabit. Tres autem in unum plerumque accidunt. Ipsum enim quid est, & id gratia cuius, unum sunt: ea uerò, unde primum effluit motus, specie cum hisce concurrat. Homo namque hominem generat, & omnino, quæcunque motū subeuntes mouent: quæ uerò tales non sunt, eæ naturalis considerationis non sunt: non enim in seipsis habentes motū, aut principium motus, mouent: sed immobiles mouent. Quapropter tres sunt tractationes. Una, circa immobile. Alia, circa id quod mouetur quidem, est autem expers corruptionis: tertia, circa ea, quæ corruptibilia sunt. Quare ipsum propter quid, à naturali philosopho, & ad materiam, & formam, & ad id, quod primo mouit reducens ipsum, assignatur, ac redditur. De generatione enim maxime causas hoc modo considerant: quid post quid fiat, & quid primum fecit, aut quid passum est: & sic semper quod est deinceps.

71

72

Principia autem ea, quæ naturaliter mouent, duplicia sunt: quorum alterum naturale non est, quippe cum non habeat in se principium motus. Atque tale est, si quid moueat, & non moueatur: ut id quod est immobile penitus, & quod est omnium primum. Et ipsum quid est, & forma:

73

74

d 2 est



est enim finis, & id gratia cuius cetera fiunt. Quare cum alicuius gratia natura faciat, & hanc scire oportet, & ipsum propter quid omnino reddendum est: uelut ex hoc necesse esse hoc fieri, ex hoc autem aut simpliciter, aut plerumque: etsi hoc est emersurum, ut ex propositionibus ipsa conclusio: & quia hoc erat, quidditas ipsa: & quia melius est hoc modo, non simpliciter, sed ad substantiam uniuscuiusque. Quod Natura ex numero sit causarum, non quæ temere, sed quæ alicuius gratia actionem obeunt. CAP. VIII.

Hic declarat  
Arist. naturā  
propter finem  
agere.

**D**icendum est igitur primo quidem naturā ex ijs esse causas, quæ alicuius gratia faciunt: deinde de necessario: quomodo sese habet in naturalibus rebus. In hanc enim causam, omnes omnia redigunt. Nam (ut inquirunt) cum calidum, & frigidum, & unumquodque talium, suapte natura sit tale, hæc necessario sunt, & fiunt, ac apta sunt. Etenim si aliam causam dixerint, hic concordiam, & discordiam, ille mentem: tangunt illam duntaxat, deinde ualere sinunt.

16 Existit autem dubitatio, quidnam prohibet naturam non alicuius gratia facere, neque quia sic est melius, sed perinde atque Iupiter, non ut frumentum augeat, sed necessario pluit. Quod enim est eleuatum, id frigefiat oportet: & quod frigidum factum est, id aquam iam factum, descendere necesse est: accidit autem hoc pacto frumentum incrementa suscipere. Similiter & si cuiuspiam frumentum pereat, cum est in ærea, non huiusce gratia pluit, ut illud pereat, sed id accidit.

Quare quid prohibet, partes etiam in natura sic se habere, ueluti, dentes anteriores quidem acutos, aptosque ad diuidendum, genuinos autem latos, atque utiles ad cibum terendum, necessario ortos fuisse: nam non huiusce causa tales sunt orti. Sed accidit. Eadem & de cæteris putanda sunt partibus, quæ alicuius gratia constare uidentur. In quibus

quibus igitur accidit ut omnes perinde sint ortæ, atq; si alicuius causa fierent, ea conseruata sunt, a casu congrue constituta. In quibus autem id non accidit, ea perire, ac pereunt, ut Empedocles dicit animantium ea, quæ ex hominibus partibus bouisq; constabant. Atq; ratio quidem, qua quispiam dubitauerit, hæc est, & si qua sit alia similis: impossibile autem est, hæc ita sese habere. Hæc enim, & omnia, quæ natura constant, aut semper, aut plerumq; sic fiunt: at nihil eorum hoc pacto fit, quæ a fortuna, casuq; proficiunt. Neq; enim hyeme crebro pluere fortuito, casuq; uidetur. sed si id fiat: cum sol est sub cane: neq; æstas, cum sol est sub cane, sed si in hyeme fiat. Quod si ea, quæ fiunt, aut a casu, aut alicuius gratia fiunt, si impossibile est hæc aut a fortuna esse, aut a casu, alicuius profectò gratia erunt. At uniuersa, talia natura sunt, & ut ipsi dixerint, qui hæc dicunt. Est igitur in hisce quæ natura fiunt, & sunt, id quod alicuius gratia fit. Præterea in quibus est aliquis finis, in ijs & id quod prius, & id quod deinceps agitur, huiusce gratia agitur. Vt igitur agitur, ita est aptum agi: & ut est aptum agi, sic unumquodq; nisi quid obstat, agitur. at alicuius gratia agitur. Et aptum est igitur illius gratia agi: ueluti si domus ex ijs esset, quæ natura fiunt, sic utiq; fieret, ut nunc ab arte conficitur. Quod si ea, quæ natura fiunt, non solum natura, sed etiam arte fierent, eodem conficerentur modo, quo apta sunt confici. Alterum igitur, alterius conficitur gratia. Atque ars omnino alia perficit, quæ natura nequit perficere: alia, imitando naturam facit. Si igitur ea, quæ ab arte conficiuntur, alicuius causa fiunt, & ea profectò, quæ natura fiunt, alicuius gratia fieri constat: priora nanque, posteriora uel similiter inter sese habent, in hisce quæ arte, & in hisce, quæ natura conficiuntur. Ma-

Non alius ab Empedocle, horum animalium quæ bouigenas appellat, meminit.

18

19

80

ximè autem idipsum in animalibus rationis expertibus pa-  
 tet, quæ neq; arte, neq; discursione, neq; deliberatione fa-  
 ciunt. Quapropter & sunt qui dubitant, utrum mente,  
 aut alio quodam principio aranei, formicæ, ceteraq; istius-  
 modi animalia operentur: procedenti etiam ulterius, &  
 in plantis ea, quæ conferant ad finem, fieri hoc pacto ui-  
 dentur, ueluti frondes ob fructus tegendos. Quare si na-  
 tura, gratiaq; alicuius, hirundo nidulum extruit, araneus  
 araneam texit, plantæ deniq; frondes gratia tegendorum  
 fructuum explicant, radicesq; non sursum, sed deorsum e-  
 mittunt, sumendi causa nutrimenti: patet esse causam ta-  
 lem in hisce, quæ natura sunt & constant. Atq; cum na-  
 tura sit duplex, altera quidem ut materies, altera autem ut  
 forma: & hæc sit finis, gratia uerò finis cetera fiant: hæc  
 ea est perfectio causa, cuius gratia cetera fiunt. Fit au-  
 tem & in hisce peccatū, quæ per artes conficiuntur. Scri-  
 psit enim grammaticus non rectè, & potionem medicus  
 non rectè porrexit. Quare patet, & in hisce fieri posse,  
 quæ natura conficiuntur. Quòd si aliqua sunt in arte, in  
 quibus id quod rectè sit, alicuius efficitur gratia, in ijs au-  
 tem quæ peccantur, gratia quidem alicuius ars aggredi-  
 tur facere, sed non assequitur illud: similiter & in natura-  
 libus erit, & monstra peccata erunt illius, quod alicuius  
 gratia facit. Et in primis igitur compositionibus ea, quæ  
 partim ex hominis partibus, partim ex bouis constabant,  
 si non ad aliquem terminum, finem uè poterant perueni-  
 re, aliquo sanè principio perinde atq; nunc semine labefa-  
 ctato, corrupto uè fiebant. Præterea primò semen necesse  
 est oriatur, sed non animalia statim. Atq; ipsum congestum  
 quod primū oriebatur, semen nimirum erat. Præter ea  
 in plantis etiā ipsis id inest, quod alicuius est gratia, minus  
 autem



autem est distinctum, ac manifestum. Fiebant ne igitur ut ex bouis partibus, ac hominis, animalia: sic & ex uitis, oleæq; partibus plantæ, an non fiebant? est enim absurdum: at oportebat tamen, si in animalium genere illa fiebant. Præterea & in seminibus, quoduis sine ullo discrimine fieri oportet. Omnino autem qui ita dicit, tollit ea, quæ natura constant, atque naturam. Natura enim ea constant, quæ à quodam principio, quod est in ipsis, continue mouentur, atque ad quendam perueniunt finem: ab unoquoque autem non ad eundem, neq; ad quemuis, attamen ad eundem semper, nisi quid impediuerit. Atqui id cuius gratia, & quod huius sit gratia, fieri à fortuna etiam possunt: ueluti dicimus hospitem forte fortuna uenisse, lotumq; abijisse, cum id egerit quasi gratia huiusce profectus, non huiusce autem gratia uenerit: hoc autem est per accidens: fortuna nanque causa per accidens est, ut antea diximus: sed cum hoc semper sit, aut plerunque, non per accidens, nec à fortuna dicimus esse. At in naturalibus, sic semper, si nihil impediuerit, fiunt. Absurdum autem est alicuius gratia fieri non putare, si id quod mouet, non uiderint deliberatione præmissa mouere, nam & ars non deliberat. Etenim si in lignis, extruendarum nauium ars inesset perinde atq; natura, faceret nauim. Quare si id, quod alicuius sit gratia, sit in arte, & in natura profecto inest: maxime autem hoc patet, cum quispiam sibi ipsi medetur: huic enim persimilis est natura. Quæ cum ita sint, patet naturam causam esse, atque adeo ut alicuius gratia faciat.

84

85

86

Quo pacto Necessitas sit in rebus naturalibus. CAP. IX.  
**N**unc considerandum est, utrum necessarium ipsum ex suppositione, an & simpliciter sit in ipsis rebus natura. Nunc enim ipsum necessarium in generatione perinde

Hic ostendit Arist. quomodo Necessitas in rebus naturalibus inueniatur.

88

esse arbitrantur, atq; si quispiam necessariò domum extru-  
 etiam esse putaret, quia grauiam quidem deorsum, leuiam uerò  
 sursum suapte natura feruntur: idcirco lapides quidem, ac  
 fundamenta sunt infra, terra autem supra, suam ob leuita-  
 tem: & ligna maximè supra, quippe cum sint leuissima. At  
 quanquam non sine his, non tamen propter hæc, nisi ut ob  
 materiam, sed calandi quædam, conseruandiq; causa, extru-  
 eta est domus. Similiter & in cæteris uniuersis, in quibus  
 est id, quod alicuius gratia fit, non sunt quidem sine hisce  
 quæ necessariam habent naturam: non tamen sunt ob hæc  
 ipsa, nisi ut ob materiam, sed alicuius sunt gratia: ueluti  
 propter quid ferra est talis? ut hoc, & huiusce gratia fit:  
 hoc tamen gratia cuius est, fieri non potest, si nõ ferrea sit:  
 necesse est ergo ferream esse, si ferra, atq; opus ipsius erit:  
 est igitur necessarium ipsum, ex suppositione, sed non ut  
 finis. Nam necessarium quidem in materia: id uerò gratia  
 cuius est, in ratione consistit. Est autem ipsum necessarium  
 & in doctrinis, & in hisce quæ sunt secundum naturam,  
 aliqua ex parte simili modo. Nam cum rectum hoc sit, ne-  
 cesse est triagulum tres angulos æquales duobus rectis ha-  
 bere. Sed non si hoc est, necesse est illud esse: sed si hoc non  
 est, neq; rectū non est. At in hisce quæ alicuius gratia sunt,  
 contra: si finis erit, aut est, & id quod est ante, erit aut est:  
 si uerò hoc non erit, aut non est: (ut ibi si non est cõclusio,  
 principium nõ erit) sic & hic finis, & id gratia cuius est,  
 non erit, aut non est. Est enim & hoc principium, non actio-  
 nis, sed cogitationis: ibi autem, est cogitationis, nõ enim sunt  
 actiones. Quare si erit domus, hæc necesse est fieri, uel esse,  
 uel etiam fore: aut omnino materiam, quæ quidem alicuius  
 est gratia: ueluti lateres, atque lapides, si extruenda est  
 domus: non tamen est propter hæc ipse finis, nisi ut ob ma-  
 teriam:

90

teriam: omnino tamen si non sint, neq; domus fuerit, neque  
 ferra: illa, si non sint lapides: hæc, si ferrū non sit: neq; enim  
 ibi principia sunt, si non triangulus tres habeat angulos  
 duobus rectis æquales. Patet igitur, necessarium in rebus  
 esse naturæ, quod ut materia dicitur, & huius etiam mo-  
 tionēs. Atque ambæ quidem causæ dicendæ sunt à naturali  
 philosopho, magis autem ea, gratia cuius cætera fiunt: hæc  
 est enim materiæ causa, sed non hæc causa finis. Atque finis  
 ipse gratia cuius, quq; principium est, à definitione, ratio-  
 neq; sumitur: ut in hisce patet, quæ per artem conficiuntur:  
 nam cum domus sit tale, hæc fieri necessariò, & esse oportet:  
 & cum sanitas sit hoc, hæc necessariò fieri oportet, ac  
 esse: pari modo si homo est hoc, hæc fieri necesse est, atque  
 esse: & si hæc sint, sint hæc necessariò, uel fiant oportet.  
 Fortasse autem necessarium ipsum in ratione etiam inest.  
 Serræ nanque si definiatis opus, talem ipsam diuisionem  
 esse dicis: at hæc non erit, nisi ferra tales habuerit dentes:  
 & hi rursus non erunt, nisi ferrea fuerit ipsa. Sunt enim  
 & in ratione nonnullæ partes, ut materia rationis.

# PHYSICORVM

ARISTOTELIS

LIBER III.

## *Argumentum ex Simplicio.*

Cum libro præcedente de causis differens Naturā dix-  
 erit effectricem causam esse, ac definiert, eā esse princi-  
 piū motus, iure deinceps de ipso motu docebit. Nā si Natura  
 in eo suum esse habeat, ut si principium motus, necesse est ut  
 qui cogniturus est, quid sit Natura, is motum cognoscat, ut-  
 pote ad definitionē Naturæ assumptū. Insuper si cognitionē  
 eorū, quæ ad aliquid sunt, simul esse oporteat, ad aliquid autē  
 sint principii, & id, cuius est ipsum, motus autem principii



fit Natura: impossibile est, eum, qui ignoret motum, nouisse Naturam. Quapropter si necesse sit Physiologus cognoscat quid sit Natura, qui verò hanc sit cogniturus, vt motū nouerit, necessarius est profectò post Naturæ expositionem, sermo de motu. Atque eodẽ modo, quando motus in continuo est, ac motus cõtinuum est quoddã, & in ratione motus locatur continuũ, necesse omnino est de continuo differat: siquidem definitio cognosci nequit, ignoratis iis, quæ ad ipsam assumuntur. Patereã, quando definientes continuum vimur infinito, cõtinuũ id esse dicẽtes, quod in infinita sit diuisibile, necesse est de infinito differat, qui doctrinam de motu facere velit, ac de Natura principio motus. Insuper cùm quoduis naturale corporeũ sit, & omne corporeũ, & motus corporum, de quo est sermo, in loco sit, ac tẽpore, necessarius est Naturali sermo de loco, ac tempore, qui motum, ac Naturã cognoscere velit. Quibusdã etiam motus cœli tempus esse videtur: quo fit, vt etiã hoc nomine tractatio de tempore cognata sit ei, quæ est de motu. Et cùm sint, qui putent locũ vacuum esse, atque motũ omnino in vacuo fieri dicant, veluti Democritus, necessaria est omnino de vacuo inquisitio, vtrũ sit, an non sit, & num in vacuo, perinde vt in loco, res moueri possint, ob hæc, inquã, de motu, & continuo, & loco, & tẽpore, & de infinito, ac vacuo Physiologo inquisitio faciẽda est. Accedit ad id, quòd hæc omnibus corporibus sunt cõmunia: oportet enim vniuersalem doctrinam præcedere traditionẽ particularium, atq; eorũ, quæ singillatim insunt rebus. Etenim corpus naturale omne motũ habet, & aut finitum est, aut infinitum, atque in loco mouetur, aut secundũ totum, aut secundum partes, velut primũ cœlum, atq; à tempore metitur motus: quapropter communia hæc sunt. Sed & sermo de vacuo communis est: nam locũ aliqui vacuum esse opinati sunt, & vacuum dixerunt locum priuatũ corpore. Hæc omnia Aristoteles perspicuẽ tradidit mox initio tertij libri, in quo docet de motu, ac infinito. In quarto autẽ de loco, ac vacuo, ac de tempore: nam continuũ nũc præter misit, quod & absq; continuo necessarius apud Naturales habeatur sermo de infinito. Siquidem naturalia corpora, ac motus naturales oportet aut finitos, aut infinitos esse: sed & de continuo postmodũ differet.

Inquisq;

Inquisitio definitionis, qua quid sit Motus, exponitur.

CAPVT I.



**M** autem ipsa quidem Natura, Motus, Mutationis uel principium sit, nostra autem doctrina sit de Natura: non lateat nos oportet, quidnam sit Motus: nam si

Hoc in libro determinat Arist. de Motu, & Infinito.

ignoretur ipse, naturam eius ignorari necesse est. Post motus uero determinationem, entitendum est, de ijs etiam, quæ deinceps sequuntur, determinare. Motus autem de genere continuorum esse uidetur, & infinitum in ipso continuo primum apparet. Quocirca sit, ut qui continuum ipsum definiunt, infiniti ratione sepe utantur: continuum id esse dicentes, quod in infinitum est diuisibile. Insuper impossibile est, sine loco uacuo, atque tempore, motum esse. Patet igitur partim ob hæc ipsa, partim etiã quia cunctis hæc cõmunia sunt, uniuerfis quæ competunt, unumquodque istorum proponendum esse, atque considerandum. Propriorum enim contemplatio, communium contemplatione posterior est. Atque primum, ut diximus, de Motu cõsideremus. Eorum igitur quæ sunt, quædam actu tantum, quædam potentia sunt, atque actu. Horum autem aliud est hoc aliquid, aliud tantum, aliud tale: & in cæteris simili modo, quæ prædicamenta eius, quod est, appellatur. Eorum præterea quæ sunt ad aliquid, aliud excessione defectione uel dicitur, aliud actiui, passiuique, atque omnino motiui, ac mobilis ratione: motiuum namque, mobilis, & mobile, à motiuo mobile dicitur. Non est autem ullus motus, præter res ipsas. Id enim quod mutatur, aut in substantia, aut in quantitate, aut in qualitate, aut in loco semper mutatur: commune autem in his nihil accipere possumus, uti diximus, quod quidem neque hoc, neque quantum, neque quale, neque cæterorum quic

quicquam sit predicamentorum. Quare neq; motus, neq; mutatio cuiuspiam præter ea, quæ diximus, erit, cum nihil sit præter ea, quæ diximus. Vnumquodq; autem dupliciter *omnibus* inest, ut hoc: aliud enim est ipsius forma, aliud est priuatio. Et quale: aliud enim est album, aliud nigrum. Et quantum: aliud enim est perfectum, aliud imperfectum. Et in latione simili modo: aliud enim est supra, aliud infra: aut aliud est leue, aliud graue. Quare quot sunt ipsius species quod est, tot motus, mutationis uel species sunt.

Quod rectè assignata sit definitio Motus. CAP. II.

Motus definitio.

*Accessus  
to forma  
et ad  
ad et ad  
et ad.*

*Secundum  
modum.*

**C**um autem eorum, quæ in unoquoque genere collocantur, aliud actu, aliud potentia sit: actus eius, quod est potentia, ut est tale, motus nimirum est. Velut alterabilis quidem, ut alterabile, est alteratio: accrescibilis autem, atq; oppositi decrescibilis (nullum est enim his commune positum nomen) accretio, ac decretio: generabilis item, ac corruptibilis: generatio, atq; corruptio: et eius quod fertur, latio. Atq; hoc, motum esse, inde perspicui potest. Nā quum ædificabile tale est, tum ipsum ut ædificatur, actu dicimus esse: atq; hoc, est ædificatio. Similiter et meditatio, et uolutio, et saltatio, et ~~in similes cetera~~. Quoniam autem aliqua potentia sunt, atq; actu, at non simul, aut non ~~est~~ sed ut quippiam calidum quidem est potentia, frigidum autem actu, complura iam uicissim agent, ac patientur. Omne namque simul actiuum erit, atq; passiuum. Quare et id quod naturaliter mouet, mobile est: omne namque tale mouet, subiiciens motum et ipsum. Atq; sunt, quibus omne quod mouet, moueri uidetur. Verum de hoc quomodo sese habet, ex alijs sanè patebit: est enim quoddam mouentium et immobile. Actus autem eius quod est potentia, cum actu est, ac non ut ipsum, sed ut mobile est, operatur, motus nimirum est.



est. Atque ut mobile dico, hoc pacto: est enim *es*, potentia statua: attamen non *eris* actus, ut est *es*, est motio. Non est enim idem esse *eris*, & aliqua potentia mobilis: nam si esset idem simpliciter, ratione uero, *eris* ut *es* est, actus, motus nimirum esset: at non est idem, ut diximus. Patet autem in contrariis: nam ualere quidem posse, ac egrotare posse, non eadem sunt, sed diuersa: esset enim idem egrotare, atque ualere. Subiectum autem & id quod ualet, atque egrotat, unum & idem est, siue humiditas sit, siue sanguis. Cum autem non sit idem, quemadmodum neque color idem est, atque uisibile: patet actum possibilis ea ratione, qua possibile est, motum esse. Hunc igitur esse, atque tunc rem moueri cum est iste actus, & neque prius, neque posterius, patet. Fit enim ut quodque interdum operetur, interdum non operetur: ceu edificabile, atque edificabilis actus, ut edificabile est, edificatio nimirum est: nam actus ipsius aut est edificatio, aut domus. At cum est domus, tum non est (ut patet) edificabile: edificabile uero edificatur. Necesse est igitur actum ipsius edificationem esse: at edificatio, motus est quidam. Eadem & ad ceteros motus accommodabitur ratio. **AT QVI** patet nos de ipso motu recte dixisse, & ex hisce, quae ceteri de ipso dixerunt: & quia non est facile ipsum aliter definire: neque enim motum mutationemque quispian alio in genere ponere potest, neque qui aliter de ipso dixere, recte dixisse uidentur. Id ita esse inde continuo sane patebit: quidam enim diuersitatem, & inaequalitatem, & id etiam quod haud est, motum esse dixerunt. At nihil prorsus, siue sit diuersum, siue inaequale, siue non ens, necessario moueri uidetur. Et insuper non ad haec, aut ex hisce, magis ipsa mutatio, quam ex oppositis est. Ponendi autem motum in hisce causa fuit, motum indefinitum quoddam esse uideri.

Alie

Alterius uerò principia seriei, indefinita sunt sanè, ex eo quia sunt priuatiua. Nihil enim ipsorum, aut hoc aliquid, aut tale, aut ceterorum quicquam est predicamentorum. At ut uideatur motus, indefinitum quoddam esse, causa fuit, non posse ipsum aut in potentia rerum, aut in actu poni: neq; enim id quod esse potest quantum, neque id quod est actu quantum, necessario mouetur. Et motus, actus quidem esse quidam uidetur, imperfectus tamen propterea quod ipsum possibile imperfectum est, cuius motus est actus. Et ideo difficile est accipere quidnam sit motus. Necesse est enim ipsum, aut in priuatione, aut in potentia, aut in actu simplici ponere: at nihil horum esse posse uidetur. Restat igitur modus ille iam dictus, actum quidem ipsum aliquem esse, talem autem actum, qualem antea diximus, qui difficilis quidem est cognitu, potest autem esse. Mouetur autem & omne mouens, ut diximus, quod est potentia mobile, & cuius immobilitas quies est. Nam in hoc agere, ratione quæ tale est, mouere nimirum est: at hoc facit tactu, quare simul etiam patitur. Quocirca motus actus est mobilis, ut est mobile. Accidit autem hoc, ipsius motui tactu: quare simul etiam patitur. Semper autem id, quod mouet, formam aliquam asferet, aut hoc aut tale, aut tantum: quæ quidem principium erit, & causa motus cum mouet. Id enim quod actu est homo, facit hominem ex eo, quod est potentia homo.

*in id quod  
subiectum.*

Hic declarat  
Arist. in quo  
subiectiue sit  
motus: & an  
motui & mo-  
bilis idè sit a-

Verum Motus in mouente sit, an in mobili. CAP. III.

**Q**uæ cum ita sint, patet motum in ipso mobili esse, id inquam, quod mouetur. Est enim actus huius ab ipso motiuo. Motui quoque actus non alius quisquam est: amborum namq; actum esse oportet. Est enim hoc quidem motiuum, quo potest hoc autem mouens, quo agit: at ipsius

ipsius mobilis est actuum. Quare perinde amborum unus  
 est actus, atque unius ad duo, & duorum ad unum idem est  
 interuallum, & ut accliuē, atque decliuē. Hæc enim unum  
 quidem sunt, at ratio non est una. Similiter res sese habet,  
 & in hisce quorum alterum mouet, alterum mouetur.

Exiit autem hoc loco dubitatio differendi facultati ac-  
 commodata: necesse est enim ~~ipsum~~ aut in priuatione aut

~~in potentia~~ fortasse actum aliquem esse ipsius actiui, & etiā <sup>aliu</sup> ~~aliu~~

ipsius passiui: est enim actio quidem, illius: passio uerò hu-  
 ius: & opus, finis uel illius, factum: huius, affectus. Si igitur <sup>Sim</sup> ~~Sim~~

ambo sint motus, finisq; diuersi: in quoniam sunt? aut enim <sup>4 si sint</sup> ~~4 si sint~~

in patiente, & eo quod mouetur, sunt ambo: aut actio qui-

dem est in agente, passio uerò in patiente. Quod si hanc

etiam actionem oporteat appellare, nomine solo conue-

nient. At uerò si hoc est, motus profectò in eo quod mouet,

erit: eadem enim est, & in eo quod mouet, & in eo quod

mouetur, ratio. Quare aut omne mouens mouebitur, aut

aliquid motum habens haud mouebitur. Quod si ambo,

actio inquam, & passio in eo sunt quod mouetur, ac pati-

tur: & hæc duo, doctio disciplinæ uel, sunt in ipso discen-

te. Primum quidem actus, in unoquoque cuiusque non erit.

Deinde absurdum est, duobus quidpiam motibus simul mo-

ueri: erunt enim alterationes quædam unius due, atque ad

unam formam. At fieri nequit. At unus ne actus erit? At

rationis fines egreditur, diuersorum specie duorum unum

actum eundemq; esse. Et si idem doctio, disciplinæ uel, &

actio, neque passio, docere etiam & discere idem erit, &

agere atque pati. Quare necessariò discet omnis qui docet,

& patietur qui agit. An neque alicuius actum, in alio esse

absurdum est? Est enim doctio, docentis actus: in aliquo ta-

men est, & non incipit, sed est huiusce in hoc. Neque quic-

quam



*2. uel 4. duntaxat.* **Q**uam prohibet unū duorum eundem esse, non ut idem habeat esse, sed ut est id, quod est potētia, ad id, quod est actu. Neque necesse est docentem discere, etsi pati, atque agere, idem est, non ut ea tamen quæ rationis eiusdem sunt, ut uestimentum, ac tunica, sed ut uia, qua ex Thebis Athenæ, & ex Athenis Thebæ petuntur, ut & antea diximus: non enim eadem ijs omnia competunt, quæ aliquo modo sunt eadem: sed hisce duntaxat, quorum est eadem ratio. At neque si doctio, & disciplina sint idem, idem erit & docere, ac discere: quemadmodum neque si interuallum unum sit eorum quæ distant, unum idemque est ab hoc ad illud, atque ad hoc ab illo distare. Omnino autem neque doctio propriè idem est quod disciplina, neque actio idem quod passio, sed motus cui hæc insunt. Nam huius in hoc, & huius esse actum ab hoc, diuersum est ratione. Quid igitur est motus, & uniuersaliter, & per partes etiam diximus: non est enim obsecurum, quoniam pacto quæque species ipsius definietur. Alteratio enim, actus est alterabilis, ut est alterabile. Enimvero notius hoc pacto etiam definietur, si potentia actiui, atque passiui, ut tale est, actus esse dicatur, & simpliciter, & per singulos, ut ædificatio, uel medicatio. Modo eodem, & de ceterorum motuum unoquoque dicetur.

Quod ad scientiam Naturalem pertineat determinasse de infinito: & de opinionibus antiquorum de infinito.

CAP. IIII.

Hic de Infinito determinat Arist.

**C**um autem scientia naturalis circa magnitudines, motum, tempusque uersetur, quorum unumquodque finitum, aut infinitum esse necesse est, etsi non omne quoduis necesse est aut infinitum esse, aut finitum, ut affectum, ac punctum (talium enim fortasse nullum, necesse est in horum altero collocari) ad naturalem sanè Philosophum de  
infin

infinito, si sit nec ne, & si sit, quidnam sit, cōtemplari per-  
tinere uidetur. Atq; scientiæ huiusce contemplationem de  
ipso propriam esse, hoc signo patet. Omnes enim qui di-  
gnè talem Philosophiam tetigisse putantur, de infinito ser-  
monem fecerunt: ac omnes ipsam ut principium quoddam  
eorum, quæ sunt, posuerunt. Alij quidem per se, ut substan-  
tiam, non ut rei cuiquam accidens, ut Pythagorici, atque  
Plato. Verum Pythagorici quidem, in sensibilibus ipsum  
ponunt: non enim separabilem ipsum numerum faciunt. &  
id quod est extra cœlum, infinitum esse dicebant. Plato au-  
tem extra quidem cœlum neque corpus esse, neq; ideas pu-  
tabat, propterea quod neque usquam sunt ipsæ. Infinitum  
tamē & in sensibilibus, & in illis esse censebat. Et illi qui-  
dem par ipsum infinitum esse dicebant: hoc enim compre-  
hensum, atque finitum ab impari, præbet hisce quæ sunt,  
infinitionem: signumq; huius id esse, quod in numeris acci-  
dit: cum enim normæ circa unum, seorsumq; ponuntur, nūc  
alia semper sit species, nunc una. At Plato duo infinita fa-  
ciit, magnum, inquam, ac paruum. Naturales autem omnes,  
aliam quandam semper naturam eorum, quæ elementa di-  
cuntur, ipsi infinito supponunt, ut aquam, uel aërem, uel id  
quod inter hæc medium collocatur. Præter eos qui ele-  
menta finita fecerunt: nullus enim ipforum infinitum facit:  
qui uerò elementa faciunt infinita, ut Anaxagoras, atque  
Democritus, ij. infinitum ipsum, tactu continuum esse di-  
cunt. Ille quidem, ex hisce quæ sunt similium partium: hic  
autem, ex indiuiduis illis corpusculis, quæ figuris differunt:  
suntq; generandarum semina rerum. Atque ille quidem  
quamuis congeriei partem congestam esse perinde atque  
totum dicebat, quia uidebat quoduis ex quouis oriri. hic  
enim, & omnes res olim simul fuisse dixisse uidetur: ut

Quinque an-  
tiquorum In-  
finitum po-  
nentium opi-  
niones.

hanc carnem, & hoc os, & quoduis simili modo. Igitur & uniuerſa, & ſimul ergo: non ſolum enim in unoquoque principium eſt ſegregationis, ſed in ſeiſpo etiam uniuerſo. Nam cum omne quod ſit, ex tali corpor: fiat, omniumq; ſit generatio, non ſimul tamen: atque aliquod principium generationis eſſe oporteat, & id ſit unum, quod ille mentem appellat, menſq; à principio quodam operetur cum intellexit: neceſſe eſt olim omnia ſimul fuiſſe, moueriq; olim coepiſſe. Democritus autem non aliud ex alio primorum illorum corporum fieri dicit: ipſum tamen commune corpus, omnium eſt principium, magnitudine partium diſſerens, atque figura. Patet igitur ex hiſce, quæ diximus, infiniti contemplationem ad Naturales Philoſophos pertinere. Principium autem, omnes ipſum ponunt cum ratione.

Quas proprietates antiqui infinito tribuebant.

Impoſſibile eſt enim aut ipſum in ratione rerum eſſe fruſtra, aut aliam ullam ipſi præter principij uim ineſſe. Omne enim quod eſt, aut eſt principium, aut eſt ex principio. At principium, infiniti non eſt: eſſet enim ipſius ſinis. Præterea ingenitum ipſum eſſe, corruptioneq; uacare cenſent: quippe cum ſit principium quoddam. Nam & quod naſcitur, id habeat finem neceſſe eſt, & omnis corruptionis eſt ſinis. Quapropter, ut dicimus, huiusce non eſt principium, ſed hoc principium cæterorum eſſe uidetur. Et continere etiam ipſum omnia, gubernareq; dicunt: ut ij, qui præter infinitum nullas alias cauſas faciunt, ut mentem aut concordiam: & hoc eſſe ipſum diuinum: eſt enim immortalẽ, nec unquam perire poteſt, ut Anaximander, & Naturalium pluriſi dicunt. Eſſe autem infinitum in ratione rerum, ex hiſce quinque maxime quiſpiam credet. Ex tempore: eſt enim hoc infinitum. Ex magnitudinum diuiſione: utuntur enim & Mathematici infinito.

Quinque rationes quod infinitum ſit.



finito. Ex eo præterea, quia hoc pacto duntaxat generatio  
 & corruptio nunquam deficiet, si infinitum sit id, ex quo  
 per ablationem id quod nascitur, fit. Insuper ex eo, quia  
 finitum ad aliquid semper finitur. Quare necesse est nul-  
 lum esse finem, si aliud ad aliud semper finiri necesse est.  
 Maxime uero, propriissimeque ex eo, quod uniuersis com-  
 munem efficit dubitationem: nam quia mens non deficit in  
 cogitando, & numerus, & mathematicæ magnitudines,  
 & id quod est extra cælum, infinitum esse uidetur. Quod  
 si illud sit infinitum, & corpus infinitum esse uidetur, infi-  
 nitique mundi. Cur enim magis hac parte uacui, quam illa  
 moles est collocanda? Quare si aliqua sit in parte, & ubique,  
 necesse est esse. Et insuper si sit uacuum, infinitusque lo-  
 cus, & infinitum corpus esse necesse est. In perpetuis  
 enim non differunt posse, ac esse. Habet autem dubitatio-  
 nem ipsa contemplatio infiniti. Nam si ponatur esse, im-  
 possibilia multa sequuntur: & etiam, si non esse ponatur.  
 Præterea utrum sit modo, uirum ut substantia, an ut acci-  
 dens, alicui nature per se, an neutro modo, sed nihilomi-  
 nus sit infinitum, & multitudine infinita? Maxime au-  
 tem ad naturalem philosophum pertinet, si magnitudo  
 sensibilis infinita sit, in ratione rerum considerare.

Atque primum determinandum est, quot modis dicitur  
 infinitum. Vno itaque modo dicitur infinitum, quod impos-  
 sibile est pertransire ex eo, quia non est aptum, ut per ip-  
 sum transitio fiat: perinde atque uox, inuisibilis dici solet.  
 Alio modo id dicitur infinitum, quod habet sine fine transi-  
 tionem: aut quod uix: aut quod aptum est quidem habere,  
 non habet tamen transitionem, uel finem. Præterea infini-  
 tum omne, aut in appositione, aut in diuisione, aut in utrius-  
 que consistit.

Quòd infinitum separabile à sensibilibus nullum sit, neq;  
vt antiqui Naturales posuerunt.

CAP. V.

Hic declarat  
Aristo. nullū  
esse corpus  
sensibile actu  
infinitū, neq;  
numerū: nō  
esseque actu  
infinitū à sen-  
sibilibus se-  
paratum, po-  
nendum.

**S**eparabile igitur à sensibilibus infinitum esse nō potest,  
Quod quidem ipsum sit infinitum. Nam si infinitū ipsum  
neq; magnitudo sit, neq; multitudo, sed substantia, & non  
accidens, indiuisibile erit profectò. Diuisibile enim aut ma-  
gnitudinem, aut multitudinem esse constat. Si uerò indiuisi-  
bile sit, infinitum non erit, nisi perinde atque uox est inui-  
sibilis. At neq; illi qui dicunt infinitum esse, ipsum hoc pa-  
cto ponunt, neque nos querimus si sit idemdem ipsum, sed  
ut habet sine fine transactionem. Quòd si infinitum per ac-  
cidens sit, non hoc elementum erit eorum, quæ sunt, quo  
est infinitum: quemadmodum nec ipsum inuisibile, locutio-  
nis est elementum, & tamen uox est inuisibilis. Præterea  
quoniam pacto quippiam infinitum esse potest, si neq; nu-  
merus, neque magnitudo per se esse potest, quorum per se  
affectus quidam ipsum est infinitum? minus enim ipsum  
per se, quàm magnitudinem, aut numerum, esse necesse est.

Perpicuum etiam est infinitum sic esse nō posse, ut actu  
sit, & ut substantia. principium uenā infinitum erit, quic-  
quid ipsius accipias, si habeat partes. Est enim idem esse  
infinui, ac infinitum, ut patet, si infinitum substantia sit, &  
non in subiecto. Quare sit, ut ipsum aut indiuisibile sit, aut  
in infinita sit diuisibile. At fieri nequit, ut idem multa sit  
infinita. At uerò ut pars aeris aer est, sic & infinitum pars  
queuis infinui, si substantia quedam & principium sit, uti  
dicunt. Vacat igitur partibus, atque indiuisibile est.

At esse non potest id tale, quod actu est infinitum: necesse  
est enim, ipsum, quantum quid esse. Per accidens igitur  
infinitum ipsum esse uidetur. Quod si ita sit, dictū iam  
est antea, non posse ipsum principium dici, sed illud, cui  
accid

accidit, ut ærem, aut par. Quare absurdè dicunt profecto, qui tale illud esse censent, ut Pythagorici dicunt: nam substantiam faciunt ipsum, & simul etiam partiuntur.

Verùm hæc quidem forsitan inquisitio, uniuersalis est magis, si possit, inquam, infinitum & in mathematicis, & in intelligibilibus, & in hisce, quæ nullam habent magnitudinem, esse. Nos autem, si sit in sensibilibus, de quibus doctrinam facimus, infinitum corpus incremento nec ne, consideramus, ac perscrutamur. Si igitur differendi modo considerabimus, ex hisce uidebitur infinitum non esse. Nam si ratio corporis est, superficie terminatum esse, non erit infinitum ullum, aut intelligibile, aut sensibile corpus. At uerò neque numerus ita, ut superatus, ac infinitus: numerus enim omnis, aut id, quod numerum habet, numerabile est. Si igitur fieri potest ut ipsum numerabile numeretur, & infinitum quispiam poterit pertransire. Sed si magis naturaliter contemplabimur, ex hisce, quæ deinceps dicentur, nullum infinitum corpus in ratione rerum esse uidebitur: nec enim compositum esse potest, nec simplex. Compositum igitur corpus nullum est infinitum, si elementa multitudine sint finita: necesse est enim & plura esse, & equalitatem inter contraria semper esse, & unum ipsum infinitum non esse. Nam si ignis quidem sit finitus, aer autem infinitus, quanquam unius corporis uis inferior est alterius uis, atque pars ignis æqualem aeris partem uis superat, modò excessus aliquem subeat numerum, tamen infinitum corpus superabit, ut patet, atq; finitum sanè corrumpet. Nec inumquodque infinitum esse potest. Nam corpus quidem est, quod omni ex parte dimensionem habet. Infinitum autem, quod sine fine est extensum dimensione. Quibus fit, ut infinitum corpus per omnē sit dimensionem



in infinitum extensum. At uerò neq; potest infinitum corpus unum ac simplex esse, aut simpliciter, aut (ut quidam inquirunt) id quod est præter elementa, ex quo hæc generant. Sunt enim qui hoc faciunt infinitum, sed non aërem, aut aquam, ne ab infinito cetera corrumpantur. Habent enim inter se contrarietatem, quippe cum aër frigidus, aqua humida, & ignis calidus sit: quorum si unum esset infinitum, cetera iam fuissent corrupta. Nunc autem aliud infinitum inquirunt esse, ex quo hæc fiunt. At impossibile est, non solum infinitum hoc esse (de hoc enim commune quid est dicendum, de omni similiter & aëre, & aqua, & quouis alio simplici) sed etiam esse tale corpus sensibile, præter ea corpora quæ elementa uocantur. Omnia nanque in id dissoluuntur ex quo fiunt, & constant: quare præter aërem, ignem, terram, & aquam, corpus hic aliud esset. At nullum esse uidetur. Neque igitur ignis, neq; aliud quicquam elementorum, infinitum esse potest. Omnino enim & absq; hoc, esse, inquam, ipforum aliquid infinitum, impossibile est ipsum uniuersum, aut esse, aut fieri unum quid ipforum, si sit etiam infinitum, perinde ut Heraclitus asserbat, omnia dicens tandem fieri ignem. Eadem & ad illud unum accommodabitur ratio, quod præter elementa Naturales Philosophi faciunt: omne enim ad cōtrarium ex contrario, ut ad frigidum ex calido, solet mutari. Atque ex his etiam de quouis cōsiderare oportet, si possit, nec ne infinitum esse sensibile corpus. Ex his autem patebit, infinitum sensibile corpus in ratione rerum esse omnino non posse. Omne namq; sensibile corpus, apium est alicubi esse, atq; locus est quidam cuiusque, & idem est totius, ac partibus: ut totius terræ, uniusq; glebæ: & ignis item, atq; scintille. Quare si infinitum partium sit similium, immobile erit,

erit, aut semper feretur. At id fieri nequit. Cur enim deorsum magis quam sursum, aut ad quemuis locum mouebitur? Dico autem si sit gleba, quorsum hæc mouebitur, aut ubi manebit? Corporis enim eiusdem formæ, locus est infinitus: occupabit ne igitur totum locum? at qui fieri potest? Quenam igitur ipsius quies, aut ubinam erit? & quis præterea motus? An ubique manebit? non ergo motu ciebitur. An omnem ad locum mouebitur? non ergo quiescet, inquam, ac stabit. Sin uero sit dissimilium partium, dissimilia etiam erunt & ipsa loca. Atque primò quidem ipsius uniuersi corpus, non erit unum nisi tactu. Deinde partes, aut sunt infinitæ specie, aut finitæ. At finitæ nequeunt esse: erunt enim aliæ quidem infinitæ, aliæ uero non infinitæ, si uniuersum est infinitum, ignis, inquam, uel aqua. Tale autem, corruptio est contrarijs ipsis, ut & antea diximus: & ob hoc nemo Naturalium infinitum ipsum, unumquodque, ignem aut terram fecit, sed aut aërem, aut aquam, aut id quod inter ipsa medium collocarunt: quoniam illorum quidem locus manifestè erat determinatus, atque distinctus. Hæc autem utroque in loco, in supero, inquam, ac infero esse possunt. At neque etiam infinitæ: nam si sint infinitæ, ac simplices, & loca erunt infinita profectò, & infinita etiam elementa. Quòd si hoc esse nequeat, sintque ipsa loca finita, & totum ipsum finitum esse necesse est: fieri namque non potest, ut non æqua sint locus, & corpus: neque enim locus maior esse potest, quam ipsum corpus: neque corpus maius, quam ipse locus: nam aut uacuum aliquod erit, & corpus insuper infinitum non erit, aut corpus quippiam erit, quod nusquam aptum est esse. Anaxagoras autem absurdè de infiniti quiete dicit: firmare enim infinitum seipsum dicit, idque ex eo fieri, quia est in seipso

(nihil enim aliud ipsum continet) quasi ubi quippiam sit, ibi sit aptum consistere. hoc autem, uerū non est: esse enim alicubi ui quippiam potest, non ubi aptum est esse. Quāuis igitur quāmaxime totum non moueatur (id enim quod in seipso firmatur, & in seipso est, immobile necesse est esse) dicat tamen ipse oportet, cur non est aptum moueri. Non enim sat est hoc dixisse pacto, ac euasisse: fieri enim potest, ut non moueatur, & quoduis aliud corpus: sed nihil prohibet, aptum esse moueri. Et terra nanque non fertur, nec si infinita etiam esset, ex eo tamen quia medio coërcetur: non enim quia non est aliud, ad quod fertur, in medio ipso quiescet, sed quia nō hoc modo est apta ferri: & tamē liceret dicere, seipsam terram firmare. Quod si neq; in terra, si infinita esset, hoc esset causa, sed grauitatem habere. Graue autem in medio suapte natura quiescere solet: similiter & infinitum in seipso quiescit ob aliquam aliam causam, & non ex eo quia est infinitū, & seipsum firmat.

Et insuper patet, & quamuis ipsius partem, eodem modo quiescere oportere: nam ut infinitum in seipso manet, seipsum firmans, sic & omnis ipsius pars, quamcunque acceperis, in seipsa manebit. Loca nanq; totius, ac partis, speciei esse eiusdem constat: totius enim terræ, glebæq; idē est locus, qui est inferus: & etiam ignis totius, atque scintillæ, qui est superus. Quare si infiniti sit locus in seipso esse, & partis idem erit profecto. quælibet ergo in seipsa manet. Omnino autem patet fieri non posse, ut corpus infinitum in ratione rerum ponatur, & locus corporibus tribuatur: si corpus omne sensibile, aut graue sit, aut leue: & graue quidem ad medium suapte natura feratur, leue uerō similiter supera loca petat: & infinitum enim hanc eandem naturæ subeat legem necesse est. At fieri nequit, ut  
aut



aut totum graue sit, aut leue : aut dimidium leue, dimidium graue. Quo namq; modo diuides illud, aut quo pacto ipſius infiniti hæc quidem pars ſupra, hæc autem infra, uel ultima, uel media erit ? Præterea, omne corpus ſenſibile eſt in loco. Loci uerò ſpecies, ac differentiæ ſunt, ſupra & infra, ante & retro, dextrum atq; ſiniſtrum. Atq; hæc non ſolum noſtra ex parte ſunt, poſitione uel, ſed in ipſo etiam toto diſtincta ſunt, atque hæc eſſe in infinito non poſſunt. Atque ſimpliciter ſi locus infinitus eſſe non poſſit, ſitq; omne corpus in loco, & in ratione proſectò rerum infinitum corpus eſſe nõ poſeſt: at uerò quod alicubi eſt, in loco eſt: & quod in loco eſt, alicubi eſt. Vt igitur infinitum, quantitatis rationem ſubire non poſeſt (nam quantum fuerit quoddam ut bicubitum, aut tricubitum : hæc enim ſignificat ipſum quantum) ſic & quod eſt in loco, id alicubi ſane eſt. At id aut ſupra, aut infra, aut in aliqua alia ſex differentiariũ eſſe ſignificat, quarum unaqueq; finis eſt quidam, ut conſtat.

Quod ſit Infinitum, & quo pacto ſit, & quid ſit ipſum. CAP. VI.

**P**atet igitur ex hiſce quæ diximus, infinitum corpus in ratione rerum actu non eſſe. Atqui conſtat impoſſibilem euenire complura, ſi non ſit ſimpliciter infinitum. Temporis enim erit aliquod principium, atq; finis. Et magnitudines, non erunt in magnitudines diuiſibiles. Numerus etiam, infinitus non erit. Cum igitur hiſ hoc pacto determinatis neutra pars aſſerenda eſſe uideatur, arbitro proſectò, moderatorq; eſt opus, atque patet partim eſſe, partim non eſſe. Dicitur itaq; quippiam eſſe, aut potentia, aut actu : & infinitum eſſe additione, ac etiam diuiſione. Magnitudo autem actu quidem infinita non eſt, uti diximus: diuiſione autem eſt : non eſt enim difficile, lineas indiuiduas e medio tollere. Reſtat igitur, infinitum in ratione rerum

Hic declarat  
Ariſt. quomo-  
do infinitum  
eſt, & quomo-  
do non eſt.

potentia esse. Non oportet autem infinitum potentia sic  
 accipere, ut actu tandem euadat: quemadmodum si potest  
 hoc statua esse, erit hoc statua tandem. Sed cum multiplici-  
 ter quippiam esse dicatur, perinde est infinitum, ut dies est,  
 atque ludus, ex eo quia fit aliud, atque aliud semper: nam  
 in his est, esse potentia, atque actu. Est enim Olympicus lu-  
 dus, & quia fieri potest, & quia fit. Patet autem infini-  
 tum in tempore diuerso modo, & in hominibus, & in di-  
 uisione magnitudinum esse: omnino nanque hoc modo est  
 infinitum, ut semper aliud, aliudq; sumatur: & id quod ac-  
 cipitur, sit quidem finitum: at aliud, atque aliud semper.  
 Quare non oportet infinitum perinde accipere atque hoc  
 aliquid, ut hominem, aut domum: sed ut dies dicitur, atque  
 ludus, quorum esse non ut substantia quedam est ortum,  
 sed in generatione semper, corruptioneq; consistit, finitum  
 quidem, at aliud, atq; aliud semper. Verum in imaginibus  
 quidem hoc accidit, permanente eo, quod sumptum est. In  
 hominibus autem, atque tempore, occidentibus ita ut non  
 deficiant. Atqui infinitum, quod in additione, & quod in  
 diuisione consistit, idem quodammodo est: sit enim in ma-  
 gnitudine finita, per additionem e contra. Nam ut cum di-  
 uiditur, cernitur in infinitum abitio: sic cum additio fit, ad  
 magnitudinem ipsam determinatam uidebitur. Etenim si  
 quippiam in magnitudine finita, definita magnitudine sumpta,  
 eadem alia accipiat ratione, non eandem totius magnitu-  
 dinem sumens, non pertransibit unquam magnitudinem il-  
 lam finitam. Sin uero hoc pacto rationem augeat, ut sem-  
 per magnitudinem eandem accipiat, pertransibit sane,  
 propterea quod omne finitum quous consumitur definito.  
 Alio igitur modo non est infinitum in rebus, sed hoc pacto,  
 potentia, inquam, atq; diuisione. Et actu etiam est, perinde  
 atq;

atq; diem, ac ludum dicimus esse. Et potentia sic est, ut materies, & non per se, ut ipsum finitum. Et additione igitur hoc pacto est potentia infinitum, quod quidem aliquo modo dicimus idē esse, quod id, quod in diuisione consistit. Semper enim est aliquid ipsius extra sumendum, non tamen definitam omnem exuperat magnitudinem: ut in diuisione, definitam exuperat omnem, & semper minor euadit.

Vt autem omnem additione exuperet, neq; potentia esse potest: si quidem non sit per accidens actu infinitū. ut Naturales id corpus infinitum esse dicunt, quod extra mundum collocauere, cuius substantia aër est, aut aliquid tale. Sed si infinitum actu sensibile corpus hoc pacto in ratione rerum esse non potest: patet neq; per additionem posse sic esse potentia infinitum, nisi (ut dictum est) diuisioni cōtrario modo. Nam & Plato infinita duo propterea facit, quod in accretione exuperare uidetur, & in diuisione in infinitum abire. At quanquam duo fecit, non tamen utitur. In numeris enim neq; processio per diuisionem est infinita (unitas enim minimum est) neque accretio: usq; nanq; ad denarium, incrementa numeri facit.

Quo pacto ex definitione infiniti, assignanda sit ratio eorum quæ de infinito dicuntur. CAP. VII.

**F**it autem, ut infinitum sit contrario modo, atq; alij dicunt: non enim id est infinitum, cuius nihil est extra: sed id cuius aliquid semper est extra. Cuius hoc indicium est: nam & annulorum eos, qui pala carent, infinitos, homines dicunt: quia semper aliquid est extra sumendum, per similitudinem tamen quandam, & non propriè: oportet enim & hoc nunquam idem insuper sumi. In circulo uerò non ita sit: sed semper quod deinceps sumitur, est solum aliud. Infinitum igitur id est, cuius semper aliquid extra, ratione quant

Hic rursus Aristot. quid sit infinitum, declarat, cau fasq; infinitatis assignat.



quantitatis accipi potest: cuius uerò nihil est extra, id est perfectum, ac totum. Hoc enim pacto totum consueuimus definire. Totum dicentes id esse, cuius nil prorsus abest: ut hominem totum, aut cistellam: atque ut quodque sic, et id quod propriè totum est, ueluti totum ipsum cuius nihil est extra: cuius uerò aliquid abest, id quicquid abest, uniuersum non est. Totum autem et perfectum, aut idem penitus sunt, aut naturam finitimam habent. Perfectum uerò nihil est prorsus, quod non habeat finem. Quocirca putandum est, melius Parmenidem Melisso dixisse. Hic enim, ipsum infinitum, totum appellat: Parmenides autem, totum dicit esse finitum, a medio æquè distans: fieri enim non potest, ut infinitum cum toto, ac uniuerso, perinde atque cum lino linum nectatur. Nam hinc et hanc præclaram de infinito conditionem accipiunt, omnia inquam ipsum continere, et uniuersum in seipso complecti: habet enim similitudinem quandam ad totum. Infinitum enim, materia perfectionis magnitudinis est, et id quod est potentia totum, non actu. Est autem diuisibile, ad diminutionem: et ad additionem contrariam, totumque, atque finitum: non per se, sed per aliud: et non continet, sed ut infinitum est, continetur. Quapropter et ignotum est, ea ratione, qua est infinitum: materia namque formam non habet. Quare patet, partem magis infinitum, quam totius rationem subire. Materia namque pars est totius: perinde ac æs est æneæ statuæ pars. Nam si in rebus sensibilibus continet, et in intelligibilibus etiam ipsum magnum, et paruum continere res intelligibiles oportebat. At absurdum est profecto, ac impossibile, id quod est ignotum, atque indefinitum, continere, ac definire. Atqui cum ratione etiam sit, ut id quidem quod in additione consistit, non uideatur esse sic infinitum, ut omnem exuperet magnitudinem. Id uerò quod in  
diui

diuisione consistit, infinitum esse istiusmodi uideatur. Infinitum enim intus perinde atq; materia continetur, forma autem continet. Cum ratione etiam accidit, in numero quidē uersus minus, minimum esse, finemq;: uersus autem plus, omnem semper multitudinē exuperare. In magnitudine uerò, contrarium: uersus quidem minus, omnē magnitudinem exuperare: uersus autem maius, non esse magnitudinē infinitam. Hec enim ita propterea fiunt, quod ipsum unum, quicquid tandem idem id sit, indiuisibile est: homo nanque unus est homo, non multi. Numerus autem est, una, plura, quantū ue quædam. Quare ad indiuisibile stetur necesse est: duo enim, ac tria denominatiua nomina sunt: & ceterorū quisq; numerorum simili modo. Versus autem plus, fit ut semper intelligatur: diuisiones enim magnitudinis duas in partes æquales, sunt infinitæ. Quare potentia quidem est, actu non est: sed semper id quod accipitur, multitudinem omnem exuperat definitam. Sed non est separabilis is numerus diuisionis, nec infinitio permanet: sed fit & quemadmodum tempus, & ipse numerus temporis. In magnitudinibus autem cōtrarium est. Nam diuiditur quidem in infinita continuum ipsum. Versus autem maius, non est infinitum: quantum enim contingit potentia esse, tantum & actu esse cōtingit. Quare cū infinitum nullum sit sensibile corpus, non cōtingit definitæ magnitudinis omnis exuperationem esse, alioquin maius cœlo aliquid erit. Ipsum autē infinitum non est idem in motu, magnitudine, atque tempore, ut una quædā natura, sed posterius dicitur ob prius: ueluti motus quidem dicitur infinitus, quia prius ita dicitur magnitudo, super qua sit motus, & quæ alteratur, aut accrescit: tēpus autem, propter motum. Atq; nūc quidē uiuimus hisce. posterius autē & quidnā sit horum unumquodq; & cur omnis  
magnit

magnitudo diuisibilis sit in magnitudines, dicere enitemur.

Confutatio quinque rationum, quibus ostendebatur

Infinittum esse.

CAP. VIII.

Hic Arist. rationes probantes infinitū actu esse, de quibus supra CAP. IIIII. soluit.

**A**Tqui neq; mathematicorum contemplationem ea ratio auferit, quæ infinitum hoc pacto è medio tollit, ut ad incrementum abeat actu sine transitione: neq; enim nūc ipso indigent infinito, neq; utuntur, sed tantā solū lineam postulant, quantā uolunt finitam, atq; quantāuis aliam magnitudinem eadē diuidere ratione, quā diuisa est magnitudo maxima, licet. Quare ad ostendendum quidem illo pacto, nihil refert prorsus: esse autem ipsum in his est magnitudinibus, quæ in rerum sunt ratione. Cū uerò causæ in quatuor sunt distinctæ, patet infinitum, ut materiā causam esse, & esse quidē ipsius priuationē esse: per se autem subiectū, continuū ipsum atq; sensibile esse. Ceteri etiā omnes ipso infinito, ut materia, uti uidentur. Quapropter & absurdum est sanē ipsum id esse, quod cōtinet, & nō id, quod continetur, asserere. At enim restat eas soluere rationes, quibus infinitum non solū potentia, sed ut definitū etiam esse uidetur. Partim enim non sunt necessarie, partim uerò quasdam obiectiones alias habent. Non enim, ut generatio non deficiat, corpus esse sensibile infinitum actu necesse est: potest enim alterius corruptio, generatio alterius esse, si finitū est uniuersum. Præterea tangere, atq; finitum esse, diuersa sunt: nam illud quidē, ad aliquid est (omne enim quod tangit, aliquid tangit) atq; accidit alicui finitorum. Finitum autem, non est ad aliquid: neq; fit, ut quouis sine ullo discrimine quoduis tangat. Atqui per absurdum est intellectione credere: non enim in re est ipse excessus, atque defectus, sed in ipsa intellectione. Nam potest quispiam unumquemque nostrum maiorem, quā est, intelligere, augens ipsum in infi



infinitum. At non ideo quispiam nostrum extra ciuitatem est, aut tantam magnitudinem quā habemus, exuperat, quia quispiam sic intelligit, sed quia est: hoc autem accidit. Tempus autē, & motus sunt infinita, & intellectio eo non permanēte quod sumitur. Magnitudo uerò, neq; diuisione, neq; incremento intelligibili est infinita. Sed de infinito quoniam pacto est, & non est, & quid etiam est, satis iam diximus.

# PHYSICORVM

ARISTOTELIS

LIBER IIII.

## *Argumentum ex Simplicio.*

Cum instituerit doctrinam principiorum, & causarum Naturalium, & eorum, quæ communiter res naturales omnes consequuntur, locutus est in primo libro de principiis; quæ uelut elementa sunt materia, scilicet forma, & quæ his iuncta est, priuatione. In secundo autem de causa agente, & fine, & de iis, quæ aliis uidentur recensenda inter causas agentes, at non sunt per se effectrices, uelut fortuna, & casus, sed per accidens sunt. Cumq; ostendisset, Naturam esse causam agentem, ac definiuisset ipsam principium motionis corporum, quando naturalibus rebus omnibus, quatenus naturales sunt, motus inest, & constituit naturalia corpora, &, in definitionem Naturæ adhibetur, non immerito mox initio libri tertij de motu ipso differuit. Verum quando corpus naturale omne, & motum omnem necesse est aut finitū, aut infinitum esse, & tum corpus, tum motus, quod cōtinua sint, in infinitum diuisibilia sint, insuper & Naturalium nonnulli infinitum, principium esse dixerint, rectē de infinito etiā differuit. Atq; absoluto de elementis, & aliis causis, deq; iis, quæ sub principia referuntur, sermone: deinceps, eorum, quæ foris acciderent corporibus naturalib; insunt, facit inquisitionē, ubi tradit cuiusmodi sint locus, & tēpus. Nam corpus naturale omne, & in loco est, & loco mouetur, & in loco quiescit: simplicia autē corpora etiā differētes species sortiuntur,

iuxta

iuxta differentias priorum locorū. Et cūm omnis motus tempore metiatur, oportebat etiam de tēpore docere, siquidē omnis motionis numerus tempus est, quemadmodū ediscimus. Porro de loco rectē primum disseruit: præcedit enim is, non solūm tēpus, sed & motū, & corpus etiā ipsum. Est enim corpus quidem in loco, motus autē in corpore, & tempus in motu. Quando verō substantia naturalis, corpus naturale est, cæteraq; aliquid huius sunt, aliud quidem receptaculū, aliud motio, aliud mensura motionis: rectē profectō elemēta naturalis corporis, materiam, inquam, & formā primum proposuit: deinde causam eorum agentem, ac finem: & motū, qui in definitionem Naturæ adhibetur. Atq; ad eundem modum ex his, quæ foris accedunt, locū tempori præposuit. At quando de iis, quæ mouētur, Naturalis negotiatur, vt de immobilibus mathematicus, & Theologus, & locus ex iis est, quæ nō mouētur, quonā modo Physici fuerit de ipso considerationem facere? an eō quodd corpus mobile recipiat, quamuis nō moueatur ipse, eiusq; sit finis, atq; eatenus moueatur etiā, quāuis per se non moueatur locus? Cæterū quia nōnulli vacuum inter principia locarūt, id locū esse dicētes corpore priuatū, idcirco post sermonē de loco, de vacuo disputat: ad quē modum decisus quæstionibus de tempore, & præsentē librū finit, & vniuersum sermonē, qui de iis, quæ cōmuniter cōpetūt, corporibus naturalibus, deq; principiis institutus fuerat.

An sit Locus, & quid sit inquisitio.

CAPVT I.

Hoc in libro  
determinat  
Arist. de Lo-  
co, vacuo, tē-  
pore.



**V**T autem de infinito, sic de Loco necesse est Philosophū naturalem, si sit nec ne, & si sit, quonā sit modo, quidq; etiam sit, cognoscere. Nam omnes ea quæ sunt, alibi esse existimant: quia id quod non est, nusquam est. Vbi namq; hippocentaurus est, aut chimæra? Communis quoq; maximē, atq; propriissimus motus, quem lationem appellamus, loco sanē accommodatur. Complures autē dubitationes emergunt, quidnā sit ipse locus: non enim idem ex omnibus quæ ipsi competunt, contēplanti uidetur.

Præf

Præterea nihil ab alijs, aut dubitatum de ipso, aut inuen-  
tum habemus. Esse autem locum, ex translatione patere  
uidetur: ubi nanque nunc est aqua, h. c. rursus est ær, hinc  
egressa illa tanquam ex uase. Nonnunquam etiam, eundem  
hunc locum aliud corpus quippiam occupat: hoc autem ab  
ijs omnibus, quæ insunt, atq; mutantur, diuersum esse uide-  
tur: in quo nanque nunc est ær, in quo prius fuerat aqua.  
Quare patet, locum et receptaculum ipsum, aliud quid esse  
ab utrisque, ad quod & ex quo sunt mutata. Præterea cor-  
porum naturalium, atque simplicium ut ignis, terra, ac ta-  
litiones, non solum aliquid esse locum, sed etiam ha-  
bere quandam potentiam, indicant: fertur enim unumquodq;  
suum ad locum, aliud sursum, aliud deorsum, nisi prohibea-  
tur. Hæc autem loci sunt partes, & species: supra inquam,  
ac infra, ceteræq; quatuor differentie. Suntq; hæc, dextrum  
inquam, atque sinistrum: & supra, ac infra: non solum no-  
stra ex parte (ad nos enim non semper est idem, sed fit ut  
uertimur positione. Quocirca, sæpe idem dextrum est atq;  
sinistrum: & supra, ac infra: & antè & retrò) sed etiam  
ex ipsa natura, ubi distinctum est seorsum unumquodque:  
non enim quoduis est ipsum, supra, sed id quò fertur ignis,  
ac leue: similiter et infra non est quoduis, sed id, quò ea quæ  
pondus habent, & terrea pergunt. Quibus patet hæc non  
solum positione, sed ui quoque differre. Indicant id ipsum  
& mathematica. Nam etsi non sunt in loco, nostra tamen  
positione, dextra, leuæq; habent, nil horum habentia natu-  
ra, ut solum positio ipsorum intelligatur. Præterea qui  
uacuum esse dicunt, locum asserunt esse. Vacuum enim, lo-  
cus erit sanè corpore carens. Locum igitur aliquid esse  
præter corpora ipsa, & omne corpus sensibile esse in lo-  
co, per hæc quispiam sanè putauit. Rectè etiam Hesiodus  
f uidebitur



uidebitur dicere, faciens ante omnia chaos: dicit enim, Ante chaos, post hoc facta est latissima tellus. Propterea quod primū receptaculum hisce quæ sunt, fuisse oportebat: quia putabat, ut multi cuncta alicubi esse atque in loco. Quod si ita sit, admirabilis quædam ipsius loci uis erit, & omnibus prior: quod enim ita se habet, ut sine ipso quidem cætera nequeant esse, ipsum autem sine cæteris sit, id primum omnium esse necesse est. Locus enim non perit, etsi ea quæ in ipso sunt, corrumpantur. Verum si sit locus, existit continuo dubitatio, quidnam sit, utrum moles corporis quædam, an alia quædam natura? Est enim genus ipsius primò querendum. igitur habet quidem dimensiones tres, longitudinem, latitudinem, ac etiam altitudinem: quibus omne definitur nimirum corpus. At locum, impossibile est esse corpus: erunt enim in eodem, corpora duo. Præterea si corporis sit locus, ac receptaculum, patet & superficiæ, & reliquorum finium esse: eadem enim accommodabitur ratio. Nam ubi prius erant superficies aquæ, superficies rursus aëris erunt. At nulla est differentia puncti, ac loci puncti. Quare si locus non est diuersus ab hoc, neq; à cæterorum ullo diuersus est, nec quicquam est ipse præter unumquodq; istorum. Quid enim tandem locum esse ponemus? neque enim elementum, neq; ex elementis aut corpora reís, aut incorporeis esse potest, talem habens naturam: nam magnitudinem quidem habet, nullum est autem corpus. At corporum quidem sensibilibus elementa, corpora sunt: ex intelligibilibus autem elementis, nulla fit magnitudo. Præterea, cuiusnam rei causam locū esse quispiam ponet? Nulla enim ipsi causarum quatuor competit. Neq; enim ut materia, rerum est causa, quippe cum nihil ex ipso constet: neq; ut forma, ratio uel: neq; ut finis: neque res ullas mouet. Præterea

terea & ipse, si sit unum quid eorū, quæ sunt, alicubi erit. Zenonis namq; dubitatio, rationem aliquam querit. Nam si omne quod est, est in loco, patet & locum etiam esse loci: atq; hoc in infinitum abibit. Insuper, si ut est omne corpus in loco, sic est & omni in loco corpus, quonam pacto dicemus de ijs quæ accrescunt? Nam si locus cuiusq; neq; minor est, neq; maior: necesse est unā cum ipsis, incrementa locum suscipere. Ex hīs igitur non solum quidnam sit locus, sed si sit etiam, dubitare necesse est.

Astruere nititur opinionem dicentium, Locum esse formam, & eorum qui materiam dicunt, ut utranque conuellat, magis tamen quæ materiam dicit. CAP. II.

**C**um autem quoddam per se, quoddam dicatur per aliud: & locus alius sit communis, in quo cuncta corpora sunt: alius proprius, in quo primo quippiam est (nam tu nunc es in cælo, quia in aëre es, qui quidem in cælo est: & rursus in aëre es, quia in terra es: & in hac simili modo quia hoc es in loco, qui nihil plus, quam te, continet) cum hæc igitur ita sint, atq; locus id sit, quod primum unumquodq; corporum continet, finis ipse quidam erit profectō. Quare locus, uniuscuiusq; forma esse uidebitur, quia magnitudo, materiæq; magnitudinis terminatur: hæc enim, rei cuiusq; est finis. Atq; hoc quidem modo considerantibus, locus uniuscuiusque forma esse uidetur: ut autem interual- lum, magnitudinis esse uidetur materies: hoc enim à magnitudine est diuersum, & est id, quod à forma continetur ac terminatur, uelut à superficie termino ue: tale autem est ipsa materies, & id quod terminis caret. Nam cum aufer- tur finis, atque affectus à pila, nihil præter materiam re- stat. Quapropter & Plato in Timæo, materiam & receptaculum idem esse dicit. Susceptiuum enim, & receptacu- lum,

Hic inquit  
Arist. Locus  
materiæ ne  
sit, an forma.

lum, unum esse dicit, ac idem. Et quanquàm materiam illo quidem in loco susceptiuū appellat, in hisce uerò, quæ non scriptæ sententiæ nuncupantur, alio modo: locum tamen, & receptaculum idem asseruit esse. Vniuersi nanque locum aliquid esse dicunt: hic uerò quidnam sit locus, dicere est aggressus. Merito autem ex hisce considerantibus difficile esse uidebitur quidnam sit ipse locus cognoscere, si utrumuis horum sit, siue materia, siue forma. Nam hæc & summam habent contemplationem, & seorsum alterū sine altero facile cognosci non potest. At uerò non est difficile uidere locum, utrumuis horum esse non posse: neque enim materia, neq; forma separatur à re. At locus separari potest. In quo nanq; erat aër, in hoc rursus est aqua, uicissim hisce sibi cedentibus, cæterisq; corporibus similiter, uti diximus. Quare neq; pars est, neq; habitus ipse locus, sed à quaq; re separabilis est: etenim quale est uas, tale quid ipse locus esse uidetur. Vas enim locus est potens transferri: at uas, nihil est eius rei, quæ est in ipso. Locus igitur, quo quidem est à re separabilis, hoc forma sanè non est: quo uerò continet, hoc à materia est diuersus. Videtur autem semper id, quod est in loco, aliquid esse, & extra ipsum aliquid aliud esse. Plato tamen dicat oportet, si parumper liceat digredi, cur formæ, numeriq; non sunt in loco, si locus est id, quod est particeps, siue magnum sit illud & paruum, siue materies, ut in Timæo asseruit. Præterea, si locus esset materies, aut forma, quoniam pacto res ad suum pergeret locus? esse enim id locus non potest, ad quod non est motio, & quod hæcce differentias, supra inquam, ac infra, non habet. Quare locus in talibus est querendus. Quod si in ipsa re locus inest (insit enim oportet, si est materies, aut forma) locus erit in loco: mutatur enim una cum re, atq; mouetur & forma.



ma, & id quod terminis caret, & non in eodē est semper, sed ubi est ipsa res. Quare fit, ut loci sit locus. Insuper facta ex aere aqua, perijt ipse locus: corpus enim id, quod est ortum, non in eodem est. At quænam est ipsius loci corruptio? Dicta sunt igitur & ex quibus necesse est aliquid esse locum, & ea rursus, ex quibus de substantia ipsius quispian dubitabit.

Expositio quorundam necessariorum ad considerationem veritatis de loco, videlicet quot modis dicitur aliquid esse in aliquo: & utrum aliquid possit esse in seipso: & solutio quorundam quæ prius fuerē dubitata. CAP. III.

Post hæc sumendum est quot modis quippiam in alio dicitur esse. Vno igitur dicitur modo, ut digitus in manu, & pars omnino in toto. Alio, ut totum in partibus, neque enim præter partes, totum. Alio, ut homo in animali, & omnino in genere species. Alio, ut genus in specie, & omnino in speciei ratione pars speciei. Præterea, ut sanitas in calidis, atq; frigidis, & omnino in materia, forma. Præterea, ut res Græcorum in rege, & omnino in primo mouente. Insuper, ut in bono, atq; omnino in fine: hoc autem est id, gratia cuius cætera sunt, atq; fiunt. Omnium uerò id propriissimè dicitur, quod est in uase, & omnino in loco. At enim hic quispian dubitauerit, num' ne fiat ut & in se ipso quippiam sit, an nihil est in se prorsus, sed omne quoduis aut nusquam aut in alio est? Hoc autem est dupliciter, aut per se, aut per aliud. Nā cum id, in quo est, & id, quod in illo est, totius sunt partes, tunc totum in seipso esse dicitur: quippe cum & per partes dicatur: ut albus, quia superficies est alba: & sciens, quia anima rationis particeps scit. Dolium igitur non est in seipso, neq; etiam uinum: uinum uerò dolium erit. Ambo namq; id inquam quod inest, &

Hic declarat Aristot. quot modis aliquid in alio dicatur esse.

id in quo est, eiusdem sunt partes. Hoc igitur pacto fit, ut quippiam in seipso sit. Sed ut primò fieri nequit, uelut albedo est in corpore. Nam superficies est in corpore, scientia uerò in anima. Et per hæc quæ sunt, ut in homine partes, appellationes hæ non incongruè sunt. Dolium autem atque uinum, cum sunt quidem seorsum, non sunt partes, sed cum sunt simul. Quocirca cum sint partes, erit ipsum in seipso, ceu albedo est in homine, quia in corpore est: & in hoc, quia in superficie: in hac autem, non per aliud, atque hæc diuersa sunt specie, & aliam utraque naturam, & potentiam habent, superficies inquam, atque albedo. Neque igitur inductiuè considerantes, in seipso quicquam ullo dictorum modorum esse uidemus. Et ratione etiam hoc non posse fieri patet: oportebit enim ambo esse utrumque (ceu dolium quidem, & uas, & uinum: uinum autem, & uas, & dolium) si fit ut quippiam sit in seipso. Quare si quàm maxime in sese sint, dolium quidem uinum suscipiet, non ut est ipsum dolium uinum, sed ut illud: uinum autem erit in dolio, non ut est uinum dolium, sed ut illud. Atq; patet rationem esse diuersam. Alia enim est eius ratio, in quo est: alia eius, quod est in illo. At uerò neque per accidens fieri potest: nam duo simul in eodem erunt: etenim & ipsum dolium in seipso erit, si cuius natura est susceptiua, id esse in seipso potest, & insuper illud cuius est susceptiuum: ceu uinum, si uini. Fieri igitur non posse, ut in seipso quicquam sit primò, ex ijs quæ diximus, patet. Id uerò quod Zeno dubitabat, si locus sit in ratione rerum, in quonam erit, solui facile potest. Nihil enim prohibet ut primus locus in alio quidem sit, non tamen in illo tanquam in loco, sed ut est sanitas quidem in calidis, sicut habitus: caliditas autem in corpore, ut affectus. Quare non

hæc ponitur  
in seipso  
non in loco  
non in re  
non in fine

hæc ponitur  
in seipso  
non in loco  
non in re  
non in fine

non necesse est in infinitum abire. Patet autem cum uas nihil sit eius, quod est in seipso (diuersa namq; sunt id, quod inest, & id, in quo primo inest) locum neque formam esse, neq; materiam, sed diuersum. Hec enim illius sunt aliquid, quod est in uase, materia, inquam, ac forma. Hæc igitur de ipso loco sint dubitata: sed quidnam sit locus, hoc modo fuerit manifestum.

Inquisitio, quid sit locus iuxta ueritatem. CAP. IIII.

**A**tq; sumamus de ipso, quæ uerè per se competere ipsi uidentur. Censemus itaque locum id continere, cuius est locus, & nihil esse ipsius rei, Præterea primum locum, neq; minorem esse, neq; maiorem. Præterea neque ab uno quoque relinqui, & separabilem esse. Et insuper omnem locum differentias has habere, supra, inquam, ac infra. Et corporum unumquodque proprios ad locos suapte natura ferri, aut sursum, aut deorsum pergendo, & in eisdem manere. His suppositis, reliqua contemblemur oportet, atque conandum est considerationem hoc facere modo, ut ipsum quid est tale assignetur: ut & ea quæ dubitantur, soluantur, & ea quæ competere loco uidentur, infini: & insuper ipsa difficultatis, & dubitationum, quæ circa ipsum sunt, causa pateat: sic enim unumquodque pulcherrimè demonstrari profectò potest. Si igitur motus iste non esset, qui ad locum accommodatur, locus sanè non quæreretur: quod quidem ante omnia est animaduertendum. Ob hoc enim & cælum maximè in loco esse putamus, quia semper motu cietur. Hic autem triplex est: latio, accretio, & decretio. Nam in accretione, decrectione uel sit sanè mutatio: & quod prius hic erat, id est ad maius, aut ad minus translaturum. Mouentur autem alia per se actu, alia per accidens. Et horum alia per se moueri possunt, ut corporis partes, atq; nauigij clauus.

Hic Arist. aliqua præmittit, loci definitioni conducentia.

*locus est definitio  
motus.*

*aliquis  
motus*



*2. Luna  
non rous.*

*-prefixis.*

*-pot moueri  
phibetur.*

Alia nequeunt, sed per accidens semper mouentur, ut albedo, atque scientia: hæc enim propterea mutantur loco, quòd id in quo sunt, mutatur. Atqui diximus in cælo tanquam in loco esse, quia in aëre sumus: hic autem est in cælo: & item in aëre non uniuerso, sed ob ultimum ipsius continentis, in aëre dicimus esse: nam si uniuersus aër sit locus, locus profectò cuiusq; non erit equalis ei, cuius est locus: at equalis esse uidetur: talis autem est is, in quo primò quippiam est. Cum igitur non diuisum est id, quod continet, sed continuum: tum in illo non tanquam in loco, sed ut pars in toto dicitur esse. At cum diuisum est, atque tangit, tum in primo est ultimo continentis, quod quidem neque pars est eius, quod est in ipso, neque maius, sed æquale: in eodem enim sunt eorum ultima, quæ sese tangunt. Atque si continuum quidem est, non in illo, sed cum illo mouetur. Si uerò diuisum est in illo, siue illud moueatur, siue non moueatur. Insuper cum non est diuisum, ut pars in toto dicitur esse: ut in oculo pupilla, aut in corpore manus. Cum uerò est diuisum, esse in illo dicitur: ut aqua in cado, aut in dolio uinum. Nam manus quidem cum corpore, aqua autem in cado mouetur. Iam igitur ex hisce patet, quidnam sit locus. Quatuor enim fere sunt, quorum unum quid locum esse necesse est. Aut enim forma, aut materies, aut interuallum, quod est inter extrema, aut ipsa extrema: si non sit interuallum ullum præter ipsius corporis magnitudinem, quod est in loco. Atqui, patet, horum tria locum esse non posse: sed quia continet, forma esse uidetur: in eodem enim sunt ultima eorum, quorum alterum continet, alterum continetur. Sunt igitur ambo fines, sed non eiusdem.

36. Sed forma quidem ipsius rei: locus autem, corporis eius quod continet. Quia uerò id quod continetur, atq; diuisum est.

est, interdum transfertur eo manente, quod continet, ut aqua ex uase: interuallum quid esse uidetur, quod est inter extrema, ut aliquid aliud præter corpus id quod transfertur. Hoc autem non est ita, sed quoduis eorum corporum incidit quæ transferuntur, aptitudinemq; habent tangendi.

Quod si esset quid interuallum aptum in eodemq; manens, infinita loca essent profectò. Si enim transferantur aqua, & aer: idem facient omnes partes in toto, quod uersa aqua in uase: & insuper, locus etiam transferetur. Quare loci etiam alius locus erit: & loci simul complures erunt. At non est alius locus ipsius partis, in quo mouetur, cum uas totum transfertur, sed idem. Aer enim, & aqua, uel partes aquæ in eo, in quo sunt, mouentur, sed non in eo loco, ad quem accedunt, qui quidem pars eius est loci, qui locus totius est cæli. Atqui materia quoque locus esse uidebitur, si in quiescete, & non separato, sed continuo quispiam considerauerit. Nam ut, si alteratur, est aliquid quod nunc quidem est album, olim autem erat nigrum: & nunc quidē est durum, olim autem erat molle (quapropter & dicimus materiā aliquid esse) sic & locus per quandam talem imaginationem esse uidetur. Verum illud quidem ex eo, quia quod erat aer, id nunc est aqua. Locus autem ex eo, quia ubi erat aer, hic nunc est aqua. At enim materia quidem, ut antea diximus, neq; separabilis est à re, neq; continet: loco autem ambo competunt. Si igitur locus non est quicquam istorū trium, neq; materia, neq; forma, neq; etiam interuallum, aliquid aliud semper existens præter ipsius rei spatium quæ transfertur, necesse est locū quatuor illorum reliquum esse, finem, inquam, corporis continentis: atq; id corpus contineri dico, quod est mobile latione. Magnum autem quid difficileq; esse uidetur, locum percipere, tum quia partem

materia, partim formæ similis esse uidetur: tū quia translatio eius quod fertur in ipso continente sit quiescente. Esse enim posse uidetur interuallum, aliud quoddam à magnitudinibus quæ mouentur. Confert autem ad hoc & ipse aër, qui uidetur esse incorporeus. Nam non solum fines ipsius uasis, sed interuallum etiam ipsum ut uacuum, locus esse uidetur. Ut autē uas, locus est potens transferri: sic & locus, uas est immobile. Quocirca cū id, quod est intus, mouetur, atq; transfertur, si id mouetur in quo est, ut in fluuio nauis, ut uase tunc utitur illo quod cōtinet magis quā loco. Locus autē uult esse immobilis. Quapropter uniuersus fluuius magis est locus, quia est immobilis uniuersus. Quare locus, est finis continentis immobilis primus. Atq; ob hoc medium quidem uniuersū, infra: fines autem ceteriores cœli, supra maximè omnibus propriè esse uidentur, quia illud quidem semper manet, fines autem cœli eodem modo sese habentes manent. Quare cū leue quidem sit id quod sursum pergit, graue autē id, quod deorsum fertur suapte natura, is quidē finis, qui uersus medium cōtinet: infra est, & ipsum etiam medium. Is autem qui uersus ultimum cōtinet, supra, & ipsum etiam ultimū. Et propterea locus superficies quēdā, & quasi uas, continensq; esse uidetur. Præterea locus simul cū ipsa re quodā modo est: quippe cū ipsi fines sint simul.

Quod locus sit primum continens, & quod aliquod corpus contentum non sit, ne sit infinitum actū. CAP. V.

Hic Arist. soluit rationes supra positas, quib<sup>9</sup> probatur locū non esse, ponendo aliquas proprietates loci

**A** Tqui corpus quidem id est in loco, extra quod aliud quod est corpus continens ipsum: quod uerò non ita se habet, non est in loco. Quapropter etiam si aqua fuerit tale, partes quidem ipsius mouebuntur: alia nanque aliam cōtinet. Vniuersum autem partim mouebitur, partim band mouebitur: ut totum enim simili locum non mutat, uersatur



uersatur tamē: partium enim hic locus est, & sursum quia-  
 dam, & deorsum non mouetur. Quædam autem uersan-  
 tur, & quædam sursum, atq; deorsum mouentur, quæ den-  
 sitatem habent, ac raritatem. Vt autem dictum est, quæ-  
 dam in loco potentia sunt, quædam actu. Idcirco cum id,  
 quod est simile partium, continuum est, tum partes po-  
 tentia sunt in loco: sed cum sunt separate, atq; ut in cumu-  
 lo sit, se tangunt, tum in loco sunt actu. Et rursus, alia qui-  
 dem per se: ut omne corpus aut latione, aut accretione mo-  
 bile, per se alicubi est: cælum autem (ut dictum est) non est  
 alicubi totum, neque est ullo in loco: si nullum ipsum con-  
 tinet corpus: sed quo mouetur, hoc & locus est partibus.  
 alia nanq; partium alij hæret. Alia uerò per accidens, ut a-  
 nima atq; cælum: omnes nanq; partes quodam modo sunt  
 in loco: circumquaque enim alia aliam continent. Quapropter  
 pter supremum quidem corpus uersatur. Vniuersum autem  
 tem alicubi non est, & ipsum est aliquid: quod enim alicu-  
 bi est, & ipsum est aliquid, & insuper aliquid aliud extra  
 se habet, quod continet. At præter uniuersum, ac totum,  
 nihil est extra. Et propterea, omnia sunt in cælo: forsitan  
 enim cælum est uniuersum. Est autem locus non ipsum  
 cælum, sed aliquid eius: ultimus, inquam, finis quiescens,  
 quo corpus mobile tangit. Et idcirco, terra in aqua, hæc  
 in aëre, aër in æthere, & æther in cælo est collocatus.  
 ipsum uerò cælum nullo in corpore est ulterius collo-  
 catum. Patet autem ex his, si hoc modo locus dicatur, du-  
 bitationes omnes solui facile posse: neq; enim unā cum cor-  
 pore necesse est locum incrementa suscipere, neque locum  
 esse puncti, neque in eodem corpora esse duo, neq; inter-  
 uallum quidem corporeum esse. Corpus est enim quod-  
 uis id, quod est inter fines corporis continentis, sed non  
 corpus

corporis spatium. Est etiam & ipse locus alicubi, non ut in loco, sed ut finis in eo, quod est finitum. Non est enim in  
 48 loco omne quod est: sed tantum mobile corpus. Et fertur igitur quodq; cum ratione suum ad locum. Quod enim post aliquod deinceps est collocatum, ac illud non uiolentia tangit, id propinquum est illi natura: atque si copulata quidem sint, passione carent. Sin uerò se tangant, passiva sunt uicissim, atque actiua. Manet præterea quoduis proprio in loco, non sine ratione suapte natura. Etenim hæc pars toto in loco, ut diuisibilis pars est ad totum: ueluti cum aëris quispiam, uel aque mouerit partem: sic etiam aër & sese ad aquam habet: nam alterum est uelut materies, alterum forma. Aquam quidem, materies aëris: aër autem, quasi quidam alius actus. Aqua namq; potentia aër est: at aër alio modo potentia aqua. Sed de his est posterius pertractandum: atq; id quod nunc necessitate compulsi temporis, hunc ad locum attulimus, obscureq; est dictum, tunc dilucidius explicabitur. Quod si idem est materies, atq; actus (ambo namq; est aqua, sed alterum potentia, alterum actu) ipsa sane ad aërem, ut pars quodam modo se habet ad totum. Quapropter & his est tactus. Copulatio uerò tunc erit, cum ambo fuerint unum actu. Sed esse quidem locum, & quidnam sit locus, satis iam diximus.

Quod ad Naturalem pertinet, de Vacuo inquisitio, & de ordine huius inquisitionis.

G. A. P. VI.

**E**odem modo autem putandum est Naturalis esse Philosophi de uacuo contemplari, quemadmodum & de loco, si sit nec ne, & quonam sit modo, aut quid tandem sit. Etenim similiter creditur, atq; non creditur, per ea quæ de ipso putantur. Nam qui dicunt uacuum esse, ut locum quendam & uas ipsum ponunt. At plenum quidem esse uideatur,

detur, cum habet eam molem, cuius est susceptiuum. Vaccum autem, cum illa eadem caret, quia idem est uacuum, plenum, & locus: esse uero ipsorum non idem est, sed diuersum. Incipiamus autem considerationem oportet, & hisce quæ dicunt ij, qui uacuum asserunt esse, & ijs etiam quæ dicunt, qui ipsum è medio tollunt, & tertio communibus de ipsis opinionibus sumptis. Qui igitur non esse conantur ostendere, non id è medio tollunt, quod homines dicere uacuum uolunt: sed quod dicunt errantes, ut Anaxagoras, & qui hoc redarguunt modo. Nam aërem aliquid esse demonstrant, torquentes utres, ac aërem roboris esse participem ostendentes: & item ipsum in hisce uasis includentes, quæ surripiunt aquam. At homines uacuum, spatium esse uolunt, in quo nullum est sensibile corpus. Atque cum omne quod est, corpus esse existiment: id in quo nihil est omnino, uacuum esse dicunt. Quapropter id quod est aëre plenum, uacuum inquit esse. Non igitur id ostendere eos oportet, aërem, inquam, aliquid esse, sed spatium non esse quicquam præter corporum molem, aut separabile, aut actu, quod quidem uniuersum corpus seiungit, ut non sit continuum, quemadmodum Democritus, & Leucippus, & complures alij Naturalium dicunt: aut etiam si quid ponitur extra corpus continuum uniuersi. Hi igitur ad propositum non rectè proficiscuntur, sed ij magis, qui uacuum esse dicunt. Atque primo quidem motum loco accommodatum non fore dicunt, qui quidem est latio, atque accretio: non enim esse motus uidetur, nisi sit uacuum: fieri namque non potest, ut ipsum plenum suscipiat. Quod si susceperit, fuerintque duo corpora in eodem, possunt & quotquot uolueris corpora simul esse: differentia namque dici non potest, ob quam dictum hoc non eueniet. Quod si hoc erit, potest & minimum suscipere maximum:



mum: quippe cum ipsum magnum multa sit parua. Quare si sit ut equalia multa sint in eodem, fieri potest ut multa quoque inequalia simul sint in eodem. Melissus autem & uniuersum ex his ostendit immobile esse: nam si mouebitur, necesse est, inquit, uacuum esse. At uacuum, in ratione rerum non est. Vno igitur modo, ex his uacuum quid esse ostendunt. Deinde alio modo, quia nonnulla corpora premi cogi; uidentur: quod intueri licet, cum dolia una cum utribus, ut inquit, uinum suscipiunt, propterea quod corpus quod densatur, ea uacua quae insunt, ingreditur. Praeterea accretio etiam per uacuum fieri omnibus uidetur: nam alimentum quidem est corpus. Fieri uero non potest, ut corpora duo sint simul. Testem etiam huius id asserunt, quod in cinere fieri solet, qui quidem tantum suscipit aquae, quantum uas uacuum capit. Esse autem & Pythagorici uacuum dixerunt, & ipsum ex infinito spiritu coelum ingredi, quasi respirando coelum ipsum etiam uacuum traheret, quod naturas ipsas distinguit. Propterea; uacuum separatio quaedam est eorum, atq; distinctio, quae deinceps sunt collocata, atq; hoc inquit primum in numeris esse. Vacuum enim, naturam ipsorum distinguere dicunt. Talia igitur, & tot fere sunt, ex quibus quidam esse, quidam non esse uacuum censent.

## Opiniones de Vacuo.

## CAP. VII.

Hic reprobatur Arist. definitiones ab antiquis datas de vacuo.

**A**T nos, ut percipiamus utronā modo res sese habeat, accipiamus oportet, quid ipsum nomen significat. Vacuum igitur, locus esse uidetur, in quo nihil est. Quod quidem inde emerfit: Omne enim quod est, corpus esse existimant, & omne corpus esse in loco, & uacuum esse locum, in quo nullum est corpus. Quare si alicubi non est corpus, ibi nihil esse dicunt. Rursus omne corpus tangibile esse putant, &

tale,

tale, ut grauitatis, aut leuitatis sit particeps. Fit igitur per  
 ratiocinationem, ut id sit uacuum, in quo non est graue  
 quicquam, uel leue. Hec igitur, uti diximus, per ratiocina-  
 tionem eueniunt. Absurdum autem est, si punctus sit uacuum:  
 fit enim id locus oportet, in quo corporis est tangibilis mo-  
 les. Attamen uacuum uno quidem modo uidetur id dici, quod  
 non est plenum corporis sensibilis tactu. Sensibile uero est  
 tactu, quod grauitatem habet, uel leuitatem. Idcirco &  
 quispiam dubitauerit, quidnam dicent: si spatium colorem  
 habeat, aut sonum, uacuum ne. an non uacuum esse? At ut  
 patet, uacuum esse dicent: si corpus tangibile suscipere possit:  
 uacuum non esse, si illud suscipere nequeat. Alio uero modo  
 id, in quo non est hoc aliquid. neq; substantia corporea ulla.  
 Quapropter quidem uacuum esse corporum materiam di-  
 cunt, qui quidem & locum hoc idem asserunt esse, non re-  
 ctè dicentes, ut patet. Materia namque separabilis non est  
 à corporibus. Vacuum autem, ut separabile querunt.  
 Quoniam autem de loco est pertractatum, & uacuum  
 necesse est locum esse, si corpore careat. dictumq; est quo-  
 modo est, et quomodo non est locus in rebus: patet hoc pa-  
 teo uacuum aut separatum, aut inseparabile, in ratione re-  
 rum non esse. Vacuum enim non corpus, sed corporis spa-  
 tium esse uolunt. Quapropter & uacuum uidetur quid  
 esse, quia & locus, & per eadem sanè. Motus enim, qui  
 loco accommodatur, in mentem uenit, & hisce qui locum  
 esse quid præter corporum molem ingredientium dicunt,  
 & hisce qui uacuum ponunt. Atq; causam motus uacuum  
 sic esse putant, ut in illo corpora moueantur: hoc autem tale  
 erit, qualem ipsum locum quidam inquirunt esse. At nulla  
 prorsus necessitas cogit, si motus est, uacuum esse. Atque  
 omnino quidem uacuum omnis motus causa non est: quia  
 propter

propter & Melissus idipsum præterit. Potest enim alterari plenum, ut patet. Deinde, neque eius motus, qui ad locum accommodatur. Possunt enim corpora mutuo sibi cedere, etiam si nullum sit spatium separabile præter corpora, quæ mouentur. Atque hoc, in continuorum, sicut & in humidorum conuersionibus, patet. Possunt etiam corpora non ob ingressionem in uacuum, sed ob extrusionem eorum, quæ in ipsis insunt, densari: ueluti cum premitur aqua, fit ut aer, qui in ipsa est, extrudatur. Fiunt præterea incrementa, non solum aliquo ingrediente, sed etiam alteratione: ueluti si aer ex aqua fiat. Omnino autem ea ratio, quæ de accretione fit, & de aqua quæ in cinerem funditur, ipsa seipsam impedit. Aut enim non augetur quicquam, aut non corpore, aut fieri potest, ut sint duo corpora in eodem. Dubitationem igitur communem soluere uolunt, sed non uacuum esse ostendunt: aut totum corpus uacuum esse necesse est, si omni ex parte augetur: & per uacuum, ut dicunt, accrescit. Eadem est & de cinere ratio. Patet igitur persacile esse, eas soluere rationes, ex quibus quidam uacuum esse ostendunt.

Quod non rectè per motum alstruatur uacuum esse, quando posito uacuo tollatur motus. CAP. VIII.

Hic ostendit Arist. uacuū nō esse, sex rationibus sumptis ex parte motus.

**R**ursus autē dicamus uacuum hoc pacto separatū non esse, ut quidā inquirunt esse. Nam si natura cuius simplicium corporum aliqua latio competat, ut igni quidem sursum, terræ uerò deorsum, atq; ad medium, patet uacuum causam lationis non esse. Cuius igitur motus causa, uacuum erit? Eius enim esse uidetur, qui loco accommodatur: at huius causa non est. Præterea si est aliquid ut locus corpore carens, cū est uacuum, quoniam feretur corpus, quod in illo positum fuerit? non enim ad uniuersum mouebitur. Eadem



dem & ad eos accommodatur ratio, qui locum separaturn  
 quid esse ponunt, in quem id fertur quod motu cietur. Quo  
 nanque modo feretur id quod ibi positum fuerit, aut mane-  
 bit? Et de differentijs hisce, supra inquam ac infra, & de  
 uacuo, non iniuria eadem accommodabitur ratio. Qui nanq;  
 uacuum esse dicunt, locum ipsum inquirunt esse. At quo-  
 nam pacto corpus aut in loco, aut in uacuo erit? non enim  
 fit id quod ratio flagitat, cum totum quippiam corpus ut  
 in separato, permanente' ue loco positum fuerit: pars enim  
 si non seorsum ponatur, non in loco est, sed in toto. Pre-  
 terea si neque locus est, neq; uacuum erit. Accidit autem  
 hisce, qui dicunt uacuum esse, ut necessarium, si motus erit,  
 contrarium potius, si quispiam diligenter consideret, non  
 posse inquam quicquam moueri si uacuum est. Nā ut qui-  
 dam terram aut similitudinem quiescere censuere, sic & in  
 uacuo quoduis quiescere corpus necesse est. Non est enim,  
 quonam magis, aut minus mouebitur: quo nanque uacuum  
 est, hoc differentiarum est expers. Atqui patet, omnem  
 motum aut ui fieri, aut natura: & si sit uiolentus, & eum  
 necessario qui natura competit, esse: quippe cum uiolentus  
 quidem sit præter naturam: qui uerò est præter naturam,  
 posterior sit eo, qui est secundum naturam. Quare si hisce  
 motus non sit, qui corporum naturalium cuiq; suapte na-  
 tura competit, neq; cæterorum profecto motum quisquam  
 erit. At quonam pacto motus is erit, qui natura competit  
 rebus, cum ratione uacui, ac infiniti nulla prorsus sit diffe-  
 rentia? Nam quo infinitum est, eo nihil infra, nihil supra,  
 nihil denique medium est. Quo uerò uacuum est, eo nihil  
 interest inter superum, inferumq;. Nam ut nihil nulla est  
 differentia, sic & eius quod haud est, nulla differentia as-  
 gnari potest. Vacuum uerò non ens quid, priuatioq; esse  
 uidetur.

uidetur. At ea latio, quæ natura competit, differentiam subit. Quare erunt ea, quæ differentia sunt natura. Aut igitur non est natura latio usquam, aut si est, uacuum in ratione rerum perfectio non est. Præterea nunc quidē mouentur ea, quæ iaciuntur, eo, qui pepulit, non tangente, aut ob antiperistasin, ut quidam inquirunt, aut quia pulsus aër motu pellit celeriore, quàm sit ea latio pulsus, qua locum ad proprium fertur. At in uacuo, nihil horum esse potest: neque fit ut quicquam feratur, nisi ut id quod uchitur. Præterea nemo dicere potest, cur motum alicubi stabit: cur enim hic quàm ibi potius stabit? Quare aut quiescet, aut in infinitum feratur, necesse est, si non potentius quippiam impeditur.

Insuper nunc quidem in uacuo ex eo corpora ferri uidentur, quia cedit: at in uacuo, talis conditio similiter sese habet omni ex parte: quare omnem ad partem ferentur.

Atqui perspicuum id quod dicitur, & ex hisce quæ deinceps dicemus, erit. Videmus enim idem pondus, corpus uel celerius duas ob causas ferri. At quia id differt per quod mouetur, ut si per terram, uel aquam, uel aërem moueatur. Aut quia id quod fertur, differt, si sint eadem cetera: ob ponderis, aut leuitatis excessum. Atque id quidem per quod fertur, causa est, propterea quod impedit, maxime quidem si contra feratur: minus autem si maneat, & magis id quod non est facile diuisibile, quale est id, quod magis est crassum. Pondus igitur A per B quidem medium, in tempore C feretur. Per D uerò subtilius quidem illo, longitudine uerò æquale in tempore E impediētis corporis ratione. Sit enim B quidem aqua, D autem aër, quanto igitur aër aqua subtilior, tanto celerius A pondus per D quàm per B medium feretur, ut patet. Habeat igitur eandem rationem ad celeritatem celeritas, qua distat aër

aër ab aqua: Quare si in duplo sit aër aqua subtilior, duplo in tempore B medium pertransibit, ad id tempus in quo per medium D feretur, & C tempus duplum erit temporis E. Atq; quo subtilius est, minusq; impedit, atq; facilius scinditur id, per quod sit transitio, eo pondus A celerius semper feretur. At uacuum nullam rationem habet, quæ à corpore exceditur, quemadmodum neq; ipsum nihil ad numerum. Nam si quatuor uno quidem tria, pluribus uerò duo, & pluribus etiam quàm duo unum excedunt, nullam profectò rationem ulterius habent, quæ nihil ipsum excedunt. Id enim quod excedit, in excessum ipsum, & id quod exceditur, necesse est diuidatur: quare ipsa quatuor, erunt id quod excedunt, & nihil. Idcirco neque linea punctum excedit, si non componatur ex punctis. Similiter & uacuum, nullam ad plenum rationem habere potest: quare neque etiam motus. Sed si per subtilissimum tanto motu tanto in tempore pondus A fertur per uacuum si mouebitur, omnem profectò rationem exuperabit. Sit enim F uacuum longitudine æquale B & D plenis. Pondus igitur A si transferit, atque aliquo quidem in tempore quod sit G, minore uerò quàm est tempus E, fuerit motum, hanc profectò rationem & uacuum habebit ad plenum, quàm ad tempus, tempus habebit: sed tanto in tempore quantum est G, pleni D partem aliquam transferit pondus A, sitq; illa K: transferit autem A pondus, medium ipsum F: si ea etiam ratione differat subtilitate ab aëre, quàm E tempus ad G tempus habet. Nam si corpus F tantò subtilius sit ipso D, quantò tempus E tempus excedit G: eonir à profectò pondus A transferit illud celeritate tanto in tempore, quantum est tempus G si per illud feratur. Si igitur nullum in F fuerit corpus, celerius



rius adhuc per illud sanè mouebitur. At in G tempore, motum iam erat. Quare pondus A equali in tempore plenum, & uacuum pertransibit. At hoc fieri nequit. Si igitur tempus aliquod erit, in quo per uacuum quoduis corpus mouebitur, hoc eueniet impossibile, ut ex hisce, quæ diximus, patuit: in tempore enim equali, quippiam plenū atq; uacuum pertransibit. Erit enim sic aliquod corpus, ad corpus, ut ad tempus est tempus. Vt in summa autem dicā, manifesta est huiusce causa accidentis: nam motus quidē omnis ad motum est ratio (est enim in tempore) & omnis temporis item ad tempus, modò sint ambo finita: sed uacui ad plenum, nulla prorsus esse ratio potest. Hoc igitur eueniūt, ob eorum differentiam, per quæ corpora metu cientur. Eorū autem quæ feruntur excessu, eueniunt hæc. Cernimus enim ea corporum, quæ plus aut grauitatis, aut leuitatis habent momenti, modò eadē ipsis insit figura, celerius per æquale spatium ferri, eaq; ratione, quam inter sese habent. Quare & per uacuum ita ferentur. At fieri profectò nequit. Quā enim ob causam celerius mouebūtur: in plenis enim id necessariò fit, maius enim celerius ui sua medium diuidit. Nā id quod fertur, aut est iactum, figura diuidit, aut momento quod habet. Aequalis igitur celeritatis omnia erunt: at fieri nequit. Patet igitur ex hisce, quæ diximus, si uacuum sit, contrarium illius accidere propter quod uacuum esse probāt, qui ipsum asserunt esse.

Quod non sit vacuum insitum corporibus, quod asserbant aliqui ob rarum ac densum.

CAP. IX.

**H**ic nanq; si motus is erit, qui loco accommodatur, uacuum separatim per se esse putant. Hoc autem perinde est, atq; si separatim quid locum asserunt esse: quod quidem esse non posse, prius est demonstratum. At uerò si

per

x *Pat. Anti-  
quorum.*

per se quoq; ipsum cōsiderabimus, uacuum id quod uacū dicitur, atq; inane, uerē uidebitur. Nam ut si in qua quispīam cubum posuerit, tantum aquę cedit, quantus est ipse cubus: sic & in aëre fiet, sed sensu non patet. Et semper omne corpus, quod fieri potest, ad id, ad quod aptum est ferri, nisi densetur, aut ad infera, si sit terra, aut ad supera, si sit ignis, aut ad utraq; feratur cedendo necesse est, siue cubus, siue quoduis aliud in ipso corpus ponatur. At hoc quidem in uacuo fieri nequit, quippe cū non sit corpus. Cubum autem æquale uacui spatium penetrasse uidebitur perinde atque si aqua ligneo cubo non cederet, neque aër, sed ipsum omnia penetrarent. Atqui cubus etiam tantam magnitudinem habet, quanta est ea uacui, quę occupatur ab ipso: quę etsi calida est, aut frigida, & grauis, aut leuis, non minus tamen ob hoc, ratione ab uniuersis affectibus est diuersa: etiam si non ab illis sit separabilis, dico autem ipsam lignei cubi molem. Quare etiam si ab illis omnibus fuerit separata, & neq; grauis fuerit, neq; leuis, æquale sibi spatium occupabit, in eademq; loci, uacui ue parte sibi æquale erit, ut patet. Quoniam igitur cubi moles ab æquali uacuo differet, atq; loco? Et si duę tales simul fuerint moles, cur & quotquot uolueris, in eodem non erunt? Vnum igitur hoc absurdum, ac impossibile sequitur. Præterea patet id cubum ipsum habere cum transfertur, quod & uniuersa cetera corpora habent. Quare si nihil à loco differat, cur corporibus facere locum oportet præter uniuscuiusq; molem, si moles sit affectuum expers? nihil enim confert, si tale circa ipsum spatium aliud sit æquale. Ex his igitur patet in ratione rerum uacuum separatum non esse.

S E D sunt qui putant per rarum ac densum patere uacuum esse. Nam si non sit rarum, ac densum, neque fieri potest,

potest, ut corpora coeant, atq; premantur. Quod si id non sit, aut motus omnino non erit, aut uniuersam fluctuabit, ut inquit Xuthus, aut in aërem æqualem, atque aquam fieri mutationem semper oportet hoc inquam pacto, ut si ex aqua poculi unius oriatur aër, tanta simul aqua ex æquali aëre generetur, aut necesse est, uacuum esse. Alio nanque modo fieri nequit, ut corpora constringantur, ac dilatentur. Si igitur id inquirunt esse rarum, quod habet multa uacua separata: patet si uacuum separatum esse non possit, sicut neq; locus spatium habens, neq; rarum in ratione rerum sic esse. Si uerò non separabile, sed tamen inesse quid uacuum dicunt, minus quidem est hoc impossibile. Accidit autem primò quidem non omnis motus causam uacuum esse, sed eius duntaxat, quò supera loca petuntur: rarum enim leue est, quapropter & ignem rarum inquirunt esse. Deinde non esse uacuum motus sic causam, ut in ipso quid moueatur: sed ut utres mouent id sursum quod adiunctum est ipsis, ex eo quia sursum ipsi feruntur, sic & uacuum sursum mouere. At quonam pacto latius uacui potest, uel locus esse? uacui nãq; uacuum id erit, ad quod feretur. Præterea quam causam assignabunt, qua graue deorsum fertur? Et insuper patet, si quanto rarius quippiam, magisq; uacuum est, tanto celerius sursum feretur: quod uacuum sit omnino sursum id uel celerrimè ferri. At forsitan & hoc moueri nō potest. ut enim demonstratum est in uacuo cuncta immobilia, sic eadem ratione uacuum etiam demonstrabitur immobile esse: celeritates enim comparari non possunt. At enim cum uacuum quidem non esse dicamus, cetera autem uerè sint dubitata, & hæc consideremus oportet. Nam aut motus non erit, si raritas, densitas ue non erit, aut inundabit cælum, aut aqua ex aëre, & aër ex aqua semper oriatur



oriatur equalis: patet enim plus aëris ex aqua semper oriri. Necesse est igitur, si corpora non premantur, atque densentur, aut id, quod heret, efficiat tandem expulsus, ut ultimum turgeat, atque tumescat, aut alio in loco equalis aqua ex aëre fiat, ut tota moles equalis sit uniuersis, aut nihil penitus moueatur: semper enim cum aliquid mouetur, id accidet, nisi uersetur. At non uniuersa uersantur, sed sunt & ea, quae recto motu cientur: illi igitur ob hæc ipsa, uacuum quid dicerent esse. Nos autem ex hisce, quæ iam concessa sunt, dicimus materiam unam esse contrariorum, caliditatis, inquam, atque frigiditatis, & cæterarum naturalium contrarietatum: & ex ente potentia, ens actu fieri. Atque non esse quidem ipsam materiam separabilem: ratione uerò esse diuersam. Et unam numero coloris si forte fuerit, & caliditatis, atque frigiditatis. Et corporis item materiam eandem magni, ac parui. quod quidem ex eo maxime patet. Nam si factus est aër ex aqua, eadem materia facta est aër: nulla re insuper alia assumpta, sed quod erat potentia, id tandem factum est actu. Et rursus simili modo, si orta est ex aëre aqua. Eadem namq; materia nunc in magnam ex parua, nunc in paruam ex magna uertitur molem. Simili igitur modo, si & aër ex maiore stringitur in minorem, & ex minore rursus in maiorem extenditur molem: materia ipsa, quæ est ambo potentia, sit uicissim utrunque. Nam ut ex frigido calidum eadem, & ex calido frigidum sit, qui potentia erat ambo: sic & ex calido sit magis calidum, nulla prorsus ipsius parte tunc emergente calida, quæ non erat antea calida, cum calida minus erat. Quemadmodum neq; circumferentia circuli in minoris ambitu est recta, siue sit eadem, siue sit alia: pars ipsius nulla facta est curua, quæ non erat antea curua, sed recta. Non

enim ex eo quippiam minus, aut magis est tale: quia id intermittitur, quo minus aut magis dicitur tale. Neque fit ut flammæ pars ulla sumatur, in qua caliditas, albedoq; non sit. Quare & ipsa moles sensibilis non ideo extenditur, aut constringitur, quia materies aliquid insuper accipit, aut abijcit: sed quia ipsa materies utrunque subire potest. Quo fit ut idem sit rarum, & densum: & utriusq; materies una. Atqui densum quidem est graue: rarum autem leue. Duo namq; comitantur utrunque: graue enim, & durum, densa esse uidentur, leue uerò, ac molle, rara. Verum in plumbo, ac ferro, graue, durumq; discrepant. Ex ijs igitur, quæ dicta sunt, patet neque separatim, aut simpliciter, aut in raro, neque potentia uacuum esse: nisi quispiam uoluerit omnino uacuum id appellare, quod est causa lationis. Hoc autem pacto grauis ipsius, leuisq; materies, ut est talis, uacuum erit. Rarum enim, ac densum, hac quidem contrarietate, lationis sunt effectiua. Ratione uerò duri, mollis uel causa sunt facilis difficilis uel passionis, & non lationis, sed potius alterationis. Sed de uacuo quidem quo pacto est, & quo pacto non est in ratione rerum, hoc sit modo determinatum.

Inquisitio de Tempore. Et primum, an sit: deinde quid sit, & quod non sit motus.

CAP. I.

Hic Arist. de  
terminat de  
tempore, tres  
ponēs ratio-  
nes tempus  
non esse cō-  
tēdēs, dein  
4. antiquorū  
de tempore  
opiniōes, qua-  
rum 3. & 4.  
reprobat.

**P**ost hæc autem consequens est de tempore pertractare. Atque primò quidem dubitandum est de ipso, & per rationes externas, si sit in ratione rerum nec ne, deinde contemplandū est quenam sit ipsius tandē natura. Ex his itaq; tempus non esse penitus, aut uix esse, ac exigue quispiam suspicabitur. Nam aliud ipsius fuit, atq; non est: aliud est futurum, & nondum est. Ex hisce autem constat & infinitū, & quod semper accipitur tempus. At hoc in ratione rerū esse, quod ex hisce quæ non sunt cōstat, impossibile esse uidetur.

uidetur. Præterea partibilis omnis rei si sit, necesse est  
 cum est, aut omnes partes, aut nonnullas esse. At temporis,  
 quod quidem esse partibile constat, alie partes transactæ,  
 alie futuræ sunt, nullaq; penitus adest. ipsum autem nunc, 90.  
 partem non esse constat: pars namq; metitur, at ipsum nunc,  
 non metitur. Ex partibus præterea constat totum oportet:  
 at tempus ex ipsis nunc, non uidetur constare. Insu-  
 per ipsum nunc, quod præteritum distinguere, futurumq;  
 uidetur, utrum unum, idemq; semper permaneat, an aliud  
 sit, atque aliud, non discerni facile potest. Nam si sit aliud,  
 atq; aliud semper, cum plures partes temporis nulle simul,  
 nisi altera contineatur ab altera, perinde atq; minus à ma-  
 iore tempore continetur, atque id quod nunc quidem non  
 est, antea uero fuit, necesse sit aliquando esse corruptum,  
 ipsa nunc profectò simul non erunt. Prius autem semper  
 corruptum esse, necesse est. In seipso igitur corruptum esse  
 non potest, propterea quòd tunc est. In alio uero nunc, qui  
 fieri potest ut sit corruptum? Sit enim hoc impossibile, ipsa *Suppositio l. 8*  
 nunc sibi herere: ut puncto punctum. Si igitur nò in eo quod *ad idem pertinet*  
 est, deinceps corruptum est, sed in alio: in ipsis profectò nunc  
 medijs simul erit, quæ quidem sunt infinita. At fieri nequit.

At uero neque idem semper permanere potest. Nullius 91.  
 enim diuisibilis ~~partis~~ <sup>partis</sup> est unus: siue ad unum, siue ad  
 plura continuu sit. At ipsum nunc, finis est: tempusq; sumi  
 finitum potest. Præterea cum simul esse tempore, & neque 92.  
 prius neque posterius nihil aliud sit, quam in eodem nunc  
 esse: si priora posteriora ue in hoc nunc sunt, ea profectò,  
 quæ ante centies centenos annos sunt facta, simul cum ijs  
 erunt, quæ hodierno die conficiuntur: & neq; prius quic-  
 quam alio, neq; posterius erit. De ijs igitur quæ insunt tem 93.  
 poris, tot sunt dubitata. Sed quidnam sit tempus, & quæ sit



ipſius natura, ſimiliter eſt obſcurum: & ex ijs, quæ à maioribus noſtris tradita ſunt, & ex ijs, quæ <sup>super</sup> à nobis ſunt dicta. Quidam enim vniuerſi motum, quidam ſphærā ipſam, tempus eſſe dixerunt: quorum neutrum verum eſt. Etenim conuerſionis pars, tempus eſt quoddam: conuerſio uerò nō eſt. Pars enim conuerſionis eſt id, quod ſumptum eſt, non conuerſio. Præterea ſi plures eſſent cœli, motus vniuſcuſque ſimiliter tempus eſſet. Quare plura tempora ſimul eſſent. Sphærā autem vniuerſi quidam idēd tempus eſſe putarunt, quia & in tempore, et vniuerſi ſphæra ſunt cuncta. Sed hoc adeo ſtultum eſt, ut ſuperuacaneum ſit ea impoſſibilia, quæ ſequuntur, conſiderare. Cum uerò motus quidam, atq; mutatio quædam, tempus eſſe maxime uideatur, id ſi ſit, conſideremus oportet. Mutatio igitur, motus uē in ipſo eſt quod mutatur duntaxat: aut ubi id eſt, quod mouetur, atque mutatur. At tempus ubiq; eſt æquē & apud omnia. Præterea mutatio quidem omnis celerior eſt atque tardior: at <sup>an</sup> <sup>te</sup> tempus non eſt. Tardū enim, et uelox, tempore eſt definitū. Nam id quidem eſt uelox, quod in breui tēpore magnū: id autem tardum, quod in longo paruum ſpatiū tranſit. At tēpus nec ut <sup>an</sup> <sup>te</sup> definitū quid eſt, nec ut quæle tēpore definitur. Tēpus igitur nō eſſe motū, ſatis iā patuit. Atq; nihil imprecſentiarū inter ſit, utro nomine, motu an mutatione utamur.

Quod ſit Tēpus quodq; licet motus, non ſit, non tamen ſit <sup>an</sup> <sup>te</sup> motu: & quod eius numerus ſit. CAP. XI.

Hic Ariſt. declarat quid ſit tēpus, ſoluitq; rationes cōtendentes tēpus non eſſe. **A**T uerò non ſine mutatione tempus eſſe uidetur. Nam cum ipſi nihil mente mutantur, aut non animaduertimus nos eſſe mutatos, non uidetur nobis tēpus fuiſſe: quemadmodum nec hiſce, quos ſerunt in Sardo apud Heroas dormire, cum fuerint experrecti. Coniungunt enim nunc ipſa, prius, inquam, atq; poſterius, unumq; faciunt, mediū obſeſus

<sup>restitu</sup>  
 sus occupationem tempus excipientes. Vt igitur si non  
 aliud, atq; aliud, sed unum, idemq; nunc esset, tempus sanè  
 non esset: sic & cum lateat aliud, atq; aliud esse, medium  
 ipsum non esse tempus uidetur. Quod si tunc fit, ut tempus  
 esse non arbitremur, cum nullam definimus mutationem,  
 sed in uno atq; indiuisibili anima manere uidetur: cum ue-  
 rò senserimus, definiuerimusq; mutationem, tunc tempus  
 fuisse dicimus: patet profectò sine motu, mutatione uè tēpus  
 non esse. Quæ cum ita sint, patet tempus, nec motum esse,  
 nec esse etiam absq; motu. Quoniam autē quidnam sit tem- 98.  
 pus, querimus: sumamus oportet hinc ordientes, quidnam  
 ipsius sit motus. Nam simul motum, tempusq; sentimus. Et  
 enim si tenebræ sint, & nihil per corpus afficiamur, motus  
 autem insit in anima, continuò sanè quoddam etiam simul  
 fuisse tempus uidetur. At cum tempus etiam quoddā uidea-  
 tur nobis fuisse, simul tūc & motus fuisse quiddā uidetur.

Quibus efficitur, ut tempus, aut motus sit, aut aliquid mo-  
 tus. Cum igitur motus non sit, necesse est ipsum aliquid mo-  
 tus esse. Cum autem id, quod mouetur ex quodā, in quodā 99.  
 dam proficiscatur, magnitudoq; omnis continua sit, motus  
 profectò magnitudinem sequitur. Quia namq; magnitudo  
 continua est, ideo & motus continuus est. At quia motus  
 continuus est, & tempus etiam continuum est: quātus enim  
 est motus, tantum & tempus semper fuisse uidetur. Atqui  
 prius, & posterius in loco est primo, <sup>et nō</sup> in <sup>est</sup> positione. Cum  
 uerò in magnitudine sit, in motu quoq; similitudine ratio-  
 nis prius esse posterius uè necesse est. At uerò prius, atque  
 posterius in tempore etiam est ex eo sanè, quia semper al-  
 terum ipsorum alterum sequitur. Prius autem in motu po-  
 sterius uè subiecto quidem est motus: ipso autem esse diuer-  
 sum est, & nō est motus. Atqui tēpus quoq; cognoscimus,  
 cum

cum motū definimus priore posteriore'ue definientes:atq;  
 tūc fuisse dicimus tempus, cum prius in motu posterius'ue  
 senserimus. Hoc ipso autē definimus, quod aliud atq; aliud  
 ipsa, & aliud quid inter ipsa medium esse existimamus:nā  
 cū extrema alia à medio intelligimus esse, & animus ipsa  
 nunc duo dicit, alterum prius, alterum posterius, tunc &  
 hoc ipsum tempus dicimus esse:quod enim ipso nunc desit  
 101. niur, id tempus esse uidetur, & supponitur. Cum igitur  
 ipsum nunc ut unum sentimus, & non aut ut prius in mo-  
 tu, posterius'ue, aut ut idem quidem, prioris uerò cuiusdam  
 posterioris'ue:tempus tunc nullum fuisse uidetur, quoniam  
 neq; motus. Sed cum prius sentimus, atq; posterius, tūc &  
 tempus dicimus esse. Hoc enim est tēpus, Numerus motus  
 Temporis definitio. ~~scilicet~~ prius, posterius'ue. Nō ergo tempus est motus,  
 102. sed ut motus ipse, numerum habet, id ita esse, hoc indicat  
 signum: nā plus quidem, & minus numero: maiore uerò,  
 minorem'ue motum tēpore solemus discernere. Tēpus er-  
 go, numerus quidā est. Cum uerò duplex sit numerus (nā  
 & id quod numeratur, ac numerabile, & id quo numera-  
 mus, numerū dicimus) id quo numeratur, nō id, quo nume-  
 ramus, est tempus. Sūt autē id quo numeramus, & id quod  
 103. numeratur, non eadem, sed diuersa. Atq; ut motus alius est  
 atq; alius, sic & tēpus. Tempus autē omne quod est simul,  
 est idem:nam ipsum, nunc, idem est subiecto:esse autē ipsius  
 104. diuersum est. Ipsumq; tempus metitur, ut prius, atq; poste-  
 rius est. Atq; tum est idem, tum nō est idem. Nā ut est qui-  
 dem in alio, atq; alio, differt:atq; hoc pacto est ipsum, nūc:  
 subiecto uerò est idem. Etenim motus magnitudinē sequi-  
 tur, & tempus motum ut diximus. Quo fit ut & id, quod  
 fertur, quo motū & prius in ipso, posterius'ue cognosci-  
 mus, punctū sequitur. Hoc igitur, subiecto quidē est idem:  
 est



est enim ~~in~~ punctū, aut lapsus, aut aliquid aliud tale: ratio <sup>nunc ipso u</sup>  
 ne uerò diuersum, perinde atq; Sophiste, Coriscum in Ly <sup>unitate h</sup>  
 cio, ~~et~~ Coriscū in foro esse, sumunt esse diuersa. Et hoc igitur  
 tur, ut alibi est, atq; alibi, est diuersum. At ipsum nunc se <sup>affini</sup>  
 quitur id quod fertur, perinde atq; tēpus sequitur motum:  
 ipso nanq; quod fertur, prius in motu, posterius uē cognos-  
 scimus. Prius uerò, posterius <sup>tempus</sup> uē ut numerabile est, ipsum  
 profectō est nunc. Quare ~~et~~ hoc ipsum, subiecto quidem  
 est idē: est enim prius, aut posterius, quod est in motu, ipso  
 autem esse, diuersum est: prius nanq; posterius uē, <sup>ut nume</sup>  
 rabile est, ipsum est nūc. Est etiam hoc maxime <sup>num.</sup> Nam  
~~et~~ motio ob id quod mouetur, ~~et~~ latio ob id quod fertur,  
 est nota. Est enim hoc aliquid, id quod fertur, motus uerò  
 non est. Est igitur tum idem id quod nūc dicitur semper,  
 tum non idem, quippe cū ~~et~~ id quod fertur, tales subeat  
 modos. Patet etiam, nunc ipsum non esse, si tempus non sit, <sup>105</sup>  
~~et~~ tempus non esse, si non sit ipsum nunc. Nam ut simul  
 sunt id quod fertur, ~~et~~ latio: sic ~~et~~ numerus eius quod fer-  
 tur, ~~et~~ numerus ipsius etiam latioris, sunt simul. Est enim  
 tempus quidem numerus latioris. Ipsum autem nunc, <sup>et id</sup>  
 quod fertur, perinde atq; unitas, numeri. Est præterea tem-  
 pus, ipso nunc continuum, atq; diuisum: hoc enim ad latio-  
 nem, ~~et~~ ad id quod fertur, accommodatur. Nam motus, ac  
 latio una est, ipso sanē quod fertur, propterea quod unum  
 est, ~~et~~ non subiecto (sic enim <sup>intercedentes</sup> intercedentes esse possunt)  
 sed ratione. Distinguit etiam hoc priorem, posterioremq;  
 motum. Atq; hoc etiam accommodatur quodammodo pun-  
 ctō. Etenim punctum ~~et~~ continuat longitudinem, ~~et~~ distin-  
 guit. Nam huius principium est, illius finis. Verū cū  
 hoc pacto quispiam ipsum sumit, ut ipso tanquam duobus  
 utatur, tunc stetur necesse est, si punctum idem principium  
 erit,

- 106 *Erit, ac finis. Ipsum autem nunc, quia id quod fertur, mouetur, aliud est, atq; aliud semper. Quare tempus est numerus, non hoc sanè quod nunc ipsum perinde atq; punctum idem principium sumitur, atq; finis, ob id porro quod anteà diximus (tunc enim erit usus medij puncti, tanquā duorum: quare fiet ut stetur) sed hoc potius, quòd eam in hoc, ipsa nunc subeunt rationem, quam extrema lineæ in eadē,*
- 107 *atq; non ut partes. Patet enim neq; nunc ipsum, temporis esse partem, neq; diuisionem motus, quemadmodum neque puncta sunt lineæ partes, sed duæ lineæ semper. Ipsum igitur nunc, ut est quidem finis, tempus non est, sed accidit. Ut autem numerat, numerus est. Nam fines quidem illius sunt solū, cuius sunt fines. Numerus autem horum equorum, denarius, inquam, & alibi etiam est. Patet igitur tempus numerum esse motus per prius, posterius ue, & cōtinuum etiam esse: cū sit continui numerus, uti diximus.*

Quo pacto Numerus, qui in definitionem temporis adhibetur, differt à numero simplicitatis, & ratio redditur ex definitione temporis, eorum quæ de ipso dicuntur.

CAP. XII.

108 *Hic Aristot. postquā tempus definitur, reddit rationem corrupti, quæ de tempore dicta sunt.*

- 109 *Numerus autem minimus, absolutus quidem est, dualitas inquam ipsa: quidam autem eum partim est, partim non est. Veluti lineæ, multitudine quidem minimus est, duæ inquam lineæ, aut una: magnitudine autem esse non potest: omnis nanque linea diuiditur semper. Quare similiter & tempus. Numero quidem minimum, unum uel duo: magnitudine uerò, non est. Perspicuum etiam est, & cur uelox quidem, ac tardum non dicitur: multum autem, & paucum, & longum, ac breue dicitur. Quò namq; continuum est, hoc longum, & breue. Quò uerò numerus est, hoc multum, ac paucum dicitur. Velox autem, & tardum nō est: quippe cum*

cum neque numerus, quo numeramus, uelox ullus sit, atque  
 tardus. Est etiam idem simul ubiq; non est autem idem tē-<sup>io</sup>  
 pus prius, posterius ue: quoniam & mutatio presens qui-  
 dem est una, facta uero futuraq; alia. Tempus autem nume-  
 rus est, non quo numeramus, sed qui numeratur. Atq; hoc  
 sanē aliud est prius, atq; posterius semper: nam ipsa nunc,  
 alia sunt, ut patet. Est autem unus, idemq; numerus, centum  
 hominum centumq; equorum. At ea, quorum est numerus,  
 equi, inquam, & homines, sunt diuersa. Præterea ut motus <sup>ii</sup>  
 idem, ac unus iterum, atq; iterum esse potest, sic & tempus  
 idem, unumq; esse potest, uelut annus, uer, autumnus. Atqui  
 non solum tempore motum, sed etiam tempus motu meti-<sup>iii</sup>  
 mur: ex eo sanē quia à sese uicissim definiuntur. Nam tem-  
 pus quidem definit motum, quippe cum sit ipsius numerus,  
 uti diximus: motus autem tempus. Atq; multū, paucū ue  
 dicimus tempus motu metientes ipsum, perinde atque nu-  
 merum re numerabili numerabimus: ut uno equo numerū <sup>multiplicato.</sup>  
 ipsum equorum. Etenim numero quidem multitudinem  
 equorum, uno autem equo, numerum ipsum rursus equo-  
 rum cognoscimus: similiter sit & in tempore atq; motu,  
 tempore nanque motum, motu uero tempus metimur. Idq; <sup>13.</sup>  
 accidit, non sine ratione profecto. Sequitur enim magni-  
 tudinem motus, & tempus motum: hoc sanē quo quantā,  
 & continua, atque diuisibilia sunt: quia nanque magnitudo  
 est talis, ideo motus his est affectus. Tempus autem ob mo-<sup>14.</sup>  
 tum est tale, atque metimur & magnitudinem motu, &  
 magnitudine motum: nam si ambulatio multa sit, uiam mul-  
 tam dicimus esse, & hanc rursus multam, si uia sit multa:  
 similiter & tempus, si motus: & motum, si tempus. Cum  
 autem tempus mensura sit motus, ipsiusq; moueri, mēsurat  
 autem motum, definiendo motum aliquem, qui metietur to-  
 tum,



tum, ut longitudinem ulnae metitur, definiendo magnitudinem aliquam, quae totam longitudinem metietur. Patet et motum in tempore esse, hoc esse sane, ipsum inquam, et esse ipsius tempore mensurari. Nam simul, et motum, et esse motus metitur: et hoc est ipsum in tempore esse, mensurari ipsius esse. Et cetera etiam in tempore esse, hoc esse plane, ipsum inquam, esse à tempore mensurari. In tempore enim esse, duo significat. Vnum, tunc esse, cum tempus est. Alterum, eo modo quo dicimus aliqua numero esse: hoc autem aut partem numeri, uel effectuum, et omnino quid numeri significat esse, aut ipsius numerum esse. Atque cum tempus sit numerus, nunc quid ipsum, et prius, et istiusmodi cetera sic in tempore sunt, ut unitas est in numero, et par, atque impar. Haec enim aliquid numeri, illa temporis aliquid sunt. Res autem in tempore sunt, ut in numero. Quod si ita sit, res à tempore, ut à numero continentur: quemadmodum et à loco ea, quae sunt in loco. Patet autem et in tempore esse, non hoc esse, tunc inquam esse, cum tempus est: quemadmodum nec in motu aut in loco esse, hoc est tunc esse, cum motus, aut cum locus est. Si enim in aliquo esse sic erit, omnes profecto res in quouis erunt: et coeli in milio erit: nam cum milium est, et coelum etiam est: uerum hoc quidem accidit, illud autem sequatur necesse est, ut tempus sit, cum aliquid est in tempore: et motus sit, cum aliquid est in motu. Cum igitur in tempore esse, sit in ipso esse tanquam in numero, maius quid tempus omni eo quod in tempore est, sumetur. Quapropter omnia quae sunt in tempore, à tempore contineantur necesse est, quemadmodum et cetera, quae in aliquo sunt: ut à loco, ea quae sunt in loco. Et patiantur etiam aliquid à tempore, quemadmodum et dicere consueuimus nunc tempus consumere, nunc tempore cuncta senescere,

cere, nunc ob tempus itidem obliuisci: sed non didicisse, nec  
 adoleuisse, nec pulchrum etiam euasisse: corruptionis enim  
 per se magis est causa, tempus: est enim numerus motus, + *f. d. d. d. d.*  
 motus autem id, quod inest, extrudit. Quæ cum ita sint, pa-  
 tet ea, quæ sunt semper, hoc ipso sanè quòd semper sunt, in  
 tempore non esse: non enim à tempore continentur, nec  
 ipsorum esse à tempore mensuratur. Signum huius est, ipsa  
 nihil à tempore pati, propterea quòd in tempore non sunt.  
 At uerò cum tempus mensura sit motus, erit & quietis men- *ii 8.*  
 sura per accidens: est enim in tempore, quies omnis: non  
 enim ut omne quod est in motu, sic & id quod est in tem-  
 pore, moueatur necesse est. Tempus nanque non motus est,  
 sed numerus motus: in numero autem motus, & id esse po-  
 test, quod quiescit. Non enim omne quod immobile est,  
 quiescit, sed quod caret motu, atq; ut moueatur est aptum,  
 ut & antea diximus. Esse autè quippiam in numero, id est  
 (ut diximus) esse numerum ipsius quendam, & mensurari  
 ipsius esse, eo sanè numero, in quo dicitur esse. Quare si est  
 in tempore, à tempore mensurabitur. Metietur autè tem-  
 pus, & id quod mouetur, & id quod quiescit: illud, ut mo-  
 uetur: hoc, ut quiescit. Nam alterius ipsorum motum, alterius  
 quietè, quanta quedà sit, metietur. Quare id quod mouetur *ii 9.*  
 non à tempore mensurabile simpliciter erit, ut quantum est  
 quoddam, sed ut motus eius est quantus. Quibus efficitur, ut  
 ea non sint in tempore, quæ neq; mouentur, neq; quiescunt.  
 Esse enim in tempore, est tempore mensurari. Tempus autè,  
 motus est, quietis uel mensura. Patet igitur neq; omnia, quæ  
 nō sunt, in tempore esse: ea enim non sunt in tempore, quæ  
 non possunt aliter se habere: ut diametrum esse commensu-  
 rabilem costæ. Omnino enim, si tempus mensura est, motus  
 quidem per se, cæterorum uerò per accidens, patet quorum  
 esse

esse metitur, eorum omnium esse in quiete, uel in motu cō-  
 sistere. Quæ igitur sub corruptionem, generationemq; ca-  
 dunt, atq; omnino nunc sunt, nunc non sunt, ea in tempore  
 esse necesse est: est enim maius quid tempus, quod esse ipso-  
 rum excedit, & id tempus, quod est illis æqua mensura.  
 Cum autem ea, quæ non sunt, partim contineantur, partim  
 non contineantur à tempore: eorum quæ tempus conti-  
 net, quædam olim erant, ut Homerus: quædam erant, ut  
 aliquid futurorum: quæ quidem altera ex parte continet  
 tempus. Quod si sint, quæ ad utraq; partem continet tem-  
 pus, illa modum utrunq; subeunt: erant enim, ac erunt. Ea  
 uerò, quæ neutra ex parte continet tempus, neq; erant, neq;  
 sunt, neq; erunt. Sunt autē ea, quorū opposita semper sunt,  
 ueluti diametrum incommensurabile esse costæ, semper est:  
 atq; hoc non erit in tempore: neq; igitur illud erit, diame-  
 trum inquam incommensurabilem esse costæ. Quapropter  
 semper non est, quod contrarium est ei, quod semper est.  
 Quorum uerò contrarium non semper est, ea & esse, &  
 non esse possunt: atq; ipso-<sup>rum</sup> est et generatio, & corruptio.

Commentatio de ipso Nunc, & quomodo per compa-  
 rationem ad ipsum aliqua diuerso modo secundum  
 tempus nominantur, uidelicet olim, iam, nuper, quō-  
 dam, & subito, & prius, & posterius. CAP. XIII.

Postquam A-  
 rist. ostendit  
 quo modo se  
 habeat tēpus  
 ad ea quæ sūt  
 in tempore,  
 hic ostendit  
 quomodo p  
 comparatio-  
 nem ad hunc

Ipsū autem nunc, continuatio temporis est, ut antea di-  
 ximus. Præteritum enim, & <sup>hūm</sup> ~~hūm~~ tempus coniungit,  
 atq; ultimum omnino temporis est: est enim huius quidem  
 principium, illius autem finis: uerū hoc non ut in puncto  
 manente patet. Diuidit etiā potentia tēpus, atq; ut tale est,  
 diuersum est semper: ut autē coniungit, semper est idem, ut  
 in mathematicis lineis fieri solet. non enim idem semper,  
 unumq; punctū est cogitatione: cum enim diuidimus, aliud  
 est,



est, atque aliud punctum. At quo linea est una, hoc idem est aliqua diuer-  
 penitus punctum. Sic & ipsum nunc partim temporis est sis modis se-  
 diuisio potentia, uti diximus: partim finis est u: rorumq; ac cundū tēpus  
 unio. Est autem idem, & per idem diuisio, atq; unio: at est nominantur.  
 se, non idem est. Ipsum igitur nunc, hoc uno dicitur modo. 122.

Alio uerò modo, tempus huic propinquum. Decimus  
 enim, nunc accedit, quia hodie ueniet. At res quæ actæ sunt <sup>definitum</sup>  
 illi, non nunc fuisse dicimus: neque eluisionem, quanquam <sup>quia</sup>  
 tempus continuum est usque ad illa: sed quia non sunt, <sup>et</sup>  
 non ita modo dicuntur. Ipsum autem <sup>ad</sup> tempus est ad 123.  
 prius, atq; posterius nunc, definit: ut <sup>et</sup> capta est Troia:  
 & <sup>et</sup> eluio erit: oportet enim finitum ad ipsum nunc  
 esse: erit ergo, atq; erat tempus quoddam, ab hoc ad illud <sup>dubium</sup>  
 utrunque determinatum. Quod si nullum est tempus, quod <sup>aliquando</sup>  
 non sit <sup>et</sup> omne: omne sane tempus erit finitum. Deficiet ne igitur  
 tandem? At id fieri nequit, si semper est motus. Aliud ne  
 igitur, atque aliud erit: an idem sepe redibit? An ut motus?  
 ita sese habet & tēpus, ut patet: nam si unus, idemq; sit, &  
 tempus idem, ac unum erit. Sin uerò non sit, nec illud unū,  
 idemq; redibit. Cum autem ipsum nunc, finis sit, atq; prin- 125.  
 cipium temporis, non tamen eiusdem, sed transacti quidem  
 finis, principium autem consequentis, ut circulus in eodem  
 quodammodo curuum, & concuum habet: sic & tem-  
 pus in principio est semper, ac sine, & propterea semper  
 aliud, aliudq; uidetur: non enim ipsum nunc principium  
 est, & finis eiusdem: simul enim, & per idem opposita nu-  
 mero essent: non ergo tempus deficiet, quippe cum ipsum  
 sit in principio semper. Ipsum autem iam pars futuri, pre- 126.  
 teriti ue temporis est, indiuiduo nunc instanti propinquā.  
 Quando ambulabis, aut ambulauisti: iam ambulabo, inquit,  
 aut iam ambulauit: quia tempus, in quo ambulabit, uel am-  
 bulauit,

fulauit, est propè nunc ipsum instans, & non longè distat.   
 Nunc autem non dicimus iam captum fuisse: quia longè ab  
 127. instanti nunc distat. Ipsum autem nuper ea pars est præte-  
 riti temporis, quæ instanti nunc est propinqua. Quando ue-  
 nisti: nuper, inquiet: si tempus instanti nunc sit propinquū.  
 Quondam autem pars est eiusdem temporis longè ab eo-  
 dem nunc distans. Subito autem dicimus, cum quippiam in  
 128. tempore insensibili ob breuitatē dimotum est. Mutatio au-  
 tem omnis, natura est dimotiuā, atq; in tēpore omnia sunt,  
 & corrumpuntur. Quapropter sunt qui sapientissimū  
 ipsum esse dicebant. At Pythagoricus Paro rudissimū esse  
 dixit, quia in ipso etiam obliuiscuntur, rectius dicens. Patet  
 igitur corruptionis magis esse per se causam tempus, quā  
 generationis, ut & antea diximus: mutatio nanque per se  
 quidem est dimotiuā. Generationis autem, & ut quippiam  
 sit, causa per accidens est. Id indicatur ex eo satis, quia ni-  
 hil quidem fit nisi ipsum moueatur aliquo modo, atq; qui-  
 ppiam agat. Corripitur autem aliquid, etiam si non mo-  
 ueatur, atq; hanc corruptionem à tempore fieri maxime di-  
 cere consueuimus. Verum neq; hanc tempus facit, sed hanc  
 quoq; mutationem accidit in tempore fieri. Esse igitur tem-  
 pus, & quid nam sit, quotq; modis nunc ipsum dicatur, &  
 quid sit olim, quid iam, quid nuper, quid quondā, quid subia-  
 10. tis per ea, quæ dicta sunt, explicauimus.

Exposuit tempus esse numerum motus, quodq; instans sit  
 terminus, in quo præsens & futurum. Nunc declarabit  
 omnem transmutationem in tempore esse, quodq; im-  
 possibile sit aliquem non in tempore esse, CAP. XI III.

Declarat hic  
 Arist. omnē  
 mutationem  
 9. in tempore  
 fieri, duabus  
 rationibus.

**H**is autem hoc pacto determinatis, patet omnem mu-  
 tationem necessariò in tempore esse, & omne quod  
 mouetur, in tempore moueri: celerius enim, & tardius, in  
 omni

omni sanè mutatione est: nam in cunctis ita uidetur. Dico autè id celerius moueri, quod prius ad id, ad quod pergit, uenit, modò sit idem spatium, uniformisq; motus: uelut in latione, si ambo super circumferentia, aut super recta linea moueantur, & in ceteris simili modo. At ipsum prius, in tempore est: prius enim, atq; posterius, ratione distantie ad ipsum nunc, dicimus: ipsum uerò nunc, terminus est transacti, atq; futuri. Quare cum ipsum nunc in tempore sit, & prius ipsum, posterius uel in tempore erit: in quo nanq; nunc ipsum est, in hoc & distantiam ipsius nunc esse necesse est: modo autem contrario, prius ipsum in præterito, atq; futuro tempore dicitur: nam in præterito quidem id dicimus prius, quod longius ab ipso nunc distat: id uerò posterius, quod eidem propinquius est. In futuro autem id quidem prius, quod est propinquius illi: id uerò posterius, quod ab eodem longius distat. Quare cum ipsum quidem prius in tempore sit, omnem autem motum comitetur ipsum prius, ut patet: perspicuum est omnem mutationem, omnemq; motum in tempore esse. Dignum autem est consideratione, & quoniam modo sese habet ad animam tempus, & cur in omnibus tempus esse uidetur, & in terra, & in mari, atq; in cælo.

An quia tempus cum mensura sit motus, affectus est quidam ipsius, uel habitus: hæc autem mobilia cuncta sunt. In loco nanq; sunt uniuersa: tempus uerò, ac motus, simul potentia sunt, & actus. Dubitauerit autem quispiam, si anima sublata tempus esse possit, nec ne? Nam si numeraturum esse non possit, neque quicquam numerabile esse potest. Quare patet neq; numerum esse posse: est enim numerus, aut id, quod numeratur, aut numerabile ipsum. Quòd si nihil aliud aptum est numerare, quàm anima, & animæ mēs: impossibile est, si anima non sit, tempus esse: nisi id, quod sub-



<sup>motus. si. 2. in anima</sup> recto est tempus, si fieri potest ut sit sine anima motus. Ip-  
<sup>tempus</sup> sum enim prius atq; posterius est in motu: tempus autē est  
 132 hac, ut numerabilia sunt. Dubitauerit etiam quispiam, qua-  
 lis nam motus tempus est numerus: an qualijus. Generatur  
 enim in tempore, ac augetur, & alteratur itidem in tempo-  
 re, atq; corrumpitur. Quod igitur motus est, hoc motus cu-  
 iusque tempus numerus est. Quapropter tempus, absolutē  
 Dubium. motus continui, sed non cuiusdam numerus est: at uerō fieri  
 potest ut nunc & aliud moueatur: quorū utriusq; motus  
 tempus numerus erit. Aliud ne igitur atq; aliud erit, & ea-  
 qualia duo tempora simul erunt: an unum tēpus motus me-  
 tietur utrosq;? omne namq; tempus, unum similiter est, &  
 simul: specie uerō sunt eadem, & quæ non sunt simul: nam  
 ut si sint hi quidam canes, illi autem equi, atq; utrique sint  
 septē, idē est numerus utrobrumq;. Sic & eorum motuum,  
 qui simul incipiunt, simulq; desinunt, idē est numero tēpus,  
 133 & si celerior alter forsitan est, tardior alter, & alter latio,  
 3. alter est alteratio. Quāquā enim motus hisce differūt diffe-  
 rentijs, idem est tunc tēpus alterationis, lationis uē aequale,  
 si simul fiant: quippe cum & numerus sit idem canū, equo-  
 rum uē, quem diximus: & propterea motus quidē diuersi,  
 seorsumq; sunt: tempus autem idem est ubiq;, quoniam &  
 134 numerus eorum, quæ sunt equalia, simulq; unus, & idem  
 135 ubiq; est. Atqui cum latio quidem sit motus, & huius spe-  
 cies sit conuersio, unumquodq; autem uno quodam sibi nu-  
 meretur propinquo, unitates quidem unitate, equi autem  
 equos, tēpus etiam hoc pacto tempore profecto quodam  
 mensurabitur definito. Atq; motu quidem tempus. Motus  
 autem & tempore mensuratur, sicuti diximus. Hoc autem  
 ideō est, quia quantitas motus, ac temporis ab eo motu, qui  
 definitus est tempore, mēsuratur. Si igitur ipsum primum,  
 prop

propinquorum omnium est mensura, uniformis sane con-  
 uersio mensura potissimum erit: quoniam huiusce numerus  
 notissimus est, ut patet. Atque alteratio quidem uniformis  
 non est: nec accretio, nec generatio: latio autem est. Qua-  
 propter & motus ipsius sphaerae tempus esse uidetur, quia  
 ceteri motus hoc motu mensurantur, et etiam ipsum tem-  
 pus. Propter hoc & id accidit, quod consuetum est dici.  
 Res enim humanas, & ceterarum eas, quae naturalem mo-  
 tum, & ortum, ac obitum subeunt, circulum esse dicunt.  
 Idque propterea quod haec uniuersae tempore dijudicantur,  
 finemque subeunt, ac principium, perinde atque si reditione  
 quadam hoc fiat: etenim tempus ipsum circulus quidam esse  
 uidetur. Hoc autem ideo rursus uidetur, quia talis lationis  
 est ipsum mensura, & a tali latione ipsum etiam mensura-  
 tur. Quare dicere, rerum eas quae fiunt, circulum esse, est  
 dicere temporis circulum quendam esse: hoc autem ideo di-  
 citur, quia tempus mensuratur ipsa conuersione. Id enim  
 quod mensuratur, nihil aliud esse uidetur praeter id, quod  
 metitur, quam totum plures mensurae. Dicitur etiam recte  
 numerum quidem eundem esse ouium, atque canum, si est  
 aequalis: quaternitatem autem non eandem, neque quatuor  
 eadem esse. Quemadmodum neque trianguli sunt iidem ij,  
 quorum alter ex aequalibus, alter inaequalibus omnibus la-  
 teribus constat: quanquam eadem est utriusque figura: quoniam  
 ambo trianguli sunt. Eadem enim aliqua eo dicuntur, cuius  
 non differunt differentia, non eo cuius differentia differunt:  
 ueluti trianguli dicti differentia trianguli differunt, non fi-  
 gurae. Igitur trianguli quidem sunt diuersi: figurae autem di-  
 uerse non sunt, sed in eandem, unam uel cadunt diuisionem:  
 figura namque talis quidem est circulus, talis autem est trian-  
 gulus: & is talis quidem est aequalium laterum, talis autem  
 b + inequ

inequalium. Sunt igitur eadem hi figura: trium enim uterque est angulorum: at non sunt triangulus idem. Et numerus igitur dictus, pari ratione idem est sane: non enim numerus ipsorum, differentia numeri differt: quaternitas autem, non eadem est: ea nanque de quibus dicitur, differunt: hæc enim canes sunt, illa oues. Sed de tēpore quidem ipso, & de hisce, quæ circa ipsum quidem sunt, ad hanc autem considerationem accommodantur, satis iam diximus.

# PHYSICORVM

ARISTOTELIS

LIBER V.

## *Argumentum ex Simplicio.*

**C**VM in tertio libro huiusce tractationis docuisset de motu cōmuniter dicto, qui idē est, quod mutatio, atq; ex eo indifferēter vsus esset vocabulo motus, nūc ostendit quod mutationis appellatio sit communior, magisq; vniuersalis, quā motus. motus verō magis particularis sit, & velut species cōprehēdatur sub genere mutatiōis. Nā & generatio, & corruptio, mutationes sunt, velut ostendet, motus tamē non sunt. Cæterū, discreto motu à trāsmutatione, mox ipsius propriē dicti motus species exponit. Atq; hæc disputatio rectē appēditur cōmuni sermoni de trāsmutatione, atq; ad eū cōtinuus est, quāuis mediā fecerit cōmētationē de infinito, loco, vacuo, & tēpore. Quapropter hunc librū quintū, & Aristoteles ipse, & qui eū sunt sequuti, adnumerarunt iis, quæ de principiis Naturalibus dicūtur, quemadmodū tres sequentes de motu vocare solent. Siquidem post diuisionē motus iuxta quantū, quale, & vbi, Naturalia theoremata hisce interponit, de nōnullis doctrinam faciens, quæ & ipsa communiter Naturalia corpora cōsequūtur, quæ & in loco omnino sita sunt, & loco mouētur. Quid sit simul, (inquam) quid seorsim, quid tangere, quid inter, quid deinceps, quid contiguum, quidq; sit cōtinuum, & quibus vnumquodq; horū inesse soleat. Et quis  
fit



fit motus unus, iuxta omnem significationem unius. Trifariam uerò dicitur unū: genere, specie, numero. In fine apponit quis motus cui motui, & quies quieti opponatur. Admiratione dignum est, quare Porphyrius, qui in Synopsi huius ambrosius quædam de diuisione octo librorum Auscultatoriorum exponens, quod præcedentes quinque, omnes appellent Naturales, sequentes tres de motu, ipse tamē quatuor libros usq; ad octauum continere ait negotiationē de motu, atq; peculiariter de motu inscribi. Habet itaq; hic libet hæc disputationes. Primā, de partibus subiectis motui. Alterā, quomodo motus sit unus genere, specie, uel numero. Postremā, quo pacto motus motui opponatur, & quies quieti.

Diuisio eorum, quæ per se, ab his, quæ per accidens mouentur: atque inde enumeratio specierum per se motus.

CAPVT I.



**L**ORVM autem, quæ mutantur, aliud per accidens mutantur, ueluti cū ambulare musicum dicimus: quia id ambulat, cui accidit musicum esse. Aliud ex eo, quia si huius aliquid mutantur, simpliciter dicitur mutari: ut ea, quæ per partes mutari dicuntur: corpus enim sanatur, quia oculus, aut pectus sanatur: hæc uerò partes totius corporis sunt. At est aliquid, quod neq; per accidens mouetur, neq; ex eo quia aliquid ipsius mouetur, sed quia ipsum primò mouetur: atq; hoc est id, quod per se mobile est. Est autem aliud in alio motu, ut alterabile: & alterabilis sanabile, aut calefactibile. Similis est & in eo, quod mouet, diuisio: aliud enim per accidens mouet, aliud parte, quia ipsius aliquid mouet: aliud per se primò, ut medicus quidem sanat, manus autem percutit. Cū autem sit quippiā, quod primò mouet, & quippiam quod mouetur, & tempus in quo, & præter hæc id, ex quo, & id ad quod (omnis namq; motus, ex quopiam in quippiam est: aliud est

h s enim

Arist. post-  
quā determinauit de motu, & de his, quæ motum consequuntur, in communi hoc in libro motū diuidit, deq; eius partibus subiectiuis determinat.

enim id, quod primò mouetur, & id in quod, atq; ex quo mouetur: ueluti lignum, & calidum, atq; frigidum, quorum aliud est quod, aliud ad quod, aliud ex quo mouetur) patet motum in ligno esse, & non in forma: neq; enim forma, atq; locus, neq; etiam ipsum tantum mouet, aut mouetur, sed est id quod mouet, & id quod mouetur, & id ad quod mouetur. Mutatio nanque magis ab eo, ad quod est, quàm ab eo, ex quo est, nūcupatur. Quapropter corruptio, mutatio est ad id, quod non est, etsi id, quod corrumpitur, ex ente mutatur. Et generatio ad ens est mutatio, etsi id, quod generatur, ex non ente mutatur. Quid igitur est motus, prius est dictum. Formæ autem, & affectus & locus, ad quæ mouentur ea, quæ subeunt motum, immobilia sunt: ueluti scientia, & caliditas. Dubitauerit tamen quispiam, si affectus sunt motus: albedo autem est affectus: ad motum enim erit mutatio: at fortasse non albedo est motus, sed dealbatio. Est autem & in illis id, quod est per accidens: et id quod est per partem, atque per aliud, & id etiam quod primò, & non per aliud est. Id enim quod dealbatur, ad id quidē quod intelligitur, mutatur per accidens. Colori enim accedit, ut intelligatur: ad colorem autē, quia album pars est coloris, & in Europā, quia Athene pars sunt Europæ. Ad colorem autē album, per se. Patet igitur quomodo per se quippiā mouetur, & per accidens, ac per aliud: & quomodo idem primū est in mouente, & in subeunte motum: & motū non in forma, sed in eo quod mouetur, in ipsoq; mobili actu. Mutatio igitur ea, quæ est per accidens, omittatur: est enim in omnibus, & semper, ac omnium. Ea uerò, quæ non per accidens est, non in omnibus est, sed in contrarijs, & in medijs, & in cōtradictione: cuius fides est ex inductione. Fit autē ē medio mutatio: utitur enim ipso ut cōtrario ad utrumq;. Est enim medium.

medium, quomodo ipsa extrema. Quapropter & hoc ad illa, & illa ad hoc contraria quodammodo dicuntur, ceu media fidium grauis ad ultimā dicitur, & acuta ad primā.

Fuscum etiam, album ad nigrum dicitur, & nigrum ad album. Cum autē omnis mutatio ē quopiam sit ad quippiā (ut ipsum quoq; nomen significat) quorū aliud prius, aliud posterius est: id quod mutatur, mutari quatuor modis potest. Aut enim ē subiecto ad subiectum, aut ē non subiecto ad non subiectū, aut ē non subiecto ad subiectum, aut ē subiecto ad non subiectum mutatur. Dico autem id subiectum, quod affirmatione significatur. Quare ex dictis tres mutationes esse necesse est, eam, quæ ē subiecto est ad subiectum: & eam, quæ ē subiecto ad non subiectum: & eam, quæ ē non subiecto est ad subiectum. Ea namq; quæ est ē nō subiecto ad non subiectum, non est mutatio, quia per oppositionem non est: neq; enim contraria, neq; contradictoria est. *quod requiritur mutatione*

Ea igitur mutatio, quæ per cōtradictionem ē non subiecto est ad subiectum, generatio est: alia simplex, quæ est simpliciter: alia quædam, quæ est cuiusdam: uelut ea quidem, quæ ē non albo ad album, huius est generatio. Ea uerò, quæ est ex eo quod non est simpliciter ad substantiam, generatio simpliciter est: qua quidem simpliciter fieri, & nō aliquid fieri dicimus. Ea uerò, quæ ad non subiectum est ex subiecto, corruptio est: simpliciter quidem ea, quæ est ē substantia ad ipsum non esse. Quædam autem ea, quæ est ad negationem oppositam, ut in generatione est dictum. *secundū quidam*

Si igitur id, quod non est, multis dicitur modis, & neque id moueri potest, quod in cōpositione, diuisioneq; consistit, neq; id quod est potentia, quod quidem ei opponitur, quod est simpliciter (nam id quidem, quod est non album, aut non bonum, moueri per accidens potest: esse enim id homo potest,



test, quod non est album. Id autem quod non hoc simpliciter est, nullo pacto moueri potest: fieri enim non potest, ut id quod non est, moueatur: impossibile est profecto generationem esse motum. Id enim quod haud est, generatur: nam & si quàm maxime per accidens generatur, uerè tamen de eo, quod simpliciter generatur, id dici potest, ipsum inquam, id esse, quod haud est: simili sanè modo fieri etiam nequit ut ipsum idem quiescat. Hæc igitur difficilia accidunt ~~hinc~~, moueri inquam id, quod non est: & si omne quod mouetur, in loco sit, id autem quod non est, in loco non sit (erit enim alicubi) id profecto quod haud est, non mouetur: neq; ergo corruptio motus est. motui namq; motus contrarius est, aut quies: at corruptio, contrarium est generationi. Cum autem omnis motus sit quedam mutatio, tres uerò sint mutationes, quas diximus, quarum due, quæ contradictione consistunt, generatio, inquam, atq; corruptio, motus non sint, ut ostendimus: motum eam esse solum mutationem necesse est, quæ è subiecto ad subiectum acceditur.

*ab ipso motu  
205 & hinc  
209 & hinc*  
Subiecta uerò aut contraria sunt, aut media: etenim priuatio ponatur contrarium. Atq; nudum & album, ac nigrum affirmatione significantur. Si igitur prædicamenta diuisa sint, & aliud sit substantia, aliud quantitas, aliud qualitas, aliud ubi, aliud ad aliquid, aliud actio, aliud passio, tres esse motus necesse est, quantitatis, qualitatis, & loci.

Enumeratio specierum per se motus. CAP. II.

**I**N substantia uerò motus non est, propterea quod nihil substantiæ contrarium est: At neque in hisce, quæ sunt ad aliquid: altero enim subeunte mutationem, alterum mutationem non subies uerè dici potest: quare motus ipsorum per accidens est. Neq; item agentis est motus, ac patientis, neq; mouentis, ac eius quod mouetur: quia motus non est motus,

motus, neq; generationis est generatio, neq; omnino muta-  
 tionis mutatio. Motus enim dupliciter motus esse potest:  
 aut ut subiecti, ut homo mouetur, quia ex albo in nigrum  
 mutatur. Et motus ne igitur hoc modo, aut calefit, aut fri-  
 gesit, aut mutat locum, aut accrescit, aut decrescit? At hoc  
 fieri nequit. Mutatio nāq; non subit rationem subiecti. Aut  
 hoc ipso, quod aliquod aliud subiectum ex una mutatione  
 ad aliam mutationis speciem, perinde ut homo ex aegritu-  
 dine ad sanitatem mutatur. At neq; hoc esse potest, nisi per  
 accidens: hic enim motus ex alia forma in aliam est mutatio. *ipst.*  
 et generatio, et corruptio modo eodem: hoc excepto,  
 has quidem ad sic opposita esse, motum autem non simili-  
 ter. Simul igitur in morbum ē sanitate mutatur, et ex hac  
 ipsa mutatione ad aliam. Patet igitur cum egrotauerit, ad  
 quamuis fore mutatum: quiescere nanq; potest. Et insuper,  
 non ad quamuis semper, et illa, ex aliquo nimirum in ali-  
 quod aliud erit. *aliqua.* Quare et opposita sanatio erit non ergo  
 motus, est motus, nisi per accides: uelut si ē recollectione in  
 obliuionem mutatur, quia cui illud inest, id interdum in  
 scientiam, interdum in sanitatem mutatur. Præterea si mu-  
 tationis est mutatio, generationisq; generatio, in infinitum  
 erit abitio. Neceffe est autem et priorem esse, si posterior  
 erit: ueluti si generatio simplex aliquando fiebat, et ipsum  
 fiens fiebat. Quare nondum erat fiens simpliciter, sed ali-  
 quod fiens, atque iam fiens, et hoc rursus aliquādo fiebat:  
 quare nondum erat tunc, fiens. Cum autē infinitorum pri-  
 mum quicquam non sit, primum ipsum non erit: quare ne-  
 que id erit quod hæret. Impossibile est igitur generari  
 quicquam, moueri aut mutari. Præterea eiusdem est con-  
 trarius motus, et quies insuper, et generatio, atq; corru-  
 ptio. Quare ipsum fiens, tunc corrumpitur, cum sit fiens  
 neq;

neq; enim statim fiens, neq; posterius: sit enim oportet id, quod corrumpitur. Præterea, & ei quod generatur, & ei quod mutatur, materiam subesse oportet. Erit igitur ut alterabile corpus est, aut anima: sic aliquid id, quod sit motus, uel generatio. Et aliquid rursus, ad quod mouetur: oportet enim huius ex hoc ad hoc motum aliquid esse, non motum uel generationem. Et insuper, quo pacto erit? Non enim generatio perceptionis, erit perceptio. Quare neque generationis erit generatio, neq; quædam cuiusdam. Præterea si tres mutationis species sunt, subiectam naturam habere aliquam esse, & ea, in quæ mouentur, necesse est: ueluti lationem alterari, aut ferri, necesse est. Omnino autem cum omne quod mouetur, trifariam moueatur: aut quia per accidens mouetur, aut quia pars aliqua mouetur, aut quia per se mouetur, per accidens duntaxat mutari mutatio potest: ueluti si is qui sanatur, currit, uel discit. At eam, quæ est per accidens, iandudum omisimus. Cum autem neq; in substantia, neq; in relatione, neq; in actione, passionē uel sit motus, restat in qualitate, quantitate, ac ubi, tantummodo motum esse. In unoquoq; namq; istorum, contrarietas est. Is igitur motus, qui in qualitate est, alteratio: hoc enim commune nomen positum est. Atq; qualitatem nō eam dico, quæ in substantia est (est enim & differentia, qualitas) sed eam, quæ est passiva, qua quippiam pati dicitur, aut impossibile esse. Is autem, qui est in quantitate, communi quidem nomine caret: habet autem earum partium, in quas diffunditur, nomina: quarum altera accretio, altera decretio nuncupatur. Ea quidem, qua ad perfectam acceditur magnitudinem, accretio. Ea uerò, qua ex hac receditur, decretio. At is, qui est in loco, & communi nomine caret, & proprio. Latio autem communi nomine nuncupetur: quanquam ea sola proprie



præ ferri dicuntur, in quibus cum mutant locum, non est  
 situm stare, & quæ loco seipsa non mouent. Mutatio autem  
 ea, quæ est eadem in forma ad magis, ac minus tale, altera-  
 tio est. Ea nanque mutatio, quæ ex contrario ad contrari-  
 um itur, aut simpliciter, aut aliqua ex parte, motus ni-  
 mirum est: nam si ad minus tale acceditur, ad contrarium:  
 si ad magis, ut ex contrario in ipsum mutari dicitur. Nihil  
 enim interest, aliqua ex parte quippiam, an absolutè mu-  
 tetur: attamen aliqua ex parte, esse ipsa contraria oportet.  
 Est autem ex eo magis, minus ue tale, quia plus, aut  
 minus inest contrarij, & non inest. Ex his igitur, quæ dicta  
 sunt, patet motus has tres solas esse mutationes. Est autem  
 immobile & id, quod moueri non potest, ut sonus inuisibi-  
 lis est. Et id, quod multo in tempore uix mouetur: aut id,  
 quod tardè admodum incipit. Est id insuper, quod aptum  
 est quidem ut moueatur, moueriq; potest, non tamen tunc,  
 cum est aptum moueri, & ubi, & quemadmodum est  
 aptum, mouetur: quod quidem solum immobilium, quiesce-  
 re dico: est enim motui contraria quies. Quare fit, ut ipsa  
 sit priuatio susceptiui. Quid igitur est motus, & quid  
 quies, & quot sunt mutationes, & quot motus, per ea, quæ  
 diximus, perspicuum iam euasit.

Quo pacto Motus idem sit, ac diuersus: ac primum ex-  
 positio quarundam definitionum necessariarum ad  
 sequentia.

## CAP. III.

Post hæc dicamus, quid est simul esse, & seorsum, &  
 quid tangere, & quid inter, & quid deinceps, & quid  
 herens, & continuum, & quibus horum unumquodq; cõ-  
 petere aptū est. Simul igitur ea loco dicuntur esse, quæ uno  
 in loco sunt primo. Seorsum autem ea, quæ in diuersis sunt  
 locis. Ea uerò se dicuntur tangere, quorū extrema sunt se  
 mul.

*igubium.  
 Solutio.  
 et tamis mix-  
 tus no est lo-  
 cutis loqu*

Postquam A-  
 ristot. diuise  
 mutationem,  
 & motum in  
 suas species,  
 hic determi-  
 nat de unitate  
 & contrarie-  
 tate motus in  
 suas species.

mul. Id est autem inter, ad quod prius accedere aptum est id, quod mutatur, quam ad id, in quod ultimum mutatur, secundum naturam continue subiens mutationem: atq; hoc, est in minimis rebus. Est enim ultimum mutationis, contrarium ipsum. Continue autem id mouetur, quod nihil, aut perparum rei, non temporis intermittit: nihil enim intercapedo temporis prohibet: fieriq; potest, ut post primam fidium ultima continuo sonet: sed rei, in qua mouetur. Atq; hoc, & in motu, qui loco accommodatur, & in ceteris motionibus patet. Contrarium autem id est in loco, quod plurimum recta linea distat: minima enim, est finita: & finitum, mensura. Deinceps id est, inter quod post principium aut positione, aut forma, aut aliquo alio definitum, & id ad quod deinceps dicitur esse: nihil eorum cadit, quae in eodem genere sunt: ut linea ad lineam, uel lineae: aut unitas ad unitatem, uel unitates: aut domus ad domum. Nihil uero prohibet inter ipsa quippiam aliud esse: quod enim deinceps est, ad quippiam est deinceps, & est quid posterius illo: non enim ipsum unum ad duo, ut calendae ad nonas, sed haec ad illa deinceps sunt. Herens autem id est, quod deinceps est atq; insuper tangit. Quoniam autem omnis mutatio est in oppositis, haec autem sunt contraria, & nihil est medium contradictionis, patet ipsum quod est inter, in contrariis ipsis esse. Continuum autem est quid haerens: dico autem tunc continuum esse, cum utriusq; fines, quibus se tangunt, unum, idemq; fuerint facti, atq; ut nomen significat, continentur: quod quidem esse non potest, si extrema sint duo. Hoc definito, patet in his esse continuum, ex quibus aptum est unum quid fieri tactu: & ut sit ipsum continuum unum, sic & ipsum totum fore unum: ueluti clauo, uel glutine, uel tactu, uel copulatione. Patet etiam primum id esse, quod

quod est deinceps: quod enim tangit, id deinceps esse nece-  
 se est. Non omne autem quod deinceps est, tangit. Qua-  
 propter ipsum deinceps esse, est & in hisce quæ sunt ra-  
 tione priora, uelut in numeris, tactus uerò non est: & si  
 continuum est, tangat necesse est. Si uerò tangit, nondum  
 continuum est: non enim si simul sint extrema ipsorum,  
 unum ipsa esse necesse est: sed si sint unum, & simul esse  
 necesse est. Quare copulatio, ultima est generatione: tan-  
 gant enim necesse est, si copulabuntur extrema. Ea uerò  
 quæ tangunt, non uniuersa sunt copulata. In quibus autem  
 tactus non est, in hisce patet nec copulationem esse. Quare  
 si punctum est separatim, ac unitas, ut quidam dicunt: uni-  
 tatem ad punctum idem esse impossibile est. Punctis enim  
 competit tactus, unitatibus esse deinceps: & inter illa qui-  
 dem, esse aliquid potest: omnis enim linea est inter puncta.  
 Inter unitates autem, nihil esse necesse est: nihil est enim  
 inter dualitatem, ac unitatem. Quid igitur est simul esse  
 seorsumq; , quid tangere, quid inter, atque deinceps esse,  
 quid item herens, atq; continuum, et quibus horum unum-  
 quodque competit, satis iam diximus.

## CAPVT IIII.

**V**NUS autem motus, multis dicitur modis. Vnum enim  
 ipsum, multipliciter dicimus. Genere igitur unus est  
 motus, per prædicamenti figuras: lationes namque omnes,  
 unus genere motus sunt. Alteratio autem à latione genere  
 est diuersus. Specie uerò est unus, quando & genere est  
 unus, & in indiuidua specie est: ueluti coloris quidem sunt  
 differentie. Igitur dealbatio, & denigratio, diuersi sunt  
 specie motus. Omnes igitur dealbationes eadem in specie  
 sunt, & omnes itidem denigrationes: albedinis autem non  
 sunt. Quapropter dealbationes omnes, unus specie motus  
 sunt

Positis qui-  
 busdam defi-  
 nitionibus ad  
 sequentia ne-  
 cessarii pro-  
 cedit Arist. ad  
 tractandū de  
 unitate, & di-  
 uersitate mo-  
 tus.



sunt. Quòd si sint aliqua, quæ genera sunt, & species simul, patet unum quidem in illis specie motum esse, non absolute tamen specie unum: qualis est disciplina, si scientia existimationis quidem est species, scientiarum autè genus.

Dubitauerit autem quispiam, si unus sit specie motus, cum ex eodem in idem, idem mutatur: ueluti punctum unum, ex hoc loco in locum iterum, iterum uel. At si sit, conuer-

*absurdum.* sio, rectaq; latius, idem erunt specie motus, & uolutatio *uolutatio* item, & ambulatio. An definitum est diuersum esse motum, si id in quo fit motus, specie sit diuersum? circumspectum autem à recto specie differt: genere igitur, specie uel motus, hoc pacto est unus. Absolute autem is unus est motus, qui substantia, & numero unus est. Sed quisnam sit talis, patebit facta diuisione: tria enim numero sunt, circa quæ motum dicimus esse, quod in quo, & quando: dico autem hoc pacto. Esse enim quippiam, quod mouetur, necesse est, uelut hominem, aut aurum: & in aliquo hoc moueri, ceu in loco, aut in effectu: & quando: omne enim quod mouetur, in tempore mouetur. Esse igitur genere, aut specie unum, in ipsa re, in qua fit motus, consistit. Herere autem in tempore erat. At esse simpliciter unum, in ~~unum~~ *hisce* consistit: etenim id, in quo fit motus, unum & indiuiduum esse oportet: ueluti formam, & tempus unum esse, & non intercapedines fieri. Et id, quod mouetur, unum non per accidens esse: ut album nigrescere, & Coriscum ambulare: unum autem est Coriscus, ac album, sed per accidens, neque commune: fieri enim potest, ut duo simul homines eadem sanatione sanentur, ex oculorum morbo in sanitatem eorundem pergentes. At non unus motus hic est, sed specie unus. Si Socrates autem eadem alteratione specie, diuersis temporibus alteratur, si corruptum iterum

unum numero fieri potest, erit & hæc alteratio una: si non potest, erit eadem specie, sed non numero una. Existit autem huic similis dubitatio, si una sit ipsa sanitas: & habitus ipsi omnino, atq; affectus in corporibus ipsis nec nec ea nanq; que habent, moueri, fluereq; uidentur. Si eadem igitur, atq; una sit mane, & nunc sanitas: cur & cùm rursus quispiam amissam recuperauerit, & hæc & illa non una numero erit? Est enim eadem ratio: uerùm hoc interesse uidetur, quod si habitus sint duo, duo erunt & ipsi actus: sicut si actus sit unus, & habitum unū esse necesse est: unus enim actus numero, unus numero habitus est. At si habitus sit unus, non fortasse cuiuspiam uidebitur unus etiam actus esse: cùm enim cessauerit quispiam ambulare, non est ipsa ambulatio: rursus autem ambulante, erit. Quod si una, & eadem est: idem, ac unum, & corrumpi, & esse persepe potest. Hæ igitur dubitationes extra præsentem considerationem esse uidentur. Cùm autem omnis motus continuus sit, si omnis est diuisibilis, eum, qui simpliciter unus est, & cōtinuum esse necesse est: & si continuus est, unus est: non enim omnis omni continuus fieri potest, sicut nec aliud quoduis cuius, sed quorum ultima unum fieri possunt: ultima uerò quorundam non sunt, quorundam sunt, at diuersa specie, atq; equiuoca. Quo nanq; modo tanget, aut unum fiet ultimum lineæ, ambulationis uel Herentes igitur erunt & ij, qui non idem specie, & ij, qui non idem genere sunt. Post cursum enim quempiam continuò febres aggredi possunt: & ut facis ipsius ex successione motio, latio est hæres, continua uerò non est: possumus enim ea continua esse, quorum ultima sunt unum. Quare herentes quidem, & deinceps ex eo sunt, quia tempus continuum est. Continuum autem est, quia motus continui sunt: hoc autem est,

cum utrorumq; extremum est unum. Quapropter cum motum, qui simpliciter continuus, ac unus est: eundem esse specie ac unius, & uno in tempore esse necesse est. Vno quidem in tempore, ut immobilitas inter partes non sit: inter capedine enim mobile quiescat necesse est. Multi igitur, & non unus ij motus sunt, inter quos media quies cadit.

Quare si quis motus intercipitur statu, is neq; unus, neque continuus est. Intercipitur autem, si in medium tempus cadit. Specie autem unum esse oportet: quia ultima eius, qui non unus est specie, unum euadere nequeunt, & si tempus non intercipit. Tēpus enim est unum, ille uero specie est diuersus: etenim motum unum, & specie unum esse necesse est: hunc autem non necesse est simpliciter unū esse. Quis igitur motus unus est absolute, iam diximus. Præterea motus unus, & is dicitur, qui est perfectus, siue genere sit, siue specie, siue numero unus: quæadmodum & in cæteris perfectum ipsum, ac totum ipsius unius est: interdum autem & si imperfectus est, unus dicitur, modo continuus sit.

Insuper & alio modo præter dictos, unus is dicitur motus, qui uniformis est: difformis enim aliqua ex parte non unus esse uidetur, sed is potius, qui uniformis est, perinde atque linea recta: difformis enim diuisibilis est. Differre autem uidentur, ut magis tale, minus ue differt. Est autem uniformitas omni in motu, aut difformitas. Etenim alterari quippiam uniformiter potest, & super uniformia ferri, ut super circulum, aut lineam rectam: & circa accretionem, decretionem ue simili modo. Difformitatis autem differentiæ sunt. Interdum enim est ratione eius, super quod efficitur motus: impossibile est enim uniformē esse motum, si non super uniformi magnitudine fiat, qualis est motio super lineam flexam, aut aliam magnitudinem talem, cuius quæuis

stax lequid

+  
sticun



quæuis pars ad quamuis partem non accommodatur. Interdum non est ratione spatij, non temporis, non eius, ad quod accedit, sed ratione modi: celeritate enim interdum, tarditateq; motus distinguitur. Cuius enim eadem est celeritas, is est uniformis: cuius uerò non eadem est, is est difformis. Quapropter celeritas, tarditas uel non sunt species, nec differentie motus: quippe cum omnes motus diuersos specie comitentur. Quare neque grauitas, leuitasq; que est respectu eiusdem, seu terræ ad seipsam, aut ignis respectu sui. Vnus est igitur, & is motus, qui est difformis, continuitatis nimirum ratione: sed minus, quod quidem ei latiori accipit, que super lineam flexa fit. Id autem quod est minus, mixture contrarij semper est tale. Quod si omnis motus unus, & uniformis, & non uniformis esse potest, ij qui diuersi sunt specie, atque herent, non unus erunt atq; continuus motus. Qui namq; fieri potest, ut is sit uniformis, qui ex alteratione, latatione uel constet accommodentur enim necesse est.

Expofuit, quis motus fit vnus numero, ac uerè fit: nunc qui sint contrarij motus, & qui non sint. CAP. V.

**D**einceps definiendum est quifnam motus, cui motui contrarius est: & de quiete simili modo. Primum autem diuidendum est, utrum contrarius motus fit is qui est ex eodem, ei, quo itur ad idem: ut is, qui est ex sanitate, ei, quo petitur sanitas: quales & generatio, & corruptio esse uidentur. An is, qui ex contrarijs est: ut is qui ex sanitate, ei, qui est e morbo. An is, quo ad contraria pergitur: ut is, quo ad sanitatem itur, ei, quo ad morbum acceditur. An is, qui est ex contrario, ei, quo ad contrarium itur, is, qui est ex sanitate, ei, quo morbus petitur. An is, qui ex contrario in contrarium pergit, ei, quo

Determina-  
uit Aristo. de  
unitate, & di  
uerfitate mo  
tus, hic uerò  
de motuum  
contrarieta-  
te determi-  
nat.

ei, quo è contrario in contrarium itur: ut is, qui è sanitate in morbum proficiscitur, ei, quo ex morbo acquiritur sanitas. Vnum enim horum modorum quendam, aut plures esse necesse est: non fit enim ut alio modo motus oppositi disponantur. Is igitur qui est è contrario, non est ei contrarius, quo in contrarium itur: ut is qui est ex sanitate, ei quo itur ad morbum: est enim unus, idemq;: esse tamen ipsorum non idem est, quemadmodum non idem esse ex sanitate mutari, atque ad morbum. Neque is motus, qui est ex contrario, ei contrarius est, qui ex contrario est: simul enim accidit è contrario, & in contrarium, aut in medium ire: sed posterius de hisce dicemus. Enimuero in contrarium mutari, causa potius contrarietatis esse uidebitur, quam è contrario mutari: hoc enim, abiectio contrarietatis: illud, assumptio est. Dicitur etiam quisque motus, ex eo potius in quod itur, quam ex eo ex quo fit mutatio. Sanatio enim is dicitur, quo acquiritur sanitas. Aegrotatio is, quo ad aegritudinem itur. Restat igitur is, quo ad contraria pergatur: & is, quo ad contraria ex contrarijs itur. Forsitan igitur fit, ut ij, quibus ad contraria proficiscitur, & ex contrarijs sint. Sed esse fortasse non idem est: eundi inquam in sanitatem, atque ex morbo: & eundi in morbum, atque ex sanitate. Cum autem à motu mutatio differat (ea nanque mutatio motus est, qua ex subiecto in subiectum itur) is profectò motus, quo è contrario in contrarium pergatur, contrarius est ei, quo è contrario ad contrarium itur: ut is, quo ex sanitate in morbum itur, ei, quo sanitas è morbo acquiritur. Patet autem & ex inductione, qui contrarij esse uidentur: aegrotare enim ipsi sanari, & discere ipsi decipi, non per seipsum, contraria uidentur: ex contrarijs enim in contraria fiunt. Ut enim scienti m

*Aegrotatio  
in morbum  
aut in aegritudinem  
aut in contrarium  
aut in medium*

scientiam per se quispiam & per alium consequi potest, sic & deceptionem. Latio etiam, qua supera loca petuntur, ei contraria est lationi, qua ad infera loca itur: hæc enim in longitudine contraria sunt. Et ea, qua itur ad dextra, ei qua sinistra petuntur: hæc enim in latitudine contraria sunt. Et ea, qua pergitur ad ea, quæ sunt ante, ei qua itur ad ea, quæ sunt post: hæc enim in profunditate contraria sunt. Is autem, qui solum ad contrarium est, non motus, sed mutatio est. Velut album fieri non ex aliquo. Quibus etiam non est contrarium, ea mutatio, quæ est ex ipso, ei mutationi contraria est, quæ est ad ipsum. Quapropter generatio corruptioni contraria est, abiectioq; acceptioni: hæc autem mutationes, non motus sunt. Hi uero motus, quibus ad medium itur, in quibus contrariorum est medium, in contrariis quodammodo sunt ponendi: motus enim ad utrum extremorum catur, medio ipso utitur, ut extremo: uelut è fusco quidem itur in album, tanquam è nigro: è nigro uero in fuscum, tanquam in album: medium enim ad utrunque extremorum, contrarij rationem quodammodo subit, ut & prius dictum est. Motus igitur hoc pacto motui contrarius est is, quo è contrario in contrarium pergitur, ei, quo è contrario in contrarium itur.

Quæ sit contraria Quies motui: an Quies in loco, ad quem motus est: an uero in eo, à quo est, motus motui proponatur. Et dubitationes aliæ exposite atque absolutæ.

CAP. VI.

**C**um autem motui non solum motus esse contrarius, sed Quies etiam uideatur, hoc definiamus oportet: absolutè nanque motus motui contrarium est. Opponitur autem & quies, priuatio enim est: priuatio uero quodammodo contraria dicitur. Quæ autem cuinam contraria est?

Hic Aristot. ubi de motu contrarietate determinauit de quietu contrarietate determinat: & primò in motibus, secundo in mutationib.



an ei motui, qui est in loco, ea quies est contraria, quæ est in loco? Verum hoc nunc simpliciter dicitur. Vtrum enim is motus, qui est ex hoc, ei quieti quæ est hic opponatur, an is quo ad hoc itur? Patet igitur, cum duobus in subiectis sit ipse motus, ei quidem motui, qui est ex hoc in contrarium, oppositam eam esse quietem, quæ est in hoc. Ei uerò, qui est ad hoc, e contrario eam quæ in contrario est. Simul autem hæc, & inter sese sunt contrariæ. Etenim absurdum est, si motus quidem contrarij sunt, quietes uerò contrariæ non sunt. Sunt autem eæ, quæ in contrarijs sunt. Ea nanque quies, quæ est in sanitate, ei quieti contraria est, quæ est in morbo: & ei motui, quo ex sanitate in morbum itur: ei nanque quo è morbo itur in sanitatem, contrariam esse, fines egreditur rationis: motus enim in ipsum in quo statur, profectio potius est ad quietem, quam accidit fieri simul cum motu: hunc autem aut illum, esse contrarium illi, necesse est: non enim ea quies, quæ in albedine est, ei motui contraria est, quo ad sanitatem acceditur. Quibus autem non est contrarium, eorum mutatio quidem opposita est, ea quæ est ex ipso ei, quæ est ad ipsum: motus uerò non est: uelut ea, quæ est ex ente, ei quæ est ad ens. Et quies quidem horum non est, mutationis autem uacuitas est. Atq; si subiectum quidem quippiam sit, ea mutationis uacuitas, quæ est in ente, ei quæ est in non ente, contraria est. Sin id quod haud est, non quippiam sit: dubitauerit quispiam sanè, cuinam sit contraria ea mutationis uacuitas quæ est in ente, & sit ne quies? Quod si est, aut non omnis quies motui contraria est, aut generatio, corruptio uel motus sunt. Patet igitur quietem illam non esse dicendam, nisi & ipse sint motiones, sed simile quid quieti, atque mutationis uacuitatem: contrariam uerò aut nulli prorsus,

inmutat.  
ita.

sus, aut ei mutationis uacuitati, quæ est in non ente, aut corruptioni: hæc est enim ex ipsa, generatio uerò, in ipsam.

Dubitauerit autem quispiam, cur in mutatione quidem, quæ est in loco, tam quietes, quam motus secundum naturam sunt, præterq; naturam, in cæteris uerò non sunt: ut alteratio, alia sit secundum naturam, alia præter naturam: non enim sanatio magis, quam egrotatio secundum naturam est, aut dealbatio quam denigratio. Similiter & in accretione, decretione uel: neque enim hæc inter sese contrariæ sunt, ut altera sit secundum naturam, altera præter naturam: neque accretio accretioni simili modo contrarium est, decretio uel decretioni. In generatione quoque, corruptione uel, eadem ratio est: neque enim generatio quidem est secundum naturam, corruptio autem præter naturam. Senescere enim, secundum naturam est. Neque generationem aliam secundum naturam, aliam præter naturam esse uidemus. Quòd si id, quod est ui, præter naturam est, & corruptio sanè corruptioni contraria erit, ea quæ est ui, quia est præter naturam, ei quæ est secundum naturam. Sunt igitur & generationes uiolente, fatoq; non definitæ, quibus ea quæ sunt secundum naturam, contrariæ sunt. Et accretiones itidem uiolente, decretiones uel, ut eorum accretiones, qui ob delicias citò pubescunt, & ea frumenta, quæ citò adolescunt, incrementaq; suscipiunt, antea quam humo bene compressa stirpium eliciant fibras. In alteratione uerò quomodo res se habet? an modo eodem? esse enim possunt alterationes partim uiolente, partim naturales. Qui nanque in non dijudicantibus diebus liberantur, ij præter naturam alterari uidentur: qui uerò in dijudicantibus, ij secundum naturam alterantur. Ipse igitur corruptiones inter sese erunt contrariæ, non solam gene-

i s

rationi

rationi. At quid prohibet? sunt enim aliquo modo contrariae: etenim si altera uoluptatem, altera dolorem afferret, erunt hoc quoque pacto contrariae. Quare non absolute corruptioni corruptio est contraria, sed ut altera ipsarum est talis, altera talis. Omnino igitur motus, quies uel dicto modo subeunt contrarietatem: motus enim, quo ad supera pergitur, contrarius est motui, quo ad infera itur: loci enim haec sunt contrarietates. Fertur autem ignis latius, quae supra petuntur, natura: terra autem latius, quae ad infera loca acceditur: atque latius ipsorum, contrariae sunt: ignis autem sursum quidem fertur natura, deorsum uero praeter naturam. Atque motus ipsius secundum naturam, contrarius est ipsius motui praeter naturam. Quietis etiam, simili modo sese habere uidentur. Quies enim in superis, motui quo in deorsum itur, contraria est. Atque terrae quies quidem illa praeter naturam est, hic autem motus secundum naturam. Quare motui quies contraria est ea, quae est praeter naturam, ei qui est secundum naturam eiusdem: etenim motus eiusdem hoc modo contrarius est. Alter enim secundum naturam erit, aut is quo sursum itur, ut is quo infera loca petuntur: alter, praeter naturam. Existit autem dubitatio, si est quietis omnis, quae non semper est, generatio, atque haec est stare. Eius igitur quod praeter naturam quiescit, ceu terrae supra, erit profectio generatio. Quando igitur sursum ferebatur, stabat. At id quidem quod stat, semper celerius ferri uidetur: id autem quod ui fertur, tardius: non factum ergo quiescens, erit quiescens. Praeterea ipsum stare, de eo proprie dici uidetur, quod secundum naturam ad proprium locum pergit: non de eo, quod praeter naturam fertur: Et aut omnino id esse, suum in locum ferri, aut si-

habetur  
quidam.



mul accidere. Habet autem hic locus dubitationem, si quies  
 ea, quæ hic est, ei motui, qui hinc est, contraria sit. Cum  
 enim quippiam ex hoc mouetur, aut etiam abiicit, adhuc  
 id quod abiicitur, habere uidetur. Quare si hæc quies con-  
 traria sit ei motui, quo hinc ad contrarium itur: contraria  
 simul erunt. An ex aliqua parte quiescit, si adhuc manet  
 omnino autem eius quod mouetur, pars quidem est illic,  
 pars autem est in eo in quod mutatur. Quocirca & motus  
 magis contrarius est motui, quàm quies. De motu igitur,  
 quiete' ue, quo modo unus unaq; est, & qui, & quæ quibus  
 aduersantur, satis iam diximus.

# PHYSICORVM

ARISTOTELIS

LIBER VI.

## Argumentum ex Simplicio.

DICTUM est antè, quòd libros quinque præcedentes Na-  
 turales appellant Peripatetici, sequentes tres, de motu.  
 Quomodo Andronicus libro tertio Aristotelicorum, dispo-  
 nit de motu esse inquiens. Cui accedit Theophrasti senten-  
 tia de ordine priorum quinque in epistola quapiam. Aristo-  
 teles autem ipse octauo libro mox initio ita ait: Exordium  
 sumamus ab iis, quæ in Naturalibus à nobis prius defini-  
 ta fuere, motum, inquam, actû esse mobilis, quatenus mobile  
 est. Id autem definierat in tertio. Rursus: Siquidem positû est  
 in Naturalibus, naturam esse principium motus, & quietis.  
 Id, quod in secundo fecerat. Ad finem verò octauî sic ait:  
 Quòd igitur infinita magnitudo esse nequeat, prius in Natu-  
 ralibus ostensum est. Dictum est etiam de hoc in tertio li-  
 bro. Ex hisce manifestum est, quinque libros eum appel-  
 lasse Naturales. Quòd autem postremos de motu vocarunt,  
 ipsemet rursus indicat, in primo de Cœlo sic inquiens: At id  
 est manifestum, quod infinitum transire finito in tempore  
 sit impossibile, in infinito ergo. Id enim ostensum est prius in  
 libris

libris de motu. Rursus, in libris de motu dictū est quod nullū finitorum, potentiam infinitā habet, neq; quicquā finitorum potentiam infinitā. Atqui de his dictum est in tribus postremis. Quod autē tres illi sint de motu, quinq; verò de natura, testatur etiam Dancas, qui Eudemi vitam scripsit, inquiens: Et ex tractatione Aristotelis de Natura, qui de motu sunt, tres. Naturales autē appellabant non octo illos solū, sed & eos, qui de Cœlo, & de anima sunt, atq; alios permultos. Peculiariter tamē quinq; præcedētes ex auscultatione Physica. Quod autē hic liber sequatur quintū, indicat Eudemus coniungens iis, qui in quinto proponebātur hæc, nullū continuū ex impariabilibus constitui posse. Et Andronicus eundē ordinem huic tribuit. Et Aristoteles ipsemet, iis, quæ in quinto exposuerat, de cōtinuo, & cōtiguo, atq; eo, quod deinceps, mox initio huius libri vitur. Quod autem ante septimū hic sit locādus, manifestum ex iis est, quæ in fine huiusce libri ostendit: quod nullū impartibile mouetur, quodq; nulla mutatio infinita sit: quibus in libro septimo, qui hunc sequitur, vtetur tanquā demonstratis. Eodem modo, Quod non sit infinitus motus in tempore finito, siue infinitū sit, quod mouetur, siue finitum, hīc quidem ostendet. In sequente autem vtetur tanquam demonstrato. Sunt autē ferē præcipuē problemata hæc, quæ demonstrātur: Morum non componi ex indiuisibilibus. Item, motum non momēto, sed tempore metiri. Motus finem, non principiū assignari. Postremū, indiuisibile non moueri, nullamq; mutationem infinitam esse.

Hoc in libro sexto determinat Arist. de his quæ pertinent ad diuisionem motus, secundū quod diuidetur in partes quantitativas, siue integrales.

Quod Motus diuidatur in partes quantas. Et nullum continuum ex indiuisibilibus componi.

CAPVT I.



I autem ea continua sunt, ut antea definiuimus, quorum ultima sunt unum: ea tangētia, quorum fines sunt simul, eaq; deinceps, inter quæ nihil eiusdem generis cadit, impossibile est ex indiuisibilibus cōtinuum quicquam constare: ut ex punctis lineam, si linea quidem continuum, punctum autem indiuisibile sit, vltima namq;

namque punctorum nec unum sunt, quippe cum indiuisibilis rei non sit hoc quidem ultimum, illud autem alia pars quædam: nec etiam simul, cum nullum sit prorsus ultimum eius quod partibus caret: ultimum enim, et id cuius est ultimum, patet esse diuersa. Præterea puncta ex quibus continuū constat, aut continua sint, aut se tangant necesse est. Atque eadem est de cunctis indiuisibilibus ratio. At continua sanè nequeunt esse, propter rationem iam dictam. Et cum quipiam tangit, aut totum tangit totum, aut pars partē, aut totū partem. Cum igitur indiuisibile partibus careat, totum ipsum tangat necesse est. At ex hisce, quæ hoc pacto se tangunt, nullum cōtinuum unquam emerget. Continuum enim habet aliam, atque aliam partem, et diuiditur in partes eandem subeuntes legē, et separatas etiam loco. At uerò neque punctum ad punctum, neque nunc ipsum ad nūc ipsum, deinceps erit, ut ex illis longitudo, ex his tempus constet. Nam ea quidem deinceps sunt, inter quæ nō est eiusdem generis quicquam: inter uerò pūcta, semper est linea, et inter ipsa nunc, tempus. Præterea in indiuisibilia diuiderentur, si ex quibus utrunque constat, in ea quoque diuiditur: at nullū cōtinuum in ea est diuisibile, quæ partibus caret: nullum autem genus inter pūcta, et inter ipsa nunc, aliud esse potest. Nam si fuerit, aut diuisibile aut indiuisibile erit, ut patet. Et si diuisibile, aut in indiuisibilia diuisibile erit, aut in diuisibilia semper. At id, cōtinuum esse constat. Patet autē, et omne continuū in semper diuisibilia diuisibile esse. Si enim in indiuisibilia diuidetur, indiuisibile nimirum indiuisibile tanget: continuorum enim ultimum unum est, et ea se tangunt, ex quibus cōtinuum constat. Eiusdem autem rationis est sanè, magnitudinem, et tempus, ac motum ex indiuisibilibus constare, et in indiuisibilia diuidi, aut nihil horū hāc cond



5 conditionem subire. Quod quidē ex hisce patebit: nā si magnitudo ex indiuisibilibus constat: motus quoq; qui super illa sit magnitudine, ex aequalibus motibus indiuisibilibus profectō constabit: ceu si  $ABC$  magnitudo ex indiuisibilibus constat,  $A$  &  $B$  atq;  $C$ , motus quoq;  $DEF$ , quo mobile  $P$  super  $ABC$  dimensione est motum, unamquamq; sui partem,  $D$  inquam, &  $A$ , atq;  $F$ , indiuisibile habet. Quod si presente motu necesse est quippiā moueri, & si quippiam mouetur, necesse est motum presentem esse: moueri etiam ipsum ex indiuisibilibus sane constabit. Igitur  $P$  motum est per  $A$  quidem motu  $D$ , per  $B$  uerō motu  $E$ : & per  $C$  partem motu similiter  $F$ . At uerō fieri nō potest, ut id quod ad locum ex loco mouetur, simul moueatur, atq; sit motum ad eum locum, ad quem mouebatur cū mouebatur. Si enim quisspiam Thebas petit, impossibile est Thebas eum petere simul, & petisse. At per  $A$  partem parte uacantem, cui  $D$  motus aderat,  $P$  mobile mouebatur. Quare si antea quidē transibat, postea uerō transiuit, motus  $D$  diuisibilis erit: cū enim transibat, neq; quiescebat, neq; transierat, sed in medio nimirum erat. Sin uerō simul transit, atq; transiuit, id sanē quod proficiscitur, cū proficiscitur, eō profectū, & ac motum est, quō proficiscitur, atq; mouetur. Quod si per totam quidem  $ABC$  magnitudinem  $P$  mouetur, motusq; quo per illam mouetur, est  $DEF$ , per partem autē  $A$  parte uacantem non mouetur, sed motum est: motus profectō non ex motibus, sed ex momentis constabit: & motū quippiam erit, quod non antea mouebatur.  $A$  nāq; partem non transiendo transiuit. Quare erit quippiam profectum, nunquam antea proficiscens. Quod si omne quoduis moueri, aut quiescere necesse est,  $P$  sanē in unaquaq; magnitudinis  $ABC$  parte quiescit. Quo fit, ut quippiam sit quod con-

tinuū

tinuò quiescit simul, atq; mouetur: per totam enim magnitudinem ABC mouebatur, & in unaquaq; parte quiescebat eiusdem: quare & in tota etiam quiescebat. Atq; si indiuisibiles partes DEF motus sint, fit ut presente motu P mobile quiescat, & non moueatur. Sin uerò non sint motus, fit ut motus non ex motibus constet. Similiter etiam & tempus, ut longitudo, ac motus, indiuisibile esse necesse est, atq; ex ipsis nunc, que indiuisibilia sunt, constare: aut etiam diuisibile esse, ex diuisibilibus ue constare. Nam et si omnis est diuisibilis, atq; minore in tēpore minorem magnitudinem transit, id quod æqua celeritate mouetur, & tēpus erit etiā diuisibile. Quod si tēpus est diuisibile, in quo quippiā per A magnitudinem fertur, & A profectò diuisibilis erit.

Quòd ad diuisionem temporis sequitur diuisio magnitudinis, & uiceuersa. Quodq; finitum & infinitum similiter inueniuntur in magnitudine ac tempore

CAP. II.

Cum autem omnis magnitudo sit in magnitudines diuisibilis (demonstratum est enim, continuum ex indiuisibilibus constare non posse, estq; omnis magnitudo, continuum) necesse est id quod celerius mouetur, maiorem in æquali, æqualem in minore, & maiorem insuper in minore tempore magnitudinem transeat: ut quidem id, quod celerius mouetur, definiunt. Sit enim A mobile, celerius B: cū igitur id sit celerius, quod prius mutatur, quo in tempore (sitq; illud EF) mutatum est A ipsum ex C in D, in eo mobile B nondum accedet ad D, sed citra illud erit, ut patet. Quare id, quod celerius mouetur, plus magnitudinis in æquali tempore transit. At uerò plus etiam magnitudinis minore in tempore transit. Nam in minore tempore EF, quo mobile A ad ipsum peruenit D, mobile

Hic ostendit Arist. nullum continuū esse compositū ex indiuisibilibus per rationes sumptas ex parte uelocitatis, & tarditatis.

mobile B tardius erit in ipso G citra terminum D. Si igitur A toto tempore EF ad ipsum perueniet D, erit in minori tempore citra D in ipso H, quod esse potest inter G atq; D: sitq; illud tempus EK. At magnitudo quidem CH maior est magnitudine CG: tempus autem EK minus est tempore toto EF. Quare id, quod celerius est, maiorem <sup>i3</sup> magnitudinem minore in tempore transiit. Ex his autem patet, id quod est celerius, minore etiam in tempore magnitudinem æqualem transire. Nam cum ipsum ad tardius quidē comparatum maiorem in minore tempore, per se autem sumptū maiorem in tempore maiorem magnitudinem transeat: tempus profectò EK, in quo CH magnitudinem transiit, maius erit eo tempore quo CG magnitudinem transiit. Sit igitur minus illud tempus EL. Quare si EK tempus minus est tempore EF, in quo B tardius mobile magnitudinem CG transiit, & EL profectò tempus, EF tempore minus erit: est enim minus tempore EK: quod uerò est minus minore, minus & ipsum est. Quare minore in tempore <sup>i4</sup> magnitudinem æqualem transibit. Præterea si omne, quod mouetur, aut in æquali, aut in minore, aut in maiore tempore moueri necesse est, & id quidem quod in maiore mouetur, tardius est: id autem quod in æquali, æquē celere est: quod uerò celerius est, neque celere æquē, neque tardius est: id profectò, quod celerius est, neque in æquali tempore, neque in maiore mouebitur. Restat igitur, tempore ipsum in minore moueri. Quare id, quod celerius est, tempore in minore magnitudinem æqualem transire necesse est. <sup>i5</sup> Quoniam autem omnis quidem motus in tempore est, & omni in tempore motus fieri potest: omne autem quod mouetur, & celerius, & tardius moueri potest: in omni profectò tempore celerior, tardiorq; motus fiet



ri potest. Quæ cum ita sint, tempus continuum esse necesse est. Dico autem continuum, id quod est diuisibile in diuisibilia semper: hoc enim tali supposito, tempus continuum esse necesse est. Nam cum demonstratum sit id, quod celerius mouetur, minore in tempore spatium æquale transire, sit celerius quidem A, tardius autem B, atque B transeat CD magnitudinem in tempore EF: igitur A, quod est celerius, magnitudinem eandem, ut patet, in tempore minore transibit, atq; sit in EG tempore motum. Rursus quoniam ipsum celerius totam CD magnitudinem, in EG tempore pertransiuit: id quod est tardius minorem eodem in tempore transit: sitq; illa CH. At quoniam B quod est tardius, in EG tempore magnitudinem CH pertransiuit, A profecto quod est celerius, eandem in minore tempore transit. Quare rursus tempus EG diuidetur. Quod si diuidetur, magnitudo quoque CH ratione eadem utique diuidetur. Quod si magnitudo diuidetur, & tempus itidem diuidetur: & hoc semper erit, si post celerius mobile tardius, & post hoc celerius sumamus, ac demonstratis utamur. Nam celerius quidem mobile, tempus: tardius autem, longitudinem diuidet. Quod si semper quidem uerè conuerso sit, cum sit uerò conuerso, sit diuiso semper, patet omne tempus continuum esse. Patet etiam simul, & magnitudinem omnem continuam esse: eisdem enim, æqualibus uel diuisionibus tam tempus, quàm magnitudo diuiditur. Insuper & ex hisce rationibus, quæ dici solent, patet si sit tempus continuum, & magnitudinem continuam esse, si quidem in dimidio temporis dimidium magnitudinis, & simpliciter in minore minorem transit: eadem enim diuisiones, temporis & magnitudinis erunt. Atque si alterum id, utrumuis ipsorum sit infinitum, & alterum est infinitum.

& perinde sanè ut alterum. Ceu si tempus extremis sit  
 infinitum, & longitudo extremis est infinita: si diuisione,  
 longitudo quoq; diuisione: si utrisq; & magnitudo utrisq;.  
 19. Quapropter & Zenonis ratio falsum sumit, fieri in-  
 quam non posse, ut finito in tempore quicquam transeat  
 infinita, aut infinita per singula tangat. Dupliciter enim  
 longitudo, & tempus, & omnino omne continuum dicitur  
 infinitum, aut diuisione, aut extremis. Igitur & infinita  
 quidem quantitate, tangere finito in tēpore non potest: in-  
 finita uerò diuisione, potest. Etenim ipsum tempus hoc  
 modo est infinitum. Quare fit ut infinito in tempore, &  
 non finito quippiam transeat infinita: & finitis non finitis  
 infinita etiam tangat. Impossibile est ergo aut infinitum  
 finito in tempore, aut finitum in infinito transire: sed si  
 tempus sit infinitum, & magnitudo erit similiter infinita:  
 20. si magnitudo, & tempus. Designetur enim magnitu-  
 do quædam AB terminis definita, & tempus infinitum  
 mente percipiatur, sitq; id C, deinde accipiatur pars ali-  
 qua finita temporis C, quæ quidem CD finibus claudatur.

In hoc igitur corpus quod super AB mouetur, aliquam  
 partem magnitudinis transit: atq; ponatur AE iam par-  
 tem pertransiuisse. Hæc autem pars aut æquæ totam AB  
 magnitudinem mensurabit, aut deficiet, aut excedet: nihil  
 enim refert: nam si semper æqualem magnitudinem AE  
 parti, æquali in tempore mobile transit, pars autem hæc  
 magnitudinem totam metitur, tempus totum in quo magni-  
 tudinem totam transibit, finitum erit profectò: in parte  
 21. enim æquales diuidetur, ut magnitudo. Præterea si non  
 omnem magnitudinem id quod mouetur, in infinito tempo-  
 re transit, sed fieri potest ut aliquam finito etiam in tem-  
 pore transeat, ut AE partem, hæc autem totam magnitu-  
 dinem

dinem metietur, deniq; æqualem inæquali tempore transit,  
 tempus ipsum profectò finitum erit. Patet autem non in  
 tempore infinito partem A E transire, si tempus altera ex  
 parte finitum fuerit sumptum: nam si in minore partē hanc  
 transit, tempus finitum esse necesse est, cum altera ex parte  
 sit temporis finis. Eadem sanè fuerit demonstratio, & si lon-  
 gitudinem quidem infinitam sinxerimus, tempus autē sum-  
 pserimus cōtrā finitum. Patet igitur ex hisce, quæ diximus,  
 neq; lineam, neq; superficiem, neq; omnino quicquam con-  
 tinuum indiuiduum esse: non solum propter id, quod nuper  
 est dictum, sed etiam quia fiet, ut indiuiduum diuidatur. Nā  
 cum omni in tempore, & id quod est celerius, & id, quod  
 est tardius, moueatur, atq; id, quod est celerius plus æquali  
 in tempore spatij transeat, fieriq; possit ut duplām, sesquial-  
 teramq; longitudine transeat (esse namq; potest celeritatis  
 hæc ratio) sesquialteram magnitudinem eodem in tempore  
 transeat id, quod celerius fertur, atque diuidantur magnitu-  
 dines ambæ, ea quidem, quam mobile celerius transit, quæ  
 est A D, in A B C D, tres indiuiduas partes continuorum,  
 ea uerò, quam ipsum tardius transit in E F G, duas & ipsas  
 indiuiduas partes. Igitur & tempus H M, in tres sanè par-  
 tes indiuiduas diuidetur. Inæquali namq; tempore, magnitu-  
 dinem transit æqualem. Diuidatur itaq; in H K L M indiui-  
 sibiles partes. Rursus cum mobile tardius magnitudinem  
 E F G eodem in tempore transeat, diuidetur & tempus  
 duas in partes æquales. Quo fit ut indiuiduum diuidatur,  
 & id quod mouetur, non in indiuiduo, sed in maiore tem-  
 pore partem indiuiduam transeat. Patet igitur nullam con-  
 tinui partem, parte carere.

Quod nunc ipsum indiuisibile tēporis sit, & quod in ipso  
 neq; motum, neq; quietem esse contingat. CAP. III.



Postquam ostēdit Arist. nullum continuū ex indiuisibilib<sup>9</sup> cōponi, neque indiuisibile esse, ex quib<sup>9</sup> constat motū esse diuisibile, hic determinat de motus diuisione, prēmītēs quādam ad motus diuisionē necessaria.

**A**T uerò necesse est & ipsum nunc, quod per se, prius moq; non per aliud dicitur, indiuisibile esse, atq; omni in tempore tale inesse: est enim extremum transacti temporis quoddam, citra quod nihil futuri temporis est, & insuper consequentis, ultra quod nihil transacti temporis est: quod quidem utrorumque temporum finem diximus esse.

Hoc igitur si tale per se, idemq; demonstrabimus esse, patebit etiam & indiuisibile esse. Necesse est itaq; idem nunc ipsum esse, quod finis utrorumq; temporum est: nam si sit aliud, atq; aliud, deinceps alterum quidem ad alterum sanē non erit, propterea quod continuum non ex indiuisibilibus constat: si uerò sit seorsum utrunq;, inter ea medium tempus erit. Omne nanque continuum tale est, ut inter fines aliquid sit uniuocum. At si tempus sit illud, diuisibile erit, ut patet: demonstratum est enim omne tēpus diuisibile esse. Quare sit ut nunc ipsum diuisibile sit. Quod si sit diuisibile, erit aliquid præteriti in futuro, & futuri etiam in transacto. Id enim in quo diuidetur, præteritum tempus, & consequens terminabit. Præterea nec ipsum nunc, per se, sed per aliud erit: diuisio enim non est ipsius, quod est per se. Et insuper ipsius nunc aliud transactum, aliud consequens erit, & non semper idem: aut præteritum, aut futurum, neq; nunc idem. Multis est enim diuisionibus diuisibile tempus. Quod si hæc ipsi nunc inesse non possunt, ipsum profectò nunc quod est utroq; in tempore, idem esse necesse est. At uerò si sit idem, patet & indiuisibile esse.

Nam si diuisibile sit, ea rursus euenient, quæ antea accidebāt. Esse igitur in tempore indiuisibile quid, quod ipsum nunc dicimus esse, ex hisce quæ diximus, perspicuum iam euasit. Atqui nihil in ipso nunc moueri, ex hisce patebit, quæ deinceps dicemus. Nam si quippiam in ipso moueri possit,

possit, fiet ut celerius in ipso, ac tardius moueatur. Sit itaq; nunc ipsum D, atque in ipso celerius mobile longitudinem transeat A B literis designatam. Igitur mobile tardius minorem in eodem longitudinem pertransibit: designetur & ipsa, & sit A C. Quoniam autem mobile tardius in toto nunc ipso, longitudinem A C pertransiuit: celerius mobile per eandem in minore sanè mouebitur. Quare ipsum nunc diuidetur: at erat indiuisibile. Fieri ergo non potest, ut quicquam in ipso nunc moueatur. At uerò nec in eodem quicquam quiescere potest: quiescere enim id dicebamus, quod est aptum ut moueatur, & non mouetur tunc, cum aptum est moueri, & ubi, & quemadmodum moueri est aptum. Quare cum in ipso nunc nihil sit aptum moueri, patet nihil etiam in eodem quiescere aptum esse.

Præterea si nunc ipsum in utrisq; temporibus idem est: fieriq; potest, ut in horum temporum altero toto quipiam moueatur, in altero toto quiescat: atq; id quod toto in tempore mouetur, in quouis ipsius mouebitur, in quo ipsum moueri potest: & id quod quiescit, simili modo quiescet: fiet profectò ut idem moueatur, simul atq; quiescat: ipsum enim nunc, ultimum utrorumq; temporum est. Insuper id quiescere dicimus, quod similiter sese habet & ipsum, & partes, nunc atque prius: at in ipso nunc non est prius, ut patet: quare non fit, ut in ipso quicquam quiescat. Quæ cum ita sint, necesse est & id quod mouetur, & id quod quiescit, in tempore moueatur, atq; quiescat. Omne autem quod mutatur, diuisibile esse necesse est. Nam cum è quodam in quoddam sit omnis mutatio, cum est quidem in eo in quod est mutatum, non ulterius ut patet mutatur: cū uerò est in eo, ex quo est mutatio, & ipsum, & omnes partes, nondum mutatur: quod enim eodem modo se habet,

et ipsum, et partes, id non mutatur. Necesse est igitur ipsum partim in hoc, partim in altero esse: neque enim in utroque, neque in neutro esse potest. Dico autem in quod mutatur primum mutatione, ut fuscum cum ex albo mutatur, non nigrum: non enim id quod mutatur, in utrovis extremorum esse necesse est. Patet igitur omne quod mutatur, diuisibile esse.

De diuisione Motus, & Quietis. Quod indiuisibile non possit moueri: & quomodo diuidatur Motus ipse.

CAP. IIII.

Positis quibusdā ad motus diuisionē necessariis, hīc incipit de motus diuisione determinare.

**M**otus autem duobus est diuisibilis modis: uno quidem modo tempore, altero uerò ratione partium eius quod subit motum. Veluti si A C totum mouetur, et A B, et B C sanè mouebitur. Atque sit partis quidem A B, motus D E, partis uerò B C, motus E F. Totum igitur motum D E, ipsius A C mobilis motum esse, necesse est: etenim hoc ipso motu mouebitur: quippe cum utraq; pars utroq; moueatur motu: et nihil alieno motu, sed proprio moueatur. Quare totus motus, totius est magnitudinis motus. Præterea si motus quidem omnis alicuius est motus, totus autem D F motus, neque A B, neque B C est partis (pars enim partis est motus) neque cuiquam tribuitur alij (cuius namq; totius totus est motus, eius et partium partes sunt: partes autem D E F, partium A B C, et non aliorum sunt motus: plurium enim unus motus esse non potest) totus profecto motus D F, totius A C magnitudinis motus erit. Insuper si totius A C magnitudinis alius quidam sit motus, ceu G K, auferentur ab ipso utrarumq; partium motus, qui quidem æquales erunt motibus D E, et E F: unus enim unius est motus: quare si totus G K motus, in motus partium diuidetur, motus G K motui D F erit æqualis.



æqualis. Sin uerò restabit aliquid, ut HK, hic nullus erit motus, ut patet: neque enim totius, neq; partium, quia motus unius est unus: at neque cuiquam alij tribuetur: continuus enim motus, continuorum quorundam est motus. Eadem erit profectò ratio, & si DEF exceſſerunt in diuisione motus GK. Quare si hoc esse non potest, eundem atque æqualem esse necesse est. Hæc igitur diuisio ratione partium eius est, quod mouetur, atque cuiuslibet partibilis ipsam esse necesse est. Alia autem est, temporis ratione.

Nam cum omnis motus in tempore sit, & omne tempus sit diuisibile, minor autem in minori tempore fiat, omnis motus uti tempus diuidatur necesse est. Cum autem omne quod mouetur, in aliquo moueatur, & tempore aliquo, mobilisq; totius sit motus: easdem esse diuisiones & temporis & motus, & ipsius moueri, & eius quod mouetur, & etiam eius in quo est motus, necesse est. Verum nõ omnia similiter, in quibus est motus, sed quantitatis quidem per se, qualitatis uerò per accidens. Accipiatnr enim tempus, in quo quippiam mouetur, & sit A, & motus sit B. Si igitur in toto tempore motum est, in illius dimidio, motu minore est motum, quo rursus diuiso minore motu rursus est motum: & sic semper motus diuidetur ut tempus.

Simili modo si motus est diuisibilis, & tempus est diuisibile. Si enim toto motu toto in tempore motum est dimidio in dimidio, & minore rursus in minore est motum. Ipsum quoq; moueri, modo diuidetur eodẽ. Sit enim ipsum moueri, C: in dimidio igitur motus minus erit toto, & in dimidio rursus dimidij, et ita semper diuidetur. Licet etiam ipsum moueri, quod est partis utriusque motus DE, & EF designando, totum totius dicere esse: nam si sit aliud, plura motus eiusdem erunt moueri, sicut & motum in

motus partium prius ostendimus diuisibilem esse. Accommodatum enim ipsum moueri parti utrique motus continuus totum erit. Similiter & longitudo, & omne id omnino in quo fit mutatio, diuisibile demonstrabitur. At si quædam per accidens diuisibilia sunt, propterea quod id quod mutatur, est diuisibile (nam si unum diuidatur, omnia diuidentur) similiter sese habebunt hæc omnia, infinitionis etiam, atque oppositi ratione. Ab eo autem maxime quod mutatur, hoc est sequutum, omnia inquam diuidi, infinitaque esse: continuo enim ei quod mutatur diuisibilitas, ac infinitio inest. Diuisibilitas igitur prius est demonstrata, infinitio autem in sequentibus innotescet.

De origine partium Motus. Et primo, an sit in motu primum.

CAP. V.

Postquam Aristoteles qualiter motus diuidatur ostendit, hinc de origine partium motus determinat.

**C**um autem omne quod mutatur, est quodam in quodam mutetur, ipsum mutatum cum primo mutatum est, in eo esse, in quo est mutatum, necesse est: id enim, quod mutatur, exit ab eo, ex quo mutatur, aut ipsum relinquit. Atqui aut idem est mutari atque relinquere, aut sequitur relinquere quidem mutari, reliquisse autem esse mutatum: nam ad utrumque similiter se habet utrumque. Cum igitur una mutationum sit ea, cuius termini contradictoriam subeunt oppositionem, patet cum mutatum est quippiam in id, quod est, ex eo quod haud est, id iam ipsum quod haud est, reliquisse: quo fit, ut sit in eo quod est. Omne namque quod uis, aut esse, aut non esse necesse est. Patet igitur ipsum mutatum ea mutatione, cuius termini contradictoriam subeunt oppositionem, in eo esse in quod est mutatum. Quod si in hac ita est, & in cæteris ita erit: similiter enim in una, & in cæteris, hoc sese habet. Præterea si quæque sumatur, hoc etiam in uniuersis esse patebit, si ipsum mutatum alicubi, aut in aliquo esse

esse necesse est. Quoniam enim id è quo est mutatum reliquit: atq; ipsum alicubi esse necesse est, aut in hoc erit, aut in alio. At si in alio, ut in C, id profectò quod in ipsum B est mutatum, rursus in B mutatur ex C: ipsum namq; C non erat ipsi coherens B, mutatio enim continua est: quo fit, ut ipsum mutatum, cum est mutatum, ad id mutetur in quod est mutatum: quod fieri nequit. Id ergo, quod est mutatum, in eo esse, in quod est mutatum, necesse est. Patet igitur & ipsum factum, tum esse, cum factum est: & ipsum corruptum non esse, cum non est corruptum. Hoc enim etsi de omni mutatione est dictum, maxime tamen in ea dilucidum est, cuius termini contradictoriam subeunt oppositionem. Patet igitur ipsum mutatum, in eo esse in quod est mutatum, cum mutatum est primò. Id autem, in quo primò quippiam est mutatum, indiuiduum esse necesse est: atq; id dico primum, quod non ex eo est tale: quia aliquid ipsius est tale. Si enim diuisibile literis A C designatū, atq; diuisum in B. Si igitur in A B, aut rursus in B C est mutatum, non in ipso primò A C est mutatum: sin in utroq; mutatur (in utroque enim, aut mutatum esse, aut mutari necesse est) & in toto sane mutatur: at mutatum esse supponebatur. Eadem est ratio, & si in altero mutatur, in altero est mutatum: erit enim quid, prius primò: quare non erit id diuisibile, in quo est mutatum. Patet igitur tam corruptum, quàm generatum, in indiuiduo corruptum esse ac generatum. Bisariam autē dicitur id, in quo primò quippiam est mutatum. Vno modo, in quo primò finita mutatio est: tunc enim uerè dicere licet illud esse mutatum. Altero, in quo primò mutari coepit. Id igitur, quod in fine mutationis dicitur, primum est, uereq; dicitur esse: nam & fit ut finiatur tandem mutatio, & est exitus, finis ue mutationis, quem iam & ostendimus indi-



uisibilem esse, propterea quòd ultimum est. At quod in principio mutationis dicitur primum, id omnino non est: non est enim mutationis principium, nec id in quo primò temporis mutabatur. Sit enim primum A D: hoc igitur indiuisibile quidem non est: accidet enim, ut sint hærentia ipsa nunc. Præterea si in F A tempore toto quiescit (ponatur enim in illo quiescere) & in A quoque quiescit: quare si ipsum A D partibus uacet, simul quiescet, atque erit mutatum: in A namq; quiescit, in D uerò mutatum est. Cum autem non sit partibus uacans, diuisibile necesse est esse, atque in quauis eius parte mutatum esse. Etenim A D diuiso, si in neutra quidem parte mutatum est, neque in toto sanè mutatum est: sin in ambabus mutatur, in toto quoque mutatur: quod si in altera est mutatum, non in toto primo mutatum est. Quare necesse est, in quacunque esse mutatum. Patet igitur non esse id, in quo primo mutatum est: quippe cum diuisiones sint infinite. At uerò nec ipse mutari quicquam erit primum, & quod est mutatum. Sit enim ipse D F, mutatum primum D G: nam omne quod mutatur, demonstratum est diuisibile esse: tempus autem in quo D G mutatum est, sit H K. Si igitur in illo toto ipsum D G est mutatum, in dimidio minus fuit mutatum, & prius ipso D G, & hoc rursus aliud prius, & sic semper. Quare nihil erit eius, quod mutatur, quod primò est mutatum. Patet igitur ex hisce, quæ diximus, neque eius, quod mutatur, neque temporis, in quo mutatur, primum aliquid esse: ipsum autem quo mutatur, non eodem modo sese habebit: tria namq; esse dicuntur in ipsa mutatione, id quod mutatur, et id in quod, atq; id quo mutatur: ut homo, tēpus, atq; albedo. Homo igitur, ac tēpus, diuisibilia sunt: sed de albedine est alia ratio: atq; tamen per accidens omnia diuisibilia sunt.

sunt. Cui nanque albedo, uel qualitas accidit, id est diuisibile: nam neq; in his erit primum, quæ per se, & nõ per accidens dicuntur diuisibilia, quales sunt magnitudines ipsæ. Sit enim mobile AB, motum ex B in C primum: igitur si indiuisibile sit ipsum B C, parte uacans erit hærens parte uacanti: sin diuisibile, erit aliquid C ipso prius, in quod est mutatum, & illo rursus aliud prius, & sic semper: nunquã enim diuisio deficit. Quare non erit quicquam primum, in quod est mutatum. Similiter res sese habet & in quantitatis mutatione: nam & hæc in continuo est. Patet igitur in solo qualitatis motu, per se indiuisibile esse posse.

Quomodo, ea, quæ sunt, in motu sese præcedunt.

CAP. VI.

Cum autem omne, quod mutatur, in tempore mutetur, mutari uerò in tempore dicatur, & ut primo, & ut per aliud, quo pacto in anno mutari dicitur, quia mutatur in die: id sanè, quod mutatur, in quacunque eius temporis parte mutari, in quo primo mutatur necesse est. Id ita esse patet quidè & ex definitione ipsius primi: sic enim ipsum antea definiebamus. Patebit autem & ex hisce, quæ deinceps dicemus. Sit enim tempus AB, in quo quippiam primo mouetur: atque cum omne tempus sit diuisibile, diuidatur in C. In tempore igitur AC, mouetur aut non mouetur: & eodem modo rursus, in ipso CB. Si igitur neutra in parte mouetur, in toto sanè quiescit: impossibile est enim moueri, si nulla in parte eius moueatur: sin in altera tantum mouetur, non in AB tempore primo mouetur, per aliud enim in ipso mouetur: ergo quacumq; in parte temporis moueatur, necesse est. Hoc autè demonstrato patet, omne quod mouetur, prius necessario motum esse. Nam si in AB tempore primo, per FG spatium quippiam motum est, id quod æqua

Postquam Arist. ostendit qualiter accipiendum sit primũ, in mutatione: hîc ostendit ordinem eorum, quæ in motu inueniuntur ad inuicem.

æqua celeritate mouetur, simulq; incœpit, per dimidiũ in dimidio temporis erit motum. Quod si id tempore in eodem motum est per magnitudinem aliquam, & alterum per eadem necesse est esse motum: quare motum est, id (uti diximus) quod mouetur. Præterea si in A B toto, uel quouis omnino tempore propterea motum dicimus quippiam esse, quod ipsius ultimum nunc accipimus (id est enim quod terminat, atq; inter ipsa nunc semper est tempus) in cæteris etiam sanè simili modo motum esse dicetur, dimidij autem extremũ est ipsa diuisio: quare & in dimidio motum erit, & in quacunq; omnino parte: semper enim per diuisionem, continuo tempus ab ipsis nunc terminatum euadit.

Quod si omne tempus est diuisibile, & id quod est inter nunc ipsa tempus est, uti diximus, omne profectò quod mutatur, infinities est mutatum. Præterea si id, quod continue mutatur, & non est corruptum, neq; cessauit à motu aut mutari, aut esse mutatum in quocunque necesse est: ut mutetur autem in ipso nunc fieri nequit, in quocunq; sanè temporis puncto mutatum sit ipsum necesse est. Quare si temporis puncta sint infinita, omne nimirum quod mutatur, infinities est mutatum. Non solùm autem id, quod mutatur, necesse est esse mutatum: sed etiam ipsum mutatũ prius mutetur necesse est: omne namq; quod ex quopiam in quippiam est mutatũ, in tempore est mutatum. Sit enim in ipso nunc ex A mutatum in B, in eodem igitur nunc, in quo est in A, mutatum non est: nam & in A & in B simul erit. Ipsum namq; mutatum, non esse in hoc ipso cum est mutatum, antea demonstrauius. Quod si in alio sit mutatum, inter illa profectò medium tempus erit: non sunt enim hærentia ipsa temporis puncta. Cum igitur in tẽpore sit mutatum: tẽpus autẽ omne sit diuisibile, in dimidio sanè muta-



rum est, & in dimidij dimidio rursus, & sic semper. Quare  
antea mutabatur. Præterea id quod dictum est in magnitu-  
dine, magis est manifestum, propterea quod magnitudo cō-  
tinuum est, in qua mutatur id, quod mutatur. Sit enim ex  
C, quippiam mutatum in D: si igitur CD indiuisibile sit,  
partibus uacanti, partibus profectō uacans hærebit. Quod  
si id fieri nequeat, medium ipsum magnitudinē esse necesse  
est, diuisibileq; esse in infinita. Quare prius in illa mutatur:  
omne ergo mutatum, prius mutari necesse est. Eadem est  
enim in hisce quæ non continua sunt, demonstratio, ut in  
contrarijs, & in hisce, quæ contradictoriam subeunt oppo-  
sitionem. Sumemus enim id tempus, in quo est mutatum,  
& eadem rursus dicemus. Quare mutetur ipsum mutatū,  
& mutatum sit id, quod mutatur necesse est. Atq; mutari  
prius est ipso mutatum esse, & mutatum esse ipso mutari,  
at nunquam primum sumetur: causa autem huius est par-  
tibus uacans, non esse uacanti partibus hærens: in infinitu-  
tum enim ipsa diuisio proficiscitur, ut in crescentibus, ac  
decrecentibus intueri lineis licet. Quæ cum ita sint, patet  
necesse esse & id, quod est factum, fieri prius, & id quod  
fit, antea factum esse, modò diuisibilia, atque continua sint:  
non tamen semper quod fit, factum est prius, sed interdum  
aliud, ceu illius aliquid, ut in ædibus fundamentum: simili-  
ter fit & in eo quod corrumpitur & corrupto: inest enim  
ei quod fit, & ei quod corrumpitur, infinitio quædam: quipa-  
pe cum continuum sit utrunq; & impossibile est aut fieri  
non factum aliquid, aut factum esse non fiens aliquid: simi-  
liter & in ipso corrumpi, atq; corruptū esse: semper enim  
corruptum esse, antecedit corrumpi, & corrumpi corru-  
ptum esse. Patet igitur quod id, quod est factū, prius necesse  
est fieri: & id quod fit, antea factum esse: est enim omnis  
magn

magnitudo, omneq; tempus, diuisibile semper. Quare in quocunq; sit, non erit in illo ut primo.

De Finito, & Infinito in motu.

CAP. VII.

Hic determinat Arist. de finito, & infinito in motu: sicut enim diuisio pertinet ad rationem continui, ita finitū & infinitum: sicut autē supra ostendit quod diuisio inuenitur in motu, magnitudine, tempore, & mobili, ita idem de infinito ostendit.

**C**um autem omne quod mouetur, in tempore moueatur, in maioreq; maiorem magnitudinem transeat, fieri profecto non potest, ut magnitudinem infinito in tempore transeat quicquam finitam, modò non per ipsam eadem semper, nec per aliquam eius partem, sed per totam toto in tempore moueatur. Patet igitur, si quippiam æqua moueatur celeritate, necesse esse finitam magnitudinem illud finito in tempore pertransire: sumpta namq; parte, quæ mensurauerit totam, in tot æqualibus temporibus, quot sunt magnitudinis partes, totam illam profecto magnitudinem pertransibit. Quare cum harum quæq; finite sit quantitatis, & omnes numero sint finite, tempus etiam ipsum profecto finitum erit: tantum enim toties erit, quantum est tempus partis toties repetitum, quot sunt magnitudinis partes. Nihil autem interest, & si non æqua celeritate mouetur. Sit enim spatium quidem AB finitum, quod infinito in tempore pertransiuit: tempus autem infinitum CD. Si igitur per priorem aliam alia parte motum esse necesse est, patet in priore temporis parte, posteriori uel aliam, aliam uel pertransiuisse: semper enim maiore in tempore per aliam motum erit. Idq; non minus fiet, siue æqua, siue non æqua celeritate mutetur: & siue intendatur motus, siue remittatur, siue in eodem persistat. Accipiaturs itaque pars aliqua spatij quæ metietur AB longitudinem totam, atque AF literis designetur. Hanc igitur aliqua in parte transiuit temporis infiniti, quippe cum impossibile sit, eam in infinito tempore pertransisse: totum enim spatium, in infinito pertransit. Et rursus, si aliam sumpsero tantam, quàm est ipsa AF, necesse

cesse est & hanc eadem ratione finito in tempore trāſſiſſe:  
& ſic uſq; ad ultimam proficiſcar. Cū igitur infiniti qui-  
dem nulla ſit pars, quæ metietur ipſum, ut patet ( fieri  
enim non poteſt, ut infinitum ex finitis æqualibus, & inæ-  
qualibus conſtet, propterea quòd ea quæ multitudine, ma-  
gnitudineq; ſunt definita, ſiue æqualia, ſiue inæqualia ſint,  
meſurari tandem aliquo uno poſſunt: ſpatium autem fini-  
tum quantitate partis AF meſuretur) finito proſectò in  
tempore tale etiam mobile per magnitudinem AB finitam  
mouetur. Similiter & de quiete dicendum eſt: quare fieri  
non poteſt, ut idem, unumq; generetur ſemper, uel cor-  
rumpatur. Eadem ſanè ratione probabitur, fieri etiam non  
poſſe, ut infinito in tempore quicquā aut infinitam magni-  
tudinem tranſcat, ſiue uniformiter, ſiue difformiter mouea-  
tur, aut quiete infinita quieſcat: ſumpta nanque temporis  
aliqua parte, quæ totum metietur tempus, in illa partem  
aliquam magnitudinis, non totam magnitudinem tranſit:  
totam enim toto in tempore tranſit, & rursus in alia parte  
æquali partem aliam magnitudinis tranſit: & in unaquaq;  
ſimili modo, ſiue æquales ſint primæ parti, ſiue etiam inæ-  
quales: nihil enim refert, modò ſit quæque finita: patet enim  
exhausto tempore infinitam magnitudinem exhaustam non  
fore, ſi ablatio fiat magnitudine, numeroq; finita. Quare nō  
infinitam magnitudinem finito in tempore tranſit: atq; ni-  
hil intereſt altera ex parte tantum, an ex utraq; infinita ſit  
magnitudo: eadem enim ſemper accommodabitur ratio.  
His demonſtratis patet neque fieri poſſe ut magnitudo fi-  
nita finito in tempore tranſcat magnitudinem infinitam,  
cauſam ob eandem. In parte nanq; temporis finitam trāſit:  
& in unaquaque ſimili modo. Quo ſit, ut toto in tempore  
finitam tranſcat magnitudinem. At uerò cū magnitudo  
finita



finita non transeat finito in tempore magnitudinem infinitam, patet neque in magnitudine infinitam longitudinem finitam transire: nam si infinita magnitudo finita pertranseat, & finitam infinitam transire necesse est: nihil enim interest, utra sit ea, quæ motu cietur: utroque namq; modo, infinitam transit finita. Nam cum A magnitudo infinita, mouetur, erit aliqua pars eius finita in B, seu D C, & alia atq; alia rursus, & sic semper. Quare fiet ut simul infinita per finitam, & finita per infinitam sit mota: nec enim fortasse fieri potest ut aliter infinita per finitam sit mota, quam hoc pacto, ut finita transeat in finitam, uel latione pergendo per ipsam, uel metiendo: quare cum hoc sit impossibile, infinita sanè finitam pertransire non potest. At uerò nec infinita infinitam finito in tempore transit: nam si transit, & infinitam finita sanè transibit. Inest enim in infinita, finita. Præterea et tempore sumpto, eadem demonstratio erit. Cum igitur nec infinitam finita, nec infinita finitam, nec etiam infinitam infinita finito in tempore transeat, patet neq; motum infinitum, in tempore fore finito: quid enim interest, motus, an magnitudo sit infinitum? nam si utrumuis fuerit infinitum, & alterum infinitum esse necesse est: omnis enim latio est in loco.

De quibusdam necessariis ad diuisionem quietis.

CAPVT VIII.

Cum autem id omne moueatur, aut quiescat quod aptum est moueri, quando, & ubi, & quemadmodum aptum est, ipsum profecto stans cum stat, moueri necesse est: nam si non mouetur, quiescit. At fieri non potest, ut ad quietem proficiscatur id, quod quiescit. Quo demonstrato, patet necesse esse & in tempore stare: omne namque quod mouetur, in tempore sanè mouetur: ipsum autem stans, moueri ostendimus. Quare necesse est, in tempore stare.

Præterea

Præterea ipsum celerius, atque tardius, in tempore dicimus esse. At sit ut tardius, atque celerius stet. At uerò id, quod stat, stet quacunque in parte temporis eius, in quo primò stat, necesse est. Tempore nanque diuiso, si neutra in parte stat, neque toto profectò in tempore stat. Quo sit ut non stet id ipsum, quod stat: sin in altera, non in toto stat primum: in hoc enim per aliud stat, ut de eo quod mouetur, antea diximus. Vt autem non est quicquam in quo primo mouetur id, quod motu cietur: sic neque quicquam est, in quo stat id primò, quod dicimus stare. Neq; enim ipsius moueri, neq; ipsius stare, quicquam est primum. Sit enim id, quod primò stat, A B literis designatum: hoc igitur uacare partibus impossibile est: non est enim in eo motus, quod partibus uacat, propterea quòd id, quod mouetur, motum esse necesse est. Id uerò quod stat, moueri iam demonstrauimus. Quod si diuisibile est, in quacunque parte ipsius stat: hoc enim prius ostendimus, in quo inquam primò quippiam stat, in eius hoc parte quacunque stare. Cum igitur tempus sit id, in quo primò stat, & non indiuiduum, omne uerò tempus in infinitum sit diuisibile, non est profectò id, in quo primò stat. Neq; igitur id est, in quo primò quiescens ipsum quieuit: in eo namq; non quieuit, quod partibus uacat, quia nō est in indiuiduo motus: in quo uerò quiescit quippiam, in eo etiam & mouetur. Tunc enim quiescere quippiam dicimus, quando, & in quo est aptum ut moueatur, non mouetur. Præterea tunc quiescere quippiam dicimus, cum similiter nunc sese habet, & prius: non uno quodam, sed duobus hoc minimis dijudicantes. Quare id in quo quiescit, partibus non uacabit: quod si partibile est, tempus erit profectò, atq; in quauis ipsius parte quiescet: sic enim hoc ostendetur, ut & in prioribus est demonstratum.

stratum. Quare nihil erit & in hoc, primum. Est autem huius hæc causa, omne inquam quiescere, atque moueri in tempore: tempus uerò nullum esse primum, neque magnitudinem, neque omnino continuum, cum omne sit diuisibile in infinitum, ut patuit. Cum autem omne quod mouetur, in tempore moueatur, atque ex quopiam in quippiam mute-  
tur, impossibile est eo in tempore, quo per se quippiam mouetur, & nō in aliquo illius, ipsum in aliquo primo esse: quiescere nanque quippiam est in aliquo eodem & ipsum, & partem ipsius quanque tempore quodam esse: sic enim quiescere dicimus, cum in alio nunc, atque alio uerè dicere licet, ipsum in eodem, partesq; ipsius esse. Quod si id est quiescere, non sit profectò ut id, quod mutatur, in aliquo sit totum ipso tempore primò: est enim diuisibile tempus omne. Quare alia in parte ipsius, atque alia uerè dicere licebit, in eodem & ipsam, & quanque partem ipsius esse. Quod si non sit hoc pacto in aliquo, sed uno in temporis puncto, non erit in aliquo profectò tempore ullo, sed in temporis tantummodo fine. In ipso uerò nunc, est quidem semper in aliquo, non tamen quiescit: in ipso nanque nunc, neque moueri quicquam, neq; quiescere potest: sed uerum quidem est, in ipso nunc non moueri, atque in aliquo esse.

In tempore autem ut quiescens, esse non potest: eueni-

Postquam Arist. de motus & quietis diuisione locutus est, hinc excludit quædam propter quæ errabant aliqui circa motum.

Confutatio quorundam errorū de motu: ac primum ratio-  
num Zenonis, negantis prorsus motum esse. CAP. IX.

**Z**eno uerò prauè ratiocinatur. Dicit enim, si semper omne quiescit, aut mouetur, cum est in sibi æquali, id autē, quod fertur, est in sibi æquali spatio, in ipso nūc semper, immobilem eam esse sagittam quæ fertur. Hoc autē est falsum: tempus enim non ex ipsis nunc indiuisibilibus constat,



stat, quem admodum nec ulla alia magnitudo. Quatuor autem Zenonis de motu sunt rationes, quæ difficultatem soluentibus afferunt. At prima quidem est ea, qua motus ex eo tollitur, quia prius ad medium, quàm ad finem id quod fertur, peruenire oportet: de qua distinximus antea. Secunda uerò est ea, quæ nuncupatur Achilles, qua motus rursus ex eo tollitur, quia nunquam id, quod celerrimè currit, id consequetur, quod tardius currit. Id enim quod persequitur, eò perueniat antè necesse est, unde id, quod fugit, fugam arripuit. Quare tardius ipsum, semper aliquo spatio precedat, necesse est. Est autem et huius rationis eadem uis, quæ in partes æquales sectionis: sed hoc differt, quod magnitudinem, quæ accipitur non in dimidia diuidit. Accidit igitur ut tardius ipsum non attingatur, ex ratione nimirum ipsa. Fit autem ob diuisionem: qua quidem et antecedens uis ratio. In utrisq; enim fit ut non perueniatur ad finem, magnitudine subeunte, etsi nò eodem modo, diuisionem. Sed in hac additur tanquam tragicè decantatum, neq; celerrimum unquam tardissimum attingere persequendo. quare solutionem utriusq; eandem esse necesse est. Id uerò quod censet nunquam id attingi, quod antecedit, falsum est profecto: nam cum antecedit, non attingitur: attamen attingitur tandem, si dabit magnitudinem finitam, id quod mouetur, transire. Hæ sunt igitur due rationes Zenonis. Tertia uerò est ea quæ quiescere dicit sagittam cum fertur: de qua paulò antè diximus. Accidit autem id ex eo, quia tempus sumitur ex suis punctis constare: quod si non dederis, ratio continuo expirabit. Quarta est ea, quæ de ijs est æqualibus molibus, quæ propter æquales alias moles æquali celeritate partim è calce stadij, partim è medio contra mouentur: ubi fieri putat, ut duplo tēpori dimidiū sit æquale. Ra-

tionis autem fallacia in existimatione illa consistit: ea namque quorum alterum fertur propter quiescens, alterum propter id quod mouetur, æqualem magnitudinem celeritate æquali transire in æquali tempore censet: hoc autem falsum est.

Sint quiescentes quidem æquales moles A A A A: super has autem moueantur B B B B, incipiendo à medio ipsarum molium A, numero, et magnitudine æquales. C C C C uero his æquales modo eodem, et æque celeres super ipsas incipiendo à prima, quæ est in medio ipsarum A, motu contrario moueantur. Accidit igitur primam B atque C molem, simul in ipsis esse extremis, et C quidem uniuersas B moles, B uero dimidium ipsarum A pertransiuisse. Quare fit, ut sit dimidium tempus: utraq; enim æquali in tempore molium unamquaq; transiuit, et insuper accidit B per omnes moles C transiuisse. Prima namque C et B moles in contrarijs sunt extremis, tanto in tempore per unamquamque B molium mota, quanto quamque molium A transiuit, ut dicit, propterea quod utraq; æquali in tempore per A moles est mota. Ratio igitur hæc est: fit autem ob id quod diximus falsum. At uero neque in ea mutatione, cuius termini contradictoriam subeunt oppositionem, impossibile quicquam nobis eueniet, ueluti quippiam si est non albo in album mutatur: atque in neutro est, neque album, neque non album esse. non enim si non totum in utroque sit, non dicetur album, aut non album esse: album enim dicimus, aut non album. Non quia totum, sed quia plurimis partibus sit, aut maxime præcipuis tale: non est autem idem, non esse in hoc, et non esse in hoc totum. Similiter res sese habet et in eo, quod est, et in eo quod haud est, atque in cæteris, quæ contradictoriam subeunt oppositionem: etenim in oppositorum quidem altero necessario crit: totum autem, in neutro semper crit,

erit. In circulo rursus, ac sphaera, & in ijs omnino, quæ in seipsis mouentur, non eueniet ipsa quiescere. In eodem enim loco, tempore quodam, ut inquit, & ipsa, & partes sunt. Quo fit ut quiescant simul, ac moueantur. Primò namq; partes nō sunt eodem in loco, tempore ullo. Deinde totum etiam in alium semper locum mutatur: non est enim eadem circumferentia, quæ ab A, & B, & C, sumitur, ceterorumq; quolibet puncto, nisi ut muscus homo, & homo: & quia id accidit. Quare in aliam alia semper mutatur, & nunquam quiescet. Idem est modus & in sphaera, atq; in cæteris, quæ in seipsis mouentur. Démonstratis autem hīs, dicimus id quod partibus uacat, moueri non posse, nisi per accidens, ueluti si corpus, uel magnitudo, in qua est, moueatur: quemadmodum si id, quod est in nauigio, latione nauis, uel totius motus, pars moueatur.

Quòd indiuisibile non moueatur aduersus Democritum ponentem atomos per se moueri: quodq; nulla mutatio infinita sit contra Heraclitum, ponentem omnia semper moueri.

CAP. X.

**V**Acare autem id partibus dico, quod est indiuisibile quantitate. Partium enim motus & inter sese differunt, & à totius etiam motu. Atq; in sphaera maxime differentiam ipsam quispiam intuebitur: non enim eadem erit celeritas earum partium, quæ propinquæ sunt centro, & earum, quæ sunt ab eo distantes, totiusq; sphaera: quo patet non unum omnium esse motum. Ut igitur diximus, sic ipsum quod partibus uacat, moueri potest, ut is qui sedet in corrente naui, mouetur, per se autem moueri nō potest. Mutetur enim ex A B, in B C, siue in magnitudinem ex magnitudine, siue in formam ex forma, siue ex termino in oppositum contradictoriè terminum. Tempus autem in

l 3

quo

Postquam Aristoteles soluit rationes Zenonis improbantis motū, hic ostendit impartibile non moueri: per quod destruitur opinio Democriti, ponētis atomos per se mobiles.



quo primo mutatur, fit D. Igitur ipsum eo in tempore, quo mutatur, aut in A B aut in B C, aut partim in hoc, partim in altero esse necesse est: omne namque quod mutatur, sic se habet. At aliquid ipsius in utroque non erit: fuerit enim partibile. Neque erit in B C. erit enim mutatum: supponitur uero mutari. Restat igitur ipsum in A B esse eo tempore, quo mutatur. quiescet ergo: quod enim est in eodem tempore quodam, id quiescere dicebamus. Quare non fit, ut id, quod uacat partibus, moueatur, aut omnino mutetur: hoc tantum pacto motus ipsius esset, si tempus suis ex punctis constaret: semper enim in ipso nunc motum esset, atque mutatum ut moueatur quidem nunquam, semper uero sit motum: at hoc esse non posse prius est demonstratum: neque enim tempus ex nunc ipsis, neque linea ex punctis, neque motus ex suis momentis constat. Nam nihil aliud asserit qui id dicit, quam motum ex hisce quae partibus uacant, constare, perinde atque si tempus ex nunc ipsis assereret, aut magnitudinem ex punctis constare. Praeterea neque punctum, neque indiuisibile quicquam moueri, ex his etiam patet: fieri namque non potest, ut id quod motu cietur, maius seipso transeat prius, quam aut per aequale, aut minus se moueatur. Quod si ita sit, patet et punctum seipso minus, aut aequale prius transire. At cum indiuisibile sit, fieri non potest, ut per minus antea moueatur. per aequale ergo sibi, mouebitur. Quo fit, ut ex punctis linea constet: punctum enim transeundo sibi semper aequale, totam quam transit, lineam metietur. Quod si id esse non potest, fieri quoque nequit ut indiuisibile moueatur. Insuper si omne quod motu cietur, in tempore, et nihil in ipso nunc moueatur. omneque tempus sit diuisibile, erit utique tempus eo tempore minus, in quo transit id, quod mouetur, aequale spatium

spatium sibi. Id enim in quo mouetur, tempus erit plane: propterea quod omne, quod mouetur, in tempore motu cietur. Tempus autem omne, diuisibile esse, prius est demonstratum. Si igitur punctum mouetur, erit aliquod tempus eo tempore minus, in quo motum est ipsum per æquale spatium sibi. At esse non potest. In minore namque transeat minus, necesse est. Quo continuo fit, ut indiuisibile in se minus sit diuisibile, quemadmodum & tempus in tempus. Enimuero unice id, quod partibus uacat, atque indiuisibile, moueretur, si fieri posset ut in ipso nunc indiuiduo quippiam moueatur: eiusdem enim est rationis, in ipso nunc moueri, & indiuisibile quid moueri. Mutatio autem nulla est infinita: è quopiam enim in quippiam est omnis, & ea que in contradictorijs, & ea que in contrarijs est. Quare mutationum quidem earum, que in contradictorijs sunt, affirmatio, atque negatio finis est generationis quidem, id quod est: corruptionis autem, id quod non est. Mutationum uero que inter contraria sunt, ipsa contraria sunt extrema: hæc enim ultima sunt mutationis, quare & alterationis omnis (alteratio namque ex contrarijs est quibusdam) similiter & accretionis, decretionis ue: nam accretionis quidem id est extremum, quod est magnitudinis perfectæ, que accommodatur nature finis: decretionis uero casus ab hoc ipso, remotio ue. Latio autem, hoc quidem modo non erit finita: non enim omnis est in contrarijs. Sed quoniam quod hoc pacto est, impossibile diuisum fore, ut non contingat ipsum fore diuisum, id ut diuidatur non potest (multipliciter enim impossibile dicitur) atque quod ita est impossibile, secari non possit, & omnino quod factum fore non potest, id fieri non contingit: & id profecto quod mutatum fore non potest,

potest, in id mutari nequit, in quod mutatum fore non potest. Si igitur id quod fertur, in quippiam mutetur, & in illud sane fore mutatum potest. Quare motus non est infinitus, neq; quicquam per infinitum feretur: fieri enim non potest, ut illud unquam pertranseat. Patet igitur hoc pacto nullam infinitam esse mutationem, ut non sit finibus terminata. Verum considerandum est si sic esse possit, ut una, eademq; tempore sit infinita. Nam si non fiat una, nihil fortitan prohibet: ueluti si alteratio fiat post lationem, & accretio post alterationem, & generatio rursus post illam: sic enim semper quidem erit tempore motus, sed non unus, quia non est unus ex uniuersis. Ut autem unus infinitus tempore fiat, præter unum non potest: hic autem, est ipsa conuersio.

# PHYSICORVM

ARISTOTELIS

LIBER VII.

## *Argumentum libri.*

**H**IC Septimus liber est Physicæ auscultationis, sed bifariam circumfertur, iuxta dictionem solam exiguā differentiam habens. Nam & quæstiones, & earum demonstrationes eadem atque eodem ordine in utroque habentur. Atque hic aduertendum id est, ut interpretes utrobique admonent, quod præcipuè illæ atque huic negotio maximè accommodatæ quæstiones etiam in sequente libro, qui totius tractationis ultimus est, habentur, ualidioribus demonstrationibus comprobata, quàm in hoc libro. Quapropter uisum est nonnullis omittendum hunc librum esse, ut qui infirmis, quibusdam, & ut Alexander inquit, logicæ magis accommodatis demonstrationibus sit refertus. Atque adeo Eudemus, cū ad hūc usq; singula totius negotiationis capita persequi



sequutus esset, hoc omisso, tanquā superfluum esset, ad ea, quæ in libro ultimo sequuntur, sese mox conuertit. Et Themistius aliorū omniū Paraphrasin exhibens, ex hoc libro pleraque capita posthabuisse deprehenditur. Verū, quando is videtur nō adeo dissentire ab iis, quæ in aliis pertractata fuerint, neq; indignus industria Aristotelica, recte quispiā affirmarit fortē ab Aristotele hunc primò editū fuisse, postea eadem in insequente libro sub incudē reuocasse, ac diligētius tradidisse, ac nihilominus priorem etiam seruātū fuisse ab aliquibus, quod minimē videatur nullū vsum habere, quando pulchrē præparat, ac velut præstruit auditoris mentē ad grauiorem doctrinam sequētis libri, quæ maxima, ac pulcherrima quæque problemata totius disciplinæ cōtineat. Atque adeo, quod initio proponitur, quicquid mouetur, ab aliquo moueri, exquisitam magis demonstratiōē illic habet. Sunt autem ferē hæc problemata libri totius: Quicquid mouetur, ab aliquo moueri. Quæcūque mouētur loco, reduci ad primū motū. Quod motor omnis simul sit cum eo, quod mouetur, & quo pacto. Et qui motus inter se cōparandi sint.

Quicquid mouetur, ab aliquo moueri. Et quod primus motus quispiam sit, primusq; motor. CAPVT I.



**Q**UONIAM quod mouetur, ab aliquo mouetur necesse est. Si igitur in se non habeat principium motus, ab alio patet ipsum moueri. Si in se habeat, accipiat ipsum AB, quod quidem moueatur non ex eo quia quid sui ciatur. Primum igitur AB putare à se moueri, quia & totum ab externo nullo mouetur, simile est atque si quis cum ipsum DG mouet ipsum GF, simulq; cum eo mouetur ipsum DGF, à se ipso moueri putaret: quia non perspicit utrum ab utro moueatur: utrum DG à GF, an GF ab ipso DG. Deinde quod à se ipso mouetur, id nunquam ex eo moueri desinet, quia aliquid aliud stetit, moueriq; cessauit.

15 Igitur

Superiorib' libris determinauit Arist. de motu secundum se, & de cōsequētib' ad ipsum, deq; partibus eius: hic uerò incipit determinare de motu per cōparatiōē ad motores, & mobilia.

igitur si quid ex eo moueri definit, quia quippiam aliud stetit, id ab alio moueatur necesse est: hoc enim patefacto, omne quod mouetur, ab aliquo moueatur necesse est: cum enim ipsum AB moueri sit sumptum, diuisibile erit profectio: omne nanque quod mouetur, diuisibile est. Sit igitur diuisum in C. Igitur BC quiescente, & ipsum AB quiescat, necesse est. Quod si non quiescat, mente sumatur moueri. BC igitur quiescente, AC mouetur: non ergo per se mouetur, ipsum AB. At per se primo moueri, supponebatur. Patet igitur BC quiescente, & AB quiescere, ac tunc cessare moueri. At si quid ex eo moueri definit, quia quiescit aliud, ab alio plane mouetur. Patet igitur, omne, quod mouetur ab aliquo motu cieri: omne enim quod mouetur, est, ut patuit, diuisibile: parteq; quiescente, & totum ipsum quiescet. Cum autem omne quod mouetur, ab aliquo moueatur, necesse est, & id quod in loco mouetur, ab alio moueatur: & id igitur quod mouet, ab alio moueatur necesse est, cum moueatur & ipsum, & hoc ab alio rursus. At non in infinitum hoc proficiscitur, sed stabit tandem alicubi, atque erit quippiam, quod primo causa erit ut omnia moueantur. Quod si non sit ita, sed sit in infinitum profectio, moueatur A quidem à B, ipsum autem moueatur à C, & B rursus à DC: & hoc in infinitum modo proficiscatur. Cum igitur simul moueatur & id, quod mouet, simul A & B mouebuntur: nam cum hoc B moueatur, mouebitur & ipsum A: & item cum B moueatur, ipsum C sanè mouebitur: & similiter cum C mouetur, mouebitur ipsum D: motus igitur ipsius A, simul erit cum motu ipsius B, & ceterorum cuiusque: & annumquodque igitur ipsorum, & motum cuiusque poterimus

rimus sumere : nam etsi à singulis singula simul mouen-  
tur, non minus tamen uniuscuiusque motus unus est nume-  
ro, & non infinitus extremis, cum omne quod moue-  
tur, è quodam ad quoddam proficiscatur. Fit enim ut  
aut numero, aut genere, aut specie sit idem motus : nume-  
ro igitur eum motum dico eundem esse, qui in eodem nu-  
mero tempore, ex eodem in idem numero sit : ut is,  
qui hac ex albedine, quæ est una numero, hanc in nigre-  
dinem, hoc in tempore quod sit unum numero, sit : nam  
si in alio, atque alio fiat, unus specie, non numero motus  
erit. Genere autem idem est motus, qui eodem in præ-  
dicamento, aut in substantia, aut in alio genere sit. Spe-  
cie uerò est unus, quo ex eodem specie ad idem specie pera-  
gitur : ut motus, qui ex albo in nigrum, aut in malum è bo-  
no : hæc autem & in superioribus dicta sunt. Accipiat  
igitur motus ipsius A, & sit E : & motus ipsius B, &  
sit F : & motus item ipsius C, atque D, & sint G at-  
que H. Sumatur præterea tempus, in quo A mouetur, &  
sit K : atque cum definitus sit motus ipsius A, definitum  
erit & K tempus, & non infinitum. At A, & B, cete-  
rorum unumquodque eodem in tempore mouebatur. Ac-  
cidit igitur ut motus E F G H infinitus, in K definitum  
tempore fiat : eo enim in tempore quo A mouebatur,  
& ea omnia infinita, quæ post ipsum A collocata deinceps  
sunt, mouebantur. Quare tempore in eodem moue-  
uentur : etenim motus ipsius A, aut æqualis erit motui  
ipsius B, aut maior : nihil autem refert : accidit enim omnia  
no, ut infinitus motus tempore fiat finito : hoc autem fieri  
nequit. Hoc igitur pacto, quod proposuimus uidebitur  
demonstrari : non tamen demonstratur, quia nullum ab-  
surdum emergit : fieri enim potest ut finito in tempore  
motus



motus sit infinitus: non tamen idem, sed alius, atque alius, si multa sint ea, quæ mouentur, ac infinita: quod & in hisce, quæ nunc sumpsimus, accidit. At si id, quod primo mouet in loco, motuq; corpori accommodato, tangere necesse est id, quod mouetur, aut continuum esse, ut in uniuersis fieri cernimus, totum ipsum unum ex omnibus, aut cōtinuum erit. Id igitur quod fieri potest, esse sumatur: & sit magnitudo quidem, aut continuum ipsum A B C D, motus autem huius sit E F G H: nihil autem interest, infinitum sit, an finitum: similiter enim finito in tempore K, aut infinitum, aut finitum infinito mouebitur motu: horum autem utrunq; est impossibile. Stabit igitur tandem (ut patet) id ipsum, & non in infinitum proficiscetur, ab alio inquam semper moueri: sed erit quippiam quod primum motu ciebitur: nihil autem inter sit, aliquo supposito id ostendi. Eo nanque posito quod esse potest, nullum absurdum accidere oportebat.

Quod mouens sit mobili contiguum.

CAP. II.

Hic Aristot.  
probat mouens  
esse cō-  
tiguum, vel  
continuum  
mobili.

**I**D autem quod primum mouet, non ut id gratia cuius cetera sunt, uel fiunt, sed ut id unde est principium motus, simul cum eo est, quod mouetur. Atq; simul dico, quia nihil est inter ipsa: hoc enim omnibus mouentibus communiter competit, & subeuntibus motum. Cum autem tres sint motus, is inquam, qui ad locum, is qui ad qualitatem, & is qui ad quantitatem accommodatur: quorum primus est latio, secundus alteratio, tertius accretio, atq; decretio: & ea sane quæ mouentur, tria esse necesse est. Atq; primò de latio ne dicamus: hæc enim primus motuū est. Omne itaq; quod fertur, aut à seipso mouetur, aut ab alio. Si igitur à seipso mouetur, patet cum in ipso sit id quod mouet, simul esse, & id quod mouet, & id quod mouetur, & nihil inter  
ipsa

ipsa medium esse. Sin ab alio mouetur, quatuor modis mouetur, motus enim qui ab alio afferuntur, quatuor sunt, pulso, tractio, uolutio, uectio. etenim fit, ut omnes alij ad hos reducantur. Pulso igitur, alia est impulsio, alia expulsio.

Atq; impulsio quidem est, cum id quod mouet, non deserit id quod mouetur. Expulsio uerò, cum deserit. Vectio autem in tribus est motibus: non enim per se, sed per accidens mouetur, quod uehitur: ex eo nanque mouetur, quia est in eo, uel per id, quod mouetur: at id, quod uehit, aut pellitur, aut trahitur, aut uoluitur. Patet igitur uectionem, tribus in motibus esse. Tractio uerò est, cum motus trahentis aut ad se, aut ad aliud celerior eius est motu quod trahitur, neque seiungitur ab eodem: etenim & ad seipsum est tractio, & ad aliud. Ad has & ceteræ tractiones eadem specie reducuntur, ut inspiratio, & spiratio, & sputatio, & eæ, quibus aut emittuntur corpora, aut accipiuntur: quarum aliæ sunt congregationes, aliæ segregationes. Et omnis igitur ad locum accommodata motio, congregatio est nimirum, & segregatio. Volutio uerò ex tractione pulsioneq; componitur: mouens enim partim pellit, partim trahit id, quod motu hoc agitur. Perspicuum igitur est, si pellens, ac trahens est cum eo, quod pellitur, atque trahitur, nihil esse inter eæ, quorum alterum mouetur, alterum mouet. Hoc & ex definitionibus patet. Nam pulso quidem est aut ex se, aut ex alio in aliud motus: tractio autem ex alio uel ad se, uel ad aliud. Insuper compulsio, atque dispulsio. Proiectio uerò est, cum motus celerior sit naturali motu corporis eius quod fertur, pulsione uehementiore nimirum facta: quod quidem eousque fertur, quousque motus his uehementior sit illo motu. Quæ cum ita sint, patet esse simul id, quod mouetur, & id, quod mouet, & nihil  
inter

inter ipsa medium esse. At uerò nec inter alterans, & id quod alteratur, medium quicquam cadit: quod quidem ita esse, per inductionem patere potest. In uniuersis enim fit, ut id quod ultimum alterat, & id quod primum alteratur, sint simul. Omne enim quale ex eo alteratur, quia sensibile est. Sensibilia uerò sunt ea, quibus inter sese corpora differunt: ut grauitas, leuitas, durities, mollities, sonus, huius uacuitas, albedo, nigredo, dulcedo, amaritudo, humiditas, siccitas, densitas, raritas, & ea, quæ inter hæc sunt: similiter & cætera, quæ sensui subiiciuntur, caliditas, inquam, & frigiditas, & leuitas, & asperitas. Hæc enim, affectus sunt qualitatis subiectæ. Et his inter se differunt sensibilia corpora, aut horum gradibus: atque quia aliquod horum patiuntur: alterari dicimus tam animata corpora, quàm inanimata, & animantium partes, quæ animæ sunt expertes: calefiunt enim, aut frigescunt, aut dulcia sunt, aut amara, aut aliquo alio prædictorum afficiuntur. Ipsi quoque sensus alterantur, patiuntur enim: nam ipsorum actio motus est per corpus patiente. aliquid sensu: atque quibus alterantur inanimata, his uniuersis animantia etiam alterantur. At quibus animantia alterantur, hisce non alterantur inanimata: per sensus enim non alterantur, neque sentiunt inanimata, cum alterantur. Nihil tamen prohibet ut & animantia, cum alterantur, non sentiant, quando non per sensus ipsis accedit alteratio. Si igitur affectus quidam sensibiles sunt, per hos autem fit alteratio, patet iam simul esse patiens ipsum, atque effectum, & nihil inter ipsa medium esse: nam huic quidem aër continuus est: aëri uerò coniungitur corpus, & superficies quidem luminis, uisui uerò lumen coheret: similiter & auditus, ac odoratus primo mouenti coniungitur, sap-



por etiam simul est modo eodem, & gustus. Simili modo fit & in hisce, quæ sunt expertia animæ, atque sensus. Id etiam quod augetur, & id quod auget, eodem modo se habent. Accretio nanque quedam additio est, quare simul sunt quod auget, & quod augetur. Et in diminutione eodem modo: causa nanque decretionis, ablatio quedam est. Patet igitur nihil esse medium inter id, quod ultimum mouet, & id quod primò mouetur.

Quod omnis alteratio sit in sensibilibus, & in parte animæ sensitiua.

CAP. III.

**D**einceps autem uniuersa, quæ alterantur, à sensibilibus alterari, & eorum alterationem esse duntaxat quæ per se ab hisce pati dicuntur, per hæc contemplentur oportet. Maxime nanque quisspiam in figuris, formis atque habitibus, & horum deiectionibus, acquisitionibus'ue, alterationem esse existimabit. Videtur enim in his alteratio esse, uerum non est: sed cum quedam alterantur, hæc sunt: cum densatur, inquam, aut rarefit, aut calefit, aut frige fit materies ipsa: sed alteratio non est. Non enim statum formam nomine dicimus eius, ex quo forma est orta, nec eius, etiam ex quo est pyramidis, aut lecticæ figura, pyramidem, aut lecticam, sed denominantes aliud æneum, aliud teræ, aliud ligneum appellamus. At id, quod alteratur, dicimus: ipsum enim æs, humidum esse dicimus, aut calidum, aut durum. Et non solum hoc pacto, sed etiam ipsum humidum, atque calidum esse dicimus æs, affectus nomine materiam nuncupantes. Cum igitur id quidem ex quo est forma, & figura, & id quod est ortum, figurarum nomine non dicatur: id uerò, quod alteratur, nomine dicatur affectuum, patet alterationem in solis sensibilibus esse. Preterea absurdum est & alio modo dicere: dicere nanque homin

Hic probat  
Aristo. omnē  
alterationem  
esse secundū  
sensibilia.

hominem alteratum esse, uel domum sumpto sine, ridiculum est, si perfectionem domus, aut parietes, aut tegulam alterationem esse dixerimus: & si cum parietibus domus clauditur, aut tegitur, ipsam dixerimus alterari. Patet autem alterationem in hisce non esse, quæ generantur: atqui nec in habitibus alteratio est: habitus enim, uirtutes, ac uitia sunt. Virtus autem omnis, & uitium, ad aliquid est, quemadmodum sanitas, temperatio quædam est calidorum, ac humidorum, aut internorum, aut ad continens. Similiter & pulchritudo, & robur ad aliquid sunt: sunt enim dispositiones quædam eius, quod præstantissimum est, ad id, quod optimum. Atque id præstantissimum dico, quod conseruat, ac circa ipsam naturam disponit. Cum igitur uirtutes quidem, ac uitia sint ex hisce, quæ sunt ad aliquid, hæc autem generationes non sint, nec ipsorum sit generatio, nec alteratio omnino, patet circa habitus, alterationes non esse. At uerò neque circa uirtutes animi uitiâq; alterationes esse uidentur: uirtus namq; perfectio quædam est. Vnumquodq; enim maximè tum est perfectum, cum propriam uirtutem est consecutum, & maximè secundum naturam: sicut circulus tum maximè secundum naturam est, quando maximè circulus est. Vitium uerò, corruptio est horum atque remotio. Fit igitur cum aliquid alteratur, uirtutis accipio, uitijq; deiectio: neutrum tamen horum est alteratio.

Alterari autem aliquid inde patet: nam uirtus quidem, aut affectuum est uacuitas, aut eorundem mediocritas quædam: uitium autem aut est omnis affectuum concitatio, aut est perturbatio uirtuti contraria. Atq; omnino fit, ut uirtus morum in uoluptatibus, doloribus uel consistat: uoluptas enim aut cum agimus, aut cum recordamur, aut cum speramus, effici solet. Atq; si cum agimus prouenit, sensus

est

est causa: si cum recordamur, aut speramus, ab ipso rursus efficitur: afficimur enim uoluptate aut recordantes ea, quæ nos delectarunt, aut sperantes euenire ea, quæ nos afficient uoluptate. Atqui neque ad partem intellectiuam animæ, alteratio accommodatur: sciens enim maxime ad aliquid dicitur. Hoc autem ita esse perspicuum inde fieri potest: per nullum namque potentiam motis sit in nobis scientia, sed prius aliquo orto: experientia namque particulariam, scientiam uniuersalem consequimur. At neque ipsa operatio generatio est, nisi uisionem, tractum uel generationes quispiam dixerit: tale est enim ipsa operatio. Acceptio autem à principio scientiæ, non est generatio, nec alteratio: ex eo namque quia perturbationes sedantur, atque tranquilla sit anima, sciens quispiam, atque prudens euadit. Quemadmodum igitur cum experrectus est quispiam dormiens, aut cum ab ebrietate sese recepit, aut cum à morbo conualuit, non factus est tunc sciens, quanquam antea non uti scientia poterat, operarique per eam, sed extincta perturbatione, mentemque iam inde ad tranquillitatem redacta aptius, ac idoneus ad scientiæ usum euasit: sic etiam cum à principio oritur in nobis scientia, simile quid sanè fieri solet: sit enim perturbationis sedatio, quies, atque tranquillitas quedam. Accedit eodem et id, quod in pueris natura fieri solet: non enim discere pueri, neque perinde sensibus atque ij qui sunt prouecti magis ætate, discernere possunt, est enim uehementis in eis turbatio, atque motus: sedantur autem nonnunquam à natura, nonnunquam ab alijs, desinuntque turbari. Atque in utrisque fit ut aliquid alteretur, perinde atque cum aliquis experrectus, factusque sobrius, aptus ad operationem euadit. Patet igitur alterationem in sensibilibus, et in parte animæ sensitua, et nullis in alijs, nisi per accidens, esse.



Qui motus sint inter se comparabiles.

CAP. III.

Declarauit  
Arist. in mo-  
bilibus & mo-  
toribus ne-  
cessè esse pri-  
mum aliquid  
ponere, quòd  
ea, quæ sunt  
ordinis uni-  
uidentur cõ-  
parabilia esse,  
& hoc ipsum  
quod est pri-  
& posterius,  
cõparatione  
importat: hic  
autem inquir-  
rit de motu  
cõparatione.

**D**vbitabit autem quispiam, si sit omnis motus omni mo-  
tui comparabilis, nec ne. Nam si sit, atq; id celeritatis  
sit æque, quod in tempore æquali spatium transit æquale,  
erit aliqua circumferentia æqualis lineæ rectæ, & maior  
etiam, atque minor. Præterea alicui lationi alteratio erit  
æqualis, cum in æquali tempore aliud fuerit alteratū, aliud  
latum: affectus ergo longitudini erit æqualis: at esse non po-  
test. At enim cum in æquali tempore quippiam per æqua-  
le mouetur, tum illud æque celere est: affectus uerò nullus  
longitudini est æqualis: quare non erit alteratio lationi æ-  
qualis, nec minor. Quo fit ut non omnis motus sit compa-  
randus. Sed in circulo rectaq; lineæ, quonam accidet modus  
nam absurdum est, si non sit, ut hoc similiter super circulo,  
& hoc super recta lineæ moueatur: sed continuò celerius  
alterum, aut tardius moueri necesse est, quasi hoc sit decli-  
ue, illud acclue. Præterea nihil refert ad rationem, si quis-  
piam necessitatem dixerit esse, celerius cõtinuò, aut tardius  
moueri: erit enim circumferentia maior, & minor lineæ re-  
ctæ: quare & æqualis: nam si in eodem A tempore, hoc qui-  
dem B, illud uerò C, lineam pertransiuit, maior erit B lineæ  
profectò ipsa lineæ C: hoc enim pacto, celerius mobile desi-  
niebatur. Et si in minore igitur æqualem transferit, celerius  
erit: quare pars quedam erit temporis A, in qua celerius  
mobile partem aliquam transit ipsius circumferentiæ B toto  
in tempore, mobili tardiore transeunte totam lineam C. At  
uerò si comparabilia sint, accidit id, quod nuper est dictū:  
lineam inquam rectam æqualem circumferentiæ esse: at cõ-  
parabilia non sunt: nec igitur motus ipsi cõparabiles sunt.

Sed ut uidetur, ea cuncta comparabilia sunt, quæ non æ-  
quiuoca sunt: ueluti cur cõparabilia non sunt, stylus & ui-  
num,

num, an ultima fidium, utrum acutius sit? Quia nanq; equi-  
uoca sunt, ideo conferenda non sunt, sed ultima fidium, &  
penultima comparabiles sunt, quia acutum idem significat  
in utrisq;. Non igitur idem est celere hic, & ibi, & multò  
etiam minus in alteratione, ac latione. An id uerum non  
est, si non equiuoca sint comparabilia esse? multum enim  
idem in aëre, atq; aqua significat, comparabilia tamen non  
sunt. Quòd si hoc non sit, at duplum est unum (est enim id,  
quod rationem duorum habet ad unum) non tamè compa-  
rabilia sunt. An & in his eadem est ratio? nam & ipsum  
multum, equiuocum est. Sed sunt quorum & rationes &  
equiuocæ sunt: ceu si quispiam dicat multum id esse, quod  
est tantum, ac ultra: & æquale equiuocum, etsi fortè fuerit,  
& ipsum continuò unum: quòd si hoc est equiuocum, &  
ipsa etiam duo equiuoca sunt. Nam cur alia comparabilia,  
alia non comparabilia sunt, si natura est una, an quia in a-  
lio primo sunt susceptiuo? E quus igitur, & cants cõparabi-  
lia sunt, utrum ipsorum albius sit: est ipsa enim superficies  
idem, in qua primò est ipsa albedo: & de magnitudine mo-  
do eodem: at uox, & aqua comparanda non sunt: in alio  
nanq; est susceptiuo. An hoc pacto omnia quispiam faciet  
unum, unumquodq; autem in alio dicet esse, atq; erit idem  
æquale, & dulce, & albū, sed in alio susceptiuo? Præterea  
susceptiuum non est quoduis, sed unum unius primum. At  
uerò non solum ea, quæ comparantur non equiuoca esse,  
sed etiam nec id, quod inest, nec id, in quo inest, differen-  
tiam habere oportet: dico autem hoc modo, color habet di-  
uisionem. Non igitur hoc ipso fit comparatio, ueluti utrum  
magis sit coloratum non aliquo colore, sed colore ut color  
est: sed albedine fit. Sic igitur & circa motum, id est æquè  
celere, quod in æquali tempore per æquale est motum,

n 2 tantum

tantum inquam longitudinis huius. Sed si aliquid fuerit al-  
 teratum, aliud latum, erit'ne equalis hæc alteratio lationi,  
 atq; eiusdem celeritatis? at absurdū est sanè: & causa est,  
 species motum habere. Quare si ea, quæ in equali tempo-  
 re per equalem longitudinem lata sunt, equalis celeritatis  
 sint, recta linea circumferentiæ erit equalis. Vtrum igitur  
 huius est causa: utrum lationem, an lineam genus esse? tem-  
 pus enim semper est idem, ac indiuiduum specie. An simul  
 illa specie differunt? Etenim latio species habet: si id super  
 quo fit motus, species habet. Præterea si id per quod fit mo-  
 tus, specie differat, latio quoq; erit diuersa. Veluti si pedes  
 sint, ambulatio est: si alæ, uolatio. An non hoc, sed figuris æ-  
 lia est latio? Quare quæ in equali tempore magnitudinem  
 eandem transeunt, ea celeritatis equalis sunt. Eandem au-  
 tem non differentem specie: quæ si est, & motus non diuer-  
 sus specie erit. Quare considerandum est, quenam sit diffe-  
 rentia motus. Atq; hic sermo significat genus ipsum nō esse  
 quid unum, sed ob hoc multa latere: equiuocationū autem,  
 aliæ nimium distant, aliæ similitudinem quandam habent,  
 aliæ sunt propinquæ aut genere, aut similitudine rationis.  
 Quapropter & si equiuocationes sunt, non esse tamen ui-  
 dentur. Quādo igitur diuersa est species, utrum cū idem  
 in alio, an cū aliud in alio, est? & quenam est definitio,  
 aut quonam dijudicabimus idem album, uel dulce, aut aliud  
 esse, ex eo'ne quia in alio diuersum apparet, an ex eo quia  
 omnino non idem est? At uerò quonam modo alterationes  
 æquæ celeres sint? Si igitur sanari est alterari, sit autem ut  
 aliud celerius, aliud tardius sanetur, & aliqui simul, sunt  
 alterationes profectò celeritatis equalis: in tempore nanq;  
 equali, sunt alterati. Sed quid est id quod ad alterationem  
 accommodatur? Non enim dicitur hic æquale, sed ut æqua-  
 litas



litas in quantitate, sic similitudo dicitur hic. Verum sit cum equalitate temporis idem, in quo celeritas alterationis ea qua consistit. Vtrum igitur eo in quo est affectus, an ipso affectu comparare alterationes oporteat? atq; hic quidem eandem sanitatem esse: quæ neq; magis, neque minus, sed similiter inest, sumere licet. Sed si affectus alius sit, ut si hoc dealbetur, illud sanetur, his nihil est idem uel æquale, uel simile, ut hæc alterationis species faciunt, nec una est alteratio, sicut nec ibi latitudo, quare sumendum est, quot alterationis, & quot item lationis species sunt. Si igitur ea, quæ mouentur, specie differunt, quorum motus per se sunt, & non per accidens, & motus sanè specie differenti si genere, genere: si numero, numero. At si alterationes sint æquæ celeres: utrum ad effectum, si sit idem uel similis, an ad id, quod alteratur, respicere oporteat: ueluti si huius quidè tantum, huius autem tantum sit dealbatum, an ad utrūq;? atq; eadem est aut alia, si idem aut alius sit affectus: æqualis uerò, aut inæqualis, si æquale, aut inæquale sit illud. In generatione etiam & corruptione idem considerandum est, quoniam modo est æquæ celeris, atq; celerior generatio. An æquæ celeris est, si in æquali tempore generetur idè, ac indiuiduum? ut homo, sed non animal: celerior autem, si in æquali diuersum: non enim habemus, quoniam sint ea duo, in quibus est ipsa diuersitas: quemadmodum habemus ea, in quibus est ipsa dissimilitudo. Quod si substantia numerus est, plus erit & minus numeri speciei eiusdem. Sed ipsum commune nomine caret, atq; utrūq; quale est: in qualitate quidem plus affectus, aut excedens magis in quantitate autem, maius.

Quomodo inter se comparentur motus.

CAP. V.

Declarauit

Cum autem omne quod mouet, & aliquid semper moueat, & in aliquo, & usq; ad aliquod (atq; in aliquo, esse cōpara-

Arist. motus  
dicō,

biles adinuicem, hinc autem docet, quomodo comparantur, & primo de motu Locali, deinde de reliquis.

dico, quia in tempore usque ad aliquid, quia per quantitatem aliquam mouet: semper enim simul mouet, ac mouit: quare quantitas quedam erit, per quam est motus, atque in quantum) hæc inquam cum ita sint, si A quidem sit id, quod mouet, B uero id quod mouetur, & C sit longitudo, per quam, & D tempus in quo est motus: in tempore nimirum æquali, potentia æqualis A, dimidium ipsius B, per duplum mouebit ipse C: per ipsum autem C, in dimidio temporis D: sic enim erit rationis similitudo. Et si potentia eadem hoc in hoc tempore per tantum spatium moueat, per ipsum etiam dimidium idem in dimidio sanè mouebit. Et dimidium potentie, dimidium per æquale spatium in tempore mouebit æquali. Ipse enim potentie A, sit dimidium F, & ipse B, sit dimidium G. Vires igitur ad pondera similiter sese habent, ut patet. Quare per æquale, in tempore mouebit æquali. At si F moueat ipsum G, in tempore D, per longitudinem C, non necessario fit, ut F in æquali tempore duplum ipsius G, moueat per dimidium spatij C. Si igitur A per C, spatium totum in D, tempore B, mouebit, dimidium ipsius A, quod est F, non mouebit idem B, totum in D, tempore, aut in eius aliqua parte per aliquam C, spatij partem, quæ rationem eandem ad totum habebit C, quam F, pars, uel quæuis alia ad totam A, potentiam habet. Omnino enim si forte fuerit, nullam partem mouebit. Non enim si totæ vires quippiam per tantum mouerunt spatium, dimidium ipsarum per quantumuis spatij quouis in tempore idem mouebit: nam unus eam trahet profectò nauim, quam centum traxere, si vires eorum tam in ipsorum numerum quam in spatij diuidantur partes, quòd nauim omnes simul traxere. Quapropter Zenonis ratio non est uera, quæ concludit quamuis partem nili facere sonum: nihil enim prohibet

prohibet ut nullo in tēpore eum moueat aērem, quem totus modius mouit cū cecidisset: neq; pars si per se fuerit, id mouebit, quod una cum toto mouere potest: neque est enim pars ulli, nisi potentia, in toto. Si uerò duo quaedam seorsum per tantum spatium tanto in tēpore duo seorsum pondera mouent: & composita per longitudinem equalem equali uē in tempore compositum ex ponderibus utrisque mouebunt: est enim in eis eadem ratio. Sunt ne igitur eadē, & in alteratione, atq; accretione? est enim aliquid id, quod auget, & id etiam quod augetur, atq; in tempore tanto, & tantum, aliud auget, aliud augetur. Et id quod alterat, & quod alteratur, similiter est aliquid: & tantum intensiōe, remissionē uē est alteratum, & in tempore tanto: in duplo duplum, & duplum in duplo: dimidium autem in dimidio temporis, aut in dimidio dimidium, aut in equali duplum. Si uerò id, quod alterat, aut auget, tantum in tanto auget, aut alterat: non necesse est & dimidium in dimidio, & in dimidio dimidium alterare, uel augere. Sed nihil, si forte fuerit, alterabit, uel augebit, quemadmodū & in pondere.

# PHYSICORVM

ARISTOTELIS

LIBER VIII.

## *Argumentum libri.*

**L**iber hic octauus Physicæ auscultationis, qui & postremus est, refertus est per multis, & iisdē pulcherrimis theorematibus. Siquidē tractationi de principiis naturalibus optimū hic finem imponēs, ostendit primum motum Naturalium esse aeternū. Atq; æternitatē Vniuersi ex æternitate motus illustrissimē prædicat. Quod Naturalis contēplatio tota, primā philosophiam attingat, & omnis Naturalis substantia



ē supra causa penderet, quādo omne corpus Naturale moueri, & quicquid mouetur, ab aliquo moueri, ac primū mouentem, immobilem esse, semperq; eodem modo sese habere demonstrat.

Quōd motus utrinque sit æternus.

CAPVT I.

Declarauit  
suprà Aristo.  
necesse esse  
ponere pri-  
mū mobile,  
primū motū,  
& primū mo-  
torē: hoc au-  
tē libro qua-  
lis sit primus  
motor, prim⁹  
motus, & pri-  
mum mobile  
declarat.



Tortus ne aliquando est motus, anteq̃  
non erat, rursusq; adeo corrumpitur, ut  
nihil penitus moueatur, an neq; factus est  
neque corrumpitur, sed semper erat, &  
semper erit? Atq; hoc hisce quæ sunt im-  
mortale, ac incessabile inest, quasi sit uita quedam ijs uni-  
uersis, quæ natura constant. Motum igitur omnes inquirunt  
esse, qui de natura aliquid dicunt: tū quia mundum faciunt,  
tum quia contemplatio ipsis omnis est de generatione, cor-  
ruptione uel, quam impossibile est esse, si non sit motus. Ve-  
rim qui mundos infinitos esse, & alios ipsorum fieri, alios  
corrumpi dicunt, hi motum inquirunt semper esse: sint enim  
generationes, & corruptiones ipsorum cum motu necesse  
est: qui uerò mūdum aut unum, & semper eundem esse di-  
cunt, aut unum quidem, sed non semper, hi de motu quoq;  
similiter opinantur. Si igitur contingit aliquādo nihil mo-  
ueri, dupliciter id accidere necesse est. Aut enim, ut Anaxa-  
goras cēset: Dicit enim cū omnia simul essent, atq; quiesce-  
rent tempore infinito, mentem mouisse, ac segregasse. Aut,  
ut Empedocles dicit, interdum res moueri, interdum quies-  
cere: moueri quidem, cū aut unum ex multis concordia,  
aut ex uno multa discordia facit: quiescere uerò in hisce  
temporibus, quæ inter hæc media cadunt. Dicit enim hoc  
modo: Nam quod de multis nasci consueuerit unum: Atque  
iterum ex uno generato plura renasci. Hoc fiunt, fixumq;  
sibi non permanet eū. At quo mutantur nunquam cessante  
recursum,

recursu, Hoc si perpetuò stabilem uersantur in orbem. Cùm enim dicit, At quo mutantur nunquā cessante recurſu, id Empedoclem arbitrandum est intelligere: hinc inquam illuc, & illinc huc fieri motum. Considerandum est igitur de hoc, quonāmodo se habet: est enim operepretium hanc perspicere ueritatem, & non solum ad naturalem contemplationem, sed & ad eam doctrinam, quæ circa principium primū uersatur, uehementer conducit. Ex ijs autem ordiemur, quæ prius à nobis in libris naturalis scientiæ sunt definita. Dicimus itaq; motum, ipsius mobilis hoc actum esse, quo mobile est. Necesse est ergo res eas esse, quæ uno quoq; motu moueri possunt: & sine definitione etiam motus, quiuis profectò fatebitur necessarium esse id moueri, quod singulis motibus moueri potest, seu alterari quidem id quod est alterabile: ferri autem id, quod loco mutabile est. Quare sit antea combustibile, quā comburatur: & combustiuum antea, quā comburat, oportet. Igitur & hæc ipsa necesse est, aut si non erant aliquando, facta esse, aut perpetua esse. Si igitur unumquodq; mobilium, ac motiuorum est factum, necesse est ante motum acceptum, aliam mutationem, motumq; fuisse, quo quidem ortum id est, quod aut moueri, aut mouere potest. Sin semper erant, motus tamen non erat: absurdum & ex sese quidem, si animaduertatur, uidetur. Magis tamen, si proficiscamur ulterius, hoc necesse est euenire. Nam si quedam sunt mobilia, quedam motiua, & interdum est actu quid primum mouens, & aliquid quod mouetur, interdum nihil, sed quiescit, hoc prius mutetur oportet: erat enim aliquid causa profectò quietis: quies enim est priuatio motus. Quare ante primam mutationem, mutatio prior erit. Nam quedam unicè, quedam & motibus contrarijs mouent: ignis nanque calefa-

cit, sed non frigefacit: at scientia una contrariorum esse uidetur. Illic etiam simile quid esse uidetur: nam frigidum uersum quodam modo, atq; abiens, calefacit, sicut & hisce qui sciit, peccat sua sponte, cum contra scientia utitur. Verum ea, quæ agere, aut mouere, & ea, quæ pati, aut moueri possunt, non omnino hæc possunt, sed si sic se habent, atque ad propinqua sibi euadunt. Quare cum id fuerit, aliud mouet, aliud mouetur, & cum id euenerit, ut aliud sit mobile, aliud motiuum. Si igitur non semper mouebatur, non ita sese habebant, ut alterum mouere, alterum moueri posset, ut patet: sed alterum ipsorum mutari oportebat. In his enim, quæ sunt ad aliquid, id accidere necesse est: ueluti si duplum non erat, & nunc duplum euasit: si non utrumque, alterum saltem mutatum esse necesse est. Erit ergo quedam mutatio, prior prima. Insuper quonam modo prius, atq; posterius erit, si non sit tempus, aut tempus si non sit motus? Quod si tempus numerus motus, aut quidam sit motus: si tempus est semper, & motum perpetuum esse necesse est. At de tempore, uniuersi præter unum consentire uidentur: omnes enim tempus inquirunt ingenitum esse: atq; per hoc Democritus impossibile esse demonstrat, omnia esse facta: tempus enim dicit non esse ortum. Plato uero solus, ipsum ortum esse ait: etenim una cum coelo dicit ipsum ortum fuisse, coelumq; factum asserit esse. Quod si impossibile quidem est tempus esse, ac intelligere sine nunc ipso: nunc autem ipsum medium est quoddam, principij simul, finis uel subiens rationem, principij quidem futuri, finis uero transacti, tempus sit semper profectio necesse est: ultimum namq; temporis eius, quod sumptum extremum est, in aliquo ipsorum nunc erit: nihil enim in tempore, præter nunc ipsum, accipi potest. Quare cum ipsum nunc principium sit, atque finis,



etia ipſum, ac ultra tempus ſit ſemper neceſſe eſt. At ſi tempus ſemper eſſe neceſſe eſt, patet & motum neceſſario ſemper eſſe: quippe cū tempus, affectus ſit quidam ipſius motus, ut patuit. Eadem erit ratio, & qua motum corruptum non poſſe probabitur. Nam ut ſi motus ortus eſſe dicatur, ſit ut primum mutatione ſit aliqua prior: ſic hic fiet ut ultima mutatione poſterior aliqua ſit: non enim moueri deſinet, & eſſe mobile ſimul, ceu comburi, & combuſtibile eſſe: eſſe naq; combuſtibile poteſt, & non comburi. Nec itidem deſinet ſimul motiuum, & mouens eſſe, & ipſum autem corruptibile, corruptum fore oportebit cū corrūpatur: & poſt hoc ruruſ id, quod huius eſt corruptiuum: corruptio naq; mutatio quedam eſt.

Solutio argumentorum aſtruentium motum æternum non eſſe.

CAP. II.

**Q**UOD ſi hæc fieri non poſſunt, patet motum perpetuum eſſe, & non aliquando eſſe, aliquando non eſſe: etenim ita dicere, potius ſimile eſt figmento. Et item dicere ſic eſſe aptum, atq; hoc oportere principium eſſe, putare. Quod quidem Empedocles dixiſſe uidetur, rebus, inquit, competere neceſſario, ut nunc concordia, nunc diſcordia uincat, ac eas moueat, in medio uerò tempore quieſcant. Fortaſſe etiam & qui principium unum faciunt, ut Anaxagoras, hoc dixerint modo. At uerò nihil eorum, quæ natura, ſecundumq; naturam ſiunt, ordine uacat: natura naq; uniuerſis eſt ordinis cauſa: at infinitum, nullam rationem habet ad infinitum: omnis uerò ordo, ratio eſt. Infinito autem quieſcere tempore, deinde aliquando moueri, huiusq; differentiam nullam cur nunc magis, quàm prius, nec ullum ordinem eſſe, non eſt proſectio ipſius opus nature: nam id, quod natura ſit, aut ſimpliciter ſeſe habet (ut ignis

Probauit Ariſto. motum ſemper eſſe: hic Anaxagoram, Empedoclemq; impugnat cōtra ſentiētes.

prius mouebatur, nō est absurdum, si nunc adsit, nunc non adsit id externum, quod illud mouet. Hoc tamen querendum est, quonam sit pacto, idem inquam, ab eodem motiuo nunc moueri, nūc non moueri: nihil enim aliud dubitat qui id dicit: quā cur non semper alie rerum quiescunt, alie mouentur. Maxime uerò tertium illud dubitationem habere uidebitur, propterea quod sit motus nullo alio precedēte: id, inquam, ipsum quod in animantibus fieri solet. Nā animal prius quiescens postea mouetur ac ambulat, à nullo ut uidetur, externo motu impresso: hoc autem, est falsum: certum enim semper aliquid corū, quæ natura insunt in animali, moueri: huius autem motus causa non animal est, sed ipsum fortasse continens. At animal ipsum seipsum mouere dicimus, non omni motu, sed eo, quia ad locum accommodatur: nihil igitur prohibet, quin potius fortasse necessarium est, complures à continēti in corpore fieri motiones, & harum nonnullis mentem, uel appetitum moueri: hæc uerò totum iam animal ipsum mouere, quale accidit circa somnos. Nam tametsi nullus tunc sensitiuus in animalibus inest motus, inest tamen aliquis motus, & animalia rursus expergiſcuntur: at enim hæc, per ea quæ sequuntur, patebunt.

Quod motus primus sit æternus, quodq; primum mouens sit immobile: ac diuisio ad hanc inquisitionem necessaria.

CAP. III.

Ostendit supra Arist. in mouentibus, & mobilibus nō posse nos in infinitum procedere, sed deueniendum esse ad aliquod primum: ostendit

**P**incipium autem considerationis id erit, quod fuit & dubitationis, cur nam aliqua eorum quæ sunt, interdum mouentur, interdum quiescunt. Necesse est itaq; aut uniuersa semper quiescere, aut uniuersa semper moueri, ut uult Heracilius: aut quedam moueri, quedā quiescere. Et horū rursus, aut ea quæ mouetur, semper moueri, & ea quæ quiescunt, semper quiescere: aut uniuersa esse apta simul ut moueantur,

ueantur, atq; quiescant, aut id esse quod restat, atq; tertium quoq; motus  
 est: eorum, inquam, quæ sunt, alia semper immobilia esse, semperq; suis  
 alia semper moueri, alia utrunque, moueri, inquam, atque fore. hinc ulte-  
 quiescere posse: quod quidem à nobis dicendū est: hoc enim rius pcedit,  
 eorum omnium quæ dubitantur, solutionem habet, & huius inquirēs cō-  
 iusce nostræ tractationis est finis. Vniuersa itaque censere ditionem pri-  
 quiescere, & huius querere rationem, ipsum post habendo mi motus &  
 sensum imbecillitas est profectō mentis, ac hebetudo: & de primi moto-  
 toto quodam, sed non de parte quadam, est controuersia. ris.  
 Neq; solum est aduersus Philosophum naturalem, sed ad-  
 uersus etiam omnes scientias (ut simpliciter dicam) opinio-  
 nesq; omnes: propterea quod omnes motu utuntur. Præ-  
 terea ut inficiationes principiorum in rationibus mathe-  
 maticis non ad ipsum mathematicum pertinet, in ceterisq;  
 simili modo: sic neque id ipsum refellere quod nunc est di-  
 ctum, ad naturalem Philosophum attinet: est enim apud  
 ipsum hæc suppositio, naturam principium motus esse. As-  
 serere autem cuncta moueri, est quidem serè falsum, at mi-  
 nus scientiæ naturalis fines egreditur: quanquam enim in  
 naturalibus posita est natura motus principium, & quie-  
 tis, tamen motus naturale magis esse uidetur. Atque, in-  
 quiunt quidam, non eorum quæ sunt, alia moueri, alia non  
 moueri, sed uniuersa, semperq; moueri, non tamen uideri,  
 sed latere id nostrum sensum: quibus, etsi non distinguunt  
 quoniam motu, an omnibus dicant, non est difficile occur-  
 rere, falsamq; hanc sententiam esse ostendere: fieri enim  
 non potest, ut incrementa continuè, uel decrementa susci-  
 piantur: sed est & medium ipsum. Est autem hæc sententia  
 persimilis ei, quæ est de consumptione lapidis à gutta, &  
 de diuisione saxorum, cum à plantis, quæ inde pullulant, di-  
 scinduntur: non enim si tantum pepulit planta, aut abstulit  
 gutta,



gutta, et dimidium in dimidio temporis pepulit, aut abtulit prius: sed ut in nauis fit tractu, sic et tantum, et tot guttæ mouent: pars autem ipsarum, nullo in tempore tantum mouet: atque diuiditur quidem id quod est ablatum, plures in partes: at tamen illarum nulla seorsum est mota, sed totum simul est motum. Patet igitur non necessarium esse semper aliquid abire, quia diuiditur in infinita decretio: sed totum interdum abire. Similiter et in quauis alteratione dicendum est: non enim si id, quod alteratur, in infinitum est diuisibile, ideo et alteratio fit simul per partes, sed persepe fit simul ut congelatio. Præterea cum quispiam egrotauerit, necesse est tempus, in quo sanabitur fieri, et non in temporis fine mutari, atque ad sanitatem, et ad nihil aliud mutetur, necesse est. Quare alterari continue dicere, rebus est perspicuis admodum aduersari: alteratio enim ad contrarium est transitio, lapis etiam neque durior fit, neque mollior: atque quæ de latione, mirabile est profectò, si lapis latuit deorsum ferri, aut in terra manere. Præterea terra, cæteraque singula corpora, necessario suis in locis manent, ex his autem uiolenter mouentur. Quod si quedam ipsorum sunt suis in locis, neque loco omnia moueri necesse est. Ex his igitur, atque similibus alijs crediderit quispiam fieri non posse, ut aut omnia semper moueantur, aut omnia semper quiescant. At uerò neque fieri potest ut alia semper moueantur, alia semper quiescant, et nihil interdum moueatur, interdum quiescat.

Atque dicendum est ut antea dicta esse non possunt, sic et hæc esse non posse: uidemus enim dictas mutationes fieri in eisdem. Et insuper is, qui contendit, rebus profectò manifestissimis aduersatur: neque enim accretio, neque uiolentus motus erit profectò, si non præter naturam mouebitur, prius quiescens. Præterea generationem hæc sententia, corruptio-

nem ue

nem uel tollit. Penè autem & ipsum moueri, fieri quoddam  
 uniuersis, & corrumpi uidetur: ad quod enim quippiam  
 mutatur, id fit, aut in hoc: ex quo uerò mutatur, in id cor-  
 rumptitur, aut hinc. Quare perspicuum est, rerum esse non-  
 nullas, quæ mouentur interdum, atq; quiescunt. Omnia au-  
 tem interdum moueri, interdum quiescere censere, hoc iam  
 ad olim dictas rationes est adiungendum. Principium au-  
 tem idem rursus quod prius fecimus, post hæc est sumendū  
 quæ modò determinauimus. Aut enim uniuersa quiescunt,  
 aut uniuersa mouentur, aut quædam quiescunt, quædam  
 mouentur. Et si quædam eorum, quæ sunt, quiescunt, quæ-  
 dam mouentur, aut cuncta nunc quiescant, nunc mouean-  
 tur, aut alia semper quiescant, alia semper moueantur, alia  
 interdum moueantur, interdum quiescant necesse est. Im-  
 possibile igitur esse cuncta quiescere, dictum quidem &  
 prius est. Dicamus autem & nunc id ipsum, atque probe-  
 mus: nam etsi uerè res ita se habet, ut quidam inquirunt, id  
 quod est, infinitum esse, atq; immobile, non tamen sensu sic  
 esse uidetur: sed eorum, quæ sunt, complura mouentur. Si  
 igitur sit opinio falsa, uel omnino opinio, & motus etiam  
 est: & si imaginatio etiam sit: & si interdum sic de qui-  
 busdam, interdum aliter uideatur: imaginatio enim &  
 opinio, motus quidam esse uidentur. Sed de his quidem con-  
 siderare, & eorum querere rationem, quæ melius habe-  
 mus, quàm si rationis indigeremus, hominis est profectò,  
 malè id, quod est melius, & id, quod est deterius: id quod  
 est credibile, & id quod non est credibile, principium de-  
 nique, & non principium discernentis. Similiter autem est  
 impossibile & omnia moueri, aut alia moueri semper, alia  
 quiescere semper. Ad hæc enim omnia, una est sufficiens  
 fides. Videmus enim quædam interdum moueri, interdum

n

quiescere,

294

quiescere. Quare patet, impossibile esse similiter cuncta quiescere, & omnia continuè moueri, ac alia moueri semper, alia quiescere semper. Restat igitur cōtemplandū esse, utrū uniuersa talia sint ut moueantur, atq; quiescant: an alia quidem talia sint, alia uerò semper quiescant, & alia continuè moueantur. Hoc enim iam à nobis est demonstrandum.

Demonstratio problematis, necessarij ad futuram disputationem: Quicquid mouetur, ab alio moueri.

*Et simul mouetur.* AP. IIII.

Hic declarat Aristot. non omnia moueri quādoq; & quandoq; quiescere, sed aliquid esse omnino immobile, aliquid autem quod semper mouetur.

**E**orum igitur, quæ mouent, & quæ mouentur, alia per accidens, alia per se mouent, atq; mouentur. Per accidens quidem, ea quæ sunt in hisce, quæ mouent, aut mouentur, & quæ per partem. Per se autem ea, quæ mouent, aut mouentur, non ex eo quia sunt in hisce quæ mouent, aut mouentur, neque rursus ex eo quia pars aliqua sua mouet aut mouetur. Eorum autem, quæ per se mouentur, quedam à seipsis, quedam ab alio motu cientur. Atque alia natura, alia uiolentia præterq; naturam mouentur: id enim quod à seipso mouetur, natura sanè mouetur, ut animalium unumquodque: animal enim à seipso motu ciētur. Ea uerò natura moueri dicimus, quorum principium motus in ipsis inest. Quamobrem totum quidem animal, natura seipsum mouet: corpus tamen & natura, & præter naturam moueri potest, interest enim tali an tali moueatur motu, & ex quo magis elemento constet. Eorum autem, quæ mouentur ab alio, quedam natura, quedam præter naturam mouentur: præter naturam terra sursum, ignis deorsum. Partes insuper animalium, sæpenumero præter naturam mouentur, ob positiones, motusq; modos. Atq; maxime quidem perspicitur id quod mouetur, ab aliquo motu cieri, in hisce quæ præter naturam mouentur, propterea quod ab alio moueri patet.



ri patet. Postea uerò que præter naturam mouentur, perspicitur. In hisce, que natura quidem mouentur, a se ipsis motu cientur, in animalibus, inquam. Nō est enim obscurum, si animal ab aliquo moueatur: sed quoniam pacto distinguere oportet id, quod mouet ipsum, & id quod mouetur. Nam ut in nauigijs, & in hisce que non natura constant: sic & in animalibus quod mouet, & quod mouetur, diuisum esse uidetur: atq; hoc pacto totum ipsum animal seipsum motu ciere. Maxime uerò dubitatur reliquū dictæ diuisionis ultimæ membrum: eorum enim, que motu cientur ab alio, quedam præter naturam moueri diximus, quedam natura moueri: hæc autem sunt, que dubitationem afferunt, a quonam mouetur, ceu leuia, grauiaq; Hæc enim ad opposita quidem loca uel pulsa mouentur, ad propria uerò, leuia quidem ad supera, grauia uerò ad infera, suapte natura feruntur. A quonam autem mouentur? nam impossibile est a seipsis ipsa moueri: est enim hoc officium uitæ, ac animantium proprium. Consistere etiam a seipsis possent: nam si quippiam sibi causa sit ambulandi, est etiam causa sibi non ambulandi. Quare si collocatum esset in igne moueri sursum, esset in ipso situm deorsum etiam ferri. Metu quoq; rationis egreditur, & uno motu duntaxat a seipsis moueri, si ipsa se ipsa moueant. Præterea qui fieri potest, ut continuum quid, copulatum uel seipsum moueat? Nam quo quippiam unum atq; continuum est, non tactu, hoc passionis est expers: quo uerò separatum est, eo nimium aliud agere, aliud pati est aptum. Neq; ergo quicquam ipso, seipsum mouet (quippe cum copulatum sit) neq; aliud continuum ullum: sed in unoquoq; diuisum sit, quod mouet, & quod mouetur, necesse est: quod intueri licet in experientibus animæ, cum quippiam animantium ipsa mouet. Verum

fit, ut hæc etiam semper ab aliquo moueantur. Quod quidem patebit, si causas diuidamus. Atq; licet, & in mouentibus ea, quæ dicta sunt, sumere. Alia namq; præter naturam motiua sunt; ut est uectis, motiuus ponderis, non natura.

Alia sunt motiua natura: ut calidum actu, motiuum est eius, quod est potentia calidum. Similiter & in huiusmodi cæteris. Mobile etiam id est natura, quod est potentia quale, uel quantum, uel ubi, cum in seipso tale principium, & non per accidens habet: erit enim idē, & quantum, & quale, sed accidit alterum alteri, & non per se competit. Ignis igitur, atq; terra, mouentur ab aliquo: uel quidē, cum præter naturam: natura uerò, cum sit potentia suos ad actus mouentur. Quoniam autem esse potentia multipliciter dicitur, hæc est sanè causa, ut non sit perspicuum à quonam talia moueantur: ut ignis sursum, & terra deorsum. Diuerso autem modo potentia sciens est, qui discit, & qui iam scientiam habet, & non contemplatur. Cum autem actiuum, atq; passiuum sint simul, euadit interdum id, quod est potentia, actu tale: ut id quod discit, & ex eo quod est potentia, fit aliud potentia rursus: qui namq; scientiam habet, & non contemplatur, est potentia quodammodo sciēs, sed non ut erat antea, quàm didicisset. Atq; cum ita sese habet,

*hæc s. r. sequitur  
in fine  
dominatur* nisi quid prohibeat, operatur, ac contemplatur, uel in contradictione, ignoratoneq; erit. Simili modo sese habent hæc, & in ipsis naturalibus rebus: frigidum enim est potentia calidum, cum autem est mutatum, iam est ignis, atq; comburit, nisi quid prohibeat, atq; impediat. Similiter res sese habet, & circa graue, & leue: ex graui namq; fit ipsum leue: ut aer, ex aqua: hoc enim erat primò potentia, & iam est leue: atq; cōtinuò operabitur, si nō aliquid obstat: actus autem leuis, est alicubi esse, atq; in supero loco: prohibetur uerò

uerò, cum est in loco contrario. Et hoc similiter sese habet  
 & in quanto, & quali. Queritur igitur, propter quid le-  
 uia, grauiq; ad sua loca mouentur? Est autem causa, ipsa  
 apta esse aliquo moueri, atq; hoc est ipsius grauis, leuisq;  
 esse infero loco, superoq; distinctum: leue uerò, graueq; po-  
 tentia, pluribus est modis, ut diximus: nam cum est aqua, le-  
 ue potentia quodammodo est: & cum est aer, adhuc potena-  
 tia est. Fieri enim potest, ut ob impedimentum non sit supe-  
 ro in loco: sed si id quod impedit, fuerit sublatum, opera-  
 tur, semperq; superius fit: similiter & quale ipsum, ad actu-  
 tale mutatur: continuo namq; contemplatur & is qui scien-  
 tiam habet, nisi quid obstat. Et ipsum etiam quantum ex-  
 tenditur, si nihil sit quod impediat. Qui uerò id, quod susti-  
 net, prohibetq; dimouit, partim mouet, partim non mouet:  
 ut qui columnam diuellit, aut ab utre, qui est in aqua, lapi-  
 dem prementem, dimouit, per accidens enim mouet: quem-  
 admodum & pila reflexa, non à pariete, sed ab eo qui pro-  
 iecit, est mota. Nihil igitur horum (ut patuit) seipsum mo-  
 uet: sed motus quidem habet principium, non mouendi ta-  
 men atque agendi, sed patiendi. Quod si omnia quæ mo-  
 uentur, aut natura, aut præter naturam, & uiolentia mo-  
 tu cientur, & ea quæ ui, præterq; naturam mouentur, ab  
 aliquo cuncta atq; ab alio mouentur, ut patet: & ea rursus  
 quæ natura mouentur, ab aliquo motu cientur, siue à seip-  
 sis moueantur ut animalia, siue non à seipsis ut leuia, gra-  
 uiaq; (nam aut ab eo mouentur quod generauit, ac leue fe-  
 cit, uel graue, aut ab eo quod ea quæ prohibent, obstantq;  
 dimouit) uniuersa quæ motu cientur, ab aliquo profectò  
 mouentur.

Quod necesse sit pergentes aut ad aliquid deueniamus,  
 quod sit immobile, aut quod moueat seipsum. CAP. V.



Declarauit  
supra omne  
quod moue-  
tur moueri  
ab alio, hīc  
incipit osten-  
dere necesse  
esse deuenire  
ad aliquod  
primum mo-  
uēs, quod sit  
immobile.

**I**D autem quod mouet, est duplex. Aut enim non per se  
ipsum mouet, sed per aliud, quod quidem id motu ciet  
quod mouet, aut per se mouet. Et hoc, aut primum post ul-  
timum, aut per plura media mouet: ut baculus mouet lapi-  
dem, & mouetur à manu, quæ quidem ab homine motu  
cietur: at is non ulterius ex eo mouet, quia ab alio ipse mo-  
tu cietur. Vtrunque igitur mouere dicimus, & ultimum  
mouentium, & etiam primum, sed magis primum: hoc  
enim ultimum mouet, sed ultimum, primum non mouet: &  
sine primo quidem ultimum non mouebit, sine uerò hoc,  
primum mouere potest: baculus enim, si homo nō moueat,  
non mouebit. Si igitur omne quod mouetur, ab aliquo mo-  
ueri necesse est, & aut ab eo quod mouetur ab alio, aut ab  
eo quod non mouetur ab alio: & si ab eo mouetur, quod  
ab alio motu cietur, mouens aliquod esse primū, quod non  
ab alio moueatur, necesse est. Sin uerò tale est primum, nō  
necesse est alterum esse: fieri enim non potest, ut in infini-  
tum proficiscatur id, quod mouet, atque mouetur ab alio:  
quippe cum infinitorum nihil sit primum. Si igitur (uti  
diximus) omne quidem quod mouetur, ab aliquo motu cie-  
tur, id uerò quod primum mouet, mouetur quidem, at non  
ab alio, ipsum profectò primum à seipso moueatur necesse  
est. Præterea hoc etiam rationem hanc eandem transigere  
licet. Omne nanque quod mouet, & aliquid, & aliquo sa-  
nè mouet: aut enim seipso, aut alio mouet: ut homo aut se-  
ipso, aut baculo mouet: & aut ipse uentus deiecit, aut lapis  
quem pepulit uentus. Fieri uerò non potest, ut id quo mo-  
tus affertur, moueat absq; eo quod mouet seipso. Sed si id  
quidem sit, quod motum affert seipso, non necesse est aliud  
esse, quo motus affertur. Sin uerò sit aliud, quo motus affertur,  
est aliquid profectò quod quidem non aliquo, sed se  
ipso

ipso mouebit, uel in infinitum abibitur. Si igitur mouet quippiam, atque mouetur, stetur. & non in infinitum per-  
gatur, necesse est: nam si baculus moueat, quia mouetur à manu, manus ipsa profectò baculo motum affert: quod si manum etiam quippiam aliud moueat, & illud identidem manu mouet. Cum igitur id, quod motum affert, aliud alia quod mouet, tum id sit prius, quo seipso mouet, necesse est: quod si hoc motu quidē ciatur, ab alio autem non mouetur, necesse est ipsum profectò seipsum motu ciere. Quare hac etiā ratione, aut ab eo statim quod seipsum mouet, id quod mouetur, motu ciatur, aut ad hoc ipsum tandem acceditur. Insuper, si sic etiam consideramus, eadem accident uniuer-  
sa: nam si omne quod mouetur, ab eo mouetur quod motu ciatur, aut hoc ipsis rebus per accidens competit, ut quip-  
piam moueat quidem motum & ipsum suscipiens, non tamen quia mouetur, aut non per accidens, sed per se inest. Si igitur per accidens, competit, non necesse est moueri quod motu ciatur. Quòd si id sit, patet posse aliquando nihil eorum, quæ sunt, moueri: non enim est necessarium id quod accidit, sed potest nō esse. Si igitur id esse posuerimus, quod esse potest, nullum accidet impossibile, sed forsitan falsum. At non esse motum, est impossibile: id enim iam demonstra-  
tum est, motum, inquam, necessario semper esse. Atque id ipsum, cum ratione etiam accidit. Tria nanque necesse est esse, id quod mouetur, id quod mouet, & id insuper quo mouens mouet. Id igitur quod mouetur, moueri quidem necesse est: at non necesse est, motu ciere. Id autē quo motus affertur, & mouere necesse est, et moueri. Cum enim sit si-  
mul cum eo quod motu ciatur, unā cum ipso mutatur: quod inueni licet in hisce, quæ loco mouent: nam aliquo in tem-  
pore tangant ea, quæ mouentur, necesse est: at id quod ita

mouet, ut eius non subeat rationem, quo motus affertur,  
 immobile nimirum est. Cum igitur sit & ultimum ipsum  
 ut cernimus, quod motu quidem cieri potest, principium  
 autem motus non habet, & id item quod mouetur quidem,  
 sed ab alio non à seipso ciatur, rationi consentaneum est  
 (necessarium dicam) & ipsum tertium esse, quod mouet  
 quidem, immobile autem est. Quapropter & Anaxago-  
 ras recte dicit, mentem inquiens passione uacare, & non  
 mixtam esse, quippe cum motus ipsam principium faciat:  
 hoc enim pacto solum mouebit, nullum suscipiens motum,  
 t. 38. & uincet, mixture penitus uacans. At uerò si non per ac-  
 cidens, sed necessariò mouetur id quod motum alijs affert,  
 atq; adeò ut non moueat, si nō moueatur, necesse est ipsum  
 utut motum subit, aut eadem specie motus, aut alia mouea-  
 tur: ceu ut si calefaciat calefiat, & si sanet sanetur, & si  
 ferat feratur, aut si sanet feratur, & si ferat, accrescat. At  
 primum (ut patet) fieri nequit: nā dicere hæc oportet, usq;  
 ad indiuidua descendendo: ceu si quid Geometriam doceat,  
 id eandem Geometriam doceri, & si projiciat, eodem pro-  
 iectionis projici modo. Nec etiam sic, ut motus, alio genere  
 moueatur: ceu ut id quidem quod fert incrementa suscipiat,  
 id autem quod hoc auget, ab alio alteretur: & id quod illud  
 alterat, alio motu quodam itidem moueatur: nam stetur  
 necesse est: motus enim finiti sunt. Qui uerò redire dicit,  
 idq; quod alterat, ferri perinde facit, atque si statim id fer-  
 ri dicat, quod fert, & id doceri, quod docet: patet enim  
 omne quod motu ciatur, & à superiore moueri mouente,  
 atque magis ab eo quod cetera antecedit. At id fieri ne-  
 quit: accidit enim ut id discat, quod docet: quorum alte-  
 rum habere scientiam, alterum non habere necesse est.  
 Hoc præterea magis quam dictæ rationis fines egrediur,

omne



omne, inquam, motuum mobile esse: quod accidit, si omne quod mouetur, ab eo mouetur quod motu cietur: erit enim mobile perinde atque si quispiam dicat, omne sanatum ac sanans sanabile, & edificatum edificabile esse, aut statim, aut per plura: ceu si moueri quidem ab alio motuum omne, sed non eo motu, quo mouet propinquum sibi, sed diuerso moueri dicat: ut sanatum, discere, non sanari. At id ascendens perueniet tandem ad eandem speciem motus, ut antea diximus. Horum igitur alterum est impossibile, alterum figmentum: absurdum est enim, alteratum, ~~acrescere~~ <sup>+ Augmentum</sup> necessarium esse. Non ergo necesse est id, quod mouetur, ab eo semper moueri, quod ab alio motu cietur. Erit igitur exitus huiusce tandem processionis. Quare quod primo mouetur, aut à quiescente mouebitur, aut ipsum seipsum motu ciebit. At uero si considerare etiam oporteat utrum sit causa motus, atque principium, utrum id, quod motu seipsum ciet, an id quod ab alio agitur, illud omnes utique ponent: quod enim per se causa est, id semper prior est eo ~~quo~~, quod per aliud rationem cause subit. Quæ cum ita sint, considerandum est alio principio sumpto, si quid seipsum moueat, quonam modo se motu ciet. Omne itaque quod mouetur, in semper diuisibilia diuisibile esse necesse est: demonstratum est enim prius in hisce, quæ de natura uniuersaliter dicebamus, omne quod per se mouetur, continuum esse. Fieri igitur nequit, ut id quod motu seipsum ciet, se totum penitus moueat: unum enim, ac indiuiduum specie feretur totum, feretque latrone eadem: & alterabitur, & alterabit: quare docebit, atque docebitur, simul & sanabit, atque sanabitur, eadem utique sanitate. Præterea definitum est antea id moueri, quod mobile est: hoc autem est potentia, cum mouetur, non actu: sed quod est potentia,

proficiscitur nimirum ad actum. Motus autem actus est mobilis imperfectus. At id quod mouet, actu iam est, ut patet: calefacit enim id, quod est calidum actu, & omnino generat id, quod formam iam habet. Quare simul id <sup>et ad actum</sup> calidum erit, atq; non calidum, & unumquodq; ceterorum similiter, quæ terminos habeant eiusdem nominis, rationisq; necesse est. Eius ergo, <sup>quod motu cietur interno, & suo</sup>

*Definitio*  
 41. aliud mouet, aliud mouetur. Esse autem impossibile seipsum quicquā hoc pacto mouere, ut ab utroq; moueatur utrūq; ex hisce sanē patebit: nam si utrunq; mouebit utrunq;, nihil erit profectō quod moueat primum: id enim quod prius mouet, causa magis est ut moueatur id, quod motu cietur, quā id quod illi coheret. Duplex est enim id quod motu ciet, ut diximus. quoddam enim mouet, ab alio suscipiens motum: quoddam seipso mouet. Atque id quod longius ab eo distat, quod motu cietur, propinquū est magis principio motus, quā id, quod in medio collocatur. Præterea quod mouet, non necessariō mouetur, nisi à se moueatur: per accidens ergo mouet, alterum ~~contingit~~. At accepi iam, posse ipsum non mouere: aliud ergo mouebitur, aliud mouebit immobile. Præterea nō est necessariū id, quod mouet, contra moueri, sed necesse est aut immobile quippiam moueat, aut quod à seipso motu cietur, si motū esse semper necesse est. Præterea mouetur etiam eo motu profectō quo mouet: quare calefit id, quod calefacit. At uerō neque aut una pars eius, quod primō seipsum mouet, aut plures seipsas mouebunt: totum enim ipsum si à seipso mouetur, aut ab aliqua sui parte, aut à toto totum mouebitur. Si igitur quia pars aliqua mouetur à seipsa, totum ipsum seipsum mouet: illa pars erit id planē, quod primū seipsam mouet: separata nāq; seipsam illa mouebit: totū autem non seipsum mouebit. Sin  
 uerō

uerò totum à toto mouetur, per accidens ipse partes se-  
 ipsas sanè mouebunt. Quare si seipsas non necessariò mo-  
 uent, sumantur non à seipsis moueri: ipsius ergo totius ~~non~~ *Nota.*  
 quedam pars mouebit immobilis, quedam mouebitur: hoc *Quare*  
 enim pacto duntaxat, aliquid seipsum mouere potest. ~~Pro-~~  
~~tunc~~ si totum seipsum mouet, aliud ipsius mouebit, aliud  
 sanè mouebitur. Ipsum igitur A B à seipso, & ab ipso mo-  
 uebitur A. Cum autem eorum quidem, quæ mouent, quod-  
 dam ab alio moueatur, quoddam immobile sit: eorum uerò  
 quæ mouentur, aliud moueat, aliud non moueat quicquam:  
 id quod seipsum mouet, ex eo sanè quod mouet, & nō mo-  
 uetur, & ex eo quod mouetur, & non necessariò mouet,  
 sed interdum mouet, interdum non mouet, constare necesse  
 est. Nam sit A quidem mouens immobile, B uerò id quod  
 ab A mouetur, & mouet etiam C, hoc autem moueatur  
 quidem sed non moueat quicquam: nā & si sit ut per plura  
 quōq; perueniatur ad ipsum C, per unum tamen solum  
 nunc accedatur. Totum igitur A B C, seipsum mouet: sed  
 si auferā C, ipsum quidem A B seipsum motu ciebit: quip-  
 pe cum A moueat, B moueatur, ut patet. At C non seipsum  
 motu ciebit, neque omnino mouebitur. At uerò nec ipsum  
 B C, sine A seipsum mouebit: nam ex eo B mouet, quia ab  
 alio motu ciatur, & non ex eo quia mouetur à se, parte  
 sua mouēte. Ipsum igitur A B solum seipsum mouet. Quæ-  
 ciam ita sint, id omne, quod seipsum mouet, habeat necesse  
 est, & id quod mouet, & est immobile, & id quod motu  
 ciatur, non autem necessariò mouet: quæ quidem aut sese  
 mutuo tangunt, aut alterum alterum tangit. Quod si id,  
 quod mouet, cōtinuum sit (nā id quod motu ciatur, necessa-  
 riò continuum est) patet totum seipsum motu ciere, nō ex  
 eo quia aliquid ipsius est tale, ut ipsum seipsum moueat sed  
 quia



quia totum seipsum mouet. Mouetur autem, & etiam mouet, ex eo sanè quia ipsius est aliquid, & id quod mouet, & id quod mouetur: non enim totum mouet, neque totum mouetur, sed mouet quidem A, mouetur autem tantummodo B: ipsum uerò C, non necessariò mouetur à B: est enim hoc impossibile. Existit autem dubitatio hoc loco quædam, si quispiam aut ipsius A, si continuum sit id, quod mouet quidem, sed non mouetur, aut ipsius B, quod mouetur, aliquam auferat partem, mouebit ne reliquum ipsius A, aut reliquum ipsius B motu ciebitur? nam si mouebit, aut mouebitur, non erit A B profectò id, quod à seipso primo mouetur: ablata enim ab eo parte, reliquum A B seipsum adhuc mouebit. An nihil prohibet utrumque, aut alterum, id inquam quod mouetur, diuisibile quidem esse potentia, indiuisibile autem actu? si uerò diuisum fuerit, non ulterius potentiam eandem habere? quare nihil obstat, ut in ipsis diuisibilibus aliquid insit potentia primo tale. Patet igitur ex hisce quæ diximus, esse id quod primò mouet, immobile: nam siue statim ad ipsum primum immobile, siue ad id, quod mouetur quidem, ipsum uerò seipsum mouet, sistitq; gradum cum libet, fiat ex eo, quod mouetur, ab aliquo uerò mouetur accessio: utroque modo nimirum accidit id, quod primò mouet, in omnibus ijs esse, quæ mouentur, immobile.

Quod primum mouet, incorruptibile esse, & neque per se, neque per accidens moueri. CAP. VI.

**C**um autem semper esse motum oporteat, & nullas eius intercapedines fieri, esse quippiam primò mouens perpetuum, immobileq; aut unum, aut plura necesse est.

Vnumquodq; igitur eorum quæ immobilia sunt, atque mouent, perpetuum esse, non ad presentem sermonem pertinet.

tinet. Esse autem aliquid necessario, quod semper omnis  
 quidem sit mutationis tam absolute, quam per accides ex  
 pers, aliud autem moueat, perspicuum, si hoc pacto consi-  
 derabimus, fiet. Atq; sit ita, si cui placeat, in aliquibus fieri  
 posse, ut aliquando sint, aliquando non sint, sine genera-  
 tione, corruptione uel: fortasse nanq; necessarium est, si quid  
 partibus uacans aliquando est, aliquando non est, omne ta-  
 le sine mutatione esse, atq; non esse. Et hoc insuper conce-  
 datur, fieri posse ut principiorum immobilium motiuorum  
 quedam aliquando sint, aliquando non sint: sed impossi-  
 le est, hanc omnia conditionem subire: nam aliquam hisce  
 causam esse patet, quæ ipsa seipsa mouent, ut aliquando  
 sint, aliquando non sint. Etenim id quidem quod seipsum  
 mouet, magnitudinem habeat omnem: necesse est, si nihil  
 partibus uacans mouetur: id autem quod mouet, nulla ne-  
 cessitate est tale. Vt igitur alia generentur, alia corrumpantur,  
 idq; continuo sit, nihil eorum est causa, quæ im-  
 mobilia quidem sunt, tamen non semper sunt. Neq; rursus  
 eorum, quæ semper quidem hæc mouent, ~~alia~~ uero alia mo-  
 uent: perpetui enim, atq; continui, nec unum ipsorum est  
 causa, nec uniuersa: nam sic sese quidem habere, perpe-  
 tuum, ac necessario est: uniuersa autem sunt infinita, & non  
 simul omnia sunt. Patet igitur etsi infinites nonnulla prin-  
 cipia immobilia mouentia, & multa eorum, quæ seipsa mo-  
 uent, partim corrumpuntur, partim insuper generantur,  
 atque hoc quidem hoc, aliud autem hoc mouet: nihilomi-  
 nus aliquid esse, quod hæc omnia continet, idq; præter u-  
 numquodq; istorum, aliud quid esse, quod quidem est cau-  
 sa ut alia sint, alia non sint, & mutationis continuæ: atque  
 hoc quidem hisce, hæc autem cæteris motus causam esse. Si  
 igitur motus perpetuus est, perpetuum erit & mouens  
 primum.

+ qd. dicitur

+ hæc dicitur  
pactum.+ hæc dicitur  
mouens.+ ut si immo-  
bile mouetur

78.

*Do potius  
esse, et finita  
quam infinita  
sumenda sunt,  
si modo eadem  
sunt natura,  
finitum sit  
potius: et id,  
quod melius est,  
oportet, si modo  
esse possit.*  
 primum, si unum sit: quod si sint plura, plura quoque perpetua erunt. Vnum autem potius, quam plura putandum est esse, et finita quam infinita. Sæpe enim finita potius, quam infinita sumenda sunt, si modo eadem fiant: in ijs enim, quæ sunt natura, finitum sit potius: et id, quod melius est, oportet, si modo esse possit. Sufficiens autem est et unum, quod cum primum immobilium sit, perpetuum uel, cæteris erit principium motus. Ex hoc etiam patet, aliquid esse necessarium unum, perpetuum uel, quod primum mouet: demonstratum est enim semper necessario motum esse, quod si necesse est semper esse, necesse est et cõtinuum esse: semper enim esse, continuum est: deinceps autem esse, nõ continuum est. At si continuus est, unus nimirum est: unus autem motus, à mouente proficiscitur uno, et unius mobilis est: nam si aliud atque aliud mouebit, totus ipse motus non cõtinuus, sed deinceps erit. Ex his ergo quispiam esse primum quid immobile credet. Et rursus si ad eorum principia, quæ mouent, respexerit, Esse igitur quedam eorum, quæ sunt, quæ aliquando mouentur, aliquando quiescunt, luce clarius extat.

Atque per hoc ipsum iam patuit, nec uniuersa moueri, nec uniuersa quiescere, nec alia semper quiescere, alia semper moueri: ea nanque quæ potentiam habent ut interdum moueantur, interdum quiescant, ueras hæc sententias esse demonstrant. Cum autem talia cunctis sint manifesta, ostendere uolumus: et utranque duorum naturam, esse, inquam, et quæ semper sunt immobilia, et quæ semper mouentur. Atque ad id ipsum proficiscentes posito hoc, omne quod mouetur, ab aliquo moueri, idque aut immobile esse, aut moueri uel à seipso, uel ab alio semper: ad hoc sumendum tandem processimus, eorum, inquam, quæ mouentur, principium esse subeuntium quidem motum, id quod ipsum seipsum mouet,



uet, omnium autem id, quod immobile est. Cernimus autem  
 atque admodum clare res esse tales, quæ quidem seipsas  
 mouent, quale est anima<sup>hæc</sup> ~~animæ~~, ac animalium genus. Hæc  
 igitur et opinionem nobis præbebant, ne fortasse cõtingat  
 motum omnino non esse, deinde oriri, quia in seipsis id ac-  
 cidere cernimus: nã prius immobilia sunt, ut uidetur, dein-  
 de mouentur. Hòc autem nos sumamus oportet, uno inquã  
 hæc seipsa motu ciere, atque illo non propriè: quippe cùm  
 non in ipsis eius sit causa. Sed insunt animalibus naturales  
 alij motus, quibus ipsa non per seipsa mouentur: ut accre-  
 tio, decretio, respiratio: quibus, ut patet, animalium unum-  
 quodque mouetur, cùm quiescit: et non mouetur eo motu,  
 quo ipsum seipsum ciet. Atque horum causa est, continens  
 ipsum, et eorum multa, quæ corpus ingrediuntur, ut non-  
 nullorum ipsum alimentum: cum enim digeritur, dor-  
 miunticium disgregatur, expergiscuntur, et seipsa mouent,  
 ac ipsum primum principium est externum. Idcirco non  
 semper continuè à seipsis mouentur: aliud est enim id, quod  
 mouet ipsum subiens motum, atque mutationem, ad unum-  
 quodque eorum, quæ seipsa motu cient. In uniuersis autem  
 his, id quod primò mouet, et quod est causa, ut ipsa seipsa  
 moueant, à seipso mouetur, per accidens tamen: corpus  
 enim mutat locum, ut patet: quare et id quod in corpore  
 est, et motione uectis, seipsum mouet. Ex quibus credi po-  
 test impossibile esse, si quid immobile quidem est, mouet  
 autem et ipsum subiens per accidens motum, id continuo  
 motu mouere. Quare si necesse est continuè motum esse,  
 sit aliquid oportet, primum mouens immobile, neque per  
 accidens subiens motum, si oportet in hisce quæ sunt, in-  
 cessabilem quendam esse motum, et immortalem, ut di-  
 ximus, atque ipsum quod est in seipso, ac in eodem per-  
 sistere:

sistere: manente nanque principio, & uniuersum ipsum maneat necesse est: quippe cum ad principium ipsum continuum sit. Non est autem idem per accidens à seipso moueri, atq; ab alio: hoc enim nonnullis etiam quæ sunt in celo, principijs inest, quæ lationibus pluribus feruntur, aliarum autem corruptibilibus solum competit. At uerò si sit quippiam semper tale, mouens quidem aliquid, immobile autem semper manens, atque perpetuum, & id sane, quod ab ipso primum mouetur, perpetuum esse necesse est. Hoc autem uel ex eo patere potest, quia secus non esset ceteris in rebus generatio corruptio ue, atq; mutatio, nisi quippiam moueret subiens motum: id enim quod immobile est, eodem, ac uno motu profectò, modoq; semper eodem mouebit, cum nullo pacto mutetur ipsum ad id quod motu ciatur. Ad id, quod mouetur ab eo, quod motu quidem ciatur, mouetur autem iam ab eo, quod est immobile: quoniam aliter ad res, atque aliter sese habet, non eiusdem erit causa motus, sed quoniam contrarijs in locis est, atq; formis, contrario modo quanc; ceterarum rerum motu disponet: atq; interdum quiescentem, interdum subeuntem motum præbebit. Perspicuum igitur iam euasit ex hisce, quæ diximus, & id quod initio dubitabamus, cur nam non uniuersa aut quiescunt, aut mouentur, aut alia semper mouentur, alia semper quiescunt, sed quedam interdum mouentur, interdum quiescunt. Huius enim causa ultro sese offerre uidetur: quedam enim ab immobili sempiterno mouentur, quocirca semper mouentur, quedam ab eo quod mouetur, atque mutatur: quare & ipsa mutantur necesse est. Id autem quod est immobile, cum simpliciter, eodemq; modo, ac in eodem semper maneat, uno motu, simpliciq; mouebit.

Quòd latio sit primus motus.

CAP. VII.

Atqui

**A**Tqui si principium etiam aliud considerationis fecerimus, de hisce magis patebit: est enim considerandum, si possit aliquis continuus motus esse, nec ne, et si possit, quisnam hic sit, et quisnam motuum primus sit: etenim si motum quidem semper esse necesse est, primus autem hic atque continuus est, patet id quod primum mouet, hoc sane motu mouere, quem unum, et eundem, et continuum, ac primum esse necesse est. Cum itaque tres sint motus in magnitudine, in affectu, atque in loco, quem quidem lationem consueuimus appellare, hunc primum motuum esse necesse est: fieri namque non potest, ut accretio sit, nisi alteratio antecedat: etenim id quod incrementa suscipit, tum simili, tum dissimili crescit. Contrarium namque, contrarij nutrimentum dicitur esse. Additur autem alimentum omne, cum sit simile simili. Sit igitur alteratio necesse est, ea mutatio, qua ad contraria proficiscitur. At uero si alteratur, sit id oportet, quod alterat, et ex potentia calido calidum actu facit. Patet autem id, quod mouet, non sese habere simili modo, sed interdum esse propinquius ei, quod alteratur, interdum remotius ab eodem. At haec absque latione nequeunt esse. Si igitur semper motum esse necesse est: et latio sit semper motuum prima, necesse est. Quod si lationis alia prior, alia posterior est, prior nimirum omnes antecedit necesse est. Praeterea densitas, raritasque principium omnium affectuum est: etenim graue ac leue, molle, et durum, calidum denique, frigidumque, densitates quaedam ac raritates esse uidentur. Densitas autem raritasque congregatio est, ac segregatio, quibus (ut inquirunt) substantiae generantur, ac corrumpuntur: at ea, quae congregantur, ac segregantur, loco mutantur necesse est. At uero magnitudo, etiam eius loco mutatur quod accrescit, atque decrescit. Insuper

Declaraui  
 Arist. primū  
 mouens esse  
 immobile, &  
 primum mo-  
 tū esse perpe-  
 tuū: hic inci-  
 pit declarare,  
 quis sit pri-  
 mus motus,  
 & quale sit  
 primum mo-  
 uens.

+ *et y. ante*

+ *de ista dicitur  
quodum. de  
argum. de  
geminibz.*

+ *de ista  
et de*





uentur, caduca) patet nec ullum motuum, qui sunt deinceps *generatio.*  
 cept, priorem esse. Dico autem motus deinceps accretio-  
 nem, deinde alterationem, & decretionem, atq; corruptio-  
 nem: omnes hi motus posteriores sunt generatione. Qua-  
 re si generatio prior latio non est, neq; ceterarum pro-  
 secto mutationem eandem ulla precedit. Omnino autem  
 id, quod generatur, imperfectum esse uidetur, & ad prin-  
 cipium proficisci. Quo fit, ut id natura sit prius, quod gene-  
 ratione posterius est. At uniuersis hisce quæ generantur, *generatio*  
 ultimo latio competit. Quocirca quædam uiuentium omni-  
 no, quia instrumentis uacant, immobilia sunt, ut plantæ, &  
 animalium genera multa: quedam cum perficiuntur, hoc  
 (ut patet) motu cietur. Quare si magis inest ijs latio,  
 quæ magis naturam sunt consecuta, motus hic quoq; cete-  
 ris motibus substantia prior erit. Atq; hoc ita se habet, non  
 solum ob ea quæ dicta sunt, sed ob hanc etiam rationem,  
 quia id quod hoc motu cietur, minime dum fertur, substan-  
 tiam suam amittit: sola namq; latio, nihil in hisce, quæ in-  
 sunt sibi, mutatur: ut cum quippiam alteratur, & cum in-  
 crementa, decrementa uel suscipit, in qualitate fit (ut patet)  
 atq; in quantitate mutatio. Maxime uero patet ex eo, quia  
 id quod interno motu seipsum ciet, eo se maxime motu pro-  
 prie mouet, qui ad locum accommodatur. Atq; hoc dici-  
 mus, eorum quæ mouentur, ac mouent, principium esse, &  
 primum eorum quæ mouentur, id, inquam, quod seipsum  
 interno motu, suoq; ciet. Patet igitur ex hisce, quæ dici-  
 mus, latio nem motuum esse primum. Nunc autem demon-  
 strandum est quænam sit latio prima, atq; simul eadem uia  
 patebit, & id quod nunc, & antea, supposuimus, cōtinuum  
 inquam motum, atq; perpetuum aliquem esse posse. Nul-  
 lum itaque ceterorum motuum continuum esse posse, ex  
 hisce

hisce sanè patebit: omnes enim motus, atq; mutationes, ex  
 oppositis sunt ad opposita migrationes, ut patet: nam gene-  
 rationis quidem atq; corruptionis, id quod est, & id quod  
 non est, terminos esse constat: alterationis uerò, contrarias  
 qualitates, atq; affectus accretionis item, decretionis uel, aut  
 magnitudinem, paruitatemq; aut perfectionem magnitudi-  
 nis, imperfectionem uel. Contrarij uerò sunt motus, qui-  
 bus ad contrarios fines itur: id autem quod non semper  
 hoc motu cietur (modò sit prius) quiescat prius necesse est:  
 id igitur quod mutatur, ut patet, in contrario profectò quie-  
 scet. Similiter & in ipsis mutationibus fit: corruptioni  
 namq; generatio, simplici simplex, & cuidam quædam opo-  
 ponitur. Quare si fieri non potest, ut simul oppositis mu-  
 tationibus quicquam mutetur, non erit mutatio profectò  
 continua, sed inter ipsas medium tempus erit: nihil enim  
 interest, contrariæ sint, an non contrariæ mutationes eæ,  
 quarum termini contradictoriam oppositionem suscipiunt,  
 si modò simul eidem adesse non possint: hoc enim, non est  
 rationi conducens, nec si non necesse est in contradic-  
 tione quiescere, neq; est mutatio quieti contrarium (forsitan enim  
 id quod haud est, non quiescit, corruptio uerò ad id quod  
 haud est, ut patet, mutatio est) sed si solum inter ipsas sit  
 tempus: sic enim continua non erit sanè mutatio, neq; enim  
 in prioribus contrarietas conducebat: sed id ipsum, simul  
 inquam inesse non posse. Atq; non conturbemur oportet,  
 si contrarium sit pluribus idem: ut motus quieti, & ei mo-  
 tui quo ad contrarium itur: sed hoc tantum sumamus, tum  
 motui, tum quieti motum opponi: ut æquale, ac mediocre,  
 ei quod excedit, & ei quod exceditur, aduersatur: & in-  
 super fieri non posse, ut motus oppositi, mutationesq; si-  
 mul eidem insint. Præterea in generatione corruptione uel  
 penitus



penitus absurdum esse uidebitur, si corrumpi continuo generatum, nulloq; in tempore permanere necesse est. Quare de ceteris ex his, idem profecto credetur: est enim naturale, in uniuersis mutationibus similiter se habere.

Quod circularis motus solus possit esse continuus.

CAP. VIII.

Nunc autem dicamus motum infinitum aliquem esse posse, qui quidem unus sit, & continuus: atque hunc esse conuersionem. Omne namq; quod fertur, aut uersatur, aut recta pergit, aut mixto motu cietur: quare si motus rectus non sit continuus, nec is profecto qui ex utrisq; componitur, continuus esse potest. Patet autem, id quod recto motu, finitoq; fertur, continue non moueri. reflectitur enim: sed quod recto motu reflectitur, id contrariis motibus profecto cietur: loco namque, contrarius est motus, quo deorsum itur, motui quo pergitur sursum: & is quo retrorsum itur, ei quo contraria loca petuntur: & is item quo dextrorsum iur, ei quo pergitur sinistrorsum: haec enim, sunt loci contrarietates, ut patet. Quis est autem unus, atque continuus motus, prius est definitum: est enim is, qui unius est mobilis, in unoq; sit tempore, atque nullam specie differentiam habet. Tria namq; sunt id quod mouetur, ut homo uel Deus: & quando, ut tempus: & tertium, id in quo: hoc autem est, aut affectus, aut forma, aut locus, aut etiam magnitudo. Contraria uero, specie differunt, & non unum sunt: atq; ea quae diximus, sunt differentiae loci. Indicat autem motum, quo ex A pergitur ad ipsum B, contrarium esse ei quo itur ex B in A: id, quod ipsis accidit: sese enim mutuo sistunt, si simul fiant. Et in circulo, simili modo. Is enim quo iur ex A per B, contrarius est ei, quo itur ex A per C: sese enim mutuo sistunt, si

Declarauit supra Arist. motum localem primum esse inter omnes motus, ostenditq; quis motus Localis sit primus: nullamq; mutationem esse continuam & perpetuam, nisi localem: hic ostendit nullam loci mutationem posse esse continuam, ac perpetuam, praeter circum-

continui sint, & non reflexio fiat, quia contraria mutuo se corrumpunt, sibiq; sunt impedimento. At is, quo itur in  
 + latus, non est contrarius ei, quo pergitur sursum. Maxime autem patet ex eo, motum qui super linea recta sit, continuuum esse non posse: quia id quod reflectitur, consistat, non solum si super linea recta, sed etiam si super circulo feratur, necesse est: non enim idem est super circulo ferri, atq; uersari. Fieri namq; potest ut interdum prosequatur motum, interdum ad id profectum unde moueri coepit, redeat ac reflectatur. Esse uero necessarium stare, non modo sensu, sed ratione etiam credere profecto compellimur: est autem principium hoc. Cum enim sint tria, principium, inquam, medium atq; finis, medium utrunq; est ad utrunque: & numero quidem est unum, ratione autem duo. Præterea aliud est esse potentia, aliud actu. Quare quoduis rectæ lineæ punctum, quod inter extrema est collocatum, potentia quidem est medium, actu uero non est si nō id quod fertur, eam diuiserit, constiteritq;, atque inceperit rursus inoueri. Hoc autem pacto, medium ipsum principium fit, & finis: principium quidem posterioris, finis autem primæ. Dico autem si id quod fertur, atq; sit D, in ipso constiterit B, & rursus feratur ad C: sed cum continuè fertur, nec adfuisse, nec abfuisse in puncto B potest, sed esse solum in ipso nunc: in tempore uero nullo, nisi in eo toto, cuius nunc ipsum diuisio est. Quod si adfuisse quispiam, & abfuisse posuerit, semper ipsum D stabit cum fertur: impossibile enim ipsum D in B adfuisse simul, ac abfuisse: ergo in alio temporis, atq; alio puncto. Tempus igitur id erit quod est inter puncta temporis illa. Quare D quiescet in B & in cæteris identidem punctis: quippe cum sit eadem in omnibus ratio. Cum autem D, quod fertur, utetur B medio,

dio, principio, atque fine, consistat ipsum necesse est: pro-  
 pterea quod illud duo perinde facit, atque si illud ita mente  
 perceperit. Sed ab A quidem puncto, ut à principio, absuit,  
 in C uerò fuit, cum moueri desierit, steteritq;. Quapropter  
 & ad dubitationem hoc est dicendum: habet enim hic locus  
 hanc dubitationem. Nam si sint due lineæ rectæ ABC, &  
 DE, quarum DE sit equalis BC & F, mobile ex A  
 continuo moueatur ad C, atq; cum est in B puncto G, mo-  
 bile ex D ad E, uniformiter, eademq; celeritate feratur,  
 G prius accedet ad B, quam F, ad terminum perueniet C:  
 quod enim prius recessit, ac abiit, id prius accedat necesse  
 est: non ergo F mobile, simul in B puncto fuit, atque absuit  
 ab eodem: idcirco & posterius accedit ad C. Nam si fuit,  
 ac absuit simul, non posterius ad terminum perueniet C,  
 sed stet in illo necesse est. Non est igitur ponendum, cum F  
 fuit in B, simul G ipsum ex D moueri: nam si F, in puncto  
 fuerit B, absuerit etiam ab eodem, atque non simul: at in  
 diuisione temporis, in illo, & non in tempore erat. Igitur  
 hic quidem in continua magnitudine impossibile est, hoc  
 dicere modo: in eo uerò quod redit, atque reflectitur, hoc  
 soluere pacto necesse est. Nam si A feratur è B in C, rur-  
 susq; rediens è C in B moueatur: ipso C tum extremo,  
 & principio utitur nimirum, & fine, uno inquam puncto  
 uti duobus. Quocirca consistat ipsum necesse est, & non  
 simul accessit ad C, & recessit à C: alioqui ibi simul erit,  
 atque non erit in eodem temporis puncto. At uerò non est  
 dicenda ea solutio, quam antea diximus: dici nanque non  
 potest, A mobile in diuisione temporis in ipso C esse, &  
 nec adfuisse nec abfuisse: ad finem enim accedat necesse  
 est, qui quidem est actu, non potentia finis: etenim id qui-  
 dem quod est in medio, potentia est: at hoc est actu, atque  
 finis



finis est, cum pergitur sursum: principium uerò, cum itur deorsum. Et ipsorum ergo motuum simili modo. Stet igitur id, quod redit, super linea recta necesse est. Quæ cum ita sint, continuus super linea recta perpetuus motus esse non potest. Eodem autem modo & ijs est obuiandum, qui Zenonis rationem interrogant, censentq; si semper dimidium transire oporteat, dimidia uerò sint infinita, & infinito- rum transitio esse non possit, motum non esse, neque posse quicquam moueri. Aut ut quidam hanc eandem interro- gant rationem, censentes mobile, cum mouetur, dimidia sin- gula super quæ fertur, enumerare. Quo fit ut ab eo cum totum transierit spatium, enumeratus sit numerus infini- tus: hoc autem, omnium sententia fieri nequit. In primis igitur de motu sermonibus, ex eo rationem hanc soluebamur, quia tempus infinita in seipso habet: non est enim absurdum, si infinito in tempore transeat quispiam infinita. Infinitio autem inest tam in longitudine, quam in tempore simili modo.

Sed hæc solutio ad interrogantem quidem sufficienter se habet: interrogabatur enim, si fieri possit, ut finito in tem- pore quippiam transeat, aut enumeret infinita. Ad rem autem ipsam, ueritatemq; profectò non satisfacit. Nam si quispiam omiſsa longitudine, dictaq; interrogatione, si sit, inquam, ut finito in tempore pertranseat quippiam infini- ta, hæc de ipso interroget tempore (habet enim tempus in- finitas diuisiones) non erit sufficiens hæc sanè solutio. Sed ea dicenda est ueritas, quam paulò antè diximus: nam si quispiam lineam diuidat in duo dimidia, is uno puncto uti- tur ut duobus: faciet enim ipsum, principium, atque finem.

Sic autem facit, & qui numerat, & qui in dimidia diui- dit: quo sic diuidente, neq; linea est continua, neque motus: continuus enim motus, continui est: in continuo autem in-  
sunt

sunt quidem dimidia infinita, sed non actu, sed potentia sunt, ut patet. Si uerò quispiam dimidiam faciat actu, non continua faciet, sed modum ipsorum ponet: quod quidem in eo accidere patet, qui dimidia numerat. Vnum nanque punctū uti duo numerare, ipsum necesse est: alterius enim dimidij principium, alterius finis erit, si nō ut unum ipsum continuam lineam, sed ut dimidia numeret duo. Quare ad interrogantem si fieri potest ut in tempore, aut in longitudine pertranseat quispiam infinita, partim posse, partim fieri non posse, dicamus oportet. Si enim infinita sint actu, fieri nequit: sin uerò potentia, fieri potest. Qui nanq; mouetur continue, per accidens sanè non simpliciter infinita transiit: accidit enim lineæ, ut dimidia sint infinita: substantia uerò ipsius diuersa est, atque esse. Atqui perspicuum etiam est, si quispiam temporis punctum, quod prius posteriusq; diuidit, non posteriori tempore, respectu rei tribuat semper: idem esse simul, atque non esse, & cum est ortum, non esse: punctum igitur temporis utrisque commune est, priori, inquam, posterioriq; , & unum, ac idem est numero, ratione uerò non idem: alterius enim finis, alterius principium est: at respectu rei, posterioris est semper affectus. Sit tempus quidem A C B, Res autem D, quæ quidem in A C tempore sit alba, in C B uerò non alba in ipso ergo C alba est simul, atque non alba. In quouis nanque temporis A C puncto, licet ipsum D uerè dicere album esse, si toto tempore illo est album, & in quolibet etiam ipsius B C non album esse. C uerò est in utrisq; : non est igitur dandum in omni temporis A C puncto, D album esse, sed in quouis præter ultimum C: hoc autem iam ipsum posterius est: & si non album fiebat, & si album corrumpebatur in A C toto, factum est sanè, aut corru-

ptum in C. Quare album, aut non album esse, primum in illo uerè dicere licet: uel cùm est ortum, non est, & cùm corruptū est, erit: aut album, aut non album, & ens omnino, atque non ens simul esse necesse est. Quòd si id generetur, necesse est quod prius non est, & cùm generatur, non est. Fieri profectò non potest, ut tempus in indiuidua tempora diuidatur. Nam si in A tempore, D ipsum album fiebat, factum est autem simul, & est in alio indiuiduo tempore B hærente tempori A, si in A quidem fiebat, & nō erat, est autem in ipso tempore B, generationem aliquam nimirum mediam esse oportet. Quare & tempus id erat, in quo fiebat: non enim eadem & ijs erit ratio, qui non ex indiuiduis inquirunt tempus constare. Sed factum est in temporis ipsius, in quo fiebat, ultimo puncto: cui quidem nihil hæret, neque deinceps est, indiuidua uerò tempora sunt deinceps. Quæ cùm ita sint, patet si in A toto tempore, D fiebat, non esse maius id tempus, in quo factum est, atq; fiebat, eo tempore quo toto solum fiebat. Hæ igitur, tales uel quedā sunt rationes, ex quibus ut proprijs quispiam credet motum rectum perpetuò continuum esse non posse. Hoc idem insuper ita se habere uidebitur, & si differendi modo id ipsum considerabimus. Omne itaq; quod continuè mouetur, modò nihil prohibeat, ad id & antea ferebatur, ad quod per motum accessit: ceu si peruenit ad B, ferebatur ad B, & non solum cùm erat propè, sed statim etiam ut incepit motu cieri: cur enim nunc magis, quàm prius: hoc & ad ceteros accommodabitur motus. At id quod ex A fertur ad B, ueniet rursus ad A continuo motu. Cùm igitur ex A mouetur ad B, tum fertur etiam ad A, eo motu quo pergit ex ipso B. Quo fit, ut contrarijs simul motibus moueatur (recti nanque motus contrarij sunt) & insuper ut ex eo mutetur,



mutetur, in quo ipsum non est. Quod si hoc fieri nequeat, in ipso B stetur necesse est: non igitur hic unus est motus: qui namque motus intercipitur statu, is unus profectio non est, ut luce clarius extat. Præterea ex hisce magis uniuersaliter de omni motu perspicuum idem erit. Nam si omne quod mouetur, aliquo motu dictorum motuum omnino mouetur, & quod quiescit, ex his aliqua quiete quiescit, quæ opponuntur: nullus enim alius in ratione rerum præter assignatos, est motus: id autem quod non semper hoc motu mouetur, eorum motuum inquam qui specie differunt, & non motus totius cuiuspiam parte, necesse est opposita quiescat quiete: est enim quies, priuatio motus. Si igitur hæc ita se habent, & motus quidem recti contrarii sunt, fieri uero nequit, ut simul quicquā motibus contrariis moueatur, id profectio quod ex A fertur ad B, non ex B quoque, simul feretur ad A. Atque cum non simul motibus utrisque feratur, moueatur autem dicto motu ex A pergendo ad B, prius in ipso B quiescat necesse est: hic enim est ea quies, quæ opponitur ei motui, quo itur ex B ad A. Patet igitur ex hisce quæ diximus, motum nullum rectum continuum esse posse. Insuper hoc etiam modo, ratio magis erit accommodata: simul enim corruptum est non album, & ortum est album. Si igitur altera ratio, qua itur ad album, atque ex albo, continua sit, & nullo in tempore maneat: simul profectio corruptum est non album, & factum est album, atque non album: horum enim trium, idem tempus erit, ut patet.

Quod motus circularis possit continuus in infinitum esse, ac prius. CAP. IX.

**P**Ræterea non si tempus continuum est, & motus continuus est, sed deinceps, quo namque pacto contrariorum motuum, ut dealbationis, ac denigrationis, idem fuerit finis?

nis? patet igitur motum rectum, continuum perpetuò esse non posse. Motus autem is, qui super circularem lineam fit, unus, atq; continuus erit: nullum enim impossibile accidit. Etenim id quod ex A mouetur, simul ad ipsum mouebitur A, eadem nimirum appetitione: ad quod enim perueniet, ad id & mouetur: sed non simul contrarijs ciebitur motibus, neque oppositis sanè: non enim omnis motus, quo pergitur ad hoc, contrarius ei quo itur ex hoc, aut oppositus est. Sed contrarius quidem est, rectus: huic enim motus loco accommodatus, contrarius est: ut is qui per diametrum fit: termini enim plurimum distant. Oppositus autem est, qui per eandem fit longitudinem. Quare nihil uetat, ut talis motus continuus sit, nullaq; prorsus intercedere pedines habeat. Etenim cōuersio quidē à seipso in seipsum, rectus autem motus à seipso in aliud transitio est. Et is quidem motus, qui fit in circulo, nunquam fit in eisdem: rectus autem saepe fit in eisdem. Is igitur motus, qui semper in alio, atq; alio fit, continuè fieri potest: ut is continuè fieri non potest, qui saepe fit in eisdem: motibus enim oppositis, id quod mouetur, simul moueatur necesse est. Quare fieri non potest, ut aut in semicirculo quicquam, aut in alia ulla circumferentia continuè moueatur: saepe enim in eisdem moueatur, & contrarijs mutationibus mutetur, necesse est: non enim cōiunguntur hic principium atq; finis, circuli autē coniunguntur: & hic est solus motus perfectus.

Ex hac autem diuisione patet fieri non posse, quo ceterorum motuum quisquā continuus fit: accidit enim in uniuersis, ut per eadem quisq; fiat, ut in alteratione per mediū ipsum, & in motu, qui quantitati accommodatur, per magnitudines medias, & in generatione corruptione uel similiter: nihil enim interest, pauca quispiā, an plura faciat ea media,

media, in quibus est ipsa mutatio, & addat quid, an auferat:  
fit enim utroq; modo, ut per eadem saepe motus efficiatur.  
Ex his igitur patet, nec eos naturales bene sensisse, qui res  
uniuersas sensibiles inquit semper moueri: nam motuum  
iam dictorum aliquo moueant, maximeq; secundum illos  
alterentur necesse est: fluere enim inquit ea semper, de-  
crementaq; suscipere. Præterea generationem atq; cor-  
ruptionem, alterationem esse dicunt. Ratio uerò nostra  
nunc dixit nullo quicquam omnino motu præter conuer-  
sionem continuè moueri posse. Quare nec alteratione, nec  
accretionem, decrectionem uel. Hæc igitur scia sunt dicta, ad de-  
monstrandum nullam infinitam esse mutationem, aut conti-  
nuam, præter ipsam solam conuersionem. Ipsam autem con-  
uersionem, lationem omnium esse primam, perspicuum in-  
de fieri potest: omnis enim latio aut circularis est, aut re-  
cta, aut mixta, sicut & antea diximus. At hæc quidem illas  
priores esse necesse est: ex illis enim constat, ut patet. Re-  
cta uerò circularis est prior: est enim simplex, perfectaq;  
magis. Fieri igitur non potest, ut super infinita linea re-  
cta quicquam feratur: non est enim id in ratione rerum,  
quod hoc pacto dicitur infinitum: at neque si esset, mouere-  
tur quicquam omnino: non enim id fit, quod impossibile  
est. Impossibile autem est, ut patet, transire quippiam infi-  
nitum. Ea uerò latio, quæ super finita recta linea fit, si re-  
flectatur, composita erit profectò, duoq; motus: si non re-  
flectatur, imperfecta, ac corruptibilis. At imperfecto perfe-  
ctum, & incorruptibile corruptibili, natura prius esse, &  
ratione, atq; tempore constat. Is præterea motus, qui per-  
petuus esse potest: prior est eo, qui perpetuus esse nequit:  
at conuersio quidem perpetua esse potest: cæterorum au-  
tem motuum, nullus perpetuus esse potest: status enim fiat  
oport



oportet, qui cum est, corruptius est iam ipse motus, atq; eu-  
 nit. Atqui recte, cum ratione q; accedit, conuersionem  
 unum esse motum, atq; continuum, & non eam lationem,  
 qua super recta linea pergitur: huius enim principium, &  
 finis, & medium definitum est: & uniuersa hec sunt in  
 ipsa. Quo fit, ut id sit unde incipiat quod mouetur, & id  
 item ad quod perueniet, desinetq; moueri: in ipsis namq; si-  
 uibus quiescit id omne, quod motu recto cietur, aut in eo  
 ex quo incipit motus cieri, aut in eo ad quem accedit. Sed  
 in circumferentia sunt hec (ut patet) indefinita. Quod  
 enim ipsius punctum finis potius rationem quam princi-  
 pij subit? eque enim quoduis punctorum principium est,  
 & medium, atq; finis, ut semper id quod mouetur, in prin-  
 cipio sit, & medio, atque fine, & nunquam in uno tantum.  
 Quapropter ipsa sphaera mouetur, & aliquo modo quies-  
 cit: eundem enim occupat locum. Causa autem est, hac o-  
 mnia accidisse ipsi centro: nam principium est, & medium  
 magnitudinis, atq; finis. Quare fit, ut quia hoc extra cir-  
 cumferentiam est, non sit id, in quo quiescit id, quod fertur,  
 quasi transierit: semper enim circa medium, sed non ad  
 ultimum fertur: quia uero semper hoc manet, ideo totum  
 ipsum continue partim quiescit, partim mouetur. Accidit  
 autem hec conuersio, ut econtra conuersio motuum sit pri-  
 ma, atque mensura: quia namque motuum est mensura ipsa  
 conuersio, ideo primus sit ipsa motus necesse est: ipso enim  
 primo omnia mensurantur: & quia rursus primus est o-  
 mnium motus, ideo ipsa mensura est ceterorum. Prae-  
 terea uniformis etiam motus, sola conuersio esse potest:  
 quae namq; recto motu ciuntur, difformiter sane feruntur:  
 discrepant enim partes motus propinque principio, ab  
 hisce partibus, quae propinque sunt fini: etenim uniuersa  
 quae

que suapte natura feruntur, quo magis ab eo loco recedunt, ex quo moueri coeperint, eo celerius moueri uidentur. At sola in conuersione neque principium est, neque finis, quippe cum non sit in ipsa circumferentia quicquam tale, sed extra. At uero sententiae huius, lationem inquam primum motuum esse testes sunt uniuersi, qui mentionem motus fecerunt: principia enim ipsius hisce tribuunt, quae motu istiusmodi cident. Segregatio nanque, congregatio uel, motus in loco sunt: hoc autem modo concordia, atque discordia mouent. Altera nanque ipsarum segregat, altera congregat. Anaxagoras quoque mentem quae mouit, prius secernere dicit. Eadem et ij sentiunt, qui nullam aliam talem causam ponunt, sed ob uacuum inquiunt res moueri. Et hi nanque naturam eo motu, qui loco accommodatur, moueri dicunt: motus enim, qui fit ob uacuum, latio nimirum est, et in loco motus, ut patet. Caterorum autem motuum nullum ipsis inesse primis, sed in hisce duntaxat quae constant ex illis, putant. Accrescere enim haec, decrescereque, ac alterari, congregationem, segregationemque subeuntibus indiuiduis corporibus dicunt. Eadem et ij censent, qui densitate, raritate uel generationem, corruptionem uel conficiunt: congregatione nanque, segregatione uel, haec uniuersa disponunt. Accedit ad haec eorum quoque sententia, qui causam motus animam faciunt: id enim, quod seipsum mouet, eorum quae mouentur, principium esse dicunt. Animal autem, omneque animans, motu ad locum accommodato seipsum mouet. Id praeterea solum proprie moueri dicimus, quod eo motu cietur, qui ad locum accommodatur. Quod si quippiam quiescat quidem eodem in loco, incrementa uero, uel decremента suscipiat, uel alteretur, id aliaqua ex parte, et non absolute moueri dicere consueuimus.

Motum

Motum igitur omni in tempore semper fuisse, semperq;  
fore, & quod est principium perpetui motus, quis præ-  
terea primus est motus, & quis solus perpetuus esse po-  
test, & id insuper quod primum mouet, immobile esse, sa-  
tis iam hisce, quæ dicta sunt, explicauimus.

Quod primum mouet indiuisibile esse, nullamq; prorsus  
magnitudinem habere,

CAP. X.

Declarauit  
Aristo. qualis  
sit prim<sup>us</sup> mo-  
tus: hic decla-  
rat quale sit  
primum mo-  
uens.

Nunc autem partibus hoc uacare, magnitudinemq;  
nullam prorsus habere necessarium esse dicamus: ac  
demonstremus oportet, prius hisce definitis, quæ hanc sen-  
tentiam antecedunt. Atque horum unum est hoc, fieri in-  
quam non posse, quo finitum quicquam tempore moueat  
infinito: tria nanque esse in omni motu constat, id quod  
mouetur, id quod mouet, & tertium, ipsum tempus. Atque  
aut hæc omnia infinita sunt, aut finita, aut horum aliqua,  
ut duo, aut etiam unum. Sit igitur A quidem mouens, B au-  
tem id quod mouetur, & tempus infinitum sit C. Pars ita-  
que ipsius A, quæ quidem sit D, moueat partem aliquam  
ipsius B, sitq; illa pars E, atq; patet, non toto C tempore  
ipsam mouere: in maiore nanque, maius nimirum mouet.  
Quare fit, ut tempus illud infinitum non sit: designetur, at-  
que sit F. Hoc igitur pacto addens ipsi D, atque E parti  
partem, totum A tandem, & B similiter totum consumum.  
tempus autem nunquam, æqualem F parti semper aufe-  
rens partem: quippe cum sit, ut est suppositum, infinitum.  
Quare totum A mouens totum B ipsum, finito in tempo-  
re C mouebit. Fieri ergo non potest, ut à finito quicquam  
infinito in tempore moueatur. Perspicuum igitur est, fie-  
ri non posse, quod finitum quicquam tempore moueat in-  
finito. Fieri uerò non posse, ut finita in magnitudine ui-  
res sint infinitæ, ex hisce sanè fuerit notum. Sint enim  
maiores.



maiores eæ semper uires, quæ æquale minore in tempore faciunt, ceu calefaciunt, aut dulcedine afficiunt, aut proijciunt, omninoq; mouent: quod cum ita sit, ab eo quoq; profectò quod infinitum quidem est, infinitas autè uires habet, patiens quippiã patiatur, & magis quàm ab alio patiatur necesse est: infinitæ nanq; uires uiribus sunt maiores finitis. At nullum esse tempus omnino potest, quod uires ullæ mouerent: nam si sit A tēpus, quo uires infinitæ calefecerunt uel pepulerunt: A B uerò sit tempus id, in quo finitæ quædam uires mouerunt: hisce uiribus si maiores finitas uires semper addidero, ad eas tandē uires perueniam, quæ mouere in A tempore possunt: finito nanq; cuius, si finitum semper addidero, omni quouis illud definito faciam maius: & si abstulero, minus identidem faciam. Ergo tēpore in eodem, aut æquali finitæ, ac infinitæ uires mouebunt: hoc autem est impossibile: fieri ergo non potest, ut magnitudo finita uires habeat infinitas. Neq; igitur fieri potest, ut infinita in magnitudine finitæ sint uires: atq; quanquàm sit ut minore in magnitudine plus uirium insit, multò tamen maiores sunt in maiore. Sit itaq; magnitudo infinita A B, itaq; pars eius C B, uires aliquas habet, quibus D mouit aliquo in tempore, quod E F literis designetur. Si igitur ipsius C B duplam cepero magnitudinem (hac enim nunc ratione utamur) illa temporis in dimidio, quod est E G: idem D profectò mouebit. Quòd si hoc pacto sumpsero partes, A B quidem magnitudinem nunquam transibo: tempore uerò dato, semper accipiam minus. Erunt ergo uires ipsius A B, magnitudinis infinitæ, omnes enim finitas exuperant uires. Omnium autem finitarum uirium tempus etiam finitum esse necesse est: nam si aliquo in tempore moueant tanta, maiores minore in tempore quidem, at definito, mouebunt cōuersione

contraria rationis. Sunt autem infinitæ vires, perinde atq; multitudo magnitudoq; infinita est ea, quæ multitudinem omnem magnitudinemq; exuperat definitam. Licet autem hoc idem sic etiam demonstrare: accipiemus enim magnitudinis finitæ cuiuspiam potentiam aliquam generis eiusdem cum potentia, quæ in magnitudine est infinita, quæ finitam potetiam infinitæ magnitudinis metietur. Ex ijs igitur, quæ dicta sunt, patet fieri non posse, ut finita in magnitudine vires sint infinitæ, aut in infinita finitæ. Sed de ijs quæ feruntur, bene sese habet aliquam primò dubitationem asserre. Nā si omne quod mouetur, ab aliquo moueatur, quo pacto eorum, quæ seipsa mouent, continuè nonnulla mouentur, eo quòd mouerat, non tangente, ut corporum ea quæ proijciuntur? Quòd si is, qui mouit, & aliquid aliud simul mouet, ut aërem, qui quidem mouet subiens motum: simili modo profectò fieri nequit, ut illa moueantur ipso primo non tangente, neq; mouente, sed simul omnia moueantur, rursumq; moueri tum desinant, cum id quod primò mouet, desinit mouere, necesse est: & si perinde facit ut magnes, ueluti si mouet quod mouit. At enim hoc dicatur necesse est, id quod primum mouit, facere, ut mouere etiam possit, aut aër, aut aqua, aut aliquid tale, quod quidem est aptum mouere, motumq; subire, sed non simul desinit mouere, atque moueri: sed desinit quidem moueri, cum is qui mouet, moueri desinit, est autem adhuc mouens: quapropter mouetur alij hærens: & in hoc eadem ratio est. Desinit autem, cum mouendi potetia minor sit in eo quod hæret: penitus autem desinit, cum antecedens non ulterius mouens fecerit, sed motum subiens solū: hæc autem simul desinere, alterum mouere, alterum moueri, totumq; motum necesse est. Is igitur motus in hisce fit, quæ nonnunquam moueri, nonnunquam quiesce

quiescere possunt, & non est continuus, sed apparet: nam aut deinceps collocatorum, aut tangentium est: nō est enim unum mouens, sed plura, quorum aliud alij heret. Quocirca talis motus in aëre fit, & in aqua, quem quidam antiperistasis esse dicunt. Impossibile autem est alio modo solvere ea, quæ dubitata sunt, quàm dicto modo. Ipsa autem antiperistasis, cuncta simul mouere, moueriq; facit: quare & desinunt simul. Nunc autem unum quid continuè ab aliquo moueri uidetur: non enim ab eodem mouetur. Quoniā autem in hisce, quæ sunt, cōtinuum esse motum necesse est. hic uerò est unus, atq; unum motum magnitudinis cuiuspiam esse necesse est (non enim id mouetur, quod magnitudinis est expers) & unius esse, atq; ab uno: alioqui continuus non erit, sed herens alius alij, atq; diuisus. Id quod mouet, si unum est, aut subiens motū mouet, aut immobile est. Si igitur mouetur, simul sequatur ipsum, atq; mutetur, & insuper ab aliquo moueatur oportet. Quare stabitur, atq; ad id accedetur, quod mouet, & est immobile: hoc enim nō simul mutari necesse est, sed poterit semper mouere: nā hoc pacto mouere, sine labore profectò est: & hic motus, aut solus, aut maximè est uniformis. id enim quod mouet, nullam subit mutationem. Id etiam quod ab illo mouetur, ut motus sit similis, non subeat mutationem oportet. Atqui illud aut in medio, aut in orbe esse necesse est: hæc enim principia sunt: at ea quæ propinquissima sunt mouenti, summa cū celeritate mouentur. Talis autem est ipsius totius motus: illic igitur est id quod mouet. Exiit autē dubitatio, si fieri possit ut quippiam motum subiens continuè moueat: sed nō ut id quod iterū, iterūq; pellit, ex eo continuè mouet, quia motus deinceps sunt. Aut enim ipsum pellere, uel trahere, uel utrunq; facere oportet, aut aliud, aliudq; succedēs perinde  
p 2 sit



fit atq; in hisce quæ proijciuntur, ut antea diximus, si cùm facile diuisibilis sit uel aqua, uel aër, aliud semper mouet subsiciens motum. At neutro modo motus unus esse potest, sed plures herentes erunt. Solus igitur is est continuus motus, quo id, quod est immobile, mouet: semper enim similiter sese habens, & ad quod mouetur similiter, & continuè sese habebit. His hoc pacto determinatis, patet impossibile esse primum mouens, atq; immobile, magnitudinem ullam habere: nam si habet, aut finitam, aut infinitam ipsam esse necesse est: at demonstratum est prius in naturalibus, fieri non posse ut magnitudo sit infinita. Et nunc demonstrauimus finitam magnitudinem infinitas uires habere non posse: & impossibile insuper esse infinito in tempore quicquam à magnitudine finita moueri. Primum autem mouens, æterno motu, infinitoq; tempore mouet. Patet igitur ipsum indiuisibile esse, uacareq; partibus, ac magnitudinem nullam prorsus habere.

PHYSICORVM ARISTOTELIS FINIS.

## INTRODVCTIO

PHYSICA.



Atura, est substantiale principium, quod unicuiq; transmutationi subiectum esse natum est, aut transmutationis effectiuum. Materia, est natura, quæ unicuique quæ transmutationi subiecta esse nata est. Materia, subiectum, hyle, potentia, potentia subiectiua. Forma, est natura transmutationum effectiua. Forma, species, terminus, actus primus, substantialis. Principia, sunt quæ cùm non sint ex alijs, neque ex  
alter

alterutris, ex ipsis omnia alia fiunt. Omnia alia, res naturales omnes. Res autem naturalis, est quæ constat ex naturis. Rerum naturalium genera, sunt elementa, animalia, uegetabilia, mineralia, mixta imperfecta. Earum uerò accidentia cum eis conueniant, dicuntur secundum naturam. Cum uerò disconueniant, contra, & præter naturam. Res naturalis, totum, compositum, corpus sensibile, hoc aliquid.

**C**Ausa, est ad quam aliquid sequitur. Ad eam uerò aliquid sequi ex ea, per eam, ab ea, aut cuius gratia aliquid fieri. Quod uerò ad eam sequitur, affectus nominatur. Causa materialis primò, est ex qua cum alio quo fit aliquid. Rerum uerò naturalium materia, est ex qua cum forma fit compositum. Secundò, est in qua aliquid fit ut in subiecto. Causa materialis secundò, in qua, subiectiua. Causa formalis, est per quam res habet esse. Nam dat esse rei, & eam conseruat in esse. Ipsa namq; presente, res est: & ipsa fugiente, perit. Rerum uerò naturalium forma, ea est per quam res naturales existunt.

Substantia, accidens. Causa efficiens, est à qua aliquid fit. Conseruans, produciens, corrumpens.

Causa finalis, est gratia cuius aliquid est. Primaria, secundaria. Causa propinqua, est quæ particulari nomine designatur, aut inter quam & effectum haud multè interiacent causæ. Remota uerò, quæ nomine communi designatur, aut inter quam & effectum multè interiacent causæ. Causa per se, est quæ cum ad aliquid suapte natura sit, causalitatis nomine pariter est expressa. Per accidens autem ea dicatur, cum ad effectum non ordinetur, aut causalitatis nomine minime sit expressa. Casus, fortuna, neutra. Casus, causa est per acci-

cidens eorum, quæ rarò contingunt, & alicuius gratia.

Fortuna verò, causa per accidens agentium secundum propositum, eorum quæ rarò eueniunt, & alicuius gratia. Fors fortuna, mala fortuna. Propositum, ratio, uoluntas. Causa in actu, est quæ simul cum effectu existit. Causa verò in potentia, ea dicatur, quæ non simul cum effectu existat.

**M**OTUS, est alicuius in aliquo, aut acquisitio, aut deperditio. Dicitur acquisitio, aut deperditio, quando aliquid rei acquiritur, aut deperditur. Acquisitio, aut deperditio: actus entis in potentia secundum quod in potentia. Motus, mutatio, transmutatio. Generatio, est substantialis formæ in aliquo acquisitio. Corruptio uerò, eius deperditio. Augmentatio, est maioris quantitatis acquisitio. Diminutio, est à maiore quantitate in quantitatem minorem mutatio. Alteratio, est à qualitate, aut ad qualitatem mutatio. Contrarium, medium, habitus, priuatio. Mutatio secundum locum, est ad locum, aut circa locum mutatio. Mutatio secundum locum, motus localis, latio. Rectus circularis, mixtus, siue neuter. Id subiectiuè mutatur, quod est mutationis subiectum. Id terminatiuè, quod forma est, quæ acquiritur. Completiuè verò, totum mutatione acquisitum. Quapropter formæ ad materiam mutatio subiectiua: ad seipsam, terminatiua: ad totum, mutatio completiua dicitur. Id mutatur per se, quod à motu, qui in eo est, mouetur. Id per accidens, quod non à motu, qui in eo est, sed alterius mouetur. Motus acquisitiuus, est quo aliquid acquiritur. Deperditiuus, quo aliquid deperditur. Naturalis, est cum ei natus est conuenire,



cui inest. Violentus uerò, qui disconuenit, atq; contra naturam eius est. Indifferens, qui propriè neque conuenire, neque disconuenire natus est. Ex opposito omnium horum motuum, quietem intelligimus.

**I**nfinitem primò, non finitem, non quantum. Secundò, quantum transitum habens inconsumabilem. Magnitudo, multitudo. Infinitum magnitudine, est quod sue magnitudinis caret extremis. Infinitum multitudine, quod sue quidem discretæ multitudinis caret extremis. Infinitum secundò, in finitem actu. Tertio, est spatium, cuius pars cum transita sit, nondum totum est pertransitum. Quartò, est quod cum sit transibile, difficilem habet transitum.

Quintò, infinitum, est cui semper additio, subtractio ue fieri potest. Additio, subtractio. Subtractio, diuisio: idem. Infinitum quintò, infinitum potentia.

**L**ocus, est extrinsecus terminus corporis alterum continentis. Locus communis, est qui multa continet, quibus immediatus nō est. Locus proprius, est terminus corporis continentis contento immediatus.

Terminus, superficies concaua. Ea uerò concaua est, quæ est continentis interior ultima. Et ea conuexa, est quæ est corporis circundans extrema. Locus naturalis, est in quo res naturales natura quiescunt. In eo enim natura quiescunt, in quo conuersari nata sunt. Violentus, in quo res naturalis minimè natura quiescit.

**V**acuum primò, est locus non repletus corpore, natus repleri. Cū enim inter superficiei latera non interiacet corpus quando interiacere natum esset, ea superficies uacua diceretur. Vacuum primò, uacuum priuatione. Vacuum secundò, est dimensio omnia

intra se corpora non cedendo recipiens. Vacuum secundò, spatium separatum. Tertiò, est quod corporibus immersum, plenum non est. Priuatio, spatium.

**T**Empus, est numerus primi motus secundū prius, & posterius. Primus motus, is est, qui est primi mobilis. Mobilia hoc ordine sunt sita: Terra, Aqua, Aer, Ignis, Caelum, Luna, Mercurij, Veneris, Solis, Martis, Iouis, Saturni, firmamentum, primum mobile.

Præsens primò, est impartibile, præteritum futuro connectens. Præsens nunc, instans, adiacens.

Secundò, est tempus utring; à dicto impartibili non multum distans. Præsens, nunc. Præteritum, est temporis pars prior. Futurum uerò, pars posterior. Esse in tempore, est mensurari tempore. Ea uerò mensurantur tempore, quorum tempus duratio est, aut quæ incipiunt, & desinunt in tempore.

## INTRODVCTIONIS

FINIS.

## ARGVMENTVM

## LIBRORVM DE COELO

EX SIMPLICIO.



**S**COPVM Aristotelicæ traditionis de cælo, Alexander ait de Mundo esse: nam cælum in his trifariâ ab Aristotele dici, sphæram, in quâ, non erratilem, quod & extremû cælû in hoc libro, cum adiectione adpellat. Deinde, uniuersum corpus diuinum, & circulare, postremò, Mundû ipsum: quemadmodum & Plato appellat, inquiens, Cælû istud uniuersum aut Mundus, aut ut cunq; aliter uocari potuerit. Atq; Theophrastum etiâ in testimonium adhibet Alexander, qui in libro de cælo nò solùm de diuino corpore disserat, sed &  
de

de ijs, quæ generationi, & corruptioni sunt obnoxia, deq; eorundē principijs. His igitur cōfirmat scopū esse de Mūdo, & corporibus, quæ illi insunt, edocere: vt de corpore cœlesti, & de quatuor ijs, quæ Lunę subsunt, igne, aëre, aqua, terra. In hāc opinio nē vidētur eū induxisse quęstiones de vniuerso Mūdo, quæ libro primo continētur: velut, vtrū vnus sit Mundus, an plures, & vtrū finitus sit, an infinitus sit, atq; num ingenit<sup>9</sup> & icorruptibilis, an nō. Quodq; Aristoteles libro primo loquutus de eo, quod proprie cœlū appellatur, in tertio ac quarto de quatuor elementis sermonē facit, tanquam consequentē ad ea, quæ de primo corpore dicebātur. Quapropter in exordio libri tertij, docet naturalē considerationē de corporibus esse, ac enumeratis, quæ eaten<sup>9</sup> absoluisse, ita scribit. De primo igitur elemēto, quale Natura sit, & quod ingenitū atq; incorruptibile sit, dictū est: superest nūc vt de duobus dicamus. Duo appellans binas coniugationes, leuium videlicet, in qua ignis est, & aër: & grauiū, in qua terra, & aqua. Diuus autem Iamblichus, ait scopū quidē huius esse de cœlo, atq; corpore diuino, sed ad eandem doctrinam adhiberi considerationem de vniuerso Mundo, vt qui ab illo iuxta substantiā pendeat, atq; eidem pareat ad rerū generationem: sed & de elementis, atq; eorū facultatibus, doctrinam hīc fieri, quod ea omnia ē cœlo pēdeant, atq; ex ijs, quæ in ipso circumferūtur. Syrianus verō ille magnus, quiq; eū sunt sequuti, de eo, quod proprie cœlū appellatur, id est, de perpetuo, atq; circulari corpore, ait hanc doctrinā esse. Inscriptionē hanc, vt sese offert, sequuti, neq; acceptant dicentē scopū esse de Mundo, ac simplicibus corporibus. Aiunt enim, quæ de simplicibus corporibus fuerint hīc disputata, ea nō primū, sed tanquā cōducētia ad cōsiderationē de cœlo, adducta esse. Si quidem vt ostēderetur, cœleste corpus nō ex elemētariis cōstare, sed simplex esse, neq; aliquod ex quatuor illis esse, sed quintæ substantiæ, quæ neq; grauitatē, neque leuitatem habeat, vt illa habent, idcirco sermonē de ijs fecisse aiunt, alia quidē graua esse ostendentē, alia leuia, & eapropter quatuor illa in bina reduxisse, leue scilicet, & graue. Horū igitur vnusquisque diuisionē Naturalium librorū Aristotelis sequutus, scopū per se ipsum tradit. Eorū enim alij sunt de naturalibus principijs, quæ rebus naturalibus omnib<sup>9</sup> cōmuniter insunt, velut de materia, & forma, & de motu, loco, & tēpore, deq; Natura ipsa, & quę ipsam cō



sequuntur causis naturalibus. Insuper autē de ijs, quę vidētur quidē inesse naturalibus rebus, cū nō insint, vt de vacuo, de infinito, quorū omnium expositionē liber Physicę auscultationis continet. Cæterū post doctrinā de principijs, quę naturalibus corporib⁹ insunt, oportebat de ipsis corporibus docere. Atq; horū, vt Alexander dixit, alia sunt simplicia, alia composita: atq; simpliciu, aliud perpetuum est, & circulo, alia generationi obnoxia sunt, & rectā feruntur. Ac de his oībus ait huius disciplinę scopū esse, & de Mūdo ipso, qui ex omnibus hisce constituitur. Vt autē alij asseruerint, corporum naturaliu alia sunt perpetua, de quibus est præsens traditio: alia generationi, & corruptioni sunt obnoxia, de quibus doctrinam factur⁹, primū cōmunē de omni generatione & corruptione sermonē fecit: deinde in libris sublimiū, de quibusdam priuatiū peregit. Quę verō in terra sunt, cōposita, alia quidē animata, alia expertia sunt animæ: ac de his quidē ea docent, quę de metallis inscribūtur. Porro animatorū alia sensum habent, & loco mouentur, vt animalia: alia, sensus, & motus sunt expertia, vt plātæ: de quibus libri habētur, qui inscribūtur de plantis. Itē, qui de animalibus, quorū alij communes sunt, vt qui de generatione sunt, & de partibus animaliu: de motu, de communi animaliu gressu, de memoria, de somno & vigilia: alij peculiare sunt cuiq; speciei, velut hystoria animaliu. Cūq; eiusmodi sit horū diuisio, manifestū est, post Physicā auscultationem ex sentētia omniū Aristotelis interpretū, hanc traditionē locandā esse. Siue quis ita inscribat: vt ij, qui de mundo, atq; de simplicibus in eo corporibus hūc appellāt: siue vt ij, qui de perpetuo, atq; circulari corpore. Atq; aduersus Alexandrū, dum ait, Aristotelem hūc sermonem instituisse, & de Mūdo toto, & de simplicibus eius corporibus, hęc dicere cōueniet. Primū, quod vnū esse scopū oporteat totius traditionis, ad vnū primū respiciētī, deinde ad ea, quę singillatim ad id referūtur. Deinde quod non videatur de Mundo in his docere, quemadmodū Plato in Timæo principia Naturalia, materiem, inquam, & formā, & motum, & tempus, atq; communem totius constitutionē tradidit: & per partes, de celestibus, & de sublunaribus docuit: atq; de sublimibus multifariā negotiatur, deq; metallis, & de plātis, atq; animalibus, vsq; ad hominis cōstitutionē, eiusq; partes. At in hoc loco de Mūdo vniuerso pauca admodū dicta fuere, atq; ea oīno, quę illi

eum cœlo ipso essent communia, videlicet quodd sit æternus  
 quodq; magnitudine sit finitus, & quodd sit vnus. Quæ omnia  
 ex inquisitione de cœlo tradebãtur. Cæterũ si quis volet Ari  
 stotelis traditionẽ de Mundo inspicere, dicẽdũ profectò fue  
 rit in omnibus suis libris, de mũdo fuisse negotiatum. Qua  
 propter Nicolaus Peripateticus de oĩbus, quæ in Mũdo sũt,  
 singillatim sermonẽ facit. Sed & Aristoteles ipse libro tertio  
 huius operis, in summa exponẽs quæ in eo proponerẽtur, &  
 in exordio etiã sublimium, neq; vllõ alio in loco de Mundo  
 ait pertractatũ esse, neq; ita de cœlo, vt de Mũdo: quãuis apud  
 eũ vna significatione cœlũ, totum Mundũ comprehendat. Cæ  
 terũ paulò post accõmodatius apponã, quẽ ab ipsomet de  
 his dicũtur. Aduersus alios interpretes adferri potest. Quodd  
 nõ videatur sermo de quatuor elemẽtis, in hoc opere ob ne  
 cessitatẽ, neq; simpliciter ob contẽplationẽ de cœlo propo  
 situs fuisse, quãdo vt alia omittã, ferẽ totius traditionis dimi  
 dium is continet. Sed & post doctrinã de cœlestibus, quã in  
 duobus libris prioribus tradidit, exordiẽs tertiu nõnulla præ  
 fatur, quibus cũ præcedẽtibus cõtinẽtia facit ea, quẽ sequun  
 tur. ostenditq; Naturalẽ scientiã de corporibus esse, tãquam  
 eundem scopum habeant duo libri posteriores. Deinde hæc  
 subiungit. De primo itaq; elemẽto est dictũ, & quale sit Natu  
 ra, & quodd ingenuũ sit, ac incorruptibile: reliquũ nũc est, vt  
 de binis differamus, bina appellãs, grauis, & leuis cõiugatio  
 nes. Atq; in proœmio sublimiũ ita scribit, De primis igitur  
 causis Naturæ, & de omni motu naturali. insuper de astris in  
 summo corpore, quodd cõuertitur, dispositis, atq; etiã de cor  
 poreis elementis, quot, & quẽ sint, ac de illorũ ipsorum vicif  
 situdine, deq; cõmuni generatione, & interitu, iam antẽ dispu  
 tauimus. Quibus manifestũ euadit, vt post sermonẽ de natu  
 ralibus principijs, in præsentĩ opere, inquã: neq; de Mũdo ait  
 disputatũ fuisse, vt inquit Alexander, neq; de diuino corpore  
 solo, vt posteriores interpretes. Nã & de corporibus elemẽ  
 tarib<sup>9</sup> ex proposito differit, quot sũt, & quã naturam habeãt.  
 Quapropter mihi profectò videtur Aristot. in hoc opere, &  
 de cœlo, & de quatuor elemẽtis, quẽ Lunẽ sub sũt, sermonẽ  
 habuisse. Verũ ne scopus sit diuisus, sed ad vnũ quiddã ten  
 dere videatur, dicere oportebit quodd post sermonẽ de princi  
 pijs Naturalibus, quæ sũt corporũ naturalium principia, in  
 hoc opere de simplicibus corporibus differit, quẽ cõtinẽter  
 ex princip

ex principiis illis cōstituuntur, suntq; partes vniuersi. Et primum quidē est cœlū, à quo, tanquam honoratiore, opus totum inscripfit: postmodum de iis, quæ sub Luna sunt, ac reliquorū omnium elementa sunt, corporibus, sermonem facit. De omnibus, inquā, tanquam primis, ac simplicissimis, propterea elemēta appellat non solūm quatuor illa, quæ sub Luna sunt, sed & cœlū ipsum: ait enim, De primo igitur elemēto, quatenus & ipsum corpus est simplex, cū nūquā propriē appellatū fuerit elementū, cœlū ipsum. Cū ex eo nihil constet, atq; elementū id sit, ex quo primo constituitur quippiam, & in quod postremū resoluitur. Quōd si Alexander non dixisset, de Mundo huius operis scopū esse, sed de solis simplicibus corporibus, non dissentiret ab ipso nostra positio. Aut si de Mundo ita ait esse, quatenus de simplicibus omnibus, quæ Mūdo insunt, aut tāquā in cœlo vniuersus Mūdos cōpræhensus sit, vt Iāblichus inquit, nec de omni Mundo, omnibusq; in eo cōpræhensis corporibus, vt scribit ipse, ne tū quidē dissentio. Quēadmodū neq; cū illis cōtrouerfabor, qui aiunt, scopū esse de cœlo, si & illi iuxta sententiā Iāblichī, ita arbitrātur, quatenus à cœlo, & iis, quæ in ipso versantur, dictū sit de elemētis sub Luna locatis. Alexander verò enarrās dictionē, quæ nō multò post principiū sequitur, cuius est initium: De natura igitur vniuersi, apertē in primo libro ait sermonē præcipuē institutū fuisse de Mūdo vniuerso, ac secūdū cōplecti disputationē de cœlo, quēadmodū tertius, & quartus habēt sermonē de quatuor elementis. Quōd autē traditio hæc de primis, ac simplicibus corporibus sit, sequēs Physicā auscultationē, in qua de principiis Naturalibus agebatur, ipsemet ostēdit in exordio duorū librorū præcedentiū, atq; itidē, exordiēs duos sequentes, dū id, velut nos asserimus, se peregisse ostendit, atq; scientiā de Natura circa corpora versari ait, atq; horū passiones, & motus, tāquā primò de simplicibus corporib<sup>9</sup> disputationē facturū: quapropter à cōtinuo, quod corporis est genus, mox initio horum doctrinā orditur: deinde doctrinā de corpore absolutissimā ab eodē initio tradit. Quæcūq; insuper in hisce de Mūdo toto sunt dicta, quōd sit ingenuus, atq; incorruptibilis, & quōd vnus, & quōd finitus, ac æternus, nihilq; extra se relinquens, neq; corpus vllū, neq; vacuū, hæc, inquā, omnia cōpetentia primū cœlo, & per ipsum toti vniuerso, rectē profectò in



his sermonibus, præcipue cælo ipsi ostēdit cōpetere, nō nū-  
quā submonēs, eadē toti inesse. At nō idcirco existimādū est,  
scopū esse, de Mundo, sed de simplicibus corporibus magis,  
quorum primum est cælum, propria bona toti vniuerso im-  
pertiens. Scopus ergo huiusce operis eiusmodi fuerit, quōd  
à præcipua sui parte, atque è qua cætera pendēt, inscriptio-  
nem sortitur. Cæterū ordinem, quo istud sit proponendū,  
& Aristoteles ipse, & eius interpretes post Physicam auscul-  
tationem iure definierunt. Nam siue de simplicibus corpo-  
ribus scopus sit, siue de perpetuo & circulari corpore sim-  
plici, præcedere hunc reliquos libros oportebat, in quibus  
de cōpositis, & generationi, corruptioniq; obnoxiis sermo  
haberetur. Sequi autē oportebat Physicā auscultationē, quæ  
de principiis naturalibus disputat. Porro diuiditur traditio  
hæc in partē, quæ de diuino, ac circulari corpore, quæ duo-  
bus præcedētib<sup>9</sup> libris exponitur: & eā, quæ de elemētis sub  
Luna cōstitutis habetur, et cōtinetur duob<sup>9</sup> sequētib<sup>9</sup> libris.

# DE COELO

## ARISTOTELIS LI-

### BER PRIMVS, IOAN-

### NE ARGYROPYLO BY-

### ZANTIO INTER-

### PRETE.

#### *Argumentum primi libri.*

Atque in primo libro ostendit ex simplicium motuum  
A differētis, quinque simplicia corpora, videlicet corpus  
circularē, & quatuor habentia motum rectum. Quodq; cir-  
cularē corpus neq; sit unū aliquod ex quatuor, neq; ex iisdē  
constitutum sit, sed quinra quæpiā substantia, exempta è nu-  
mero quatuor illorū, atq; iisdē præstantior. Ostendit autem,  
ingenitam hanc, & incorruptilem esse, ex eo quōd genera-  
tiones, & interitus rerum ex contrariis, & in contraria sunt,  
ac circulari corpori nihil est contrarium. Id autē ex eo de-  
clarat, quōd contrariorum, cū contrariæ sint motiones,  
circu

circulari motioni nulla sit contraria. Post hæc consequenter ostendit finitum magnitudine cœlum esse, & in uniuersum fieri non posse, ut sit corpus aliquod infinitū, & magis quòd moueatur. Ostendit insuper quòd unum tantū, & non plures, neq; infiniti multitudine sint Mundi, quibus consequens est, hunc incorruptibilem, & magnitudine finitum, ac numero unum esse, ex omni naturali, ac sensibili corpore constitutum, nullo extra cœlum relicto neq; corpore, neque uacuo. Post hæc repetita disputatione de ingenito, & incorruptibili, ostendit, ingenitum, & incorruptibile, cœlum ipsum, & ea propter Mundum etiam esse: nec genitum quidem, in corruptibile uerò, ut quidam arbitrati sint: neq; ingenitū quidem, corruptibile uerò. Atq; inde rursus ad uniuersalius sermone conuerso, ostēdit quòd sese sequatur generatile, & corruptile: nam si quid generatile sit, est & corruptile, & uiceuersa.

Quid doceat scientia de natura, quòd corpus sit perfecta magnitudo, quòdq; uniuersum perfectum esse necesse sit.

CAPVT I.

Scientia naturalis circa quæ uersetur.



SCIENTIA naturalis, serè plurima, circa corpora, magnitudines, atq; horum affectus, motus ue, & insuper circa principia, quæ sunt substantiæ talis, uersari uidetur: cœrū enim, quæ natura sunt, alia sunt corpora, magnitudines ue, alia cor-

Continuum quid.  
Corp<sup>us</sup> quid.  
Omne hic pro toto, ac perfecto sumitur.

pōra, ac magnitudinem habent, alia principia habentium sunt. Continuum igitur est, quod in diuisibilia semper diuisibile est. Corpus autē est, quod est diuisibile omni ex parte. At magnitudinis ea quidē, quæ ad unum est diuisibilis, lineæ est: ea uerò, quæ ad duo superficies: at ea, quæ ad tria, est corpus: atq; præter has, nulla alia prorsus est magnitudo: propterea quòd ipsa tria omnia sunt, et ter ipsum omni ex parte. Nā ut Pythagorici etiam inquirunt, ipsum omne, ac omnia tribus sunt definita: finis enim, medium, atq; principium,

cipium ipsius omnis numerū habent: hæc autem, trinitatis. Quapropter hoc à natura numero sumpto, perinde atque quadam illius lege, & in deorum sacrificijs celebrandis uti solemus: assignamus insuper & appellationes, hoc modo: duo enim ambo dicimus, & duos ambos, atq; utrosque, non omnes: at de tribus, hanc appellationem dicimus primò: hæc autē ita dicimus, quia sequimur, uti diximus, ipsam sic proficiscentē naturam. Quare cū omnia, omne, atq; perfectū inter sese non differant forma, nisi materia tantum, & hisce de quibus dicuntur, corpus perfectō magnitudinum solum perfectum erit: solum enim istis tribus est definitum: hoc autem est omne: atq; cū sit tribus ex partibus diuisibile, omni ex parte, atq; omnino est diuisibile: cæterarum autem magnitudinum, altera ad unum, altera ad duo est diuisibilis: nam ut numerū subeunt, sic & diuisionis, continuationis uel participes sunt: alia enim ad unum cōtinua est, alia ad duo, alia omni ex parte, atq; omnino est talis. Quæ igitur magnitudinū sunt diuisibiles, eæ continuæ quoq; sunt. At si omnes quoq; continuæ diuisibiles sint, nōdum ex hisce, quæ nunc diximus, patet. Verū illud emer sit, in aliud, inquā, genus ē corpore migrationē non esse: ut ex longitudine in superficiem, & ex superficie fit in corpus: non enim talis perfectō magnitudo, perfecta erit: fiat enim egressio ratione defectionis, necesse est. At perfectū defectionem habere negant: est enim omni ex parte. Eorū igitur corporum, quæ partis subeunt formā, tale est unūquodq; per rationē. omnes enim habēt dimēiones. Attamen id, ad quod est propinquū, tactu est definitum. Idcirco corporū unumquodq; multa quodāmodo est. Ipsum autē omne, ac uniuersū, cuius hæc sunt partes, perfectū esse necesse est: et omni ex parte, atq; omnino, ut nomē ipsum significat, et nō partim esse, partim nō esse.

De



De ipsius igitur uniuerſi natura, ſue ſit magnitudine in-  
finita, ſue tota mole finita, poſterius conſideremus oportet.

Quod præter corpora quatuor ſimplicia, quæ recto  
motu ſeruntur, ſit corpus ſimplex, quod ſuapte na-  
tura circulo conuertitur.

CAP. II.

Corpora na-  
turalia, id eſt,  
res ſenſibiles

Terra mūdi  
medium eſt.

Nunc de partibus ipſius per ſpeciem dicendum eſſe ui-  
detur, hinc exordio ſumpto: omnia namq; corpora na-  
turalia magnitudines ue, mobiles per ſe loco dicimus eſſe:  
naturā enim, principium ipſis inſitū eſſe motus aſſerimus.  
Omnis autem motus ad locū accommodatus, quem lationē  
conſueuimus appellare, aut rectus eſt, aut circularis, aut ex  
hiſce mixtus: ſimplices enim ij duo ſunt ſoli, propterea quod  
et magnitudines hæ ſolū ſimplices ſunt, recta et circula-  
ris. Circularis igitur iſ eſt, qui circa mediū ſit. Rectus autē,  
quo ſurſum itur, atq; deorſum. Atq; eo ſurſum ire dico, quo  
e medio pergitur: eo uerō deorſum, quo ad mediū profici-  
ſcitur. Quare lationum ſimplicium aliam ē medio, aliam ad  
medium, aliam circa medium eſſe neceſſe eſt. Atq; hoc cum  
ratione, ea quæ initio dicta ſunt, ſecutū eſſe uidetur: nam et  
corpus tribus cōſectum eſt, et ipſius etiā motus. Cum autē  
corporum, alia ſimplicia ſint, alia ex hiſce cōpoſita (atq; ea  
ſimplicia dico, quæ motus ſecundū naturā principii habet,  
ut ignē, terram, horumq; ſpecies, et ea, quæ ſunt hiſce pro-  
pinqua) motiones etiā alias ſimplices, alias quodāmodo mi-  
ſtas eſſe neceſſe eſt: ſimplicium quidē ſimplices, cōpoſitorum  
autē mixtas, moueriq; cōpoſita motu eiufce ſimplicis, quod  
in hiſ ipſis dominatur, ac ſuperat. Si igitur ſimplex in ratio-  
ne rerum eſt motus, conuerſo autē motus eſt ſimplex, atq;  
corporis ſimplicis ſimplex eſt motus, et ſimplex motus  
corporis ſimplicis eſt (nā ſi cōpoſiti ſit, per id illi ſimplex  
quod ſuperat competit) ſimplex quippiā eſſe corpus in ra-  
tione

tionem rerum profectò necesse est, quod quidem sit aptū circulari motu suapte natura ferri. Etenim fieri potest, ut ui quippiam eo moueatur motu, qui ad aliud & aliud corpus accommodatur: at ut eo moueatur secundum naturam, fieri nequit, si uniuscuiusq; corporis simplicis unus sit motus ei competens secundum naturam. Si is præterea motus, qui præter naturam est ei, qui secundum naturam est, aduersatur, unumq; uni contrariū est, cum conuersio sit motio simplex, si non secundū naturam ei corpori quod fertur, inest, præter naturam insit eidem necesse est. Si igitur ignis sit quod aduersatur, aut quippiam aliud tale, naturalis ipsius motus conuersioni contrarius erit. At unum uni contrariū est: atque motus ij quibus infera, supera q; loca petuntur, inter sese contrarij sunt. Sin uerò quippiā aliud corpus adsit, quod præter naturam in orbem fertur: erit alius quispiam motus ipsius secundum naturā. At id esse non potest: nam si sit is motus, quo sursum itur, ignis, uel aër erit: sin is quo deorsum acceditur, terra erit uel aqua. At uerò talem lationem, & primum esse necesse est: perfectum enim, imperfectum antecedit natura: atq; circulus quidem perfectū est: linea uerò recta, nulla est sanè perfecta, neq; enim infinita, terminum enim atq; finem haberet: neq; finitarum ulla ratio: est enim quippiam extra omnes, quippe cum fieri possit, ut cuius incrementum addatur. Quare si prior quidem motus corporis sit prioris natura, conuersio uerò prior sit recto, atq; ipse rectus corporum sit simplicium motus (ignis enim loco recto motu supera petit, & terrea corpora eodē ad infera, mediumq; feruntur) & ipsam sanè conuersionem cuiuspiam corporis simplicis esse necesse est: mistorum enim lationem eiusce nutu simplicis fieri diximus, quod in mistione dominatur, ac superat. Ex his igitur patet, aliam quam

dam in ratione rerum corporis substantiā esse, præter eas corporum constitutiones, quæ hic sunt, diuiniorem his uniuersis, atq; priorem. Præterea si motus omnis aut secundum naturam, aut præter naturam est, et qui motuum est cuiuspiā præter naturam, is alij naturalis est, quod quidem intueri licet in hisce motibus, quibus sursum itur, atq; deorsum: alter enim igni, alter terræ secundum naturam, & præter naturam est. Conuersionē etiam cū horū respectu sit præter naturā, alij cuiuspiam competere secundum naturam necesse est. Insuper si conuersio cuiuspiā competit secundū naturam, patet esse quippiam corporum simplicium, atq; priorum, quod quidem sic suapte natura uersatur, ut ignis sursum, et terra deorsum fertur. Si uerò corpora quæ uersantur circa medium, præter naturā feruntur, mirabile sanè, metūq; penitus egredi rationis uidetur, hunc solum motum continuū esse, perpetuum'ue, qui quidem præter naturam illis corporibus inest: in cæteris enim ea, quæ præter naturam sunt, citissimè corrumpi, perireq; uidentur. Quare si ignis sit id, quod uersatur, ut quidam inquirunt, non minus hæc motio præter naturam est ipsi, quā ea, quæ infera loca petuntur: ignis enim eum esse motum uidemus, quo rectā pergitur ē medio sursum. Quapropter ex his omnibus quispiā rationibus corpus quippiam aliud esse crediderit, præter ea corpora, quæ hic & circa nos sunt separatim, tantō præstabiliore habens naturā, quantō plus ab istis corporibus distat.

Corpus simplex, quod circumferri dictum est, neq; graue neque leue esse. Quodq; ingenitum sit, atque incorruptibile, neque augmentum suscipiens, neque decrementum, neque alterationem ullam. CAP. III.

Ponit hic Arist. differētiā inter quintū corpus sim-

**C**um eorum, quæ dicta sunt, alia supposita sint, alia demonstrata, patet non omne corpus leuitatem, aut grauitatem habere. Atq; supponatur quidnam sit id, quod leue,



Et quid id quod graue nuncupamus, oportet, quoad satis  
 est ad usum presentē. Exactius autē rursus dicemus, cum  
 substantiam ipsorum considerandam aggrediemur. Graue  
 igitur id sit, quod aptum est ad medium ferri. Leue id, quod  
 aptum est ē medio ferri. Grauiissimū id, quod sub his omni-  
 bus collocatur, quæ deorsum feruntur. Leuissimū id, quod  
 super omnia collocatur, quæ sursum pergit. Omne autem  
 quod fertur sursum, aut deorsum, aut leuitatem, aut graui-  
 tem habeat, aut utrunq; at non ad idem, necesse est. Ad alia  
 namq; graua sunt, leuiaq; ut aer ad aquam, & aqua ad ter-  
 ram. Corpus igitur id quod uersatur, impossibile est graui-  
 tatem, aut leuitatem habere: fieri enim non potest, ut ipsum  
 aut secundum naturam, aut præter naturam ad medium, aut  
 ē medio moueatur: latio enim recta non competit ipsi na-  
 turæ: nam uniuscuiusq; corporis simplicis una esse latio di-  
 cebatur. Quare erit idem quod ignis, aut ceterorum quip-  
 piam corporum, quæ recto motu cientur. Quod si præter  
 naturam feratur, si ea latio, qua deorsum iit, sit præter  
 naturam, ea sanè qua sursum pergitur, ipsi competit secun-  
 dum naturam: si præter naturam sit ista, secundum naturam  
 illa competit sanè: posuimus enim si cōtrariorum motuum  
 alter est cuiuspiam præter naturā, alterum eidem competere  
 secundum naturam. Cum autem ad idem totum & pars se-  
 cundum naturam feratur, ueluti tota terra, paruaq; gleba:  
 primò quidem sit, ut neq; grauitatem, neq; leuitatē habeat  
 ullā: nam aut ad medium, aut ē medio sanè fieri suapte natu-  
 ra posset. Deinde fieri nequit, ut ipsum moueatur motu ad  
 locum accommodato, aut sursum, aut deorsum subiens de-  
 tractionem: neque enim secundum naturam, neque præ-  
 ter naturam alio motu moueri potest aut ipsum, aut pars  
 ulli: eadem enim est ratio de toto, & parte. Simili mo-

plex quod est  
 cœlū & qua-  
 tuor elemen-  
 ta.

+ 20

+ 18.

+ 20.

q : do

do rationi consentaneum est, & ingenerabile, atq; incorruptibile ipsum esse existimare, neque incrementa, decre-  
 mentaq; suscipere, neque alterationibus subijci posse: pro-  
 pterea quod omne quod generatur, ex contrario, & ex  
 subiecto fit quodam: & identidem quod corrumpitur, sub-  
 iecta materia, & a contrario, & ad contrarium sanè cor-  
 rumpitur, ut primò in sermonibus diximus: contrariarum  
 uerò rerum, & lationes contrariæ sunt. Si igitur nihil huic  
 contrarium esse potest, propterea quod & conuersioni  
 nullus est cōtrarius motus, natura rectè id a contrarijs ex-  
 cepisse uidetur, quod ingenerabile, atq; incorruptibile est:  
 generatio nanq; corruptioq; in ipsis contrarijs est. At ue-  
 rò & id quod accrescit, a propinquo quodam accedente,  
 subeunteq; resolutionem in materiam augetur: hoc autem  
 non habet id, ex quo est ortum. Quod si neq; accrescere,  
 neq; corrumpi potest, eiusdem est profectio senectiæ, & al-  
 terationibus ipsum subijci non posse putare: alteratio enim  
 motio est in qualitate. Qualitatis autem habitus quidem, &  
 dispositio, non sine mutationibus in passionibus fiunt, ut sa-  
 nitas, atque morbus. Quæ uerò naturalium corporum in  
 passionibus mutantur, ea uniuersa incrementa suscipere,  
 decrementaq; uidemus: ut animalium corpora, partesq; ipso-  
 rum, atq; plantarum etiam, & elementorum simili modo.  
 Quare si corpus quod uersatur, neq; incrementa, neq; de-  
 crementa suscipere potest, expers ipsum & alterationum  
 esse, consentaneum est rationi. Patet igitur ex hisce, quæ di-  
 cta sunt, id quod primum est corporum perpetuum esse,  
 & neq; accrescere, neq; decrescere, neq; senescere, neq; al-  
 terationibus, neq; passionibus subijci: si quispiam hisce, quæ  
 sunt supposita, credit. Videtur autem & ratio testis ijs esse  
 quæ apparent, & ea quæ apparent, testes esse etiā rationi.

Omnes

Omnes enim homines de Dijs existimationem habent, & uniuersi qui Deos esse putant, tam Græci, quàm Barbari, ipsum supremum locum Dijs tribuerunt, propterea quòd immortale ad immortale est accommodatum: alio nanque modo est impossibile. Si igitur quippiam est diuinum, quemadmodum & est: ea sanè, quæ de prima corporum substantia dicta sunt, bene, recteq; sunt dicta. Emergit autem hoc & per sensum, respectu fidei humane sufficiens: in toto namq; præterito tempore per traditam successione memoriam posteris, non mutatum ullo pacto fuisse uidetur, aut in toto ultimo coelo, aut in suarum partium ulla. Videtur autem & ipsum nomen usq; ad hoc tempus ab antiquis hæc opinatis, quæ & nos dicimus, successione traditum esse: non enim semel, neque bis, sed infinities easdem opiniones ad nos accedere putare oportet. Quapropter quia primum corpus diuersum quiddam est à terra, igne, aère, atq; aqua: ætherem superum locum appellauerunt, à semper currendo perpetuo tempore posita appellatione. Anaxagoras uerò, hoc nomine abutitur non rectè: pro igne enim ætherem dicit. Patet autem ex dictis, & cur impossibile est numero plura esse ea, quæ simplicia corpora dicuntur: simplicis enim corporis motum simplicè esse necesse est: solus autem motus hosce simplices dicimus esse, circularem, & rectum, & huius duas partes, unam qua à medio, alteram qua ad medium pergitur.

Quòd motui circulari rectus motus non sit cōtrarius, nec diuersorū circularum motus esse contrarios, si ab eisdè signis versus eadè fiāt: & alij itidè qui uidètur. CAP. III.

**N**on esse autem aliam lationem conuersioni contrariam, ex compluribus quispiam sumere fidem potest. Primò quidem, ex eo quia circūflexæ lineæ rectam opponi

Declarauit  
hic Arist. mo-  
tui circulari  
coeli nō esse  
alium cōtra-  
rium motū.



maximè ponimus. Concauum enim, & curuum, non solùm inter sese opposita esse uidentur, sed etiam rectè coniuncta, simulq; sumpta. Quare si qua est contraria latio, eum motum maximè, qui fit super linea recta, conuersioni contrarium esse necesse est. At ij qui super linea recta fiunt, inter sese oppositi sunt ob loca: suprà enim & infrà, differentia loci, atq; contrarietas est. Deinde si quispiam eandem etiam rationem & in recta linea, & in circumflexa, (lationem enim ab A ad B, ei cōtrariam esse dicit, qua à B ad A pergitur) is eam lationem dicit, quæ super linea recta fit: hæc enim finita est: circumflexa autem circa eadem puncta infinite esse possunt. Similiter & in semicirculo uno, uelut à C ad D, & à D ad C: est enim illa, quæ super diametro fit: semper enim unumquodq; per lineam rectam distare ponimus. Similiter res se habet, & si quispiam circulo factò lationem eam, quæ super altero fit semicirculo, ei contrariam posuerit lationi, quæ super altero fit: ueluti toto in circulo eam, qua ab E ad F itur super G semicirculum, ei qua ab F ad E pergitur in semicirculo H. Quòd si & hæc sunt contrariæ, at non eæ sunt ob hoc inter sese cōtrariæ lationes, quæ super toto circulo fiunt. At uerò neq; ea latio circularis, qua B ab A petitur, ei contraria est, qua ab A ad C proficiscitur: ad idem enim hæc ex eodem ea est motio: contraria uerò latio contrarijs est locis definita, à contrario enim ad contrarium itur. Quòd si circularis motio circulari esset contraria, frustra altera esset: ad idem enim fit perfectio per utraq;. Præterea id quod uersatur, à quocunq; signo incæperit, ad omnia similiter accedere cōtraria loca necesse est. Sunt autem loci contrarietates, suprà & infrà, ante & retrò, dextrum & sinistrum. Lationis uerò contrarietates, per locorum sunt cōtrarietates. Si igitur  
 aequal

æqualia essent, motus ipsorum non esset. Si alterum superaret, alter profectò non esset. Quare si utraq; essent frustra, sanè corpus alterum esset, suum non subiens motum: frustra enim calceum eum dicimus esse, cuius usus non est. At Deus & Natura nihil prorsus faciunt frustra.

Differendum esse, an corpus sit infinitum quoddam: quodd nullum sit statuendum infinitum, neq; simplex, neque compositum: quodq; corpus nullum circulo motum infinitum possit esse.

CAP. V.

**V**erùm ubi hæc satis emerferunt, de reliquis consideremus oportet. Atq; primò considerandum est, utrum sit corpus quippiam infinitum, ut complures antiquorum putarunt, an id ipsum unum quid sit eorum, quæ fieri nequeunt: hoc enim, an illo modo res sese habeat, non parum, sed totum ad ueritatis contemplationem utique refert: etenim hoc serè contrarietatum omnium hisce, qui de natura tota aliquid dixerunt, principium, & fuit, & fieri sanè potest: siquidem & paruius exitus à ueritate sit hisce, qui exorbitauerunt, si longè progrediantur, decies millies maior. ueluti si quispiam magnitudinem aliquam minimam dixerit esse: hic enim minima magnitudine introducta, maximas rerum mathematicarum uique dimouebit. Atque huius causa est, principium ui maius, quàm magnitudine esse. Idcirco quod in principio paruum est, id in fine ualde magnum emergit. infinitum autem, & principij uim, & quantitatis maximam habet. Quare non est absurdum, neque egreditur rationem, admirabilem differentiam esse ex infiniti positione, si quispiam iumpserit infinitum corpus in ratione rerum quodpiam esse. Quamobrem à principio repetentes, de ipso dicamus oportet. Omne itaq; corpus, aut simplex, aut compositum esse necesse est. Quare et infinitum

Hic determinat Arist. de finitate uniuersi: secundum magnitudinem

ipsum, aut simplex, aut compositum erit. Atqui patet, si simplicia sint finita, compositum necessario finitum esse: quod enim ex multitudine finitis, ac magnitudine constat, id & multitudine, & magnitudine est finitum: tantum enim erit quanta sunt ea, ex quibus componitur, atque constat. Restat igitur uidere, utrum simplicium quodpiam corporum infinitum magnitudine esse possit, an hoc fieri nequeat. Atque prius hoc de primo corpore ~~uiso~~ pertractato, de reliquis deinceps consideremus. Corpus igitur quod uersatur, necessario omne finitum esse, ex hisce patere potest: nam si corpus quod uersatur, est infinitum, infinita profecto erunt & recte lineae, quae e medio protrahuntur: infinitarum autem interuallum infinitum etiam est. Atque interuallum linearum id dico, extra quod nulla magnitudo tangens lineas sumi potest: hoc igitur infinitum esse necesse est: finitarum enim, interuallum semper finitum erit. Fieri praeterea potest, ut eo maius semper sumatur, quod datum est. Quare eadem ratio est & de spatio: quemadmodum numerum ex eo dicimus infinitum, quia maximus non est. Si igitur fieri nequit, ut in infinito transitus fiat, atque si coelum sit infinitum, interuallum etiam infinitum esse necesse est, fieri profecto non potest, ut ipsum coelum uersetur: at uersari coelum uidemus, rationeque iam definiuimus, conuersionem corporis motionem cuiuspiam esse. Praeterea si a finito tempore finitum tempus abstuleris, & reliquum finitum esse, principiumque habere necesse est: si tempus autem ambulationis principium habet, & motionis etiam principium est: quare & principium magnitudinis eius erit, super qua ambulatio fuit: eadem est & in ceteris ratio. Sit itaque ABC linea, altera ex parte infinita, qua ipsum est C: & rursus alia infinita utraque ex parte, DE. Si igitur ab A centro

circ



circulum linea ABC describat, lineam secans DE, in orbem aliquando lata finito in tempore erit: totum enim tempus, quo uersatum est coelum, finitum est: & id ergo tempus finitum est, quod est ablatum, in quo secans linea ferabatur. Erit igitur principium quoddam, quo primum ABC linea, DE lineam secuit: at esse non potest. Non ergo fieri potest, ut infinitum uersetur: quare neque mundus, si infinitus esset. Præterea ex his patet etiam fieri non posse, ut infinitum motu sit agitatum. Sit enim linea A, quæ propter B lineam feratur, finita, inquam, propter finitam. Simul igitur A lineam à B, & B ab A absolutam fore, necesse est: quantum enim alterius altera occupabit, tantum illius & altera occupabit. Si igitur ambæ in contrarium moueantur, citius absoluentur: si in altera prope manentem alteram moueatur, tardius, si modo eadem quod prope illam mouetur, celeritate feratur. Verum illud est manifestum, fieri non posse ut finito in tempore quicquam transeat in infinitum: transibit ergo in tempore infinito: hoc enim est demonstratum prius in hisce, quæ de motu sunt pertractata. Nihil autem interest, finita prope infinitam feratur, an infinita prope finitam: nam cum hæc prope illam mouetur, & illa per hanc transire uidetur. Similiter, & si moueatur, & si non moueatur. Verum si moueantur ambæ, citius absoluentur: quanquam nihil prohibet eam interdum, quæ prope quiescentem mouetur, citius quam eam, quæ fertur, contra transire, si quispiam eas quidem, quæ contra mouentur, utrasque ferri tardè posuerit: eam uerò quæ prope quiescentem mouetur, multò celerius illis ferri. Nullum igitur rationi prorsus impedimentum asseretur, si prope quiescentem altera moueatur, cum fieri possit, ut A si prope B lineam moueatur, motionem & ipsam etiam subeuntem

tardius transeat, uti diximus. Si igitur id infinitum est tempus, quo finita subiens motum absoluitur, et id sanè quo infinita finitam transiit, infinitum esse pari ratione necesse est.

Ut infinitum ergo sit motum, minime fieri potest: nam tempus fiat infinitum necesse est, etiam si per minimum fuerit motum. At cœlum tempore finito uersatur, totamque fertur in orbem. Quare totam eam transit circumferentiam, que est intus, seu  $AB$  finitam. Impossibile est ergo id infinitum esse, quod subit conuersionem. Præterea ut esse non potest linea infinita ex ea parte quæ finis est, nisi ad longitudinem sine careret, sic et superficies infinita esse non potest ex ea parte quæ finis est. Cum uero fuerit terminata, nulla ex parte est infinita: quadratū enim aut circulum, aut spheram infinitam esse non dixeris, quemadmodum neque lineam bipedalem. Si igitur neque sphaera, neque circulus, neque quadratum est infinitum, atque si circulus non est, conuersio non erit, et si infinitus non est, infinita non erit, si ipse circulus infinitus non est, uersari profectò corpus infinitum non potest. Præterea si  $C$  sit centrum,  $AB$  uero sit infinita, et  $E$  sit recta ad rectos angulos infinita, et insuper infinita sit  $CD$  subiens motum, nunquam ipsa  $CD$  ab  $E$  linea absoluetur, sed semper perinde atque  $AB$  linea, sese habebit: secatur enim in ipso  $F$  puncto: non ergo infinita uersatur. Insuper si cœlum est infinitum, atque uersatur, infinitum profectò finito tempore pertransibit. Sit enim cœlū quidem quod manet, infinitum: id autem quod in hoc mouetur, æquale. Quare si uersatum fuerit, cum sit infinitum, æquale sibi infinitum tempore finito transibit: at hoc esse, impossibile dicebatur. Atqui dicere contrā etiam licet, cum finitum sit id tempus, in quo est uersatum, magnitudinem quoque finitam esse necesse est eam, quam conuer-

sione

etiam finitum  
pertransibit.

ione transiit. At æquale sibi conuersione transiit : & ipsum ergo coelum finitum est. Corpus igitur id, quod uersatur, exitu non uacare, nec infinitum esse, sed finem habere : ex hisce iam, quæ diximus, patuit.

Quòd nullum corpus sensibile simplex sit infinitum : quodq; mundus infinitus non sit.

CAP. VI.

**A**T uerò neq; id, quod è medio, neq; id quod ad mediū fertur, in finitionem subibit : lationes enim eas, quibus sursum itur, atq; deorsum, contrarias esse constat : contrarijs autem, contraria loca petuntur. Atq; contrariorum si alterum definitum est, & alterum definitum erit : medium uerò est definitum. Nam si undens deorsum feratur id, quod sub omnibus collocatur, fieri non potest ut ultra medium ipsum progrediatur. Cum igitur medium sit definitum, & superum locum definitum esse necesse est. Quòd si loca sunt definita atq; finita, & corpora sanè erunt finita. Præterea si superus, ac inferus locus est definitus, & id quod est inter hæc, definitum esse necesse est : nam si definitum non est, motus infinitus erit profectò : hoc autè impossibile esse antea demonstrauius : ergo medium ipsum est definitum. Quare & id corpus definitum est sanè, quod in hoc est, aut fore potest. At id corpus, quod sursum, & deorsum fertur, in hoc fore potest : aliud enim è medio, aliud ad medium ferri suapte natura potest. Ex his igitur patet, corpus infinitum in ratione rerum esse non posse. Et insuper si pondus non sit infinitum, neq; quicquam horum corporum infinitum esse profectò potest : infiniti namq; corporis pondus, infinitum esse necesse est. Eadem fuerit ratio & de corpore leui : nam si est grauitas infinita, est & leuitas infinita, si id est infinitum, quod super omnia eminet. Quod quidem ex hisce patere potest. Sit enim finitum.

Hic ostendit Arist. nullum corpus rectè motum esse infinitum.



nitum, atq; sumatur infinitum quidem corpus  $AB$ : pondus autem ipsius  $C$ : ab infinito igitur magnitudo finita auferatur  $BD$ : atq; pondus ipsius sit  $E$ : ipsum igitur  $E$  pondus minus erit ipso pondere  $C$ : minoris enim magnitudinis pondus minus nimirum est. Minus itaq; pondus, maius mensuret numero aliquo repetitum: itaque ut minus sese habet ad maius, ita  $BD$  sese habet ad  $BF$  magnitudinem: fieri enim potest, ut quantavis ab infinita auferatur. Si igitur magnitudines similitudinem rationum subeunt cum ponderibus, & minus pondus minoris est magnitudinis, maius etiam magnitudinis erit maioris: aequale ergo finiti pondus erit, ac infiniti. Si maioris præterea corporis maius est pondus, ipsius  $BD$  pondus maius erit pondere corporis ipsius  $BF$ : quare finiti pondus, maius erit pondere infiniti: inæqualium etiam magnitudinum idem fuerit pondus, finitum enim ac infinitum, inæqualia esse constat. Nihil autem interest, commensurabilia ipsa pondera, an incommensurabilia sint: etenim eadem erit ratio, si incommensurabilia sint. Veluti si  $E$  pondus mensurans  $C$  pondus ter repetitum exuperet: nam si tres totæ magnitudines  $BD$  sumantur, pondus ipsarum maius erit pondere  $C$ : quare idem eveniet impossibile. Præterea fieri potest, ut commensurabilia ipsa sumantur: nihil enim interest à pondere, an à magnitudine initium fiat. Velut si  $E$  pondus commensurabile sumatur ipsi ponderi  $C$ , atq; ab initio ea magnitudo auferatur, quæ habet ipsum  $E$  pondus, seu  $BD$ : deinde aliam fuerit alia magnitudo seu  $BF$ : ad quam ita  $BD$  magnitudo se habet, ut pondus se habet ad pondus: fieri enim potest, ut si magnitudo  $AB$  sit infinita, quantavis ab ea magnitudo auferatur. His enim sumptis, tam magnitudines quam pondera inter sese sanè commensurabilia erunt. At uerò nihil ad demonstrationem

etiam plus  
bus.

tionem etiam refert, similis ipsa magnitudo ponderis, an dissimilis sit: semper enim equalis corpora ponderis, magnitudinis ipsius B D ponderi quotquotius ab infinito sumere, aut auferendo, aut addendo licet. Quare patet ex his quae diximus, corporis infiniti pondus finitum non esse: erit igitur infinitum. Quod si hoc esse non potest, nec infinitum quicquam in ratione rerum corpus etiam esse potest. Atqui pondus infinitum quid in ratione rerum esse non posse, ex hisce patere potest. Si enim tantum pondus per tantum spatium hoc in tempore motu cietur, tantum et insuper in minore sane mouebitur. Atque tempora rationem eam quam habent pondera, contra sane habebunt: ueluti si dimidium pondus hoc in tempore mouetur, duplum in dimidio huiusce mouetur. Praeterea pondus finitum omne, finitum spatium finito quodam in tempore transit. Quae cum ita sint, si quodpiam pondus sit infinitum, moueatur ipsum, et non moueatur necesse est: moueatur enim necesse est, quo tantum est quantum finitum: et insuper non moueatur rursus necesse est, quo excessum quidem ratione ipsum moueri oportet: contraque maius in minore moueri. Ratio uero infiniti nulla est ad finitum: temporis autem minoris, est ad maius tempus finitum, sed in minore semper: minimum autem non est. Neque si esset, utilitas ulla esset: sumptum enim fuisset quippiam finitum maius in eadem ratione, in qua respectu temporis infinitum ad minus esset. Quare equali in tempore, per spatium equale finitum ac infinitum utique moueretur: at fieri non potest. At necesse est, si infinitum quantoties finito tamen tempore moueatur, aliud etiam pondus finitum in hoc eodem per spatium finitum quoddam moueri. Impossibile est ergo pondus infinitum esse, et similiter leuitatem. Et corpora ergo infinitum pondus habentia, leuitatem uel in ratione

nitum, atq; sumatur infinitum quidem corpus  $AB$ : pondus autem ipsius  $C$ : ab infinito igitur magnitudo finita auferatur  $BD$ : atq; pondus ipsius sit  $E$ : ipsum igitur  $E$  pondus minus erit ipso pondere  $C$ : minoris enim magnitudinis pondus minus nimirum est. Minus itaq; pondus, maius mensuret numero aliquo repetitum: itaque ut minus sese habet ad maius, ita  $BD$  sese habet ad  $BF$  magnitudinem: fieri enim potest, ut quantavis ab infinita auferatur. Si igitur magnitudines similitudinem rationum subeunt cum ponderibus, et minus pondus minoris est magnitudinis, maius etiam magnitudinis erit maioris: aequale ergo finiti pondus erit, ac infiniti. Si maioris præterea corporis maius est pondus, ipsius  $BD$  pondus maius erit pondere corporis ipsius  $BF$ : quare finiti pondus, maius erit pondere infiniti: inæqualium etiam magnitudinum idem fuerit pondus, finitum enim ac infinitum, inæqualia esse constat. Nihil autem interest, commensurabilia ipsa pondera, an incommensurabilia sint: etenim eadem erit ratio, si incommensurabilia sint. Veluti si  $E$  pondus mensurans  $C$  pondus ter repetitum exuperet: nam si tres totæ magnitudines  $BD$  sumantur, pondus ipsarum maius erit pondere  $C$ : quare idem eveniet impossibile. Præterea fieri potest, ut commensurabilia ipsa sumantur: nihil enim interest à pondere, an à magnitudine initium fiat. Veluti si  $E$  pondus commensurabile sumatur ipsi ponderi  $C$ , atq; ab initio ea magnitudo auferatur, quæ habet ipsum  $E$  pondus, ceu  $BD$ : deinde aliam fuerit alia magnitudo ceu  $BF$ : ad quam ita  $BD$  magnitudo se habet, ut pondus se habet ad pondus: fieri enim potest, ut si magnitudo  $AB$  sit infinita, quantavis ab ea magnitudo auferatur. His enim sumptis, tam magnitudines quam pondera inter sese sane commensurabilia erunt. At uerò nihil ad demonstra-

tionem



tionem etiam refert, similis ipsa magnitudo ponderis, an dissimilis sit: semper enim equalis corpora ponderis, magnitudinis ipsius B D ponderi quotquotius ab infinito sumere, aut auferendo, aut addendo licet. Quare patet ex his quæ diximus, corporis infiniti pondus finitum non esse: erit igitur infinitum. Quod si hoc esse non potest, nec infinitum quicquam in ratione rerum corpus etiam esse potest. Atqui pondus infinitum quid in ratione rerum esse non posse, ex hisce patere potest. Si enim tantum pondus per tantum spatium hoc in tempore motu cietur, tantum et insuper in minore sane mouebitur. Atque tempora rationem eam quam habent pondera, contra sane habebunt: ueluti si dimidium pondus hoc in tempore mouetur, duplum in dimidio huiusce mouetur. Præterea pondus finitum omne, finitum spatium finito quodam in tempore transit. Quæ cum ita sint, si quodpiam pondus sit infinitum, moueatur ipsum, et non moueatur necesse est: moueatur enim necesse est, quo tantum est quantum finitum: et insuper non moueatur rursus necesse est, quo excessum quidem ratione ipsum moueri oportet: contraque maius in minore moueri. Ratio uero infiniti nulla est ad finitum: temporis autem minoris, est ad maius tempus finitum, sed in minore semper: minimum autem non est. Neque si esset, utilitas ulla esset: sumptum enim fuisset quippiam finitum maius in eadem ratione, in qua respectu temporis infinitum ad minus esset. Quare equali in tempore, per spatium æquale finitum ac infinitum utique moueretur: at fieri non potest. At necesse est, si infinitum quantoties finito tamen tempore moueatur, aliud etiam pondus finitum in hoc eodem per spatium finitum quoddam moueri. Impossibile est ergo pondus infinitum esse, et similiter leuitatem. Et corpora ergo infinitum pondus habentia, leuitatem uel in ratione

tione rerū esse non possunt. Patet igitur corpus infinitum  
 non esse, & si hoc modo contemplatio de ipso fiat per ra-  
 tiones particulares, & si uniuersaliter consideretur, non  
 solum per rationes eas, quæ in sermonibus de principijs à  
 nobis sunt dictæ. Determinatum est enim & illo in loco de  
 infinito uniuersaliter prius, quomodo est, & quomodo nō  
 est: sed etiam nunc, alio modo. Post hæc autem considera-  
 dum est, si infinitum quidem uniuersum corpus non sit, tan-  
 tum tamen sit, ut plures sint cœli. Forsitan enim hoc quis-  
 piam dubitauerit, nihil ob stare ut hic, qui nos circūdat mun-  
 dus, est constitutus, sic & plures alios esse cœlos, plures  
 quidem uno, non tamen infinitos. Prius autem uniuersali-  
 ter de infinito dicamus. Omne itaq; corpus, aut finitum aut  
 infinitum esse necesse est: & si infinitum est, aut similiū,  
 aut dissimiliū partium esse: & si dissimiliū partium est,  
 aut ex finitis specie, aut ex infinitis constare. Patet igitur  
 ex infinitis constare non posse, si quispiam nobis primas  
 suppositiones manere sinat: nam si primi motus finiti sint,  
 species quoq; simplicium corporum finitas esse necesse est.  
 Etenim simplicis quidem corporis motio, simplex est: sim-  
 plices autem motiones, finitæ sunt: atq; omne naturale cor-  
 pus, motionem habere necesse est. At uerò si infinitum ex  
 infinitis erit, & quanq; partiū infinitam esse necesse est: di-  
 co autē aquam, uel ignē. At hoc esse non potest: demonstra-  
 tum est enim neq; pondus, neq; leuitatē in ratione rerū infi-  
 nitam esse. Præterea loca quoq; ipsarum, magnitudine infi-  
 nitæ esse necesse est: quare & motus omnium infinitos esse:  
 hoc autem esse nequit, si primas suppositiones posuerimus  
 ueras esse, & neq; id quod deorsum, neq; id quod sursum  
 fertur, in infinitum moueri possit: impossibile est enim fieri  
 id quod ortum subire non potest, tam in qualitate, quam in  
 quant

quantitate, quàm etiam in ubi. Dico autem hoc pacto: si impossibile est album quippiam fore, aut pedale, aut in Aegypto esse, & fieri quicquam horum impossibile est: impossibile est igitur & illuc etiam quicquam ferri, quò nulum corpus peruenire potest subiens lationem. Præterea & si seiuncta sunt, non minus tamen disce, qui est ex omnibus ignis, infinitus esse potest. At corpus est id, quod omni ex parte dimensionem habet. Quare quò fieri potest, ut plura quidem sint dissimilia, unumquodque autem ipsorum sit infinitum? omni enim ex parte, quodque infinitum esse oportet. At uerò neque similitum partium, infinitum esse potest: primò enim non est alius præter hos motus: horum igitur unum habebit. Quò si hoc concedatur, eueniet sanè gravitatem, aut leuitatem infinitam in ratione rerum esse. Atqui impossibile est id quod uersatur, infinitum esse: fieri enim non potest, ut infinitum ipsum uersetur: nihil enim interest, hoc, an cælum infinitum esse dicatur. Hoc autem demonstratum est impossibile esse. At uerò fieri omnino non potest, ut infinitum subeat motum: aut enim secundum naturam, aut ui, motu ciebitur. Atque si ui moueatur, est ipsius profectò & secundum naturam motus. Quare & locus proprius alius erit, ad quem ipsum suapte natura ferretur: at hoc impossibile esse constat.

Quòd infinitum à finito pati non possit, neque finitum ab infinito finito tempore: nec infinitum ab infinito aliquo tempore infinitum non mouet.

CAP. VII.

**O**mnino autem fieri non posse, ut infinitum à finito patiatur, aut in quippiam finitum agat, ex hisce patere potest. Sit enim infinitum quidem A, finitum autem B, & tempus in quo finitum mouit, ac infinitum est motum, C. Si

igitur

Hic declarat Arist. nullum corpus sensibile esse infinitum ex parte actionis & passionis.



igitur ipsum A calefactum est, aut pulsum à B aut aliud quippiam passum in tempore C: sit D ipso B minus, atque minus equali in tempore moueat minus: sit autem E ab ipso D alteratum. Quod igitur D est ad B, id ipsum E ad finitum aliquod erit, puta F. Atque alterare ponatur, æquale quidem equali in tempore æquale, minus autem in equali minus, & maius etiam maius, atque tantum sanè quantum ratio flagitabit, quam habet maius ad minus. A nullo ergo finito, ullo in tempore mouebitur infinitum: minus enim aliud equali in tempore à minore mouebitur, ad quod id quod rationem subit, finitum nimirum erit: infinitum enim ad finitum nullam rationem subire potest. At uerò neque infinitum ullo in tempore finitum mouebit. Sit enim infinitum quidem A, finitum uerò B, tempus autem C. Igitur D in C tempore minus B ipso mouebit. Sit illud F: atque quam rationem B totum habet ad F, eam habeat E ad D: ergo E mouebit ipsum B F in tempore C: finitum ergo & infinitum equali in tempore alterabunt. At fieri non potest: supponebatur enim maius, minore in tempore alterare: atque tempus sumptum idem faciet semper: quare nullum erit tempus, in quo mouebit. At uerò fieri non potest, ut tempore infinito moueat, aut etiam moueatur: finē enim non habet: actio autem, atque passio, habent. Atqui neque fieri potest, ut infinitum ab infinito aliquid patiat. Sit enim tam A quam B infinitum, CD autem tempus, in quo passum est B ab A: pars igitur infinite, quæ est E, quoniam totum B fuit passum, non equali tempore passa est idem: supponatur enim minus, tempore minore moueri: sit E motum ab A in tempore DE: quod igitur est ipsum FD ad CD, id est ipsum E ad quippiam finitum ipsum B: hoc igitur ab A in CD tempore motum esse necesse est.

Suppon

Supponatur enim ab eodem in maiore tēpore atq; minore  
maius minus'ue pati, quæ quidem diuisa sunt per temporis  
rationem. Nullo ergo tempore finito, infinitum ab infinito  
moueri potest: in infinito ergo. Sed infinitum quidem tem-  
pus finem non habet, id autem quod est, motum habet. Si  
igitur omne sensibile corpus actiuam, aut passiua, aut utran-  
que potentiam habet, impossibile est corpus infinitum, sen-  
sibile esse. At uerò quæ corpora etiam sunt in loco, omnia  
sensibilia sunt. Non ergo corpus ullū extra coelum infinitū  
erit. At neque etiam finitum. Nullum ergo corpus omnino  
est extra coelum: nam si intelligibile sit, erit sanē in loco:  
extra enim, & intus, locum significat: quare sensibile cor-  
pus erit: sensibile autem nullum, est non in loco. Licet etiam  
& rationes asserre, ad artificem differendi magis accom-  
modatas. Neq; enim uersari potest infinitum, si sit similium  
partium, quippe cū non sit medium infiniti: id uerò quod  
uersatur, circa medium moueatur, neq; rectā moueri: oportet  
enim alium tantū infinitum esse locū, ad quem suapte  
natura mouebitur, & alium item tantum, ad quem præter  
naturam feretur. Præterea siue naturā motum habeat rectē  
pergendi, siue ui moueatur: utroq; profectō modo mouētes  
uires infinitas esse oportet. Vires enim infinite sunt infini-  
ti, & infiniti uires sunt infinite. Quare & id, quod mouet,  
infinitum esse necesse est. Est autem in hisce quæ de motu  
sunt dicta, ratio quædam, qua demonstratur nihil finitorum  
potentiā infinitam, neq; quicquā infinitorum finitā habere.

Si igitur id quod secundum naturam mouetur, & præter  
naturā moueri potest: erunt infinita duo, id, inquit, quod sic  
mouet, & id quod mouetur. Præterea, quid est id quod in-  
finitum mouet: nam si ipsum seipsum mouet, animatum erit  
profectō: hoc autem, quonam pacto infinitum animal esse

r

potest?

*+ pot in  
finity*

potest? Sin aliud quippiam est, duo erunt infinita profecta: id id, inquam, quod mouet, & id quod mouetur, forma potentiaq; diuersa. Si uniuersum autem non sit continuum, sed ut Democritus dicit, ac Leucippus, corpora uacuo sint distincta, unum omnium esse motum necesse est: sunt enim figuris distincta. Naturam autem ipsorum unam inquirunt esse, perinde atq; si quodque separatum aurum esset: horum autem, uti dicimus, eundem esse motum necesse est: quò nana que una gleba fertur, eò & uniuersa terra mouetur: & totus ignis atq; scintilla, eundem ad locum feruntur. Quare si cuncta pondus habent, nullum corpus leue simpliciter erit: si cuncta sunt leuia, nullum erit particeps grauitatis. Præterea si pondus habent, uel leuitatē, aut ultimum quid uniuersi, aut medium erit: hoc autem esse nequit, quippe cū sit infinitum: omnino autem ubi medium non est, aut ultimum, neq; hoc quidem est supra, hoc autem infra: & nullus lationis locus corporibus erit. At hic si non sit, motus non erit: moueantur enim aut secundum naturam, aut præter naturam, necesse est: hæc autem definita sunt proprijs, alienisq; locis. Præterea si ubi præter naturam manet quippiam, aut quò fertur, illum alij locum cuiquam competere natura necesse est, quod quidē ex inductione patere potest. Non omnia sanē pondus, aut leuitatem habere, sed quædam habere, quædam non habere necesse est. Vniuersi igitur corpus infinitum non esse, ex his quæ diximus, patet.

Si plures sint mūdi, necesse esse ex corporibus similis naturæ consent. Quodq; non sint plures. Et quò sit necesse rerum sensiliū loca finita esse & determinata. CAP. VII.

**N**unc autem dicamus, cur & plures esse cœli non possunt: hoc enim considerandum diximus esse, si quippiam demonstratum esse de corporibus uniuersaliter non putet,



putet, extra mundum hunc nihil ipsorum esse posse, sed ser-  
monem dictum esse duntaxat existimet de hisce corpori-  
bus, quæ indefinitè ponuntur. Omnia itaque corpora &  
ui & natura, & manent, & etiam mouentur: atque quo in  
loco non ui manent, ad eum secundum naturam feruntur:  
& ad quem non ui feruntur, in eo manent natura: quo ue-  
rò in loco ui manent, ad eum & ui sanè feruntur: & ad  
quem ui feruntur, in eo ui quoque manent. Præterea si hæc  
latio ui fit, contraria competit secundum naturam. Atq; si  
ad hoc medium illinc ui terra feretur, hinc illuc secundum  
naturam feretur. Et si hîc terra non ui manet, & huc natu-  
ra sanè feretur. Vnum enim eum motum, qui secundum na-  
turam competit, esse constat. Præterea mundos uniuersos  
ex eisdem corporibus constare, cum sint eiusdem nature,  
necesse est: corporum etiam unumquodque potentiam ean-  
dem habere necesse est: ut terram, ignem, & ea quæ inter  
hæc collocantur. Nam si hæc solo conueniunt nomine, &  
non forma eadem, ea quæ illic & hîc sunt, dicuntur, uni-  
uersum quoque nomine profectò tantum mundus dicitur.  
Patet igitur ipsorū aliud è medio, aliud ad medium aptum  
esse suapte natura ferri, si ignis omnis eiusdem est formæ,  
& unumquodq; etiam cæterorum, quemadmodum & eæ  
partes ignis quæ hoc in mundo sunt. Hec autem ita sese ha-  
bere necessariò, ex suppositionibus hisce patet, quas de mo-  
tibus prius attulimus. Nam & motiones finitæ sunt, & u-  
numquodq; elementorum per unumquench motuum dis-  
citur. Quare si motiones eadem sunt, & elementa sint ea-  
dem ubiq; necesse est. Partes igitur terræ, quæ in alio mun-  
do sunt, ad hoc medium aptæ sunt ferri. Et ignis etiam qui  
est ibi, ad hoc ultimum ferri suapte natura potest. At  
impossibile est: si enim hoc eueniat, sursum quidem ter-

ram suo in mundo, ignem autem ad medium ferri necesse est. Simili modo et terram quæ est hic, è medio secundum naturam ferri; medium illius mundi petentem necesse est, propterea quod mundi inter sese talem habent positionem.

Aut enim ponendum non est eandem corporum naturam simplicium in cælis pluribus esse: aut si eandem esse ponamus, ipsum medium unum, et ultimum itidem unum facimus necesse est: quod si hoc absurdum eueniat, uno plures esse mundos impossibile est. Censere autem aliam simplicium esse naturam, si minus aut plus à proprijs locis distent, metas egreditur rationis: quid enim refert tanta longitudine, an tanta distent? Differunt enim tantò ratione magis, quantò plus distant: formas autem eandem habent. At uerò motum ipsorum aliquem esse necesse est: patet enim ipsa moueri. Omnibus ne igitur motibus ui moueri, contrarijsq; dicemus? At quod omnino moueri aptum non est, id ut ui moueatur, fieri nequit. Si igitur est quispiam motus ipsorum secundum naturam, et eorum sane quæ sunt eiusdem formæ, et singulorū ad unum numero locum, ad hoc, inquam, medium, et ad hoc ultimum, motionem esse necesse est. Si uerò ad eadem specie, plura autem numero motus ipsorum sit, propterea quod et singula plura quidem sunt, specie uerò non differunt: non huic quidem partium tale, huic autem non tale, sed similiter omnibus idem accommodabitur: eadem enim omnes inter sese specie constat esse, numero uerò quamuis à quauis differre. Hoc autem ideo dico, quia partes quæ hinc sunt, et partes quæ in altero modo sunt, inter sese similiter habet: et ea quæ hinc est sumpta, nullam differentiam ad earum partium ullam habet, quæ in alio et in eodem sunt modo, sed eodem se habent ad omnes: quippe cum inter sese non differant forma.

Quare

Quare aut hæc suppositiones mouere, aut medium unū  
 & ultimum unum esse necesse est. Quod si sit, & cælum  
 his eisdem profecto signis, eisdemq; necessitatibus unum so-  
 lum, & non plures esse necesse est. Esse autem quippiam,  
 quò ferri terra est apta, ac ignis, ex ceteris etiam patet: o-  
 mnino enim id, quod mouetur, ex quopiam in quippiam  
 mutatur. Atque hæc ex quo, inquam, & in quod, specie dif-  
 ferunt: omnis autem mutatio, finita est sanè. id enim quod  
 sanatur, ex morbo it ad sanitatem: & id quod accrescit, è  
 quantitate parua ad magnam accedit: & id ergo quod fera-  
 tur, legem eandem subiit: etenim hoc ex loco in locum eun-  
 do fit. Id ergo ex quo, & id ad quod aptum est ferri, spe-  
 cie differre oportet: quemadmodum id quod sanatur, non  
 quò uis sine ullo discrimine pergit, neque quò uult, is qui  
 mouet. Et ignis ergo, & terra, non in infinitum, sed in op-  
 posita sanè feruntur: supra autem & infra, sunt ea quæ in  
 loco subeunt oppositionem. Quibus efficitur, ut hæc la-  
 tionis sint fines: nam & conuersio, opposita quodammodo  
 habet ea, quæ per diametrum distant: toti uerò non est con-  
 trarium quicquam. Quare & ex hisce motio quodammo-  
 do in opposita fit, atque finita. Si igitur quispiam exitus,  
 & non sine fine ferantur necesse est. Non ferri autem hæc  
 in infinitum, signum etiam hoc esse uidetur: terra nanque  
 & ignis quò propinquiora sunt locis suis, illa quidem me-  
 dio, ignis uerò supero loco, eò celerius porrò feruntur.  
 Quòd si infinitus esset superus locus, infinita nimirum &  
 celeritas esset: & si celeritas infinita esset, & grauitas etiā  
 & leuitas infinita esset. Nam ut id quod inferius pergeret,  
 celeritate differens, grauitate celere esset: sic si infinita esset  
 huius accretio, & incrementum sanè celeritatis infinitum  
 etiam esset. At uerò neque ab alio, neque ui (ut quidam



inquirunt) extrusum, sursum alterum ipsorum, deorsum alterum fertur: tardius enim maior ignis sursum, & maior terra deorsum utique moueretur: nunc autem contrarium fit: ignis enim maior, & terra etiam maior celerius semper proprium locum petit. Neque porro celerius prope finem pergerent, si vi, extrusioneque mouerentur: omnia namque que ita mouentur, cum longius ab eo quod uim attulerit, distant, tardius sane feruntur: atque unde vi pulsa sunt, illuc non vi, sed suo pte nutu feruntur. Quare fides ex hisce sumi de hisce, de quibus loquimur, satis potest. Præterea, per rationes etiam, quæ ex prima philosophia adduci possunt, & ex ipsa cōuersione, quam quidem hic similiter & in cæteris mundis perpetuam esse necesse est, hoc idem demonstrari profectò potest: fuerit insuper manifestum cœlium necessariò unum esse: & si hoc considerabimus modo. Nam cum tria sint elementa corporea, tria nimiarum & loca elementorum erunt. Atque unus quidem locus, corporis eius erit, quod sub omnibus collocatur, qui quidem circa medium est. Alius autem eius, quod orbe feratur, qui quidem ultimus est. Et tertius eius, quod est medium corpus, qui quidem inter hæc loca medius est: in hoc enim id esse corpus necesse est, quod eminet leuitate: nam si in hoc non est, extra collocabitur sanè: at fieri non potest. aliud enim pondere caret: aliud pondus habet.

Locus autem eius corporis, quod pondus habet, inferior est, si is qui est in medio, grauis est corporis locus.

At neque præter naturam in hoc est loco: competet enim alijs secundum naturam: at nullum est aliud corpus in ratione rerum, ut patuit. In ipso ergo medio qui est inter dicta loca hoc esse necesse est. Huius autem ipsius quænam sint differentię, posterius explicabimus. De corpore

res igitur elementis quæ nam, & quot sunt, & quis cuiusque locus, & quot insuper sunt multitudine ipsa loca, ex his quæ diximus, patuit.

Non solum non esse plures mundos, sed & fieri non posse ut sint plures. Cælum ex omni sensibili materia constare. Non contingere extra cælum corpus ullum factum esse.

CAP. IX.

**D**icamus autem deinceps oportet, mundum non solum unum esse, sed etiam plures esse non posse, & insuper perpetuum esse, cum neque corruptionem, neque generationem subire possit, primò dubitatione de ipso alata: nã si hoc pacto considerauerimus, impossibile esse uidebitur unum ipsum ac solum esse: uniuersis enim rebus, quæ aut à natura, aut ab arte sunt factæ, aliud est ipsa per se ipsam forma, & quæ est cum materia mixta: ceu sphaera forma alia est & aurea, atque enea sphaera: & circuli ruralis alia est ipsa forma, & aeneus circulus, ligneus uero: sphaerae namque quidditatem, aut circuli assignantes, non aurum, non æs in ratione dicemus, quippe cum hæc substantiæ hisce non sint. Si uero aeneam, aut auream sphaeram dicemus, etiam si præter singulare quicquam aliud intelligere, aut sumere non possumus: interdum enim ut hoc accidat, nihil obstat, ueluti si solus unus circulus fuerit sumptus: non minus enim aliud esse circuli, & huius circuli erit: & illud quidem forma, hoc autem in materia forma erit ac singulare. Cum igitur cælum sensibile sit, singulare erit perfectio: sensibile enim omne, in materia est: si singulare autem est, aliud esse huiusce cæli, & cæli simpliciter erit. Est ergo aliud, hoc cælum, & simpliciter cælum: atque hoc est ut species, atque forma, illud ut cum materia mixtum. Quorum autem forma quedam, & species est, eorum aut sunt, aut esse plura singulariter possunt.

Hic probat Aristoteles impossibile esse plures esse mundos.

Nam si sint, ut quidam inquit, formæ, hoc accidere sanè  
 necesse est. Sin nihil sit talium separatim, non minus idem  
 euenire necesse est: in omnibus enim hisce quorum substan-  
 tia in materia est, plura esse & infinita ea, quæ sunt eius-  
 dem speciei, uidemus. Quare aut plures sunt coeli, aut plu-  
 res esse profectò possunt. Ex his igitur quispiam existi-  
 mauit, & esse plures coelos, & etiam esse posse. Consi-  
 derandum autem rursus est, quid nam horum dicitur rectè,  
 & quid non rectè. Aliam igitur esse formæ rationem <sup>etiam</sup>  
 quæ sine materia est, aliam <sup>etiam</sup> quæ in materia est, rectè  
 profectò dicitur, atque uerum esse ponatur: nulla tamen ob  
 id <sup>ipsam</sup> mundos aut plures esse, aut plures esse posse ne-  
 cessitas est, si hic uniuersa ex materia constat, ut & con-  
 stare uidetur. Hoc autem modo forsitan id, quod dicitur,  
 magis patebit. Si enim simitas concauitas est in naso, aut in  
 carne, caroq; materies est simitatis, si omnibus ex carni-  
 bus una fieret caro, atque in hac simitas esset orta, nullum  
 aliud finium aut esset, aut fore omnino posset. Simili quo-  
 que modo si materies in homine caro est, atque ossa, si uni-  
 uersa ex carne, atq; ossibus fieret homo, atque illa dissolui  
 non possent, alius homo profectò esse non posset. Eadem  
 fuerit & in cæteris ratio: omnino enim quorum substantia  
 in subiecta materia quadam est, eorum nihil oriri potest, si  
 non aliqua materia sit. Cælum autem, est quidem singu-  
 lare, & ex materia constat: sed si non ex ipsius materiei  
 parte, sed ex uniuersa materia constat, esse quidem ipsius  
 coeli, atque huiusce coeli aliud est: non tamen aut aliud erit,  
 aut plures fieri possunt, propterea quod uniuersam hoc  
 materiam est complexum. Restat ergo hoc demonstrare,  
 ex uniuerso, inquam, ipsum naturali corpore, sensibiliq;  
 constare. Dicamus autem primum quid nam cælum esse  
 dicimus.



dicimus, atque quot modis: quò magis id nobis manifestum, quod queritur, fiat. Vno igitur modo cœlum dicimus substantiam ultimæ uniuerſi conuerſionis: aut id naturale corpus, quod est in ultima uniuerſi conuerſione: ultimum enim superumq; corpus, cœlum maxime consueuimus appellare, in quo & uniuerſum diuinum dicimus esse. Alio modo cœlum id corpus dicimus, quod est proximum ultimæ uniuerſi conuerſioni, in quo luna, & sol, & nonnullæ stellarũ sunt collocatæ: hæc enim, in cœlo dicimus esse. Insuper alio modo dicitur cœlum id corpus, quod à conuerſione ultima continetur: totum enim, ac uniuerſum, cœlum dicere consueuimus. Cum igitur cœlum tribus modis dicatur, totum id quod ab extrema conuerſione continetur, ex uniuerſo naturali sensibiliq; corpore constare necesse est: propterea quòd extra cœlum neq; est quicquam corpus, neq; esse omnino potest. Nam si extra ultimam conuerſionem corpus sit naturale, ipsum aut simplicium quippiam corporum, aut compositorum esse, & aut secundum naturam, aut præter naturam sese habere necesse est. Simplicium igitur corporum quicquam omnino non erit: demonstratũ est enim, id quod orbe fertur, mutare suum locũ non posse. At neq; id esse potest, quod è medio fertur, neque etiam id quod sub omnibus collocatur: etenim natura quidem ibi non erunt: alia nanque sunt ipsorum propria loca. Si uerò præter naturam sunt, alij cuiusdam corporum exterius ille locus competet secundum naturam: qui nanque huic præter naturam tribuitur, is alij competat secundum naturam necesse est: at nullum aliud præter hæc, in ratione rerum simplex est corpus. Impossibile est ergo, corporum extra cœlum quicquam simplicium esse. Quòd si corpus simplex nequeat ullum esse, neque quicquam mistorum etiam esse

esse potest: sint enim & simplicia, si sit mixtum, necesse est. At uerò, neq; fore etiam potest: aut enim præter naturam, aut secundum naturam, aut simplex, aut mixtum identidem erit. Quare eadē ratio sanē redibit: nihil enim refert, si sit, aut fore possit, considerare. Patet igitur ex dictis, nec esse, nec fore posse ullius extra cœlum corporis molem: uniuersus enim mundus ex sua tota materia constat: materia namq; ipsius naturale est, atq; sensibile corpus. Quare neq; nunc plures sunt cœli, neque sũere, neque etiam fore possunt, sed unicum est hoc cœlum, atq; perfectum. Patet insuper, neque locum extra cœlũ esse, neq; uacuum, neq; tempus. In omni namque loco, corpus esse profectò potest. Vacuum autem id esse dicunt, in quo corpus non est, sed esse potest. Tempus uerò, motus numerum esse constat: & motus, sine naturali corpore nullus est. At demonstratum est, extra cœlum nec esse corpus, nec etiam esse posse. Patet ergo neque locum extra cœlum esse, neque uacuum, neque tempus. Quocirca neque apta sunt ea quæ illic sunt, esse in loco, neque tempus senescere ipsa facit, neque ullius eorum est ulla mutatio, quæ super extrema sunt disposita latione: sed nullis alterationibus, nullis passionibus prorsus subiecta, optimam in uniuersa sempiternitate uitam, & sufficientissimam habet: diuinę namque nomen hoc pronuntiatum est ab antiquis. Finis enim qui uitæ uniuscuiusque continet tempus, cuius nihil est extra secundũ naturam, sempiternitas uniuscuiusq; est nuncupatus. Per eandem etiam rationem finis uniuersi cœli, ac finis is, qui tempus totum, infinitumq; continet semper: sempiternitas est, à semper essendo appellatione sumpta, immortalis sanē atque diuina: unde & cæteris alijs exactius, alijs offuscatus, ipsum esse, uiuereq; dependet. Etenim ut in externis circa diuina sententijs, persæpe rationibus, diuinum omne necessario mutatione uacare ui-

detur, primum ipsum ac summum ita se habens, testis est dictis. Neque enim aliud præstabilius est, quod quidem moueret: illud enim porro diuinius esset, neque ~~per~~ ueritatis cuiusquam est particeps, neque bonorum suorum cuiusquam indiget. Et incessabili igitur motu, non absque ratione mouetur: *p. m. mobile* uniuersa enim cessant, desinuntque moueri, cum uenerint suum in locum: eius autem corporis, quod uersatur, idem est locus, in quo incæpit, et in quo finit.

An mundus sit factus, antiquorum opiniones. Quod præter rationem sit opinio dicentium, mundum esse factum, & non interiturum. Neque genitum esse mox interiturum rectè statui.

CAP. X.

**H**isce determinatis consideremus deinceps oportet, *u.* ~~an~~ trum mundus ingenerabilis sit, an generabilis, et in- corruptibilis, an corruptibilis, prius cæterorum opinionibus recitatis: demonstrationes enim contrariorum, dubitationes de contrariis sunt. Insuper et dicenda magis credentur, si sententiarum earum, quæ in controuersiam ueniunt, iura prius fuerint audita: absentes enim condemnari minus utique uidebuntur: etenim eos qui satis iudicauerint ueritatem, non aduersarios, sed arbitros esse oportet. *O.* Omnes itaque factum quidem asserunt esse, sed factum quidam perpetuum, quidam caducum, perinde ut quoduis aliud eorum, quæ natura constant, inquiunt esse. Quidam uicissim interdum hoc, interdum alio modo sese habere subeuntem corruptionem, idque semper hoc fieri modo dicunt: ut Agri- geninus Empedocles. *H.* Ephesus Heraclitus dicit. Igitur factum quidem esse, perpetuum tamen esse asserere, ex his est profectio quæ nequeunt esse: ea nanque sola ponenda sunt, quæ in multis, aut in omnibus esse uidemus. De hoc autem, contrarium accidit: uniuersa enim quæ sunt, *et cor*

Hic determinat Arist. de perpetuitate mundi, refertque ea de re antiquorum opiniones.



et corruptionem subire uidentur. Præterea quod non habet principium hoc habendi modo: sed aliter habere prius uniuersa æternitate non potest. id et mutari profectio nequit: erit enim aliqua causa: quæ quidem si prius esset, aliter id sese habere posset, quod aliter sese habere non potest. Quod si mundus ex aliter prius habentibus constat, si semper sic se habentibus, et non potentibus aliter se habere, factus ipse profectio non est: si uero est factus, et illa aliter sese habere posse, et non semper ita sese habere, necesse est. Quare et constituta dissoluentur, et dissoluta, antequam cõstituerunt: atque hoc infinities, aut sic se habuit, aut poterat sic habere: quod si ita est, non uacabit sanè corruptio: ne, neque: si olim aliter sese habebat, neque: si aliter sese habere possit. Subsidiū autem, quod quidam eorum qui dicunt mundum incorruptibilem quidem esse, attamen factum esse, sibiipsis enituntur ferre, uerum non esse uidetur. Inquiunt enim et se perinde ut geometræ, qui designationes describunt, de generatione mundi dixisse, non quia aliquando mundus est ortus, sed gratia doctrine, quia discentes magis cognoscunt, si ut designationem uiderint factum. Hoc autem, non idem est, uti dicimus: nam in designationum quidam effectione, omnibus positis esse simul accedit idē. In horum autem demonstrationibus, non idem, sed impossibile sanè accedit. Ea namque quæ prius, posterius uel sumuntur, subcontraria sunt: ex inordinatis enim olim, inquiunt ordinata fuisse. Vt autem idem ordinatum sit, simul atque inordinatum, fieri nequit: sed generationem esse, quæ separat, tempus uel, necesse est: in designationibus uero, nihil est tempore separatū. Esse igitur impossibile perpetuum ipsum simul, ac factum esse, ex his quæ diximus, patet. Constituere uero mundum uicissim atque dissoluere, nihil aliud esse uidetur, quam

quàm ipsum sempiternum quidem, formam autem mutan-  
tem, extruere: perinde atq; si quis interdum corrumpi, in-  
terdum esse putaret quempiam, qui uir ex puero, & ex ui-  
ro fieret puer: est enim perspicuum, si elementa inter sese  
conueniunt, non quēuis, sed eundem ordinem, eandemq; fie-  
ri constitutionem: præsertim secundum eos, qui hanc senten-  
tiam dicunt, qui quidem utriusq; dispositionis contrarium  
ipsum causam inquirunt esse. Quare si totum quidem cor-  
ruptum cōtinuum permanens, interdum hoc, interdū illo dispo-  
nitur modo, ac perornatur: constitutio uerò totius, mundus  
est, atq; cœlum: non utiq; mundus, sed dispositiones ipsius  
fiunt, ac corrumpuntur. Hoc autem, ortum, inquam, mun-  
dum omnino corruptum iri, & non redire, si sit quidem  
unus, impossibile est. Nam antea quàm ortus esset, constitu-  
tio præcedens ipsum, semper nimirum erat: quam quidem  
haud factam, mutari non posse dicimus: sin uerò sint infiniti,  
magis fieri potest. At uerò hoc etiā si fieri possit nec ne,  
perspicuum ex hisce quæ posterius dicentur, euadet. Sunt  
enim quibus fieri posse uidetur, ut & ingenerabile quip-  
piam corrumpatur, & ortum uacet corruptione, ut in Ti-  
mæo asseritur: illic enim Timæus, cœlum esse quidem or-  
tum, non tamen esse caducum, sed reliquo semper ferè tem-  
pore dicit: ad quos, naturaliter quidem de cœlo solum est di-  
ctum. Si uerò de omnibus uniuersaliter considerauerimus,  
de hoc quoq; fuerit manifestum.

Quòd cognoscendi sint modi geniti, atque ingeniti: &  
corruptibilis atque incorruptibilis ad præsentem  
disputationem. Quòd potentia quanta per maxi-  
mum sit assignanda.

## CAP. II.

**P**rimum autem distinguamus oportet, quo modo gene-  
rabilia, & ingenerabilia, & corruptibilia, & incorru-  
ptibilia dicimus. Nam cum multipliciter dicantur, & si  
nihil

Hic Arist. di-  
stinguit gene-  
rabile, & in-  
generabile,

corruptibile,  
& incorrupti-  
bile, ne multi-  
plex indistin-  
ctum pariat  
cōfusionem.

nihil ad rationem refert, mentem indefinite sese habere necesse est, si quispiam ut indiuisibili eo utatur, quod multis diuiditur modis: non est enim manifestum, per quam ipsorum naturam id accidit, quod est dictum. Dicitur itaq; in- generabile uno modo, si sit quippiam nunc, quod antea non erat sine generatione, mutatione'ue: ut ipsum tangi quidam inquirunt, atq; moueri: dicunt enim, non posse tan- gens generari, neq; subiens motum. Alio modo, si fieri uel ortum esse quippiam possit, & non sit: nam & hoc inge- nerabile dicitur, quia ortum subire potest. Alio modo, si quippiam omnino factum esse impossibile sit, ut interdum sit, interdum non sit. Impossibile autem, dupliciter dicitur: aut enim quia non uerum est dicere ortum esse posse, aut quia non facile, nec citò, nec bene oriri potest. Eodem mo- do & generabile uno dicitur modo, si sit quippiam poste- rius, quod prius non erat, siue per generationem, siue sine generatione. Alio modo, si possibile sit, siue ueritate, siue fa- cilitate possibile ipsum sit definitum. Alio modo, si genera- tio sit ipsius ex eo quod non est, ad id quod est, siue iam sit, per generationem autem sit, siue & nòdum sit, esse autem possit. Corruptibile etiam & incorruptibile, simulter di- citur. Nam si quippiam prius erat, postea uerò non est, aut est quidem, non esse autem potest: siue per corruptionem, mutationem'ue, siue sine corruptione, corruptibile illud di- citur esse. Interdum & id quod per corruptionem nò esse potest, corruptibile esse dicimus. Et insuper alio modo, id quod facile corrumpitur: quod quidem quispiam facile cor- ruptibile dixerit. De incorruptibili, eadem est etiā ratio. Aut enim id quod sine corruptione interdum est: interdum nò est, incorruptibile dicimus: quo pacto talis incorrupti- biles esse dicitur, propterea quod prius erat, & postea nò sunt



sunt sine corruptione. Aut id quod quidem est, non esse autem non potest: aut non est futurum unquam, nunc autem est: tu enim es nunc, & tactus est etiam nunc: corruptibilis tamen est is, quia erit aliquādo tempus, quando nec te esse, nec hæc tangere uerè dicitur. Id uerò maxime proprie incorruptibile dicitur, quod quidem est, non potest autem sic corruptum esse, ut nunc quidem sit, postea uerò non sit, aut non esse possit. Aut & id quod nondum corruptum est, nō esse autem posterius potest. Dicitur etiam incorruptibile, & id quod non facile corrumpitur. Si igitur hæc ita sint, considerandum est quomodo possibile, & impossibile dicimus. Nam & quod propriissime incorruptibile dicitur, ex eo dicitur sanè, quia corrumpi non potest, neq; quandoque esse, quandoq; non esse. Et ingenerabile id propriissime dicitur, quod sic generari non potest, ut prius quidē non sit, posterius uerò sit: qualis est diameter cōmesurabilis lateri. Si igitur quippiā per decem millia passuum mouert potest, aut pondus leuare, id quod maximum potest, dicere semper solemus: ueluti centum leuare libras, aut per decem millia passuum ambulare, quāquā et partes, quæ citra sunt, potest, si & excessum potest: quō patet ad finē, atq; excessum, dea finiri potētiam oportere. Id igitur, quod potest tot per excessum, & ea quæ sunt citra, necesse est: ceu si centū libras leuare potest, & duas posse: etsi per decem millia passuum ambulare potest, & per duo ambulare posse. Potētia uerò ipsius exceſsionis est: & si quippiam tantum non potest, eo per exuperationem dicto, & plura non potest: qui nanque centum passus transire non potest, is & cētum & unū non potest. Nihil autē nos conturbet: id enim quod proprie potest, per finē exceſsionis sit definitum: forsitan enim quispiā dicit id quod dictū est, non necessariò ita esse: qui nanq; magnitud

+ & p. h. m. s.  
d. o. u. & p. o. t.

gnitudinem decem passuum uidet, is non & magnitudines eas, quæ sunt citrà uidebit: sed contra potius qui punctum uidere potest, aut paruum audire sonum, is & maiorum sensum habebit. Verum nihil ad rationem refert: ipsa enim exuperatio, aut in potentia, aut in re ipsa sit definita. Id enim quod dicitur, patet: nam uisus quidem is, qui est minoris, excedit: celeritas autem ea, quæ est maioris.

## Decem Quæstiones.

## CAP. XII.

Hic probat  
Arist. mun-  
dum sempiternum.

*quorū est  
ut quorū  
et pot*  
**H**is autem determinatis, dicenda sunt ea, quæ deinceps sequuntur. Si igitur aliqua sint, quæ esse, & non esse possunt, quoddam tempus maximum & essendi, & non essendi, definitum esse necesse est. Atq; dico rem esse posse, & non esse posse, in unoquoq; prædicamento: ut hominem aut album, aut tricubitum, aut aliquid aliud tale: nam si non erit definitum quiddam, sed semper proposito maius, & quo non est minus, idem erit profectò possibile esse tempore infinito, & non esse alio tempore infinito. At hoc esse nequit. Principium autem hinc sumatur: impossibile enim, & falsum, non idem significant. Est autem impossibile, & possibile: & falsum, ac uerum, ex suppositione: ueluti triangulum impossibile est <sup>duos rectos habere</sup> suos tres angulos duobus rectis æquales habere: si hæc sint, & diameter commensurabilis est: sunt autem simpliciter &abilia, & impossibilia, & uera, & falsa. Non est igitur idem falsum aliquid esse simpliciter, & simpliciter impossibile: te nanque dicere stare, falsum est quidem, sed non impossibile: similiter & eum, qui ciuham quidem pulsat, non autem cantat, cantare dicere falsum est, sed non impossibile est: simul autem stare, atq; sedere, & diametrum commensurabilem esse, non falsum est falsum, sed etiam impossibile. Non igitur idem est suppancre falsum ac impossibile. Impossibile autem ex  
imposs

impossibili accidit. Sedendi itaque quippiam, standiq; simul potentiam habet: quia quando habet illam, & alteram habet: at non ut simul stet, atq; sedeat, sed in alio tempore. Si uerò quippiam plurium potentiam habeat tēpore infinito, non est hoc in alio atque alio in tempore, sed simul. Quare si quippiam, quod est tempore infinito, est corruptibile, illud ut non sit, potentiam habet. Si igitur est tempore infinito, sit id quod potest: simul ergo erit, atque non erit actu. Falsum igitur accidit, quia falsum suppositum est: sed si impossibile non esset, non id utiq; quod accidit, etiam impossibile esset. Omne ergo quod semper est, incorruptibile simpliciter est. Similiter & ingenitū est: nam si generabile est, erit possibile aliquo in tempore non esse: corruptibile enim id est, quod prius quidem erat, nunc uerò non est: aut quod nunc quidem est, potest autem aliquādo posterius non esse.

Generabile uerò id, quod prius non esse potest. At non est tempus, aut infinitum, aut finitum, in quo id, quod semper est, non esse potest: etenim finito tempore esse potest, quippe cum esse & tempore infinito possit. Non ergo cōtingit idem, ac unum & semper esse, & semper non esse posse: at neq; non semper esse, quod patet esse negationem.

Impossibile est ergo, & semper quippiam esse, & corruptibile esse. Pari modo nec generabile: nam si duo sint termini, posteriorq; sine priore inesse non possit: si ille cōpetere non potest, & posterior etiam competere nequit. Quare si id quod est semper, non esse aliquādo non potest, impossibile est & generabile esse. Cum autē negatio quidem eius, quod semper esse potest, sit id quod non semper esse potest, contrarium autem id, quod non semper esse potest, & negatio est id, quod non semper non esse potest, negationes amborum competere idem necesse est, & esse



medium eius, quod semper est, & eius, quod semper non est: id quod esse, & non esse potest: utriusque namque negatio quandoque competet, si non semper sit. Quare si id, quod non semper non est, erit quandoque, atque non erit: et id quod non semper esse potest, sed quandoque est, ut & non sit, erit scilicet, atque non erit. Idem ergo possibile erit esse, atque non esse. & hoc est medium utrorumque. Ratio autem uniuersalis hæc est. Nam A & B, nulli eidem inesse possunt. A uero, aut C, & B aut D, cuilibet insint. Cui igitur neque A, neque B inest, ei C B cuilibet insint necesse est. Sit autem id, quod inter A & B medium est, E: id enim quod neutrum contrariorum est, eorundem medium esse constat. Ambo igitur C, inquam, & D, huic insint necesse est. nam aut A, aut C cuilibet inest: quare & ipsi E. Cum igitur A impossibile sit esse, inerit ipsum C: eadem est & in ipso D, ratio. Neque igitur id quod semper est, neque id quod semper non est, generabile, aut corruptibile est. Patet autem & si generabile, aut corruptibile sit, non perpetuum esse: simul enim poterit semper esse, & non semper esse. hoc autem prius demonstratum est impossibile esse. Si igitur ingenerabile quippiam est, atque est ens, id ne sempiternum esse necesse est: & pari modo, si incorruptibile est? Dico autem ingenerabile, ac incorruptibile, ea quæ propriè dicuntur. Ingenerabile quidem id, quod nunc est, & prius non erat uerum dicere haud esse. Incorruptibile uero quod nunc est, & posterius uerum non erit dicere haud esse. An si hæc mutuo se sequuntur, atque ingenerabile est incorruptibile, & incorruptibile ingenerabile: ipsum etiam perpetuum utrumque sequatur necesse est? Et si est quippiam ingenerabile, & si est quippiam incorruptibile, sit continuò sempiternum necesse est. Hoc ita esse, & ex definitione ipsorum patet:

patet: etenim si corruptibile est, generabile esse necesse est. aut enim ingenerabile, aut generabile est. At si ingenerabile est, incorruptibile esse supponitur: & si generabile est, & corruptibile esse necesse est. Aut enim corruptibile, aut incorruptibile est. At si incorruptibile est, ingenerabile esse sanè supponebatur. Sin uerò mutuo se non sequuntur incorruptibile, atq; ingenerabile: non necesse est aut ipsum ingenerabile, atq; incorruptibile, perpetuum esse. Sed qui autem hæc sese mutuo necessariò, ex his emergere potest: generabile enim, & corruptibile mutuo se sequuntur. Manifestum est autem & hoc, ex antea dictis: est enim id medium inter id quod semper est, & id quod semper non est, quod neutrum sequitur: hoc autem est, generabile ipsum ac corruptibile: utrumq; enim definito tempore quodam & esse, & non esse potest. Si igitur quippiam aut generabile, aut corruptibile sit, id medium esse necesse est. Sit enim id quidem quod semper est, A: id autem quod semper non est, B: C uerò sit generabile, & D sit corruptibile. C igitur inter A & B, medium esse necesse est: illorū enim ad neutrum ultimum tempus est, in quo A ipsum non erat, aut B ipsum erat. Generabile autem, aut actu, aut potētia necesse est esse: ipsis uerò A B, neutro modo. Tempore igitur quodam, ac definito, C ipsum & erit, & rursus non erit. Similiter est dicendum & de ipso corruptibili D. Generabile ergo, corruptibile uel, utrumq; est: generabile ergo, corruptibile uel mutuo se sequuntur. Sit itaq; ingenerabile E, generabile F, incorruptibile G, & corruptibile H. Est igitur demonstratū F, atq; H, sese mutuo sequi. Quādo autē sic aliqui, ut hæc iacent, uelut F quidē, & H, sese mutuo sequuntur, E uerò & F nulli eidē cōpetunt, sed alterū omni competit, & simili modo ipsa G, atq; H: tunc E & G, mutuo

se sequatur necesse est. E namq; ipsum G nō sequeretur: ergo F ipsum sequetur: quippe cum cuilibet ipsum E, aut F competat. At G etiam id sequetur quod sequitur ipsum F: ergo H sequetur G ipsum: at impossibile esse supponebatur. Eadem ratione et G sequi ipsum E, demonstrabitur. At sic se habet ingenerabile E ad generabile F, et incorruptibile G ad corruptibile H. Dicere autem nihil prohibere generatum quippiam incorruptibile esse, et ingenerabile quippiam corruptū esse semel illo generato, hoc corrupto, tollere est aliquid eorum, quæ data sunt. Aut enim infinito, aut quodam definito tempore omnia aut agere, aut pati, aut esse, aut non esse possunt: et infinito, propterea quod tempus infinitum aliquo modo est definitum, quo nō est maius. Id uerō quod aliqua ex parte est infinitum, neq; infinitum est, neq; etiam definitum. Præterea cur magis hoc in signo corruptum est id quod antea semper erat, aut generatum est id, quod prius non erat tempore infinito? nam si non magis in hoc quàm in alio, et ipsa signa sunt infinita, erat quippiam ut patet generabile, et corruptibile tempore infinito: ergo non esse tempore infinito potest. Simul enim ut non sit, et sit, potentiam sanè habebit: ipsum quidem prius, si corruptibile est: ipsum autem posterius, si generabile est. Quare si posuerimus esse quæ possunt, opposita simul erunt. Atq; hoc insuper in omni signo similiter erit. Quare ut non sit, et sit tempore infinito, potentiam sanè habebit. At demonstratum est hoc impossibile esse. Præterea si actum potentia antecedit, uniuerso tempore erit, et quod ingenerabile erat, atque non ens, fieri potens tempore infinito. Simul igitur non erat, et ut sit, potentiam habebat, et ut tunc sit, et postea tempore infinito. Patet autem et alio modo impossibile esse quippiam

corru



corruptibile non aliquando corrumpi: semper enim simul,  
& corruptibile & incorruptibile erit actu. Quare simul  
erit possibile, semper esse, & nō semper esse. Corruptibile  
ergo aliquando corrumpitur: & si generabile est, ortū est:  
possibile enim est ortum esse, & nō semper esse. Possumus  
autem & hoc contemplari modo impossibile esse, aut si or-  
tum aliquando quippiam est, incorruptibile esse: aut si inge-  
nerabile est, & antea semper erat, corruptionem subire: ni-  
hil enim casu, aut incorruptibile, aut ingenerabile esse po-  
test. Quod enim casu est, atq; fortuna: est præter id, quod  
semper, aut plerunq; est, aut fit. Quod uerò infinito tempo-  
re, aut simpliciter, aut ab aliquo tēpore est, id aut semper,  
aut plerunq; est ens. Talia igitur interdum esse, interdum  
non esse natura, necesse est: talium autem eadem potentia  
est contradictionis, & ut sint, & non sint, causa materies  
est: quare opposita simul esse actu necesse est. At uerò neq;  
uerum est dicere nunc, transacto in año esse, neq; trāsacto  
in anno nunc esse. Impossibile ergo est, si aliquando nō est,  
posterius perpetuum esse: habebit enim posterius, & po-  
tentiam non essendi. Verū non ut tunc non sit quando est  
(est enim ens actu) sed in anno præterito, temporeq; trāsac-  
to. Sit igitur id actu, cuius potentiam habet. Verum igitur  
erit, si transacto in anno nō esse dicatur. At impossibile est:  
nulla nanq; potentia est respectu ipsius fuisse, sed esse, uel  
fore. Similiter et si prius sempiternum erat, & posterius nō  
est: habebit enim potentiam eius quod actu non est. Quare  
si posuerimus id quod potest, uerè dicetur nunc hoc esse  
transacto in anno, temporeq; omnino exacto. Naturaliter  
etiam & non uniuersaliter si consideremus, impossibile sa-  
nē uidebitur, aut eorrumpi posterius, quod perpetuum  
prius erat, aut posterius sempiternum esse, quod prius non

erat: corruptibilia enim, et generabilia, et alterabilia sunt  
uniuersa: alterantur autem contrarijs, et ex quibus constant  
ea, quæ sunt natura, ab ijs ipsis et corrumpuntur.

# DE COELO

ARISTOTELIS

LIBER II.

## *Argumentum ex Simplicio.*

Cum præsens hæc traditio, ut prius est dictum, scopum  
habeat post disputationem de principijs Naturalibus: de  
quibus in Physica auscultatione fuit dictum, de simplicibus cor-  
poribus differere, quæ prima ex principijs illis constituuntur,  
videlicet de orbiculari, & de quatuor ijs, quæ sub sunt Lunæ: in  
primo libro quinque esse corpora simplicia ostendit, ex diffe-  
rentijs motionum simplicium. Et id, quod circulo fertur, neque  
vnum ex quatuor illis esse, neque ex ipsidem compositum, sed  
simplex esse, præstariis quæ: quatuor illis & substantia, & pote-  
state. Et quod ingenitum sit, atque incorruptibile, siquid quæ  
gignuntur, atque intereunt, ex contrarijs fiunt, & in ipsa desi-  
nunt: corpori autem quod in circulum fertur, nihil esse contra-  
rium. Quodque sit finitum, tum per se, tum ex eo, quod nullum  
infinitem corpus est, demonstrat. Insuper quod sit unum, & non  
extra ipsum sit, neque corpus, neque vacuum ullum. Cæterum tan-  
quam consequens ad id, quod cælum sit eiusmodi, Mundum  
etiam ipsum & incorruptibilem, & infinitum, & vnum esse,  
aliaque consequenter ostendit, quæ per cælum Mundo inesse con-  
spiciuntur: velut, nihil extra ipsum relinquere: sed totum esse ex  
totius corporei constitutione. His itaque ostensis, ac repetito ser-  
mone de ingenerabili, & incorruptili: multifariam ostendit &  
cælum, & per hoc Mundum totum ingenitum, & incorrupti-  
lem esse, & neque genitum quidem. incorruptilem verò, ut qui-  
dam sint arbitrati, neque ingenitum, & corruptibilem, sed utrinque  
sempiternum. Sed & vniuersaliter ostendit, quod vicissim se ipsa  
sequantur hæc, generabile, inquam, & corruptile, & ingenera-  
tile, incorruptileque. Hæc ubi in primo libro multipliciter do-  
cuisse, conclusionem ipsorum initium facit libri secundi, in  
quo

quo reliquas de coelo quaestiones explicabit. Ac primum quidem, quod circularis latio, quæq; ipsi immanent, secundum naturam coelo insit, neq; per uim aliquam. Mox de localibus ipsius interuallis, atque extremis eorum, uidelicet superi, inferi, dextri atq; sinistri, ante & retro. Tertiò de contrario motu errorum, ob quam causam is fuerit institutus. Quartum, de figura, quod sit sphaericum coelum. Quintum, ob quam causam coelum moueatur in eam partem, in quam conspicitur moueri. Sextum, quod sit æqualis, & inæqualis minimè primi coeli motio. Septimum, de stellarum substantia, & figura, atque ordine, & de motu earum. Octauum, ob quam causam, cum prima sphaera uno motu uertatur, quæ ab ea distant non tanto pluribus motibus circumagantur, quanto plus conspiciuntur distare, ueluti Sol, & Luna, sed quæ mediæ sunt, pluribus motibus ciuntur. Nonum, ob quæ causam quisque ex errabundis orbibus unam habeat stellam, cum suprema tantum numerum habeat. Postremum omnium, de terra, non per se quidem, sed de habitudine, quam ad coelum habet, quod centri rationem obtinens in medio coeli sit locata, figuram habens sphaericam, & circum ipsam immotam coelum moueatur, quodq; magnitudinem ad coelum comparata minimam habeat. Et, ut summationem dicam, tria sunt in uniuersum capita huiusce secundi libri: De coelo, inquam, de astris, & de terra ipsa.

Quod Coelum neque sit factum, neque corrumpi possit.

CAPUT I.



**C**OELVM igitur uniuersum neq; ortum esse, neq; corrumpi posse, ut quidam inquit, sed unum esse, ac sempiternum, principium quidem, & exitum æternitatis uniuersæ non habens, infinitum autem habens, & continens in seipso tempus, & ex hisce quæ dicta sunt, & per opinionem eorū, qui aliter dicūt, ipsumq; generant, fidem sumere licet: nam si sic quidem sese habere potest, eo autem modo, quem illi dicunt, non potest, magnum & hoc utique momentum ad faciendam fidem de

Hoc secundo libro determinat Arist. de principaliore uniuersi parte, hoc est, de corpore cœlesti, & eius proprietatibus.



torum

passione  
 et laborioso  
 non tam  
 fuit  
 4

immortalitate, æternitateq; ipsius habet. Quare bene sese habet queng; sibi persuadere ueteres, et maiorum maximè nostrorum sententias ueras esse, quæ quidem asserunt esse quippiam eorum immortale, atq; diuinum, quæ motū quidem subeunt, talem tamen ut nullus ipsius sit finis, sed potius ipse cæterorum sit finis. Et finem enim ex his esse constat, quæ continent: et hic cum sit perfectus, imperfectos continet, et eos qui finem habent, atque cessationem: ipse namq; neque principium, neq; exitum ullum habet, sed incessabilis est tempore infinito: cæterorum autem aut est principij causa, aut suscipit exitum, cessationem uel. Atque superum locum, cælumq; ueteres quidem Dijs tribuerunt, propterea quod solum est immortale. Præsens autem oratio, talis est incorruptibile, ac ingenerabile esse, uacareq; præterea omni difficultate mortalis. Et insuper esse sine labore, propterea quod nullius indiget uim inferentis necessitatis, quæ quidem prohibens detineret ipsum aptum alio modo ferri: omne namq; tale, laboriosum est, quod magis perpetuum est, et optimæ dispositionis expers. Idcirco neque putandum est ipsum ita sese habere, ut ueterum fabula dicit, qui quidē salutem ipsius Atlante quodam inquit indigere. Et ij namque, qui hanc sententiam attulerunt, idem quod posterī, uidentur existimasse: nam quasi pondus haberent supera corpora omnia, terreaq; essent, necessitatē animæ participē ipsi fabulosè supposuere. Neq; igitur hoc modo, neque ob cōuersionem propterea quod lationem habet motu suo pte celeriore, ut Empedocles dicit, conseruari putandum: et adhuc ipsum tēpore tanto, atq; incolumē esse. At uerò, nec ab anima cogente sempiternum manere, consentaneum est rationi: neq; enim talis ipsius animæ uita sine dolore, beataq; esse potest. Et motum enim qui est cum ui, si mouet corpus primum.

primum aliter aptum ferri, continueq; mouet negotiosum atque ab omni uoluptate mentis semotum esse necesse est: si neq; ut animæ mortalium animalium requies inest ea, quæ circa somnum sit corporis relaxatio: sed ixonis fatum cuiusdam ipsam perpetuum, inseparabileq; detinere necesse est. Si igitur (uti diximus) res dicto modo de prima latione sese habere potest, non solum concinnius est ita de æternitate ipsius existimare, sed etiam hoc modo duntaxat consentaneas magis ei uaticinationi, quam de Dijs habemus, sententias possumus certò proferre. Sed de his hæcenus.

Quòd cœlo dextrum & sinistrum sine differentiis sursum & deorsum nequeant aptari. Quòd longitudo cœli iuxta polorum distantiam sit sumenda, quorum alter sursum, alter fit deorsum. Qui nobis apparet polus sursum est, alter deorsum. Quodq; hæc differentiæ in aliis orbibus à primo contrà sint assignandæ.

## CAP. II.

**C**um autem sint qui dextrum ipsius cœli quippiam, & leuum inquirunt esse, ut ij qui Pythagorici nuncupantur (est enim hæc illorum sententia) considerandum est utrū res sic sese habeat, ut illi dicunt, an alio potius modo: si hæc principia corpori ipsius uniuersi sunt adiungenda? Continuo nanque si dextrum inest ei, leuumq;: priora principia prius in ipso existimandum est esse. Determinatum igitur de his est in his, quæ de animalium motibus sunt tractata: propterea quod hæc propria sunt illorum naturæ, atq; accommodata: manifeste nanque animalibus inesse uidentur quibusdam omnes istiusmodi partes (dextrum, inquam, atq; sinistrum) quibusdam nonnullæ: plantis uerò, supera atque infera solum. Quòd si cœlo talium quippiam est adiungendum, & id ipsi competere, quod primum (uti diximus) in animalibus inest, consentaneum est rationi: unumquodque enim trium (dico autem trium, superum, inferumq; ipsum

Hic declarat Aristot. quomodo in cœlo differentiæ positionum inueniantur.

antè, atq; oppositum, & dextrum leuumq; ut principium quoddam esse uidetur: has enim omnes dimensiones perfectis corporibus inesse consonum est rationi: atque superum quidem longitudinis, dextrum autem latitudinis, ipsum uerò antè altitudinis principium est. Insuper alio modo, motuum ratione: hæc enim principia dico, unde motus ipsi incipiunt, quæ hæc habent. Est autem ab ipso quidem supero, accretio: à dextris autè, ea motio, quæ loco accommodatur: ab hisce uerò quæ antè sunt, ea motio quæ fit sensu: atq; id antè dico, in quo sunt sensus. Quapropter & non omni in corpore querendum est superum, atque inferum, & dextrum leuumq;, atque antè & retro: sed in hisce, quæ cum animata sint, motus in seipsis principium habent: in nullo enim eorum, quæ uacant anima, id cernimus, unde est principium motus: quedam enim omnino non mouentur: quædam mouentur quidem, sed omni ex parte simili modo, ueluti ignis, sursum solum, & terra ad medium. Sed in his superum & inferum, dextrum, leuumq; dicimus, ad nos ipsos referentes. Nam aut respectu nostri dextri leuiq;, ut augures dicunt: aut similitudine nostri, ut ea quæ sunt statui, aut ea quæ contrario modo sese habent positione. Etenim dextrum quidem id dicimus, quod opponitur nostro sinistro: leuum autem, contrarium: & retro ac antè, simili modo. In his autem ipsis nullam differentiam cernimus. Si contra namq; uertantur, contraria dextra leuaq;, supera ac infera, & antè retroq; sanè dicemus. Quapropter & Pythagoricos quispiam mirabitur, sola hæc duo principia dixisse, dextrum, inquam, atque sinistrum: ceteras autem quatuor differentias omisisse, non minus rationem principij subeuntes: non enim minorem ad infera superat: & ad ea quæ sunt retro, ea quæ sunt antè, quam ad leua dextra uniuersis



sis in animalibus differentiam habent. hæc enim ui solū,  
illa figura etiam differunt. Et superum quidem ac inferum  
omnibus animantibus inest; tam animalibus quàm etiam  
plantis. Dextrū autem leuumq; plantis nō inest. Præterea  
ut longitudo latitudinem antecedit, sic prius erit genera-  
tione superum dextro, cū multipliciter prius dicatur: si  
longitudinis quidem superum, latitudinis uerò dextrum  
principium est, atq; prioris principium antecedit. Insuper,  
si superum quidem est id, unde est motio, dextrum autem  
à quo, & antè ad quod: hoc quoq; modo uim quandā prin-  
cipij superum ad cæteras species habet. Increpādi sunt igitur  
Pythagorici, & quia maxime propria principia omi-  
serunt, & quia in uniuersis hæc similiter inesse putabant.  
Cum autem à nobis sit antea definitum tales potētias ijs in-  
esse, quæ principium motus habent, & cælum sit anima-  
tum, atq; principium habeat motus, patet, ipsi superū, inferū  
q; & dextrum, atq; leuum inesse: non enim dubitare  
oportet ob uniuersi rotūdā figuram, quoniam pacto aliud  
ipsius dextrum, aliud leuum erit, si partes sint similes uni-  
uersæ, perpetuoq; motu cientur. Sed intelligere perinde  
oportet, atq; si quispiā in hisce quæ dextri ad leuum, figura-  
ris quoq; differentiam habent, circūposuerit spheram, ha-  
bebunt enim potentiam differentem: at ob figuræ similitu-  
dinem, habere non uidebuntur. Eodem modo, de principio  
quoq; motus intelligamus oportet. Etenim & si nunquam  
moueri cælū incēpit, principium tamen habeat ipsum ne-  
cesse est, unde incēpisset, si inciperet moueri: & rursus cie-  
biur motu, si stabit. Dico autem longitudinē ipsius quidem  
eam esse, quæ est inter polos distantia, & polorū alterum  
superam, alterum inferam partem: differt etiam in solis  
his hemisphæriorū cernimus, ex eo quia poli nō mouentur:  
& inf

et in super in mundo non ipsum superum, atque inferum, sed ea quæ sunt præter polos, latera dicere consueuimus. Quo patet, hanc ipsius cœli longitudinem esse: id est enim latus, quod est præter superum, inferumque. Polorum autem is quidem, qui apud nos uidetur, pars infera est: is autem qui nobis manifestus non est, partis rationem superæ subit. Dextrum enim uniuscuiusque id esse dicimus, unde principium ad locum accommodatæ motionis emerget. Conuersionis uerò cœli principium id est, unde oriuntur stellæ, quare hoc erit dextrum: id uerò ubi fiunt occasus, leuum. Si igitur à dextris incipit, et circumfertur ad dextra, polum eum qui non uidetur, superum esse necesse est: si enim erit is qui uidetur, motus ad partes erit sinistras: quod quidem non dicimus. Patet igitur, eum polum, qui non uidetur à nobis, cœli partem superam esse: et eos quidem qui illic habitant, in hemisphærio supero esse, atque in dextris: nos autem in infero, ac sinistris, contra atque Pythagorici dicunt: illi enim nos supra faciunt dextraque, in parte, illos infra, atque in leuis: contrarium autem accidit. Verum secundæ conuersionis ueluti uagarum stellarum, nos quidem in superis, dextrisque sumus, illi uerò in inferis sunt, atque sinistris: est enim hæc principium motionis contraria, propterea quod lationes contrariæ sunt. Quare sit ut nos in principio simus, illi in fine sint collocati. De partibus igitur per dimensiones, loco uel definitis, tot à nobis sint dicta.

Hic determinat Aristot. de diuersitate partium circulariter motarum: atque difficile esse

Quamobrem plures sint circularum lationes. CAP. III.

**C**um autem conuersio conuersioni non sit contraria, considerandum cur plures sunt lationes, quamquam eminus facere inquisitionem conamur: eminusque non adeo loco, sed multo magis hoc ipso quod accidentium ipsis cœlis per paucorum sensum habemus. Dicamus tamen, atque de ipsis

ipsis causam hinc sumamus oportet. Eorum quodq; quo- de numero  
 rum est opus, operis ipsius esse gratia, constat: Dei uero coelestiū cor-  
 operatio, immortalitas est: hoc autem est perpetua uita. porum deter-  
 Quare Deo perpetuum inesse motum necesse est. Cū au- minare pro-  
 tem cœlum sit tale (est enim corpus quoddā diuinum) ideo pter nimiam  
 corpus rotundum habet, quod suapte natura semper con- distātiā, pro-  
 uertitur. Cur igitur totum corpus cœli tale non est? quia pter quam i-  
 corporis eius, quod uersatur aliquid, id inquam quod est in pforum acci-  
 medio, manere necesse est. Huius autem manere nulla pars, dentia nō be-  
 aut omnino, aut in medio potest. Naturalis enim ipsius ne cadūt sub  
 tus, ad ipsum medium esset. At ipsum suapte natura uersa- sensu nostro.  
 tur: motus enim sempiternus non esset, quippe cū nihil  
 præter naturam sit sempiternum. Id enim quod est præter  
 naturam, posterius est eo, quod est secundum naturā, atq;  
 id quod est præter naturam, excessus quidam est in ipsa ge-  
 neratione, eius quod est secundum naturam. Sit igitur ter-  
 ra necesse est: hæc enim in medio sanè quiescit: atq; nunc  
 quidem hoc supponatur, posterius autem de ipso dicitur.  
 At si terram esse necesse est, ignem etiam esse necesse est.  
 Contrariorum enim si alterum est natura, & alterum esse  
 natura necesse est, si sit cōtrarium, atq; aliquam ipsius esse  
 naturam. Est enim eadem contrariorum materies, & affir-  
 matio priuatione est prior, ueluti calidum frigidum. Quies  
 uerò, ac graue, per leuitatis motus' ue priuationem dicun-  
 tur. Atqui si terra est, atq; ignis, ea quoq; corpora esse, quæ  
 sunt inter ipsa, necesse est: elementorum enim unūquodq;  
 contrarietatem ad quodq; nimirum habet. Atque hoc etiam  
 nunc supponatur, posterius autem est demonstrandum.  
 Hæc cū sint, patet necessario generationem esse, pro-  
 pterea quod nihil ipsorum perpetuum esse potest: agunt  
 enim inter sese contraria ipsa, mutuōq; à sese patiuntur, ac  
 corrump



corrumpuntur. Non est præterea consentaneum rationi, mobile quippiam perpetuum esse, cuius motus secundum naturam perpetuus esse non potest: at horum est motus. Ex his igitur patet necessario generationem esse. Quod si generationem esse necesse est, et aliam lationem aut unam, aut plures esse necesse est. Nam ut sese habet totius motio coeli, sic elementa corporum inter sese respectu generationis habere necesse est: et hoc etiam in sequentibus dilucidius declarabitur. Nunc tantum patet, quam ob causam plura sunt corpora quæ uersantur: generationem enim esse necesse est: et generationem, si et ignem, esse necesse est: et hunc, ceteraq; si et terram: et hanc, propterea quod aliquid consistat, maneatq; semper necesse est, si moueri quippiam semper oportet.

Quod coelum figuræ sit sphaericæ. CAP. IIII.

Hic ostendit  
Arist. coelum  
esse sphaericæ  
figuræ.

**F**iguram autem coelum rotundam habere necesse est. Hæc enim est accommodatissima substantiæ ipsius, et natura etiam prima. Dicamus autem uniuersaliter, quænam in plantis, et in solidis figura sit prima. Omnis itaq; figura plana, aut à rectis lineis, aut à circumferentia continetur: et illa quidem à pluribus, hæc ab una linea solum. Cum unum igitur in unoquoq; genere prius sit multis natura, compositaq; simplex, figurarum planarum perfectio circulus erit prima. Præterea si perfectum id est, extra quod nihil eorum, quæ sunt ipsius, accipi potest, quæadmodum prius est definitum, et lineæ quidem rectæ semper additio fieri potest, lineæ uero circulari nunquā: patet perfectam eam lineam esse, quæ ipsum circulum continet. Quare si perfectum prius est imperfecto, ob hæc et circulus prima erit figura. Eodem et sphaera modo, solidarum figurarum prima erit figura: sola namq; ab una superficie continetur:

netur: rectarum uerò linearum figura, à pluribus continetur: ut enim in planis circulus sese habet, sic in solidis sphaera. Qui præterea solida diuidunt in plana, atque ex planis corpora generant, his testes fuisse uidentur: solam enim figurarum solidarum sphaeram non diuidunt, ut non plures superficies, quàm unam habentem: diuisio enim in plana non perinde efficitur, ut quispiam diuidens in partes diuidet totum, sed ut in specie diuersa. Patet igitur sphaeram figurarum esse solidarum primam. Est insuper maximè consonum rationi, si ordo per numerum etiam assignetur, hoc ipsam modo disponere, unitatem quidem circulo, dualitatem autem triangulo tribuendo, cum duobus æquales suos angulos habeat rectis. Si uerò unitas triangulo tribuatur, circulus non erit sanè figura. Cum autem prima figura primi sit corporis, primum uerò corpus id sit, quod est ultima in conuersione, rotundum id erit sanè, quod fertur conuersione: & id ergo quod illi hæret: quod enim hæret rotundo, id rotundum etiam est. Similiter & ea quæ in medio collocantur: ea namque quæ à rotundo corpore continentur, ac tangunt, rotunda esse cuncta necesse est. At quæ sunt sub uagarum sphaera, superam sphaeram tangunt: quare ipsum uniuersum rotundum erit: omnia namque tangunt, hærentque sphaeris. Præterea cum uideatur, ac supponatur uniuersum ipsum uersari, demonstratumque sit extra conuersionem extimam, neque locum, neque uacuum esse, rotundum ipsum esse ob hæc etiam ipsa necesse est. Nam si rectarum linearum erit figura, eueniet et locum esse, & corpus, & uacuum extimam: nam cum rectarum linearum figura uersatur, nunquam eundem occupabit locum: sed ubi prius erat corpus, nunc non erit: & ubi nunc non est, rursus ob angulorum transitionem erit. Eadem euenient,

& si

Et si quispiam aliquam figuram aliam ipsi tribuerit, non habentem eas lineas, quæ ex medio progrediuntur æquales, ueluti lentis figura similem, aut oui. In omnibus enim eueniet et locum esse, et uacuum extra cælum, propterea quod totum non eundem occupat locum. Præterea si cæli latitudo quidem mensura est motuum, propterea quod sola continuus est, et uniformis, sempiternusque motus: in unoquoque autem genere mensura id est quod est minimum, minimus uero motus is est celerrimus: patet cæli motum omnium motuum celerrimum esse. At eorum quæ ab eodem ad idem pergunt, minima ipsius circuli linea est: per minimam autem, est motus celerrimus. Quare si cælum conuertitur, celerrimeque mouetur, rotundum ipsum esse necesse est. Sumere etiam quispiam et ex hisce corporibus, quæ circa medium collocantur, hanc fidem potest. Si enim aqua quidem est circa terram, aer autem circa aquam, et ignis circa aerem collocatur, et supera corpora per rationem eandem ita se habent: etenim continua quidem non sunt, tangunt autem hæc: aquæ uero superficies rotunda est sane, atque quod rotundum tangit, circaque rotundum est situm, et ipsum tale esse necesse est. Patet hac etiam ratione cælum rotundum esse. At uero superficiem aquæ talem esse patebit, si suppositionem sumpserimus, aquam suapte natura semper ad magis concauum locum confluere: et eum locum magis concauum esse, qui est propinquior centro. Ducantur igitur ex A centro rectæ lineæ AB et AC: et ex B in C linea producat B C, ad quam ab A perpendicularis ducatur AD, et protrahatur in E. Patet itaque lineam AD minorem esse lineis AB, et AC: ergo hic locus magis concauus est: quare affluet aqua, quousque fuerit in æqualitatem redacta. At AE equalis est



est hisce quæ à centro sunt ductæ: quare aquam ipsam in hisce esse, quæ sunt ex centro ductæ, necesse est: tunc enim quiescit. At ea quæ tangit eas, quæ sunt ex centro ductæ, circumferentia est. Rotunda est ergo superficies aquæ: quæ quidem est BEC. Patet igitur ex hisce, quæ dicta sunt, mundum esse rotundum, atque adeò exactè, ut nihil eorum quæ manu conficiuntur, nec aliud quicquam eorum quæ apud nos oculis cernuntur, sit tam exactè rotundum. Nihil enim eorum, ex quibus constat, adeò uniformitatem, exactam uel rotunditatem suscipere potest, ut ipsius corporis obuenit naturæ: manifestum est enim rationem eam subire, quam aqua subit ad terram, & elementa ea quæ plus semper remota sunt, atque distant.

Cur potius cœlum ab A ad C moueatur, quàm contrà, quæstio. CAP. V.

**C**um autem in circulo duo motus fieri possint, ut ab A unus ad B, alter ad C: non esse quidem hos contrarios prius est dictum. Sed si nihil in æternis esse fortuito aut à casu potest, cœlum uerò perpetuum est, atque ipsa cōuersio: quam ob causam ad altera, & non ad altera fertur? Nam & hoc principium esse, aut ipsius principium esse, necesse est. De nonnullis igitur, atque de omnibus eniti quippiam dicere, nihilque prætermittere, aut insignis stultitiæ forsitan, aut ualde parati animi uidebitur esse. Non tamē omnes similiter sunt increpandi, sed dicendi causam quæ nam sit, uidere oportet: & quo præterea modo se habet in credendo utrum humanè, an ita ut asserat atque persistat. Cum igitur quispiam exactiores necessitates fuerit nactus, tunc hisce qui inueniunt, gratias agere oportet: nunc autem id quod uidetur, dicendum est. Natura semper id facit, quod est optimum eorum quæ fieri possunt. Ut autem latius

Hic de motu cœli determinat Arist. ostēdēs quare magis ad unam partē, quàm ad aliā moueatur.

rectarum ea præstabiliior est, quæ locus superius petitur (est enim diuiniior locus superius, infero) sic et ea qua itur uersus anteriora, præstabiliior est ea, qua itur retrorsum: siquidem ita sese habet et dextrum, atque sinistrum, ut prius est dictum. Atque dubitatio dicta declarat prius, posterius uel coelum habere: hæc enim causa dubitationem soluit: nam si sese habet ut potest optime, hæc erit profecto causa eius, quod diximus: est enim optimum sanè, simplici ac incessabili motu cieri, atque hoc ad id quod præstabilius est.

Quod coeli lationem, & quæ prima lationum est, regularem esse sit censendum.

CAP. VI.

Hæc de irregularitate motus coeli determinat Arist.

**P**ost hæc motum ipsius uniformem, et non difformem esse, demonstremus oportet. Atque hoc dico, de primo coelo, de lationeque prima: in ijs enim quæ sunt sub illo, plures lationes in unum iam non uenire: nam si difformiter mouebitur, patet intensionem lationis, statum, remissionemque fore. Omnis enim difformis latio, remissionem, intensionem, ac statum habet. Status autem est, aut unde mobile fertur, aut ibi quod fertur, aut in medio: ueluti forsitan hisce quidem quæ natura feruntur, in eo ad quod mouentur. In ijs autem quæ præter naturam feruntur, in eo unde mouentur: hisce uero quæ proijciuntur, in medio. At conuersionis neque unde, neque quod, neque medium est. Neque enim ipsius principium, neque finis, neque medium est absolute: nam et tempore est sempiterna, et longitudine coacta, nec frangetur. Quare si lationis coeli status non est, neque difformitas erit: difformitas enim ob remissionem, intensionem uel fieri solet. Præterea si omne quod mouetur, ab aliquo moueatur, difformitas motionis aut ob id quod mouet, aut ob id quod mouetur, aut ob utrumque fiat necesse est. Nam et si id quod mouet, non eisdem uiribus moueat:

Et si id quod mouetur, alteretur, nec idē permaneat, et si  
 utrunq; mutetur, nihil prohibet id quod mouetur, difformi  
 motu cieri. Nihil autem horum circa cælum euenire po-  
 test: id enim quod mouetur, et primū, et simplex, et inge-  
 nerabile, atq; incorruptibile, et omnino immutabile demō-  
 stratum est esse. Id etiam quod mouet, longē magis tale esse  
 consentaneum est rationi: primi namq; primum, et simpli-  
 cis simplex, et incorruptibilis ingenerabilis ue incorru-  
 ptibile ingenerabile ue, motiuum est. Cū igitur id quod  
 mouetur, non mutetur, etsi est corpus: nec id quod mouet,  
 mutari potest corpore uacans. Quare impossibile est latio-  
 nem esse difformē: etenim si sit difformis, aut ipsa tota mu-  
 tatur, et interdum celerior, interdum tardior fit, aut ipsius  
 partes. Patet igitur partes difformes non esse: iam enim di-  
 stantia stellarum in tempore infinito fuisset, si alia tardius,  
 alia celerius moueretur. At nulla in distantijs aliter sese  
 habere uidetur. At neque tota mutari potest: remissio nam-  
 que cuiusque ob imbecillitatem fieri solet: imbecillitas ue-  
 rò, res est profectō præter naturam: etenim omnes inbe-  
 cillitates, quæ in animalibus insunt, præter naturam esse ui-  
 dentur, ut senectus et decrementum: tota namque fortasse  
 constitutio animalium ex talibus constat, quæ proprijs dif-  
 ferunt locis: nulli enim partium est suo in loco. Si igitur  
 in hisce, quæ prima sunt, non est id quod præter naturam  
 inest (simplicia namque sunt, et non mixta, et suis in lo-  
 cis sunt, atq; nihil prorsus est contrarium ipsis) neq; pro-  
 fectō imbecillitas erit in ipsis. Quare neque remissio, ne-  
 que intensio: nam si intensio fuerit, et remissio etiam erit.  
 Præterea cancellos etiam egreditur rationis id quod mo-  
 uet, uiribus carere tempore infinito, et rursus alio tem-  
 pore infinito uires habere: nihil enim tempore infinito



præter naturam esse uidetur: & imbecillitas res est, ut patet, præter naturam: nec æquali in tempore præter naturam, & secundum naturam est, nec omnino potens, ac imbecille. Si uerò motus remittatur, infinito in tempore remittatur necesse est. At uerò neq; fieri potest in quippiam ut semper intendatur, aut rursus remittatur: erit enim infinitus, indeterminatusq; ipse motus: omne autē ex quopiam in quippiam esse dicimus, definitum uē. Præterea hoc idem emerget, si quispiam sumpserit tempus quoddam minimum esse, in minore quo cælum moueri nō potest (ut enim neq; ambulare quispiam, neq; pulsare citharam quouis in tēpore potest, sed uniuscuiusq; actionis definitum est minimum corpus in non exuperando, sic neq; cælum moueri quouis in tempore potest) si igitur hoc uerum est, non erit sanē latitudinis semper intensio: quòd si non erit intensio, neq; remissio erit: similiter enim ambo erunt, ac alterum, si eadem celeritate, aut maiore intenditur, atq; tempore infinito. Restat igitur dicere, motui celeritatem uicissim, ac tarditatem inesse. hoc autem ratione penitus uacat, & figmento est simile. Insuper & rationi magis consentaneum est, nos id ipsum si ita sit, non latere. ea namq; quæ iuxta se ponuntur, facilius sanē sensu percipiuntur. Vnicum igitur cælum esse, & hoc ingenerabile, ac sempiternum, & uniformi semper motu cieri per ea satis quæ iam diximus, patuit.

Quòd rationi consentaneum sit, astra eius naturæ esse, cuius sit corpus in quo sunt fixa. CAP. VII.

Hic Arist. de partibus cœli integralibus determinat.

**D**E ijs autem quæ stellæ uocantur, deinceps dicendum esse uidetur, ex quibus constant, quasq; figuras habent, & quæ sunt motiones ipsarum. Consonum est itaq; maxime rationi, & ea quæ dicta sunt comitatur, unamquamque stellarum ex hoc asserere esse corpore, in quo latitatem habet.

betecum quippiam esse dicamus, quod aptum est suapte natura ferri conuersione. Vt enim qui dicunt igneas esse, ideo dicunt, quia superum corpus ignem inquiunt esse: quippe cum consonum sit rationi, ex his unamquamque constare in quibus est quæque, sic et nos hac in sententia nostra dicimus. Caliditas autem ab ipsis, lumenque ideo fit, quia aer ab illarum motione fricatur. Motus enim, et ligna, et lapides, et ferrum ignire solet. Magis igitur consentaneum est rationi, id quod est propinquius igni, propinquius uero est aer, quale fit et in hisce sagittis, quæ feruntur. Hæ nanque adeo igniuntur, ut ipsum plumbum, quod est in ipsis, liquefeat. Atque cum in ipsis hoc fiat, circumdans etiam ipsas aer, hoc idem patiatur necesse est. Hæ igitur ideo calefiunt, quia in aere feruntur, qui quidem ob ictum, motione fit ignis. Superiorum autem corporum unumquodque fertur in sphaera, ut ipsa quidem non igniuntur, sed aer cum sub obeuntis corporis sphaera sit, ob illius motum necessario calefiat, et maxime hac in qua sol est infixus. Quocirca cum propius accedit, ac oritur, et super nos est, fit et calor. Hæc igitur a nobis sint dicta de ipsis, quibus patet neque igneas ipsas esse, nec in igne ferri.

Quod astra non moueantur proprio motu secundum  
cœli circumulum.

CAP. VIII.

Cum autem et stellæ transferri uideantur, et totum  
cœlum aut utrisque quiescentibus, aut utrisque subeun-  
tibus motum, aut altero quiescente, altero subeunte motu,  
hinc fieri mutationem necesse est. Ambo igitur quiescere,  
terra quiescente, impossibile est: non enim fierent, quæ ui-  
dentur. At supponatur terram quiescere. Restat igitur am-  
bo moueri, aut alterum quiescere, alterum motu cieri. Si igitur  
tur ambo mouebuntur, ratione profectò uacat easdem stel-

Hic Arist. de  
astrorum mo-  
tu determi-  
nat.

larum, aut circulorum esse celeritates: unaquæq; enim æquæ celeris erit, atq; circulus in quo fertur: simul enim cum circulis, in idem redire uidetur. Accidit igitur simul stellam circulum transiisse, & circulum lationem suam egisse, suamq; circumferentiam transiisse. Non est autem consentaneum rationi, celeritates stellarum, & magnitudines circulorum eandem rationem habere: circulos enim non est absurdum, sed necessarium, celeritates habere, rationem subeuntes eandem, quam & magnitudines subeunt: stellarum autem earum, quarumque sunt in istis, nullo modo consentaneum est rationi. Nam si necessariò ea celerior erit quæ per maiorem circulum fertur, patet quòd si circulos suos stellæ mutabunt, alia celerior, alia tardior erit: hoc autem modo motionem propriam non habere, sed ab ipsis orbibus ferri uidentur. Sin casu accidit, neq; hoc pacto consonum est rationi, ut in omnibus simul & circulus sit maior, & latitudo stellæ quæ est in ipso, celerior: unã enim, uel duas hoc modo sese habere, non est absurdum: uniuersas uerò simili modo sese habere, figmento est simile: & insuper in hisce quæ sunt natura, non est id quod sit casu: neq; id quod ubiq; & in omnibus est, proficiscitur à fortuna. At uerò si orbes quiescant, stellæ autem moueantur, eadem absurda, & similiter erunt: ueniet enim celerius eas moueri quæ sunt extra, & celeritates per orbium magnitudines esse. Cum igitur neque utraq; neq; stellam solam moueri consentaneum sit rationi, restat orbes quidem moueri, stellæ uerò quiescere, & infixas in ipsis orbibus ferri: hoc enim modo duntaxat, nihil accidit quod rationis fines egrediatur. Et uelocitatem enim orbis maioris celeriores esse, consentaneum est rationi, circa idem centrum in orbibus stellis infixis. Ut enim in cæteris maior corpus, celerius ratione propria fertur,



tur, sic & in orbibus ipsis: pars enim orbis maioris, maior est hisce partibus, quæ auferuntur ab eo plano, quod per centrum extenditur. Quare congruè æquali tempore maior orbis circumferetur: & cælum accidet non diuelli, & propter hoc ipsum, & quia demonstratum est totum ipsum continuum esse. Præterea cum stellæ sint rotundæ, quemadmodum & cæteri dicunt, & nos etiam ut nostris consonum sententijs dicimus ex illo corpore ipsas generantes, rotundiq; ipsius duæ sint per se motiones, uolutio, & conuersio, si stellæ per se mouerentur, harum altera motione mouerentur: at neutra moueri uidentur. Si uersarentur enim, eodem in loco sanè manerent, locum uero non mutarent: uidentur autem locum mutare, ac omnes dicunt. Præterea omnes quidem consentaneum est rationi eodem motu cieri. Sol autem stellarum solus, hoc facere uidetur, cum oritur, atque occidit: & hic non per se, sed ob nostri sensus remotionem. Visus enim longè sese extendens, uersatur ob imbecillitatem, quæ quidem fortasse causa est, ut & stellæ quidem fixæ micare, uagantes autem non micare uideantur: uagæ nanque stellæ sunt propè. Quare uisus, sui compos ad ipsas accedit: ad fixas autem longè ualde sese extendens, ob longitudinem tremit. Tremor autem ipsius facit ut hæc motio stellæ ipsius esse uideatur: nihil enim interest, uisus, an id quod cernitur, moueatur. At uerò nec uolui stellæ perspicuum esse uidetur: id enim quod uoluitur, uersetur necesse est: at id lunæ, quod facies nuncupatur, semper uidetur. Quare, cum consonum sit rationi stellæ hisce motibus, qui ad ipsas sunt accommodati, moueri, si per se moueantur, his autem moueri non uideantur, patet ipsas per se non moueri. Insuper nullum ipsis instrumentum ad motum tribuisse naturam, metas egreditur rationis:

nihil enim casu natura facit: neque animalia quidem ipsi curæ suere, adeo uerò præstabiles res desepexit: sed uniuersa uidetur tanquam de industria abstulisse, quibus per se procedere ipsa possent: atque ab hisce quæ instrumenta ad motum habent, quàm plurimum semouisse. Quapropter & totum cælum rotundum cum ratione, & unaqueque stellarum esse uidebitur: sphaera enim figurarum maximè utilis est ad eum motum, qui eodem in loco sit: sic enim & celerrimè moueri, & eundem maximè locum occupare potest: ad motum autem eum, quo ad ea pergitur loca, quæ sunt ante, maximè inutilis est: est enim minimè similis hisce, quæ per seipsa mouentur: nihil enim dependens, nihil emens habet, ut rectorum linearum figura, sed plurimum à corporibus hisce quæ progrediuntur, figura semota est. Cum igitur cælum quidem in seipso moueri oporteat, stellas autem non per ipsas procedere, cum ratione nimium sit utrunque, ut figuræ rotundæ sit: sic enim alterum quidem motu ciebitur, alterum uerò quiescet.

Quòd præter rationem sit Pythagoricorum opinio, ponentium corpora cœlestia rotatu sonum harmoniamque efficere. CAP. IX.

Hic ostendit  
Arist. ex motu  
corporum cœ-  
lestium nul-  
lum fieri cœ-  
centrum.

**E**X his autem patet id, quod dictum est à quibusdam, horum, inquam, latione concentum fieri, sonis emergentibus inde ratione rata distinctis: lepidè quidem esse dictum, atque concinnè, non tamen esse uerum, nec ita rem se habere. Sunt enim quibus necessariū esse uidetur sonū fieri tantorum corporum latione, quippe cum & eorum corporum motu, quæ apud nos sunt, neque molem habentium æqualem, neque talem motionis celeritatem, qualis est solis & lune, sonus efficiatur. Et insuper cum tot multitudine, tantæque magnitudine stellæ tanta celeritate motus ferantur, impossibile est sonum

sonum non fieri grandem. Hæc autem supponentes, & celeritates insuper concentuum rationes ex interuallis habere uarios aqualiter sonos, stellarũ conuersione fieri dicũt. Quoniam uerò rationis fines egredi uidebatur, nos hũc sonitũ nõ audire, causam huius inquirunt esse, continuo sonũ hunc esse cum orimur, ut non sit ad silentiũ contrariũ manifestus: uocis enim silentij ue perceptionem, uicissitudine fieri dicunt. Quare ut hisce qui mulcent ferrũ, ob consuetudinem nihil interesse uidetur, sic & hominibus idem accidere aiunt. Hoc, ut dictũ prius est, concinne quidẽ, musicęq; dicunt: impossibile est autẽ ita sese habere. Non enim solum hoc est absurdũ, nihil inquã nos audire, quod quidẽ soluere aggredientes dictã causam afferunt: sed etiã illud sine sensu nihil omnino pati. exuperãtes enim soni, & inanimatorum corporum moles offendunt. Tonitruum nanq; sonus lapides, & robustissima corpora scindit. Quod si tot feruntur corpora, atq; ad eam magnitudinem, quę fertur, multiplicem sonitus magnitudinem transiit: huc profectò perueniat ipse sonus, ac ipsius uiolentię magnę sint admodum uires necesse est. Sed non sine ratione, neq; nos audimus, neque corpora pati quicquam uiolentum uidentur, propterea quod nullum stelle motione sonũ efficiunt: atq; simul istorum causa patet, & testis est hisce, quę à nobis sunt dicta, uerãq; esse declarat. Id enim quod dubitatũ est, Pythagoricus uel compulit hanc sententiam ferre, stellarũ inquam latione concentum fieri, indicium efficitur nobis. Quę nanq; per se feruntur, ea sonitum ictum uel faciunt: quę uerò in eo quod fertur, infixæ sunt, aut insunt, ut in nauigio partes, ea sonum elicere nequeunt, neque ipsum nauigium, si in fluuiio feratur. Et tamen eadem dicere licet absurdũ esse, si tantę nauis malus motione, puppis uel



aut ipsum nauigium, uehementem non faciat sonum. Quod uerò fertur, in eo quod non fertur, id facit sonum: at quod est in eo quod fertur, id uero non facit, id efficere sonum impossibile est. Quare dicendum est hic, si stellarum corpora per aërem fusu per uniuersum, aut ignem (ut omnes aiunt) ferantur, necessario uehementem fieri sonum, atque huc peruenire, & hæc offendere corpora. Sed cum fieri uideatur, neque animantis motu, neque uiolento ullam stellarum ferri, quasi futuris ipsa prouidente natura: quod si hoc modo non sese haberet motus stellarum, nihil prorsus eorum esset quæ hoc in loco sunt, quod simili modo sese haberet. Stellas igitur esse rotundas, & per seipsas non moueri, satis iam diximus.

Ordinem quempiam orbium esse, & illum ex Astronomia notum esse. CAP. X.

Hic determinat de uelocitate & tarditate in motibus astrorum.

**D**E ordine uero ipsarum quomodo quæque disposita est, ut quædam sint priores, quædam posteriores, & quomodo sese habent interuallis, ex hisce quæ in Astrologia dicuntur, contemplerur oportet: dicitur enim ibi sufficienter. Accidit autem per rationem singularum fieri motiones ipsis nimirum interuallis, ut aliæ sint celeriores, aliæ tardiores. Nam cum supponatur extimam quidem cœli lationem simplicem, atque celerrimam esse: ceteras uerò tardiores, ac plures (quæque nanque stella motu fertur contrario atque cœlum, suo in orbe) consentaneum iam est rationi eam quidem, quæ propinquissima est simplici, primæque conuersioni, plurimo in tempore suum orbem transire: eam uerò quæ remotissima est, in minimo, ceterarum autem semper eam, quæ est propinquior, in maiore: eam uerò quæ est remotior, in minore: propinquissima nanque maxime superatur, remotissima uerò minime

nimè omnium, ob remotionem. At media, per distantie iam rationem, ut mathematici quoq; demonstrant.

Quòd astra sphaericæ figuræ sint.

CAP. XII.

**A**Tqui figuram uniuscuiusq; stellarum rotundam, maxime non absq; ratione quispiam esse existimabit: nã cum demonstratum sit stellas haud aptas esse per se moueri: naturaq; nihil absq; ratione, frustra q; faciat: patet eam figuram, ipsam immobilibus tribuisse, quæ minimè est motiua: talis autem est rotunda, propterea quòd instrumentum nullum habet ad motum. Quare patet stellarum molem rotundam esse. Præterea similiter sese habent omnes, ac uana. At luna per ea quæ circa uisum accidunt, rotunda esse ostenditur: non enim accrescens, atque decrescens, pluries quidem altera ex parte curua, altera concaua fieret, aut utraque ex parte curua: semel autem duas in partes æquales bipartita uideretur. Et rursus per Astrologiam: non enim sol cum deficit, concauus ex ea parte qua deficit, uideatur. Quare si stella una est talis, patet & ceteras omnes rotundas esse.

Hic de figuris astrorum Arist. determinat.

Ob quam causam cœlestium corporum motus multiplicentur iuxta distantiam à primo orbe. Et quare in primo orbe sint stellæ, in reliquis singulæ. CAP. XIII.

**C**um autem duæ sint dubitationes, de quibus quilibet nō immeritò dubitauerit, enitatur id dicere quod nobis uidetur. Atque hunc omnium ueneratione potius dignum, quàm temerarium arbitrari oportet, si quispiam ob Philo-  
sophiæ sitim exiguas etiã in hisce rebus facultates amet, de quibus maximas dubitationes habemus. Est autè in talibus, quæ multa sunt, nō minus admirabile: quam ob causam non semper hæ stellæ, quæ plus à prima latione distant, pluribus motibus, sed mediæ plurimis mouentur. Cōsentaneum enim

Hic dubitationes duas mouet Arist. quas etiam soluit.

Prima dubitatio.

rationi

rationi uidebitur, primo corpore unam lationem subeunte, propinquisimū minimis motibus moueri, ceu duobus: id autem quod heret illi, tribus, aut aliquo alio ordine tali.

Nunc uerò contrarium accidit: paucioribus enim sol & luna mouentur, quam stellarum nonnullæ uagarum, quæ tamen longius à medio distant, & propinquiores primo corpori sunt. Manifestum autem hoc de nonnullis etiam ipso uisu fuit: lunam enim uidimus dimidia parte lucidam Martis stellam subijisse, quæ celata quidem fuit in parte obscura, egressa autem per lucidam partem. Similiter & de cæteris stellis Aegyptij, & Babylonij dicunt: qui plurimam annis ante hæc obseruauerunt, & à quibus multa fide digna de singulis stellis accepimus. Hoc etiam non iniuria quissiam dubitauerit, quam ob causam etiam in prima quidem conuersione tanta est multitudo stellarum, ut uniuersus ordo subire non posse numerum uideatur. In cæteris autem, una seorsum est stella: due uerò aut plures, eodē in orbe non uidentur esse infixæ. De his igitur bene sese habet, & maiorem querere cognitionem, & si parue occasiones habentur, tantaq; est eorum ratio, quæ accidunt circa ipsa. Si tamen ex talibus cōtemplemur, nō egredi metas rationis uidebitur id, quod nunc dubitatur. Sed nos de ipsis ut de corporibus, ac unitatibus ordinem quidem habentibus, inanimatis autem penitus cogitamus. Oportet autem ipsa uiuentia esse existimare, atq; actionē habere: sic enim id quod accidit, non uidebitur à ratione exorbitare. Nā ei quidem quod optime sese habet, inesse ipsum bonum sine actione uidetur: ei uerò quod illi est propinquisimum, per paruam, ac unam. At hisce quæ sunt remotissima, per plures, quemadmodum & in corporibus fieri solet: aliud enim bene sese habet nullum exercitium subiens: aliud leui de ambul

Secunda dubitatio.



ambulatione facta: aliud & cursu indiget, & luctatione, ac puluere. Alij rursus neq; quouis exercendi modo, hoc nunquam inerit bonum, sed aliud quippiam cōsequetur. Rectē autem agere, aut multa, aut sepe, difficile est: ueluti talos Coenses nulle proijcere, impossibile est, sed unum, uel duos facilius est. Et rursus cū hoc quidē illius gratia, illud autem ob aliud, & illud item ob aliud est faciendum, in uno quidem duobus ue facilius quispiam finem attinget, ac quō per plura procedit, eō illum difficilius assequetur. Quapropter & stellarū actionem talem existimare oportet, qualis animalium est, ac plantarum: etenim hīc hominis actiones, plurimę sunt: multa enim bona consequi potest quare multa agit, & aliorum nimirum gratia. Ei uerō, quod quā optime sese habet, non est opus actione: est enim id, gratia cuius cetera agunt. Actio uerō semper in duobus consistit, quando & id, gratia cuius agitur, est, & id quod huius gratia agit. At ceterorum animalium pauciores sunt. Et plantarum, parua quedam est, ac una fortasse: aut enim unum quidem est, quod consequi possunt, quemadmodum & homo: aut & ipsa multa, omnia antecedunt ad ipsum optimum cōsequendum. Aliud igitur habet optimū ipsum, & particeps est ipsius: aliud per pauca propē accedit, aliud per multa: aliud non aggreditur, sed satis est propē ad ipsum ultimum peruenire: ueluti si sanitas est finis, aliud semper est sanum, aliud macie affectum, aliud cursu facto in maciem deductum, aliud & alio quopiam acto ipsius gratia cursus. Quare plures ipsius sunt motiones. Est & id quod ad sanitatem ipsam accedere nequit, sed ad cursum solum, aut ad maciem: atque horum alterum est ipsi finis. Nam maxime quidem est optimum omnibus, illum consequi finem. Quod si hoc non fiat, semper melius est, quantō optimo

optimo propinquius est. Et idcirco terra quidem non mouetur omnino, propinqua uerò paucis motibus mouentur: non enim ad ultimum ipsum perueniunt, sed quousq; consc qui diuinissimum ipsum principium possunt. Primum autē cœlum, continuo per unum motum illud assequitur: at ea quæ sunt in medio primi, ac ultimarum perueniunt quidem, per plures tamen motiones perueniunt. Illud autem, in prima quidem latatione magnam copiam esse stellarum: cætera uerò stellarum quæq; seorsum proprias motiones habere, quod quidem dubitatio est secunda: ob unum quidem primum quispiam cum ratione esse putabit. Primæ nanque uite, & principij cuiusq; primi magnam ad cætera intelligere excessionem esse oportet. Hoc autem accidere per rationem uidetur: prima nanq; una quidem est, multa autem diuinorum corporum mouet: cætera uerò multæ quidem sunt, unum tamen quæq; tantummodo mouet: uagarū enim stellarum quæq; pluribus latationibus fertur. Hoc igitur pacto natura ipsa in equalitatem hæc redigit, atq; ordinem quendam facit, uni quidem latationi multa corpora, uni corpori latationes complures reddens. Et insuper ob hoc, unum cætera spheræ corpus habent, quod multa corpora mouet: & quæ sunt ante ultimam, & quæ unam possident stellam. In multis enim spheris, ultima spheræ ligata feruntur: spheræ autem quæq; corpus est, illius igitur, ipsum opus commune erit: etenim cuiusq; propria natura latio. Ipsa autem quasi adiacet: ad finitum uerò, finiti corporis omnis potētia est. Sed de stellis quidem, quæ cōuersione feruntur, qualesnam substantia sint, atq; figura, & de loco ipsarum, atq; ordine, satis iam diximus.

Opiniones antiquorum xii. de situ, motu, figura, & quiete Terræ: & earum examen.

CAP. XIII.

Restat

**R**estat autem de terra dicere, ubinam iaceat, & utrum  
 Rex hisce sit, quæ quiescunt, an ex his quæ mouentur,  
 & de ipsius quoque figura. De situ itaque ipsius, non ean-  
 dem omnes opinionem habent, sed plurimi quidem in me-  
 dio iacere dicunt, qui totum cælum infinitum inquirunt esse.

Hic Arist. an-  
 tiquorum de  
 situ, motu,  
 quiete & fi-  
 gura tres opi-  
 niones ponit

II. uerò qui Italiæ partem habitant, Pythagoriciq; uocantur,  
 contrarium asserunt: nam in medio quidē ignem esse aiunt:  
 terram autem unam esse stellarum, ferriq; circa medium,  
 atq; hoc pacto noctem, ac diem efficere. Aliam autem huic  
 contrariam terram conficiunt, quam terram aduersum uo-  
 cant: non ad ea quæ uidentur rationes, causasq; querentes,  
 sed ad quasdam suas rationes, opiniones uel ea, quæ uiden-  
 tur, trahentes, atque ornare conantes. Compluribus etiam  
 alijs non ex his, quæ apparent, sed ex rationibus potius  
 sumentibus fidem, locum reddere terræ medium non opor-  
 tere uideri potest: præstabilißimum enim corpus, locum  
 occupare præstabilißimum oportere putant: atque ignem  
 quidem præstabiliorem terræ, finem autē medijs ipsis præ-  
 stabilißimum esse. Quare ex his ratiocinantes, non ipsam  
 in medio sphaeræ iacere, sed potius ignem putant. Præterea  
 Pythagorici, & quia maximè conseruari oportet id, quod  
 est maximè præcipuum uniuersi, medium uerò est tale, ideo  
 eum ignem, qui locum hunc occupat, custodiam Iouis ap-  
 pellant. Quasi medium simpliciter diceretur, & medium  
 magnitudinis & rei mediū esset, atq; naturæ. Enimuerò ut  
 in animalibus non idem est animalis, atq; corporis mediū,  
 sic est magis & circa ipsum totum cælum existimandum.  
 Igitur propter hanc causam non oportet ipsos circa uni-  
 uersum turbari, neq; custodiā ad centrū adducere, sed illud  
 querere, mediū ipsum quale quid est, et ubi est aptum esse.  
 Illud enim medium principium est ac pretiosum: medium  
 uerò



uerò loci, simile est magis extremo, quàm principio: mediū enim terminatur: terminus autem est ipse finis. Pretiosus autem est id quod continet: & finis, quàm id quod finitur: hoc enim materies, illud substantia constitutionis est. De loco igitur terræ hanc habent quidam opinionem, similiter & de quiete motu ue: non enim eodem modo omnes existimant, sed qui in medio ipsam non esse putant, circa medium moueri dicunt: atque non solum hanc, sed etiam aduersam terram, uti prius est dictum. Quibusdam etiam & pluralia corpora circa medium ferri posse uidetur, nobis immanifesta ob terræ obiectionem. Quocirca & lunæ defectiones plures, quàm solis fieri dicunt: unumquodque enim eorum quæ feruntur, obijcere sese lunæ inquiunt, non solum terram. Nam cum terra centrū non sit, sed per ipsius totum hemispheriū distet, nihil prohibere putat ea accidere, quæ uidentur similiter non habitantibus nobis in centro, sicut si in medio esset terra: nihil enim neq; nunc ostendit, per diuidium diametrum distantibus nobis. Quidam autem, in centro ipsam iacentem uolui, & circa ipsum polum per uniuersum extensum moueri dicunt, ut in Timæo est scriptum. Simili modo, de figura quoque ipsius contenditur. Quibusdam enim rotunda esse uidetur, quibusdā uerò lata, ut tympanum: qui hoc indicium faciunt (cum occidit enim, atque oritur sol, per rectam lineam, sed non per curuam celari uidetur: quippe cum oporteret, si esset rotunda terra, diuisionem fieri curuam) non animaduertentes distantiam solis ad terrā, & circumferentiæ magnitudinem: quomodo in hisce circulis, qui parui eminus uidentur, linea recta apparet. Propter igitur hanc apparentiam, non oportet ipsos terræ molem credere rotundam non esse. Addunt insuper, atque inquiunt, figuram hanc necessariò ipsam propter

propter quietem habere. Etenim modi qui de motione quiete ue sunt dicti, complures sunt. Omnes igitur de hoc dubitauisse necessarium est: forsitan enim mentis est uacantis ratione non admirari, curnam parua quedam pars terre, si eleuata dimittatur, fertur, quiescereq; non solet, maiorq; semper celerius fertur: uniuersa autem terra si quispiam ipsam sublinem, eleuatamq; dimittat, ferri non potest, nunc uerò tantum pondus quiescit. At uerò si quispiam etiam partes ipsius cum feruntur, antequam cadant, auferat terram, deorsum sanè ferentur, si nihil obstitit. Quare dubitare quidem, omnibus ob Philosophiam euenit. Operam autem eos non dedisse, ut solutiones non magis absurde, quam dubitatio uideantur, mirum cuipiam sanè uidebitur. Quidam enim ob hoc infinitam inferam terræ partem iniquiunt esse, in infinitum ipsam radicatam esse dicentes, ut Xenophanes Colophonius dixit: ne molestias habeant, causas queritantes. Quocirca & Empedocles sic increpauit: Infinita est profunditas terre, copiosusq; æther, quæ per multa iam ora, linguasq; dicta, frustra sunt effusa hominum eorum, qui perparum ipsius uniuersi uiderunt. Quidam super aquam iacere dicunt: hanc enim sententiam uetustissimam accepimus: quam Thaletem Milesium dixisse ferunt: terram, inquam, ideo quiescere, perinde atque lignum, aut quippiam tale natat. Etenim nihil horum super aërem manere est aptum, sed super aquam, quasi non eadem sit de terra ratio, atq; aqua quæ terram uehit: neque enim aqua sublimis manere est apta, sed super aliquid semper est. Præterea ut aër leuior est aqua, sic & aqua leuior est terra. Quare, quonammodo id quod est leuius, inferius eo quod grauius est, natura iacere putant? Præterea si tota est apta super aquam manere, patet & quancq; partem ipsius idem

idem aptam esse. Nunc autem hoc fieri non uidetur, sed  
 quæuis pars in fundum, & celerius maior fertur. At enim  
 usque ad quendam terminum querere uidentur, sed non  
 quousque dubitationis inquisitio fieri potest: est enim nobis  
 hæc omnibus consuetudo, non ad rem ipsam questionem  
 facere, sed ad eum, qui contraria dicit: etenim in seipso  
 eousque querit, ultra quod ipse contra seipsum dicere nequit.  
 Quapropter bene queritur, aptum, idoneumque esse ad  
 inferendum generi accommodatas insiciationes, oportet: est  
 autem talis, qui uniuersas differentias est contemplatus.  
 Anaximenes autem & Anaxagoras, & Democritus lati-  
 tudinem causam manendi ipsam inquiunt esse: non enim dis-  
 uidere, sed operire aërem dicunt inferum, quod quidem  
 latitudinem habentia corpora facere uidentur: hæc enim  
 & a uentis cum difficultate moueri possunt, propter adhe-  
 sionem. Hoc idem igitur latitudine terram inquiunt ad aë-  
 rem facere: hunc autem non habentem locum, ad quem mi-  
 grabit, sufficientem, simul infra quiescere, perinde atque  
 aqua in hisce uasis, quæ surripiunt aquam. Posse uerò aërē  
 pondus magnum si comprehendatur inferre, compluribus  
 signis ostēdunt. Primum igitur, si non lata figura sit terræ,  
 propter hoc non quiescet. Quietis tamen non latitudo sola  
 est causa, ex hisce quæ dicunt, sed magnitudo magis: pro-  
 pter enim angustiam aëre transitum non habent, manet  
 ob multitudinem. Aër autem est copiosus, ex eo quia à ma-  
 gnitudine comprehenditur magna terræ. Quare hoc ipsum  
 est, & si rotunda quidem est terra, tanta autem mole: sen-  
 tentia enim illorum manebit. Omnino autem ad eos qui  
 dicunt ita de motu, non de partibus est contentio, sed de  
 aliquo toto, ac uniuerso: à principio enim est determina-  
 tum, utrum sit quispiam motus natura corporibus com-  
 petens,



petens, an ullus sit: & utrum naturalis quidem nullus sit  
 prorsus, uiolentus autem sit. Atque cum de his ipsis prius  
 sint definita, quæ pro facultate presenti potuimus, his, uti  
 ueris, utamur nunc oportet. Nam si nullus natura motus  
 competit, neq; uiolentus ullus erit profectò: si uerò neuter  
 est, nihil omnino mouebitur: prius enim est definitum, ne-  
 cessariò hæc euenire. Et insuper neq; quicquam quiescere  
 potest: nam ut & motus natura alius competit: alius est  
 uiolentus, sic & quies. At si motus quispiam est secundum  
 naturam, non uiolenta latio solū, nec quies erit. Quare si  
 terra nunc ui quiescit, uiolenta quoq; latione ob conuer-  
 sionem ad medium ipsum accessit: omnes enim hæc causam  
 dicunt, ex hisce quæ in humidis feruntur, & circa ærem  
 accidunt. In his enim maiora semper grauioraq; ad ipsum  
 conuersionis medium pergunt. Idcirco & terram omnes,  
 qui cælum ortum asserunt esse, ad ipsum accessisse medium  
 aiunt. Quia uerò manet, causam querunt: & dicunt par-  
 tim hoc modo latitudinem, inquam, ac magnitudinem cau-  
 sam ipsius esse: partim, ut Empedocles censet, cælum con-  
 uersione sua celeriore, quàm est terræ motio, lationem ip-  
 sius prohibere, ut sit in aqua, quæ in cyathis est: hæc enim  
 cum cyathus orbe fertur, & si sepe cyathus adeò uertitur  
 ut supra fundum infra labra fiant, non fertur tamen deor-  
 sum, apta deorsum ferri propter eandem causam sanè. At  
 si neq; conuersio, neq; latitudo prohibeat, quorsum inde  
 quæso ære cedente, ac abeunte feratur? Ad medium enim  
 ui lata est, uig; etiam in ipso manet: lationē uerò ipsius esse  
 quandam secundum naturam, necesse est. Hæc igitur est ne  
 ea qua sursum itur, an ea qua itur deorsum, an alia quæ-  
 dam: aliquam enim esse necesse est. Quod si non magis est  
 ea, quæ supera loca petuntur, quàm ea quæ itur deorsum:

aër uerò superior lationem eam non prohibet, qua pergitur sursum. neq; is sanè qui est sub terra, eandem prohibere, qua itur deorsum. potest: easdem enim causas, eisdem eorundem esse necesse est. Præterea illud etiam ad Empedoclem quispiam dixerit: quando enim elementa discordiæ expertia erant, quæ nam causa terræ quietis erat? Non enim tunc conuersionem causam esse dicet. Absurdum est etiam non intelligere, prius quidem terræ partes ob conuersionem ad medium esse latis: nunc autem quam ob causam uniuersa, quæ pondus habent, ad ipsam feruntur? non enim conuersio nobis propinqua est. Præterea quam ob causam ignis etiam sursum fertur? non enim ob cōuersionem: quod si hic aptus est aliquem ad locum ferri: patet putandum esse, terram etiam identidem aptam esse definitum quendam petere locum. At uerò neq; conuersione graue, leuicq; est definitum, sed eorum quæ prius erant grauia leuiacq; alia in ipsum medium ueniunt, alia super cætera collocantur ob motum. Erat ergo & antè quàm conuersio fieret, aliud graue, & aliud leue: quæ quidem quonam erant distincta, & quomodo, aut quorsum apta erant ferri? Nam si infinitum est, superus locus, inferusq; esse non potest: graue autem, atq; leue, hisce sunt definita. Plurimi igitur circa causas hæc uersantur. Sunt autem qui manere ipsam ob similitudinem dicunt, ut ex ueteribus Anaximander dicebat. Id enim inquit, quod est in medio collocatum, & æquè ad extrema se habet, non ad supera magis quàm ad infera, aut uersus latera ferri oportere, & simul ad contraria moueri non posse. Quare necessario illud manere dicunt. Hoc autem eleganter quidem, non uerè tamen est dictum. Hac enim sententia, omne quod in medio ponetur, maneat in ipso necesse est. Quare ignis quiescet: id enim quod dictum est,

est, proprium terræ non est. At uerò neq; necessarium est: nō enim solū in medio manere uidetur, sed ad medium etiā ferri: quō enim quæuis ipsius pars fertur, eō totam etiā ferri necesse est: quō uerò fertur secundum naturam, ibi secundum naturam etiam manet. Non ergo similiter quia se habet ad extrema, ideo manet: hoc est enim uniuersis communis: ferri autem ad medium proprium ipsius est terræ. Absurdum est etiam hoc quidem querere, curnam terra manet in medio: illud autem non querere, cur ignis in extremo quiescit. Nam si & ille locus extremus natura compe- tit, patet & terræ locum aliquem natura cōpetere necessarium esse. Quōd si hic locus natura terræ non competit, sed ob similitudinis necessitatem in ipso manet ( ut ea sententia asserit, ) quæ de capillo affertur, cum uehementèr quidem, similiter autem intenditur ex utraq; ex parte: dicit enim, illum nō ruptum fore. Et item ea quæ de sitiente uehementèr esurienteq; dicuntur, cum aquæ ab his quæ eduntur, atq; bibuntur, distat ( quiescat enim, necesse est ) querendum est ipsis de ignis ultimis in loco quiete. Mirabile autē est, & de quiete quidem ipsorum querere, de latione uerò non querere, quam ob causam alterum sursum, alterū deorsum ad ipsum mediū ( si nihil impediat ) fertur. At uerò neq; uerum est quod dicitur, per accidens tamen hoc uerum est, necessariū esse id omne in medio manere, cui nō magis huc cōpetit, quā illuc moueri: sed propter hanc sententiā non manebit, sed mouebitur: non tamen totū, sed diuulsum. Eadē enim & ad ignē accommodabitur ratio. Si enim positus in medio fuerit, maneat perinde atq; terra necesse est: similiter enim ad extremū quoduis punctōrū sese habebit: attamen a medio ipso mouebitur, quāadmodum & ferri ( nisi quipiam prohibeat ) ad extremum ipsum uidetur: uerum non



totus ad unum punctum feretur: hoc enim solum ex ratione quæ de similitudine sit, euenire necesse est: sed pars ad extremi partem, eiusdem nimirum rationis: ueluti quarta pars ad quartam continentis ipsius partem: nullum enim corpus est punctum. Vt autem ex magno minorem in locum mutari potest, si condensetur, sic & in magnum ex minore, si rarefiat. Quare & terra hoc à medio moueretur modo, per ipsius similitudinis rationem, si non natura locus hic competeret terræ. Quæ igitur de figura, de loco, de quiete, de motu ipsius existimantur, tot ferè esse uidentur.

Quod terra in medio sita non moueatur circù polū in circuitū, & quod quiescat: & de figura eius spherica. CAP. XIII.

Hic Aristot.  
quid de terra  
situ, motu,  
quiete, & figura  
sentiat, aperit.

**N**os autem primò dicamus, utrum habeat motum, an maneat. Nam (uti diximus) quidam ipsam unam stellarum inquit esse: quidam in medio positam uolui, moueriq; circa polum dicunt. Esse autem hoc impossibile, patet hinc principio sumpto. Si fertur, siue in medio sit, siue extramedium, necessarium est ipsam hoc motu ui ferri: non enim ipsius terra: etenim unaquæq; partium hanc lationem haberet: nunc autem, ad medium uniuersæ recta feruntur. Quod circa cum uiolenta sit, præterq; naturam, impossibile est perpetuam ipsam esse: ordo autem mundi, perpetuus est. Præterea cuncta quæ conuersione feruntur, post relinquui uidentur, pluribusq; lationibus una præter primam spheram moueri. Ergo & terram, siue circa medium, siue in medio sit collocata, duabus lationibus moueri necesse est. Quod si sit, mutationes fieri fixarum stellarum, regressionesq; necesse est. Hoc autem fieri non uidetur: sed eadem eisdem in locis ipsius semper oriuntur, atq; occidunt stellæ. Præterea latio partium ipsius totius secundum naturam, ad ipsum est medium uniuersi: ob hoc enim & in ipso centro nunc iacet.

lacet. Dubitauerit autem quispiam, cum idem sit medium  
utrorumq; ad utrum ea quæ pondus habent, partesq; terræ  
secundum naturam feruntur: utrum quia est medium uni-  
uersi, an quia est terræ? Ad medium igitur uniuersi feran-  
tur, necesse est: etenim leuia, atq; ignis ad contrarium pon-  
deribus terræ pergentia locum, ad ultimum eius loci, qui  
continet medium ipsum feruntur. Accidit autem, idem terræ  
medium esse ac uniuersi: feruntur enim pondera & ad me-  
dium terræ, sed per accidens, ea ratione, qua terra medium  
suum habet in ipso medio uniuersi. Ferri autem grauia &  
ad ipsum mediū terræ, hoc indicium est: pondera enim quæ  
ad hanc feruntur, non æquè distantia, sed ad similes angulos  
feruntur. Quare ad unum medium uniuersi, terræq; ferun-  
tur. Patet igitur necessario terram in medio esse, atque im-  
mobilem esse, & ob eas quas diximus causas: & quia pon-  
dera, quæ sursum iaciuntur, in idem rursus per rubricam  
feruntur: & si in infinitum uis illa projiciat. Neque igitur  
terram moueri, neq; extra mediū collocatam esse, per hæc  
dilucidum fuit. Insuper causa quietis ex ijs, quæ dicta sunt,  
patet. Nam si apta est ad medium undiq; natura ferri, sicut  
uidetur, & ignis ad extremum è medio simili modo: fieri  
non potest, ut ulla pars ipsius è medio feratur, ui non illata.  
Vna est enim unius latio, et simplicis simplex, sed non con-  
trariæ. At ea qua è medio pergitur, contraria est ei, qua ad  
medium itur. Si igitur fieri non potest ut ulla pars ipsius è  
medio feratur, patet magis fieri non posse ut ex eodem tota  
feratur: quò enim pars apta est moueri, eodem & totū aptū  
est ferri. Quare si impossibile est ipsam moueri, nisi à supe-  
rioribus uiribus, in ipso medio ipsam manere necesse est.  
Testes sunt hisce, et ea quæ à Mathematicis circa astrologiā  
dicuntur: eueniunt enim ea, quæ apparent, cum figuræ muta-

tantur quibus ordo stellarum est definitus, propterea quòd in medio terra est collocata. De loco igitur, & quiete motuue terre quomodo sese habent, tot à nobis sint dicta. Figuram autem rotundā, ipsam habere necesse est. Vnaqueq; enim partium pondus ad ipsum medium habet: & minor si à maiori tellatur, egredi non potest, sed premitur potius, ac alia alij cedit, donec ad medium ipsum perueniat. Intelligere autem oportet id, quod dicitur, perinde fieri, atque si terra fieret eo modo quo naturalium etiam quidam ipsam inquirunt ortam esse. Verum illi quidem uolentiam, lationis ad infera terre causam esse dicunt. Præstat autem ueritatem ponere, atq; hoc ideo accidere dicere, quia naturam habet id, quod pondus habet, ad ipsum medium ferri. Cum igitur potentia congeries esset, ea quæ segregabantur, undique similiter ad ipsum medium ferebantur. Siue igitur similiter ab extremis partes diuise ad medium sunt congregatæ, siue alio modo sese habentes, idem facient sanè. Patet igitur, id quod undique ab extremis similiter ad medium fertur, simili necessario omni ex parte fieri mole: si enim omni ex parte aequè fiat additio, aequè extremum à medio distare necesse est: hæc autem figura, rotunda est. Nihil autem ad rationem refert, & si partes ipsius non undiq; similiter ad medium ipsum concurrant: maior enim semper minorem, quæ ante se est, impellat necesse est, utrisque momentum ad medium usq; habentibus, & grauiore minus pondus ad hoc impellente. Id enim quod quispiam dubitauerit, eandem habet solutionem. Si enim multiplex pondus additum alteri hemisphærio fuerit terre mediū occupantis, atq; rotundam habentis figuram, non idem ipsius totius terræq; medium erit. Quare aut non manebit in medio, aut si manebit, quiescet, & non habens medium, quò & nunc moueri est



est apta. Quod igitur dubitatur, id est: videre autem non est difficile, si parum considerauerimus, ac distinxerimus quomodo censemus quantamvis magnitudinem pondus habentem ad ipsum medium ferri. Patet enim non quousque extremum tangat ipsum centrum, sed maior pars uincat oportet, quousque suo medio ipsum medium comprehendat: hucusque enim habet momentum. Nihil igitur interest, hoc de gleba, & quauis parte, an de tota terra dicatur: non enim ob paruitatem, aut magnitudinem id, quod accidit, dictum est, sed de omni eo quod ad medium habet momentum. Quare siue tota, siue per partes aliquo ex loco ferebatur terra, eousque ferri ipsam necesse est. — Donec utique unde- Ex Greco  
cunq; similiter sumat medium adequatis minoribus à ma- hæc addita.  
ioribus propulsione inclinationis. Siue igitur facta est, hoc necessarium factum esse modo: quare manifestum quia sphaerica generatio ipsius, siue ingenita ac semper manens, eodem modo habet, quo si oriretur, primum orta fuisset. Et hac igitur ratione figuram ipsius rotundam esse necesse est: & quia omnia graua similes ad angulos, sed non distantia æquè feruntur. Hoc autem aptum est ad id, quod natura rotundum est. Aut igitur est rotunda, aut natura rotunda. Vnumquodque autem tale dicere oportet, quale esse natura solet, & quod est: sed non id quod uiolentia, & præter naturam est: præterea & per ea quæ sensu uidentur: lune namque defectiones, non diuisiones tales haberent: etenim nunc quidem in hisce figuris, quæ per mensem efficiuntur, diuisiones suscipit omnes. Recta enim fit, ut utraque ex parte curua, & concaua: in defectionibus uerò, semper curuam habet lineam, quæ distinguit. Quare, cum obiectu terre deficiat: terre sanè circumferentia, figure causa est. Præterea per ea quæ uidentur de stellis, patet non solum rotundam

esse, sed etiam mole magnam non esse. Si parua enim migratio meridiem uersus, ac ursam fiat, alius manifeste fit isce qui terminat orbis, ut stelle quę sunt super caput, mutationem habeant magnam, & non eadem uideantur meridiem uersus migrantibus, atq; ursam: nonnullę namq; stellarum in Aegypto uidentur, ac circa Cyprum: in locis autē uersus ursas non uidentur. Et stellarū eaq; semper in locis uersus ursam uidentur, in illis locis occidunt. Quare perspicuum est ex hisce, terram non solum rotundam esse, sed etiam magnę molis non esse rotundę: non enim sic citō mutationem faceret, migratione adeō breui facta. Quapropter ij qui locum eum, qui circa columnas Herculeas est, coniunctū esse ei loco, qui est circa Indicam regionem, existimant, atq; hoc modo unum mare esse asserunt, non uidentur incredibilia ualde existimare. Dicunt autem hoc ex barris etiam coniectantes, genus ipforum circa extrema utraque loca esse, propterea quod ipsa extrema ita sunt ob coniunctionem affecta. Mathematicorum etiam, qui magnitudinem orbis terre metiri conantur, quadringentis terram cingi stadiorum millibus dicunt: ex quibus si coniectura sumatur, molē ipsius terre non solum rotundam esse, sed etiam ad ceterarum stellarum magnitudinem, magnam non esse, necesse est.

## DE COELO

ARISTOTELIS

LIBER III.

### *Argumentum ex Simplicio.*

**N**ihil fortē obstiterit, ut etiam hoc loco mentionem faciamus scopi totius huiusce operis, quod sit de simplicibus mūdi corporibus, quęq; ex primis principiis sunt cōstituta.

tuta. Cæterum quia hæc quinque sunt, ut ex simplicibus motionibus ostenditur, videlicet id quod circulo mouetur, & quatuor subiuncta duobus præcedentibus libris omnis generis quaestiones exhibuit, de primo eo corpore, quod circulo agitur: & quaecumque de Mundo videbatur dicere, videlicet quod sit vnus & finitus, ingenitusque, & incorruptilis, tamquam Mundo per Cælum ipsum competetia, inter illa exposuit. Sed & quæ de terra illic dicuntur, non simpliciter ut de eadem ipsa, proposita fuere, sed ut habitudinem habet ad cælum: quapropter de situ eius in vniuerso, de mansionem, de figura, & de comparatione eius magnitudinis ad cælum ipsum disputauit. Inde de simplicibus corporibus, quæ sub Luna sunt, docere incipit, quod neque infinita sint numero, neque vnũ sint, sed quatuor. Et quod sint generationi obnoxia, & neque ex incorporeo, neque ex corpore vlllo alio, sed ex sese mutuo generentur. Neque verò id per secretionem, aut coëctionem, neque dissolutionem planorum, aut indiuiduorum. Nam de his in præsentem libro docebit, quemadmodum libro sequente de ipsorum facultatibus. Quod autem & de hisce sermonem hic facit tanquam simplicibus corporibus, sicut de cælo fecerat, ipsemet ostendit, dum eodẽ exordio vitur, esse inquit naturalẽ traditionem de corporibus.

Opiniones antiquorum quinque de Generatione rerum, & Interitu. Quod corpus ex superficiebus componi nequeat.

C A P. I.



**D**E primo igitur cælo, ac partibus, & de stellis, quæ in ipso feruntur, ex quibus constant, & qualia sunt natura, & insuper ingenita, ac incorruptibilia esse, prius iam pertractauimus. Cum autem eorum, quæ natura dicuntur esse, alia sint substantiæ, alia harum opera, affectus'ue (atque substantias quidem dico, simplicia corpora, ignem, terram, & quæ eiusdem sunt seriei, & item ea, quæ ex his constant, ueluti totum cælum, ipsiusque partes, & animalia, plantas'ue, & horum partes. Affectus autem opera'ue, motiones horum cuiusque, cæterorumque, quorum hæc

Hic ostendit Aristo. naturalem philosophiam circa corpoream magnitudinem plurimum uersari.



hec elementa ui sua sunt cause, & alterationes) patet plurimam de natura scietiam de corporibus esse. Omnes enim substantie naturales, aut corpora sunt, aut cum corporibus, ac magnitudinibus fiunt. Hoc autem patet, & ex definitione, qua emersere que sunt natura, & ex singulorum etiam contemplatione. De primo igitur elementorum, & quale quid est natura, & incorruptibile, ac ingenerabile esse, satis iam diximus. Restat autem dicere de duobus. Quod si de hisce dicamus, fiet & de generatione simul, corruptio ne ue consideratio. Generatio enim, aut omnino non est, aut in hisce duntaxat est elementis, atq; in hisce que ex his constant. Hoc autem ipsum primum est contemplandum: utrum sit, an non sit. Ii igitur qui prius de ueritate philosophati sunt, tam in hisce sermonibus, quos nunc nos dicimus, quam inter sese discordes fuere. Quidam enim ipsorum, generationem e medio, corruptionem ue tollunt: nihil enim eorum, que sunt, generari aut corrumpi, sed solum ita nobis uideri dicunt: ut Melissus, atq; Parmenides: quos, & si bene cetera dicunt, non naturaliter tamen dicere oportet putare. Esse namq; rerum aliquas ingenitas, omninoq; immobiles, ad aliam magis, atq; priorem, quam ad naturalem considerationem spectat. Illi uero quia nihil aliud prater substantiam sensibilem esse existimabant, & quasdam primi tales naturas intellexerunt, si cognitio aliqua, ut prudentia erit, ad hec illinc accommodatas sententias traduxerunt. Alij uero, quasi de industria contrariam his habuerunt opinionem. Sunt enim qui nullas rerum ingenerabiles esse, sed omnes fieri dicunt: generatas autem partim permanere, partim corrumpi. Est autem sententie talis maxime quidem Hesiodus, deinde ceterorum ij, qui primi de natura dixerunt. Quidam autem cetera quidem omnia fieri, fluereq; dicunt,

dicunt, ac nihil prorsus stabile esse: unum autem quid solum  
permanere, ex quo hæc uniuerſa transfigurari sunt apta.  
quod quidem ceteriq; complures, et Heraclitus Ephesus  
dicere uelle uidetur. Sunt et qui corpus omne generabi-  
le faciunt, componentes ipsum ex planis, ac dissoluentes in  
plana. De ceteris igitur alius erit sermo. Hisce uero qui  
hoc dicunt modo, omniaq; corpora ex planis constituunt,  
quod accidit contra scientias dicere mathematicas, perfici-  
le est uidere. Erat tamen æquum, aut nõ dimouere ipsas, aut  
credibilioribus rationibus, quam suppositiones sunt, dimo-  
uere. Deinde patet eiusdem esse sententiæ solida quidem ex  
planis, ex lineis autem plana, et has ex punctis componi:  
quæ si ita sint, non necesse est partem lineæ, lineam esse: sed  
de hisce, prius in sermonibus de motu considerauimus: de-  
monstrauimus enim indiuisibiles nullas longitudines esse.  
Quæ uero de naturalibus corporibus impossibilia accidit  
hisce dicere, qui lineas indiuisibiles faciunt, parumper nunc  
etiam contemplemur. Ea namq; impossibilia, quæ in illis ac-  
cidunt, et in naturalibus sane sequuntur. At nõ omnia, quæ  
in his sequuntur, in illis accident: propterea quod Mathe-  
matica quidem abstractione dicuntur, naturalia uero addi-  
tione. Complura autem sunt, quæ indiuisibilibus compete-  
re non possunt, naturalibus autem necessario competunt:  
ceu si quippiam indiuisibile esse dixerimus: in indiuisibili  
enim, diuisibile esse non potest. Affectus autem omnes di-  
uisibiles dupliciter sunt, aut specie, aut per accides. Specie  
quidem, ut coloris, album, et nigrum. Per accidens autem,  
si id in quo est, diuisibile sit. Quare qui sunt affectuum sim-  
plices omnes hoc modo sunt diuisibiles. Quapropter im-  
possibile ipsum in talibus est considerandũ. Si igitur impos-  
sibile est, utraq; parte ponderis nihil habere, totum habere  
pondus

pondus, sensibilia uerò corpora aut omnia, aut aliqua pondus habent, ceu terra, & aqua, ut & ipsi etiam dixerint: si punctum nihil ponderis habet, patet neq; lineas ipsas habere. Quod si hæ non habent, neq; plana etiam habent: quare neq; corpus ullum, ipsum habet. At uerò punctum pondus habere non posse, patet: graue nanque omne grauius etiam, & leue leuius aliquo esse potest. Grauius autē aut leuius, fortasse non necesse est graue, uel leue esse: quēadmodum & magnum quidem est maius, maius autē non omne, magnum esse necesse est: complura enim sunt, quæ absolute quidem sunt parua, quibusdam autem alijs sunt maiora.

Si igitur quod cum graue sit, grauius est, id pondere maius esse necesse est, & omne graue, diuisibile sanē erit: punctum autem, indiuisibile supponunt esse. Præterea si graue quidem est densum, leue autem rarum, & densum hoc à raro differt, quod æquali in mole plura ipsi insunt: si punctum sit graue, ac leue, & densum nimirum & rarum erit. At densum quidem est diuisibile, punctum autem diuidi nequit. Quod si omne graue, molle, aut durum esse necesse est, impossibile aliquod ex his inferri facile potest:

Est enim id molle, quod in seipsum cedit: durum autem id, quod non cedit. At quod cedit, diuisibile esse constat. At uerò neque ex hisce, quæ ponderis expertia sunt, pondus erit: in quot enim hoc, atque in qualibus accidet, aut quonam modo definient, si haud fingere uolunt? Et si omne maius pondere, pondus pondere maius est, & unumquodque sanē partibus uacantium pondus habebit. Nam si puncta quatuor pondus habent: quod uerò ex pluribus constat quā hoc, graui grauius est, atq; quod graui grauius est, graue esse necesse est, perinde ut album est quod albo albius est: id sanē, quod maius est uno puncto, grauius erit æquali



æquali ablato. Quare & unum punctum pondus habebit. Præterea si plana solum ut lineæ componi possunt, absurdum esse uidetur. Nam ut & linea ad lineam utroque modo & per longitudinem, & latitudinem componitur, sic & cum plano componi planum oportet: linea uerò componi cum linea potest, si superponatur, non solum si apponatur. At si per latitudinem etiam componi possunt, erit quippiam corpus, quod neque est elementum, neque ex elementis, si ex hoc pacto planis compositis componatur. Præterea si planorum multitudine corpora sunt grauiora, ut in Timæo est definitum, patet & lineam, & punctum pondus habere: subeunt enim inter sese rationis similitudinem, ut prius etiam diximus. Sin uerò non hoc differunt modo, sed ex eo quia terra quidem est graue, ignis autem leue, erit & planorum aliud graue, aliud leue, & linearum similiter & punctorum: etenim terræ planum, grauius erit, quàm ignis planum. Omnino autem accidit, aut nullam unquam magnitudinem esse, aut tolli posse, si similiter se habet punctum quidem ad lineam, linea uerò ad planum, & hoc ad corpus: omnia enim si resoluantur, in ipsa resoluentur nimirum prima. Quare fieri potest, ut sola sint puncta, corpus autem nullum. Insuper si tempus etiam similiter sese habet, tolletur aliquando, uel tolli potest: ipsum enim nunc, indiuiduum est, perinde atque lineæ punctum. Idem & ijs accidit, qui ex numeris cælum componunt: quidam enim ex numeris naturam constituunt, ut Pythagoricorum nonnulli. Corpora nanque naturalia, pondus habere, leuitatemque uidentur: unitates autem, neque corpus facere compositæ, neque pondus habere possunt.

Quòd sit necesse, simplicium corporum aliquem motum naturalem esse, consutatio sententiæ Timæi.

Quod

Quod sursum, aut deorsum mouetur, omnino esse leue, aut graue. Quòd motus, quispiam naturalis sit, & quòd aliquis uiolentus.

CAP. II.

Hic Arist.  
probat ele-  
mentorū mo-  
tū esse aliqūe  
naturalem.

**E**ssē autem necessarium corporibus simplicibus natura motum aliquem uniuerſis competere, ex hisce dilucidū fiet. Nam cū moueri uideantur, ui nimirum ipsa moueri necesse est, si proprium motum non habent: idem uerò est ui moueri, & præter naturam. At si præter naturam est quispiam motus, & secundum naturā esse necesse est, præter quem ille est. Et si multi sunt ij, qui præter naturā sunt, unum eum esse, qui est secundū naturam, necesse est: unum quodq; enim secundum quidem naturam simpliciter se habet præter autem naturam multos habet motus. Præterea ex quiete, hoc idem patet: etenim aut ui, aut secundum naturam quiescant, necesse est: ui autem ibi manent, quò & ui feruntur: & secundum naturam iidem ibi manent, quò & secundum naturam feruntur. Cū igitur aliquid in medio manere uideatur, si secundum naturam, patet & lationem, qua huc fertur, secundum naturam ipsi competere: sin ui, quid est quod prohibet ferri? Si enim id, quod prohibet ferri, quiescit, eadem uerba sanè uoluemus: aut enim id, quod primum quiescit, secundum naturam quiescit, aut in infinitum abibitur: quod quidem est impossibile. Sin mouetur, ut Empedocles terram quiescere dicit conuersione, aliquem in locum sanè moueretur, cū impossibile sit in infinitum ferri: nullum enim impossibile sit: impossibile autem est, infinitum transire. Quare stet alicubi quod fertur, & illic non ui maneat: sed secundum naturam, necesse est. Quòd si est secundum naturam quies, & motus, erit secundum naturam ea latio, qua ad hunc itur locum. Quare propter & Leucippus dicat oportet, atque Democritus, qui

qui prima corpora semper in uacuo, infinito ue moueri dicunt, quonam motu mouentur, & quis est ipsorum secundum naturam motus. Nam si elementorum aliud ab alio ui mouetur, & secundum naturam etiam aliquē uniuscuiusq; motum esse necesse est, præter quem est is, qui uiolētus est: & id quod primum mouet, non ui, sed secundum naturam mouere oportet: in infinitum enim abibitur, si non erit quicquam primum mouens secundum naturam, sed semper ipsum prius ui subiens motum mouebit. Hoc idem accidat necesse est, et si, ut in Timæo est scriptum, elementa inordinatè mouebantur antea quàm mundus ortus esset: motum enim aut uiolentum, aut secundum naturam esse necesse est. Quod si secundum naturam mouebantur, mundum esse necesse est, si quispiam uelit cū diligentia contemplari. Primum namq; mouens mouere necesse est, ipsum secundum naturam subiens motum, & ea quæ mouentur non in suis quiescentia locis, eum quem nunc habet, ordinem facere: ea quidem quæ pondus habent, ad medium, ea uerò quæ leuitatem habent, à medio suo pte pergentia nutu: hunc autem ordinem mundus habet. Præterea tantum quispiam interrogauerit, fieri ne poterat, an non poterat, ut inordinatè subeuntia motum talibus etiam missionibus aliqua miscerantur, ex quibus ea corpora constant, quæ secundum naturam constituuntur: ossa, inquam, & caro, & istiusmodi cætera, quemadmodum Empedocles in concordia fieri dicit. Ait enim: Complura capita sine collo sunt orta. Apud autem eos qui infinita in infinito ea quæ mouentur, faciunt: si unū est id, quod mouet, uno moueantur motu necesse est: quare non sine ordine mouebuntur. Sin uerò ea, quæ mouent, sunt infinita, & lationes infinitas esse necesse est. Nam si finitæ sint, ordo quidem erit: non enim quia in idem non



feruntur, inordinatio accedit: neque enim nunc in idem uniuersa feruntur, sed ea tantum quæ eiusdem generis sunt. Præterea, inordinatè quippiam fieri nihil aliud est, quàm fieri præter naturam: ordo enim proprius, sensibilibus natura nimirum est. At uerò & hoc absurdum est ac impossibile, infinitum, inquam, inordinatum motum habere: est enim ea natura rerum, quam plures, & pluri tempore habent. Contrarium igitur ipsis accedit, inordinationem quidem esse secundum naturam, ordinem uerò, mundum: uel præter naturam: attamen nihil eorum quæ sunt secundum naturam, sit forte fortuna. Videtur autem Anaxagoras, hoc ipsum bene accepisse: ex immobilibus enim incipit conficere mundum. Enituntur autem & cæteri congregantes, aliquo modo rursus mouere, ac segregare. Ex distantibus autem ac seseunantibus motum, generationem facere non est consonum rationi. Quapropter & Empedocles omittit eum motum, qui est in concordia: non enim cælum constituturè potuisset, ex separatis quidem extruens, ob concordiam autem faciens congregationem: ex segregatis enim elementis mundus est constitutus. Quare ex uno fiat, & congregatio, necesse est. Naturalem igitur motum uniuscuiusque corporum esse, quò non ui mouentur, neque præter naturam, ex hisce quæ diximus, patuit. Esse autè necessarium ponderis nonnulla corpora momentum, ac leuitatis habere, ex his dilucidum fiet: dicimus enim, necessarium esse moueri. Si uerò id quod mouetur, momentum natura non habet, fieri non potest, ut aut è medio, aut ad mediū moueatur. Sit enim A quidem pondere carens, B uerò habeat pondus, atque transeat A quidem C D spatium, B uerò equali in tempore spatium C E: per maius enim spatium, id quod pondus habet, fretur. Si igitur corpus, quod habet pondus, ea ratione

tione, qua diuisum est CE, spatium diuidatur (potest enim  
 ad partium suarum aliquam sic se habere, ut CE se habet  
 ad CD) si totum per totum CE fertur, pars eodem tem-  
 pore per CD, feratur necesse est. Quare id quod pondere  
 uacat, & id quod est ponderis particeps, per æquale spa-  
 tium tempore eodem ferentur, quod impossibile est. Eadem  
 & in leuitate ratio fieri potest. Præterea si quippiam  
 corpus & ponderis expers & leuitatis, motum subibit, ut  
 moueatur necesse est. Si uerò ui moueatur, infinitum effi-  
 cit motum. Nam cum potentia quedam sit ea, quæ mouet,  
 id autem quod est minus, ac leuius, plus ab eadem potentia  
 moueatur: sit motum A quidem pondere carens, per CE  
 spatium, B uerò pondus, æquali in tempore per CD. Si igitur  
 diuisum fuerit id quod pondus habet, ea ratione quam  
 CE, ad CD habet, fiet ut id quod auferetur ab eo quod  
 pondus habet, æquali in tempore per CE feratur, quoniam  
 totum per CD mouebatur: celeritas enim minoris ad cele-  
 ritatem maioris ita sese habebit, ut maius corpus se habet  
 ad minus. Per æquale ergo spatium, & id quod pondere  
 uacat, & id quod est ponderis particeps, tempore eodem  
 feretur: quod quidem fieri nequit. Quare si omni quouis  
 proposito per maius spatium id mouebitur, quod pondere  
 caret, per infinitum utiq; ferri potest. Patet igitur omne  
 definitum corpus, pondus, aut leuitatem habere. Cum au-  
 tem natura quidem id sit principiū motus quod est in ipso,  
 potentia autem id quod est in alio, ut aliud est: atque motus  
 alius sit secundum naturam, alius uiolentus, naturalē qui-  
 dem motum celeriores faciet id quod potentia mouet, ut  
 eum, quo lapis deorsum fertur: eum autem, qui est præter  
 naturam, omnino potentia ipsa. Ad utrumq; autem, utitur  
 aëre ipso, ut instrumento: est enim hic aptus, & leuis esse,

et grauis. Lationem igitur eam, qua sursum itur, faciet uti leuis, cum pulsus fuerit, principiumque sumpserit a potentia ipsa. Lationem autem eam, qua descenditur, faciet uti grauis: potentia enim quasi uim impressam tradit utrique. Quapropter et non sequente eo quod mouit, id fertur quod præter naturam est motum: si enim non tale quid corpus esset, uiolentus motus sane non esset: motui quoque secundum naturam cuiusque modo eodem conducit, suo ad mobilis terra concursu. Omne igitur corpus leue esse, aut graue, et quomodo sese habent in hisce motus præter naturam, ex hisce quæ diximus, patet. Est autem manifestum ex dictis, neque omnium, neque nullius simpliciter generationem corporis esse: impossibile est enim uniuersi corporis generationem esse, si non et uacuum esse quid separatum potest. Quo enim in loco id quod generatur, erit cum fuerit ortum, in hoc prius uacuum esse, si nullum sit corpus, necesse est: aliud enim ex alio corpus fieri potest, uelut ex aëre ignis: sed omnino ex nulla alia antecedente magnitudine fieri impossibile est, maxime enim ex potentia corpore, corpus actum fieri potest: sed si id quod est potentia corpus, non est prius aliud corpus actu, separatum uacuum erit.

Quibus corporibus generatio conueniat. Cum prima sint corporum elementa, quid Elementum, & quot, & qualia sint. Vtrum Elementum specie sit indiuisibile, ut uolunt aliqui ponentes vnum solum.

Hic declarat  
Arist. quibus  
corporibus  
generatio conueniat: de quibus  
elementis nonnulla.

**R**estat autem dicere, quorum est corporum generatio, et quam ob causam est. Cum igitur in omnibus cognitio sit per prima, prima uero eorum, quæ insunt, sint elementa, prius quenam, et cur sunt talium corporum elementa, deinde quot, et qualia sunt, considerandum esse uidetur. Hoc autem dilucidum fuerit, si supposuerimus, quæ

nam



nam sit ipsius elementi natura. Sit igitur id corporum elementum, id quod cetera corpora diuiduntur, in quibus inest potentia, aut actu: hoc enim utro modo se habet, adhuc ambigitur: ipsum autem est in forma diuersa indiuisibile: tale quid enim omnes ipsum elementum, & in omnibus dicere uolunt. Quod si id quod est dictum, est elementum, talia quaedam corporum esse necesse est: in carne enim, ac ligno, & similibus, inest ignis potentia, atq; terra. Manifeste enim ex illis hæc segregantur. In igne autem, caro, aut lignum non inest, neq; potentia, neq; actu: si enim esset, segregaretur. Similiter neq; si unum quid solum sit tale, in illo est: neq; enim si caro, aut os, aut quoduis ceterorū erit, inesse potentia continuū est dicendum: sed antea quisnam sit generationis modus, est contemplandum. Anaxagoras autem, de elementis contrario modo, atq; Empedocles dicit: hic enim ignem, & terram, ceteraq; eiusdem seriei corpora, elementa corporum esse, ac omnia ex hisce constare dicit. Anaxagoras uerò contrariū asserit: ea enim quæ sunt similium partium, ligna, inquam, carnem & os, & quæq; talium, elementa esse dicit: aërem autem, & ignem, horum ac ceterorum omnium seminum mistum esse: utrunq; enim ipsorum, ex uniuersis indiuisibilibus similium partium cōgregatis esse dicit. Quapropter & omnia ex his esse censet: ignem enim, & ætherem, idem appellat. Cū autem omnis naturalis corporis sit proprius motus: motus autem partim simplices sint: partim misti, & mistorum sint misti, simplicium simplices, patet corpora simplicia quaedam esse: sunt enim & simplices motus. Quare & elementa esse, & cur elementa sunt, constat.

Non esse infinita elementa similiarium partium, ut posuit Anaxagoras. Neq; recte putare Democritum Abderi-

ten, eiusq; sectatorem Leucippum, de primis magnitudinibus, ex quibus gignunt omnia.

CAP. IIIT.

Hic ostendit  
Arist. nō esse  
infinita ele-  
menta ho-  
mōmerā.

**C**onsequens autem est, utrum sint finita, an infinita, & si finita sint, quem numerum subeant, considerare, ac contemplari. Primum igitur infinita non esse, ut quidam arbitrantur, contemplandum esse uidetur. Et primum eos, qui uniuersa, quæ sunt similium partium elementa faciunt, ut Anaxagoras, in medium afferamus: nemo enim eorum qui ita censent, recte accipit elementum: uidemus enim & multa mistorum corporum, ut carnem, ossa, lapidem, lignum, in similes diuidi partes. Quare si compositum non est elementum, non omne quod est similium partium, est elementum, sed id quod in diuersa specie diuidi nequit, ut antea diximus. Præterea neque sic elementum sumentes, facere infinita necesse est: omnia enim eadem & si quispiam sumpserit finita, reddentur. Idem enim faciet, & si duo, uel tria talia solum sint, ut & Empedocles facere conatur. Cum enim ipsis & hoc pacto non omnia ex similes partes habentibus facere accidit (faciem enim non ex faciebus faciunt, nec aliud quicquam eorum quæ secundum naturam sunt figurata) patet longè melius esse principia facere finita, & hæc quàm minima, si eadem omnia demonstrari possint, quemadmodum & Mathematici censent: semper enim aut forma, aut quantitate, finita principia sumunt. Præterea si corpus à corpore diuersum proprijs differētijs dicitur, corporum autem differentie sint finite (ipsis enim sensibilibus differunt: atq; hæc sunt finita, quod quidem demonstretur oportet) patet & elementa necessario esse finita. At uerò neque ut alij quidam dicunt, ut Leucippus, ac Abderites Democritus, ea quæ accidunt, consentanea sunt rationi: primas enim magnitudines multitudine quidem infur

infinitas, magnitudine autem indiuisibiles esse dicunt: & neque ex una multa fieri, neq; ex multis unum, sed harum complexione, mutatione ue omnia generari. Et hi nanque, quodammodo numeros uniuersa quæ sunt, atq; ex numeris faciunt: & si enim non dilucidè dicunt, hoc tamen dicere uolunt. Et insuper cum figuris corpora differant, figura uerò sint infinitæ, infinita & ipsa simplicia corpora esse dicunt. Quenam autem est uniuscuiusque elementi figura, nihil definierunt, sed igni solum rotundam tribuere figuram. Aërem uerò, aquam, ac cætera, magnitudine, paruitateq; diuisere: quia natura ipsorum est, ut omnium semen elementorum. Primum igitur idem & ipsos error comitari uidetur, non finita ipsa principia sumere, cum omnia eadem ipsis dicere liceret. Deinde si corporum differentie non sint infinitæ, patet elementa infinita non esse. Præterea indiuidua corpora esse dicentes, Mathematicis scientijs aduersentur, compluraq; eorum, quæ sub opinionem omnium cadunt, & eorum quæ sensu uidentur, e medio tollant necesse est: de quibus antea diximus in hisce, quæ de tempore, motu ue sunt dicta. Et insuper, contraria ipsos dicere sibiipsis necesse est: impossibile est enim, si elementa sint indiuidua, aërem, aquam, ac terram magnitudine, paruitateq; differre: est enim impossibile, ex sese mutuo generari: corpora nanque maxima, si segregentur, semper deficient: at hoc pacto terram, aquam, & aërem uicissim ex sese fieri dicunt. Præterea neque horum sententia, infinita ipsa elementa fieri uidebuntur, si corpora quidem figuris differunt: figurae uerò omnes ex pyramidibus constant: rectarum quidem linearum, ex hisce quæ sunt rectarum linearum: sphaera autem, ex partibus octo: sint enim aliqua principia figurarum, necesse est. Quare siue sit unum,



sive duo, sive plura: & simplicia corpora multitudinem tantam subibunt. Præterea si cuiusque quidem corporis motus est proprius quidam, simplicisq; corporis motus est simplex, simplices autem motus infiniti non sunt, propterea quod neque simplices lationes plures, quam duæ sunt, neque loca sunt infinita, neque hoc pacto sanè ipsa elementa infinita erunt.

Opiniones antiquorum quatuor, de Elementis: atque earundem incommoda, & confutatio. CAP. V.

Hic contra  
priscorū opi-  
niones pbat  
Aristo. plura  
uno elemēta  
esse, eademq;  
finita.

**Q**Uoniam autem finita esse necesse est, considerare restat, utrum plura sint, an unum. Quidam enim unum solum esse supponunt: & horum, alij aquam, alij aërem, alij ignem, alij aqua quidem subtilius, aëre uerò densius, quod quidem cælos uniuersos, cum sit infinitum, inquitunt continere. Qui igitur hoc unum aquam, aut aërem faciunt, aut aqua quidem subtilius, aëre uerò densius, deinde ex hoc raritate cætera, densitateq; generant, ij sanè ignorant aliquid aliud elemento se facere prius. generatio enim, ex elementis compositio est, ut dicunt: ad elementa uerò profectio, dissolutio. Quare id quod est subtilium magis partium, natura prius esse necesse est. Cum igitur omnium corporum ignem subtilissimum esse dicant, ignis natura corporum primum erit. nihil autem refert: unum enim quippiam cæterorum, & non medium ipsum, primum esse necesse est. Præterea raritate, ac densitate cætera generare, & subtilitate, atque grossitie, nihil differt: subtile enim, rarum: grossum autem, densum esse uolunt. Subtilitate rursus, atque grossitie, & magnitudine, ac paruitate idem est. Subtile est enim, quod paruorum: grossum, quod magnarum partium est. Quod enim ad multum extenditur, id subtile est: tale autem id est, quod ex paruis

paruis partibus constat. Quare accidit, ipsos magnitudi-  
 ne, ac paruitate substantias diuidere ceterorum. Accidet  
 autem ita definientibus, uniuerſa ad aliquid dicere. Atque  
 abſolute non erit aliud ignis, aliud aqua, aliud aër: ſed idem  
 eſt ad hoc ignis, ad aliquid aliud aër. Quod quidem & ijs  
 accidit, qui plura quidem elementa eſſe aiunt: magnitudine  
 autem & paruitate diſſerre dicunt: nam cum unumquodq;  
 quantitate ſit definitum, aliqua ratio nimirum inter ipſas  
 magnitudines erit. Quare eorum, quæ hanc rationem ha-  
 bent, aliud aërem, aliud ignem, aliud terram, aliud aquam  
 eſſe neceſſe eſt: propterea quòd in maioribus rationes mi-  
 norum inſunt. Qui uerò ignem elementum ipſum ſuppo-  
 nunt, hoc quidem euadunt: alia uerò ipſis accidere abſurda,  
 neceſſe eſt. Quidam enim ipſorum, igni figuram adiungūt,  
 ut ij qui pyramidem faciunt. Quorum quidam ſimplicius  
 dicunt, pyramidem quidem dicentes id eſſe, quod maxime  
 figurarum incidere poteſt, ignem autem corporum. Quidā  
 probabilius, corpora quidē uniuerſa ex eo compoſita eſſe,  
 quod eſt omnium maxime ſubtilium partium, ſolidas uerò  
 figuras ex pyramidibus conſtare dicentes. Quare cum cor-  
 porum quidem ignis ſit ſubtiliſſimum, figurarum uerò py-  
 ramis maxime paruarum eſt partium atq; prima, primaq;  
 figura primi ſit corporis, ignis proſectò pyramis erit.

Quidam de figura quidem nihil dicunt: ſubtiliſſimarum  
 autem partium ſolum elementum ipſum faciunt, deinde ex  
 hoc compoſitionem ſubeunte, cetera fieri dicunt, perinde  
 ut auri arenæ conſtantur. Vtriſq; autem hæc difficilia acci-  
 dunt, iam ſi primum corpus indiuiduum faciunt, ille ra-  
 tiocinationes, quas antea diximus, ad hanc eandem mate-  
 riam, ut patet, redibunt. Præterea ſi naturaliter contem-  
 plari uolunt, hoc dicere nequeunt: nam ſi omne corpus ad

corpus quantitate comparabile est, magnitudines autem similitudinem subeunt rationis, & similium partium inter se & elementorum, uelut uniuersæ aquæ ad aërem uniuersum, & elementi ad elementum, & in cæteris eodem modo, & aër maior est aqua, & omnino id quod subtiliorum est partium, eo quod est grossiorum: patet & elementum aquæ minus, quam aëris esse. Si igitur magnitudo minor inest maiori, elementum sanè aëris diuisibile erit, & ignis identidem ipsius, & eorum omnino quæ subtiliorum partium sunt. Sin diuisibile faciunt ij quidem qui igni figuram tribuunt, eueniet partem ignis ignem non esse, propterea quòd pyramis non ex pyramidibus constat. Et item non omne corpus elementum esse, aut ex elementis constare: pars enim ignis nec ignis est, nec aliud elementum ullum. Hisce uerò qui magnitudine definiunt, prius quid elemento elementum esse, atque hoc in infinitum abire, si omne corpus diuisibile est, & quod paruarum magis partium est elementum. Præterea & hîc etiam accidit, idem ad hoc ignem esse dicere, ad aliud aërem, & aquam rursus ac terram. Commune autem peccatum uniuersis est, qui elementum unum supponunt, unum naturalem solum, omniumq; eundem facere motum: omne nanque naturale corpus, principium habere motus uidemus. Si igitur omnia corpora unum quid sunt: unus omnium motus erit: & hoc eò magis quodque moueri necesse est, quò maius fit: quemadmodum & ignis, quo maior fit, eò sua latione celerius fertur: accidit autem, multa deorsum celerius ferri. Quare propter hæc ipsa, & insuper cùm definitum sit prius, naturales plures esse motus, patet unum elementum esse non posse. Cùm autem neque infinita sint, neque unum sit elementum, plura esse profectò, atque infinita esse necesse est.

Quòd



Quod fieri nequeat, ut elementa sint æterna: nec esse commune quodpiam corpus diuersum ab ipsis, è quo generentur.

CAP. VI.

**C**onsiderandum est autem primò, utrum sempiterna sint, an generentur, & corrumpantur: quo demonstrato, & quot, & qualia sunt, patebit. Sempiterna igitur esse impossibile est: & ignem enim, & aquam, & unumquodq; simplicium corporum, dissolui uidemus: dissolutio nem uerò, aut infinitum esse, aut stare necesse est. Si igitur infinita est, & dissolutionis tempus infinitum erit, & tempus rursus compositionis: unaqueq; enim partium in alio tempore dissoluitur, atq; componitur. Quare fiet ut extra tempus infinitum, tempus sit aliud infinitum: quandoquidem & compositionis tempus est infinitum, & prius hoc dissolutionis tempus, ut extra infinitum sit infinitum, quod quidem impossibile est. Sin stabit alicubi dissolutio, aut id corpus, in quo dissolutio stabit, indiuiduum erit, aut diuisibile quidem erit, non tamen unquam diuidetur, ut Empedocles uelle uidetur. Indiuiduum igitur non erit, propter rationes antea dictas. At neq; diuisibile quidem erit: nunquam autem dissoluetur: minus enim corpus, facilius quam maius corrumpi potest. Si igitur & maius hac corruptione corrumpitur, ut in minora dissoluatur, corpus minus id pati magis consentaneum est rationi. Ignem autem, duobus modis corrumpi uidemus: nam & à contrario corrumpitur, cum exstinguitur, & ipse à seipso marcescens: hoc autem patitur minor à maiore, & eò celerius, quò minor est. Quare corporum elementa corruptibilia, & generabilia esse necesse est. Cum autem generabilia sint, aut ex incorporeo, aut è corporeo ipsorum generatio erit: & si ex corpore, aut ex alio, aut ex sese uicissim ipsorum generatio

Hic ostendit  
elementa sempiterna non  
esse, ex seque  
mutuo fieri.

neratio erit. Is igitur qui ipsa dicit ex incorporeo generari, uacuum facit. Nam omne quod fit, in aliquo fit: & id in quo est generatio, aut incorporeū erit, aut habebit corpus. Et si habebit corpus, duo corpora simul in eodē erūt, id inquam quod fit, & id quod præcedit. Sin incorporeum erit, uacuum esse definitum necesse est: hoc autem impossibile esse, antea demonstrauius. At neque ex corpore quodam elementa fieri possunt: eueniet enim aliud corpus elementis prius esse: atque hoc, si pondus, aut leuitatem habet, unum quid erit elementorum. Si nullum habet momentum, immobile, ac mathematicum erit: si tale autem est, in loco non erit: quo enim in loco quiescit, in eum & moueri potest: et si ui quidem, præter naturam: si uerò non ui, secundum naturam. Si igitur in loco, atq; alicubi erit, elementorum quippiam erit: sin uerò non erit in loco, neque quicquam ex ipso erit: id enim quod fit, & id ex quo fit, simul esse necesse est. Cum autem neq; ex incorporeo, neque ex alio corpore fieri possint, ex sese mutuo fieri restat.

Confutatio modi, quo Democritus & Empedocles mutua generationem elementorū ex seipsis ostendunt. Et quod neque transfiguratione, nec superficialium resolutione ex se mutuo fiant.

CAP. VII.

Hic declarat Arist. quatenus ex se inuicem elementa gignantur.

**R**ursus igitur considerandum est quisnam sit mutue generationis ipsorum modus: utrum, ut Empedocles dicit, atque Democritus, an ut ij qui in plana dissolunt, an alius quispiam sit præter hos modus. Empedoclem igitur, & Democritum præterit, non generationem se mutuam, sed apparentem facere generationem. Inesse enim quæque ac segregari dicunt, quasi ē uase sit ipsa generatio, sed non ē materia quadam, neque generari per mutationem. Deinde si hoc etiam modo sit generatio, non minus ea quæ eueniunt,

niunt, sunt absurda: eadem enim magnitudo si densetur, grauior fieri non uidetur. At hoc dicant ij, qui aquam inesse in aëre, & inde segregari dicunt, necesse est: cum enim aqua ex aëre est orta, grauior est. Præterea corporum mistorum alterum separatum non necesse est locum semper occupare maiorem. At cum oritur aër ex aqua, maiorem aër occupat locum: quod enim subtiliorum est partium, id maiorem occupat locum. Patet autem hoc & in ipsa migratione: euaporante enim humido, spirituq; turgente, ea uasa quæ moles continent, ob angustiam rumpi uidentur. Quare si uacuum omnino non est, nec extenduntur corpora, ut ij qui hæc dicunt, inquit, ipsum impossibile patet. Sin uacuum est, & extensio, uacat hoc porro ratione, id, inquam, quod separatur, maiorem semper locum necessario occupare. Generationem etiam mutuam deficere tandem necesse est, si finita in magnitudine infinita, finita non infint. Cum enim ex terra sit aqua, ex terra aliquid aufertur, si generatio est segregatio: & iterum, cum è reliqua simili modo oritur aqua. Si igitur hoc semper erit, eueniet in corpore finito inesse infinita. Cum autem hoc impossibile sit, non semper ex sese mutuò generantur. Dictum est igitur elementorum migrationem in sese mutuam segregationem non esse. Restat autem, ipsa mutationem subeuntia in sese mutuò generari: atq; hoc dupliciter. Aut enim transfiguratione, ut ex eadem cera pila fit, tessera uel: aut dissolutione in plana, ut quidam aiunt.

At si transfiguratione generantur, fit ut ipsa corpora necessario indiuidua esse dicantur: si enim diuisibilia sint, ignis pars, ignis non erit, neq; terra, pars terra: propterea quod pyramidis pars, pyramis non est, neq; tessera, tessera. Sin dissolutione planorum, primò quidem absurdum est,



est, non omnia ex sese mutuò generare: quod quidem ipsos dicere necesse est, atque dicunt. Neque enim consentaneum est rationi unam partem expertem esse migrationis, neque per sensum uidetur, sed omnia in sese mutari uidentur mutuò. Accidit autem eos de hisce quæ apparent dicentes, non consentanea hisce dicere quæ apparent. Huius autem causa est, non bene prima principia capere, sed omnia ad opiniones definitas quasdam reducere uelle. Sensibilium enim principia fortasse sensibilia sint, perpetuorum perpetua, corruptibilium corruptibilia: et omnino sub eodem sint genere, sub quo subiecta collocantur, oportet. Hi uerò propter horum amorem idem facere uidentur, quod ij faciunt, qui positiones in rationibus conseruant: omne enim quod accidit, tolerant, ut habentes principia uera, perinde quasi non ex hisce, quæ eueniunt, nonnulla, maximeq; ex fine diiudicare oporteret. Est autem finis effectiue quidem scientiæ ipsum opus: naturalis autem id, quod semper propriè per sensus apparet. Accidit autem ipsis, terram elementum maxime esse, solamq; incorruptibilem: si id quod indissolubile est, incorruptibile est, ac elementum: terra enim sola, in aliud corpus indissolubilis est. At uerò neq; in hisce quæ dissoluuntur, triangulorum iusta suspensio consona est rationi: fit autem et hoc in migratione, qua in sese mutuò migrant: propterea quòd ex inæqualibus multitudine triangulis constat. Præterea ij qui hæc dicunt non e corpore faciant generationem necesse est. Cum enim, ex plantis fuerit ortum, non e corpore erit ortum. Insuper non omne corpus diuisibile sit, sed exactissimis scientijs aduersentur, necesse est. Ille enim et ipsum intelligibile, diuisibile accipiunt. At hi, neq; omne sensibile diuisibile esse concedunt, propterea quòd suppositionem suam seruare uolunt. Qui

namq;

namque figuram cuique tribuunt elemento, et hac substantias ipsorum distinguunt. hi indiuisibilia faciunt ipsa, necesse est: pyramide enim, aut pila aliquo modo diuisa, non erunt ea, quæ restant, pyramis, aut pila. Quare aut pars ignis non ignis est, sed erit quid elemento prius, propterea quod omne corpus elementum est, aut ex elementis constat: aut non omne corpus diuisibile est.

Quod figuræ præter rationem accommodent elementis, uelut igni sphaeram aut pyramidem: reliquis, alias: & quod nec ob motum neque aliam affectionem ullam sint accommodandæ.

CAP. VII.

**O**Mnino autem eniti simplicibus corporibus figuras tribuere, metas egreditur rationis. Primò quidem, quia accidet non repleri totum. In planis autem tres figuræ complere locum uidentur, triangulus, quadratum, et sex angulorum figura: in solidis autem due solum, pyramis, atque tessera. Plures autem hisce sumantur necesse est: quia plura faciunt elementa. Deinde corpora simplicia uniuersa figuram suscipere in loco continenti uidentur, et maxime aqua, et aer. Permanere igitur elementi figuram, impossibile est: non enim totum tangeret omni ex parte id quod continet ipsum. At si in aliam uertetur figuram, non ulterius erit aqua, si ipsa differebat figura. Quare patet figuras horum definitas non esse. Sed natura hoc ipsum nobis declarare uidetur: quod et consentaneum est rationi. Nam ut et in cæteris informe subiectum ipsum esse oportet (maximè enim hoc pacto id, quod omnia suscipit, formari, figurasque suscipere potest: ut in Timæo est scriptum) sic et elementa ut materiam compositorum esse putare oportet. Quapropter et mutari in sese mutuo possunt: cum per affectus ipsorum differentie separantur. Insuper, quoniam

Hic ostendit Arist. elementa non esse figurata.

modo

modo generari caro, et os, aut quoduis compositorum corporum potest? Neque enim ex elementis ipsis, quia non sit ex compositione continuum, neque ex planis compositionem subeuntibus: ipsa enim elementa compositione generantur, et non ea quae ex elementis constant. Quare si quispiam exacte tales sententias considerare uoluerit, et non sine exacta discussione probare, ac acceptare: generationem ex hisce quae sunt, hasce tollere profecto uidebit. At uero et ad affectus et potentias, atque motus, figurae non sunt accommodatae corporibus, in quae maxime respicientes hoc pacto figuras ipsas distribuere: ueluti cum ignis facile sit mobilis, et calefiat, ac urat, quidam sphaeram, quidam pyramidem ipsum fecerunt: haec enim facillime quidem mouentur, propterea quod minima tangunt, minimeque stabilia sunt: maxime uero calefaciunt, maximeque urunt, quod alterum totum angulus est, alterum acutissimum angulum habet: angulis autem calefaciunt (ut aiunt) ac urunt. Primum igitur utriusque de motu peccarunt: nam tametsi figurarum haec facillime mobiles sunt, non tamen ignis motu facile mobiles sunt: motus enim ignis ad supera fit atque recta: haec uero facile ea motione mobiles sunt, quae uolutio nuncupatur. Deinde si terra ideo tessera est, quia stabilis est, atque manet, non autem ubiuis, sed suo in loco manet, ex alieno uero fertur, nisi prohibeatur, et ignis etiam, et cetera simili modo: patet et ignem, et elementorum quodque in alieno quidem loco sphaeram, aut pyramidem quidem esse, in proprio uero cubum. Praeterea si ignis ob angulos calefacit, ac urit, uniuersa elementa calefaciunt sane: aliud tamen aliud forsitan magis: uniuersa enim angulos habent, ut id quod octo, et id quod duodecim sedium est. Democriti uero sententia sphaera etiam urit, quia quidam angulus est. Quare maiore different, minoremque



minoreq; gradu: hoc autem falsum esse patet. Simul etiam accidet, & mathematica corpora calefacere, uereq; (& illa nanque angulos habent, & in ipsis indiuidua, & sphaerae, & cubi, & pyramides insunt) praesertim si sint indiuiduae magnitudines, uti dicunt: nam si illa quidem urunt, illa uerò non urunt, differentia est dicenda. sed non sic simpliciter dicendum est, uti dicunt. Præterea si id quod uritur, ignitur, ignis autē, aut sphaera, aut pyramis est ea quæ comburuntur, pyramidem fieri, aut sphaeram necesse est. Incidere igitur, atq; diuidere, sit accidens per rationem figuræ: pyramidem uerò necessario pyramides facere, uel sphaeram sphaeras, à metis penitus egreditur rationis: simileq; est atque si quispiam gladium in gladios, id, quod diuidit, diuidere censeat, aut ferram in ferras. Præterea ad diuidendum solum igni figuram reddere, ridiculum esse uidetur: ignis enim congregare magis, finesq; in unum redigere, quam segregare uidetur: segregat enim ea quæ non eiusdem generis sunt: congregat autem ea, quæ sub eodem genere collocantur. Et congregatio quidem per se est (fines enim in unum cogere, atque unire, ignis ipse est) segregatio uerò per accidens: congregans enim id, quod sub eodem est genere, id quod alienum est, excipit. Quare aut ad utrunque, aut potius ad congregandum, figuram igni reddere oportebat. Insuper cum calidum, frigidumq; potentia sint contraria, reddere frigido figuram aliquam impossibile est, propterea quòd reddere quidē contrariam figurā oportet: nihil autem contrarium est figuræ. Quapropter & omnes omittunt hoc: & tamen aut omnia figuris, aut nihil definire oportebat. Nonnulli autē de potentia ipsius dicere conati, sibiipsis contraria dicunt: frigidum enim id inquit esse, quod magnarū partium est, propterea quòd premit, & per

meatus non transit. Patet igitur, & calidum id esse quod transit: tale autem id erit, quod partium subtilium est. Quare fit ut paruitate, magnitudineq; frigidum differat, calidumq; sed non figuris. Præterea si pyramides sint inæquales, magnæ nõ ignis erunt, neq; figura erit urendi causa, sed contrarium. Nõ differre igitur elementa figuris, ex ijs, quæ diximus, patuit. Cùm autem propriissimæ differentie corporum per affectus sint, & operationes, atq; potentias (cuiusq; enim corporis naturalis opera affectus potētiasq; dicimus esse) primum de his est dicendum, ut post horum contemplationem cuiusq; differentias ad unūquodq; sumamus.

## DE COELO

ARISTOTELIS

LIBER IIIII.

### *Argumentum ex Simplicio.*

CUM scopum in hoc opere de cœlo totū proposuisset, docere de simplicibus in Mundo corporibus: Primum quidem librum totū de eo, quod circulo uertitur, ac cœlesti corpore scripsit. Secundum autem de partibus cœli, ut de orbibus, & de singulis quibusdam, uelut de stellis, quæ in illis sunt. In tertio uerò proposita disputatione, de hisce, quæ sub Luna situm habent, simplicibus corporibus, ac recto motu agitur, quæ & elementa sunt perpetuò, ubi ostendisset, ea neq; infinita esse multitudine, nec etiam unum esse, sed finita. uno autem plura, & quòd æterna non sint, sed generationi, & corruptioni obnoxia, quodq; generatio earum non fit è non corpore, neq; ex corpore alio quopiam, sed ex sese mutuo, non secretionem sanè, nec dissolutionem in plana, sed per qualitates trifariam in iis inspectas, aut iuxta facultatem agendi, aut iuxta actionem, aut passionem, quæ potestate erat, actuq; fit in patiente. Rectè ait è potestate, & actu, & passione, quæ iuxta qualitates sint, oportere quærere ipsorū generationem: utpote cognituris nobis ex hisce generationem illorū mutuatam,

tuam, & ex modo inuēturis quot, & quæ sint elemēta. Quem-  
admodū verò primū ex simplicibus corporib<sup>9</sup>, ē motu in-  
uenit, ita reliqua inquit ē motu recto: siquidē conuenit, Na-  
turalē ē motu inuenire naturales res. quando Natura principi-  
pium motus est. Cū autē motus rectus per potestatem gra-  
uis & leuis insit Naturalibus corporib<sup>9</sup>, de graui, leuiq; prius  
inquisitionē facit, vt quibus potissimū speciē suam fortiā-  
tur, quæ sub Luna sunt simplicia corpora, quæ rectā mouen-  
tur, & sunt generationi obnoxia. atq; hāc ex sese mutuo ha-  
bēt, quamuis aliæ passiones pleræq; & facultates, & actiones  
insint illis. Etenim per caliditatē, & ariditatē, & raritatem, &  
quæ his sunt cōtraria. aliq; eiusmodi. Nonnulli porrò com-  
munē sermonū sequelā nō aduertētes, eijcere hūc librū ausi  
fuere, tanquā non cōueniat scopo huius operis de Cœlo, sed  
potius illius de generatione & interitu. Dictū est autē, cor-  
poribus sub Luna locatis familiarissimū esse, graue, ac leue,  
quodq; corporibus cœlestibus nō cōueniāt hęc, exquisitiū  
nūc discemus. quapropter ipsemet initio libri primi, oportē-  
re ait supposuisse quid appellemus graue, ac leue, ita sanē vt ad  
præsentē tunc cōtemplationē satis esset, diligentius postmo-  
dum cognituris: cū ipsorū substantiam cōtemplaturi esse-  
mus, in præsentē locum nimirum ea differens. Itaque distin-  
guens primū id, quod simpliciter leue, & graue, & quæ com-  
paratione inter se dicuntur, & tradens ipsorū differentiam,  
deinceps opiniones antiquorū de graui, ac leui, enumerat, o-  
stenditq; vt nullus eorum de simpliciter graui, ac leui, sermo-  
nem fecit, sed de ijs, quæ ad aliud sunt. Atq; tertiū caput est, in  
quo definit, ob quā causā alia corpora natura sursum ferā-  
tur, alia deorsum: atq; assignata causā cōmuni, in quarto capi-  
te differentiam tradit extremorum elementorum, id est ignis,  
ad terram, & aërem, & aquā. Quintū, quod simpliciter graue  
sit terra: leue autem simpliciter, ignem esse ostendit, subiecto  
medio definito. Sextū, ostendit medium istud definitum esse,  
atq; inde, quod etiā extrema sint definita, atq; ob id extrema  
etiam elemētōrū leue, ac graue simpliciter: quod perinde est,  
ac si ignem, ac terrā dixeris. Nonum, quod & quæ in medio  
sunt, aër (inquam) & aqua: quorū utrūq; aliquo modo graue  
est, & modo quodā leue. Septimum, quod ignis nequaquam  
grauitatē habeat, terra verò neutiquā habeat leuitatē, media  
porrò in locis proprijs quidē, nec leuitatē habere, neq; graui



tatem: at in locis superiorum, gravitatem habent, leuitatem, non habent. Octauū. quod elementa quatuor proprijs differentijs materiæ differūt, neq; cōponūtur media ex extremis.

Quid sit graue, & quid leue: & quæ sit vtriusque natura, considerandum esse.

CAP. I.

De natura  
grauis, & le-  
uis hoc in li-  
bro determi-  
nat Aristote.  
hocq; in cap.  
1. & 2. anti-  
quorum opi-  
niones re-  
fert.



E graui autem, atq; leui quid est utrunq;  
& quæ nam est natura ipsorum, conside-  
remus oportet, & propter quam causam  
hasce potentias habent: cōtemplatio enim  
de ipsis, sermonibus est accommodata de  
motu. Graue enim, & leue ex eo dicimus, quia aliquo mo-  
do naturaliter moueri potest. Operationibus autem ipso-  
rum nomina posita non sunt, nisi quispiam putet tale esse  
ipsum momentum. Quia uero naturalis tractatio est de mo-  
tu, hæc autem motus quasi simenta quedam in seipsis ha-  
bent, ideo uniuersi quidem potentijs ipsorum utuntur, non  
tamen nisi pauci definiuere. Visis igitur hisce primum quæ  
ab alijs dicta sunt, allatis etiam dubitationibus, quæ ad hanc  
considerationem sunt necessariae, id deinde dicamus quod  
nobis de ipsis uidetur. Grauiā leuiāq; partim simpliciter,  
partim ad aliud dicuntur. Eorum enim, quæ pondus habet,  
aliud leuius, aliud grauius dicimus esse: ut æs, grauius dici-  
mus ligno. De his igitur, quæ absolutè dicuntur, nihil à ue-  
teribus dictum est, sed de hisce quæ ad aliud dicuntur: non  
enim dicunt quid est ipsum graue, & quid est ipsum leue:  
sed quid est ipsum grauius, & quid ipsum leuius in hisce,  
quæ pondus habent. Id autem quod dicimus, magis diluci-  
dum hoc pacto fiet: quedam enim à medio semper, quedam  
ad medium semper apta sunt ferri. Horum autem id quidē,  
quod à medio fertur, sursum: id autem quod ad medium fer-  
tur, deorsum dicimus ferri. Absurdum est enim in coelo non  
existi

existimare aliquid supra, aliquid infra esse: quemadmodum quidem censent: non enim esse aliud superum, aliud inferum dicunt, si omni ex parte simile est, & undique quisque gradiens aduersis ipse sibi pedibus erit. Nos autem ipsum uniuersum extremum, supra dicimus: quod quidem & positione est supra, & ipsa natura primum. Cum autem ipsius coeli & quid extremum & medium sit, patet & supra esse, ac infra, quemadmodum & multi dicunt: uerum non satis. Huius autem causa est, coelum ipsos non omni ex parte simile esse, sed unum tantum, id hemisphaerium esse, quod supra nos est, putare. Quod si sumpserunt coelum omni ex parte tale, & medium ad uniuersum similiter se habere: illud quidem superum, medium autem inferum esse dicunt. Id igitur absolui dicimus leue, quod sursum, ad extremumque fertur: id graue, quod simpliciter deorsum, atque ad medium fertur. Ad aliud autem leue, ac leuius id esse dicimus, quod aliquo natura deorsum celerius fertur, utrisque pondus habentibus, aequalemque molem.

Quod Timæus non sufficienter de graui, ac leui determinauit: neque recte sensisse antiquos, id graue esse, quod mole maius esset: neque Democritum, qui ex vacui interceptione grauius, aut leuius ait: neque plus minusue materiae huius causam ponendam esse.

CAP. II.

**E**orum igitur, qui prius ad horum considerationem uenerunt, plurimi penè de leuibz hoc pacto, grauibzque solis dixere: quorum alterum, utrisque pondus habentibus, altero leuius est. De hoc autem pacto graui, leuique facta consideratione, de simpliciter etiam leui, grauique determinatum à se fuisse putant, sermo tamen ad ipsa non accommodatur. Hoc autem perspicuum magis erit, si ulterius progrediamur. Quidam enim de leuiore, grauioreque sic dicunt,

De graui, & leui hic Aristot. ex sententia determinat antiquorum.

ut in Timæo est scriptum. Grauius quidem id esse, quod ex eisdem pluribus constat. Leuius autem id, quod ex eisdem paucioribus constat: quemadmodum plumbo plumbum & æs ære maius, grauius est. Similiter & unūquodque caterorum similium forma: in excessione enim æqualium partium quodque grauius est. Eodem modo lignum & plumbum dicūt: ex quibusdam enim eisdem omnia corpora, & una materia esse aiunt, sed non uideri. Sic autem definitis non dictum est de simpliciter leui, ac graui. Nunc enim ignis quidem semper est leuis, sursumq; fertur: terra uerò, ac terrea cuncta deorsum, atque ad medium ipsum. Quare non ob triagulorum paucitatem, ex quibus quodq; ipsorum constare dicunt, ignis aptus est sursum ferri: maior enim minus utiq; moueretur, & grauior esset, cū pluribus ex triangulis constet. Nunc autem contrarium sanè uidetur. quò enim maior est, eò leuior est, & sursum celerius fertur. De supero etiam loco deorsum paruus ignis celerius, & tardius magnus, fertur. Insuper, cū id quod pauciora habet ea, quæ sunt generis eiusdem, leuius esse, id uerò quod habet plura, grauius esse dicant: aërem autē, & ignem, ac aquam ex eisdem asserant triangulis esse, sed paucitate, multitudinēq; differre, quapropter aliud ipsorum leuius, aliud grauius esse, aliqua sanè multitudo aëris erit, quæ grauior erit aqua. At totum contrarium accidit: semper enim maior aër, magis sursum fertur: & omnino pars queuis aëris sursum ex aqua fertur. Quidam igitur ita de graui, leuiq; definierunt. Quibusdam autem non satis uisum est hoc pacto diuidere, sed quamuis etate uetustiores essent, de hisce tamen quæ nunc sunt dicta, modo magis nouo intellexerunt. Nonnulla nanque corpora mole quidem minora, sed grauiora esse uidentur. Patet igitur non satis esse



esse, ex equalibus ipsis primis ea, quæ sunt ponderis equalis, dicere constare: essent enim equalia mole. Maius autem ipsorum, grauius esse absurdum quidem ex hisce dicere, qui prima ipsa, ac indiuidua, ex quibus ea corporum constant, quæ pondus habent, plana inquit esse: ij autem qui solida esse dicunt, magis dicere possunt. Compositorum uerò quoniam singula non hoc modo sese habere uidentur, sed multa grauiora minora mole esse uidemus, quemadmodum æs, lana: aliam quidam causam & putant esse, & aiunt. Vacuum enim comprehensum leuare corpora dicunt, & interdum maiora facere leuiora, cum plus habeant, ut inquit, uacui: propterea & molem habere maiorem ex equalibus solidis persepe, aut ex minoribus composita, dicunt. Et omnino, cuilibet leuiori plus inesse uacui, causam aiunt esse. Dicunt igitur hoc modo de ipsis. Sed addant necesse est, qui hoc pacto definiunt, si sit quippiam leuius, non solum uacui plus, sed & solidi minus habere. Si enim talem rationem excedet, leuius sanè non erit. ob id enim ipsum, & ignem inquit leuissimum esse, quia uacui plurimum habet. Eueniet igitur magnum aurum plus habens uacui, igne paruo leuius esse, nisi et solidum ipsum habuerit multiplex. Quare hoc est dicendum. Quidam igitur eorum, qui non inquit uacuum esse, nihil de leui, grauiq; determinarunt, ut Anaxagoras, & Empedocles. Qui uerò determinarunt quidem, non dicunt autem uacuum esse, nihil dixere cur alia corporum leuia, alia graua sunt, & alia sursum, alia deorsum semper feruntur. Nullam præterea de hoc mentionem fecerunt, nonnulla, inquam, corporum maiorem habentia molem, leuiora minoribus esse: neq; patet ex hisce quæ dicta sunt, quonam pacto fiet ut ipsi consentanea dicant ijs, quæ apparent. Eos etiam qui leuitatis

ignis causam, uacui multitudinem inquirunt esse, eisdem obnoxios difficultatibus esse necesse est: minus enim ceteris corporibus solidi et uacui plus habebit. Attamen erit ignis aliqua multitudo, in qua solidum & plenum ea, quæ continentur in aliqua parua terra, solida exuperabit. Quod si & uacui dixerint, quonam modo definient ipsum simpliciter graue? At enim hoc quod plurima solidorum habet, aut hoc quod uacui minus habet. Si igitur hoc dicent modo, erit quedam terra adeo parua, ut in illa minus sit solidorum, quam magno in igne. Similiter si uacuo etiam definiant, erit quippiam eorum, quæ semper deorsum feruntur leuius eo, quod simpliciter est leue, semperque fertur ad superiora loca: quod quidem est impossibile: id enim quod absolute est leue, leuius est semper hisce, quæ pondus habent, ac deorsum feruntur. Id autem quod est leuius, non semper est leue: propterea quod & in hisce, quæ pondus habent, aliud alio leuius dicitur esse: ut aqua, terra. At uero neque hoc, uacuum, inquam, rationem ad plenum habere, sufficiens ad soluendam dubitationem esse uidetur. Accidet enim & hunc modum dicentibus, ipsum identidem impossibile. In maiore enim igne, atque minore, eandem solidum ad uacuum rationem habebit. At maior ignis minore sursum celerius fertur: & maius aurum, plumbumque, celerius deorsum mouetur, & ceterorum quodque simili modo quæ pondus habent. At hoc accidere profecto non oportebat, si hoc pacto graue, leueque est definitum. Absurdum autem est, & si ob uacuum quidem sursum ferantur, uacuum autem ipsum non sursum feratur. At uero si uacuum quidem aptum est sursum ferri, plenum uero deorsum, atque ob hoc utriusque lationis sunt ceteris cause: nihil de compositis considerare oportebat, cur alia corporum graua, alia leuia sunt: sed de his ipsis dicere,

cur

cur leue alterum est, alterum pondus habet. Et insuper, quæ nam est causa ut plenum, uacuumq; non distent. Vacat autem ratione, & locum uacuo facere, quasi ipsum locus quidam non sit. Quod si uacuum mouetur, esse quendam ipsius locum è quo, & ad quem mutatur, necesse est. Et insuper, quidnam ipsius motus est causa? Non est enim uacuum ipsum: non enim solum ipsum, sed solidum etiam mouetur. Similiter absurda accidunt, & si quispiam aliter definit, magnitudine, paruitateq; faciens grauiora, leuioraq;, & alio quouis extruens modo, uniuersis modò eadem materies assignetur, aut plures quidem, subcontrariæ tamen. Nam si una sit, non erit graue simpliciter, atque leue, quemadmodum ijs accidit, qui ex triangulis constituunt elementa. Sin contrariæ sint, ut ij qui uacuum plenumq; dicunt: dici non potest quam ob causam ea, quæ sunt inter simpliciter grauiæ, leuiæq;, grauiora, leuioraq; sunt inter sese, & simplicibus etiam ipsis. Magnitudine autem, paruitateq; definire, figmento quidem magis quam priora, est simile. Sed quia differentiam elementorum quodque facere potest, securius ad anteriores dubitationes se habet. Ei uerò, qui naturam unam eorum facit, quæ magnitudine differunt, idem accidere quæ hisce accidunt, qui materiam faciant unam, necesse est: & neque leue quicquam simpliciter esse, neque ferri sursum, sed aut posterius ferri, aut extrudi: & multa parua, paucis magnis grauiora esse. Quod si hoc erit, accidet magnum æra, magnumq; ignem, aqua, terraq; parua grauiorem esse: quod quidem fieri nequit. Ea igitur quæ ab alijs sunt dicta, hæc sunt, atq; hoc modo dicuntur.

Quod vnumquodque sensilium ita in suum locum fertur, ut ad speciem.

CAP. III.

25

Nos



Hic Arist. ex  
propria sen-  
tentia de gra-  
ui, & leui de-  
terminat.

**N**Os autem primum id definiamus oportet, quo de ma-  
ximè quidam dubitant, cur alia corporum sursum,  
alia deorsum semper, alia sursum, deorsumq; secundum na-  
turam feruntur. Deinde de graui, leuiq; atq; affectibus his-  
ce, qui circa ipsa accidunt, quam ob causam fiunt, dicamus.  
De hoc itaq; ferri, inquam, unumquodq; suum in locū, per-  
inde atq; de ceteris generationibus existimandum esse ui-  
detur. Nam cum tres sint motus, alius in magnitudine, alius  
in forma, alius in loco, in horum quoq; mutationem ē con-  
trarijs in contraria, atq; in media fieri, & non in quoduis  
cuiusuis mutationem esse uidemus. Simili modo neq; moti-  
uum cuiusuis quoduis, sed ut alterabile ac accrescibile sunt  
diuersa, sic & alteratiuum, ac accrescitiuum. Eodem modo  
& loco motiuum non quoduis cuiusuis mobilis, existiman-  
dum est esse. Ad superum igitur locum, ac inferum motiua  
quidem sunt id quod ponderis, & id quod leuitatis est effe-  
ctiuum: mobile autem id, quod potentia graue est, atq; le-  
ue. Ferri uerò quodq; suum in locum, nihil aliud est, quàm  
in suam formam ferri. Atq; hoc pacto magis quispiam exi-  
stimauerit id, quod antiqui dicebant, simile (inquam) in si-  
mile ferri: hoc enim non omnino accidit: non enim si quis-  
piam terram eo in loco posuerit, ubi nunc est luna, quæq;  
partium ad ipsam feretur, sed cum in locum ubi etiam nunc  
est collocata. Omnino igitur similibus & differentiam non  
subeuntibus, hoc accadat eodē motu necesse est. Quare quò  
pars una quædā apta est ferri, eò & totum aptum est ferri.  
Cum autem locus ipsius continentis sit finis, extremum au-  
tem, atq; medium omnia, quæ sursum mouentur, deorsumq;  
contineat, atq; hoc forma eius quodam modo sit, quod con-  
tinetur, suum in locum ferri, nihil aliud est, quàm in simi-  
le ferri. Ea enim quæ deinceps sunt collocata, similia sunt:  
aqua

agua nanq; aëri : & hic, igni similis est. Contrà uerò dici  
in medijs quidem potest, in extremis uerò non potest : ue-  
lut aërem aqua, & aquam terræ : semper enim id quod su-  
perius est, ad id quod sub ipso collocatur, sic se habet, ut ad  
materiam forma. Querere uerò cur ignis ad supera loca,  
& terra ad infera fertur : idem quod hoc est, cur sanabile,  
si mouetur, atq; mutatur ea ratione, qua est sanabile, in sa-  
nitatem, & non ad albedinem uenit. Similiter & cætera  
alterabilia cuncta. At uerò & accrescibile cum hoc muta-  
tur, quo est accrescibile : non in sanitatem, sed in excessio-  
nem magnitudinis uenit. Similiter & horum unumquod-  
que, aliud in qualitate, aliud in quantitate mutatur : & in lo-  
co, leuia quidem ad supera, grauiā uerò ad infera loca pro-  
ficiscuntur : excipitur tamen hoc : hæc enim, graue, inquam,  
ac leue, in seipsis mutationis principium habere uidentur :  
illa uerò non in seipsis, sed foris, ceu sanabile, ac accrescibi-  
le : quanquam & hæc interdum ex seipsis mutantur, &  
paruo factō in externis motu, alterum in sanitatem, alte-  
rum in incrementum accedit. Et cū idem sit sanabile, &  
gritudinisq; susceptiuum, si ea ratione, qua sanabile est, mo-  
ueatur, in sanitatem pergit : sin hoc, quo ægrotabile est, in  
ægritudinem fertur. Magis tamen graue, leueq; in seipsis  
principium habere uidentur, propterea quòd horū mate-  
ria propinquissima substantiæ est. Signū cuius est, lationem  
absolutorum esse, & ultimam motuum generatione. Qua-  
re motus hic, substantia primus erit. Cū igitur aër ex aqua  
fit, atq; è graui leue in superum locum uenit : simul autem  
est leue, & non ulterius fit, sed illic est. Patet igitur, cū  
potentia sit ad actū proficiscēs, uenire illuc, & ad tantum,  
& ad tale, ubi est actus, & quāti, & qualis, & ubi. Ea-  
dem est causa, & ut terra, ac ignis iā actū ad sua loca nullo  
imped

impediente moueantur: etenim alimentum cum prohibens, & sanabile cum detinens sublatum fuerit, continuo fertur, & mouet etiam & id, quod in initio fecit, & id quod subtraxit, aut id unde resiliuit, ut prius in sermonibus dictum est, in quibus definebamus nihil horum ipsum seipsum mouere. Dictum est igitur quam ob causam fertur quodque eorum, quae feruntur, & quid est suum in locum ferri.

Quod aliquod simpliciter graue, & leue simpliciter, & definitio horum. Quodque determinatum sit medium ad quod grauias ferentur, atque extremum ad quod leuia.

CAP. IIII.

Hic ostendit  
Aristo. graue  
& leue dupli-  
citer dici: sim-  
pliciter scilicet,  
& respectiue,  
siue ad aliud.

**D**ifferentias autem, & ea quae accidunt circa ipsa, nunc dicamus oportet. Primum igitur sit definitum, ut uniuersis uidetur: graue quidem simpliciter id esse, quod omnibus substat: leue autem, id quod super omnia natat. Simpliciter autem dico in ipsum genus respiciens, & in ea, in quibus ambo non insunt: ignis enim quaeuis magnitudo, nisi forte quippiam aliud prohibeat, ferri sursum uidetur: & terrae etiam quaeuis magnitudo, deorsum eodem modo: & ceterius id fertur, quod maius est. Alio uero modo grauias leuiasque sunt ea, quibus utrunque inest: etenim natant super aqua, & substant, ut aer, & aqua, absolute namque neutrum horum leue est, aut graue: terra enim ambo sunt leuiora: quaeuis enim pars ipsorum subsidet igni, ad seipsa uero, simpliciter aliud est graue, aliud est leue: aer enim quantauis magnitudine, semper est super aquam: aqua autem quantauis quantitate, subsidet aeri semper. Quoniam autem & ceterorum alia pondus habent, alia leuitatem, patet eam differentiam, quae in simplicibus est, horum omnium causam esse. Ex eo namque, quia aliud plus, aliud minus illorum sunt affecta: alia corporum leuia, alia grauias erunt. Quare de illis dicend



dicendum est: cætera enim, illa prima sequuntur. quod & eos oportere facere dicimus, qui ob plenum graue esse dicunt, & ob uacuum leue. Accidit igitur eadem non ubique grauiæ, leuiæq; ob differentiam primorum uideri: lignum enim centum librarum, plumbo unius libræ in aëre grauius, in aqua leuius erit. Causa autem est, omnia præter ignem pondus, & leuitatem præter terram, habere. Terra igitur, & quæ terræ plurimum habent, ubique grauitatem habere necesse est: aquam autem ubiq; præterquam in terra, & aërem similiter, præterquam in aqua, ac terra. Sui enim in loco grauitatem habent omnia, præter ignem. Si gnum cuius est, utrem inflatum plus ponderis, quam uacuum habere. Quare si quid plus aëris habet, quam terræ, & aquæ, id in aqua quidem alio leuius, in aëre uero grauius esse potest: nam non natat quidem super aërem, natat autem super aquam. Esse autem quippiam simpliciter graue, atq; simpliciter leue, ex hisce perspicuum est. Atque leue simpliciter id dico, quod semper sursum aptum est, nisi prohibeatur: & graue id, quod semper deorsum aptum est ferri: sunt enim aliqua talia, & non omnia pondus habent, ut quidam putant. Nam & alijs quibusdam graue esse uidetur, semperq; ad medium ferri. Est autē & leue simili modo: uidemus enim, uti dictum est prius, terrea ipsa sub omnibus esse collocata, atq; ad medium ferri. At uero, medium ipsum est definitum. Si igitur est quippiam, quod super omnia eminet, ut ignis in ipso aëre sursum ferri uidetur aëre quiescente, patet hunc ad ipsum extremum ferri: quare nihil ipse ponderis habere potest: sub alio enim collocaretur. At si hoc esset, aliquid aliud esset profectò, quod ad ipsam extremū moueretur, quodq; super omnia, quæ feruntur, collocaretur. Nunc autem nihil esse uidetur

detur. Ignis igitur nullum pondus habet, neq; etiam terra leuitatem ullam habet: siquidem subsidet uniuersis, idq; quod subsidet, ad ipsum medium fertur. At uero medium esse, ad quod latio fit eorum, quæ pondus habent, & ex quo leuia sursum feruntur, ex multis patet. Primò quidem ex eo quia nihil ferri in infinitum potest: ut enim nihil est impossibile, sic neq; fit impossibile. Latio uero è quopiam in quippian, generatio est. Deinde ignis quidem sursum, terra uero, & quicquid pondus habet, deorsum, similes ad angulos fertur. Quare ad medium ipsum feratur necesse est. Vtrum autem ad terre medium, an uniuersi feratur, cum idem medium sit ipsorum, alia ratio est. Cum autem id quod omnibus substat, ad mediũ ipsum feratur, id quod super omnia natat, ad ultimum capedinis, in qua fit motus, feratur necesse est: sunt enim contraria, medium & extremum: & substat, atque natat. Quapropter & cum ratione duo sunt, graue & leue: & loca enim sunt duo, medium ipsum, atque extremum. Est igitur quid & id quod est inter hæc, quod ad utrunque ipsorum alterum dicitur: id enim quod est inter, extremũ aliquo modo, & medium est amborum: quocirca est quid & aliud graue, & leue, ceu aër, & aqua. Dicimus autem id quidem quod continet, forme esse: id autem, quod continetur, materiei. Atque hæc differentia uniuersis in generibus est: in qualitate, enim, & quantitate, est aliud ut forma magis, aliud ut materies: & in loco simili modo, superũ enim est definiti, inferum materiei. Quare & in ipsa materia, quæ est ipsius grauis, & leuis, quò quidem tale est potentia, eò grauis materies est: quò uero tale est, eò leuis materies est: atque eadem quidem est, esse autem non idem est: quemadmodum & egrotabile, ac sanabile, idem est: esse uero non idem est.

Quòd

Quòd sint elementa quatuor, quodq; non omnium una sit materia, ut uacuum, solidum, aut trianguli, quæ sit causa; diuerforum ipsis motuui. CAP. V.

**I**D igitur, quod talem materiam habet, leue est; semperq; sursum fertur: id uerò quod contrarium habet, graue est, semperq; deorsum fertur. At ea, quæ diuersas quidem ab his habent, sic uerò inter sese habentes, ut hæc se habent, simpliciter & sursum, & deorsum feruntur. Quapropter aër, & aqua leuitatem habent, & pondus: atque aqua quidem uniuersis, terra excepta, substat: aër autè super omnia eminet, igne excepto. Cum autem unum sit solum, quod super omnia natat, & unum item quod subsidet, uniuersis duo alia esse necesse est, quæ & cuiuspiam substant, & super aliquid collocatur. Quare & materias quot hæc sunt, tot esse necesse est, quatuor, inquam, adeò uerò quatuor, ut una quidem sit omnium communis, præsertim si ex sese mutuo fiant, esse uerò diuersum sit. Nihil enim uetat, ut inter contraria unum sit, atque plura, quemadmodum in coloribus: multis enim modis dicitur id, quod est inter, ac medium ipsum. Vnumquodq; igitur eorum, quæ pondus habent, leuitatemq; pondus habet suo in loco, leuitatem autem non habet, nisi in hisce super quæ natat. Quapropter si subtrahatur, deorsum in id fertur, quod deinceps est collocatum: aër quidem in locum aquæ, aqua uerò in locum terræ. Sursum autem in locum ignis, si ignis ipse tollatur, aër non feretur, nisi ut: sicut et ipsa aqua trahitur, cum ipsum planum fuerit unum: atq; celerius quispiam traxerit aquam sursum, quam sit ea latio, qua fertur ipsa, deorsum. Neq; aqua similiter in aëris locum fertur, nisi uti nunc diximus. Terra autem hoc non patitur, quia planum non est unum. Quapropter aqua quidem in uas ignitum trahitur, terra uerò non trahitur.



bitur. Ut autem terra non fertur sursum, sic nec ignis deorsum fertur, si subtrahatur aer: nihil enim ponderis habet, neque suo in loco, quemadmodum neque terra ullius est particeps leuitatis. Feruntur autem duo deorsum, si infera subtrahantur, quia aliud est absolute graue, quod quidem omnibus subsidet: aliud ad aliquid graue, quod quidem suum in locum, aut in eorum, super quæ natat, propter materie similitudinem, fertur. Esse autem necessarium æquales facere differentias ipsis, patet. Nam si una sit omnium materies, aut uacuum, aut plenum, aut magnitudo: aut trianguli, aut uniuersa sursum, aut uniuersa deorsum ferentur: altera uerò latio non erit. Quare nihil erit simpliciter leue, si cuncta inclinatur magis deorsum, ex eo quia aut ex maioribus sunt corporibus, aut ex pluribus, aut quia sunt plena. Hoc autem & uidemus, & demonstratum est: similiter, inquam, deorsum semper, & ubique, ac sursum corpora ferri. Si uerò uacuum sit, aut quippiam tale quod sursum semper feratur, non erit id, quod semper deorsum fertur: & mediorum aliqua celerius deorsum, quàm terra ferentur: magno enim in aëre trianguli plures erunt, aut solida, aut plana: at nulla pars aëris deorsum ferri uidetur. Similiter & in leui, si illud fecerit quispiam excedere materia. Sin uerò duæ sint materię, ueluti si quispiam dixerit esse uacuum, atque plenum: ipsa media, aër, inquam, & aqua, quonam pacto facient ea, quæ faciunt? Ignem igitur uacuum esse dicunt, quapropter & sursum fertur: terram autem plenum, quocirca deorsum fertur: aërem uerò plus ignis habere, & aquam plus terre: erit itaq; quedam aqua, quæ plus ignis habebit, quàm paruus aër; & aër magnus plus terre, quàm parua aqua. Quare magnam aliquam aëris partem, aqua parua deorsum ferri celerius oportebit: hoc

autem nusquam unquam fieri uidetur. Ut igitur & ignem ideo sursum ferri necesse, quia hoc habet uacuum, inquam, cetera uerò non: & terram ideo deorsum ferri, quia plenum habet: sic & aërem ideo suum in locum ferri, ac super aquam collocari necesse est, quia hoc habet: & aquam ideo deorsum ferri, ac sub ipso aëre collocari, quia hoc habet. Si uerò aut unum quid ambo sint, aut duo, ambo uerò insint utrique: erit aliqua multitudo utriusque, qua quidem aërem aqua paruum excedet supero, & aër aquam infero, quemadmodum sepe est dictum.

Quòd figura sit causa ut uelocior aut tardior sit motus, non tamen efficiat, ut sursum aut deorsum tendat. Et cur corpora lata, ut ferrea, aut plumbea, per aquam non mergantur: rotunda autem, & longa, ut acus, mergantur illico.

CAP. VI.

**F**igura autem cause non sunt, ut aut sursum, aut deorsum absolute ferantur, sed ut celerius, tardiusq; ferantur: propter quas autem causas, non est difficile uidere. Dubitatur enim nunc, cur latum ferrū, plumbumq; super aquā natat: alia uerò minora, minusq; grauiā, si rotunda sint, aut longa, ut acus, deorsum feruntur: & nonnulla ob paruitatem, ut arena auri, aliāq; terrea, puluerisq; similia, super aërem natant. Causam igitur omnium horum esse putare, uti Democritus censet, non rectè se habet. Ille enim dicit ea calida, quæ sursum ex aqua feruntur, grauium ea, quæ lata sunt, sustinere, angusta uerò delabi: pauca enim ea esse, quæ ipsa offendunt. In aëre autem magis etiam id ipsum fieri oportebat, ut obijcit ille ipse: obiectione uerò allata, molliter soluit. Dicit enim, non in unum, motionem eorum corporum fieri, quæ sursum feruntur. Cùm autem continuorum alia facili, alia minus facili diuidi possint, &

Hic declarat Arist. figurā non esse sufficientem causam motus sursum, & deorsum.

diuisua modo eodem, alia magis, alia minus, has esse causas  
 est putandum. Id igitur facile diuisibile est, quod facile ter-  
 minos suscipere potest: & id magis, quod magis. Aer au-  
 tem magis est tale, quam aqua, & aqua magis quam terra:  
 minus etiam quodq; in genere corpus, magis facile diuidi-  
 tur, faciliusq; disrumpitur. Ea igitur quæ latitudinem ha-  
 bent, quia multum comprehendunt, ideo supra manent,  
 propterea quod non facile illud disrumpitur. Ea uero quæ  
 contrario modo sese habent figuris, quia parum compre-  
 hendunt, ideo deorsum feruntur, propterea quod facile il-  
 lud diuidunt: & in aëre multo magis: quod facilius quam  
 aqua diuiditur. Cum autem & pondus aliquas habeat ui-  
 res, quibus deorsum fertur, & continua simili modo ut  
 non disrumpantur, hæc inter sese conferre oportet. Si uires  
 enim ponderis, eas uires quæ in continuo sunt ad dis-  
 ruptionem, diuisionemq; exuperent, uim inferet  
 ipsum graue, celeriusq; deorsum feretur, sin  
 imbecilliores sint, supra manebit, atq; na-  
 tabit. De graui igitur, atq; leui, &  
 de hisce, quæ circa ipsa acci-  
 dunt, a nobis hoc mo-  
 do sit definitio  
 tum.

ARIST. DE COELO LI-

BRORVM IIII.

FINIS.



## DE GENERATIONE

ET CORRUPTIONE

LIBER I.

Aristotelis, Francisco Vatablo  
interprete.*Argumentum ex Philopono.*

UM Aristoteles in Physica auscultatione egisset de principijs rerum Naturalium, materia, inquam, & forma, & de ijs, quæ communiter omnes res Naturales consequuntur, ea sunt, locus, tempus, & motus, reliquum scopum in sequentibus operibus instituit, de rebus ipsis naturalibus transigere. Porro rerū naturalium alia sunt ingenitæ, & incorruptiles, alia generationi, & corruptioni obnoxia. Eorū autē, quæ sunt perpetua, alia iuxta totum, ac partes sunt æterna, ut cœlestia: alia iuxta tota se æterna sunt, iuxta partes autem generationi, & corruptioni sunt obnoxia: qualia sunt quatuor elementa. De hisce igitur, quæ ex naturalibus rebus sunt perpetuæ, tā ijs, quæ iuxta tota, & iuxta partes, quā iuxta tota quidē eiusmodi sunt, iuxta partē verò sunt corruptibilia, in opere de Cœlo trāsgit: siquidē minime dissona est doctrina de quatuor elementis, suppositioni de cœlo: ob appellationē de cœlo, qua vniuersus Mūd<sup>9</sup> apud veteres significatur. In Timæo igitur Plato inquit, Cœlum omne, aut Mūdus, aut alia quācūq; magis suscipere videbitur, appellatione vocetur. Et in Politico inquit, quē cœlū aut Mūdū nominauimus. Ita & Aristoteles de Cœlo inscriptionem faciēs, nō suprema corpora solū, sed vniuersum Mūdū significare voluit. Ergo in illo ipso opere de ijs differit, quæ utcūq; sunt perpetua. In hoc autem, quod illud sequitur, de reliquis considerationē est factururus. Dico autē de ijs, quæ generationi sunt obnoxia, & corruptioni, deq; omnibus, quæ ipsa consequuntur. Rursus autē, consequentium eas res, quæ generatiles sunt, atq; generationi obnoxia, alia communiter omnes, alia peculiariter quasdā cōsequuntur. Et quæ peculiariter quasdā ex his sequuntur, alia illas sequuntur, quæ circa terram sunt, alia eas, quæ supra terram, id est, quæ inter terrā, ac ipsum cœlum

sunt, quæ & sublimia dicuntur. Quæ autē insunt ijs, quæ sunt circa terrā, alia quidē vt inanimatis insunt, alia vt animatis: itē animatis, aut vt sensum habētib⁹, aut vt sensus expertibus. Itaq; iuxta hāc diuisionē Aristoteles naturalē suā negotiationē partiti⁹ est. Quemadmodū enim in Physica auscultatione, quæ cōmuniter naturales res cōsequūtur, tradidit, sic in præsenti opere de ijs differet, quæ cōmuniter insunt reb⁹ oībus, generationi, & corruptioni obnoxijis. In libro autē de sublimibus de ijs tractabit, quæ supra terrā consistunt, quæq; illas sequūtur. Porro in libris de animalib⁹, de ijs, quæ tanq̃ animatis, ac sensum habētib⁹ insunt: & horū plures sunt partes iuxta multiplicē differētiā naturæ animalū. In opere de plantis, de animatis quidē, at sensum non habētib⁹. De inanimatis autē in opere de metallis, & in quarto sublimiū. Diuisio itaq; rerū naturalū, ac librorū Aristotelis, in quibus harū expositionē facit breuiter cōplectenti, hæc est. Porro autē quādo magna est præsēntis disputationis coniūctio ad præcedentē, quæ est de cœlo, velut indicat cōiunctio  $\delta$ , id est, verō significans, in exordio statim, vbi ait, Generationis autē & interitus: præcēferat enim ad finē præcedētis libri, De graui quidē ac leui, & de accidētib⁹ illis ipsis, hoc nobis modo sit definitū: mox sequitur, De generatiōe verō, & corruptione eorū, quæ Natura cōstāt. Quib⁹ manifestē adnectitur hæc tractatio ad præcedētē, eaq; propter minimē prætereūda sunt ea, quæ in superioribus libris de cœlo exposuit, sed in summa repetere oportebit in eorū gratiā, qui illhic exercitati prius fuere. Est igitur cognoscēdū, quōd in priorib⁹ libris duobus differit de æternis, in reliquis autē duobus de his, quæ oriūtur, & intereūt. Atque in primo quidē inquisitionē facit de substantia corporis cœlestis, aitq; diuersam esse naturā ab elemētōrū corporibus, ingēnitā, atq; incorruptilē non solum iuxta totū, sed & ne quidem iuxta partes, mutationē vllā subeūtē, præter eam solam, quæ loco fit. Querit insuper vtrū sit infinita, an finita, & ostēdit finitā esse, idq; alijs sermonibus permultis. Quod vbi ostēdisset, exinde demōstrat nihil extra ipsum esse, nō corpus quidem vllum, & neq; locū, neq; vacuū: neq; enim apta esse, quæ illhic sunt, vt sint in loco: neq; tēpus facere, vt ea senescāt. Hæc quidē in primo libro ostēdit. In secundo autē de figura cœli totius, & de stellis, quæ in ipso sunt, quōd figuræ sint sphericæ, & de earū motu, quōd sit cyclic⁹. Post hæc de integritate qua

tuor elemētorū docet, inquirens etiā horū figurā, atq; ostē-  
dens, ipsam sphaericam esse. De terra itidē longū sermōnē fa-  
cit, de illa quatuor inquisitiones faciēs. De magnitudine, figu-  
ra, situ, & de ipsius motu. De magnitudine quidē, quōd nō in-  
finita sit, vt quidā sunt arbitrati, sed finita, & plerisq; omnibus  
stellis, excepta tantūm Luna, inferior. Figurā verō etiā ipsam,  
sphaericā esse ostēdit. Positiōē etiā, quōd in medio sit sita,  
nulla vi indigens vt sustineatur, sed cōtrā potius opus habeat  
violētia, vt ē medio amoueatur. Quib⁹ quæstionibus per pri-  
mū & secūdū librū absolutis, de cœlo, inquā, ipso, atq; elemē-  
tis iuxta integritatē, qua sunt ingenita, ac incorruptibilia, li-  
bro tertio traditurus erat de quatuor elemētis, quatenus sunt  
generationi, & corruptioni obnoxia: sunt autē talia per suas  
partes, siquidē ē partib⁹ ipsoꝝ fūt, quæ gignūtur, & in easdē  
corrūpūtur, quæ intereunt. Tractaturus igitur de ijs, quæ na-  
scuntur, quæq; intereunt, ex quib⁹ snā, & quot elementis sint:  
primū quærit, sit ne omnino generatio, sicut voluerūt ij, qui  
astruebant nullū motū, nullamq; mutationē esse, vt Parme-  
nides fecit. Atq; ita ostēdit esse generationē, partim sublati ar-  
gumētis cōtrā statuentiū, partim testimonio vtens eorū, quæ  
propalām gigni, atq; interire vidētur. Facit autē quæstionem,  
vidēnā in hanc opiniōē descenderint illi, vt putarēt nullam  
generationē esse. Et ait idcirco esse, quōd persuasum haberēt,  
sciētiā de rebus esse, hanc autē firmā, ac semper eodē modo  
habentiū, esse aiebant: quapropter supponebāt, vniuersa, quæ  
sunt, perpetuō immota esse. Verū ipse aduersus hęc ostēdit,  
quōd & scientia sit, quodq; sit firmorū, atq; eodē modo sem-  
per habentiū: neq; tamē ob id adigi quenquā, vt motū tollat,  
stare res perpetuō arbitratus. Siquidē fieri potest, vt ex vni-  
uersis, quæ sunt, alia subijciamus stare, atq; esse perpetua,  
quorū sit scientia. Alia verō generationi, & corruptioni ob-  
noxia, quibus insit motus. Sed & in ijs ipsis, quæ oriuntur, &  
intereūt, fuerit firmū quippiam, ac immotū, quatenus ipsoꝝ  
est scientia. Dico autē formam ipsam, quando eorū, quæ per  
partes corrūpūtur, atq; mutātur, forma perpetua successione  
seruatur. Per hæc itaq; & alia id genus, vbi ostēdisset, genera-  
tionē esse, & corruptionē, & ea, quæ generationi, corruptio-  
niq; sunt obnoxia, quærit ex quo fiant ea quæ oriūtur, vtrum  
ex incorporeo quopiam, an verō ex corporeo elemento: atq;  
ostendit, quōd non ex incorporeis: quādo absurdū omnino



consequerentur, id, inquam, aut vacuum esse, quod capiat id, quod ex incorporeo nascitur: aut, si non sit vacuus quispiā locus, corpus penetrabit corpus aliud. Relinquitur ergo ex elemento oriri, quæ nascuntur. Quo in loco etiā definit elementū, in quiens, elementum esse corpus, in quod ultimū cōposita corpora dissoluuntur, quibus aut potestate, aut actu inest (id enim quomodo habeat, adhuc est ambiguū) ipsum autē in alia, specie differentia, diuidi non posse. Cæterum, nū potestate. an actu in sit elementū, ob id ambiguū fecit, quod nōdum docuerit quomodo fiat generatio. Nā si secretionē, aut concretionē sit generatio, & corruptio, tunc actu nimirū insunt elemēta cōpositis: sin mutatione substantiæ fiat hæc, tū potestate insunt, nō actu elemēta. Vbi autē ostēdisset quod nō ex incorporeo, sed ex habēte corpus fiat generatio, deinceps, inquit, nū unū sit elemētum istud, an plura, & utrū infinita, an finita. Atq; vt sit vnicū, fieri nō posse ostēdit. Vnde enim tā multiplex nasceretur differentia in iis, quæ sūt, siquidē ex uno gignuntur. Aut vnde nā motiones tā differentes, aliis fursum, aliis deorsum pergēibus? fieri enim nō potest, in uno eodēq; cōtraria inesse. Atq; iuxta Hippocratis sententiā, si homo unum quiddā esset, tū profectō nō doleret: quod si doleret, vnicū id esset, quod mederetur. Non igitur ex vno, sed pluribus, nō tamē infinitis: siquidē fuit ostēsum, fieri non posse vt actu infinitum quiddā cōsistat. Neq; verō id dico solum, fieri nō posse, vt numero infinita sint elementa, sed neq; magnitudine infinita sunt. Quod si ostensum à nobis fuerit, cœlū ipsum, quod omnia cōplectitur, finitū esse, nullū profectō elemētum fuerit infinitum. Sunt igitur finita elemēta, nō unum tamē sunt. Quot autē sint, & quæ sint, nō astruens, tanquā cōfessum sumit esse quatuor. Cæterum autē cū ad demonstrādum totidē esse, cōducat cōsideratio utrū sint genita, an ingenita, mox ad hanc cōuertit sermonē, atq; ostenso eo, quod nō sint ingenita, sed genita, idq; maxime ex actione, siquidē videmus omnē aquā corrumpi, & fieri aērē, & in reliquis eodē modo: deinceps querit quo pacto fiant, an ex sese mutuo, an ex alio quopiā subiecto, quē admodum supponebāt, qui mediū inter aērē, & aquā corpus subiiciunt. Ostēdit itaq; quod nō ex alio quopiā: nā, vt inquit ipse, istud aliud elemētū, cū sit corpus, necessariō est in loco. Aut igitur erit superā, aut infrā. Quod si sit superā, aut erit secundū naturā, aut præter naturā. Et eodē modo si sit infrā, aut secundū natu-

rā erit, aut præter naturā. Quod si suprā sit, & secūdū natu-  
 ram, tūc aut ignis erit, aut aēr. Si præter naturā, terra erit, aut  
 aqua. Eadē sequētur modo cōtrario, si subiiciatur, ipsum in-  
 frā esse. Nam si sit iuxta naturā, terra erit aut aqua: sin præter  
 naturā, ignis erit, aut aēr. Præterea autē, corpus istud nimirū  
 expers qualitatis, aut formæ nō erit, siquidē impossibile est.  
 Id enim materiæ adest, quæ incorporea habetur, ac nobis  
 corporea elemēta inquirere est propositū. Si ergo qualitatē  
 habeat vllā, aut est calidū, aut frigidū, & aut humidū, aut sic-  
 cū. Quod si calidū sit, & siccū, erit ignis: sin calidū, & humi-  
 dū, aēr erit. Insup̄ autē si humidū, & frigidū sit subiectum  
 istud corpus, erit aqua: frigidū autē & siccū, terra: quare ex  
 alio quopīā fieri nequeūt: ergo ex se ipsis mutuō fiūt. Quod  
 si ex se mutuō fiāt, tūc aut ita fiunt, vt potestate in seipsis mu-  
 tuō insint, aut actū. Quod si sint actū, tūc secretionē fiet gene-  
 ratio, vt Anaxagoras subiiciebat. At id inquit esse impossibi-  
 le. Nam si per secretionē hæc ex se ipsis mutuō gignuntur,  
 veluti si eo quod insint aquæ aëris partes similes, genera-  
 tur ex aqua aēr, necesse erit aut sisti generationē quandoq;  
 aliis quidem particulis similibus absumpris, aëris, inquā, &  
 ignis, atq; terræ, remanentibus solum aquæ portiunculis, vt  
 non amplius ex eo ipso, mutuō aliud quodpiā elemētū nasci  
 possit. Aut igitur id, quod dicimus, eueniet, sisti inquā, gene-  
 rationē ipsam. Aut si cōcesseris perpetuō gigni ex se mutuō,  
 elemēta, necesse fuerit subiicere infinita corpora in eodem  
 actū inesse: id quod fieri prorsus nequit. Reliquū igitur est,  
 ita ex se mutuō gigni elemēta, vt potestate sibi ipsis insint.  
 At potestate sibi insunt mutuō, aut quia resoluūtur in prima  
 omniū elemēta, quæ alij insectilia corpora dixere, velut Leu-  
 cippus, & Democrit<sup>o</sup>: alij plana, velut Plato: aut quod possit  
 in se mutuō mutari. Quod autē nō ob id quia resoluūtur in  
 prima elemēta, ostēdit ipse, siquidē fieri nequit, vt sint corpo-  
 ra insectilia. Atq; in plana resolvere corpus, videtur ridiculū  
 esse. Nā eiusdē fuerit corpora in plana resolvere, & plana in  
 lineas, & has in pūcta, vt corpora ea pūctis sint cōstituta, qđ  
 profectō absurdū est planē. Reliquū est igitur vt alio modo  
 subiiciatur ex se mutuō fieri, elemēta. Ceterū huiuscemodī  
 inquisitionē faciēs ad sermonē de facultatib<sup>9</sup>, & passionib<sup>9</sup>,  
 & motu venit: & vbi libro tertio ad finem eius dixisset, quod  
 oporteat oēs ipsorum inter se differētiās exigere, eas, inquā,

quæ iuxta facultates ipsorum, atq; inclinationes inquiruntur, & quæ iuxta qualitates tam passivas, quam actiuas: libro quarto differit de grauitate, ac leuitate, iuxta quas naturalis ipsorum motio peragitur, locumq; proprium quoduis eorum est sortitum. Dicitur insuper de aliis differentiis facultatum ipsorum, iuxta quas in illis fit in se ipsa mutua mutatio, per quam modus etiam mutue ipsorum generationis manifestus euadit, & eorum numerus, quot, & quæ sint, iure profecto ante mutuam elementorum ex sese generationem, de simplici generatione, & corruptione doctrinam facit, in primo huiusce operis libro, ubi notandum quæritur an sit generatio: nam istud in libris de cælo tradiderat: sed docēs, & quid sit, & quo pacto differat ab aliis mutationibus, alteratione, inquam, & auctione: demum expeditis omnibus, quæ cumq; eum inquirere oportebat, qui de uniuersali generatione sermonem facturum esset, deinceps proponit de mutua ex sese generatione simplicium corporum pertractare, quæ quidem elementa sunt omnium corporum compositorum, obnoxiorum generationi ac corruptioni. Verum quia ad horum doctrinam necessarius est de tactu, actione, passioneq;, & de mixture sermo, præmittit harum rerum inquisitionem. Quibus per primum hunc librum expeditis, in secundo doctrinam de elementis aggreditur, quærens passiuas eorum, atq; actiuas differentias: ac per id, ut est dictum, mutue ipsorum generationis modum indagans, & demonstrationem eius, quod tot elementa sint solum, adeoq; cum initio operis de cælo tanquam confessum sumpsisset quatuor esse elementa, ad hunc usq; locum huiusce demonstrationem seposuit.

Hoc lib. i. de terminat Arist. de generatione & corruptione, aliisq; mutationibus eis annexis. Hoc autem in primo cap. antiquorum opinioniones, quæ de genera. & corrupti. fuerint, declarat

Quid in hoc libro sit exponendum. Qui omnia unum esse aiunt, non posse defendere generationem ab alteratione differre. Qui plures rerum materias ponunt, generationem ab alteratione differre, affirmare quidem, sed ex suis positionibus id defendere non posse. CAPVT I.



**D**E ORTV autem, ac interitu eorum, quæ natura gignuntur, intereuntq;, uniuersim de omnibus tum causas, tum rationes eorum distinguendo, dicamus oportet: præterea quid accretio, quidq; alteratio sit: et eadem ne alterationis, atque generationis esse natu-



ram existimare liceat, an diuersam, perinde ut ipsis quoq;  
 nominibus discretæ sunt. Priscorum igitur quidam genera-  
 tionem simplicem, absolutamq; alterationem inquirunt: qui-  
 dam à generatione alterationem aliud esse. Nam qui uni-  
 uersum aiunt unum quippiam esse, & omnia ex uno oriri  
 censent, ij generationem alterationem esse, et quod proprie  
 generatur, id alterari dicant est necesse. At qui plures quàm  
 unam esse materias astruunt, uti Empedocles, Anaxagoras,  
 & Leucippus, illi differre dicant oportet: quàmquàm Ana-  
 xagoras suam profectò uocē ignorauit: quippe cū oriri,  
 ac interire, idem esse quod alterari dicat: at multa esse re-  
 rum elementa, perinde atq; alij, asserit. Nam Empedocles  
 corporea quidem elementa, quatuor: omnia uerò unā cum  
 hisce quæ motu ciendi uim habet, numero sex ait esse. Ana-  
 xagoras uerò, & Leucippus, & Democritus, infinita. Ete-  
 nim Anaxagoras, ea facit elementa rerum, quæ similia  
 sunt: ut os, carnē, medullam, ceteraq; quorum cuiusq; pars  
 eadem cum toto sortita est appellationem. Democritus au-  
 tem & Leucippus ex diuisibilibus corporibus, quæ &  
 multitudine, & formis infinita sunt, cetera componi dicūt,  
 atq; hæc inter sese differre per illa: nimirum situ, ac ordi-  
 ne eorum, ex quibus constant. Porro Anaxagoras, & Em-  
 pedocles contrario dicere modo uidentur: ille enim terrā,  
 aquam, aërem & ignem, elementa quatuor, eaq; simplicia  
 magis quàm carnem, os, & id genus similia. Hic uerò  
 hæc quidem simplicia, elementaq; illa uerò terram, inquam,  
 aquam, aëremq; & ignem composita: utpote quibus gi-  
 gnendis illa præsent semina. Igitur qui ex uno omnia con-  
 ficiunt, generationem, & corruptionem esse dicant, altera-  
 tionem est necesse. Nam subiectum ipsum, semper idem,  
 atq; unum manere dicant oportet: quod autem tale est, id

dicimus alterari. Qui uerò plura genera statuunt, à generatione alterationem differre censeant necessum est. Cum enim ea coeunt, aut dissoluuntur, generatio, corruptio uel fit. Quocirca & Empedocles ad hunc canit modum: Nullius est natura, sed ipsa mistio, mistorumq; prius diuisio solum. Patet igitur sermonem eorum suppositioni esse accommodatum: cum hoc pacto dicunt, ac eos ad hunc dicere modum. At necessarium & illis quoq; est, ut alterationem dicant à generatione quippiam esse diuersum: fieri tamen haudquaquam potest, iuxta ea quæ ab eis dicuntur. Quod autem hoc recte dicamus, facile est perspicere: nam quiescente substantia, ut in ea mutationem in magnitudine, quæ uocatur accretio, & decretio, ita & alterationem fieri uideamus. Verum enim fieri nequit, ut alteratio fiat per ea, quæ dicunt, qui plura uno principia faciunt. Siquidem effectus ipsi, iuxta quos id accidere dicimus, differentie sunt elementorum, quod genus sunt, caliditas, frigiditas: albedo, nigredo: ariditas, humiditas: mollities, durities: & ceteræ aliæ, uti & Empedocles ait,

Albentem penitus solem, calidumq; uideri,

Ast imbrem inter cuncta nigrum, simul atque regentem. Similiter & de reliquis quoq; definit, pronuntiatq;. Quare si fieri nequeat, ut ex igni oriatur aqua, aut ex aqua terra: neque profecto ex albo quidnam nigrum fiet, aut è molli durum. Eadem & de cæteris, quoq; ratio est: hoc autem est alteratio. An ne etiam perspicuum est oportere semper contrarijs ipsis unam subicere materiam. siue loco, siue accretione, decretionis uel, siue alteratione mutatio fiat? Præterea similiter & hoc alterationem esse est necesse. Etenim si alteratio sit, & subiectum est elementum unum, & omnium quæ in sese uicissim mutantur, una est materia, & si subiect

si subiectum unum sit, alteratio esse solet. Empedocles igitur, & hisce quæ apparent, & ipse sibi contraria dicere uidetur. Nam elementorum nullum ex alio fieri, sed ex eis cætera omnia, & cum uniuersam naturam in unum cõegit præter discordiam, ex illo uno rursus quodq; fieri asserit. Quare ex uno quodã, ut patet, eorum quæ differentijs quibusdam ac affectibus distincta, separataq; sunt, aliud aqua, aliud igni factum est: quæadmodum solem ait album, & calidum, terrã uerò grauem, atq; durã. Detrahis igitur hisce differentijs (detrahi enim possunt, nam genitæ sunt) tum ex aqua terram, tum ex terra aquam necessario fieri constat. Eodem pacto & cæterorum quodq; nec tum solũ, uerũ etiam nunc, si modò mutentur iuxta affectus. Nam de numero eorũ sunt, quæ adesse, & abesse rursus posse dixit: præsertim adhuc inter sese pugnantis discordia, & concordia. Quocirca & tunc ex uno orta sunt, ac genitæ: nõ enim uniuersum ipsum ignis, aer, aqua, & terra, cum adhuc unũ essent, erat. Sed & id quodq; nequaquam liquet, utrum scilicet ille ipsum unũ principium statuere debeat, an ipsa multa, ignem, inquam, & terram, & quæ cũ hisce eiusdem sunt seriei. Nam quo ipsum unum, ut materia, subijcitur, ex quo mutatione, quæ motionis opera sit, terra & ignis fiunt, elementum est. At quo quidem ex compositione sit, cõeuntibus inquam illis, illa uerò ex dissolutione: hoc elemẽti appellatione digniora sunt, naturaq; priora.

Quod Plato de generatione & interitu non sufficientem determinationem sit exsecutus. Et quod de generatione atq; interitu rectè hic determinandum sit.

CAP. II.

**O**mnino itaq; de generatione, & corruptione simpliciter absolutaq; utrum sit nec ne, & quo pacto sit: & de cæteris absolutis moribus, uerbi causa de accretione, & alterat

Hic Aristoteles persequitur quod primo capite propositum est



hoc est anti-  
quorum opi-  
niones de ge-  
neratione &  
corruptione.

alteratione, dicendum est. Plato igitur de generatione, ac corruptione quomodo rebus ipsis competant, considerauit solum, nec id quidem de omni, sed elementorum: quomodo uerò carnes, aut ossa, aut quippiam aliud tale gignatur, nequaquam. Insuper nec de alteratione, nec de accretione, quonam pacto rebus ipsis contingant. Ad summum, de nulla mutatione, nisi superficie tenus, quicquam ullus definiuit, præterquam Democritus, cui omnia fuisse curæ uidentur: sed in hoc, nempe qua uia, ac ratione fiant, iam discrepat. Nam nec de accretione quisquam quicquam definiuit, sicuti diximus, quod non uel quiuis dicat. Dixerunt enim res ipsas accessu rei similis augeri: id autem quonam pacto fiat, nihil præterea dixere. Nec de mixture, nec de aliorum propè dixerim ullo, uerbi causa de actione, et passione, quonammodo aliud agat, aliud patiatur in actione naturali. Democritus autem, & Leucippus, figuras concinnant, ex quibus alterationem faciunt, atque generationem: congregationem quidem, & segregationem, generationem atque corruptionem: ordine uerò, & positu, alterationem. Ceterum quoniam quæ apparent, ea uera esse putabāt, contraria autē & infinita sunt, quæ apparent, infinitas facere figuras, ita ut per compositi transmutationes idem contrarium uideatur alijs atque alijs, transmuteturque incerta re pusilla, & omnino permutato uno quopiam diuersum quid appareat, quandoquidem tragoedia, & comoedia, eisdem fiunt literis. At cum generatio & corruptio diuersum quid esse omnibus ferè uideantur, & ea quæ sunt, congregatione, atque segregatione, oriri, ac occidere, & de mutatione affectuum alterari: de his contemplentur qui hoc instituti habent, oportet: hæc autem & multas, & quæ rationis fines non egrediuntur, dubitationes habent. Nam si generatio con-

gregatio

gregatio sit, multa ex eorum numero quæ fieri nequeunt, euenire solent. Sunt autem rursus aliæ rationes, quæ urgent, quæq; haud facile solui possunt: quod fieri non potest, ut quicquam aliter sese habeat, si generatio congregatio non sit, aut quæ omnino generatio non est, aut eadem aliæ ratio est. Atq; id quanquam difficile, enitendum est soluere. Principium autem horum omnium est, utrum ea quæ sunt, generentur hoc pacto, accrescant, alterenturq; , & hisce contrarias subeant mutationes, magnitudinibus primis nullam diuisionem admittentibus, an nulla sit magnitudo indiuisibilis: hoc enim interest quamplurimum. Et rursum, si magnitudines sint insectiles, utrum hæ corpora sint, ut Democrito placet, atq; Leucippo: an plana, ut in Timeo scribitur? Hoc igitur ipsum, fieri inquam dissolutionem ad plana usq;, cancellos egreditur rationis: id quod alio quoq; loco iam diximus. Idcirco magis consentaneum rationi fuerit corpora non posse diuidi. Verum & hæc quoq; perabsurda sunt: sed tamen hisce alterationem, generationemq;, uti dictum est, facere, conuersione, & attactu. Atq; figurarum uarietate permutando, idem contingit quod sanè Democritus facit. Quocirca non esse colorem asserit: nam res ipsas per conuersionem colore tingi censet. At illis qui in plana diuisionem faciunt, minimè. Nihil enim planis compositis, præterquam solida, fit: quando nulla ex eis qualitas, affectus uel gigni potest. Sed cur parum ualeant, quæ consentanea sunt perspicere, causam habet ipsa experientie uacuitas. Quamobrem quotquot diutius circa rerum naturalium speculationem uersati sunt, ij eiusmodi principia, quæ inter se cohereant, consentiantq; quam plurimum supponere, magis possunt. Atqui è multis rationibus, quæ nam ueræ sint, haudquaquam expendere consueuerunt,

uerunt, paucis inspectis facile pronuntiant. Porro ex hisce  
 pendere etiam quis potest, quam inter eos intersit, qui  
 naturaliter, quiq; uia rationali quampiam exercent con-  
 siderationem. Nam de eo quod est magnitudines esse indi-  
 uisibiles, nonnulli quidem inquirunt, quod ipse, idealisq;  
 triangulus, plures erit. At Democritus rationibus pro-  
 prijs, naturæq; accommodatis persuasus esse profectò ui-  
 debitur. Quod autem dicimus, in progressu euadet aper-  
 tum. Nam res ipsa dubitationem habet, si quis corpus ali-  
 quod, magnitudinemq; omnino, atq; omni ex parte diuisi-  
 bilem esse statuatur, atque fieri posse ut penitus diuidatur.  
 Quid enim erit, quod effugiat diuisionem? Nam si omni  
 ex parte, atque omnino sit diuisibile, et ita diuidi queat,  
 siue simul erit hoc omni ex parte diuisum (etsi non si-  
 mul dicatur) siue id fiat, nihil accidet impossibile. Igitur  
 et secundum medium, haud secus. Et in summa, si omni ex  
 parte, ac omnino diuidi aptum sit, si diuidatur, nullum es-  
 merget impossibile: quando ne ullum quidem oriatur im-  
 possibile, si in decies milles dena millia diuisum sit: quama-  
 us foris nemo unquam diuidet. Itaq; cum corpus ipsum o-  
 mnino tale sit, diuidatur: quid ergo erit reliquum? magni-  
 tudo? id enim fieri non potest: esset enim quippiã haud di-  
 uisum: at erat omni ex parte, omninoq; diuisibile. At uerò  
 si nec corpus, nec magnitudo relinquatur, diuisio tamẽ sit,  
 aut corpus ex punctis constabit, et ea ex quibus compo-  
 nitur, magnitudine carebunt, aut nihil omnino erit. Quare  
 siue factum ex nihilo, siue compositum sit, profectò totum  
 ipsum nihil præterquam apparens, erit. Similiter si ex pun-  
 ctis conflare dicatur, quatum non erit. Nam cum una in ma-  
 gnitudine sese tangunt, et magnitudo una, perpetuæq; est,  
 atq; illa simul sunt, nihilo maius totum ipsum reddunt: quo-



nam si totum in duo, aut plura diuidatur, nihilo ipsum minus quàm prius euadit. Qua de re puncta etiam si omnia coagmentata sint, nullam efficiunt magnitudinem. Verum eninuero siquid tale inter diuidendum corpus fiat, quale est ramentum illud, quod excidit, dum quippiam serra secatur, atq; hoc pacto corpus aliquod è magnitudine abscedat, idem sermo recidit, quomodo, inquam, diuisibile illud sit. Quòd si id quod abscedere solet, corpus non sit, sed forma quedam, affectus ue separabilis, sitq; magnitudo ipsa, puncta, uel tactus sic affecti, magnitudinem ex non magnitudinibus constare, incongruum atq; abhorrens est. Ad hæc puncta ipsa siue à motu uacent, siue eundem subeant, ubi nam erunt? unus enim semper duorum quorundam tactus est, tanquam re quapiam alia præter tactum, punctumq; atque diuisionem existente. Si quis ergo quoduis, aut quantumlibet corpus esse omni ex parte, atque omnino diuisibile ponat, hæc accidunt uniuersa. Præterea si lignum, aut quippiam aliud iam diuisum rursus componas, iterum æquabile, pariter atq; unum euadit. Igitur ad hunc modum res sese habet, ut patet, si illud quolibet in puncto incidas. Potentia ergo, omni ex parte, ac omnino diuiditur. Quid igitur præter diuisionem erit? Nam si est affectio quedam, at quonam pacto dissoluitur in hæc, sitq; ex his, aut qualiter hæc separari queunt? Itaque si fieri nequeat, ut magnitudines ex punctis, aut tactibus consent, indiuisibilia sint corpora magnitudinesq; necesse est. At uerò et ips quoque qui hæc astruunt, non minus accedit impossibile: de quibus quanquam aliàs fuit à nobis consideratum, tamen ea ipsa soluere eniti oportet. Quam ob rem iterum ab initio dicenda dubitatio est. Igitur omne corpus sensibile, quouis in puncto esse diuisibile, atque indiuisibile nihil est absurd

absurdum: potentia siquidem diuisibile existit, actu indiuisibile. At ut simul sit omni ex parte potentia diuisibile, fieri non posse uidetur. Nam si fieri possit, & fiat, haudquaquam ad hunc fiet modum, ut simul ambo sint actu, indiuisibile, inquam, atq; diuisum, sed quodlibet in puncto diuisum. Nihil igitur erit reliquum, atq; corpus ipsum corruptione abibit in incorporeū: & rursum, aut ex punctis, aut prorsus ex nihilo fiet: at id, quod fieri potest? At uerò quod in separabiles, & subinde minores, atque inter se distantes, separatasq; magnitudines diuidatur corpus, certum est. Itaque nec per partes diuidenti sectio, quæ in minutula fit, infinita occurreret: nec insuper continget ut omni in signo (non enim est possibile) sed quadamtenus diuidatur. Indiuiduas igitur inesse magnitudines, quæ oculi faciem fugiāt, necesse est: & præsertim, si generatio congregatione, & corruptio segregatione fieri debeat. Quæ igitur ratio magnitudines esse indiuisibiles necessariò colligere uidebatur, hæc est. Sed quod clanculò peruersa ratiocinatione utatur, & quatenus lateat, exponamus oportet. Nam quia punctum puncto non hæret, magnitudines partim sunt, & partim non sunt omni ex parte diuisibiles. Sed cum hoc positum, assertumq; est, punctum ubiuis, ac omni in parte uidetur esse: ita ut in puncta diuidi magnitudinem sit necesse, quippe cum omni in parte punctum sit: quo fit, ut ea uel tactibus uel punctis constet. At omni in parte diuisibilis est, quia ubi unum est, & omnia ut singulum quodque. Vno autem plura non sunt: non enim sunt deinceps. Quare non omni in parte diuisibilis est. Nam si per medium diuisibilis sit, & per punctum adherens erit diuisibilis.

At id haudquaquam fit: siquidem nec signum signo, nec punctum puncto hæret. Hoc autem est, diuisio & compositio.

positio. Quare tam congregatio, quàm segregatio est, sed non ex infestilibus, & in infestilia (complura enim inde emergunt absurda) nec hoc pacto ut omni ex parte fiat diuisso (id enim eueniret, si punctum puncto hereret) sed segregatio in parua, & minora, & congregatio ex minoribus fit. Aut simplex perfectaq; generatio, congregatio ne & segregatione definita non est, quemadmodum nonnullis placet, qui & eam quæ in continuo fit mutationem, alterationem esse asserunt. Verùm id ipsum est, in quo prorsus errant: non enim generatio simplex, atque corruptio congregatione segregatione ue fit, sed cùm ex hoc in hoc mutatio fit. Alij uerò omnem eiusmodi mutationem alterationem esse putant. At in hoc discrimen subit: nam hæc ratione, illa materia, in subiecto existit. Igitur cùm in hisce fuerit mutatio, generatio erit, uel corruptio, cùm in affectibus, & ijs quæ per accidens alicui competunt, alteratio. Sed quæ congregantur, ægrè: quæ uerò segregantur, facile corruptioni redduntur obnoxia. Nam si aqua in minores aquæ particulas sit discerpta, in aërem ocys mutari solet: si uerò collecta sit, seignius: quod in hisce quæ posterius dicentur, apertius fiet. Nunc uerò sit hactenus definitum, fieri non posse ut generatio sit eiusmodi congregatio, qualem nonnulli esse asserunt.

An contingat aliquid generari atque interire simpliciter. Quamobrem semper durent rerū generationes. Quale aliquid simpliciter, aut secundū quid, dicatur corrumpti. Cur semper corrupto aliquo generatio fiat. An nō ens illud, in quod fit corruptio, atq; ex quo generatio fit, alicui sit contrarium. An eadem sit utriusq; materia, & eius quod gignitur, & eius quod corrūpitur. GAP. III.

**H**is autem determinatis pertractatisq; primò contemplari oportet utrum simpliciter quippiam, an propriè

Hic Arist. de  
generatiōe &  
corruptione,



que sua sit sen-  
tētia declarat,  
sexq; dubita-  
tiones soluit.

prie nihil generetur, corrumpatur uē, semper autem ex quodam quiddam fiat, ut ex aegro sanum, et ex sano aegrum, aut pusillum ē magno, et magnum ē pusillo: et reliqua omnia ad hunc modum. Nam si generatio simpliciter sit, quippiam profectō ē non ente simpliciter, absoluteq; fiet.

Quare uerum erit dicere, quibusdam non ens competere: quippe cum generatio quaedam ē quodam non ente, ceu ē non albo, uel non bono fiat. At simplex generatio ē non ente simpliciter sit. Porro simpliciter, absoluteq; non ens, aut id quod ex omnibus entis predicamentis primum est, aut quod est uniuersale, et cuncta ambit, continetq; significat. Igitur si primum, ē non substantia erit substantie generatio. At cui substantia non competit, nec ei ceterorum predicamentorum ullum, ueluti qualitatem, quantitatem: aut ubi competere posse palam est, nam alioqui affectus ipsi a substantia separari possent. Quod si ita res habeat, omnino ipsum non ens, uniuersaliter omnium erit abnegatio. Quare id quod generatur, ex nihilo gignatur erit necesse. Sed de hisce in alijs libris latius addubitatum, simul atq; definitum fuit: uerum compendiose in praesentia quoque dicamus oportet, ē non ente simpliciter aliquo modo non fieri generationem, et alio ex ente semper: nanque ens potentia, sed actu non ens, praexistat est necesse: quod sane, ut patet, utroque dicitur modo. Determinatis autem hisce, id rursum exacte disquiramus oportet, quod miram habet ambiguitatem, quonam, inquam, pacto generatio simplex sit, siue ex ente potentia, siue etiam alio quouis modo fiat. Dubitauerit nanque quispiam, utrum substantie, ac rei huiusce, sed non qualitatis, quantitatis, aut ubi, generatio sit: eodem modo et de corruptione. Nam si quid oriatur, quandam potentia non actu substantiam esse, dilucidum est.

est, ex qua fiat generatio, & in quam, id mutari necesse sit quod corruptionem subit. Vtrum igitur ex cæteris quæ actum sunt, quippiam huic competet, utrum, inquam, id, quod potentia duntaxat hoc aliquid, atq; ens est, simpliciter autem neq; hoc aliquid, neq; ens quantitas erit, aut qualitas, aut ubi? nam si actum nihil sit, sed omnia potentia, cūeniet & id quod ita est, non ens esse separabile: & insuper (id quod semper maxime sunt ueriti, qui primi in Philosophia uersati sunt) nihilo præexistente quippiam gigni. Quod si uerum non sit, hoc quidem substantiam, & hoc aliquid esse, sed è cæteris prædicamentis aliquid, continget (ut iam diximus) affectus ipsos à substantijs posse separari. De hisce igitur quoad fieri potest, & quænam sit causa cur generatio tam quæ simpliciter, quàm quæ secundum partem sit, semper sit, differendum est. Sed cū una quidem causa sit unde motus esse principium dicimus, altera uerò ipsa materies, de tali causa dicamus oportet. Nam de illa quidem prius est dictum, cū de motu ageremus: esse, inquam, aliud quod omni tempore perdurat immobile, & aliud quod in motu semper est. Sed de principio illo quod mutationi non est obnoxium, primæ Philosophiæ est determinare, ac pertractare. At de eo quod cætera iccirco mouet, quia continē moueatur, quid nam eorum quæ singularia uocantur, eiusmodi causa sit, posterius erit assignandum. Nunc autem eam, quæ uelut in materiæ specie sita est, causam, per quam generatio, & corruptio nunquam natura deficiunt, dicamus oportet. Nam simul forsitan & hoc emerget, & id quo de nuper dubitauimus, quonam, inquam, pacto de generatione, & corruptione simplici dicere conueniat. Inuehit autē & id quodq; magnum abundè dubium, quænam causa sit, ut generatio generationi semper cohercat, & alte-

ram altera subinde sequatur, siquidem quod corruptionem subit, ad id proficiscitur, quod nequaquam in ratione rerū existit: quod autem in ratione rerum minimē existit, nihil est. Nam quod haud est, neq; substantia est, neque qualitas, neq; quantitas, neq; ubi. Igitur si semper quippiam eorū, quæ sunt in ratione rerum, abeat, cur non dudum uniuersum ipsum consumptum fuit, atque inane euasit, cum id ex quo fit genitorum quodq; finitum sit: non enim propterea quod id ex quo quid sit, infinitum sit, non deficit: id enim esse nequit: nihil enim actu infinitum est, sed potentia tantum, nempe diuisione ipsa. Quare hanc solam causam esse oportebat, cur nunquam deficiat, quia semper quippiam fiat minus: nunc autem hoc fieri minimē cernimus. Ergo propterea quod interitus huius, alterius est ortus, & contra ortus huius, alterius interitus, necessariō accidit ut mutatio irrequies sit, & subsistere nequeat. Cur igitur generatio, & corruptio similiter semper sit circa unumquodq; eorum quæ sunt, hanc apud omnes causam satis esse putandum est. Sed quamobrem alia simpliciter, alia non simpliciter oriri, ac interire dicatur, rursus consideremus oportet: si quidem idem est generatio huius, & illius corruptio: atq; huius corruptio, & illius generatio. Id enim, quandam postulat rationem. Dicimus enim quippiam simpliciter nunc, & non solum hocce corrumpi. Atq; hæc generatio, generatio simpliciter: & hæc corruptio, corruptio simpliciter est. Fit autem & hocce quidē aliquid, non autem simpliciter: etenim cum qui discit, scientem fieri dicimus, non autem simpliciter fieri. Quia igitur quedam (id quod designando sæpe diximus) hoc aliquid significant, quedam non: hæc sane de causa quod in questione uersatur, euenit. Refert enim haud parum, in quod mutetur id quod mutatio-



nem subit:uerbi causa, quæ ad ignem sit transitio; ea forsita generatio simplex est, & alicuius, ceu terræ, corruptio. At terræ generatio, generatio quædam est: ceterum generatio simpliciter non est, sed corruptio simpliciter, puta ignis, sicuti Parmenides asserit, qui duo, ens, inquam, & non ens, ignem, & terram esse dicit. Verum hæc, an alia eiusmodi supponantur, interest nihil: quandoquidem modum querimus, non subiectum. Quæ igitur ad non ens simpliciter sit migratio, corruptio simplex est: quæ uero ad ens simpliciter, simplex generatio. Quibus igitur illæ, siue igni, & terra, siue quibusdam alijs definitæ sunt, horum perfectio alterum ens, alterum non ens erit. Vno igitur modo simpliciter quippiam generari, ac corrumpi, & non simpliciter, hoc inter se differunt. Altero, materiæ qualitate, conditione uel. Cuius enim differentie potius hoc aliud quid significant, ea magis substantia est. Contrà, cuius differentie priuationem magis significant, ea magis non ens est. Vt calor, prædicamentum quoddam, & species est frigiditas, priuatio: his autem differentiis, ignis & terra differunt. At plerisque uidetur, illa potius sensibili, & insensibili differre. Nam cum ad sensibilem materiam mutatio fit, tum gigni quippiam aiunt: cum ad eam, quæ sub sensum non cadit, corrumpi. Quandoquidem ens, & non ens sentiendū, & non sentiendo definiū: quemadmodum quod scibile est, ens esse asserunt, quod sciri non solet, non ens: quippe cum sensus ipse, scientiæ uim obtineat. Igitur hi ut res ipsas uiuere, quia sentiant, aut sentire possint: ita easdem esse, quia sub sensum cadant, arbitrantur, ueritatem modo quodam sectantes, sed hoc falsi dicentes. Itaque generari quippiam simpliciter, atq; corrumpi, iuxta opinionem alio atq; ueritatem accidit modo. Nam spiritus, & aer sensu quibus

dem minus sunt, & proinde illi, quæ simpliciter corrumpuntur, mutatione ad illa tendente corrumpi dicunt: atque generari, cum in rem tangibilem, terramq; mutantur. Reuera uerò, hoc aliquid & species magis sunt, quam ipsa terra. Cur igitur sit, aut non sit simplex generatio, quæ eadem alicuius corruptio est, & corruptio simplex, quæ iidem generatio alicuius est, causam diximus. Nam id ob materia discrimen euenit: nempe aut quòd ea substantia sit, uel non sit: aut quòd hæc magis, illa minus: & non, quia materia ex qua mutatio uenit, & ad quam proficiscitur, alia magis, alia minus sensu percipi queat. Dicuntur autem quædam simpliciter, quædam solum aliquid fieri: non ob mutuam generationem, sed iuxta eum quem nuper diximus modum. Nam hoc tantum nuper definitum, determinatumq; fuit, cur nam cum omnis generatio sit alterius corruptio, & omnis corruptio cuiuspiam alius generatio, tam oriri, quam interire, non similiter tribuamus hisce, quæ in sese uicissim mutari solent. At quod postremo loco fuit dictum, hoc idem minime in quæstionem reuocat: sed quæ obrem quod discit, non simpliciter fieri, sed fieri sciens, quod uerò nascitur, fieri dicatur. Hæc autem prædicamenta distincta sunt. Nam alia substantiam, alia qualitatem, alia quantitatem significant. Quæcunque igitur substantiam non significant, ea non simpliciter, sed secundum quipiam dicuntur. Verum enim uero, in omnibus generatio simpliciter iuxta ea quæ in altera sunt serie, dicitur: ut in substantiam, si ignis fiat, sed non si terra: & in qualitate, si sciens, sed non si inscium. Quòd igitur quædam simpliciter oriantur, quædam non, etiam omnino in ipsis substantijs dictum est: & quod ut generatio continuè sit, causa, ut materia id quod subijcitur est, quia in contraria mutatio

tuum

tiuum est : atque in substantijs semper unius generatio, alterius est corruptio: et unius corruptio, generatio alterius. At uerò nec dubitasse conuenit, quam ob causam corruptis quibusdam semper generatio fiat. Nam ut corrumpi simpliciter quippiam dicunt, cum illud ad insensibile, & id quod haud est, proficiscitur, sic et ortum subire ex eo quod haud est, cum ex insensibili fit. Siue igitur subiecto quopiam existente, siue non, ex eo fit quod haud est. Quare simili modo, & ex eo quod haud est, generatur, & in id quod haud est, corrumpitur. Merito igitur generatio non deficit: quippe cum generatio, corruptio sit eius quod haud est, atque corruptio generatio eius quod haud est.

Sed quæret aliquis, utrum hoc ipsum quod simpliciter non est, contrarijs sit alterum: uerbi causa, utrum non ens sit terra, & id quod graue est: ens uerò ignis, & quod leue est: an non, sed ens terra, non ens uerò terra materies, atq; ignis similiter? Et utrum materies utriusque diuersa sit, an nec ex sese mutuo fierent, nec ex contrarijs? nam hisce, igni, inquam, terræ, aquæ & aëri, contraria insunt. An partim est eadem, partim diuersa? quod enim aliquando cum sit, subijci solet, est idem: at ratio non item eadem est. Sed de hisce hætenus.

Quod generatio atque alteratio diuersæ transmutationis sint. Si in genito aliqua passio maneat, quæ fuit in corrupto, secundum illam transmutationem non esse.

CAP. IIII.

**D**E generatione autem, atque alteratione, quo inter se discrepent, agendum. Nam hæc mutationes inter sese diuersas esse, dicimus. Cum igitur subiectum quippiam sit, & affectio, atq; qualitas, quæ de subiecto nata est dici, ab eodem diuersa sit, sitq; utriusque horæ mutatio: alteratio

Hic Arist. declarat generationem, ab alteratione dupliciter differre: ipsamq;



rursus altera-  
tionem dif-  
ferre ab aliis  
motibus.

sanè est. quando sensibile subiectum permanens, in suis mu-  
tatur affectibus, qui aut contrarij, aut inter contrarios me-  
di sunt: sicuti corpus idem permanens, uicissim modò sa-  
num, modò ægrum est: atq; æs, quanquam idem, aliàs teres  
atque rotundum est, aliàs anguli speciem præ se fert. At  
cùm totum mutatur, nec sensibile quicquam ut subiectum,  
idem permanet, sed perinde euenit, ut cum ex toto semine  
sanguis, aut ex tota aqua aër, aut ex aëre toto aqua sit: iam  
quod est tale, generatio huius est, & illius corruptio. Et  
maximè si ex insensibili ad id, quod aut tactu, aut sensibus  
uniuersis sensibile est, mutatio fiat, aut contra: ut cùm ex  
aëre gignitur aqua, aut eadem in aërem corrumpitur:  
etenim propemodum insensibilis est. Ceterùm in hisce,  
si quæ è contrarietate affectio eadem remaneat in eo quod  
ortum est, quæ prius in eo quod interiit erat, ceu si cùm ex  
aëre sit aqua, aëris perspicuitas, aut frigus, in aqua rema-  
neat, affectionum alterutram eius esse in quod mutatio  
fiat, minimè oportet. Sin minus, erit alteratio. Verbi causa:  
musicus homo corrumpitur, & homo non musicus gigni-  
tur: homo uerò idem perseuerat. Si ergo musica, atque mu-  
sica uacuitas non esset affectio per se hominis, generatio  
profectò foret alterius, & alterius corruptio. Quapropter  
hæ hominis quidem affectiones sunt: hominis uerò musici,  
hominisq; non musici generatio atque corruptio. Nunc  
autem id, eius quod permanet, affectus est. Proinde cir-  
ca ea quæ eiusmodi sunt, alteratio existit. Cùm igitur con-  
trarietatis mutatio in quantitate est accretio, est atq; decre-  
tio: cùm in loco, latio: cùm in affectu, atque qualitate, alte-  
ratio. At cùm id non remanet, in quo affectuum alter aut  
omnino accidens existit, tum generatio unius est, & alius  
corruptio. Porro subiectum ortus & interitus susceptiuum,  
maximè

maximè quidem ac propriè materies est: quodam autem modo & id quoque, quod cæteris alijs mutationibus subijci solet: propterea quod subiecta omnia, quarundam contrarietatum susceptius sunt. De generatione igitur, & corruptione si est nec'ne, & quo pacto est, item de alteratione, hoc modo sit definitum, atque determinatum.

An augmentatio ab alijs motibus differat: & de sex ipsius conditionibus.

CAP. V.

**R**estat de accretione dicamus, quoniam à generatione, & alteratione differat, & quo pacto unumquodque eorum, quæ suscipiunt incrementum, augeatur: & quoduis eorum, quæ decrescunt, diminuatur. Primò itaque considerare oportet utrum mutua earum inter se differentia in eo solum sita sit, circa quod uersari solent: uerbi gratia, utrum eo solum inter se distideant, quòd ea mutatio, quam ex hoc in hoc tendit, puta ex substantia potentia in substantiam actu generatio sit: quæ uerò circa magnitudinem uersatur accretio, & decretio, quæ autem circa affectum alteratio, atq; earum quæ posteriore loco dictæ sunt, utraque etiam ex hisce quæ potentia sunt, ad ea quæ sunt actu, mutatio sit, an etiam mutationis modus differat? Nam nec id, quod alterationem subit, nec id quod generatur, necessariò mutari loco cernitur: quod autem accrescit, aut decrescit, cernitur, at alio quàm quo fertur modo: quod enim fertur, tota mole locum mutat: quod autem accrescit, perinde atque quod distendi, produciq; solet: hoc enim manente, partes aliò, non sicuti globi partes, migrant, suumq; deferunt locum: nam globi partes toto manente aquabili in loco, locum ex loco mutant: at partes eorum, quæ augentur, semper in ampliorem locum urgere solent: & eorum quæ decrescunt, in minorem. Generationē igitur, alterationemq;

Hic de augmentatione, & diminutione determinat Arist. ostenditq; augmentationem ab alijs motibus differre, duas dubitationes mouens.

et accretionem non solum obiecto, sed ipso item mutationis modo differre, perspicuum est. Ad id circa quod accretio, decretio ue uersari solet ( uersari autem uidetur circa magnitudinem ) utro modo accretionem, decretionem ue subire existimandum est: utrum, inquam, ex potentia quidē magnitudine ac corpore, sed actu nec corpore, nec magnitudine corpus fieri, an non, putandum est. Atque cum hoc bisariam dici contingat, utro modo fit accretio? utrum ex separata ipsa per se materia, an existente in alio corpore? An neutro modo fieri queat? nam si separata sit, aut nullū occupabit locum, ueluti punctus quidam, aut uacuum, uel corpus non sensibile, erit. Horum autem alterum non contingit, alterum necesse est in aliquo esse: quod enim ex eo oritur, id semper alicubi erit: quare et illud aut per se, aut per accidens. At uerò si sit in aliquo, et ita quidem se iunctum sit, ut nihil illius aut per se, aut per accidens sit, multa profecto uel quæ fieri nequeant, euenient. Dico autem ut si ex aqua fiat aer: idem non erit, aqua mutationem subeunte, sed quia in aqua ut in uase materies eius est. Nihil enim uetat, infinitas esse materias: quare et actu fieri.

Adde quod nec ita aer ex aqua oriri uidetur, ut permanente aqua aer inde egrediatur. Satiùs igitur fuerit, inseparabilem omnibus materiam tribuere: utpote quæ una numero eademq; sit, ratione non una. At uerò nec puncta, nec lineas, corporis materiam ponere iisdem de causis oportet: sed cuius ultima sunt hæc, id materies est, quæ nec sine affectu unquam, nec sine forma esse potest. Signitur igitur absolute aliud ex alio, id quod alio quoque loco iam definitum est. Atque ab aliquo actu existente, quod eiusdem sit aut generis, aut speciei, ut ignis ab igni, aut ab homine homo. Aut ab actu: durum enim à non duro sit. Cum autem



autem & corpore substantia materies sit corporis iam talis (nullum enim est commune corpus) eadem & à magnitudine & ab affectu, ratione quidem, non item loco separabilis est, nisi & ipsi quoque affectus separabiles sint. Patet igitur ex his quæ addubitauimus, accretionem non esse mutationem è potentia quidem magnitudine, actu uerò nullam habente magnitudinem: quandoquidem quod commune est, separabile esset: hoc autem esse non posse, dictum iam est. Præterea talis mutatio accretionis propria non est, sed generationis. Nam accretio, magnitudinis quæ in quopiam inest, augmentatio est. Decretio uerò, eiusdem diminutio. Quamobrem id quod accrescit, magnitudinem quandam habeat oportet. Proinde nequaquam conuenit accretionem è materia, quæ magnitudinis sit expers, ad actum magnitudinis esse: potius enim esset generatio corporis, non accretio. Potius itaque sumamus oportet quasi tractantes ab initio quæstionem, qualis accretio, decretio uel cuius causas querimus, existat. Igitur eius quod accrementum suscipit, pars quæuis augeri uidetur. Atque pari modo in decretione, minor euadere. Præterea accedente quopiam accrescere, & abeunte decrescere. Itaque aut incorporeo, aut corpore augeri illud, necesse est. Si igitur incorporeo, quod commune est, separabile erit. At à magnitudine materiam esse separabilem, quemadmodum prius est dictum, impossibile est. Sin uerò corpore, duo corpora, id, inquam, quod augetur, & quod auget, in eodem erunt loco: quod etiam fieri nequit. At uerò nec accretionem, decretionem uel perinde fieri, atque cum ex aqua fit aer (tunc enim moles fieri maior adsolet) dicere contingit: non enim id accretio, sed eius quidem in quod mutatio fit, generatio, contrarij uerò corruptio erit:

neutr

neutrius autem, accretio. Immo aut nullius, aut si quid utriusque, ei, inquam, quod oritur, & ei quod interit, commune est, ueluti corpus, eius erit. Et nec aqua, nec aer accrescit, uerum illa interit, hic oritur: sed corpus, si quid augeatur. At hoc quoque fieri nequit. Nam ea seruare oportet, quæ ei quod accrescit, decrescit uel, ratione competunt. Hæc autem, tria sunt: quorum primum est magnitudinis, quæ accrescit, partem quamlibet maiorem effici: uerbi gratia, si caro, carnis. Alterum, accedente quopiam. Tertium, seruato, pariter atque manente eo, quod accretionem subit. Nam cum quippiam simpliciter, absoluteque gignitur, aut interit, non permanet. At cum alteratur, aut accrescit, decrescit uel: quod alteratur, aut incrementa suscipit, id permanet: uerum illic affectio, hæc magnitudo, eadem non manet. Quod si mutatio illa, quam diximus, esset accretio, contingeret profecto quippiam nulla re accedente, permanente uel accrescere: nullaque abeunte decrescere, & id non manere quod suscipit accretionem. At hoc seruare oportet: quippe cum accretio talis esse supponatur. Sed quaeret aliquis, quid est quod accrescit: utrum id cui nonnihil additur: uerbi causa: si quid crus augeat, crus uel maius euadit, quod autem incrementum præstat, ipsum, inquam, alimmentum, minime? Sed cur non ambo incrementa suscipiunt? Nam tam quod additur, quam cui additio fit, maius reddi assolet, haud secus atque cum aquæ uinum miscueris: pari enim ratione utriusque maius est. An quia huius substantia maneat, illius uero, puta cibi, haudquaquam? Quando & illic quoque, quod enascitur, ac superat, in ipsa mixtione augeri dicitur, ceu uinum. Nam in uniuersa mixtura uini non aquæ functionem exercet. In alteratione quoque similiter, si caro, & substantia ipsa maneat, eorum uero affect

affectuum, qui per se competunt, quispian in sit, qui prius non inerat, hoc sanè alteratum est. Id autem quo alteratum est, interdum nihil patitur, interdum & illud quoque pati solet. Verum quod alterat, atq; motus principium, in eo est quod alteratur, & eo quod accrescit: quod enim mouet, in hisce est. Quandoquidem & quod augeri solet, fieri ali- quando maius potest, & corpus quod eo fruitur: ut si quod ingeritur, spiritus fiat. Verum cum hoc patitur, cor- rumpi solet: nec in eo est id, quod mouendi uim obtinet. Cum autem de hisce sit abunde addubitatum, dubitationis solutionem inuenire enitiamur oportet, illud seruantes, per- manente, inquam, eo quod augetur, atque adueniente ali- quo fieri accretionem, & abeunte decretionem: & insu- per, quoduis sensibile signū maius, minus ue reddi: & neq; corpus esse inane, neq; eodem in loco duas esse magnitudi- nes, neq; in corporea re quicquam augeri. Sumēda autem erit causa uno quidem prius a nobis definito: dissimilaria, inquam, augeri, cum similia accrescunt: ex his enim quodque componitur. Deinde carnem, & os, & id genus partium quamque perinde atque ceterarum, quæ formam habent in materia, duplicem esse: nam materies, atque for- ma, caro dicitur, aut os. Partem igitur quamlibet augeri, & accidente aliquo secundum formam quidem, est possi- bile: at secundum materiam, haudquaquam. Intelligere au- tem perinde oportet, atque si quis aquam mensura eadem metiatur: quod enim sit, aliud atq; aliud semper est. Ad hūc itaque modum & carnis materies augetur: & non cuius parti eius quippiam additur, sed alia dilabitur, alia acce- dit. At cuius figuræ ac formæ parti, sit accessio. Id autem magis constat in hisce, quæ dissimilium sunt partium, ut in manu, quod iuxta proportionis rationem aucta sit: quan- doquid



doquidem materies, cum diuersa est, facilius dignoscitur hic, quam in carne, & hisce quæ similia sunt partium. Idcirco & cum mortuum est quippiam, magis adhuc caro, & os quam manus, & brachium esse uidetur. Quare partim augetur carnis quælibet particula, partim non augetur. Nam secundum formam quidem, cuius parti quippiam adiungitur: secundum materiam uero haudquaquam. Totum tamen maius euadit, accedente quopiam quod nutrimentum, atq; contrarium nominatur, & in eandem formam transeunt: ut si humidum siccum accedat, & cum iam accesserit, mutationem subeat, fiatq; siccum. Nam partim simile simili, partim dissimile dissimili accrescit. Dubitauerit autem quispiam, quale id esse oporteat, quo quid augetur. Palam itaque est, hoc, potentia illud quod augetur, esse oportere: ut si caro accretionem subeat, id quod illa accrescit potentia carnem esse, actu autem aliud: quod sane ubi corrumpitur, caro fieri solet. Non igitur ipsum per se, solumq; est (nam alioqui generatio esset, non accretio) sed id quod augetur, cum eo est. Qualiter igitur hoc affecto, illud augeri solet, ammixto haud secus atq; si quis uino aquam infundat, & idem id quod ammixtum est, efficere uinum possit? An sicut ignis tactum cremabile adurit, sic & id cui augendi facultas delegata est in eo existens quod accrescit, quodq; actu caro est, quod accessit e potentia carne, actu carnem facere consuevit? illo igitur simul existente, id ipsum accidit: quoniam si seorsum esset, generatio sane foret. Nam ignem ad hunc facere modum contingit, uidelicet iniectis in eum qui iam est, lignis: uerum ita quidem accretio est. At cum ligna ipsa incenduntur, generatio. Quantitas autem uniuersalis nulla fit, sicuti nec animal quod nec homo sit, nec singularium aliquod:

sed

sed ut hic uniuersale, sic & illic quantitas. Caro igitur, & os & neruus & similes partes, accedente quidem quanto aliquo, sed non carne quantā augeſcunt. Quo igitur potentia ſimul utrunque exiſtit, uidelicet caro quantā, hoc quidem augeſcit: nam carnem quantā fieri oportet.

Quo uerò ſolū caro: hoc alit, hoc enim nutritio, & accretio ratione diſſerunt. Quocirca quādiu ſaluum manet animal, & ſi decretionem ſubeat, alitur, ſed non ſemper accreſcit. Atque nutritio idem quod accretio exiſtit, ratio tamen eſt diuerſa. Quò enim id quod adiungitur, atque additur, potentia caro quantā eſt, hōc carnem augere poteſt: quò uerò caro potentia ſolū, hōc nutrire. Hoc autem forma, ſive materia eſt: ut tibia, potentia quedam in materia eſt: ſimiliter & quodlibet aliud inſtrumentum. Quòd ſi materies aliqua accedat, quæ potentia ſit tibia, & potentia quantitatem habeat, hæc tibie maiores euadent. Sin uerò nihil præterea agere poſſit, ſed res perinde habeat, ut cum uino ſubinde plus aquæ immiſcetur, quæ tandem uinum aqueum reddit, facitq; aquam, cum quantitatis decretion ſit, forma autem remanet.

Quòd ſit exigenda quæſtio de actione & paſſione, & conſequenter etiam de tactu ipſo. Et de modis tactus ipſius quatuor.

CAP. VI.

Cum autem de materia, & hiſce quæ nuncupantur elementa, primò dicere oporteat an ſint, nec ne, & utrū unumquodq; eorum ſempiternum ſit, an ortū ſubeat aliquo pacto, & ſi generentur, utrum ex ſeſe mutuò generentur eodem modo omnia: an inter ipſa unum aliquod primum ſit, prius utique de hiſce diſſeramus neceſſe eſt, de quibus nunc dicitur indefinitè. Omnes enim tam qui elementa ipſa, quàm qui ea quæ conſtant ex elementis, generant, ſegregatione

Hic Ariſt. de tactu determinat, ſine quo augmentatio fieri non poſteſt.

tione & congregatione, atq; actione & passione utuntur.

Est autem congregatio *mistio*. Sed quoniam pacto quipiam misceri dicatur, planè ac dilucidè haudquaquam est definitum. At uerò nec alterari quicquam, nec segregari, congregari uel nullo patiente, aut agere potest. Etenim qui plura faciunt elementa, actione & passione mutua, generationem fieri censent: quanquam ex uno facta omnia dicant necesse est. Atq; hoc rectè quidem dicit Diogenes, nisi ex uno essent omnia, non posse uicissim agere, & pati, ceu calidum friges fieri, & idem rursum cale fieri: non enim calor & frigus, in sese mutuò transeunt: sed ipsum, ut patet, subiectum mutationem suscipit. Quare horum, quibus actio competit, unam esse subiectam materiam necesse est. Dicere igitur uniuersa esse eiusmodi, non est uerum: sed ea quibus mutuò à sese pati, & agere instum est. At uerò si de actione, passione uel, & de *mistione* contemplandum sit, & de tactu speculemur est necesse. Nam neque agere & pati ea possunt propriè, quæ se mutuò tangere nequeunt: neq; fieri potest ut misceantur, quæ non quodam modo sese tangunt prius. Quare de hisce tribus, uidelicet quid tactus, quid *mistio*, & deniq; quid actio, determinandum uidetur. Hinc autem sumatur initium. Nam ex entibus ea, quibus *mistio* competit, esse apta, ut sese mutuò tangant, est necesse: atque si quid agat, & aliud patiatur propriè, simili itidem modo atq; illa afficientur. Quocirca de tactu prius dicendū est. Fere igitur, ut & cætera quæq; alia nomina, pluribus dicuntur modis, & partim inuicem, partim altera ab alteris, prioribusq;: sic & de tactu quoque res sese habet. Sed tamen quod propriè dicitur, ad ea accommodari solet quæ situm habent. Situs autem hisce, quibus & locus, competit: etenim perinde, ut Mathematici, de tactu, & loco reddamus oportet



oportet, siue eorum quodq; separatim sit, siue alio modo habeat. Si ergo tangere sit, quemadmodum antea est definitum, extrema simul esse: ea profecto se mutuo tangunt, quæ cum discretas magnitudines situmq; habeant, extrema simul habent. Porro cum situs omnibus, quibus et locus competat, atq; supra et infra, et id genus opposita, prima loci differentia sint, omnia sanè, quæ sese mutuo tangunt, pondus, leuitatem ue, aut utraq; aut alterum habebunt: quæ autem talia sunt, actiua sunt, et passiuæ. Vnde constat ea suapte natura mutuo sese tangere, quorum cum uicissim mobilia sint, atque motiua, discretis, separatisq; magnitudinibus extrema sunt simul. Ceterum cum id quod mouet, nequaquam similiter id moueat quod motum subit, sed necesse sit ut idem, aliud moueat motum et ipsum, aliud immobile persistens, haud aliter de ipso quoq; agente dicendum esse in aperto est. Nam id quod mouet, agere quipiam et contra quod agit, mouere dicunt. Verum differentiam subeunt, et proinde ea distinguamus oportet. Non enim fieri potest, ut quoduis mouens agat, si patienti agens opponamus: patiens autem sit, cui motus secundum affectum competit: affectus uero, secundum quem solum alteratio fit, ut albedo, et calor: sed mouere latius quam agere patet. Illud igitur palam est, ea, inquam, quæ mouent, partim mobilia tangere, partim minime. Verum ea tangere uersaliter diffiniuntur, quæ situm habent, et quorum alterum motiuum est, alterum mobile, idq; uicissim, quibus agere, atque pati competit. Magna igitur ex parte, id quod tangitur, id tangit, à quo tangi solet. Etenim omnia ferè quæ apud nos sunt, cum mouentur, mouent: per quæ esse necesse uidetur, ut id, quod tangitur, tangat, à quo tangi solet. Interdum autem dicimus mouens, solum tangere id quod

motu cietur: & contrà quod tangitur, id non tangere à quo tangitur. Verùm quia quæ eiusdem sunt generis, cùm motū subeunt, mouent: ut quod tangitur, tangat necessarium esse uidetur. Quare si quid motus expers moueat, id profectò tanget mobile, nihil autem illud. Interdū enim dicimus eum qui nos molestia afficit, tangere nos, non nos illum. De tactu igitur rerum naturalium, hoc pacto determinatum sit.

De actione & passione aliorum opiniones duæ. Quod simile prorsus est non posse pati ab alio. Neq; quod omnino dissimile est, pati posse. Quæ agunt atq; patiuntur in se mutuo, ea partim similia, partim dissimilia esse oportere. Item rationi esse consentaneum, agēs simili siue facere passum. Quòd antiqui ad diuersa respicientes dixerint, alij à similibus, alij à dissimilibus quæ patiūtur, pati. Quæ materiam communem non habent, in agendo non pati vicissim. Quòd principium, à quo motus fit, agat, non finis ipse.

CAP. VII.

Hic Arist. de actione & passione determinat, quoniam sine his neque generatio, neque corruptio fieri potest.

**D**Einceps de actione, & passione dicendum est, cùm de hisce sententias inter sese subcontrarias à maioribus nostris acceperimus. Plurimi enim uno ore hoc astruunt, à simili, inquam, simile nullum pati, quia neutrum altero potius actiuum sit, aut passiuum, quippe cùm eadem, omnia similibus similiter insint. At quæ dissimilia, differentiæque sunt, ut mutuo agant, patianturq; aptissima esse asserunt. Nam cùm minor ignis à maiori corrumpitur, ob contrarietatem illum id ipsum pati inquit: dicunt enim multum paucum esse contrarium. Democritus uerò solus præ ceteris peculiariter dixit. Nam agens, & patiens idem ac simile esse asserit: non enim fieri posse arbitratur, ut differentia, atque diuersa à sese uicissim patiantur. Sed & si quæ diuersa sunt, quippiam in sese mutuo agant, hoc euenire, non quò diuersa sunt, sed idem quippiam habent. Quæ igitur dicuntur, talia sunt. Qui autem hoc pacto dicunt,

cunt,

cunt, sub contraria dicere uidentur. Contradictionis uerò causa, est hæc. Nam cum totum quippiam contemplari oporteat, de parte quadam loquuntur ulriq;. Nam quod simile est, & omni ex parte nullum prorsus habet differentiam, nihil à simili pati, rationi cōsentaneum est. Cur enim potius alterum altero erit passiuum? Item si fieri queat ut quippiam patiatur à simili, illud quoq; à sese pati poterit.

Atqui his ad hunc modum sese habentibus, nihil aut incorruptibile, aut mutationis expers fuerit, siquidem simile, quatenus simile existit, actiuum sit. Nam corpus omne sese interno, proprioq; motu mouebit. Et quod prorsus diuersum, & nullatenus idem est, similiter. Nam neq; albedo à linea, neq; linea ab albedine quicquam patietur, nisi forte per accidens: seu si lineam esse albam, aut nigram acciderit. Non enim ea, quæ neq; contraria sunt, neq; ex contrarijs constant, sese extrudunt, propelluntq; à natura. At cum non quoduis agere, ac pati natum sit, sed quæ aut contraria sunt, aut habent contrarietatem, tam agens, quam patiens, genere quidem simile, ac idem, sed specie dissimile, atque contrarium esse, est necesse. Nam corpus à corpore, & sapor à sapore, & calor à calore, & in summa, quod eiusdem est generis, ab eo quod eiusdem uidem generis est, pati aptum est. Cuius causa est, quod contraria in eodem genere sunt omnia. Contraria uerò, inter sese uicissim agunt, patiunturq;. Quare & agens, & patiens, partim eadem sint, partim diuersa, atque inter sese dissimilia, necesse est. Cum autem agens, & patiens genere quidem eadem, similiaq; sint, specie autem dissimilia, contraria uerò sint eiusmodi tum contraria, tum quæ inter ea media sunt, inter se mutuò actiua, & passiuæ esse constat. Etenim omnis no generatio, atq; corruptio, in hisce consistunt. Quam-



obrem & ignem calefacere, & frigidum frigefacere; & omnino actiuum id quod patitur, sibi simile reddere, iam rationi consentaneum existit: nam agens & patiens contraria sunt, & generatio in contrarium tendit. Quare necesse est, ut patiens in id mutetur quod agendi uim ob-  
tinet: hoc enim pacto in contrarium erit generatio. Itaque tametsi uerbo tenus eadem non dicunt, utrosq; tamen natu-  
ram ipsam attingere contingit. Dicimus enim interdum subiectum ipsum pati, ut hominem sanari & calefieri, ac frigefieri, & cetera ad hunc modum, interdum uero fri-  
gidum calefieri, & egrum sanari: atq; utraq; uera sunt.

Eodem modo & de agente dici solet: nam interdum hominem, interdum calidum, calefacere dicimus. Partim enim materies ipsa patitur, partim contrarium. Igitur qui ad illam respexerunt, agens, & patiens quippiam idem habere oportere putarunt: qui ad alterum, contrarium haud aliam esse rationem de ipso agere, ac pati, quam de ipso mouere, ac moueri, existimandum est. Etenim ipsum quoq; mouens, bifariam dicitur. Nam & iam in quo motus principium inest, mouere uidetur: quippe cum prin-  
cipium, prima causarum sit: & rursum quod ultimum est, ad id quod mouetur, & generationem. Simili modo de ipso agente est dicendum. Nam & medicum, & uinum, sanare dicimus. Nihil igitur uetat in motu, quo minus pri-  
mum mouens immobile sit: immo in nonnullis, etiam ne-  
cessarium existit: at ultimum semper subeundo motum mo-  
ueat, necesse est. In actione autem ipsum quidem primum nihil patitur, ultimum uero patitur. Quae enim eandem materiam non habent, ea circa passionem agunt, ceu me-  
dendi ars: haec enim sanitatem efficit, & nihil ab eo patitur quod sanari solet. At cibus dum agit, ipse quoq; quippiam patitur:

patitur: aut enim calefit, aut frigeſcit, aut aliud quippiam patitur, & ſimul agit. Eſt autem medendi ars, ueluti principium: cibus uero, ultimum, ac tangens. Quaecunque igitur actiua, in materia formam non habent, ea pati nequeunt: quaecunque habent, queunt. Nos enim ſimiliter propè dixerim omnes oppoſitorum utriuſuſque eandem eſſe materiam, ſicuti genus unum dicimus. Atque quod calidum eſſe poteſt, id propius adnoto, præſentemque calefactiuo, incaleſcat neceſſe eſt. Idcirco ſicuti dicimus, ex ijs quæ agendi uim habent, quædam pati non ſolent, quædam pati ſolent. Atque quo modo in motione res ſe habet, ſic & in actione. Nam ut illic quod primò mouet, motus expers eſt: ita & hic quod primò agit, pati nequit. Nam cauſa ut unde principium motus exiſtit, actiua eſt. Cuius autem gratia cætera ſunt, actiua non eſt. Quapropter ſanitas ipſa non eſt actiua, niſi per tralationem. Etenim cum ea, aliquo quidem agente, adeſt, patiens fit quippiam. Sed cum habitus ipſi adſunt, nihil præterea fit, ſed iam eſt: formæ autem, atque fines, habitus quidem ſunt. At materies, ut materies, paſſiua eſt. Igitur ignis, in materia calorem habet. Quòd ſi calor ſeparabile quippiam eſſet, is nimirum paſceretur nihil. Sed fortasſe fieri nequit, ut is ſeparabilis ſit. Quia ſi ſint nonnulla eiufmodi, in eis proſectò uerum fuerit, quod dicimus. Quid igitur ſit agere, ac pati, & quibus competat, & qua de cauſa, & quemadmodum hoc de paſto ſit definitum.

De modo agendi ac patiendi opiniones quatuor: prima Empedoclis, ſecunda Leucippi, tertia Meliſſi, quarta Platonis: atque conſutatio earum.

CAP. VIII.

**Q**uo autem paſto id euenire queat, dicamus rurſum. Hic Ariſt. de modo agendi & patiendi de-

Quibusdam igitur pati quodque uidetur ultimo

B 3

princ

terminat. res  
que veterum  
referi opinio  
nes.

principalissimoq; agente per quosdam meatus sese intru-  
dente, atq; nos hoc pacto & uidere, & audire, ceteriq;  
alijs sensibus sentire aiunt. Tum etiam per aërem, & a-  
quam, & ea quæ perspecta, atq; translucida sunt, res ipsas  
uideri: propterea quod meatus habeant inuisibiles quidem  
ob paruitatem, sed tamen frequentes & serie quadam, ac  
ordine dispositos: & magis, quæ magis perspicua, diluci-  
daq; sunt. Quidam igitur, quemadmodum & Empedocles,  
hoc pacto in nonnullis definierunt, non solum in agētibus,  
patientibusq; sed & ea misceri aiunt, quorum pori atque  
meatus commensiles inter sese sunt. Vna autem ratione ac  
uia maximè de omnibus definire Leucippus, & Democri-  
tus: principium facientes quod quidem secundum naturam  
est. Nonnullis enim ex ueteribus, id quod est, necessariò  
esse unum, atq; immobile uisum est: uacuum enim ipsum,  
non esse. Nihil autem moueri posse, si uacuum separatum  
in ratione rerum nō sit. Nec rursus esse multa, si ipsum non  
sit id, quod ea distinguit. Ceterum putare uniuersum ipsum  
non esse continuum, sed ea quibus constat, diuisim sese tan-  
gere, idem profectò esse, atq; ipsum multa, & non unū esse,  
& uacuum dicere. Nam si omni ex parte diuisibile sit nul-  
lum unum esse, quare nec multa, sed uacuum, uniuersum.  
Sin uerò partim diuisibile sit, partim nō diuisibile, hoc sig-  
mento cuidā esse persimile. Nam quatenus, quamq; ob cau-  
sam pars alia uniuersi hoc pacto sese haberet, plenaq; esset,  
alia diuisa? Præterea sic esse necessarium motum non esse.  
Ob hæc igitur rationes nonnulli sensum prætereuntes,  
despicientesq; quasi rationē sequi ducem oporteat, uniuersum  
ipsum, unum, & immobile & infinitum esse asserunt.  
Nam alioqui (inquiunt) finis ad uacuum finiret. Quidā igitur  
ad hunc motū, & ob causas hæc, de ipsa ueritate dixerūt.



Sed cum in rationibus hæc uideantur euenire, in ipsis uero rebus minimè, hoc pacto sentire, insanie per simile existit: nemo enim ex hisce, quos insania malè habet, à mente eo- usque discedit, ut ignem, & glaciem, unum esse putet, sed solum quæ bona, honestaq; sunt, & quæ per consuetudinem talia esse apparent, ea quibusdam ob insaniam nihil differre uidentur. Leucippus uerò rationes habere arbitratus est, quæ sensui consentanea dicentes, nec generationem, nec corruptionem, nec motum, nec entium pluralitatem, è medio tollant. Consentaneæ autem hisce, quæ apparent, hæc quidem locutus. Illis uerò qui ipsum unum consiciunt, quia sine uacuo non sit motus, & uacuum esse non ens, & eius, quod est nihil non ens esse ait: quod enim propriè est, plenum esse. Sed quod est eiusmodi, non unum esse, sed numero infinita, & indiuisibilia ob multis paruitatem. Atque hæc, in uacuo ferri: uacuum enim esse. Item cum coalescunt, coeuntq; generationem: cum dissoluuntur, corruptionem efficere. Atque agere, & pati, quatenus sese tangunt: nam eatenus non unum esse. Et generare, cum componuntur, complicanturq;. Et ex eo quod uerè unum est, non gigni multitudinem, nec ex hisce quæ uerè multa sunt unum: sed hoc esse impossibile. Sed quemadmodum Empedocles, & quidam alij aiunt per meatus pati, sic omnem alterationem, passionemq; hoc fieri modo: cum per uacuum fiat dissolutio, & corruptio, similiter autè & accretio, intro subcunctibus solidis. Fere autem perinde dicat Empedocles, atque Leucippus ait, est necesse: esse, inquam, solida quedam, cæterum indiuisibilia, nisi meatus omni ex parte continui: quod sanè fieri nequit. Nam solidum, nihil aliud præter poros, sed totum uacuum, esset. Quæ igitur sese tangunt, indiuisibilia esse, & quæ inter hæc media sunt, uacua, quos

ille poros, meatusq; appellat, est necesse. Ad hunc modum Leucippus de actione, & passione dicit. Modi igitur, quibus alia agunt, alia patiuntur, hi ferè dicuntur: & de hisce quidem, & quo pacto dicant, perspicuum est. Et ad positiones quibus ipsi utuntur, ferè consentaneè accidere uidetur, ceteris autem minus: uerbi gratia. Empedocli qualliter generatio, corruptio, & alteratio fiant, nequaquam liquet. Nam his prima corpora indiuisibilia sunt, figura tantum inter se discrepantia, ex quibus primis entia componuntur, & in quæ ultima dissolui solent. Empedocli uerò cetera quidem, ut patet, usque ad elementa ipsa, generationem habent, atq; corruptionē. At horum ipsorum accretuata, congestaq; magnitudo, quo pacto oriatur, ac intereat, neque perspicuum est, neque fieri potest, ut ipse dicat, nisi & ipsius ignis elementum esse dixerit: similiter & aliorum omnium, uti Plato in Timeo scripsit. Tantum enim abest ut eo, quo Leucippus modo dicat, quòd hic solida, ille plana esse indiuisibilia: & hic infinitis figuris, ille finitis, indiuisibile quodque definiri asserit: quemadmodum indiuisibilia utrique & figuris definita dicunt. Ex his itaque generationes & segregationes fiunt. Nam Leucippo quidem duo modi esse possunt, & per uacuum, & per tactum: hac enim ratione diuisibile quodque existit. Platoni uerò, duntaxat per tactum: nam uacuum non esse inquit. Et de planis quidem indiuisibilibus in hisce, quæ prius dicta sunt, diximus: de solidis uerò itidem indiuisibilibus, quod præterea considerari potest: in præsentia omittatur. Ut autem paululū digredientes dicamus, quodq; eorum quæ indiuisibilia sunt, impatibile esse (non enim fieri potest ut quicquam patiatur, nisi per uacuum) nullamq; passionē efficere (nam uacuum neq; durum, neq; frigidū esse potest) necesse est.

est. Atqui hoc absurdum est, solum, inquam, rotundæ figuræ calorem tribuere: necesse enim est & contrarium, frigus scilicet, alicui alij competere figuræ. Absurdum enim est, si hæc quidem, caliditas, inquam, & frigiditas insint, pondus autem, ac leuitas, & duritia, mollitiesq; non insint. Atqui Democritus indiuisibilibus quodque per excessionem grauius esse asserit: quare, ut patet, & calidius. At fieri non potest, ut quæ talia sunt, mutuò à sese non patiantur: ceu à calore admodum exuperante, id quod lentè calidum est. At uerò si durum, & molle. Molle autem dicitur, quia pati quippiam soleat: quod enim cedit, molle est. At uerò & absurdum quoque fuerit, si nihil nisi figura solum insit. Item si quid insit, sed unum solum: ut si hoc durum sit, illud calidum: neque enim eorum natura, una aliqua esse potest. Pari modo impossibile fuerit, & si plura unà insint: nam cum sit indiuisibile, in eodem affectus habebit. Quare si patitur quatenus frigesit, eatenus nimirum & aliud quippiam aget, aut etiam patietur. Ad hunc autem modum, de cæteris quoq; passionibus est dicendū. Siquidem hoc ipsum eodem modo accidit, tam ijs qui solida, quàm qui plana esse indiuisibilia dicunt. Nam si uacuum in hisce quæ indiuisibilia sunt, non insit: neque rariora, neque densiora fieri possunt. Ad hæc illud quoq; præter rationem existit, parua inquam esse indiuisibilia, magna uerò minimè. Nunc enim haud sine ratione, quæ maiuscula sunt, facilius, quàm quæ parua, frangi solent: hæc enim magna scilicet, faciliè dissoluntur, quippe quæ in multa impingant. Sed quæ prorsus indiuisibilia existunt, cur paruis potius quàm magnis competunt. Insuper utrum illorum omnium solidorum una sit natura, an inter se differant, perinde atque si mole alia ignea, alia terrea essent? Nam si una sit omnium natura,



quidnam id est, quod ea distinxit, separauitq;? Aut cur cum sese tangunt, non in unum coalescunt, haud secus quam aqua cum aquam tangit? nihil enim posterius a priori differt. Sin uero diuersa, qualia nam haec sunt? Atque perspicuum est ea potius, quam figuras ipsas, poni oportere principia, causasq; eorum, quae eueniunt. Præterea si natura differant: & agent, & patientur, cum mutuo sese tangent. Præterea quidnam est id quod mouet? Nam si aliud sit, affectioni erunt obnoxia. Sin uero quodq; sese moueat, aut erit diuisibile ita, ut altera parte moueat, altera moueatur, aut in eodem inerunt contraria, & materies non modo numero una, sed & potentia, erit. Qui igitur ob meatuum motionem passiones accidere inquirunt, si oppletis quoque meatibus id euenire dicant, meatus superuacanei sunt. Nam si passio ad hunc fiat modum, uniuersum ipsum, etiam si foramina non habeat, sed continuum sit, eodem pati modo potest. Insuper, qui fieri potest ut transpiciatur, uti aiunt? Nam neque secundum tactus per perspicua transitio fieri potest: neque per meatus, si singuli pleni sint. Quid enim meatus habere, an non, refert? totum enim similiter erit plenum. At uero si & haec quidem uacua sint, sed corpora in se necessario habeant, idem rursum accidet. Quod si magnitudine tantilla sint, ut nullum corpus admittere queant, putare quod paruum est uacuum esse, quod magnū non uacuum, ne quantulumcunque quidem, aut dicere sese putare uacuum esse quippiam aliud præter corporis locum, ridiculum est. Quare, ut patet, uacuum omni corpori, mole equabile erit. In summa, meatus facere, superuacaneum. Nam si per tactum agat nihil: neque per meatus sese insinuando aget. Sin uero quippiam ex eo agat, quia tangi, etiam si meatus nulli sint, eorum quae inter se agere,

ac pati nata sunt, alia agent, alia patientur. Perinde igitur  
meatus astruere, ut quidam existimant, aut falsum esse, aut  
certè uanum, ex hisce constat. Porro cum corpora omni ex  
parte diuisibilia sint, meatus facere ridiculum existit: nam  
quo diuisibilia sunt, hoc separari queunt.

Conditiones actionis & passionis quot sint,  
& quæ.

CAP. IX.

**Q**UONIAM autem modo ea quæ sunt, gencrent, agantq;  
ac patiantur: sumpto initio sæpe iam dicto, decla-  
remus oportet. Si enim aliud potentia, aliud actu tale est,  
atque natum est non partim pati, partim non pati, sed uni-  
uersum quatenus est tale, magis autem & minus, quatenus  
magis, & minus tale est: sic profectò melius quispiam meas-  
tus inesse dicet, sicuti in metallicis uenæ quædam rei affe-  
ctui obnoxie porrigi solent. Continuum igitur quodq; &  
unum existens, affectionis expers est. Similiter & ea, quæ  
tametsi agere, & pati nata sunt, tamen neq; sese tangunt,  
neque alia. Intelligi uolo, ut ignis non modo, cum tangit,  
sed etiam si procul sit, calefaci. Nam ignis aërem, aër cor-  
pus excalfacit: cui ut agat, patiturq;, est insitum. At fieri  
non posse ut quicquam parte altera patiatur, altera nõ pa-  
tiatur, qui id ipsum initio definire, dicant oportet. Si enim  
magnitudo non omnino, omniq; ex parte sit diuisibilis, sed  
corpus, aut latitudo indiuisibilis sit, non erit profectò quic-  
quam omni ex parte partibile, sed ne continuum quidem.  
Quod si hoc falsum est, & omne corpus est diuisibile, di-  
uisum ne sit, sed tangat: an diuisibile, nihil refert. Nam si  
per tactus segregari possit, perinde ut quidam affirmant,  
etiam si nondum sit diuisum, poterit tamen esse diuisum:  
nullum enim emergit impossibile. Omnino autem genera-  
tionem ad hunc fieri modum, nempe discisis corporibus,

cancell

Hic Arist. de  
agendi patie-  
diq; modo ex  
propria opi-  
nionem loqui-  
tur.

cancellos egreditur rationis. Etenim sermo iste alteratio-  
nem e medio tollit. At idem corpus, quāquam continuum,  
aliās liquidum, aliās concretum uidemus, non diuisione, aut  
compositione hoc passum, neq; conuersione, aut tractatu,  
sicuti Democritus asserit. Nam neq; transpositione, neque  
naturæ demutatione, ex liquido concretum euadere solet.  
Neq; nunc dura, concretaq; indiuisibilia mole sunt, sed ex  
equo quoduis, nunc liquidum, interdum uerò durum, ac  
concretum existit. Præterea fieri non potest ut accretio,  
decretio uel sit: non enim quoduis fiet maius, si accretio ad-  
iectio sit, & non totum mutetur, uel admissio aliquo, uel  
ipso per se mutato. Quod igitur generare, agere, & gene-  
rari, ac pati inter sese mutuo sit, & quonam pacto id fieri  
queat, & quonam quidam fieri dicant, non tamen fieri pos-  
sit: hoc modo sit definitum.

Quod sit inquirendum, quid mistio sit, quid miscibile, &  
an sit, & quo modo sit. Quod differat à generatione, al-  
teratione, & augmentatione. Quod quæ tertio insunt  
mixta, non sint actu, sed potestate. Iuxta positionem  
paruorum, mixtionem non esse, siue iuxta sensum sint  
minima, siue iuxta ueram quantitatem. Quorum non  
eadem est materia, non esse mixtionem. Multa paucis,  
& magna paruis apposita mixtionem non efficere. Et  
quæ tandem sint miscibilia. CAP. X.

Hic determi-  
nat Aristor.  
quid mistio,  
quid mistile,  
quibus enti-  
bus conue-  
niat, quomo-  
do fiat, utrū  
quoq; sit pos-  
sibile.

**R**estat ut de misticione contemplemur iuxta eundem do-  
ctrinæ modum: nam ex hisce, quæ initio proposui-  
mus, hoc erat tertium. Considerandum autem est quid mi-  
stio, quid mistile, quibus entibus, & quo pacto competat:  
& insuper utrum sit mistio, an id falsum sit. Nam fieri non  
potest, ut quid alterum alteri misceatur, sicuti quidam aiunt.  
Etenim cum ea quæ mista sunt, adhuc sint, nec altera-  
tionem subierint, non magis nunc, quàm prius esse mista,  
sed



sed similiter sese habere dicunt. Porro si alterum sit corruptum: non esse mista, sed alterum esse, alterum non esse: quæ similiter sese habent. Eodem autem modo & si postea quam in unum ambo uenerint, utrumque eorum quæ miscentur, corruptum sit: non enim ea esse mista, quæ omnia in ratione rerum non sunt. Hæc igitur ratio postulare uidetur, ut quo mustio à generatione, & corruptione, & quo mustio à generabili, & corruptibili distat, definitus. Per spicuum enim est, mustionem, si quidem sit, ab illis differre oportere. Quo fit, ut hisce cognitis, quæ addubitata fuerunt, solui queant. At uerò neq; materiam igni mistam esse, neq; misceri dum comburitur, aut ipsam suis partibus, aut igni, sed ignem gigni, & materiam corrumpi, dicimus. Eodem autem modo, neq; corpori alimentum, neq; figuram, quæ cere molem afformat, cere misceri dicimus. Nec corpori albedinem, nec omnino affectus, habitusq; rebus ipsis misceri possibile est, quippe cum ipsi salui cernantur. At uerò nec albedinem, & scientiam, nec aliud quicquam inseparabile, misceri contingit. Quinimmo nec id probè dicunt, qui omnia aliquando & simul esse, & misceri inquit: non enim omnibus omnia misceri queunt, sed eorum quæ miscentur, utrumque separabile quid esse oportet: affectuum autem nullus separabilis existit. Cum autem eorum, quæ sunt, alia actu sint, alia potentia, quæ mista sunt, esse quodammodo, & non esse contingit, actu quidem aliud existente eo, quod ex eis factum est, potentia uerò quippiam utriusq; eorum quæ erant, ante quam miscerentur, & non esse perdita: id quod ratio prius addubitabat. Nam quæ miscentur, & prius ex separatis coisse, & posse rursum separari uidemus. Igitur neque permanent actu, uti corpus, & albedo, neque corrumpuntur, aut  
ambo,

ambo, aut alterum: nam eorum uirtus, ac potentia salua manet. Iccirco hæc omittantur. Dubitationem autem hisce continuam, edisseramus oportet: utrum mistio quipiam ad sensum sit: uerbi gratia, cum ea quæ miscentur ita in parua diuisa fuerint, & hoc pacto iuxta sese posita, ut nullum sensu dignoscatur tunc ne mista sunt, an non: sed sit ut eorum quæ mista sunt, particula quælibet iuxta quamlibet sit: illo igitur modo mista esse dicuntur: ut ordeacea grana frumentaceæ, cum quodlibet iuxta quodlibet positum est. At si omne corpus sit diuisibile, si corpus corpori mistum simulare sit, partem quamlibet secus quamlibet, esse oportebit. Atque cum fieri nequeat ut in partes minimas diuisio fiat, & compositio non idem sit quod mistio, sed aliud, non oportere dicere quæ miscentur, esse mista secundum partes exiguas, quæ suam adhuc retineant naturam, perspicuum est: compositio enim esset, non temperatura, aut mistio, nec pars eandem cum toto haberet rationem. Dicimus autem, si quid misceri debeat, quod mistum est, similiū esse partium: & quemadmodum aque pars, aqua est: ita & temperati, temperatum. Quod si mistio sit compositio secundum partes exiguas, nihil horum accidet, sed solum esse mista ad sensum: atque idem huic quidem, si acutè non uideat, esse mistum, Lynceo uerò non esse mistum uidebitur. Neque diuisione adeo ut quæuis particula iuxta quamuis posita sit, mistio sit: nam fieri non potest ut corpora sic diuidantur. Aut igitur non est mistio, aut hoc rursum est dicendum, quo pacto, inquam, fieri possit. Sunt itaque (uti diximus) eorum quæ sunt, quedam actiua, quedam quæ ab hisce pati solent. Quedam igitur conuertuntur, suntque inter se mutuò actiua, & passiua, quorum uidelicet eadem est materies. Quedam uerò agunt, & non patiuntur: mixturum

mirum quibus materies eadem non est. Horum igitur non est mistio. Quare nec medendi scientia sanitatem, nec sanitas eandem mista corporibus efficiunt. Eorum uero actiua sunt, et passiuorum, quae facile diuisibilia sunt, multa quia dem paucis, et magna paruis composita, mitionem non faciunt, sed accretionem eiusce quod euincit. Nam alterum, in id quod euincit, uerti solet: ut gutta uini, decies millenis aquae mensuris non miscetur: etenim forma uini perit, atque uinum in totam aquam uertitur. Cum uero potentias habent quodammodo aequales, tum utrunque sua quidem mutatur natura in id, quod uincit ac superat, non tamen fit alterum, sed inter utrumque medium, atque commune. Patet igitur ea esse mistilia, quaecunque ex agentibus contrarietatem habent: haec enim inter se passiuia sunt. Parua autem, dum paruis admouentur, propensius misceri solent: quippe cum ea facilius, celeriusque sese transmeent. At multum tardius hoc idem efficit, patiturque a multo. Iccirco ex hisce quae diuidi possunt, patique solent, quae facile terminos suscipiunt, ea mistilia sunt: quippe quae facile in parua dirimantur: haec enim est eius quod facile terminatur, ratio. Verbi gratia: quae liquida sunt, inter corpora maxime mistilia sunt, cum liquidum maxime omnium diuisibilium facile terminari possit, modo non sit uiscosum, atque tenax. Haec enim molem reddunt ampliore, atque maiorem. Cum autem alterum duntaxat passiuum fuerit, aut alterum uehementer, et alterum admodum remisse: uel nihilo, uel certe paulo maius euadet, quod ex utriusque, mistura confurgit: quod in stanno, et aere accidit. Nonnulla enim entia inter se minus discreta sunt, ambiguaque: uidentur enim quodammodo et remisse misceri, et quasi alterum susceptiuum, alterum forma esse: quod quidem et in hisce accidit. Nam stannum quasi affectio quaedam sine materia



materia eris, penè euanescit, mistura toti colore solum indito: quod idem & in alijs quoque usu euenit. Patet igitur ex his que diximus, mitionem esse, & quid ea sit, & quam ob causam, & quenam entia mistilia sint: quandoquidem nonnulla sunt eiusmodi, quæ & pati inter se & facile terminari, diuidiq; possunt. Hæc enim cum mista sunt, non esse corrupta, nec ultra eadem simpliciter esse, nec eorum mitionem esse compositionem, nec ad sensum necesse est. Sed mistile quidem est, quando cum facile definiri queat, passiuum est, & actiuum. & ei quod est eiusmodi, mistile: nam mistile, cum cognomine dici solet. Mistio uerò, est mistilium alteratorum unio.

## DE GENERATIONE ET CORRUPTIONE LIBER II.

Quod post expositionem de mixtione, actione, & passione, autione, alteratione, generatione & interitu, quo inodo fiant, atq; inter se differant, considerandum sit de ijs quæ elementa uocantur. Opiniones de materiali principio nouem. Quod peccent, qui sensibile quoddam corpus medium, præter quatuor elementa ponunt. Quodq; Platonis opinio in Timæo non sit sufficiens. CAPVT I.

Hoc lib. 2.  
Arist. determinat de generatione & corruptione elementorum, & mixtorum: hocq; in I. cap. inquit de principio materiali elementorum.



**D**E mitione igitur & tactu & actione & passione, quo pacto hæc cōpetant, quæ natura mutationem subeunt, et insuper de ortu, & occasu simplici, absolutoq; qualiter fiat, cuius sit, & quā ob causam, tum etiam de alteratione quid sit alterari, & quam quodq; eorum habeat differentiam, dictum est. Restat ut circa ea, quæ elementa corporum appellantur, contemplerur. Nam generatio,

Et corruptio, substantijs omnibus quæ natura constant, haud sine sensibilibus corporibus, competunt. Quorum subiectam materiam quidam unam esse aiunt, eam aërem, aut ignem, aut quippiam inter hæc medium, quod et corpus sit, et separabile, ponentes. Quidam numero plures una: alij enim ignem, et terram, alij et hæc, et tertium aërem, alij et aquam inter hæc quartam, uti Empedocles, ex quibus concretionem, secretionem uel, aut alterationem subeuntibus, ortum atque occasum rebus ipsis contingere dicunt. Quod igitur prima ipsa, principia, elementaq; probè dicantur, sit in confesso: ex quibus si aut congregatione, segregatione uel, aut alia mutatione transmutentur, generationem fieri contingat, atque corruptionem. Sed qui unam ultra ea, quæ sunt dicta, materiam faciunt, eamq; corpoream, atque separabilem, errant. Nam fieri non potest, ut corpus hoc, cum sensibile sit, sine contrarietate existat. Etenim infinitum hoc, quod nonnulli principium esse dicunt, aut leue, aut graue, aut calidum, aut frigidum sit, necesse est. Quod autem in Timæo est scriptum, nihil habet certi, definitiq; . Nam nec ille planè dixit, an id quod omnia suscipit, ab ipsis separetur elementis, nec ullo uti solet, cum tamen prius dixerit illud uocatis elementis, ut aurum aureis operibus, esse subiectum, quanquam id non recto diciur, si hoc dicatur, modo. Sed quorum est alteratio, ea ita sese habent: quorum uerò generatio, atq; corruptio, ea ex nomine eorum ex quibus fiunt, appellari impossibile est. Atqui longè uerissimum esse inquit, dicere quodq; aurum esse. Verum cum solida ipsa elementa sint, ad plana usque resolutionem facit. Ad primam materiam esse plana ipsa, de numero eorum est, quæ fieri nequeunt. Nos autem sensibilibus corporum quandam esse materiam dicimus, sed eam  
C separari

separari non posse, sed semper esse cum contrarietate, ex qua elementa uocata sunt, de quibus alibi exactius est definitum, atque pertractatum. Verum enimvero cum admodum ex materia corpora prima consistunt, de hisce quoque determinemus oportet: supponentes materiam inseparabilem quidem, sed contrarijs subiectam principium, atq; primum esse: non enim calor frigori, nec frigus calori, sed quod subiicitur, utrique materia existit. Quare primo, quod potentia sensibile corpus existit, principium est.

Deinde contrarietates ipsæ calor, & frigus. Postremo ignis, & aqua, & quæ sunt eiusmodi: hæc enim in sese transmutari solent: nec res perinde habet, ut Empedocles, & ceteri asserunt: non enim esset aliteratio. At contrarietates ipsæ, transmutari in se non solent. Verum nihilominus & ut corporis sunt, qualia, & quot principia sint, dicamus oportet. Nam ceteri suppositis utuntur, nec cur talia sint, aut tot numero, dicunt.

Quod qualitates tangibiles sint principia & elementorum differentia. Quod hic iuxta gravitatem & leuitatem non sint fumenda elementa. Quodq; iuxta, calidum, frigidum, humidum, & siccum fumenda sit & differentia & numerus elementorum.

CAP. II.

Hic disquirat  
Arist. à quibus  
qualitatibus  
sumatur  
numerus ele-  
mentorum.

**C**um igitur corporis sensibilis, hoc est tangibilis principia disquiramus, sensibile autem sit, quod tactu sensum facit, constat non omnes corporis contrarietates, species, & principia facere, sed eas solum quæ sub tactum cadunt. Nam contrarietate, eaq; tangibili differunt. Quocirca nec albor, nec nigror, nec dulcedo, nec amaritudo, nec item ceterarum quicquam contrarietatum elementum facit. Atqui uisus, tactu prior est: quare & quod ei obijcitur, prius erit. Verum non est corporis tangibilis affectio quatenus tangibile existit, sed per aliud, quanquam natura prius



prius est. Porro ipsorum tangibilium qualesnam sint primæ differentiæ, & contrarietates, distinguamus oportet.

Sunt autem tangibiles contrarietates, hæc: calidum, frigidum: siccum, humidum: graue, leue: durum, molle: uiscosum, aridum, scabrum, glabrum: crassum, tenue. Ex quibus, graue & leue, neque actiua sunt, neq; passiua: non enim quod alterum quippiam agat, patitur ac ab altero, dicuntur. At elementa ipsa inter se mutuo actiua sint, & passiua, oportet. Nam miscentur, & in sese uicissim mutantur. Calidum autem, frigidumq;: & humidum, ac siccum: illa quidem quod actiua sint, hæc uero quod passiua, dicuntur. Calidum enim est quod ea congregat, quæ eiusdem sunt generis. Nam segregare (id quod ignem facere aiunt) est cognata, & quæ eiusdem sunt generis congregare: accidit enim, ut aliena eximat. Frigidum uero, quod ex aquo cogit, ac congregat, tam quæ eiusdem sunt generis, quam quæ diuersi. Humidum autem, quod cum facile terminos suscipiat, proprio non deficitur. Siccum uero, quod proprio termino belle definitur, alieno ægrè. Tenue autem, & crassum: uiscosum, & aridum: durum, & molle: & cæteræ differentiæ, ex hisce sunt. Nam cum quod repletium existit, ad humidum ex eo pertineat, quia non sit definitum, sed promptè terminari possit, & sequatur id, quod ipsum tangit: tenue autem sit repletium (nam paruorum est partium: & quod est eiusmodi, repletium est: totum enim, totum tangit: tenue autem, maxime est tale): tenue sub humido, & crassum sub sicco fore constat. Rursum, uiscosum ab humido comprehendetur: nam uiscosum, humidum cum quædam affectione existit, uelut oleum. Aridum autem, a sicco. Aridum enim est, quod perfectè siccum est, adeo ut ob humiditatis defectum etiam concreuerit. Insuper molle

humidum comitari solet: & durum, siccum. Molle enim est, quod in sese refugit, ceditq; & non resistit: id quod humidum facere assolet. Quamobrem & humidum molle non est, sed molle sub humido, & durum sub sicco collocatur. Durum siquidem est, quod concretum, seu congelatum est. Quod autem est concretum, siccum est. Porro siccum, humidum, multis dicuntur modis: nam & humidum, & madens, sicco aduersantur: & rursus siccum, & concretum humido. Hec autem omnia ad humidum, & siccum, quæ prima dicta sunt, attinent. Nam cum madenti siccum aduersetur, & madens sit quod superficie tenus extrariam admisit humiditatem, & humectum quod introrsus, siccum autem id, quod hac uacat: madens sub humido, & ei oppositum siccum, sub primo sicco fore constat. Rursum humidum, & cōcretum, eodem modo. Humidum enim est, quod in penitiorē parte propriam habet humiditatem. Concretum uerò, quod hac priuatum est. Et proinde ex hisce alterum humidi, alterum sicci erit. Constat igitur ceteras omnēs differentias ad quatuor primas, & has non amplius in pauciores reduci: neq; enim calidum id est quod humidum, aut quod siccum est: neq; humidum, quod calidum, aut quod frigidum est: neq; frigidum & siccum sub altera na sunt, neq; sub calido & humido struuntur. Quare quatuor esse has necesse est.

Quòd quatuor sint elementa ostensio: & de sex eorum proprietatibus.

CAP. III.

Hic Arist. de  
elemētorum  
numero, eo-  
rūq; proprie-  
tatibus deter-  
minat.

**C**um autem elementa sint quatuor, & eorum quæ sunt quatuor, sex sint copulæ, contraria autem simul copulari non possint (calidum enim & frigidum: & rursus siccum & humidum idem esse, est impossibile) cōstat quòd elementorum copulæ quatuor erunt: nempe calidum, & siccum:

secum: calidum, & humidum: rursus frigidum, & siccū:  
 frigidum, & humidum: atq; hæc corpora ea, quæ simplicia  
 uidentur esse, ignem, inquam, ærem, aquam, & terram, se-  
 cundum rationem comitari, ac sequi solent. Nam ignis, ca-  
 lidus, siccusq; est. Aër uerò, calidus, & humidus: nam aër,  
 uelut uapor est. Aqua, frigida, humidaq;. Terra, frigida,  
 atq; sicca. Vnde fit, ut differentie illæ non iniuria primis  
 corporibus distribuantur, & iuxta rationem eorum nu-  
 merus constet. Omnes enim & qui simplicia corpora ele-  
 menta faciunt, alij unum, alij duo, alij tria, alij quatuor esse  
 uolunt. Qui igitur tantum unum esse dicunt, deinde densi-  
 tate, & raritate cætera generant: hisce duo principia face-  
 re, rarum, inquam, & densum: aut calidum, & frigidum  
 accidit: hæc enim opificis munus obeunt: unum autem subij-  
 ci solet sicuti materies. Qui uerò continuò duo, ut Parme-  
 nides ignem, & terram, faciunt: quæ inter hæc media sunt,  
 ceu ærem, & aquam, horum misturas esse astruunt. Eo-  
 dem modo & qui esse tria inquiunt, quemadmodum Pla-  
 to in diuisionibus: mediū siquidem, misturam, congeriemq;  
 facit. Atque eadem ferè dicunt, qui duo & qui tria faciunt:  
 uerum illi medium in duo secant: hi uerò unum faciunt me-  
 dium. Porro nonnulli statim quatuor esse aiunt, ut Empe-  
 docles. Cogit autem & hic illa, in duo: nam igni, cætera  
 omnia contraponit. Ignis autem, & aër, & unumquodque  
 eorum, quæ dicta sunt, haudquaquam simplex est, sed mi-  
 stum. Quæ uerò sunt simplicia, talia quidem sunt, non ta-  
 men eadem: ut quod igni simile est, igneum, non ignis: &  
 quod aëri, æereum, non aër existit: simili modo, & de cæ-  
 teris quoque dicendum est. Ignis etiam, caloris est excessus:  
 perinde ut glacies, frigoris. Nam congelatio, & feruor, ex-  
 cessiones quædam sunt: illa quidem frigoris, hic uerò ca-



loris. Igitur si glacies, humidi, & frigidi congelatio sit: & ignis, calidi, & siccī seruator erit. Quamobrem, nec ex glacie gigni quicquam, nec ex igni potest. Cum autem simplicia corpora sint quatuor, ē duobus utrunq; utriusq; locorū est. Ignis enim & aer, eius qui ad superficiem, terminumq; uergit: terra uerō & aqua, eius qui ad medium. Atq; ignis, & terra, extrema quidem sunt, & synceriora: aqua uerō, & aer, media & mista magis. Et utraq; etiam, utriusq; contraria sunt. Nam igni, aqua: aeri uerō terra aduersatur: hæc enim contrarijs affectibus constant. Verum enim uerō cum simpliciter quatuor sint, quodq; unius est. Terra siquidem, siccī potius est, quā frigidi. Aqua uerō, frigidi magis, quā humidi. Aer, humidi magis, quā calidi. Ignis, calidi magis, quā siccī.

Quod simplicium corporum mutua sit generatio, & quoduis ex quouis gigni posse. Quod eorum quæ symbola sunt, cita mutatio est, aliorū tardior. Quod ex duobus elementis à symbolis reliqua gigni possunt. Quod in elementis symbolis alterum ex altera gignatur, non reliqua.

CAP. IIII.

Hic Arist. de  
transmutatio-  
ne elemento-  
rum in se in-  
uicem deter-  
minat.

**C**um autem prius sit definitum, simplicia corpora mutuum subire generationem, & ea insuper gigni ad sensum uideantur (nam aliquo non esset alteratio: quippe cum ea in rerum tangibilium affectibus sita sit) quasnam mutue generationis sit modus, & utrum quoduis ex quouis gigni possit, an aliqua, & aliqua non, dicendum uidetur. Quod igitur uniuersa in se inuicem transmutari nata sint, palam est. Nam generatio in contrarium, & ē contraria sit. Omnia autem elementa inter se contrarietatem ex eo habent, quia differentie ipsæ contrarie sunt. Nam alijs, ceu igni & aquæ, ambæ sunt contrarie: ille enim calidus, siccusq; est: hæc uerō humida, & frigida. Alijs uerō,

ut aëri, & aquæ, altera solum: nam ille quidem humidus, calidusq; est. hæc uerò frigida, & humida. Quare in uniuersum quidem patet quoduis è quouis gigni natum esse.

Iam uerò quo pacto ex omnibus omnia fient, singulatim percipere haudquaquam est difficile. Different tamen: nam celerius, et tardius, item facilius difficiliusq; alia alijs transformationem subeunt. Quæ enim symbolum inter se habent, horum celerius est migratio: quæ uerò non habent, tarda, quòd facilius sit unum, quàm multa mutari. Verbi causa: ex igni fiet aër, altero mutationem subeunte: nam ille quidem calidus, siccusq; est. hic uerò calidus & humidus: quare si siccitas uincatur ab humiditate, orietur aër. Rursum ex aëre aqua fiet, si calorem frigus euincat: siquidem aër humidus, calidusq; est, aqua uerò frigida, & humida: quare mutato calore, fiet aqua. Eodem modo, ex aqua quousque fiet terra, & ex terra ignis: nam utraque ad utraque symbola habent: aqua enim humida, frigidaq; est, terra uerò frigida, & sicca: quare si humiditate uincatur, emerget terra. Et rursum cum ignis calidus sit, & siccus, terra uerò frigida & sicca, si frigiditas intereat, ignis è terra fiet. Quare patet circularem generationem simplicibus competere corporibus. Atq; hic mutationis modus promptissimus est, propterea quòd quæ deinceps sunt, symbolum habent. Aqua autem ex igni, & terra ex aëre, & rursum ex aqua ignis, & aër ex terra gigni quidem possunt, sed difficilius, quòd plurimum mutatio sit. Nam si ex aqua oriatur ignis, frigiditatem & humiditatem corrumpi prius est necesse. Et rursum frigiditatem, & siccitatem, si ex terra fiat aër. Eodem modo & si ex igni, & aëre, aqua & terra fiant, utrasque mutari qualitates est necesse. Hec igitur generatio, tardior est. Sin uerò utriusque

altera qualitatum intereat, horū migratio facilius quidem, sed non in sese mutuò fiet: sed ex igni quidem, et aqua, terra et aër: ex aëre uerò, et terra, ignis et aqua ortum subibūt. Cum enim aquae frigiditas fuerit corrupta, et ignis siccitas, fiet aër: nam huius quidem caliditas, illius uerò similiter humiditas relinquitur. At cum calor ignis, et aquae humiditas interierint, terra: propterea quòd huius frigiditas, et illius siccitas remanent. Eodem modo ex aëre, terraq; ignis et aqua: nam cum aëris calor, et terrae siccitas interitum subierint, fiet aqua: quandoquidem illius humiditas, huius frigiditas relinquitur. Cum uerò aëris quidem humiditas, terrae uerò frigiditas, ignis: quia illius caliditas remanet, huius siccitas, quae nimirum igni competunt. Ignem autem gigni, etiam sensus ipse approbat: maxime enim flamma, ignis est: haec autem, est fumus ardens: fumus uerò ex aëre, atq; terra fit. Porro in hisce quae sunt deinceps, si in utroq; qualitas altera corrupta sit: haudquaquam elementorum migratio in ullū corpus fieri potest, eo quòd in utrisq; aut eadem, aut contraria relinquantur, ex quibus nullum perfectò corpus oriri potest: ut siccitas ignis, et aëris humiditas sit corrupta, calor in utrisq; remanet. Si uerò ab utroq; calor abierit, contraria siccum, inquam, et humidum relinquuntur. Similiter autē et in ceteris. Nam in omnibus quae sunt eiusmodi qualitatum altera eadem, altera contraria inest.

Vnde simul perspicuum euadit, quae ex uno in unum mutantur uno corrupto, quae ex duobus in unum, corruptis pluribus gigni. Quod igitur ex omnibus omnia gignantur, et quonam pacto in sese uicissim commigrent, dictum est.

Quòd elementa non sint materia rerum naturalium, neq; elementū elemento. Quodq; non in infinitum procedat iuxta rectitudinem, sed finita esse sit necesse. CAP. V.

At



**A**tamen adhuc & hîc quoq; de eis contemblemur. Si enim aqua, & aer, & id genus naturalium corporum materies sint, sicuti nonnullis quoque placet, aut unum, aut duo, aut plura, esse hæc necesse est. Itaque ut unum, scilicet aer, uel aqua, uel ignis, uel terra, omnia sit, fieri nequit, si transmutatio in contraria sit, atque id transmutetur. Nam si aer sit, si remanet, alteratio erit, & non generatio. Insuper nec ita uidetur, ut simul aer, & ignis, aut quoduis aliud sit. Effet enim aduersantia quædam differentiæ, cuius partem alteram, ceu calorem, ignis, haberet. At uerò nec ignis aer calidus erit: nam quod est eiusmodi, alteratio est, & non generatio. Adhæc si ex igni aer oriatur, calore in contrarium mutato fiet: hoc ergo inerit aëri, eritq; aer frigidum quid. Quare fieri non potest, ut ignis, aer calidus sit: simul enim idem calidum esset, atque frigidum.

Erit ergo aliud quid præter utrumque, idem & alia quædam communis materies. Eadem autem & de omnibus ratio est, non esse, inquam, inter hæc unum, ex quo uniuersa sint. Sed neque aliud quippiam præter hæc, ueluti medium quoddam aeris, & aquæ, aut aeris & ignis, aëre quidem & igni crassius, sed cæteris subtilius. Nam illud, aer & ignis cum contrarietate esset: sed è contrarijs alterum, priuatio est. Quare fieri non potest, ut illud unquam per se sit, quemadmodum quidem aiunt infinitum, & id quod comprehendit, atque continet. Similiter ergo horum quoduis, aut certè nullum. Si igitur nullum sensibile hisce prius sit, hæc profectò erunt prima. Aut igitur ea semper manere, & in sese uicissim transmutari non posse, aut posse, & aut omnia, aut aliqua, & aliqua non, quemadmodum in Timeo Plato prodidit, est necesse. Quod igitur necesse sit ea inuicem in se mutari, demonstratum est prius. Quod

Hic probat Ari. quatuor esse elementa prima, generabilia & corruptibilia: quaritq; an vnum elementorum alterius sit elementi materia.

uerò non aequè celeriter aliud ex alio nascatur, quòd quæ communem nacta sunt qualitatem, celerius ex sese mutuò oriantur, quæ uerò non sunt nacta, tardius, dictum iam est.

Ergo si una sit aduersantia, per quam mutationem subeant, duo sint necesse est: nam insensibilis, inseparabilisq; materies, medium est. Porro cum plura esse uideantur, due ad minimum contrarietates erunt. Sed cum due sint, esse tria non possunt, sed quatuor, ut patet: tot enim sunt coniugationes. Nam cum sint sex, due ex eis fieri non possunt: propterea quòd inter sese contrariæ sunt. Sed de hisce diximus prius. Cum autem mutuò in sese transmutentur, fieri non posse ut principium quoddam sit eorum, uel in extremo, uel in medio. ex hisce palàm fiet. In extremis igitur non erit principium, quia ignis, aut terra essent omnia: idemq; sermo est. atque si ex igni, aut terra constare omnia dicamus. Præterea neque medium, principium erit, sicuti quidam aërem quidem & in ignem, & in aquam: aquam uerò & in aërem, & in terram: ultima autem non amplius in sese uicissim transmutari putant. Nam stet hoc, nec in infinitum recta utraque ex parte abeat, oportet: in uno enim contrarietates essent infinite. Sit T terra, L lympa, seu aqua, A aër, I ignis. Itaque si A in I, & L, mutetur, una erit contrarietas, nempe ipsorum A, I. sint hæc, albor & nigror. Rursum si I in L & A mutetur, erit altera: non enim L & I idem sunt. Sint autem siccitas, & humiditas, S quidem siccitas, H uerò humiditas. Igitur si albor maneat, humida, & alba erit aqua: sin minus, nigra: quandoquidem contraria mutatio est. Aquam igitur, aut albam esse, aut nigram necesse est. Sit primum. Pari ergo ratione, S inerit I. Transmutabitur igitur & ipse ignis in aquam: contraria enim sunt: nam ignis primò niger erat,

Et deinde siccus: aqua uero humida, et postea alba. Licet itaque omnia in sese uicissim transmutari, atque etiam in hisce, ipsi terræ reliqua duo symbola, nigrorem, inquam, et humiditatem, competere: hæc enim necdum copulata fuerunt. Sed quod fieri nequeat in infinitum ab initio (quod quidem cum essemus demonstraturi, in hoc ante incidimus) ex hisce emerget. Si enim rursum id est ignis, in aliud ceu in M transmutetur, nec regressio fiat, aduersantia quædam ab hisce quas diximus alia, I et M inerit: nam M nulli ipsorum T L A I esse idem supponitur. Sit itaque K, ipsi I, et O, ipsi M, K itaque omnibus T L A I inerit: nam ea in sese mutuo transmutari sciunt. Sed hoc quidem nondum sit ostensum: illud tamen in aperto est, quod si M in aliud rursum transmutetur, alia in M et in I contrarietas inerit: atque ita semper primis cum sequentibus aliqua inerit aduersantia. Quare si infinita sint, infinitæ quoque erunt in uno contrarietates. Quod si hoc sit, nec finire quicquam, nec oriri poterit. Nam si aliud ex alio fiet, tot et adhuc plures transire contrarietates oportebit. Quare in nonnulla transmutatio fiet nunquam, uidelicet si intermedia infinita sint: quod profecto necessario accidet, si infinita sint elementa. Præterea neque ex aëre in ignem transmutatio fiet, si infinitæ sint contrarietates. Fient etiam omnia unum: nam omnes superiorum contrarietates, hisce inesse quæ infra I sunt collocata, et contra, necesse est. Quare omnia unum erunt.

Errores Empedoclis.

CAP. VI.

Mirabitur porro aliquis eos, qui elementa corporum in uno plura esse dicunt, ita ut in se non transmutentur, sicuti Empedocles inquit, quo pacto ipsi elementa esse comparabilia dicere queant. Atqui ille ad hunc modum ait. Nam æqualia sunt hæc omnia. Si igitur secundum quantitatem

Hic Arist. sex errores Empedoclis reprobatur.



titatem, idem quid omnibus inesse comparabilibus quòd mensurentur, est necesse: ut si ex aquæ sestario uno, aeris decem fiant: ergo idem quid utraq; sunt, si mensurentur eodem. Sin uerò non hoc pacto secundum quantitatem, ut è quanto quantum, sed quantum possint, uelut si aquæ sestarius æquè frigesacere, atque aeris decem possit, atq; ita secundum quantitatem, non quatenus quantitas est, sed quatenus possunt aliquid, comparabilia sunt, fiet sane ut etiam non quantitatis mensura secundum potentias, atque uires, sed proportionem comparentur: uerbi causa, ut hoc calidum, hoc album. Sed ut hoc in qualitate quidem similitudinem significat, in quantitate uerò æqualitatem. Videatur itaque esse absurdum, si corpora illa, quæ transmutari nequeunt, proportionem comparabilia non sint, sed potentiarum mensura, & eo quod tantum ignis, æquale uel simile calidum sit, atq; aeris multo plus. Idem nanque cum maius est ex eo quia unius est generis, hanc habebit rationem. At uerò neq; accretio fuerit secundum Empedoclem, præterquam quæ additione fit: nam igni ignem augeri censet: inquit enim, Auget terra quidem proprium genus, ætheraq; æther. Hæc autem adijciuntur, apponunturq;. At ea quæ incrementa suscipiunt, non ad hunc modum augeri uidentur. Longè autem difficilius fuerit eidem de generatione, quæ natura sit, rationem assignasse. Nam omnia quæ natura gignuntur, aut semper sic, aut plerumq; fiunt. Quæ uerò non semper, aut plerumq; fiunt, à casu, & fortuna fieri assolent. Quenam igitur causa est, ut ex homine homo aut semper, aut plerumq;: & è tritico triticum, sed non oliua, oriatur? An si ita componatur os? non enim ut cunque, quemadmodum inquit ille, sed ratione quadam coeuntibus sit aliquid. Quenam igitur horum causa est?

non

non enim ignis, uel terra causa existit. At uerò neque concordia, aut discordia: etenim hæc segregationis, illa uerò congregationis solum causa est. Hoc autem est cuiusq; essentia: sed non mistio, mistorumq; prius diuulsio solum, quemadmodum inquit ille. In hisce nanque fortuna nominari solet, non ratio: fieri enim potest, ut aliqua, ut contingit, ac temerè misceantur. Itaque sic sese habere, eorum quæ natura constant, causa existit: atque cuiusque natura hæc est, de qua nihil meminit. Nihil ergo de natura dicit. At uerò hoc, ipsum bonum existit. Porro ille solum mixturem collaudat. Atqui discordia haudquaquam secernit elementa ipsa: quæ natura deo priora sunt, sed concordia: dii autem & hæc quoque sunt. Præterea de motu simpliciter dici: non enim satis dicere est concordiam, & discordiam mouere, nisi hæc concordie ratio sit, motu, inquam, tali cieri, & discordie tali. Igitur aut definiuisse, aut supposuisse, aut exactè uel mollior, uel alio quolibet modo demonstrasse oportebat. Insuper cum ui, & præter naturam moueri corpora uideantur, per naturam quoque mouentur: ut ignis ad superum quidem locum non ui, sed ad inferum ui, fertur. Vi autem & natura, contraria sunt. Contingit autem ui moueri: ergo & natura quoque motu cieri contingit. Concordia igitur illo motu mouet, aut non mouet. Nam terram deorsum ferri, concordie contrarium est, & segregationi simile existit: potiusq; discordia, naturalis motus causa est, quam concordia. Vnde fit, ut omnino concordia potius præter naturam existat. Simpliciter autem, nisi concordia, aut lis moueat, ipsorum corporum nullus motus status ue est. At hoc absurdum est. Adhæc, uidemus corpora motu cieri: Nam discordia segregauit. Aether autem in sublime subuectus

uectus non à discordia fuit. Sed interdum illum uelut à fortuna sublatum asserit: sic dicens, Nam plerunque aliter, sed tum sic fortè cucurrit. Interdum ignem sursum ferri aptissimum esse: inquit enim, Ast æther, longis sub humum radicibus ibat. Et insuper ipsum quoque mundum similiter nunc tempore discordiæ, ut prius tempore concordie, habere dicit. Quid igitur mouens primum, motionisq; causa existit? non enim discordia, & concordia: uerum hæc alicuius motus cause sunt. Quod si sint, illa principium erit. Porro absurdum est, animam ex elementis constare, aut elementorum unum aliquod esse. Quomodo enim anime alterationes, ceu musicum esse, & rursum non musicum, aut memoria, aut obliuio, erunt? Perspicuum enim est quod si anima ignis sit, eadem illi quæ igni ut ignis est, affectiones competent. Si uerò ex elementorum mixtura constet, corporea. At harum, nulla corporea existit. Verum de hisce considerare, alterius contemplationis est officium.

Cum ex igne fiat aqua, & ex hac rursus ignis, quia subiecta natura utrique communis est: quomodo ex igne, aqua, & reliquis elementis fiat mixtum aliquod, ut caro, neruus, Quæstio. CAP. VII.

Hic Aristot.  
de generatio-  
ne mixtorum  
ex elementis  
determinat.

**D**E ipsis autem elementis, ex quibus corpora constant, his quidem qui commune quid esse, aut ea inter se mutari putant, si ex hisce alterum, & alterum quodque contingat est necesse. Qui uerò generationem mutuam non faciunt, nec è singulis singula, sed uelut è muro lateres gigni uolunt, absurdum quid dicunt. Nam qui carnes, & ossa, & cæterorum quoduis ex illis erunt? Quod autem dicitur, dubitationem habet, etiam apud eos qui generationem mutuam adstruunt, quoniam pacto ex ipsis diuersum



versum quid ab eis oriatur. Verbi causa: ex igni aqua fit, & ex aqua ignis: nam subiectum, commune quid existit: sed & caro, atque medulla ex eis fiunt: at hæc, quo modo? Etenim illis qui perinde ut Empedocles dicunt, quisnam erit modus? Nam compositionem esse, quomodo è lateribus, atque lapidibus fit murus, necesse est: & hæc natura, ac congeries, ex conseruatis quidem, sed secundum exiguas portiones iuxta sese compositis erit elementis. Ad hunc itaque modum, caro, & cæterorum quodque fiet. Accidit autem ut non ex qualibet carnis parte ignis, & aqua gignantur (sicuti ex cera, ex hac parte pila, ex aliqua alia metali fieri potest) sed ex utraque utrunque fieri queat. Hæc itaq; hoc gignantur modo ex carne & quavis parte utrunque. At hisce qui illo modo dicunt, ex quavis utrunque igni non potest: sed perinde fit ut è muro lapis, & late-re, ex alio loco, ac parte utrunque. Pari modo & hisce, qui ipsorum materiam unam faciunt, dubitatio quædam obrepit, qualiter ex ambobus, calido, inquam, & frigido, aut igni, & terra, quippiam erit. Nam si caro ex ambo-bus sit, & neutrum illorum, nec rursus seruatorum compositio, quid restat id esse præterquam materiam quod ex illis constat? Nam corruptio alterius aut alterum facit, aut materiam. Igitur postquam calidum, & frigidum, intensio-nem, remissionemq; suscipiunt, cum simpliciter alterum actu fuerit: tunc alterum erit potentia. Cum uerò non prorsus, sed frigidum ut calidum, & calidum ut frigidum fuerit, propterea quòd quæ miscemur, suas exuperantias uicissim corrumpunt, tunc neque materia erit, neque illo-rum contrariorum utrunque, sed inter medium, actu sim-pliciter erit. Porro quo potentia magis calidum est quàm frigidum, aut contrà: hoc duplo, aut triplo, aut alio id genus modo

modo magis calidum potentia, quàm frigidum existit. Alia itaq; mista, ex contrarijs erunt, aut elementis: & elementa ex illis quodam modo potentia existentibus, non tamen sicut materia, sed dicto modo. Atque hoc quidem pacto mixtio, illo uerò materia id, quod gignitur, existit. Præterea & ipsa contraria pati solent, quemadmodum antè præstitum est. Etenim actu calidum, potentia frigidum est: & actu frigidum, potentia calidum. Quare nisi ad æqualitatem redacta sint, in se mutuò transmutantur. Simili modo, & in cæteris contrarijs. Atq; primo quidem elementa ipsa ita transmutantur: deinde ex hisce carnes, & ossa, & eiusmodi fiunt, cùm illa calido quidem in frigidum, & frigido in calidum transeunt, ad mediocritatem uenerint: hic enim neutrum est: mediocritas autem multiplex est, & nequaquam indiuisibilis. Similiter humidum, & siccum, & talia, carnem, ossaq; & cætera id genus mediocritate efficiunt.

Quoduis mixtum, quòd circa medium mundi sit, ex congressu omnium elementorum gigni. CAP. VIII.

Hic probat  
Arist. corpus  
mixtum per-  
fectum natu-  
raliter existēs  
circa locum  
terræ, com-  
poni ex qua-  
tuor elemen-  
tis.

**O**Mnia autem mista corpora, quæ circa locum, qui medio uniuerſi tribuitur, collocata sunt, ex simplicibus constant omnibus. Nam terra quidem ideo cunctis inest, quòd unumquodque maxime, & ut plurimum, in proprio terra loco existit. Aqua uerò, quòd composita finire oporteat, & illa è simplicibus sola, bellè terminari queat. Præterea quòd & terra sine humiditate consistere non possit, sed humiditas sit, quòd continendi uim, ac coercendi habeat: nam si humiditas à terra prorsus eximatur, ea defluet projectò. Terra igitur, & aqua, has ob causas inest. Item aer, & ignis, quòd terræ, & aquæ contraria sint. Nam aëri terra, & aqua igni contraria est: quantum substantiam substantiæ contrariam esse contingit. Cùm igitur

igitur generationes è contrarijs sint, & contrariorum extremum alterum insit, alterum quoq; inesse est necesse. Quare in omni composito, simplicia omnia inerunt. Sed et id cuiusq; rei nutritio comprobare uidetur: omnia enim eisdem aluntur quibus constant: omnia siquidem pluribus aluntur. Nam quaecunq; uno solo ali maxime uidentur, ut plantæ aqua, pluribus aluntur: terra enim aquæ ammixta est. Quam ob rem ipsi quoq; agricolæ miscentes irrigare conantur. Cum autem alimentum ad materiam pertineat, quod aut nutritionem suscipit, cum materia coniunctū forma sit, atq; species rationi consentaneum fuerit, ex omnibus simplicibus corporibus quæ mutua generatione oriuntur, oleo ignem nutriri, quemadmodum & priores aiunt: quippe qui solus, ac maxime forma sit, propterea quod suapte natura ad terminum fertur uniuersi. In suum autem locum quodque ferri, natum est: forma uerò speciesq; omnium, in ipsis consistit terminis. Quod igitur corpora omnia ex simplicibus omnibus consent, dictum est.

Quod expediat inquisuisse causas generatiliū, atque corruptiliū, & de iis errores antiquorū. CAP. IX.

**C**um autem nonnulla generabilia, corruptibiliaq; sint, & generatio in eo, qui circa mundi medium est loco sit, de omni generatione similiter, & quot, & quæ sint eius principia, dicendum est: sic enim facilius singularia contemplanimur, cum de uniuersalibus prius sumpserimus. Sunt igitur tot numero, & genere eadem, quæ in æternis, primisq;. Nam alterum ut materia, alterum ut forma existit: oportet autem & tertium insuper adesse. Nam duo haud quaquam satis sunt ad generandum, sicuti nec in ipsis primis. Igitur quod esse, & nō esse potest, generabilibus causa ut materies existit. Nam quædam necessario sunt, ceu æ-

Declarat hic Arist. causas trāsmutationis generatiliū & corruptiliū, refertq; antiquorū ea de re opiniones

D

terna:



terna: quedam necessariò non sunt. Quorum, illa quidem non esse, hæc uerò esse est impossibile, eo quòd fieri non possit ut necessarium aliter sese habeat. Nonnulla & esse possunt, & non esse: de quorum numero generabile existit, atq; corruptibile: hoc enim interdum non est, interdum est. Quare necesse est ut generatio, atq; corruptio circa id sit, quod esse, & non esse potest. Quocirca & hoc, causa ut materies generabilibus existit. At forma speciesq; ut cuius gratia: hæc autem est substantia cuiusque ratio. Oportet autem & tertium quoque adesse, quod omnes quidem somniant, nemo tamen dicit. Sed alij specierum naturam causam esse sufficientem ad generandum arbitrati sunt, quemadmodum in Phædone Socrates. Nam ubi ille ceteros increpuit tanquam nihil locutos, eorum quæ sunt, quedam species esse, quedam quæ species participant, & eorum quodq; per speciem esse dici, susceptione uerò oriri & abiectione interire supponit. Quare si hæc uera sunt, species causas esse generationis, & corruptionis necessariò, putat. Alij, ipsam materiam, nimirum à qua fit motus. At neutri rectè dicunt: nam si species causæ sunt, cur non semper gignunt continenter, sed quandoque, & quandoque non: cum semper tum species, tum quæ eas participant, in ratione rerum sint? Præterea in nonnullis aliam quandam esse causam spectamus. Nam medicus in corpore sanitatem efficit, & scientiam sciens existente & ipsa sanitate, & scientia, & hisce quæ eas participant. Eodem modo & in cæteris, quæ facultate quadam fiunt. Quòd si qui materiam ipsam ob motum generare dicant, naturalius profectò dixerint, quam qui ita dicunt. Etenim quod alterat, quodq; transfiguratione facit, causæ ut quippiam oriatur ratione sibi uendicat magis. Et in omnibus ex æquo tam hisce, quæ

natura

natura constant, quàm quæ ab arte proficiſcuntur, hoc agens dicere conſueuimus, quod mouendi uim obtinet. Verū enim uero & hi quoq; non rectè dicunt. Pati nanq; & moueri materiæ eſt: agere uerò & mouere, alterius poiſitiue: palàm autè eſt, cum in ijs quæ arte, tū in ijs quæ natura ſiūt: nā neq; aqua ex ſe animal facit, ſed natura: neq; lignum leuicā, ſed ars. Quare & iſti ob id, & quia potiore omittūt cauſam, haud rectè dicunt: quidditatē enim, formamq; exterminant. Præterea potentias, atq; uireſ corporibus tribuūt: per quas admodum inſtrumentaliter generant, eam, quæ à ſpecie ſumitur, cauſam auferentes. Etenim quoniā, ut aiunt, calidum ſegregare, & frigidum congregare natum eſt, & cæterorū quodq; aliud agere, aliud pati, ex his, & per hæc gigni, & corrumpi cætera omnia dicunt. At ipſe quoque ignis moueri, ac pati uidetur. Præterea perinde faciunt, ac ſi quis ferræ, & inſtrumentorum cuiq; eorum quæ generantur, cauſam tribuat. Nam cum quis ferræ ſecat, dicat, diuidi quippiam: & cum corradit, leue fieri neceſſe eſt: & in cæteris ſimili modo. Quare ſi quàm maxime agit, mouetq; ignis: quomodo tamen moueat, non ultra contēplanatur, nempe quòd deterius quàm inſtrumenta. Sed & prius à nobis uniuerſaliter de cauſis dictum eſt, & nunc de materia, & forma pertractatum, atq; determinatum.

Quòd generationis & corruptionis ſeries ſit perpetua.

Et quòd ad id confirmandum oſtendendū ue ſatis ſit adduxiſſe lationem primi circuli, ſed & alias ponere oporteat. Quòd tempus generationis æquale ſit tempori corruptionis: & quòd continuas eſſe oporteat, ne deficient unquam.

C A P. X.

**P**Ræterea cum demonſtratum ſit motum cum eſſe perpetuum, qui lationi accommodatur, his exiſtentibus, & generationem quoq; continenter eſſe neceſſe eſt. La-

Hic ſuam Ariſt. ſententiā de cauſa generationis & corruptionis efficiēte exponit.

tio nanq; continuè generationem ideo faciet, quia admouet, & admouet id quod gignēdi uim obtinet. Insuper & priora esse dicta rectè, lationem inquam mutationum primam esse, & non generationem, dilucidum est. Nam multò magis consonum est rationi, id quod est ei quod non est, ut nascatur causam esse, quàm id quod non est, ei quod est ut sit.

Sed quod lationem subit, est: quod uerò oritur, non est. Idcirco & latio generatione prior est. Cùm autem supponatur, & demonstratum sit continuam rebus ipsis generationem, corruptionemq; competere, & lationem generationis causam esse dicamus, patet quòd si unica latio foret, fieri non posset ut ambæ fierent, propterea quòd contrariæ sunt. Nam idem eodemq; modo semper habēs, idem facere natum est. Quare aut generatio semper esset, aut corruptio. Multos autem esse motus, contrariosq; aut latione, aut inæqualitate conuenit: contrariorum enim contrariæ sunt causæ. Quocirca & prima latio, ortus, ac interitus causa non est, sed obliqui circuli latio: ea nanq; & continua est, & duobus motibus fit. Nam generatio, corruptio uel futura sit semper continua, semper quippiã quidem moueri necesse est, ut ne mutationes istæ deficiant: sed duobus, ut ne altera duntaxat eueniat. Continuitatis igitur causa est latio uniuersi: accessus uerò, & recessus, ipsa decliuitas: accidit enim ut interdum procul, interdum propè existat. Atq; cùm interuallum sit inæquale, motus erit inæqualis. Quare si ex eo generat, quia accedit, & propè est: & quia abscedit, & procul existit, hoc idem corrumpit. Atq; si quia sæpenumero accedit, generat: & quia pleunq; recedit, corrumpit: contrariorum enim causæ sunt contrariæ. Et generatio, atque corruptio secundum naturam æquā ali in tempore sunt. Quocirca & cuiusq; tem-



pus, & uita, numerum habent, numeroq; præfinitur: omnium enim ordo est. Et omne tempus ac uita, circuitu mensuratur: uerum non eodem omnis, sed alia minori, alia maiori mensuratur: alij siquidem annus, alij maior, alij minor circuitus, mensura est. Apparent autem & ad sensum hisce quæ dicimus consentanea. Accedente namq; sole generationem fieri, & recedente corruptionem, & in tempore equali utrunq; uidemus. Nam corruptionis, & generationis naturalis tempus, æquabile existit. Sed plerūq; accidit, ut minori corruptio fiat, ob mutuam inuicem conspersionem. Si enim materies inæqualis sit, nec omni ex parte eadem, generationes quoq; inæquales, & quasdam celebriores, quasdam tardiores esse necesse est. Vnde fit ut ob horum generationem, alia corrumpi accadat. Semper autem sicuti dictum est, generatio, & corruptio continentes erūt, nec unquam deficient, ob eam quam diximus causam. Idq; ratione optima euenit. Nam cum in omnibus quod præstabilius est, natura semper expetere dicatur: præstabilius autem sit esse, quam non esse, & quot modis esse dicamus, alibi dictum sit, hoc uerò in omnibus inesse impossibile sit, propterea quòd longè ab ipso principio distent, reliquo modo deus ipse uniuersum compleuit, continua facta generatione. Nam ita maxime, ipsum esse continenter erit: propterea quòd illud, semper inquam generationem fieri, ad substantiam proximè accedit. Cuius rei, ut sæpe diximus, causa, circularis ratio est: sola enim continēs est. Quocirca & cætera alia, quæ in sese secundum affectus, atq; uires transmutari solent, ceu corpora simplicia, circularem imitantur rationem: nam cum ex aqua gignitur aër, & ex aère ignis, & rursum ex igni aër, & ex aère aqua, in orbem ire generationem ideo dicimus, quia rursum eodem

redit. reciprocaturq;. Quare & recta horum latio, circula-  
 rem imitata lationem continens existit. Adhæc ex hisce  
 colliquet id, quod nonnulli addubitant, cur cum corporum  
 quodque ad suum feratur locum, in tempore infinito cor-  
 pora diducta, separataq; non fuerunt. Nam mutua in se  
 se migratio, huiusce rei causa existit. Si enim in suo quoda-  
 que loco mansisset, nec à uicino fuisset transmutatum, iam  
 iam separata forent, atque discreta. Transmutantur igitur  
 ob lationem, quæ duplex est: & quia transmutationem  
 subeunt, fieri non potest ut ex ipsis ullum aliquo in loco  
 statuto maneat. Quod igitur generatio sit, atque corruptio,  
 & quam ob causam, & quid generabile, & corruptibile,  
 ex hisce quædiximus, manifestum est. Cum autem sit ne-  
 cesse quippiam esse mouens, si futurum est ut sit motus,  
 quemadmodum antea dictum est in alijs, & si motus sem-  
 per sit, semper esse quippiam mouens: & si continuus,  
 unumidemq; & immobile, & ab alteratione, generatio-  
 ne uel immune: & si plures sint motus circulares, plura  
 quidem, sed omnia hæc quodammodo sub uno esse princi-  
 pio necesse sit: & cum tempus sit continuum, motum esse  
 continuum, siquidem fieri nequit ut sit tempus sine motu,  
 tempus profectò continui cuiuspiam numerus erit. Eius  
 igitur, qui in gyrum sit, sicuti in hisce, quæ initio diximus,  
 præfinitum est. Sed utrum motus ideo sit continuus, quia  
 id quod motum subit, continuum sit: an quia id, in quo sit  
 motus, locus, inquam, aut affectus? Palam sanè est, motum  
 ideo continuum esse, quia id quod mouetur, cōtinuum est.

Nam quo pacto continuus est affectus, nisi quia res ea,  
 cui accidit, continua est? Si uerò & quia id in quo, hoc  
 soli loco competit, quippe qui magnitudinem quandam ha-  
 beat: è magnitudinibus autem sola circularis continua est,

adeò

adeò ut ipsa sibi semper continua sit. Corpus igitur circulare quod ferri assolet, motum facit continuum: motus uerò, tempus.

Quæstiones quinque. Et de resurrectione opinio Platonis, atque Peripateticorum. CAP. XI.

**C**um autem in hisce, quæ per ortum, alterationem uel aut omnino transmutationem continenter mouentur, hoc post, hoc deinceps esse, ac oriri intentum ut non desiciant, uideamus utrum quippiam sit quod erit necessariò, an nihil. sed omnia non fore contingat, considerandum est.

Palàm enim est, quòd nonnulla. Atque continuò fore, & esse futurum, hac de causa, diuersa sunt. Nam de quo uerum est dicere ipsum fore, de eo tandem hoc, ipsum, inquam, esse, uerum sit oportet: de quo uerò nunc uerum est dicere, ipsum esse futurum, hoc non fore nihil uetat. Nam tametsi futurum est, ut quispiam ambulet, tamen fieri potest ut non ambulet. Omnino autem cum ex entibus nonnulla & esse, & non esse contingat, quod & ea quæ gigni solent, ita sese habebunt, & non necessariò erunt, apertum est. Vtrum igitur uniuersa sint eiusmodi, an non, sed aliqua simpliciter fore necessarium sit, & sicut in ipso esse fit, ut quedam non possint non esse, quedam possint non esse, sic & in ipsa quoque generatione? Verbi gratia, solstitia fore necesse est, nec fieri potest ut non contingant. Si igitur prius fore necesse est, posterius erit, ut si domus, fundamentum, si uerò fundamentum, lutum: non ne ergo si fundamentum factum est, domum quoque fore necesse est: an non adhuc, nisi & eam fore simpliciter necesse sit? quod si hoc sit factò fundamento, fore domum necesse est. Nam si prius sese habet, ad posterius. Qua de causa si hoc erit, ante fore illud, est necesse. Si itaque est necesse fore posterius, prius

Hic nonnulla  
dubitationes  
soluit Arist.



quoque necesse est: & si prius, & posterius. Verum non ob illud, sed quia necessario futurum supponebatur. In quibus ergo posterius esse necesse est, in hisce recurrit, semperque si prius est factum, posterius fore necesse est. Quod si deorsum uersus, in infinitum abeant, haudquaquam ex posterioribus hoc fore simpliciter, sed ne ex suppositione ne quidem erit necesse: nam semper aliud ante necessario erit: quocirca & illud fore necessarium erit. Quare si infinitum non sit principium, nec primum quicquam erit, ob quod fore erit necessarium. At uero nec in hisce quidem quae finem habent, atque terminum, hoc uere dici continget, simpliciter, inquam, fore quippiam, seu domum, cum factum fuerit fundamentum. Nam cum fuerit factum, nisi semper eam fieri sit necesse, semper id esse quod potest non esse, eueniet. At in generatione semper sit est necesse, si ipsius generatio necessario sit: nam necessario & semper simul sunt: quod enim esse est necesse, non potest non esse.

Quare si quid necessario est, sempiternum est: & si sempiternum est, necessario est. Si itaque huiusce generatio necessario est, sempiterna est: & si sempiterna, necessario.

Si igitur generatio cuiuspiam necessario simpliciter sit, in orbem eat, eodemque reuertatur necesse est. Nam generatione, aut terminum habere, aut non habere necesse est: & si non habeat, aut in rectum, aut in circulum. Horum autem, si sempiterna sit, in rectum minime possibile est, quia nequaquam sit principium, neque deorsum, ut in futuris accipimus, neque sursum, ut in hisce quae iam facta sunt. At esse principium, si finita non sit, atque eam sempiternam esse, necesse est. Quocirca circulari sit, est necesse. Igitur regressum fieri necesse erit. Ut si hoc necessario sit, ergo & prius: at uero si hoc, & posterius fore erit necesse: atque hoc

hoc semper continuè : nihil enim refert per duo, an plura hoc dicamus. Igitur necessariò simpliciter circulari motui, atq; generationi competit. Et si in orbẽ fiat generatio, fore quodq; esse factum necesse est : & si necesse sit, horum generationis erit. Hæc itaq; non sine ratione accidunt, posteaquam motus ille circularis, atque cœlestis perpetuus est : nam hæc necessariò fiunt, & erunt quæcunque huiusce motiones sunt, et quæcung; propter hunc fiunt motū. Nam si id quod in orbem mouetur, aliqua semper moueat, eorum quoq; motum circularem esse necesse est, ut si supera latior orbita sit, sol orbita mouetur. Quoniam autem hoc pacto mouetur, hac sanè de causa anni tempora in circulum fiunt, redeuntq;. Quæ cum ita fiant, omnia profectò quæ sub ipsis sunt, haud secus fient. Curnam igitur quædã ita fieri uidentur, nempe circulatim oriri, ut pluuia & aër (nam si nubes erit, pluuiat etiam oportet, & si pluuiat, nubẽ quoq; fore conuenit) homines uerò, & animalia in sese non redeunt, remeantq; ita, ut idẽ rursum oriatur? non enim si pater sit, te fore, sed illũ, si tu sis necesse est: hæc autẽ generatio in rectũ proficisci uidetur. Rursum autẽ hoc cõsiderationis initium sumatur, simili ne modo uniuersa redeant, an non, sed quædã numero, quædã specie solũ? Quorũ igitur substantia motũ subiens incorruptibilis est, ea omnia, ut patet, etiã numero eadem redire solent: nã motus id comitari solet, quod motu cicitur. Quorũ uerò non, sed corruptibilis, specie, non item numero, reuerti necesse est. Quocirca cũ ex aère aqua fit, & ex aqua aër specie idem, non numero, redit. Quòd si & eadem numero aliqua redeant, non tamen ea quorũ substantia ortum subit, eiusmodi existens, quæ non esse possit.

LIBRORVM DE GENERATIONE ET  
CORRUPTIONE FINIS.

D 5 MET

## M E T E O R O L O G I -

C O R V M A R I S T O T E -  
L I S , L I B E R I .

Francisco Vatablo interprete.

*Argumentum ex Alexandro.*

Nitium faciens sublimium, quæ Meteorologica dicuntur, primùm nos commonefacit eorū, quæ in consideratione de Natura, simulq; ordinem præscribit nobis totius naturalis negotiationis, tum eius, quæ absoluta fuit, tum quæ deinceps exponenda sit. Primùm autē Physicæ auscultationis meminit, quæ prima pars totius operis de Natura est. In illa enim de primis principiis & causis Naturæ, deq; omnib<sup>9</sup>, quæ communiter ad interpretationem de motu conducunt, differuit. Deinde operis de Cælo meminit, in quo in summo corpore, quod conuertitur, dispositi, quot & qualia sint, sermonem fecit, appellatq; supremā lationem, tanquam diceret extimam, & circularem agitationem. Nam in ea ipsa Sideris dispositio habetur, de quo corpore, & quod à quatuor simplicibus, elementaribusq; corporibus aliud sit, & quod ingēnitū sit, ac incorruptibile, quodq; augmentū, alterationēque non suscipiat, in primo eius operis volumine exposui. Sed & de elementis corporeis eo ipso in opere docuit, & quot sint, & quænam sint. Siquidē ostendit uniuersa quinq; esse, & quæ sint ea: nam quatuor illa supra quintū corpus, quod circulo vertitur, habetur: atq; hæc totius elemēta sunt. Appellat autē corporea elementa, ad differentiā materiæ & formæ, quæ & ipsa elementa cū sint, & principia omniū, corpora tamen non sunt, adeoq; hisce quatuor priora sunt: quapropter simpliciter elemēta sunt. Tertiō meminit partis ei<sup>9</sup>, quæ de generatione, & corruptione inscribitur. In hac enim de primorū corporū mutua in sese mutatiōe est locus, proposita prius quoq; de iisdē quæstione libro tertio de Cælo, quā hīc absolutam, ac perfectā tradit. Sed & de cōmuni generatione, corruptione; istic disserit, tum ipsam esse ostendens, & quid sit,

quodue



quòue pacto ab aliis mutationibus differat. Quartam consi-  
 tuit præsentem negotiationem, quã de sublimibus inscribit,  
 quando, ut ipse ait, Maiores omnes Meteorologiã hãc par-  
 tem naturalis philosophiæ appellauerunt. Porro autẽ phy-  
 sicam traditionem, scientiamq; methodum appellauit: atq; hu-  
 iusce partis esse de iis contẽplari, quæ secundum naturã fiãt  
 quidẽ, ordine tamen inferiore, quàm quæ de primo elemen-  
 to corporeo. Primũ corporeũ elementũ appellãs orbicula-  
 re, & cœleste corpus: ordinẽ inferiorẽ quàm quo latio cœli  
 peragitur, quòd nõ idem ordo exquisitus per naturã, in diui-  
 no corpore cernatur, & in iis, quæ ab ipso sunt. Quod autem  
 ait in propinquisimo potissimũ loco, perinde est, ac si dicat  
 minore ordine præditã, quæq; maximẽ eo loco fiat, qui sit ui-  
 cinus astrorũ lationi. Quis autem hic locus sit, aut quẽnã mi-  
 nore cũ ordine gerãtur, ex iis, quæ natura fiunt, ipsemet ostẽ-  
 dit, cùm ait, ut Lac, & stellæ Crinitæ, & imagines tum ignitę,  
 tum morũ obtinentes, quales sunt stellæ volitãtes dictę: siquĩ-  
 dem ea in loco fiunt diuino corpori uicino: at absq; ordine  
 fiunt. Post hãc ordinẽ habere uidentur, quæcũq; passiões  
 aëri & aquæ cõmunes sunt, cuiusmodi sunt impressiões, &  
 trãparentiæ, quarũ utraq; aëri & aquæ inest per quæ mani-  
 festa euadũt, quæ de facibus, ac pareliis traduntur, & quæ de  
 halo atq; iride, & si quæ hisce sunt similia. Subiungit quæ ter-  
 ræ genera, & partes, atq; earũ ipfarũ partium passiões finit:  
 partes terræ fortẽ dicens, quæ ad ortũ, aut occasum, septen-  
 trionẽ, aut meridiẽ uergunt: genera uerò, quatenus alia caua  
 subtus est, aut laxa, alia solida atq; cõpacta, & si quæ sunt aliæ  
 hisce similes ipsius differẽtiæ. Passiões quoq; exhalationes  
 nimirũ appellat ex ipsa sublatas, & aquarũ cõtentionẽ, ac spi-  
 rituũ: è quibus exhalationes sanẽ nubiũ causę efficiuntur, &  
 pluuiarũ, itẽ grandinis, & niuis, pruinæ, ac roris, tonitruum,  
 ac fulgurũ, & tum uentorũ, tum eorundem differentiarum.  
 Nam iuxta differentias terræ partiũ, uentorũ etiam differen-  
 tiæ habentur: contentiões autẽ aquarũ sanẽ, fontium initia  
 sunt: spirituũ autem, terræ motus. Quod deinceps inquit, &  
 omnium, quæ ex horũ agitationibus cõficiantur: sensum ha-  
 bet, deq; aliis, quæ fiunt per passiões partiũ ac specierũ ter-  
 ræ. Non enim spirituũ tantũ, & terræ motus meminit, neq;  
 dũ ait, quæ ex horũ agitationibus cõficiũtur, de duobus his-  
 ce solis id intelligit. Nam propria quædã à uentis, & terræ  
 motibus

motibus symptomata oriuntur: ueluti cum dissidet terræ, sonus editur, tranquillitas uentorū præcessit: hæc in terræ motibus fiunt. A uentis autē, uelut Cæciā eō nubes propulsare unde fiat, reliquis uentis in contrariū pellentibus. Aut ex horū agitationibus cōficiuntur, nō solum de terrę partibus, ac speciebus, sed de omnibus corporibus, quæ post diuinū corpus sunt locata, dixit. Siquidē in Cometis, ac stellis cadentibus, itē in fascibus, & pareliis nonnulla symptomata uidere licet ipsoꝝ motiones cōsequētia. Nā quæ in his geruntur, dubitationē habet, uelut quo pacto fiat iris, aut ob quā causam aqua maris falsa sit: alia medio criter assequimur, uelut de nubī cōstitutione, deq; ipsarū in aquā mutatione. Nā de huiuscemodi, si nō exactā doctrinā facere possimus, non tamen ipsoꝝ generationem prorsus ignoramus. Quod dein cept sequitur. Præterea de fulminū lapsu, de typhonibus, & præterib<sup>9</sup>, aliisq; encyclicis, quæcūq; cōgelatione fiunt, affectionibus, hæc nō ita accipiēda sunt, tāquā fulmina, & typhones, ac præteres per cōgelationē fiāt, sed de iis dici, quæcūq; per motū patibilīū corpoꝝ euenire solēt, cūm nōnullæ per cōgelationē quoq; passiones fiāt, de quibus ipsis dicendum esse ait. Cæterū cōgelatioue fiunt nix, grādo, pruina. Encyclica autē dixit, aut ipsa quatuor corpora, quorū generatio mutua circulo fiat, aut ipsas affectiones circulares, quæ & ipse circulo fiūt quotānis redeūtes. His autē peractis, rursus proponit, quānā sit de rebus naturalibus expositurus post sublimiū traditionē, & de animalib<sup>9</sup>, atq; plātis tū uniuersaliter, tū singillatim cōtēplationē promittit. Qua parte historiā quoq; de anima cōplectitur, & quæ de sensū, ac sensibili est consideratio: itē quæ de somno, ac uigilia, & de diuinatione per insomnia, iuuentute, ac senectute, lōgitudine, ac breuitate uitæ, aliisq; id genus ab eo sunt tradēda, quæ omnia ad cōsiderationē de animalibus relationē habēt. Et alia quidē communē de animalibus cōtēplationē cōtinent, ueluti est, quæ de animalibus inscribitur historia, deq; eorundē generatione, ac partibus: itē de cōmuni animalīū motione, deq; ipsoꝝ gressu: alia unicuiq; propriā, ueluti de memoria, & somno, & quæ p somnia fit diuinatione. Nā quæ in hisce disseſcuntur, pleraq; oīa homini insunt soli. Rē, quæ ab initio tractāda proposita fuerit, appellat naturalīū rerū cōtēplationē totā perstringere. Eādē rationē probādī appellat, quod nō nudam

ad hanc historiam rerum in illis proposuit, sed abditas earum causas est scrutatus, adhibitis scilicet efficacibus demonstrationibus: ad quem modum sequetur quoque expositionem facturum se esse profiteretur.

Eorum, quæ hactenus dicta sunt, & quæ deinceps sit descripturus, expositio.

CAPVT I.



E primis igitur naturæ causis, ac omni naturali motu, & insuper de stellis supera in latatione pulchre, recteque dispositis, nec non de corporeis elementis, quot, & quæ sint, & de mutua eorum transmutatione, ut de ortu, ac interitu communi, dictum est

Hic Aristot. quæ hactenus dicta sunt, & quæ deinceps dicturus est, cōplectitur.

antea. Restat autem adhuc quædam huiusce discipline portio contemplanda, quam priores uniuersi Meteorologiam, id est, eorum quæ fiunt in sublimi scientiâ, appellabant: cuiusmodi sunt, quæcunque per primi elementi corporum naturam quidem, sed quæ tamen minus sibi constet, in eo potissimum loco eueniunt: qui in conuersionis stellarum uicinia situs est: uerbi causa, de lacteo circulo, cometis, ostentis conflagrantibus, discurrentibusque, necnon de hisce quæ aëri, & aquæ promiscuas esse affectiones affirmare possumus: & insuper de hisce, quæ terræ species, ac partes, aut earundem affectus existunt: ex quibus, uentorum, ac terræ motuum causas contemplabimur, & omnium quæ, dum ea mouentur, cooriri solent: inter quæ alia addubitamur, alia modo quodam attingimus. Super hæc de fulminum casu, typhonicibus, præsteribus, cæterisque circularibus affectibus, qui corporum concretionem eorundem obueniunt. Quibus pertractatis, speculabimur si quid de animalibus, ac plantis tam uniuersim quam seorsum dicere, uia & ratione, qua cœptum est, queamus. Ferè enim his dictis, res uniuersa, quæ de agere ab initio instituimus, finem erit affecuta. Sic ergo sumpto



sumpto initio, de ipsis prius dicamus.

Quod cœlum causa sit effectrix impressionum apparentiumq; de quibus est tractaturus, aqua uerò ac terra materiam præbeant. Et quod terra comparatione circumstantium corporum parua sit existimanda. CAP. I.

Hic Ari. quæ diuersitas cœtinētiæ sit inter cœlum & terram, ostēdit.

**C**um enim ante definitum sit à nobis, unum quidem principium de numero illorū corporum esse, ex quibus natura eorum constet, quæ in orbem committant, & alia corpora quatuor ob principia totidem esse, quorū duplicem esse motum, alterum è medio, alterum ad medium dicimus: atq; cum hæc sint quatuor, nempe ignis, aer, aqua & terra, quod super hæc omnia inuenitur esse igne, quod subsidet terrā, duo etiam esse quæ perinde ad illa inter sese habeant (nam aer igni inter cætera proximus existit, aqua terræ) totus profectò mundus terræ undiq; incumbens ex hisce constat corporibus, circa quem quæ consingere solent affectiones, sumi oportere censemus. Est autē necessarium mundus iste supernis lationibus fere continuus, ut indulus eius uniuersa regatur. Ea siquidem causa, prima putanda omnibus est, unde motus principium existit. Adhæc quæ perpetua est, nec motus finem ratione loci habet, sed in fine semper est. Quinetiam hæc omnia corpora certis discretis sunt spatijs. Quare ignem, & terrā, & quæ hisce cognata sunt, eorum quæ in inferiore mundo contingunt, ut in genere materiæ eorum quæ sunt, causas existimare addecet: quod enim subiicitur, patiturq; hoc nuncupare modo consueuimus. Sed quod ita causa est, ut unde principium motus: ad eorum uim, quæ assidue mouetur, referendū est. Reperitis igitur positionibus, definitionibusq; quas prius diximus, de lacteo circulo, cometis & cæteris, quæ hisce cognata sunt, edisseramus. Dicimus itaq; ignem, aërem, aquā, & terram, ex sese mutuo gigni: & eorum perinde quodq; in quoq;

quoq; potentia inesse, ut & ceterorum, quibus unum quipiam, idemq; subijcitur, in quod ultimū resolui solent. Principio igitur addubitauerit quispiā de uocato aëre, quā eius naturam in mundo terræ circumfuso sumere oporteat, & quem sibi ille uendicet ordinem ad reliqua, quæ elementa corporū nuncupantur. Siquidem quanta sit terræ moles ad ambientes magnitudines, haudquaquam obscurum est. Iam enim per syderalis scientiæ theoremata deprehensum à nobis est, terram esse multò item quàm stellis quasdam, minorē. Aquæ uerò naturā, nec congregatā in unū, sequestratamq; cernimus, nec fieri potest ut ab eo, quod circa terram situm est, corpore separetur, scilicet à manifestis maris partibus, fluminibus, & si qua est altitudo profunda, quæ nobis manifesta non sit. Itaq; quod inter terram, stellasq; in ultimo locatas interpretet, utrum unū quoddam esse natura corpus an plura existimandum est? Et si plura sint, quotnam sunt, & quæ sint locis determinata. De primo igitur elemento nobis prius dictum est, quibus sint uiribus, & cur totus ille, qui circa lationes supernas existit mundus, illo corpore differtus est. Quæ opinio non modò nostra est, sed prisca quedam, maiorumq; existimatio esse uidetur. Nam quē uocamus æthera, antiquam sibi adnotauit appellationē, quam Anaxagoras idē quod ignis uocabulum significare, putasse mihi uidetur: quippe qui & superas mundi partes igni plenas esse, & uim quæ inibi esset, æthera uocare censuit: quod quidem approbē fecit. Nam corpus quod assidue currit, simul & diuinum natura existimasse nisi sunt, & quod esset eiusmodi, æthera nuncupare, tanquam nulli eorum, quæ hīc uisuntur, idem foret, definierunt. Non enim oportet opiniones mortalium easdē semel, aut iterum, aut iuxta quempiam paruum numerū redire dicamus, sed infinities.

Qui

Qui autem id quod ambit, & non corpora solum, quæ lationem subeunt, esse purum ignem aiunt: quod uerò inter terram, stellasque intercedit, aërem: ij, si quæ nunc Mathematicis rationibus abundè demonstramus, fuissent speculati, forsitan ab hac puerili opinione destitissent. Est enim animi perquam simplicis, putare singula quæ motu ciètur, ideo pusilla esse magnitudine, quòd nobis hinc aspicientibus appareant eiusmodi. Ergo tametsi uel antea inde supero loco contemplationibus hac de re dictum sit, eandem tamen rationem in præsentia quoque dicamus. Nam si & interualla ipsa forent oppleta igni, & corpora ex eodem constarent, dudum cætera alia euaniissent, periissentque elementa. At uerò nec aëre solo plena sunt interualla. Nam tum aër communis rationis æqualitatem ad corpora eiusdem seriei, haud paruo exuperaret. Etiam si locus, qui inter cælum terramque interhiat, elementis duobus sit oppletus: quandoquidem terræ moles, quæ totam etiam aquæ copiam complexa est: nullius (propè dixerim) particule rationem subit, ad ambientem magnitudinem. At molis excessum in tanta fieri magnitudine haudquaquam uidemus, ubi ex aqua secretionem subeunte aër confit, aut ex aëre ignis. Sed quam tantilla ac perexigua aquæ portatio rationem habet ad aërem, qui ex ea cooritur: eandem & tota aqua ad totum aërem habeat est necesse. Nihil autem interest, si quis ea non ex sese uicissim gigni, æquas tamen uires habere dicat. Nam hoc pacto uirium æqualitatem, magnitudinibus eorum competere perinde est necesse, atque si ex sese mutuò gigneretur. Patet igitur, neque aërem solum, neque interpatentem oppleuisse locum.

Quæstiones, Quomodo ignis & aër ordinentur ad cælum.  
Quare qui à superioribus astris in vicina terræ loca fit calor,



lor, vehemētor sit, quā in aëris regione media, aut suprā.  
Et cur in summa aëris regione nubes nō fiant. CAP. III.

**R**eliquum est autem allatis ante dubitationibus dicamus quonam pacto elementa duo, aër, inquam, ac ignis, ad primi corporis postum sita sint. Et quam ob causam calor à supernis stellis ad loca, quæ sunt circa terram, profuatur. De aëre igitur prius locuti, sicuti admonuimus, dicamus deinceps etiamnum de hisce rursum. Itaq; si ex aëre aqua cooritur, & ex aqua aër: quanam de causa nubes supero in loco non consistunt? Nam eo magis interibi nubes cōsistere addecebat, quo longius à terra locus ille distat, & algidior est, propterea quòd neq; adeò prope stellas existat, quibus calorigifica uis inest, neq; prope radios à terra refractos, qui quòd seruore caloris constitutiones segregent, uapores in nubem cogi prope terram uetant. Etenim nubium astrictiones ibidē fieri solent, ubi iam radij propterea desinunt, quòd in uastum aërem effundantur, disperganturq;. Igitur aut non ex quouis aëre aqua fieri assolet, aut si ex quouis similiter fiat, qui circa terram est, non modò aër, sed ueluti uapor existit. Proinde in aquam rursum cogitur. At uerò si uniuersus aër tantus existens sit uapor, aëris naturas, & aque multum excedere uidebuntur, si supera interualla corpore quodam plena sint, nec fieri possit, ut igni, propterea quòd asiccata iam forent cætera omnia, sed reliquæ sit, ut aëre oppleta sint, & quòd telluri undiquaque adiacet aqua: nam uapor non nisi aque secretio existit. Ad hunc igitur modum, de hisce addubitatum sit. Nos autem quæ simul, & ad mox dicenda, & ad nunc dicta conducant definiētes, dicamus. Quod enim supero in loco consistit, & ad lunæ globum usque porrigitur, corpus esse diuersum ab igni, & aëre, dicimus. Verum enimuerò in eo alius magis,

E

alius

Hic Aristor.  
quæstiões ali-  
quot de igni  
& aëre mo-  
uer.

alius minus purum esse, ac syncerum, differentiaeq; sortiri, et in primis qua desinendo, ad aërem, mundumq; terræ circumquaque incumbentem peringit. Cum autem primum elementum, et corpora quæ in eo sunt, in orbem feruntur, semper id quod ex infæro mundo, ac corpore illi continuum est, ut motus disgregatum accenditur, atque calorem efficit. Sic autem mente concipiamus addeceat, hinc item sumpto exordio. Nam corpus, quod superæ conuersioni subest, ueluti materia quedam, quæ potentia sit calida, frigida, arida, et humecta, ceterasq; alias omnes affectiones, quæ has comitantur, subeat, sit, ac est eiusmodi ratione motus, et immobilitatis: cuius causam principiumq; diximus antea. Grauißimum igitur corpus, atque frigidissimum terra, inquam, et aqua, in medio, et circa medium segregata existunt. Circa quæ illa quoque sunt, quæ hisce hærent, aër scilicet, atq; id, quod quamuis ignem assueuimus appellare, ignis tamen haudquaquam est. Siquidem ignis caloris exuperantia, ac ueluti feruor existit. Verum aduertere oportet, eius quod à nobis aër dicitur, uocaturq;, quod uaporem referat, terræq; exhalationem habeat, partem unam, quæ circa terram est, ueluti calentem, humidamq; esse: alteram, quæ superior est, calidam iam esse, atque aridam. Nam uaporis natura humecta, calidaq; est: exhalationis, calida, et arida. Estq; uapor, potentia ut aqua: exhalatio, potentia ut ignis. Cur igitur nubes supero in loco nota consistant, hanc esse causam existimandum est, inibi non aërem solam, sed potius ignem esse. Nihil autem uetat per lationem quoque orbicularem præpediri nubes, quò minus supero in loco consistant. Nam circumfundens aër uniuersus, quicumque non intra eam capitur circumferentiam, quæ efficit ut tellus tota rotunda sit, fluat est necesse:

esse: uidemus enim nunc quoq; in stagnantibus terre locis  
uentos cooriri, qui etiam montes altissimos haudquaquam  
transcendunt. Diffluit autem in orbem, prolabiturq; aër,  
quod cum ipsius uniuersi conuersio secum trahat, rapiatq;  
Nam ignis supero elemento, aër autem igni continens est.  
Ex quo etiam fit, ut motus inhibeat, quò minus in aquam  
concreseat aër. Verum semper quæcunq; aëris particula  
pondus habere coeperit, extruso in superum locum calido,  
deorsum ruit: & alia in parte sursum una causa exhalante  
igni emicat. Ac ita continuè, aère aliud, aliud igni opple-  
tum perseuerat: & eorum quodq; aliud subinde, atq; aliud  
euidit. Quòd igitur nec nubes supero in loco fiant, nec in  
aquam concretio, item quonam pacto de loco inter stellas,  
terramq; medio sentire oporteat, & quonam sit locus ille  
corpore diffractus, tot dicta sint. At de calore genito, què  
Sol prestare solet, magis quidem per se, & exactè conue-  
nit in commentario de sensu dicere. Nam calor, affectio  
quædam sensus existit. Sed quam ob causam oriatur calor,  
cum corpora illa cælestia haudquaquam eiusmodi suapte  
natura sint, dicendum nunc quoque. Videmus itaque mo-  
tum posse aërem segregare, atq; incendere, intantum ut se-  
pius, & quæ motu ceniunt, liquefieri uideantur. Vt igitur  
tempor gignatur, atque calor, Solis latio duntaxat, satis est  
efficere. Nam & celerem esse lationem, nec longius ab-  
esse oportet. Stellarum igitur latio celeris est, sed abun-  
dè procul. Lune uerò, deorsum quidem est, pigra tamen.  
At solari lationi utraque hæc abundè competunt. Porro ca-  
lorem unà cum ipso Sole potissimum gigni consentaneum  
est rationi, sumpta ab hisce, quæ hîc fiunt, similitudine.  
Etenim cum quædam hîc ui feruntur, uicinus aër maxime,  
calidus effici solet: id quod haud sine ratione contingit.



Nam solidæ rei motio, ærem in primis segregare potest. igitur tum hanc ob causam caloris feruor ad hunc pertinere locum assolet: tum quòd ignis ærem complexus, motionis ratione crebriter segregetur, dissipeturq; atq; uideor sursum feratur. Quòd autem superus locus nec calidus sit, nec ignitus, uel stellarum discursus sufficienti sunt indicio: illic enim non fiunt, sed infero in loco: quanquam quæ ualidior motu cientur, ut ocyus, ita plenius ignoscere solent. Adhæc Sol ipse, qui calidus cum primis esse uidetur, candidus apparet, non igneus.

Flammæ cur in summo aëre appareant. CAP. IIII.

Hic Arist. de ignis, & aëris in ordine ad cælum determinat.

**H**is autem pertractatis, quam ob causam flammæ ardentes, & stellæ discurrentes, & uocari à quibusdam torres, & capræ circa cælum uisuntur, dicamus: hæc enim omnia idem sunt, atq; eadem de causa, intensiōe tamen ac remissione disparantur. Horum autem, & aliorum complurium principium, est hoc. Incallescere namq; à Sole terra, halitum fieri non simplicem, uti quidam putant, sed geminum, necessarium est: alterum, uaporesum magis, alterum magis spiritosum: humidi quidem halitus: quòd in terra, & super terram existit, uaporem: terræ uerò præaride existens, anhelitum humidum: è quibus, qui spiritosus est, cum caloris beneficio inuehi: qui uerò humentior, subsidere ob grauitatem. Et propterea id omne, quod à lunari ambitu terre circumfunditur undiq; eleganter hoc pacto digestum est. Nam statim sub ipsa cœli conuersione situm est, quod calidum, aridumq; est, quem nuncupamus ignem: si quidem nomine uacat, & cuiuslibet fumidæ secretioni competat: attamen quia quod tale est, ex omni corporum genere maxime succedi, ac cōflagrare suapte natura potest, ideo sic uti nominibus est necesse. Sub hac uerò natura, collocat

tus est aër. Nosse autem oportet hanc ueluti succensionem, quam nunc ignem diximus, circa eius sphaera extremum, quæ terram ambit, extensam esse: quo fit, ut cum exiguum forte fortuna motum nacta fuerit, sæpe fumi modo inardescat. Nam flamma, feruor est spiritus aridi. Talis igitur constitutio, cum à circulari motu aliquo pacto agitata fuerit, qua potissimum parte ardori concipiendo idonea, accommodaq; est, eatenus succenditur. Succensionis itaq; positi, aut multitudine, discrimen obuenire solet. Nam si longitudinem, latitudinemq; habeat succensio, sæpius uidetur flamma collucens, propemodum ita ut in aruis fit succensis calamis. Sin autem longitudinem duntaxat habeat, tum fiunt quos uocant torres, necnon capræ, et uagæ utcunq; stelle. Nam si in longitudinem magis, quam in latitudinem succensio porrigatur, cum quasdam ueluti scintillas dispuere uidetur, et interim ardet: quod quidem ideo contingit, quia minutatim quidem, sed priore parte ignem obiter excipit: id est, quod capra nominatur: cum uero hac affectione caret, torris. Sin uero exhalationis longitudo in multis simul, et exiguae partets disseminata sit, et latitudo, atq; crassitudo se consimiliter habeant, tum fiunt quæ creduntur uulgò uagari stelle. Interdum igitur exhalatio, motionis opera deflagrans, ea ipsa gignit. Interdum ab aëre ob refrigerationem consistente, calidum secernitur, extruditq;. Unde etiam fit, ut eorum delatio projectioni magis quam incessioni assimuletur. Dubitauerit enim quispiam, utrum stellarum excursus haud aliter proueniât, quam lucernæ subdita exhalatio è flamma supera inferam lucernam reaccendit (mira enim est eiusce rei celeritas, ac iactui assimilis: nec perinde fieri uidetur, quasi alius, ac alius subinde oriatur ignis) an corporis cuiuspiam eiusdè projectiones existant?

Mihi sane uidetur, eos præter utrumq; fieri: Nam & perinde fiunt, ut flammæ ardentis lucernæ per fumum in extinctam irruptio lucernam efficitur: & nonnulla, quod extrudantur, ideo proijci solent, ceu nuclei, qui è digitis elabuntur, dissiliuntq;: adeo ut in terram, mareq; deferri tum noctu, tum interdum, cum sudum fuerit, uideantur. Sed in partem elabuntur infernam, propterea quod densatio propellens, ea deorsum uersus excutiat. Proinde ipsa quoque fulmina in præceps ferri solent: hæc enim omnia secretio, quæ extrusionis ratione committitur, non incensso, gignere solet: quippe cum natura calidum omne, insitum habeat ut sursum uersus feratur. Quæcumque igitur superiore in loco consistunt, conflagrante fiunt exhalatione. At quæcumq; in inferiore, secretionem exhalationis proueniunt, quod ea cum sit humidiuscula, frigescat, atq; coagmentetur. Nam hæc cum coit, spissaturq; deorsum uergendo, id propellit, ac contorquet infernæ, quod caloris est particeps. Ratione uerò potius, utcumq; exhalatio suo in situ forte fortuna latitudinem habuerit, atq; altitudinem, ita demum aut sursum, aut deorsum, aut ad latus commeat. Sed magna ex parte in obliquum, quod duabus cieatur lationibus, ut quidem, infernæ: natura autem, supernæ, cuncta enim eiusmodi per dimetientem lineam ferri solent. Quocirca & discurrentium stellarum delatio magna ex parte obliqua redditur. Omnium igitur horum causa, tanquam materia, est exhalatio. At tanquam mouens, interdum supera latio, interdum, aeris concresecit coagulatio. Hæc autem omnia infra lunam fiunt. Argumento est ipsorum celeritas, eorum motui per similes, quæ à nobis iaciuntur, lacertisq; nostris contorquentur, quæ uidentur planè multo, stellis, luna, sole, mare celerius: quod non procul à nobis distent.



Imaginum multarum, uelut hiatuum, fouearum, colorum  
 cruentorum nocte apparentium causæ. CAP. V.

**P**orro multa in cælo quandoq; phantasmata, uisq; con- Hic Arist.  
 sistere cernuntur; nec nisi nocte serena, uelut hiatu, phantasmatu  
 foueæ, colores sanguinei: quorum omnium eadem quoque causas osten-  
 causa existit. Nam cum palam superus aer adeò consistat  
 ut flagret, & incendium quandoque emergat eiusmodi, ut  
 flammam ardere quandoq; ut quasi torres, aut stellas pro-  
 currere arbitremur: nihil est absurdi, si aer idem concre-  
 scens uarios præferat colores. Nam tam lumen minus per  
 densius transparens corpus, quam aer refractionem susci-  
 piens, colorum uarias, ac multiplices faciet uisiones. In pri-  
 mis uerò punicei, et purpurei: quod hi potissimum mistura  
 ignei, candidiq; alteri superindito, temperari soleant. Indi-  
 cio sunt stelle, quæ si oborientes, occidentesq; per æthum,  
 aut alioqui per sumum spectentur, punice apparent. Idem  
 quoq; refractione efficiunt, cum speculum fuerit eiusmodi,  
 ut nequaquam figuram, sed colorem suscipiat. Sed cur hæc  
 paruo tēporis spatio edurent, constitutio, quæ citò absumit-  
 tur, in causa est. Hiatu autem lumine interrupto, cerulei,  
 atrique coloris interuentu, efficit, & aliqua uideatur inesse  
 profunditas. Atq; ex eiusmodi etiā torres frequenter exci-  
 dunt: nimirū ubi amplius concreuerit. Sed cum adhuc coit,  
 hiatu uisionē ingerit. In summa atrum candido permistū,  
 ceu flamma fumo, multas colorum uarietates committit. In-  
 terdiu igitur sol eos fieri prohibet. At noctu cæteri præter  
 puniceum, quia concolores sint, uisum defugiunt. Igitur stel-  
 larum transcurentiam, eorū quæ incendio fiunt, & omniū  
 in supero ostentorum, quæ sunt eiusmodi, ut repentinas in-  
 gerant uisiones, has esse causas putare operepretium est.

De Cometis, priscorū opiniones, ac solutiones ipsarū. CAP. VI.

Hic Arist.  
priscorū opi-  
niones de Co-  
metis ponit,  
soluitq;.

**P**orro de Cometis, & uocato lacte edisseramus, allatis prius ad ea, quæ ab alijs dicta sunt, dubitationibus. Anaxagoras igitur, atque Democritus Cometæ esse asserunt, stellarum errantium coapparitionem, cum, quia propius accesserint, sese tangere mutuo uidentur. At eorum nonnulli, qui Italiam habitant, Pythagoreiq; uocitantur, cometen è stellis errantibus unam esse dicunt: uerion non nisi longo interposito tempore comparere in coelo, & parum ab Sole digredi. Id quod etiam Mercurij stelle obuenit. Nam quia non admodum ab Sole recedit, sepe cum se uisendam præstare deberet, occultatur. Proinde non nisi longo tempore interiecto cerni solet. Hippocrates autem ille Chius, & eius discipulus Aeschylus, non secus quam hi dixere, uerum non à sese habere comam, sed dum errat, interdum eam ratione loci assumere, dicunt: nimirum, cum ab humore, quem ad se attrahit, Solem uersus aspectus noster refrangitur: quia uerò inter cætera, sydera tardissime à Sole relinquitur, non nisi plurimo temporis interiecto, ita demum apparere, ut cum eodem ex loco, toto suo circulo relictum ab Sole cernitur: ac ipsum ab Sole descri, & ad austrum, & ad Septentriones. In intermedio igitur tropicorum loco, aquam ad sese non attrahere, quod ea ibi ob Solis lattonem feruore caloris absorpta sit. Cum uerò ad austrum accedit, talis humoris copia perfrui. Verum quia supera circuli portio parua est, infera lōge maior, nō posse aspectum hominis refractum, ad Solem peruenire, siue is austrino tropico propinquus feratur, siue in æstiuo solstitio existat. Quocirca nec in hisce quidem locis cometen ipsum gigni. At cum ab Sole ad aquilonē digressus fuerit, comam accipere: quia circuli portio, quæ supra horizontem est, magna sit: quæ uerò subter, exigua: tūc enim aspectum ho-  
minis

minis ad Solem facile pertingere. Hisce autem omnibus euenit quædam communiter, quædam separatim impossibilia dicere. Primò igitur, qui cometen, è stellis errantibus unam esse astruunt, impossibilia dicunt. Nam stelle uagæ omnes, ab Sole in signifero relinquuntur. Ac comete non pauci extra signiferum uisi sunt. Deinde & plures uno sæpe simul facti sunt. Adhæc si ob refractionem comam haberent, quæ admodum Hippocrates, & Aeschylus aiunt, aliquando syædus hoc etiam citra ullos crines apparere oportuit: quandoquidem & ad alia loca ab Sole digreditur: cæsariem autem non ubique gestat. Nunc autem præter quinque illas stellas, nulla in Cælo uisa est. Sed hæc frequenter simul omnes supra horizontem eleuata uisuntur. Nec minus comete: cum omnes hæc quinque apparent, quam cum non apparent, sed quædam Solem subeunt, plerumque facti conspiciuntur. At uerò ne id quidem uerum est, cometen sub ipso septentrione solum fieri. Insuper & Sole circa æstiuum solstitium existente. Nam & magnus ille cometes, qui haud ita multò antè factus est, quam Achaia terræ motu quateretur, & in eam maris inundatio introrumperet ab occasu æquinoctiali emicuit. Et in austrina cæli regione multi iam facti sunt. Porro magistratum gerente Athenis Eucle Molonis filio, mense Ianuario, Sole circa solstitium hybernum existente, in regione cæli sub septentrionibus, crinitum syædus apparuit: quamuis & ipsi affirmant, fieri non posse ut tanta refractione fiat. Commune autem est hisce, & illis, qui cometen stellarum errantium coniunctionem, atque contactum esse astruunt, primò quidem è numero stellarum cælo adherentium nonnullas comam accipere. Qua in re, non Aegyptijs modò præstanda fides est (nam & illi id aiunt) sed & nos uidimus. Nam stella quædam ex hisce, quæ in



canicule coxa sunt, comam habuit, languidam tamen, atque obscuram. Qui enim eam intentis oculis aspectabant, splendorem agnoscebant exiguum: qui uero sensim conspectum in eam quasi obiter iactabant, maiusculum. Adhuc quotquot nostra tempestate uisi sunt, sine occasu supra horizontem euanuerunt, paulatim ita emarcescentes, atque abstracti, ut nec unius stelle corpus, nec plurimum reliquerint. Nam & magnum illud sydus, quo de supra mentionem fecimus, tempore hyberno, rigente gelu, atque caelo sereno, uesperis, Aristeo Praetore apparuit. Ac prima quidem die uisum non est, quod ante Solis occasum delituerit, postea autem apparuit: nam quam minima fieri potest distantia, Solem reliquit, & mox occubuit. Lumen uero ad tertiam usque coeli partem instar saltus porrigebatur, unde & uia nomen accepit. Porro ad usque baltheum conscendit Orionis, inibiq; dissolutum fuit. Atqui Democritus opinionem suam astruere contendit. Nam post cometarum dissolutionem sydera quaedam fuisse conspecta asseuerat. Ad hoc haudquaquam interdum fieri, interdum non fieri, sed semper oportebat. Praeterea ipsi quoque Aegyptij stellas errantes, tam inter se quam cum fixis, coire aiunt. Atque ipsi iam semel atq; iterum uidimus louis stellam in Geminis existentem, quandam subiisse, ac eam occultasse: sed cometen factum, nequaquam. Insuper, & ratione hoc ipsum patet. Nam stelle tametsi maiores, minores ue apparent, attamen per se indiuidue uidentur esse. Ut igitur si indiuisibiles essent, suo contactu magnitudinem haudquaquam maiorem redderent: sic etiam cum indiuisibiles non sint, sed appareant, suo coitu, ac concursu nihilo maiorem præferre molem uidebuntur. Quas igitur de ipsis causas diximus falsas esse, etiam si non per plura,

at per

at per hæc, abundè perspicuum est.

De cometis, eorum causis, ac differentia. CAP. VII.

**C**VM autem de hisce, quæ sensui peruiâ non sunt, satis esse iuxta rationem demonstratum putemus, si ad id quod fieri possit, ea reduxerimus, ex hisce quæ in presentia dicuntur, existimauerit quispiam de hisce maxime ad hunc modum usu uenire. Supponimus enim mundi terræ circumfusi primam eam omnem partem, quæ orbiculari subest lationi, exhalationem esse calidam, aridamq; . Eâ autem, & insuper æris, quæ suo in sinu fouet, ac ambit, haud parum circularis latio, ac motus secum circa terram rapiat, uersatq; . At interim dum illa fertur, ac mouetur hoc pacto qua forte fortuna fuerit bene temperata, sæpe incenditur: ob quod, & illos sparsorum syderum discursus fieri dicimus. Cum igitur ob superiorum corporum conuersionem in eiusmodi densitatem igneum inciderit principium, neq; tam uehementer multum, ut continuò, & diu exurere queat, neq; porrò tam debile, ut statim extinguatur, sed ualidius, & quod diutius possit permanere, simulq; continget ut subuolet in eum locum probè temperata exhalatio, aptaq; ut incendatur: tum id, sydus crinitum sit, quamcunq; figuram surrecta exhalatio contraxerit. Nam si undique similis fuerit, cometes (id est stella crinita, & comarum modo in uertice, hispida) nuncupatur. Sin autem oblonga, pogonius (quasi dicas, barbata, & cui inferior ex parte in speciem barbe longe promittitur iuba) uocantur. Vt autem huiusmodi latio, stelle latio: sic & statio, stelle statio uidetur esse. Idem enim prope modum fit, ac si quispiam torrem, aut paruum ignis principium, in palearum cumulum, aceruumq; immiserit, atq; iniecerit. Nam & stellarum discursus, huic rei persimilis

Hic Arist. de cometis, eorumq; diuersitate determinat.

lis apparet. Citò namque ob succensa materia accommo-  
dantiam, in longitudinem sequela quadam serpit. Itaque si  
id eduravit, nec transeundo emarcuerit, qua potissimum  
parte succensio denset, lationis profectò initium, excursio-  
nis fiet finis. Tale est & crinitum sydus, utpote quod, non  
aliter quàm stelle, discursus, principium in se, finemq; ha-  
beat. Cum igitur constitutionis principium in ipso inferio-  
re loco existit, per se cometes apparet. Cùm autem sub ali-  
qua stella aut errantium, aut coelo affixarum, motionis  
opera constiterit exhalatio, tum ex hisce quæpiam sit co-  
metes. Nec enim coma ipsis adheret stellis, sed sicuti co-  
rona circa solem, ac lunam apparent, sydera ipsa quamvis  
aliò demigrent, sequentes, ubi aer adeò densatus est, ut hæc  
affectio sub solis itinere fieri queat, sic & astris ipsis co-  
ma, ceu corona existit. Verum corona, tali colore ob re-  
fractionem insignitur. At coma, colorem quem præferunt  
in sese habent. Cùm igitur iuxta stellam aliquam talis con-  
cretio facta fuerit, cometes eodem quo stella motu ferri vi-  
deatur est necesse. Cùm uerò per se constiterit, tum substa-  
dens, & relicta uidetur. Nam latio mundi, qui circa ter-  
ram est, agnoscitur eiusmodi. Hoc autem maxime insi-  
nuat cometen non esse perinde ut coronam, refractionem  
quãdam, quæ in succensione pura, ac nitida ad sydus ipsum,  
aut, quemadmodum Hippocrates affirmat, ad ipsum solem  
fiat, quòd & plerumque cometes per se, & sæpius quàm  
circa stellas quasdam definitas fieri soleat. Sed de arcæ,  
hoc est corona, posterius causam dicemus. Quòd autem  
igneæ sit cometarum constitutio, hinc coniectare licet. Nā  
si plures fiant status, & scalores portendunt: perspicuum  
enim est eos ideo gigni, quòd eiusmodi secretio redundet  
intantum, ut necessario aer aridior efficiatur, & subla-  
tum



tum humidum copia exhalationis feruide adeò discutia-  
tur, ac dissoluatur, ut non facîle consistere, ac densari in li-  
quorem possit. Sed de hac item affectione dilucidius sumus  
dicturi, cum loquendi de flatibus tempus affuerit.

Cum igitur crebri, ac plures apparent, sicuti dicimus,  
aridus admodum, & flatuosus redditur annus. Cum ue-  
rò rariores, & magnitudine non perinde insigni conspi-  
ciuntur, haudquaquam ex æquo tale quippiam fieri solet:  
uerum enimuero excessus quidam flatuum uel in duratio-  
ne, uel in magnitudine, magna ex parte cōmittitur. Quan-  
doquidem & cum lapsi ille, qui apud Aegopatomos osten-  
ditur, ex aëre cecidit, uento sublatus excidit interdiu, co-  
mete quoq; illis noctibus flagrante. Atq; circa id tempori-  
s, quo magnum illud crinitum sydus apparuit, sicca fuit  
hyems, & aquilonia. Necnon ætus ille maris, qui Achaiam  
inuasisit, ob flatuum contrarietatem factus est. Nam sinum  
ipsum aquilo occuparat: & extra, ingens spirabat auster.  
Præterea Nicomacho Athenis imperante, circa æquinoctia-  
lem circulum paucis diebus comites apparuit, exortu suo  
nequaquam uesteri facti: quo adhuc regnante uentum il-  
lum, qui circa Corinthum debacchatus est, factum esse ac-  
cidit. Cur autem plures non fiant comete, nec sæpe, curq;  
extra tropicos potius fiant, quam intra, in causa est solis,  
astrorumq; latitudo, quæ non modò calidum secernit, uerum  
etiam id segregat, quod consistit. In primis uerò causa exi-  
stit, quòd in lactei circuli regionem plurimæ exhalationes  
congregentur.

De Circulo lacteo Priscorum opiniones. CAP. VIII.

**I**am uerò qualiter, & quam ob causam fiat lac, necnon  
quid sit, dicendum est. Sed prius quæ ab alijs de hoc quoq;  
dicta fuere, percurramus. Quidam igitur ex his, quos

Hic Aristot.  
priscorū opi-  
niones de la-  
cteo circulo  
refert.

Pythag

Pythagoreos uocitant, uiam esse hanc aiunt. Alij cuiusdam astri de coelo lapsi, iuxta coeli conflagrationem, quam sub Phaëthōte serunt accidisse. Alij solis, quem per hunc circulum aliquando ferri dicunt. Hunc igitur locum ueluti combustum, aut quampiam aliam id genus affectionem passum esse, ab eorum latione uolunt. At illud perabsurdum est, non animaduvertere, si ea foret causa signiferum quoque, & quidem potius, quam lactis circulum, haud aliter affectum esse oportere: quippe cum erroneos omnes, & non sol duntaxat, in eo serantur. Totus autem circulus nobis est conspicuus: semper enim eius semicirculus nocturno tempore apparet, sed nihil id genus subiisse uidetur: nisi si qua ipsius particula lacteo circulo sese applicuerit.


Anaxagoras uerò, atque Democritus, lac esse quorundam syderum lumen asserunt: solem enim dum sub terra fertur, ex stellis quasdam non aspicere. Quaecunque igitur ab sole aspiciuntur, earum lumen non uidetur: inhiberi enim à solis radijs. Quibuscunque autem tellus ipsa obsecit, quominus à sole aspiciantur, harum proprium lumen esse lac aiunt. Sed quod impossibile sit, patet. Nam lac, assidue idem in eisdem existit astris: apparet enim maximus circulus. Quae autem stelle à sole non aspiciuntur, semper diuersae sunt, propterea quòd sol haudquaquam in eodem maneat loco. Oportebat igitur migrante sole transferri & ipsum lac: nunc uerò hoc fieri minime uidemus. Adhuc si, quemadmodum in coelestium rerum contemplationibus demonstratum est, ita sese habeat, & solis magnitudo maior sit quam terrae, & distantia stellarum à terra multiplicatio maior sit, quam solis ab eadem, quemadmodum solis à terra, quam lunae maior est alicubi non procul à terra turbo ille, qui à sole initium sumit, radios committet, coniungetque: nec ter-

re umbra, quam noctem appellant, ad astra pertinget, sed solem sydera omnia circumspicere, & eorum nulli terram obfistere, necesse est. Est autem præterea de lacte tertia quedam opinio. Quidam enim, lac ipsum perinde atque crinitum sydus, esse refractionem nostri aspectus ad solem, dicunt. Sed & hoc fieri nequit. Nam si & uidens, & speculum, & totum id, quod conspectui obuiam est, quiescant, in eadem speculi parte, eodem uisionis portio apparebit. Sin uerò speculum, & res conspecta in eadem ad id quod uidet acquiescit distantia, sed inter se nec æquè celeriter, nec eodem semper intervallo moueantur, fieri profectò non poterit, ut eadem uisio in eadem speculi parte conspiciatur. At stelle, quæ in lacteo circulo feruntur, & sol quem uersus refractionis fit, & similiter, & ex æquo à nobis distantes, & à seipsis autem minime, manentibus nobis mouentur. Interdum siquidem media nocte, interdum diluculo, exoritur Delphin: Lactis autem partes, eadem in unaquaque manent. Atqui non oporteret, si lac emphasis atque uisio esset, imò ne in eis quidem locis hæc foret affectio. Præterea noctu in aqua, & id genus speculis lac spectantibus apparet. Sed qui fieri potest, ut tum aspectus in aduersum, solem uersus refrangatur? Patet igitur ex hisce, lacteum circumulum neque meantium ullius uiam, neque stellarum quæ non uidentur, iubar, neque refractionem esse. Hæc autem sola ferè sunt, quæ ad hoc usque æui ab alijs tradita sunt. Nos uerò resumpto quod subiecinus principio, dicamus. Dictum enim est prius extremam aeris particulam uim ignis habere, ut aëre motus opera discreto, constitutio secernatur eiusmodi, qualem crinita item sydera esse dicimus. Operæpretium autem est intelligamus, tale quippià fieri, quod in illis, cum ipsa talis secretio haudquæquam



quàm per se, sed sub aliqua stella, aut coelo adfixa, aut er-  
 rantis fuerit facta. Tum enim eiusmodi cometae cernuntur,  
 propterea quòd stellarum lationem sequantur, perinde at-  
 que solem talis secretio, in qua per refractionem, coronam  
 apparere dicimus, ubi forte fortuna fuerit ita temperatus  
 aer. Quod autem circa unam stellam contingit, id circa to-  
 tum coelum, superamq; lationem uniuersam fieri accipia-  
 mus oportet. Nam si unius stellae motus succendere queat,  
 non etiam fuerit absurdum cunctarum lationem, tale quid  
 committere, ac ignem excitare, praesertim in qua coeli parte  
 densissime, & plurimae, & maximae sunt stellae. Igitur si-  
 gnifer ob solis, & erronum lationem, huiusmodi constitu-  
 tionem tenuat, ac dissoluit. Proinde plerique cometae extra  
 tropicos fiunt. Praeterea neque circa solem, neque circa lu-  
 nam coma fieri solet. Nam ocyus eiusmodi concretionem  
 discernunt, quàm ut consistere queat. Ipse autem circulus,  
 in quo lac spectantibus apparet, & maximus est, & ita si-  
 tus ut positi tropicos haud parum excedat. Adhuc locus  
 ipse maximis, splendidissimisque stellis, & in super hisce quas  
 sparsas nuncupant, oppletus est (quod & oculis cernere li-  
 cet) adeò ut his de causis assidue, ac semper tota haec coa-  
 ceruetur concretio. Cuius rei signum est: Nam in huius cir-  
 culi parte altera, quae candorem duplicato maiorem prae-  
 fert, maius lumen est: in hac enim maiores, densioresq;  
 stellae sunt, quàm in altera: quasi non alia ulla de causa in-  
 bar, quàm ob stellarum lationem, fiat. Nam si hoc in cir-  
 culo fiat, in quo plurimae sunt stellae, & huius ipsius circu-  
 li magis in ea parte, quae multis, ac magnis stellis diffarcta  
 apparet, hanc esse causam affectionis familiarissimam exis-  
 timare par est. Sed tum circulum, tum stellae, quae in eo  
 sunt, ex descriptione contemblemur.

Quas



Quas autem sparsas uocitant, non licet in pilam ad hunc intrudere modum, quod nullam ulla unquam habeat positionem, quæ oculo notari possit: id quod in cæli aspectantibus dilucidum est: in hoc enim circulo solo, quæ inter latera iacent, stellis plena sunt eiusmodi: in alijs uerò circulis, stellis, ut patet, huiusmodi uacant. Quare si causam cur comete appareant, quasi mediocriter dictam recipiamus: ex de lacteo candore haud aliter habere sentiendum est. Quæ enim ibi affectio circa unam stellam existit, hanc eandem circa circulum quempiam effici contingit. Estq; lac ipsum (ut ita dixerim) ueluti definitum, facta per secretionem maximi circuli coma. Et proinde (ut iam dictum est) non multi, ne sæpe sunt comete, quod talis constitutio in

F

hunc

hunc semper locum, & continuè excreta sit, & per singulas excernatur circuitiones. De hisce igitur, que in mundo terræ circumfuso, qui supernis adheret lationibus, fieri solent, de stellarum discursu, flamma ardente, & insuper de crinitis syderibus, ac uocato lacte, dictum est: tot enim ferè sunt affectiones, quæ circa huncce locum apparent.

Hic Arist. de  
causis pluuiæ,  
deq; nubis, &  
caliginis dif-  
ferentia, de-  
terminat.

De causis pluuiæ, nubisq; ac caliginis differentia. CAP. IX.  
**D**E loco uerò ab isto positione secundo, à terra uerò primo (hic enim promiscuus aquæ, & aeris locus existit) & hisce, que in superiore eius parte contingunt, agendum est. Oportet autem & horum principia sumamus. & causas omnium similiter. Principium igitur ut mouens, præcipuumq; & omnium primum, circulus ille est, in quo manifestè solis latitudo, quæ segregat, congregatq; eo quòd terræ propius, remotius ue fiat, generationis, atque corruptionis causa existit. Manente terra, humor qui circa eam est, in uaporem à solis radijs, & ab alio calore superno conuersus, in sublime tendit. Calore uerò, cuius opera surrigebatur, uaporem deferente, atque altero in superum locum disperso, altero etiam extincto, quod longius in aërem, qui super terram est, euehatur: uapor, frigore contracto ob caloris destitutionem, atque loci naturam, rursus consistit, & ex aëre fit aqua, quæ postea quàm genita est, rursus in terram deferitur. Est autem halitus, qui ex aqua ortum habet, uapor. Qui uerò ex aëre in aquam mutari solet, nubes. Nebula autem, nubis in aquam concretæ superfluitas. Proinde, serenos dies potius, quàm pluuios, potest tendit: quippe quæ ueluti nubes infœcunda, & semine exhausta existat. Circulus autem iste, solis circulum imitatur: simul enim ille ad latera, & ista sursum & deorsum mouetur. Atq; considerasse oportet hunc ueluti summum aeris.



et aque promiscuum, in orbem sursum ac deorsum fluere. Nam cum sol prope terrā fertur, uaporis fluuius in sublimē effluit: cum uerō se dimouit, aque fluuius in terram defluit: quod citra ullam intercapedinem haud absq; ordine fieri solet. Quare si priores Oceani nomine, inuolucris causa utebantur, hunc fortassis fluuium dixerint, qui circa terram fluit. Humore autem semper in alium uel caloris scandente, et rursus deorsum ad terram ob refrigerationem ruente, contingentibus affectibus, et eorum quibusdam differentiis propriē nomina posita sunt. Nam cum minutim descendit, stille cum per partes maiusculas, pluuia nuncupari solet.

Roris, ac pruinæ causæ.

CAP. X.

**E**X eo autem, quod interdum euaporat, quantumcunque attolli in sublimē nequiuerit, ob caloris ipsum eleuantis, ad uaporem qui surrigitur, paruitatem, cum rursus descendit concepto per noctem frigore, ros et pruinā uocatur. Pruinā quidem, cum uapor fuerit ante congelatus, quam rursus in aquam concreuerit. Fit autem per hyemem, et potissimum frigidioribus in locis. Ros uerō, cum in aquam uapor fuerit densatus, et nec tepor tantæ uiret habuerit, ut quod sublatum sit, asiccare: nec itidem frigus, ut ipsum uaporem gelare, propter uel loci, uel temporis naturam calentiorem quiuerit. Ros enim per temperiem magis, inq; temperaturibus locis nasci solet: pruinā, ut dictum est, contrā. Constat enim uaporem aqua esse calidiorem: quippe qui subleuantem adhuc ignem habeat.

Quare pruinæ concretio ad frigiditatem pertinet maiusculam. Fiunt autē ambo, non nisi serena nocte, et à uentis silente. Nam neq; cum sudum, serenūq; non fuerit, atque tolletur quicquam, neq; spirante uento consistere poterit.

F 2

Que

Hic Aristot. de roris & pruinæ causis determinat.

Quæ ideo fieri, quia uapor non longè à terra surrigatur, indicio est, pruinam in montibus non gigni. Huius rei due sunt causæ. Vna hæc est, quod è locis humilibus, & aquosis in sublime attollitur. Proinde calor euehens, quasi qui pondus ferat maius, quàm suis congruat uiribus, in locum admodum altum surrigere illud nequit, sed haud procul à terra rursum dimittit. Altera, quod aer, qui in locis editioribus est, maxime fluit, agiturq; atq; constitutione eiusmodi dissoluit, ac dissipat. Fit autem ubiq; ros stãte austro, non aquilone, præterquàm in Ponto, ubi contrà usu euenit. Nam spirante aquilone, ros fieri solet: austro, nõ solet. Causa autem similiter habet atq; illud, quod temperatis, nõ hybernis temporibus ros gignitur. Etenim temperiem auster importat, aquilo hyemem: algidus enim est, quare exhalationis calorem suo frigore extinguit. At in Ponto non tantam temperiem cõmittit auster, ut uapor coariri queat. Sed aquilo frigore suo circũobstans, calorem congregat, adeo ut calor maior uehementius uaporem eliciat. Quod etiam extra Pontum fieri, sæpenumero cernere licet. Nam putei flante aquilone quàm austro, largius uaporem euomunt: uerum aquilonij status ante calorem præfocãt, quàm ut ulla uaporis copia consistat: ut austrini exhalationem astringi sinunt. Porro aqua non perinde hîc concrescit, atque eo in loco qui nubes complectitur.

Niuis causæ, & accidentia.

CAP. XI.

Hic Aristot.  
quæ sint ni-  
uis causæ,  
earumq; ge-  
nerationem,  
& accidentia  
declarat.

**T**ria siquidem corpora consistentia ob frigus, aqua, nix, grando, illinc uenire solent: quorum duo pari ratione, ac eisdem de causis, quibus ea quæ sunt non procul à terra, effici assolent, intensiõne tamen, ac remissionẽ, multitudinẽ, & paucitatẽ discrepant. Nix namq; & pruina, item pluua, & ros sunt idem: uerum illud multum, hoc paucum

paucum existit. Nam pluuia fit ex multo uapore frigescen-  
te. Cuius causa est tum loci, tum temporis amplitudo, in quo,  
& ex quo colligitur. Ros uero paucum quid existit: nam  
constitutio, singulorum dierum, & locus, paruus existit:  
quod & ortus celeritas, & parua multitudo significant.

Consimiliter pruina & nix, sese habent. Nam cum nu-  
bes fuerit cōgelata, nix: cum uapor, pruina emergit. Quo-  
circa uel temporis, uel regionis frigide indicium existit:  
non enim, nisi frigus dominaretur, congelasceret: cum mul-  
ta adhuc retineat caliditatem. In nube naq; multus adhuc  
calor inest, qui ex eo superest igni, qui à tellure humorem  
in uaporem conuersum sustulit. At grando illic quidem fit:  
in quo autem loco uapores non longè à terra inuehuntur,  
hæc deficit. Nam (sicuti diximus) ut illi nix, ita hîc, pruina:  
item ut illic pluuia, ita hîc ros nasci assolet. Sed ut illic  
grando, ita hîc simile nullum è regione assignari potest: cu-  
ius causa, cum de grandine dixerimus, erit perspicua.

Grando ubi generetur, & quo tempore magis. C. A. P. XI.

**S**umere autem simul oportet, & quæ circa eius ortum  
contingant, & quæ haudquaquam seducant, quæq; haud  
præter rationem esse uideantur. Grando naq; glacies est:  
concreuit autem aqua per hyemem. Ipse uero grandines  
uere, & autumnio potissimum fieri solent, deinde & æsta-  
te, hyeme autem rarer, & tum cum non admodum ma-  
gnum fuerit frigus. Atq; in totum grandines, in locis tem-  
peratioribus fiunt: niues, frigidiusculis. Metas autem egre-  
ditur rationis & illud, aquam supero in loco congelari.

Nam neq; fieri potest, ut aqua antè conglaciata sit, quàm  
ortum subierit: aut per ullum temporis spaium in sublimi  
suspensa maneat. At uero neq; prout stillæ ob paruitatem  
superne insident, atque in aëre uersantur, perinde ut ipsæ

Hic de gran-  
dine Aristo-  
determinat.



quoque aqua, saepe terra, & aurum ob partium subtilitatem innatant, sic in aëre pluuia inuehitur. Cōeuntibus autem compluribus paruis, magnæ stille decidunt. Quod grandini obuenire nequit: non enim concreta, liquidorum more, coalescere queunt. Quòd aqua tanta in alto mansisset, liquet: nam aliqui haudquaquam tanta fuisset congelata.

Sunt igitur quibus huiusce affectus, ac generationis causa, hæc esse uideatur: nubem cum in superiorem locum, qui iccirco frigidior est, quòd solarium radiorum à terra reflectiones inibi desināt, fuerit propulsa, perueneritq; illuc in aquam densari. Quocirca & æstate, inq; æstuantibus locis, grandines gigni potius uolunt: quòd tum calor longius à terra nubes sursum uersus propellat. Contingit autem in locis admodum editis, grandinem nequaquam fieri: quamquam illic fieri oportebat, uti & niuem in altis fieri locis maxime uidemus. Præterea saepe uisæ sunt nubes circa terram cum ingenti sono ferri, adeò ut id terrorem incuteret hisce, qui audiebāt, uidebantq; quasi maius quippiam esset futurum. Interdum autem & postquam eiusmodi nubes absq; sono apparuerunt, sit grando multa, & magnitudine incredibili, & figura nequaquam globosa: propterea quòd eius delatio tempore paruo absumatur, tanquam prope terram facta concretionem, & non perinde ut illi aiunt. At uerò necessarium est, potissimam concretionis causam, magnæ efficere grandines: siquidem grando glacies est, id quod cuius perspicuum existit. Magnæ autem sunt, quæ nequaquam rotundam habent figuram: quod argumento est, grandines non procul à terra concreuisse. Nam quæ eminus decidunt, circumfractæ, quòd per longum ferantur interuallum, ut figura rotundæ, ita magnitudine minores euadere solent. Patet igitur concretionem non ideo euenire

nire, quòd nubes in superiorem locum, qui multo frigore riget, propellantur. At cùm hic mutua calidi, ac frigidi pugna, antiperistasin fieri uideamus (ob quod ut æstuate tempore subterranea loca, frigida sunt, ita gelante calida) hoc ipsum in supero quoque loco fieri putandum est. Proinde frigus tempore calidiusculo, introrsum per antiperistasin coactum ob circumdantem calorem, interdum celeriter aquam è nube facit. Quocirca & multò maiores stille, & aque impetuosiores, æstuantibus diebus quàm hyberno tempore fiunt. Impetuosiores nanque dicuntur, cùm densiores ex alto ruunt: quod profectò euenire solet ob concretionis celeritatem. Hoc autem ipsum contrà fit, quàm Anaxagoras dicat. Is etenim nubem, cùm in frigidum ascendit aërem, hoc pati asserit. Nos uerò ubi descendit in calidum: & tum maxime, cùm in maxime calidum. Cùm autem frigus adhuc magis in profundum coactum fuerit ab exteriori calore, quàm fecerit, aquam congeliat magis, emergitq; grando: quod accidit ubi aque in inum lationem congelatio anteuertit. Nam si aqua tanto in tempore descendat, & frigus, cùm sit uehemens, in minori congelauerit, nihil uetat aquam, cùm adhuc eræt in sublimi, fuisse gelatam, si gelatio breuiori, quàm delatio, tempore absoluitur. Item quò propius, ac repenti magis concretio facta fuerit, eo & aque impetuosiores, & stille, atque grandines maiores euadunt, quòd per breuem feranur locum. Grandesq; stille, non dense cadunt eadem de causa. Minus autem grando æstate, quàm uere, aut autumno, magis tamen quàm hyeme fieri solet: quòd aër per æstatem sit aridior, uerno tempore adhuc humidus, autumno iam humescat. Fiunt autem (quemadmodum diximus) grandinos etiam circa æstatis calcem

haud alia de causa. Nonnihil autem facit ad concretionis celeritatem, præcedens aque concalsfactio. Quandoquidem quæ prius incaluit, ocyus refrigerari assolet. Quocirca multi cum calidam celerius refrigerare uolunt, prius insoleant. Item accolæ Ponti cum supra glaciem domunculas extruunt, quod piscium uenatui incumbant (uenantur enim, intercissa glacie) aquam calidam arundinibus circumfundunt, quod celerius duretur in gelu. Nam glacie ut plumbo utuntur, quod immotæ persistant arundines: consistens autem aqua, calida celeriter efficitur in feruidis regionibus, temporibusq;. Fiunt etiam circa Arabiam, & Aethiopiam per æstatem, & non per hyemem, aquæ: eaq; impetuose, ac eodem die sæpe, eandem ob causam. Nam per Antiperistasin, quæ ob uehementem regionis æsum committitur, citò rigent. Sed de pluuia, rore, niue, pruina, grandine, quam ob causam fiant, quenam item sit eorum natura, tot à nobis dicta sint.

De Ventis, Fluuiis, ac Fontibus.

CAP. XIII.

Hic de uentis,  
fluuiis, & fontibus  
Aristo.  
determinat.

**D**E uentis autem, flatibusq; omnibus, & insuper de fluuiis, ac mari, allatis prius de hisce aduersus nos ipsos dubitationibus, dicamus. Nam ut de cæteris alijs, sic & de hisce, nihil eiusmodi à maioribus dictū accepimus, quod non uel quibus dicere queat. Sunt autem qui aërem motum subeūtem, fluitantemq; esse uentum, & hunc eundem consistentem nubem, rursum, aquamq;: tanquam eadem sit flatus, & aquæ natura, necnon uentum motionem aëris asserant. Quocirca & ex eorum numero, qui doctè loqui uolunt, quidam uentos omnes unum esse uentum aiunt, quia omnem aërem, qui motum subeat, eundem, atque unum esse contingit. Sed cum nullam subeat differentiam, uideri tamen differre, propter loca unde semper fluit.



fluit. Perinde dicentes, ac si quis omnia quoque flumina, unum esse flumen putet. Quocirca plerique citra inquisitionem melius dicunt, quàm qui disquisitione adhibita ad hunc dicunt modum. Nam si tam amnes, quàm flatus uniuersi ab uno corriuarentur primordio, forsitan qui ita dicunt, quippiam dicerent. Sin uerò hic, & ibi similiter res habeat, lepidè quidem hoc dictum esse, non tamen uerè, perspicuum existit. Quandoquidem hoc congruam habet considerationem, nempe quid sit uentus, quo pacto nascatur, quid uentum moueat, unde sit uenti exordium, & utrum haud secus, quàm è uase quodam effluere uentum accipere oporteat: idq; tantisper fieri, dum uas sit inanitiū, quasi ex utre disiliret, an perinde ut ipsi quoque pictores uentos depingunt ex seipsis flatus initium emittentes. De fluuiorum autem generatione, haud dissimilem quidam habent opinionem. Etenim aquam solaribus radijs leuatam in sublime, cùm plurima rursus, aggregata, congestaq; fuerit in terræ uisceribus, tanquam ex alueo prægrandi erumpere, & aut fluuios omnes ex una, aut alium ex alia scaturire, nec ullam gigni aquam, sed quæ hybernis mensibus in huiusmodi conceptacula collecta fuerit, hanc in annum euadere multitudinem arbitrantur: & ob id, putant maiores semper hyeme, quàm æstate profluere: & quosdā perennes esse, quosdā minimè. Quorum enim congesta aqua ob conceptaculi magnitudinem adeò multa existit, ut sufficiat, nec prius absumatur, quàm tempore hyberno rursus pluuiæ aqua superueniat, absq; ulla intercapedine fluere dicunt. Contra, qui minora habent conceptacula, hos ob aquæ paucitatem antè assiccari, euacuato nimirum uase, quàm celestis superueniat aqua. Atqui liquet, quòd si quis uelit, fisto ante conspectum ueluti susceptaculo, quod per

singulos dies fluentem continenter aquam capiat, atque multitudinem contemplari, tota quæ effluit in annum aqua recepta magnitudine molem terre exuperabit, aut certe parum deficiet. Attamen complura eiusmodi in plerisque terre partibus euenire constat. Verum enimvero absurdum fuerit, si quis non putet eandem ob causam ex aëre aquam etiam in terre uisceribus nasci, ob quam supra terram fieri assolet. Quare si hic aër ad uaporis naturam accedens, ob frigus in aquam densescit: idem hoc ab ea quoque quæ in terra est frigiditate euenire, ac fieri, et non solum aquam eam, quæ in illa sequestrata sit fluere, sed continue fieri censeamus operæpretium est. Præterea dato quod aqua quotidie ortum non subeat, sed in ratione rerum sit, haudquaquam tale esse fluuiorum exordiū, nimirum stagna quedam sub terra semota, ut quidam aiunt, oportet: sed ut in eo quoque, qui est supra terram, loco, exigue aspergines coagmentantur, quæ rursus alijs coeunt, et tandem copiosus imber decedit, sic etiam in terra grandiores guttas ex paruis factas stillare primum, necnon fluuiorum principia esse, quasdam ueluti scaturigines aquarum, quæ in unam aliquam terre partem concurrant. Quod experientia ipsa declarat. Nam qui aquæ ductus struant, scrobibus, atque cuniculis aquam deducere, tanquam ab excelsis sudante terra, solent. Quocirca et annuum fluxus et montibus corriuari cernuntur. Atque plurimi, et maximi amnes, et maximis defluunt montibus. Pari modo et montibus, locisque excelsis uicini sunt fontes plurimi: in planis uero, latisque campis pauci admodum sine fluuijs fiunt. Montana siquidem et edita loca, tanquam spongia quedam locis incumbentia humilibus, paucillatim quidem, sed multis ex partibus effundunt, stillantque aquam. Nam et magnam aquæ ex alto cadentis

cadentis copiam intra se admittunt (quid enim interest, con-  
cauā ne sit, & supina, an deuexa, & prona montium cir-  
cunferentia: utroq; enim pacto equalem corporis molem  
amplectetur) & uaporem egredientem in sublime frigefa-  
ciunt, rursumq; in liquorem cogunt. Quocirca annium  
maximi (sicuti diximus) ē maximis profluere montibus ui-  
dentur: quod hisce, qui terræ habitus contemplantur, per-  
spicuum existit. Etenim uniuersi, quos non contingit dis-  
centes eosdem, & spectatores fuisse, ex hisce, quæ à singu-  
lis percontando acceperunt, eos ad hunc describere mo-  
dum. In Asia igitur ē monte Paropamisio plurimi, maxi-  
miq; amnes defluere uisuntur. Ceterum hic, communi con-  
sensu, omnium eorum maximus est, qui ad hybernum uer-  
tuntur orientem. Nam eo iam superato, exterum mare cer-  
nitur, cuius finem, qui citrà incolunt, haudquaquam habet  
perspectum. Ex hoc itaq; inter ceteros amnes, Bactrus,  
& Coaspes, & Araxes defluunt, à quo Tanais, qui pars  
eius est, in Mæotim lacum corriuatur. Fluit etiam & In-  
dus ex eo monte, maximum ex omnibus fluminibus aqua-  
rum agmen euoluens. Ex Caucaſo uerò & pleriq; alij tam  
numero, quàm mole exuperantes defluunt, & Phasis. Cau-  
casus autem mons est eorum, qui ad æstiuum solis exortum  
uergunt, multitudine, pariter atque celsitudine maximus.  
Celsitudinis autem argumentum inde colligi potest. Nam  
tum ab eo loco, quem Bathea (hoc est profunda) Ponti uo-  
cant, tum ab hisce, qui Mæotici lacus ostium nauigio sub-  
eunt, cernitur. Præterea summæ eius partes noctis, mane,  
inquam, & uesteri, ad tertiam usq; partem radijs illustran-  
tur solaribus. Multitudinis uerò, quia cum multis sedes ha-  
beat, in quibus & populos multos inhabitare, & lacus ma-  
gnos esse dicat, attamē eas omnes ad summū usq; cacumen  
cognitas



cognitas esse asserunt. Porro ex Pyrenæo (hic autem mons est Celtice regionis, æquinoctialem occasum spectās) Ister & Tartessus defluunt: hic, extra Herculis columnas: ille, totam interfluens Europam in Pontum effunditur Euxinum. Ex cæterorum autem annuum numero, plurimi ad septentrionem & montibus Hercinijs profluunt, qui tam altitudine, quam multitudine maximi in hoc tractu habentur. Sub ipso autem septentrione ultra extremam Scythiam, montes Rhiphæi appellati, siti sunt: de quorum magnitudine, fabulosa admodum sunt, quæ feruntur. Plurimi igitur, & cæterorum post Istrum fluviorum maximi, inde (ut auiunt) effluunt. Simili autem modo in ipsa quoque Africa, alij, Aegon, atq; Nises ex Aethiopum montibus defluunt: alij, qui inter celebratos maximi sunt, annis inquam Chremetes nomine, qui in exterum mare exoneratur, & Nili fluentum primum & monte, cui Argenteo nomē est, ortum habent. Ex hisce autem, qui Græciam alluunt, Achelous & Pindo, unde & Inachus, effluit. At Strymon, Nestus, & Hebrus, qui tres numero omnes sunt, & Scombro ducunt originem. Multa iidem flumina ex Rhodope cooriuntur.

Atque similiter cæteros quoque annes fluere quispiam deprehendat: uerum testimonij gratia hosce diximus. Quicunque enim annes & paludibus fluere uidentur, ex eiusmodi profectō redduntur, quas serē omnes sub montibus, aut locis, quæ molliter assurgunt, esse sitas contingit. Quod igitur censendum non sit fluviorum primordia baud secus, quam ex sequestratis quibusdam cauernis fieri, cōstat. Nec enim terre locus, ut ita dixerim, sufficeret, quemadmodum nec nubium, si eam duntaxat, quæ est in ratione rerum, fluere oporteret, nec elaboretur una quidē, & altera rursus gigneretur, sed semper ex ea quæ in rerum natura existit,

prom

promeretur. Item illud, ad montium radices fontes esse, testatur locū aquam propterea distributim reddere, quod ea ad exiguum quid, ac paulatim ex multis confluat guttulis. Qua etiam ratione, amnium fontes effici consuevere. Verum enimvero et talia esse loca, ceu stagna, quæ aquarum multitudinem contineant, sed non tanta, ut illud accidere queat, haudquaquā magis fuerit absurdum, quā si quis fluuiorum fontes manifestos esse putet: serē enim ē fontibus plurimi effluunt. Censere igitur stagna, et itidem fontes, uniuersum aquarum corpus esse, simile existit. Quod autem terra taleis habeat hiatus, atq; discessiones, flumina ipsa, quæ sese condunt, declarant: quod quidem multis in locis terræ accidit, ut in Peloponneso: plurima enim sunt eiusmodi circa Arcadiam. Causa autem est: Nam quia montosa est, ex aluēis in mare effluxum nullam habet: oppleta namque loca, et effluxum minimē habentia, amnibus transiunt in inum inueniunt, uim asserente ea, quæ ex alto aduenit, aqua. In Græcia igitur parua admodum talia fiunt. At sub monte Caucaſo stagnum existit, quod accolere mare uocitant, id enim multis fluminibus, ijsq; ingentibus receptis, manifestum non habens effluxum terram subit, ac demum iuxta Coraxos, circa uocata Bathea Ponti, acceptas euomit aquas: hæc autem sunt immensa quedam altitudo maris. Nam nemo unquam uadum, demisso fuit, reperire quiuit. Hic itaq; longē à continenti trecentis serē stadiis, longo tractu, non tamen continuē, sed tripartito, potu lēta reddiūr aqua. Item amnis quidam haudquaquā Rhodano minor, in agro Ligustico absorbetur, rursumq; alio in loco emergit. Rhodanus autem fluuius est, qui non nisi nauigio transiitti potest.

Cur loca ita mutantur, ut ubi prius terræ fuerint,

mutē

nunc flumina sint, & contrā. Et de Cataclysmis in  
vniuersum.

CAP. XIII.

Hic Arist. de  
Cataclysmis  
determinat,  
ostēdēdū quā  
re fluuiorum  
alii perennes  
sunt, alij non.

**P**orro non semper eadem telluris loca, uel aquosa sunt,  
uel arida, sed mutationem iuxta annum ortum, ac des-  
fectum subeunt. Et ideo, quæ continenti uicina sunt, &  
quæ mari permutari solent: nec semper hæc terra, illa mas-  
re omni permanent tempore: sed ubi terra erat, illic mare  
nascitur: & ubi nunc mare est, illic rursum terra erit: or-  
dine tamen quodam ac ambitu, fieri ista existimandum est.  
Horum autem principium, causaq; existit, quod interiores  
quoq; telluris partes, perinde atque animalium, planta-  
rumq; corpora, iuuentutem, atq; senectutem habeant. Vec-  
rum istis hoc per partem subire, nequaquam contingit, sed  
simul totum iuuenescat, atque senescat necesse est: terre  
particulatim hoc idem ob frigus, atque calorem accidit.  
Hæc igitur, accrescere simul, atq; decrescere propter solis  
calorem, conuersionemq; assolent. Qua etiam de causa,  
telluris quoque partes, uireis sibi uendicant differētes.  
Proinde ad aliquod usq; tempus aquosa permanere queūt,  
deinde assiccantur, atque senescunt rursum. Alia porro lo-  
ca reuiuiscunt, & secundum partem aquosa reddi solent.  
Sed cū loca aridiora sunt, fontes deleantur necesse est:  
quæ cū accidunt, amnes primum ē magnis pulsibos fieri,  
deinde tamen inarescere oportet. Quinetiam cū amnes  
aliō commigrant, & hinc quidem euanescent, sed alijs in  
locis pari magnitudinis erumpunt, permutari mare ne-  
cessariō accidit. Vbi enim mare fluuiorum auctu redun-  
dat, inibi, cū recedit, aridam committat necessarium exi-  
stīt: contrā ubi multis scatens fluxibus assiccatur, inibi rur-  
sum, cū accedit, stagnare. At quia omnis, quæ circa terrā  
fit generatio, non nisi successione, & tempore respectu  
uitæ



vite nostræ oppido quàm longo, fieri solet, ista nobis haud  
quaquam aduertentibus sum. Atque prius gentes uniuersæ  
intereunt, pereuntq; quàm horum mutatio ab initio ad fi-  
nem usque memoria teneri queat. Maximas itaq; celeris-  
simasq; clades prælia aduehunt, alias morbi, nonnullas steri-  
litates: & hæc quædam statim magnas, quædam lentas adeo,  
ut talium quoque gentium transmigrations nos lateant:  
propterea quòd alij regionem deserunt, alij eousq; sustinet,  
quoad nullam amplius multitudinē alere regio queat. Inter  
primam igitur, nouissimamq; loci derelictionem, tempora  
interueniant adeò longa par est, ut nemo meminisse possit,  
immo incolumibus etiamnum hisce qui remanserint, longi  
temporis iniuria obliuio irrepserit. Eodem modo latere  
quoque existimandum est, quando primum singuli populi,  
que permutata essent, & arida & palustribus, aquosisq;  
facta, inhabitare cœperint. Hic enim incrementum paulu-  
tim multo in tempore fieri assolet, ita ut memoriam diffu-  
giat quam primam, quo tempore, & qualiter habentibus  
locis uenerint: sicut & circa Aegyptum accidit. Etenim  
locus iste, totaq; regio, que fluminis tantum inuectu nata  
est, semper aridior effici uidetur. At propterea quòd pau-  
latim arescentibus paludibus uicina loca incoli cœpere,  
temporis longitudo initium oblitterauit. Omnia igitur Nili  
ostia, præter unum Canobicum, manu instaurata, nō ab amne  
facta, uidentur. Quinetiam antiquitus tota Aegyptus us-  
be, quam Thebas uocant, constabat: id quod & Home-  
rus declarat, qui non adeò multò (ut ita dixerim) post  
eiusmodi mutationes floruit. Nam loci illius mutationem  
facit, tanquam necdum, aut omnino, aut certe tanta existen-  
te Memphi. Par est autem, id ad hunc contingere modum.  
Siquidem humilia loca mortales posterius incolere cœpe-

runt, quàm edita. Nam ea loca, quæ cæno, quod annis subinde conuehit, uiciniora sunt, diutius palustria sint necesse est, propterea quòd semper extrema plenius allui solent: at id mutatur, atque rursum in melius euadit. Nam quæ inarescunt loca, ad bene habendam properant. At quæ prius erant bene temperata, si insuper assiccantur, tum deteriora fiunt: id quod Græciæ, & circa Argiuorum, & Mycenæorum regionē usu euenit. Etenim Troianis Temporibus, Argiuorum regio, quòd palustris esset, pauculos alere poterat: contra Mycenæorum ager pulchrè habebat, ideoq; honoratior habebatur. Nunc autem ediuersò, ob quam diximus causam. Nam hæc sterilis facta est, atque admodum inaruit: illius quæ tunc erant sterilia, quòd aquis essent obruta, nunc fertilia sunt effecta. Quod igitur in illo loco, qui paruus est, accidit: hoc idem etiam circa loca magna, regionesq; integras accidere censeamus oportet. Sed qui pauca respiciunt, uniuersi mutationem quasi cælum ortum sit, causam esse eiusmodi affectuum arbitrantur. Quos circa & mare ipsum, minus fieri quatenus siccet, aiunt, quòd nunc plura loca quàm prius ita sese habere cernantur. At hoc partim uerum est, partim non uerum. Multa enim sunt, quæ prius erant aquosa, nunc autem continētia addita sunt. Sed & contrà res agitur. Nam si considerare uelint, mare terram multis in locis occupasse cõperient. Attamen huiusce rei causa, ad mundi generationem baudquaquam referenda est. Ridiculum enim foret ob paruas, breuesq; mutationes, uniuersum moueri asserere. Porro terræ moles atq; magnitudo, ad totum cælum nihil profectò existit. Verum horum omnium causam existimemus oportet, quòd ut elapsis certis temporum spatijs, inter anni tempora hyems, ita magno quodā circuitu hyems magna, & imbriū excessus

sus fieri soleat. At hic non semper eisdem in locis efficitur, sed perinde ut uocatum diluuium, quod tempore Deucalionis accidit. Etenim hoc circa Græciam maximè, & eam potissimum partem, quam antiquam Helladæ uocitant, factū est: hæc autem ea regio est, quæ circa Dodonem, & Achæloum existit: hic siquidem multis in locis defluxu mutauit. Habitant etenim inibi Selli, & qui tunc appellabantur Græci, nunc autem Hellenes. Cum igitur talis imbrium exuperantia acciderit, ad longum tempus sufficere censeamus oportet. Item quemadmodum amplitudinem cauernarum, quæ sub terra sunt, causam esse affirmant, cur amnium alij perennes sint, alij haudquaquam, ita nos ipsi excelsorum locorum magnitudinem, eorumq; densitatem, atque frigus, eiusce rei causam esse dicimus: hæc enim atque plurimum receptant, tegunt, gignunt. Quibuscumque autem fluuijs incumbentes montium productiones, pusillæ sunt, aut fungosæ, aut lapidosæ, aut argillosæ: hosce hoc pacto ante deficere putemus oportet, quàm eos, in quos humoris delatio fiat eiusmodi: ut magis queat reddere perennes locorum humiditates: hi enim progressu tēporis assiccari magis uidentur alteri nempe, qui aquis abundant, minus quousq; circuitus eiusdem constitutio redeat. Cum autem sit, necesse quandam esse mutationem uniuersæ. Non tamen ortum, ac interitum, siquidem ipsum permaneat, necessarium est (sicut ipsi dicimus) non semper loca eadem mari aut amnibus humectari, atq; siccescere: quod re ipsa, quæ fieri assolet, liquidò constant. Tota nanque Aegyptiorum regio, quos hominum antiquissimos esse dicimus, facta, ac amnis opus esse uidetur. Idq; regionem ipsam dispicienti palam est. Item quæ rubro mari contermina sunt, id abundè indicant. Nam quidam è regibus, ex eo nauigabilem alueum perducere



in Nilum tentauit: is enim per totum quod inter flumen, & rubrum mare interest ductus, non parua ipsis commoda adferret: quod primus ucterum Sesostris aggressus fuisse memoratur, sed excelsius mare rubrum comperit, quam terram Aegypti. Quamobrem ille prius, & mox Darius fodere desijt, ut ne immisto mari corrumpetur aqua Nili. Patet igitur haec omnia unum mare continuum fuisse. Quocirca & Libya regio illustrata Ammonis oraculo humilior uidetur, atque deprestior, quam subsidentis loci ratio postulat. Perspicuum enim est, quod quia limum, aut quippiam eiusmodi aquarum uis intulit, stagna facta sunt, & tellus arida: quodq; inibi relictis, stagnansq; aqua, successu temporis assiccata, iam prorsus euaniuit. At uero, & quae ad Meoticum lacum pertingunt, amnium conuictu in tantum excreuere, ut naues multo minore nunc, quam anno abhinc sexagesimo, quassus gratia ingrediantur. Quare ex hoc ratiocinari promptum est, quod ut a prima statim origine plerique lacus, ita & hic quoque amnium opus sit, quodq; tandem ut totus assiccetur, sit necesse. Praeterea Bosphorus assidue fluit: quod ille limo operatur. Atque quonam pacto haec contingant, ipsis quoque oculis adhuc contueri licet. Nam postea quam fluxus citra Asiam littus fecerat, quod ab eo ad Asiam interueniebat, paruum initio stagnum efficiebatur, mox inarescebat: postea uero littus aliud citra littus illud, & citra stagnum emergebat, idq; semper ad hunc modum eueniebat similiter. Hoc autem cum saepenumero fiat, necesse fuerit, ut procedente tempore tanquam flumen euadat, quod tandem etiam exsiccabitur. Patet igitur cum tempus nunquam deficiat, & uniuersum sempiternum sit, nec annem Tanaim, nec Nilum semper fuisse, sed loca unde profluunt fuisse

fuisse olim arida : nam eorum opus, terminum habet, tempus non habet. Id quod similiter & de ceteris quoque fluminibus dicere congruet. At uerò si annes ortum habeant atq; occasum, nec semper eadem terræ loca scateant aquis, ipsum quoque mare simili modo mutari oportet, quod cum assidue alia deferat, alia inuadat, patet non semper uniuersæ terræ tractus eosdem, hos mare, illos continentem esse, sed tempore cuncta permutari. Igitur cur eadem telluris partes nec aride semper, nec itidem nauigabiles existant, & quam ob causam ista usu eueniant, similiter, & cur annuum quidam perennes sint, quidam haudquam, dictum est.

# ARISTOTELIS

## METEOROLOGICORVM

### LIBER II.

#### *Argumentum ex Alexandro.*

**L**IBRO primo sublimium, post sermonem de pluvia, niue, pruina, & rore, ac grâdine, proposita disputatione de vêtis, fluminibus, ac fontibus, ite de mari, atque in eodem de fluuijs, & fontibus absoluta, presentem librum à sermone de mari orditur. Et quærit quæ sit eius substantia, atque natura, & quæ sit salædinis aquæ causa, quòue pacto primū hæc fiat. Ac primò, vt & in alijs fecit, hæc de re Maiorū opiniones recenset, examinâtque. Quo loco Veteres atque Theologos appellat eos, qui scientiam de ijs edocturos se profitebâtur, è quo numero Hesiodus fuit, & Homerus, & Orpheus, qui Theogoniam scripsit. Hos ait effingere latices quosdā maris, vt essent ipsi, quæ principia, fontèsque maris & terræ statui possent: & ne ex aliorum quorundā mutatione horum generatio sit, sed propria inertia habeât. Magnificè hi prædicabât de terra, & quæ circa ipsam visuntur: atq; huius gratia reliqua aiebant facta esse, adeòque ipsum coelū vniuersum. Venustius itaque, & magnificètius esse arbitrabâtur, propria

ipsis initia, & veluti radices affingere. Atq; ad hunc modum Theologi, & qui Deorū scientiam profitebantur, de his sermonem habuerunt, quibus præfert eos, qui naturalē profitebantur sapientiam, vellicans illos, tanquam arrogantes, atque superbos. Naturalium itaque sententiam deinceps prosequitur. Hi maris generationem ponunt, nec ingenitū esse affirmant, propriosq; latices habere, quemadmodum Theologi. Et ex his alij dicunt reliquias esse primi humoris, mare ipsum: & cum locus, qui circū terram est, humidus esset, primum humorem à Sole euaporasse, fieriq; spiritus ex eodem, atq; Solis, Lunæq; conuersiones, eo scilicet cōtinuò sese vertentium, vnde humoris, quantū satis est, suppeditari illis possit. Et quod ex eo in cauis reliquū sit, id mare esse. Ea; propter minus identidem effici, à Sole scilicet exiccatum: & futurum tandē aliquando esse, vt omnino siccescat. Huius opinionis fuere, vt Theophrastus tradit, Anaximāder, atq; Diogenes: è quibus hic falsedinis etiam, eandē causam assignat, quod sole attollente dulcorem, reliquum falsum euadat. Alij quidam aiunt sudorem quempiam terræ, mare esse, quæ Sole exalfecta talem humorem emittat, qui ob id falsus sit, qualis sudor est: sic opinabatur Empedocles. Tertia opinio de mari est, quod aqua per terram deuoluta, ipsamq; abluēs, falsedinem contrahat. Terram enim succos eiusmodi intra se habere, signum adducunt, quod ex ipsa sales effodiuntur, ac nitrum: sed & plerisq; eius in locis acidos succos esse. Et huius opinionis Anaxagoras fuit, ac Metrodorus.

De maris generatione opiniones tres.

CAPVT I.

Hic ponit Arist. antiquorum de maris generatione opiniones.



**D**E Mari autem, & quanam sit eius natura, & quam ob causam tam ingens aquarum copia falsa sit, atque etiam de primæ eius generatione, dicendum. Igitur veteres, quiq; diuina tractant, mari fontes tribuunt, ut tam maris, quam terræ primordia, radicesq; habeant. Sic enim fortasse quod dicitur magis tragicum esse, atque ueterandum arbitrari sunt quasi pars hæc baud par-



ua quedam portio sit uniuerſi: atque totum reliquum cœ-  
lum, locum hunc ambire dicunt: & ob id, eum honorabilif-  
ſimum eſſe, rationemq; principij ſubire putant. At qui hu-  
mana ſapientia antecellunt, ij mare ortum eſſe ſtatuunt.  
Atit enim totum eum locum, qui circum undiq; terræ in-  
nititur, principio humidum, mox ſeruore Solis reſecatum  
fuiſſe, quod in uaporem tranſiit, ſtatus, conuerſionesq; Solis  
ac lunæ efficere, quod ſuper eſt, eſſe mare. Vnde etiam fit,  
ut mare minus reddi aſſiccatione putent, tandemq; fore ut  
aliquando prorſus inareſcat. Inter quos, nonnulli mare  
eſſe ueluti ſudationem terræ, quæ Sole recaleſcit, ſalſumq;  
proinde haberi aiunt: etenim ſudor ſalſus eſt. Alij ſalſedinis  
cauſam terræ tribuunt: nam ut aqua per cinerem tranſmiſſa  
ſalfa reddiur, ſic etiam mare propter terram eiufmodi ſi-  
bi admiſtam, ſalſum eſſe uolunt. Verum fieri non poſſe ut  
fontis mare habeat, iam per ea, quæ uera ſunt, contem-  
plari oportet. Aquarum enim, quæ circa terram ſunt, aliæ  
ſunt fluitantes, aliæ ſtagnantes. Fluitantes quidem omnes è  
fontibus dimanant: de quibus antea diximus, intelligi opor-  
tere fontem eſſe principium, non à quo, quaſi è uaſe quo-  
dam promatur aqua, ſed in quod primum, quæ aſidue fit,  
eodemq; fluit, concurrere, atque coagmentari ſoleat. Sta-  
gnantium uerò aliæ ſunt collectitiæ, atque ſubſidentes, ut  
paluſtres, & lacuſtres, quæ multitudinis, ac paucitatis ra-  
tione inter ſe diſcrepant: aliæ fontane, quæ omnes manu  
productæ ſunt: uerbi cauſa, quæ pueriles nuncupantur: o-  
mnium enim fontem, quam fluxum, ſublimiorem eſſe con-  
uenit. Ex quo fit, ut quedam ſponte fluant, ut fontane, &  
fluuiatiles: quedam artis auxilium deſiderent. Igitur aqua-  
rum differentię tot numero, talesq; habentur. Quibus ad  
hunc modum definiitis, ut mare fontis ſortiatuſ, fieri ne-

quaquam potest: nam mare in horum generum altero esse  
 nequit, quippe cum nec effluendum sit, nec manu factum. At  
 fontane omnes alterum ex his subire consueverunt. Nec ul-  
 lam tantam aquae fontane copiam, spōte sua stare uidemus.  
 Adhuc cum plura sint maria, quae nullo ipsa in loco inter  
 se copulari, siue permisceri soleant (quorum rubrum qui-  
 dem, cum eo quod exira Herculis columnas iacet, parum  
 cōmunicare uidetur: Hyrcanum uerò, & Caspium, & ab  
 extero mari seiuncta esse, & circumquaq; accolae habere)  
 fontes profectò haudquaquam latere possent, si quo in loco  
 ea haberent. In angustijs autem fluere mare uidetur, sicuti  
 ratione terrae ambientis in arctum ex amplo coëat, pro-  
 pterea quòd ultrò citroq; saepe libratur: quod in magna a-  
 quarum uastitate deprehendi nō potest. At si angusto me-  
 tu sit, quia non longè refugiant terrae, quae in uasto parua  
 est, illic magna cernatur aquae liberatio necesse est. Totum  
 autem id mare, quod intra Herculis columnas concludi-  
 tur, sectando terrae cavitates, atq; amnium multitudinem  
 profluere solet. Nam Maeotis in Pontum influit, Pontus in  
 Aegeum: cetera uerò ab istis maria id minus aperte faciūt.  
 Hoc autem illis accidere solet, tum ob amnium multitudi-  
 nem (amnes enim plures Pontum Euxinum, atq; Maotin  
 subire solent, quàm maris interni tractum multò maiorem)  
 tum ob altitudinis breuitatem. Nam mare, ut incedit, sem-  
 per aliud esse cernitur: siquidem Pontus Maotide altior  
 existit, Ponto Aegeum, Aegeo Siculum: omnium altissima,  
 Tyrrhenum, atq; Sardoum. At aquora extera, ut breuia  
 sunt ob lutum, ita flatibus non sollicitantur, quòd mare in ca-  
 uo sit. Igitur ut per partes telluris è locis excelsis amnes  
 fluere cernuntur, ita etiam è totius terrae locis editioribus,  
 quae ad septentriones uergunt, plurimum aquarum agmen  
 coorir

cooriri assolet. Quamobrem & externa maria, quædam minime alta sunt, quòd aliò suas refundant aquas, quædam altiuscula habentur. Quòd autem ea terræ portio, quæ ad septentriones posita est, excelsa sit, indicio uel id esse potest, quòd non pauci ex hisce, qui olim sublimium rerù studio si fuere, Solem non subter terram ferri, sed circa eandem, atq; locum istum crediderunt: disparere autem, atque noctem committere, quoniam terra ad ursam excelsa sit. Igitur quòd fieri nequeat, ut mare fontels habeat, & quam ob causam ita fluere uideatur, tot, ac talia nobis dicta sùnt.

De loco maris, & quare à fluminibus ipsum ingredientibus non reddatur maius.

CAP. II.

**D**E generatione uerò ipsius non quando ortum subiecit, atq; sapore quenam causa sit salitudinis, & amaritudinis, dicendum est. Causa quæ maiores nostros compulset, ut mare uniuersæ aquæ corpus, atq; originem esse putarent, hæc est. Videbitur enim consonum esse rationi, ut totius aquæ corpus quoddam sit, à quo cum detrahatur, abscedit, & cæteris admiscetur, perinde ac cæterorum quoque elementorum congesta moles est, atq; initium, quod multitudine constat: ut ignis, in sublimi: aëris, in loco ab igni secundo: terre in eo, circa quem omnia istic aperte sita sunt. Quare eadem quoq; ratione, ut patet, de aqua quæramus, necesse est. Tale autem corpus nimirum quòd perinde ut cæterorum quoque elementorum corpora, alicubi uniuersum iaceat, præter mare, nullum esse uidetur: amnium enim corpus neque totum alicubi situm est, neque stabile est, sed quotidie semper fieri uidetur. Ex hac itaq; dubitatione, mare tum humoris, tum aquæ uniuersæ principium esse uisum est. Quamobrem & amnès ipsos quidam non modò in mare delabi, uerum etiam è mari fluere, asserunt: salsam

Hic Arist. de maris loco, & cur tot fluminibus ipsum ingrediētib' maius non reddatur, determinat.



enim aquam, cum percolatur, potu idoneam reddi aiunt. Huic autem opinioni alia dubitatio aduersatur: curnam uide licet hæc aqua, quæ consistit, potulenta non est, sed salsa, si ea totius aquæ origo sit, atque principium. Causa pariter et huiusce dubitationis solutio erit, et primam de mari existimationem recte accipi efficiet. Cum enim aqua terram ambiat proinde ut aquam aer, et aerem ignis (hic enim omnium ultimus, tam aliorum, qui plurimi sunt, quam nostra sententia existit) atque Sol isto feratur modo, ob idque mutatio proueniat, et ortus, simul atque interitus, quantum profecto aquæ leuissimum sit, dulcissimumque assidue eximi, in uaporem conueri, et denique in altum seuocari uidetur: quo in loco ubi frigoris beneficio constiterit, rursum ad terram delabitur: quod semper eo modo, quo dictum iam est, natura solet efficere. Quibus fit, ut etiam priores omnes ridendi sint, quotquot Solem humore ali existimarunt. Ob quod nonnulli Solem etiam conueri aiunt, utpote cui non semper eadem loca nutrimentum parare queant: id quod Soli accidere, aut eum corrumpi esse necesse uolunt: nam ignem illum, quem uidemus, tandiu ardere, quandiu habuerit alimentum dicunt, et ei alimentum humorem tantum esse: quasi humor ille, qui subducitur, usque ad Solem pertingat, aut non secus, atque flamma, quæ fit in sublime feratur: à qua, sumpta similitudine, de Sole quoque ad hunc sensere modum. Ad id haudquaquam simile est: nam flamma per continentem humidi in siccum mutationem fieri, non ali, solet: nullo enim (propè dixerim) tempore, eadem manet: hoc autem Soli accidere non potest: quoniam si perinde nutriatur, ut illi aiunt, non solum, ut patet, in dies, sicuti Heraclitus asserit, sed continue semper nouus erit. Præterea subductio illa humoris, quæ à Sole fit, aquis ignis opera incalcescentibus,

per

persimilis habetur. Si ergo ignis aquæ subditus, ea non nū-  
tritur, nec Solem aqua ali putare par est, etiam si totam in  
uaporem calfaciendo uerterit. Absurdum quoque est, eos  
Solis tantummodò curam habuisse, reliquorum autem sy-  
derum, quæ tot, tantaq; numero, ac magnitudine habentur,  
salutem neglexisse. Eadem autem à ratione aberrant hi, atq;  
illi, qui cum ab initio terra esset humecta, incalcescente à So-  
le ea mundi portione, quæ circa terram est, aërem ortum  
esse, totumq; cælum incrementa suscepisse, atq; nunc eundē  
flatus suppeditare, cœliq; conuersiones efficere dicunt. Sem-  
per enim aquam, quæ superna petierit, rursum in terram  
delabi apertè cernimus, etiam si non quotannis, & in quaq;  
regione similiter reddatur. At tamen ratis quibusdam tem-  
poribus, quicquid humoris diluti fuerit assumptum, reddi  
solet, quasi corpora superna minime alantur, nec humoris  
pars altera aër iam inde à generatione permaneat, altera  
rursum in aquam euadat, corrumpaturq; sed similiter to-  
tus dissoluatur, ac denuò in aquam consistat. Igitur pars,  
quæ potu idonea, dulcisq; tota sursum ob leuitatem trahi-  
tur: falsa, præ pondere, ut suo in loco, subsidet. Id enim &  
decenter fuisse addubitatum (absurdum enim fuerit, aquam,  
perinde ut cætera elementa, locum non habere) & hanc  
eius esse solutionem, putare oportet. Quem enim occupare  
locum mare cernimus, is maris locus non est, sed potius  
aquæ: uidetur tamen locus esse maris, quia quod falsum est,  
ratione ponderis in imo manet: quod potulentum est, at-  
que dulce existit, in sublime propter suam leuitatem, scan-  
dere assolet: quomodo in animalis corpore fieri nouimus.

Nam tametsi cibus omnis qui in animalis corpus inge-  
ritur, dulcorem præferat, humidi tamen subsidens, excres-  
centiaq; materia, amara, salsaq; deprehenditur: pars

G S

enim

enim dulcis, potuq; idonea, quam natiuus calor ad se trahit, in carnes aliamq; partium constitutionem pro cuiusq; natura transire, & absumi solet. Igitur ut in animalis corpore, si quis uentrem putet non esse humidi alimenti locum, quod citò euanescat, sed excrementi, quoniam hoc res manere cernatur, haudquaquam probè existimauerit: sic & de ipsius aquæ loco dicendum est: hic enim, mea quidem sententia, aquæ locus est. Vnde fit, ut amnes uniuersi, & quicquid aquæ gignitur, eò influant. Nam & ad id quod cauissimum est, fluxio efflci solet, & terræ locum eiusmodi more occupat. Verùm ipsius aquæ pars altera tota seruore Solis attolli solet: altera relinqui ob eam, quæ dicta iam est, causam. Porro ueterem illam quæstionem mouisse, cur nam uidelicet tanta aquarum copia nusquam compareat, cùm innumeri immensiq; amnes quotidie in mare defluant, nec ipsum ullatenus accrescat, quanquàm metas non egreditur rationis, si quis tamen intendere uelit, eiusce rei causam facile agnoscet. Nam aquæ mensura eadem, longè lateq; diffusa, collectaq; haudquaquam æquabili tempore reficcatur: quinimo hoc, an illo disponatur modo tantopere refert, ut hæc diem integram edurare queat, illa perinde ac si quis aquæ cyathum unum super mensam ingentem extenderit, tota interim dum eam contèplantur, euanescat. Quod amnibus etiam solet. Nam cùm assidue amnes toti, ac uniuersi fluant, semper ea aquarum portio, quæ ad locum immensum, latissimūq; peruenit, citò nec apertè coarescit. Quod autem de mari, & amnibus scriptum in Phædone est, fieri non potest. Inquit enim Socrates pleraque cavitates esse, quæ omnes sub terra sibi inuicem obuiant, irrumpuntq; esse uerò aquarum omnium fontem, atque principium uocatum Tartarum, quandam nimirum circa medium aquarum



rum multitudinem, à quo tam profluentes, quàm stabiles æque omnes emanant. In singulos autem annuum riuos propterea influere, quòd assidue quod primum est, atq; principium, fluctuet. Nam nec fundamentum habere, nec firmamentum, sed semper circa medium spiras agere, atque cùm mouetur sursum deorsumq; in annui riuos exundare, atq; influere. Nonnullas item plerisq; in locis stagnare, cuiusmodi nostrum etiam mare esse. Omnes autem ad principium unde fluere cœperint, in orbem relabi: multas quidem per partem eandem, quasdã uerò per contrariam quàm elapsæ fuerint: uerbi causa, si ab ima fluere cœperint, in superam illabi: esse uerò ad medium usq; descensum: ulteriorẽ enim prolapsum omnibus fore ascensum. Porro aquam saporis, coloresq; retinere pro terrarum qualitate, per quas fluxerit. Fit autem hac ratione, ut amnes non ad eundem semper locũ fluant. Si enim ad mediũ confluant, à quo sanè effluunt: non potius infernè, quàm supernè fluent, sed ad utramlibet partem Tartarus fluctuans inclinarit. Atqui si hoc contingat, id quod aiunt eueniet, sursum uersus incedere flumina: quod fieri nequit. Præterea undenam erit aqua, quæ ortum subit, quæq; rursus in altum rapitur? totam enim eam eximere necesse est, si semper idem aquarum modus seruetur. Quantum enim aquæ effluit, tantundem ad principium relabitur. Atqui flumina omnia quotquot in alia non influunt, in mare desinere uisuntur: in terram, nullum: sed quanquam sese condunt, tamen rursus emergere solent. Annuum autem ij magni euadunt, qui per caua longo itinere labuntur: multos enim annos, quorum uas loco, ac longitudine intercipiunt, recipere solent. Quamobrem Ister, & Nilus, annuum qui in hoc mare exeunt, maximi habentur. Atque de annuum cuiusque fontibus alias alij causas

causas asstruunt, quoniam in eundem multi immittunt. Itaque hæc omnia effici non posse, apertum est: præsertim cum etiam inde originem mare habeat. Quod igitur locus iste aquæ, non maris locus sit, item quam ob causam pars altera, nempe quæ potu idonea est, haudquaquã nisi cum fluit, manifesta sit, altera remaneat: denique cur mare aquæ finis potius, quàm principium existat, perinde ut in corporibus excrementa, nutrimenti omnis, & maxime humidi finis sunt, tot nobis dicta sint.

De maris falsedine opiniones quomodo ea gignatur, unde fontes ac flumina diuerfos sapes habeant, ac colores.

CAP. III.

Hic de maris  
falsitudine A-  
rist. determi-  
nat.

DE maris autem falsitudine, & idem ne semper mare sit, an aliquando non fuerit, & aliquando non erit, sed deficiet (sic enim quidam opinantur) dicamus oportet. Id igitur omnes fateri uidentur, nempe quod factum sit, si totus etiam mundus ortum habeat: pariter enim cum eo maris ortum faciunt. Quare perspicuum existit, si uniuersum sempiternum sit, de mari quoque haud aliter esse sentiendum. Qui autem mare decrescere (sicuti Democritus asserit) tandemq; defecturum censet, atq; ita sibi persuasit, nihil ab Aesopi fabulis dissentire uidetur. Is enim Charybdim, cum bis aquas exorbuisset, primò quidem montes, mox insulas apparuisse, & ad postremum ubi sorbuerit, terram prorsus asiccatum iri, commentus est. Verum Aesopo in nautam irato, eiusmodi fabulam dixisse congruebat: hisce autem, qui ueritatem rimantur, minus. Quam enim ob causam prius remansit, siue hoc propter pondus acciderit, quomodo etiam quidam horum aiunt (in promptu enim est, eiusce rei causam perspicere) siue etiam propter aliud quippiam, patet esse necessarium, ut tandem ob cau-  
sam

nam ipsum reliquo tempore permaneat. Dicant enim oportet, aut quod aqua à Sole sublata nunquam descendet, aut si descendet, necesse erit ut uel semper, uel quandiu illud accidet, mare remaneat: rursusq; illud quod potulentum est, prius esse sublatum oportebit. Quare nunquam asiccabitur: quod enim in coelum prius ascendit, id in mare descendere anticipabit: nihil enim refert semel ne, an pluries hoc fieri dicatur. Si quis igitur solis lationem interquiescere statuatur, quidnam id erit, quod uim habeat asiccandi? Sin uero eam esse sinat, semper ille suo accessu partem portabilem (uti diximus) educet, rursusq; suo recessu dimittet. Hanc autem de mari sententiam ex eo sumpsere, quod multa loca sicciora nunc, quam prius, appareant. Cuius rei causam diximus, nepe quod hic affectus propter aquae exuperantiam, quae statim quodam tempore obuenire solent, non propter uniuersi, partium ue generationem, accidit. Rursusq; contra eueniet: et cum facta fuerit aqua, rursus exiccabitur. Atque id ita per circulum semper ire necesse est: sic enim existimare, rationi magis consentaneum est, quam ob id totum coelum permutari. Sed de hisce plura, quam par erat, diximus. De mare autem salugine dicendum fieri non posse, ut qui mare semel generarint: aut omnino ipsum generant, falsum esse statuatur. Nam siue mare residuum extet omnis eius humoris, qui circa terram existit, et à sole subuehi solet, siue in aqua multa, et praedulci tanta uis saporis propter terrae cuiuspiam eiusmodi ammissionem insit, non minus ipsum, ubi aqua in uaporem conuersa rursus descenderit, quam prius falsum esse, cum multitudo aequabilis habeatur, necesse est: et si non prius, nec posterius quoq;. Quod si etiam prius falsum erat mare, continuo erat dicendum quidnam in causa sit: et insuper  
cur



cur si tunc in altum ascenderit, nunc quoq; idem minime  
 patiatur. At uerò & hisce, qui saluginis causam terre tri-  
 buunt (eam enim dum ammiscetur, multos habere sapes  
 aiunt, adeò ut ab annibus conuecta mare salsum ob admi-  
 stionem reddat) non item flumina ipsa salsa esse, absurdum  
 existit. Quò enim fieri potest, ut eiusmodi terre mistio,  
 affectum adeò euidentem, conspicuumq; efficere in tanta  
 aquarum multitudine queat, in quaue autem parte ne-  
 queat? Constat enim mare, totam fluuiatilem aquam esse:  
 nihil enim à fluuijs differre, nisi quòd salsum sit, uidetur:  
 quod idem illis obuenit eo in loco, in quem confluunt uni-  
 uersi. Pari etiam modo ridiculum fuerit, si quis cum mare  
 terre sudorem esse dixerit, dilucidum quippiam dixisse  
 putet, perinde ut Empedocles. Is enim ita locutus, quo ad  
 Poësin, satis forsitan dixit (quippe cum translatio poëtis  
 amica sit) quo ad cognoscendam naturam, non satis. Hic  
 enim minime constat, apertum ue est, quonam pacto è dulci  
 potu salus sudor proueniat: utrum abeunte quopiam, ceu  
 parte dulcissima, solummodo: an permistio, quomodo in  
 aquis per cinerem colatis euenit. Causa eadem & excre-  
 mentorum generi, quod in uesteam colligi solet, compete-  
 re uidetur: quippe quod amarum, salsumq; euadat, cum ta-  
 men qui bibitur humor, & quem cibus continet, dulcis sit.  
 Itaq; si ut aqua, quæ per cinerem trāsmittitur amara sit, sic  
 & urina, atq; sudor amarorem contrahunt: urina quidem,  
 quòd facultas eiusmodi unā cum ea deferatur, qualis est sal-  
 filago illa, quæ etiam in uasis subsidere uidetur: sudor ue-  
 rò, quia facultas illa pariter cum eo è carnibus sequestre-  
 tur, humore scilicet, qui sese foras promit, quod tale est è  
 corpore abluendo deradente: perspicuum est quòd in ipso  
 quoq; mari, quod è terra cum humore miscetur, salis su-  
 dinis

dunt causa est. Verum in corpore talis est pars ea cibi,  
 quæ subsidet, propter concoctionis uacuitatem. At in terra  
 quoniam pacto hoc ipsum insit, dicendum erat: atq; omni-  
 no quæ fieri potuit, ut tanta aquarum copia è terra dum  
 siccaret, calefieretq; excreta sit? eam enim partem quan-  
 dam esse exiguan respectu eiusce, quæ in terra relicta est,  
 conuenit. Præterea cur non etiam nunc terra, siue maior,  
 siue minor, sudare cum resiccatur soleat: humiditas enim  
 et sudor, amara fiunt. Nam si tunc, et nunc quoque oport-  
 tebat. At id nequaquam accidere uidemus: immò terra,  
 cum humida est, resiccatur: cum uerò sicca, nihil tale pati  
 solet. Quæ igitur fieri potuit, ut terra cum circa primam  
 sui generationem humecta esset, sudorem obarescendo emis-  
 serit? Quin potius par est, sicuti nonnulli aiunt, humore  
 plurimo abeunte, et solis beneficio in cælum scandente,  
 quod reliquum fuit esse mare. Nam fieri non potest, ut  
 tellus cum humecta est, sudet. Quæ igitur falsitudinis causæ  
 narrantur, rationem uidentur effugere. Nos autem eo-  
 dem quo et prius sumpto initio, dicamus. Cum enim hali-  
 tum esse duplicem, alterum humidum, alterum siccum po-  
 situm sit, eum eiusmodi affectuum principium esse arbi-  
 trari oportere constat. Quinimo et de quo quæsisse prius  
 necesse est, utrum etiam mare permaneat, semper eisdem  
 numero partibus constans, an specie, et quantitate subin-  
 de mutatis, perinde ut aer, aqua potabilis, ignis? horum  
 enim quodque aliud, et aliud subinde euadit, multitudi-  
 nis tamen eorum species haud aliter ac flammæ, et pro-  
 fluentium aquarum fluxus, manet. Hoc itaque aper-  
 tum, atque probabile existit, fieri, inquam, non posse, ut  
 non eandem hæc omnia habeant rationem: et mutatio-  
 nis celeritate, tarditateq; inter se distent, gignanturq;

ac intereant: quod tamen non absq; certo quodam ordine, hisce omnibus eueniat. Quæ cum ita habeant, de salsore quoq; causam reddere enitendum est. Itaq; eiusmodi saporem ob commistionem quandam prouenire multis constat indicijs. Quod enim in corpore minime concoctum est, id falsum, amarumq; haberi solet: quod idem etiam prius diximus. Nam cibi humidi excrementum, minime concoctum est. Eiusmodi sunt sedimēta omnia, sed præcipuè illud, quod in uesticam delabitur. Cuius rei indicium est, quod tenuissimum sit: quæ autem concoctionē admiscere, constant, crassæq; sunt. Deinde sudor, in quibus idem illud corpus, quod hunc saporem parit, unâ cum superuacaneo humore excernitur. Pari modo & in hisce, quæ exuruntur, res habet: quod enim calor non euicerit, id omne in corporibus excrementum sit, in exustis cinis. Quamobrem & mare è terra perusta factum esse, nonnulli asserunt. Ceterum ita quidem dicere, absurdum est: esse tamen ex tali factum, à ueritate nequaquam abhorret. Nam ut in hisce, quæ diximus, ita in ipso quoq; uniuerso, quod ex ijs, quæ nascuntur, atque per naturam fiunt, non aliter quàm ex ijs, quæ ignem sentiunt, relinqui solet, esse terram talem animaduertendum semper est. Quinimò & omnem aride teluris halitum esse eiusmodi, putandum est: ea enim hanc ingentem halituum copiam suppeditat. Cum autem halitus uapidus cum arido permistus (ut diximus) in nubem, & aquam cogitur, necessariò accidit ut semper quædam non parua huiusce facultatis portio intercipiatur: & rursum pariter cum pluuia deorsum feratur, idq; semper fiat, ordine quodam, quantum fieri potest, ut quæ apud nos sunt, ordinem participant. Vnde igitur in aqua salitudo proueniat, dictum est. Ob idq; imbres, tam quos Austler

affert,



affert, quàm qui autumnalium primi sunt, salisculi sunt. Auster enim tam uehementia sua, quàm statu ætuoſissimus uentus est, & calidis, siccisq; locis spirat. Quare parum uaporis sibi asciscit, & proinde seruidus extat. Nam & si eiusmodi non sit, sed unde spirare incipit, frigidus habeatur, nihilominus dum se longius protrahit, propterea quòd multum sicci halitus e uicinis locis secum rapit, calidus est. At aquilo, ut qui ab uliginosis flare locis soleat, uapidus est, ideoq; frigidus. Hic tamen, quòd nubes propellit, serenus est, in locis oppositis, pluuius: pari modo, & auster Afris sudus est, nobis pluuiam importat. Talis igitur facultas in aqua, quæ deorsum ruit, non parum confert. Atque per autumnum falsi umbres fiunt: quæ enim plus ponderis obtinent, ea priora deferantur, necesse est. Quare quibus eiusmodi terre copia inest, ij celerrimè descendunt. Ob idq; mare calidum est. Nam adusta omnia, potentia in se aliquid habent caliditatis, calcem, cinerem, sedimenta animalium, humidum, inquam, simul, & aridum intueri licet. Et animalium, quæ uentres habent calidissimos, sedimenta calidissima esse usu euenit. Igitur mare hac de causa subinde falsus reddi solet. Semper autem ipsius portio quædam unà cum parte dulci, attollitur: uerùm tanto minor est, quantò in ipsa quoque pluuiæ, pars dulcis salsam exuperat. Ex quo fit, ut semper æquale (quod in totum dixerim) habeatur. Quid autem aqua maris, quæ in uaporem conueriitur, potulenta euadat, quodq; pars ea, quæ naturam induit uaporis, cum rursus concreuerit, nequaquam in liquorem cogatur, quæ maris naturam retineat, dicere conemur. Hoc idem in cæteris quoque alijs euenit. Nam & uinum, & cætera succorum genera, quotquot in uaporem mutari, in humorem rursus concreſcere solent, aqua fiunt.

Affectus enim ceteri, aquæ propter quandam commistionem, competunt: & quaecunque id fuerit, quod ei permiscetur, talem in ea parere saporem assolet. Sed de hisce aliis, cum opportunior dabitur occasio, erit considerandum. Nunc eatenus dicamus oportet, nempe quod cum mare in rerum natura sit, assidue quippiam ab eo in altum scandit, potuq; idoneum, ac dulce redditur, quodq; per imbrex ex alto in inum labitur, iam aliud effectum, nec id præterea existens quod fuerat sublatum, quod deniq; mare potulentæ parti ratione ponderis subsidet. Ob idq; nec ipsum instar amnium deficere, nisi locorum ratione assolet: quod idem pari utrisq; modo accidere necessum est. Nec semper eadem nec terræ, nec maris partes permanent: sed tota duntaxat moles. Etenim in hunc modum de ipsa quoque terra existimare par est. Nam pars alia ascendit, alia rursum descendit. Quinetiam loca commutant, quæ per summa innatare, quæq; in ima rursus deferri assolent. Porro falsitudinem in rei cuiuspiam admistione consistere, palam est, non ex ijs tantum, quæ dicta sunt, uerum etiam si quis uas è cera affirmatum in mare demittat, obturato prius re tali osculo, ut nihil interhiet, per quod mare introfluat: quæ enim sese uasi per ceteros parietes insinuat aqua potulenta euadit: ut terrena portio ita & quod falsitudinem sua admistione committit: sequestrari cum percolatur aqua assolet: id enim tum ponderis (falsa enim quam dulcis grauior est) tum etiam crassitudinis causa extat. Etenim aquæ crassitudo, corpulentiaq; tantam asferre differentiam potest, ut nauigia æquo rerum, quæ conuehuntur, onere pressa in amnibus ferè demergi uideantur, in mari modice sese, atque ad nauigandum peropportunè habeant. Quamobrem nonnulli eorum, qui in amnibus nauis onera-

rarent,

rarant, ob eam ipsam ignorationem damnum subiere grauissimum. Quod autem quippiam admistum sit, illud argumentum esse potest, quod eius moles crassiuscula est: nam mare, propè quasi lutum est, tantam rei corpulentæ copiam continet: si quis enim aquam indito sale uehementer salsam fecerit, in ea oua, etiam si plena sint, innatant. Hoc idem, circa ipsa quoq; salsamenta moliri solent. Quod si in Palestina sit, ut quidam ferunt, lacus eiusmodi, in quem si à quoquam homo uinctus, aut iumentum iniiciatur, per summa natat, nec in aquis mergitur: is profectò testimonio fuerit hisce, quæ iam dicta sunt: aiunt enim adeò amarum, salsumq; esse lacum, ut piscis nullus innascatur, & uestimenta purget, si quis madefacta concusserit. Quæ omnia, eorum quæ diximus signa sunt, nempe quod corpulentum quiddam falsitudinem pariat, & quod id quod inest, terrenum sit. Etenim in Chæonia fons quidam aquæ falsiuscule habetur, qui haud lōgè ab ortu in annexi dulcem quidem, at piscibus uacantem influit. Nam, ut aiunt incolæ, facta ab Hercule optandi potestate, cum is ab Erythia uaccas abigens rediret, salem pro piscibus elegerunt, qui ipsis è fonte fieri solet: huius enim aquæ portionem quandam postea quàm decoxere, quiescere sinunt, quæ frigesacta, ubi und cum calore humor euaporauit, in salem non densum, grumosumq; , sed niuis modo laxum, atque subtilem uerri solet: quod genus salis imbecilliozem, quàm cætera, uirtutem obtinet, largiusq; adhibitum gustum ingerit suauem: colore item non aquæ cædido, existit. Aliud huic rei proximum Vmbri moliuntur: quendam enim locum habent, in quo arundines, & iunci enascuntur: quorum cinerem decoquere aqua soliti sunt, donec exiguum supersit humoris, qui ubi refrixit, in salis copiam euadere solet. Quicumque au-



tem amnium fontium ue fluxus falsi sunt, eos maxima ex parte aliquando incaluisse, deinde ignis principium extinctum fuisse, censendum est: terram uero, per quam transmissi colantur, cineris, & calcis naturam adhuc retinere.

Sunt etiam plerisque in locis tam fontes, quam amnium fluentia, quæ uaria saporum genera præferunt: quorum omnium causam esse igneam uirtutem, siue facultatem, quæ in eis est, aut innascitur, statuendum est. Nam terra dum ignem sentit, quod plus minus id pati soleat, uarias saporum, colorumque formas contrahit: quippe quæ aluminis, calcis, & cæterorum id genus uirtutibus plena reddatur: per quæ dum transmittitur aqua, quæ dulcis est, permutari solet. Et quædam acescit, quomodo in Sicilia agro Sicaniæco euenire uidemus. Inibi enim oxalme (quam acidam muriam interpretor) gignitur, quæ ut aceto in quibusdam epularum generibus uti solent. Est autem & circa Lyncon, fons quidam, cuius aqua acida est. Circa Scythiam alius, qui amaras euomit aquas, quæ uniuersum amnem, in quem incidunt, amarum reddunt. Horum differentiæ, hinc aperte sunt. Sed qui sapores, ex quibus temperaturis exultent, seorsum per se alio loco dictum est. Igitur de aquis, & mari, quas ob causas assidue semper sint, quæ nam sit eorum natura, qua ratione, ac uia permutentur, tum etiam de plurimis affectibus, quos committere, aut pati per naturam ipsis accidit, prope diximus.

Ventorum causæ, ac generatio.

CAP. IIII.

Hic ventorum  
causas eorum-  
que genera-  
tionem Arist.  
declarat.

**D**E uentis autem initio, quod iam prius diximus, sumpto, dicamus. Due enim sunt, nostra quidem sententia, halitus species, alter humidus est, alter siccus. Ille uapor nuncupatur, hic, in totum nomine caret: particulari tamen utentes, uniuersaliter eum ueluti fumum uocemus necesse

neceſſe eſt. Caterum nec humidum ſine arido, nec aridum ſine humido eſſe poteſt: uerum hæc omnia ita ſecundum exuperationem uocari ſolent. Itaque cum ſol ipſe orbito ſeratur, & ubi propius accedit, humorem ui caloris ſubuehat: ubi autem longius dimouet ſeſe, uapor qui ſublatus fuerat, rurſum in aquam refrigerationis beneficio concreſcat (quæ de cauſa, imbres hyeme potius, quàm æſtate fiunt: & nocte, quàm interdium: ſed non uidetur, propterea quòd imbres nocturni magis, quàm diurni lateant) aqua autem illa, quæ ad ima deſerri ſolet, tota in terram diſtribuitur, terra uerò ipſa multum ignis, atque caliditatis in ſeſe habeat, atq; ſol nō ſolum cum humorem, qui per ſumma telluris reſidet, attrahat, uerum etiam terram ipſum calefaciendo aſſiccat: cumq; halitus (id quod iam dictum eſt) duplex ſit, alter uapidus, alter ſumidus, utrunque proſectò halium fieri neceſſarium eſt: quorum qui humorem continet largiorem imbrium primordium, quemadmodum antea dictum eſt, exiſtit: qui aridus eſt, flatuum omnium principium, atque natura. Hæc autem ad hunc eueniant modum eſſe neceſſe, ex ipſis etiam affectibus certum eſt. Etenim halitum differentiam recipere, neceſſum eſt. Atque ſolem, & terræ caliditatem ea ipſa efficere, non modò poſſibile, uerum etiam neceſſarium exiſtit. Cum autem ſpecies utriuſque diuerſa ſit, patet quòd inter ſe diſcrepant. Nec uenti eadem ac imbrium natura exiſtit, perinde ut quidam aiunt: eundem enim ærem ſi moneatur, uentum: ſi concreſcat, aquam eſſe uolunt. Verum ex hiſce ær (quemadmodum antea diximus) gigni ſolet. Vapor enim humidus, algiduſq; eſt: nam facile terminos ſuſcipit, ut humidus: at quia aquæ eſt, ſuapte natura ut aqua non calefacta frigidus exiſtit. Fumus uerò, calidus, & aridus.

Quare ex hisce, tanquam ex symbolis, constituitur aer: qui humidus, calidusq; est. Etenim absurdum fuerit, si aer iste, qui quæque ambit, dum motu cietur, flatus fiat, & undeuis fuerit agitatus uentus exultet, & non ut annis esse existimamus non qualitercunq; profluente aqua, etiam si multa sit, sed quod profluit, id a fonte ortum ducat oportet, sic de ipsis quoq; uentis res habere dicatur. Nam ab ali qua ingenti ruina, magna aeris copia, quæ nec principium habeat, nec fontem, moueri potest. Quæ autem fieri assolent, ea, quæ diximus, approbant. Nam quia continuè quidem, sed plus ac minus fieri, & maior, minor uel halitus assolet, semper nubes, ac spiritus per singula anni tempora, pro cuiusq; natura efficiuntur. At quia interdum uapidus, interdum siccus, & fumidus altero longè amplior affurgit, aliquando pluuij, & humecti redduntur anni, aliquando flatusosi, & squalibundi. Quandoq; igitur squalores, imbresq; multos, simul, & per magnum, continuumq; tractum fieri, quandoque per parteis, euenit. Sæpe enim regio, quæ circunquaque adiacet, temporarios recipit imbres, aut etiam plures: at in hisce parte aliqua squalor est. Quandoque diuerso res agitur: nam cum tota, quæ in circuitu est regio, aut modicè potiatur aquis, aut potius squalore fatiscat: una quædam portio immensam aquarum copiam recipit. Cuius rei causa est, quòd magna ex parte eandem affectionem longè, lateq; diffundi, ac serpere consentaneum est: quia uicina loca situm ad solem retinent consimilem, nisi peculiarem quandam sortita sint differentiam. At uerò interdum hac in parte siccus anhelitus, in altera uapidus, uberior gigni solet: nonnunquam uice uersa accidit. Huius autem ipsius causa est, quòd halitus, uerque in proxima, sibiq; continuæ regionis hali-



tum incidit. Verbi causa, siccus per suam fluit regionem, humectus sibi proximum inuadit: uel etiam ad locū quemdam remotiorem uel uentorum propulsus accedit. interdum ille manet, & idem, qui contrarius est, agit. Atque sepe numero illud euenit, nempe quòd quemadmodum in corpore hominis, si alius superior sicceat, inferior contrario habitu est: diuerso, si inferior sicca sit, superior humecta, frigidaq; est: sic & in ipsis quoque locis antiperistasis fit, & exhalationum genera commutantur. Præterea ut post imbrem status magna ex parte oriri eo in loco soliti sunt, in quo illum fieri contigerit: ita superueniente imbre consternuntur. Hæc enim propter principia, quæ dicta sunt, euenire necessum est. Nam ab imbribus terra, dum calore tam suo, quàm superno resiccatur, halituum profundit, qui nimirum uenti materies esse solet. Atq; ubi secretio eiusmodi in rerum natura fuerit, obinient uenti: quibus ponentibus propterea quòd pars calida seuocari, atque superum in locum efferri semper assolet, uapor refrigeratus consistit, spissescitq; atque in humorem uertitur. Quinetiam ubi eundem in locum pulsa nubes sunt, & frigus intro se colligens circumfuso calori obluetatur, oritur aqua, cuius beneficio siccus anhelitus refrigerari solet. Ergo ut imbribus uenti sopiuntur, ita ubi uenti desistunt, imbres gigni propter has causas assolent. adde quòd non aliud causæ est, cur à septentrione, & meridie status potissimum oriantur. Omnium nanque uentorum plurimi, Aquilones, & austri spirare solent. Nam sol hæc una loca non adit, sed ad ea sese applicat, ab eisq; dimouet: ad occasum uerò, & exortum assidue fertur. Quamobrem nubes in cursus solis lateribus consistere solent: atque sole accedente, humor exhalat: aduersam in partem abeunte,

hyems imbresq; excitantur. Itaque ob solis lationem, quâ solstitia petuntur, deserunturq; aëstas, hyemsq; fiunt: & aqua in altum rapi, rursus in nubem conuerti solita est. At cum aqua plurimum in hisce locis descendat, ad quæ sol uergit, & à quibus sese remouet, hæc autem sunt quæ septentriones uersus, atque meridiem posita sunt: atq; ubi tellus aquas recipit uberiores, amplissimam inibi halituum copiam fieri necessum sit, perinde ut è uiridi ligno sumum depromi copiosissimum uidemus, halitus autem ipse uentus sit, ratione euenit optima, ut inde flatuum plurimi, principalissimiq; exoriantur. Qui autem à septentrionibus mittuntur, Aquilones: qui à meridie, Austri dici solent. Porro spiritus tramite ferri obliquo assolent: nam circa terram spirant, cum tamen habitus ipse per directum feratur, quod totus circumfundens aër flatuum lationem confectetur. Quocirca quæret quispiam, utro ex loco, supero ne, an infero, flatibus initium sit? Nam desuper uentorum motio est: & antè quàm spirent, illustratur aër, si nubilus, caliginosus ue sit, quippe cum nubis motio, flatuum initium prius, quàm apertè ad nos uenerit, portendat, tanquam flatuum desuper originem habente. Cum autem uentus, quedam sicci halitus, quem tellus profundit, copia per terram currens sit, motionis initium ab alto prouenire, materiei, & ortus ab imo, planum est. Nam qua parte, quod ascendebat, inclinari: inde sui cursus causam sortitur. Nam latio eorum, quæ à terra remotiora sunt, potior ac domina existit. Et insuper, exhalatio ab imo sursum uersus recta linea fertur, cunctaq; plus roboris habent, cum in propinquo sunt. At ortus principium, ad terram referri debere, in aperto est. Porro flatuum initia multis exhalationibus sensim coeuntibus exultare, quomodo

modo annuum fontes terra humorem fundente fiunt, experientia quoque ipsa constat. Omnes enim uenti ibi minimi sunt, unde singuli spirare coeperint. At ubi longius se protraxerint, ingenui uenire solent. Præterea regio, quæ septentrionibus subdita est, per hyemem tranquillatur, nec ullum flatum sentit. At quod paulatim expirat, atque eodem illo in loco latet, id ubi præterijt, iam spiritus euadit illustribus. Igitur natura uenti quanam sit, et quo pacto oriatur, tum etiam de calore, et imbrium abundantia, item quam ob causam post imbrek flatu, et surgant, et sternantur: et cur Aquilo, et Auster sepius spirant, adhuc de uentorum cursu, dictum iam est.

Cur cessent uenti quandoque, moueantur quandoque.

Vnde, et quo tempore quisque flare soleat. CAP. V.

**P**orro sol, et comprimit, et citat flatu. Etenim exhalationes, cum imbecillæ sunt, atque parvæ, tabefaciunt: et ampliore suo calore, earum calorem, qui minor est, discernit, atque dissipat. Adde quod terram prius assiccat, quam secretio uniuersa orta sit, haud aliter ac magnus ignis paruum cremabile, si quod inciderit, ante quam summum edat, deurit. Ob has igitur causas, non minus sol flatu compscere, quam quò minus ab initio oriantur, obsistere solet: nam quia halitus emacerat, uentos ponere facit, quia celeriter terram assiccat, fieri prohibet. Quapropter circa Orionis exortum, et ab eo usque ad Anniuersarios, et Præuios, aer maximè consilescit. Ad summum, uenti tranquillitas duabus de causis prouenire solet. Nam aut quia exhalatio frigoris beneficio extinguitur (ut fit cum ualidum gelu coortum est) aut quia æstus opera elanguescit. Medijs autem temporibus creberrimè cælum à spiritu fileat: aut quia nondum quicquam exhalat, aut quia

Hic Arist. celsationis uentorum, cômotionisq; causas exponit, quinque item zonas declarat.



halitus iam abiit, necdum alius affluit. At Orioni, & cum oritur, & cum occidit, incertus, ac difficilis esse propterea uidetur, quod eius exortus, & occasus tum cum tempora euariant, commutanturq; illæ æstate, hic hyeme, accidunt. Idq; propter syderis magnitudinem, diebus edurat plurius. Omnium autem mutationes turbulentæ propter uarietatem existunt. At Anniuersarij post solstitium, & Canicula exortum, & non tum cum sol maximè accedit, recedit ue, aspirare solent: atque interdum spirant, noctu desistunt. Causa, quod sol cum proximè est, terram prius asiccet, quam ut ulla oriatur exhalatio. At cum paululum recessit, iam modicus exultat calor, adeo ut congelatæ aque deliqueant: & dum terra cum suo, tum solis calore inarescit, in quendam ueluti fumum, & exhalationem transcant. Noctu uerò desinit flare, quoniam tum congelata omnia liquefieri cessant, propter noctium frigus. Caterum nec id quod gelu induratum est, nec id, quod siccitatis habet nihil, exhalat: sed quod cum siccitate coniunctam obtinet humiditatem: id cum recalescit, anhelitum reddere solet. Nonnulli autem addubitant, quam ob rem Aquilones constantius perflant post æstium solstitium, quos Etesias (id est Anniuersarios) uocant: Austri uerò post hybernum nequaquam. Hoc autem minimè alienum à ratione est: nam tempore opposito appellati Leuconoti fiunt, non tamen adeo continui. Idcirco latentes occasionem præbent inquirendi. Causa quod Aquilo à locis sub septentrionibus positus ueniat, quæ aquarum, & niuis copiose plena sunt, quibus à sole colliquatis post æstium solstitium potius, quam in ipso solstitio, Anniuersarij flare soliti sunt. Nam & ipsi quoq; æstus ita fieri solent, non cum sol proximè ad septentriones accedit, sed cum diutius concalescit, &

adhuc

adhuc in propinquo est. Pari etiam modo Auiculares (quos Græci Ornithias, ab aduentu auium, uocant) post hybernum æquinoctium spirare soliti sunt. Hi enim anniuersarij imbecilli sunt, minores tamen, atque tardius quàm Anniuersarij flare solent: nam septuagesimo die aspirare incipiunt, propterea quòd sol cum procul abest, roboris minus habeat. Non autem similiter continui perflant, quoniam quæ in summa telluris parte iacent, imbecillaq; sunt, ea per id tempus secerni, atq; erui solent: quæ uerò conglaciata sunt, plus caloris desyderant. Quamobrem hi intermittendo flare tantisper soliti sunt, quoad rursum Anniuersarij in Solstitio æstatis spirent, quando quidem ab eo tempore semper uentus quàm maximè constanter flare solet. Auster autem ab æstiuo solstitio, & non ab altera ursa spirat. Nam cùm terræ habitabilis segmenta duo sint, & altera ad sublimiorem uerticem, qui apud nos est, altera ad alterum, & meridiem posita sit, atque tympani speciem præferat: talem profectò terræ figuram lineæ à centro ipsius ductæ dissecant, atque turbines duos efficiunt, quorum alter apud tropicum, alter apud semper conspectum uerticem basin, sed uterque in meditullio terræ mucronem obtinet. Eodem pacto ad inferiorem uerticem alij duo turbines telluris dissectiones faciunt. Hæ autem, inhabitari solæ queunt. Nec fieri potest, ut quisquam ultra solstitium incolat: non enim in septentrionem umbræ iacerentur: nunc autem loca prius inhabitabilia redduntur, quàm ut absumentur umbræ, aut mutant semet in meridiem. Pars autem orbis septentrionibus subdita, præ rigore habitari nequit. Fertur etiam Corona quoque ipsa circa huncce locum: nam nobis supra uerticem esse uidetur, cùm ad meridiei lineam peruenit.

Quo

Quos fit etiam, ut hoc tempore telluris ambitus ridiculi: depingant. Nam parti orbis terrarum habitatae, figuram tribuunt orbicularem. At hoc fieri non posse, ratione pariter atque experientia cognitum. Nam quod in latitudinem definita sit, circulum tamen continentem praeferre per temperiem queat, tum ratio ipsa commonstrat (quippe cum non per longitudinem, sed in latum nimio rigore, atque incendio prematur: adeo ut nisi mare nonnisi quam loci prohibeat, peruia tota sit) tum ea quae circa nauigationes, & itinera uidemus. Nam longitudo à latitudine haud parum differt: quod enim à columnis Herculis ad terram Indicam usque porrigitur, eo quod ab Aethiopia ad Maotin usque, & extremas Scythiae partes pertingit, maius quam quinq; ad tria est, si quis tam nauigationes, quam uias, quatenus talium certitudo sumi potest, metiri uelit. Atqui partem orbis terrae habitatam, in latum ad loca usque inhabitata exploratam habemus. Nam hic, praefrigore, illic praefestu, habitari praeterea nequit.

Quae uero ultra Indiam, & columnas Herculis iacent, coniungi perinde quasi continens foret tota telluris habitatae portio, haudquaquam uidentur. Cum autem necesse sit ut locus quidam ad alterum polum similiter sese habeat, atque is quem incolimus, ad eum, qui supra nos est, constat quod ut cetera alia, ita spirituum quoque statio, proportionem respondebit. Quare quemadmodum nobis Aquilo, sic & illis uentus quidam ab ea quae inibi est uersa aspirat, quem huc penetrare haudquaquam possibile est: quando ne iste quidem Aquilo, totam quae apud nos est, partem orbis terrarum habitatam, peruadat. Aquilonius namque status, ceu abtterraneus est. At quia haec habitatio ad septentriones posita est, ideo Aquilo frequentissime spirat,



rat, sed tamen, & apud nos deficit, & progredi longè non potest. Quandoquidem circa mare Australe, quod ultra Africam iacet, ut hic Aquilo, & Auster spirant, sic illic Vulturnus, & Fauonius uicissim absque intercapedine semper flare solent. Itaque Austrum ab altero polo non uenire, apertum est, quando ne ipse quidem ab hyberno solstitio spiret: nam alium ab æstiuo uenire oporteret: sic enim proportionis ratio exigit. Nunc autem inde nullus aspirare solet: solus enim unus spirare ex illis locis uideatur. Quare necessario fit, ut uentus, qui ab exusta terrarum parte spirat, Auster sit. Locus autem ille, propter solis uiciniam, nullum habet humorem, aut pabulum, quod per liquefactionem flatus anniuersarios committat. Verum quia locus ille multò amplior est, atque longè lateq; patet, Auster uehementior, crebrior, & magis æstuosus, quàm Aquilo existit: atque ille huc magis, quàm hic illuc penetrare solet. Quenam igitur Austri, & Aquilonis causa sit, & quonam pacto sese alteruter ad alterum habeant, dictum est.

De uentorum situ, qui fiat inter se contrarij: de ipsorum natura & complexionibus. CAP. VI.

**D**E uentorum autem situ, qui quibus aduersantur, quos simul flare contingat, & quos non, tum etiam qui, & quot sint, adhuc de cæteris affectibus, qui in problematicis particularibus dicti non sunt, nunc agendum. Si-  
tus rationem ex descriptione contemplari oportet. Describatur igitur ut res ipsa clarior euadat, horizon circulus, & proinde rotundus. Intelligendum autem est, alterum ipsius segmentum, quod sub nobis est, habitari: nam & id ipsum ad eundem diuidere modum licebit. Supponatur autem primò, quæ plurimum distant loco, loco contraria

Hic Arist. de uentorū situ, natura, & cōplexionibus determinat.

traria esse: quomodo quæ specie plurimum distant, specie contraria sunt. Distant autem plurimum loco, quæ per diametientem lineam è regione posita sunt. Sit igitur A occidens æquinoctialis, B uerò ei ex aduerso respondens, oriens æquinoctialis. Sitq; alia diameter, quæ hanc ad rectos secet angulos: cuius pars altera, quæ est G, sit ursa: altera è regione aduersa, quæ est H, merides. Item F, æstiuus exortus: E, æstiuus occasus. Porro D, hybernus exortus: C, hybernus occasus. Ducatur autem diameter ab F, ad C: item à D, ad E. Cum igitur quæ plurimum distant loco, contraria loco sint: plurimum autem distant, quæ per diametrum: necessariò fit ut fluitum inter se contrarij sint, quicunq; per diametrum dispositi sunt. Flatus autem ipsi, iuxta locorum positum uocari hoc pacto solent: ab A, Fauonius, nam A, occidens æquinoctialis existit: à B, Subsolanus, huic contrarius, nam à B, oriens æquinoctialis est: à G, Aquilo, & Septentrio, quippe cum hac in parte ursa sit: ab H, Austus, huic contrarius, nam & unde spirat merides est, & H, & G contraria sunt, cum per diametrum distent: ab F, Cæcias, nam F, æstiuus exortus existit: contrarius autem ei est, non qui ab E spirat, sed qui à C, nempe Africus, nam Africus ab occasu brumali mittitur. Hic autem illi contrarius est, nam ab eo per diametrum distat, à D, Vulturius, quippe qui ab exortu brumali uenit, atq; Austro uicinus est. Ob idq; sæpenumero Euronoti aspirare dicuntur. Huic autem aduersatur, non qui à C, nomine Africus, sed qui ab E spirare solet, quem alij Argesten, Olympiam alij, alij Scirona uocant. Hic enim ab occasu æstiuo adflat, & solus Vulturio per diametrum respõdet. Igitur uenti, tum qui per diametrum dispositi sunt, tum qui contrarios obtinent, hi sunt.

Sunt

G



H

Sunt item alij, quibus cōtrarij status nulli sunt: ab I quem Thrasciam nuncupant: is enim media regione inter Corū, & Septētrionem spirat, à K, quem Mesen uocant, hic enim inter Septentrionem, & Cēciam est. Ceterum diameter K, iuxta polum semper conspectum esse solet, non tamen exactē sub eo existit. His autem statibus cōtrarij nulli sunt, Mese uidelicet (nam à puncto M, spiraret aliquis: id enim per diametrum distat) atq; Thrascie: flaret enim à puncto N, quippe cū id ex aduerso respondeat. Nisi ab eo puncto ueniat, & non longē progrediatur quidam uentus, quem accolæ Phœnciam uocant. Venti igitur principalissimi, definitiq; hi sunt, atque hoc digeri ordine assolent.

Cur





Cur autem à septentrionali plaga plures uenti, quàm de partibus meridianis prodeant, causa est: quòd pars orbis terræ habitata ad septentriones posita est, quodq; in eam partem plus aquarum, & niuis, quàm in austrinam (propterea quòd hæc sub sole, atq; eius cursu iacet) depellitur, quibus in terram liquefcentibus, & à sole, ac terra incallescantibus, necessario accidit ut exhalatio amplior, & quæ latius diffundi queat, hac eadem de causa oriatur. Sunt autem & flatibus, quos iam diximus, Septentrio propriissimè, & Thrascias, & Meses, Aquilo. Cecias uerò Subsolani, & Aquilonis communis habetur. Qui à meridie spirat, & Africus, Auster. Qui ab æquinoctiali exortu mittitur atque Vulturinus, Subsolanus. Phœnicias uerò

commun

communiter ad Subsolanum, & Austrum pertinet. Qui ab occasu, & is quem Græci Argestem, nostri Corum uocant, Fauonius. Omnino autem ex hisce, alij Aquilonij, Austrini alij, nuncupari solent. Fauoniani Aquiloni tribuuntur: frigidiusculi enim sunt, quod ab occasu ueniant. Subsolanij Austro: nam calidiusculi sunt, propterea quod ab exortu aspirant. Sumpta igitur à frigore, & calore, ac æstu differentia spiritus ad hunc nominarunt modum. Ab ortu autem flantes, calidiores sunt ab occasu flantibus: quia sol diutius supra illos fertur: hoc uerò citius deserit, tardiusq; cum ad locum accedit. Ventis hunc in modum dispositis constat fieri non posse, ut aduersi simul spirent, nam per dimetientem distant: alter igitur alterius ui presens, cessabit. At qui non ita fronte aduersa positi sunt, eos simul flare nihil obstat, ut F D. Atq; ob id nonnunquam secundi ambo ad idem signum simul flare, non eodem ex loco, nec flatu eodem, solent. Porro contrarijs temporibus flatus contrarij maxime spirant. Verbi causa, circa æquinoctium uernum Cæcias, et omnino qui ultra æstiuum tropicum collocati sunt: circa autumnale, Africus. Item circa solstitium æstiuum, Fauonius: circa hybernum, Vulturnus. Incidunt autem in alios maxime, atq; compescunt, Septentrio, Thrascias, & Corus, propterea quod è propinquo ueniunt. Quinetiam hi omnium maxime crebri, ac ualidi spirare solent, & proinde inter reliquos maxime liquidi & illustres existunt. Nam cum depropè maxime spirent, ui sua reliquos flatus sternunt, & discussis nubibus quæ coalescere cœperant, cœlum sudum, apertumq; reddunt. Nisi forte etiam impendiò frigidi sint: tunc autem sereni non sunt. Nam si frigidi magis, quàm uehementes fuerint, prius nubes gelu indurant, quàm ut eas repellere possint,

sint. At Cæcias serenus non est, quòd in se reflectatur: unde & illud prouerbium dici solet, Vt Cæcias nubem: perinde ad se trahens. Porro pro solis discursu uicissitudo spirituum agi, ipsis in sibi proximos transeuntibus, assolet: propterea quòd id, quod primordio contiguum est, mouetur à sole potissimum. Initium uerò flatuum, ut sol ambit. Flatuum autem contrarij aut idem, aut contrarium efficiunt. Verbi gratia: Humidi, Africus, & Cæcias, quem aliqui uocant Hellepontiam. Sicci, Corus, & Vulturnus, quem Subsolanum uocant: hic inter initia siccus est, ad postremum aquam mittit. Nivalis, Mefes, & Septentrio maxime: nam hi frigidissimi sunt. Grandines Septentrio importat, & Thrafcias, & Corus. Aestuosus, Auster, Fauonius, & Vulturnus. Nubibus obducunt cælum: densioribus Cæcias, & rariuscullis Africus Cæcias, quia & in se reciprocatur, ac redit, & Aquilonis & Vulturni communis est. Quare, quia algidus est, uaporem compingendo, nubes constituit: quia uerò ratione loci Subsolanus est, multum materię, ac uaporis, quem propellat, habet. Sereni, Septentrio, Thrafcias, & Corus. Causa dicta prius est. Fulgura præ ceteris aduchunt, & hi quos diximus, & Mefes. Nam quia haudquaquam de longè ueniunt, frigidi sunt: frigoris autem opera fulgur gigniur: cõeuntibus siquidem nubibus, externi assolet. Quocirca & ex his ipsis nonnulli grandinem afferunt: citò enim in glaciem aquam uertunt. Procelle autem (hoc est, uenti, qui excussi nubibus scuiunt, Ecnephias Græci uocant) autumnò maxime, mox uere: & præcipuè Septentrio, Thrafcias, & Corus fieri solent. Causa uerò, quòd procelle potissimum fiunt: cum alij flantibus uentis alij ingruunt: id quod isti maxime facere solent. Causa etiam huiusce rei antea dicta est.

Porro



Porro flatus anniuersarii (qui uocantur à Græcis Etesia) transire apud Occidentalis plagæ incolas ex Septentrionibus in Thrafcias, Coros, & Fauonios (Septentrio nanque Fauonius est) consueuere, incipientes ab urfa, desinentes autem in eos, qui longè absunt. Apud Orientaleis, ad Subsolanum usq; ambire solent. Sed de uentis, & primaria eorum generatione, & essentia, atq; affectibus tam priuatis, quam communibus, hactenus.

De Terræ motu opiniones tres.

CAP. VII.

**D**E concussione autem, ac motu terræ, post hæc agendum: nam huius affectionis causa, huic eidem generi beret. Que autem de eo ad hoc usque temporis tradita sunt, tria numero sunt, & à totidem autoribus prodita. Nā Anaxagoras Clazomenius, & ante eum Anaximenes Milesius, & post utrunque Democritus Abderita, de terræ motu disseruere. Anaxagoras igitur ætherem, qui sursum ferri aptissimus est, dum se in uenas & cauernas terræ condit, motitare terram affirmat. Nam superas telluris partes, coalescere imbrium beneficio, asserit: quandoquidem, natura totam similiter fungosam, laxamq; esse terram prædicat, perinde quasi totius pile pars altera supera, altera infera sit: ac supera, in qua habitamus: infera, altera. Verum aduersus hanc causam tanquam parum admodum consideratè dictam, nihil dicere fortasse congruit. Nam stultum est arbitrari sursum, ac deorsum ita habere, ut non corpora grauià ad terram undique ferantur: & leuià, ac ignis, in superum concedant locum: idq; cum cernamus circulum, quo pars orbis terrarum habitata, quanta nobis cognita est, definitur, nobis locum ex loco mutantibus diuersum subinde fieri, quia terra gibbosa sit, & in spheræ faciem conglobetur, Dicere quoque ratione magnitudinis

Hic Arist. de  
terræ motu  
opinionem  
refert.

suspensam librari medio aëris tellurem, quati uerò cum ab imo sursum uersus ui percussione, quæ per totam meet, impellitur. Præterea, nihil meminerunt eorum, quæ circa terræ motus contingere solent: non enim regiones quæuis, aut tempora, id sentiunt affectionis. Democritus autem, terram cum aqua referta est, & multam insuper pluuialem aquam recipit, ab ea moueri dicit: nam ut quæ amplior aduenit, uim afferendo, propterea quòd cauernas capi non potest, terram quater: ita quæ locum demutat, atque aliò transfertur, irrumpendo terram agitare, quæ assiccetur, atq; è locis plenioribus in uacua trahat, asserit. Anaximenes uerò, terram tam cum madet, quam cum resiccatur rūpi, & ab hisce fragmentis ingentibus, quæ incidere solent, quati dicit. Ideoq; terræ motus per squalores, & rursum tempore pluuiæ fieri: nam tellurem (uti diximus) per squalores: siccentem rumpi, & per imbrek ab aquis præterea madefactam incidere affirmat. At si hoc accadat, humum refugere in sese plerisq; in locis cerni oportuit. Præterea quam ob causam hæc affectio quibusdā in locis sæpenumero fieri solet, quæ ab alijs nullo tali excessu dissident? Atqui, ea dissidere oportuit. Deniq; necesse est, ut qui ita existimant semper minus terræ motum fieri, tandemq; aliquādo terram quati desiuram dicant: quod enim decuitur, talem obtinet naturam. Quare si id fieri nequeat: perspicuum est fieri non posse, ut terræ motus causa, eiusmodi habeatur.

Terræ motus causæ & generatio. Et quòd ab exhalatione procedat, signa decem. CAP. VIII.

Hic Arist. terræ motus, causas, & affectiones, itemq; exhalationis signa declarat.

**V**erum cum constet necessarium esse, ut ab humido, & à sicco halitus prodeat, id quod antea diximus, necessario fit, ut hisce in rerum natura existentibus terra intremiscat. Nam terra per se quidem, arida existit: at ratione umbrium,

imbrium, multum in se continet humores, adeo ut cum ipsa tam feruore Solis, quam suo incalascit, multum spiritus intra, extraq; gignatur. Atq; is interdum quidem extra totus continenter effluit, interdum autem intro influit: nonnunquam uero et in partibus distribui solet. Itaq; si hoc aliter habere nequeat, quod consequens est, considerandum fuerit, nempe qualemnam ex omni corporum numero uim mouendi præcipuam obtineat. Necesse est enim, ut id, quod longissime progredi natum est, atq; uehementissimum existit, potissimum tale sit. Quod igitur celerrime fertur, id necessario uehementissimum existit: quippe cum præ celeritate maxime percutiat. Quod uero transire per totum maxime potest, id longius progredi aptum est: eiusmodi autem est, quod tenuissimum est. Quare si natura spiritus talis sit omnium corporum, maxime spiritus facultatem obtinet mouendi. Etenim ignis, ubi spiritui admiscetur, fit flamma, atq; celeriter fertur. Igitur neq; aqua, neq; terra, causa tremoris esse potest, sed spiritus, ubi scilicet, quod extra exhalat, intro influit. Vnde fit, ut plurimi maximeq; terræ motus, cælo tranquillo fiant: nam exhalatio, quæ continens, ac perpetua existit, ut plurimum initij motum sectari solet. Quare tota simul aut intro, aut extra contendit. Quod autem aliqui terræ motus flante etiam uento fiant, nihil absurdum (nam interdum plures uentos simul flare uidemus, quorum ubi alter terram subierit, terræ motus spirante uento accidit) minores tamen euadunt hi, propterea quod eorum causa, atque principium diuisum, distractumq; sit. Porro noctu sæpius, ualidiusq; terra quatitur. Cum autem interdiu, id circa meridiem accidere solet: nam, ut plurimum, meridies partium diei tranquillissima existit: quippe Sol cum maxime euincit, exhalationem in terram dissoluere



solitus est: euincit autem maximè circa meridiem. Item noctes, diebus tranquilliores, propter Solis absentiam, existunt. Quare rursum, intro spiritus influit, quomodo aquarum influxus in contrariam atque effluxus partem fieri affolet. Et propinqua luce creberrimè: etenim spiritus tunc incipere flare nati sunt. Si ergo flatuum initium intro Euripi more commigret, propter copiam, ualidissimè excitat terræ motum. Præterea ualidissimi terræ motus circa ea loca fiunt, ubi mare fluidum est, aut regio fungosa est, atque subterraneis cauernis abundat. Quamobrem et circa Hellepontum, Achaiam, Siciliam, et Euboeam telus uehementissimè quatitur: nam circa ea loca, mare terram fistulis ueluti quibusdam subire uidetur. Quocirca et calidæ balneæ, quæ circa Aedepsus posite sunt, à tali causa prouenere. Circa prædicta autem loca, terræ motus maxime fiunt, ob angustiam. Nam spiritus uehementior factus, qui profectò è terra efflare natus erat, in terram rursum propelli, ob occurrentis maris copiam, affolet. Atque regiones omnes, quæ subterraneas partes inaneis, atque fistulas obtinent: cum magnam spiritus copiam admittant, crebrius mouentur. Et autumnus, ac uere maximè: item per imbreis, et squalores haud alia de causa fiunt. Hæc enim inter anni tempora flatuosissima sunt. Nam æstas, et hyems aeris immobilitatem (hæc rigoris causa, illa æstus) aduehunt: etenim hyems, perquam algida est: æstas, impendit arida. Atque per squalores, aer spirantior est: nam tum demum squalor est, cum siccus terræ anhelitus humido copiosior exultat. Tempore autem pluuio terra quatitur, tum quia exhalatio in terra amplior reddi solet, tum quia talis secretio ut loco angustiore capitur, ita minorem in loco protrudi, repletis nimirum aqua terræ cauernis, affolet.

let. Cùm enim uincere cœperit, propterea quòd licet ampla sit, in exiguum tamen locum impacta est: tum uentus fluens, ac terræ sese applicans, eam ualidè motuat. Nossè enim oportet, ut nostro in corpore flatus inclusi uis tam tremorum, quàm pulsû causa existit, ita & in ipsa quoq; terra flatum similes præstare effectus, atque è terræ motibus, alium esse ueluti tremorem, alium ueluti pulsus. Et qualia per corpus sæpe contingere reddita urina solent (sit enim ueluti tremor quidam, nimirum uniuerso spiritu extrinsecus intrò sese condente) talia etiam circa terram fieri. Sed quantas spiritus uircis habeat, non solum ex hisce, quæ in aère sunt, contemplari oportet (nam hic spiritum sua magnitudine talia committere posse, existimauerit quispiam) uerùm etiam ex hisce, quæ in corporibus animantium fieri solent. Nam & conuulsiones, & distentiones neruorum, spiritus motiones sunt: tantum autem roboris habent, ut etiam si multi simul conantur allata ui reprimere egrotantium motum, tamen euincere nequeant. Idem in terra quoq; ipsa fieri (ut rem magnam parue conferant) intelligendum est. Harum autem rerum indicia, uel ad oculum plerisque in locis facta fuere. iam enim motus terræ quibusdam in locis factus, non antè desijt, quàm uentus ille, qui per mouerat, facta eruptione in locum terra sublinuiorem apertæ procellæ modo exierit. Id quod etiam circa Heracleam Ponti nuper accidit, & prius circa Hieran insulam, quæ una est ex ijs, quas Aeolias insulas appellant: in hac enim pars terræ intumescibat, assurgebatq; cum sono in tumuli speciem, quo tandem disrupto multum spiritus prodijt, qui scintillam, cineremq; sustulit, ac Liparæorum urbem, quæ haud procul aberat, totam in cineres redegit, & ad quasdam Italie urbes accessit, atque isto etiamnum tempore, ubi illa

ignium euomitio contingit apertum est. Etenim hanc esse causam ignium, qui in terra fieri solent, arbitrandum est: nempe spiritus collisi incensionem, discerpto prius in exigua frustra aere. Quod autem spiritus sub terram fluant, argumento uel id esse potest, quod circa hasce insulas fieri solet. Cum enim flaturus est Auster, prius quam coeperit, denuntiat: nam loca ea, è quibus ille flammarum eruptio- nes sunt, resonare solent, quod è longinquo propelli iam mare coeperit, & ab eo id quod è terra efflaturum est rursus intro compellatur. Quà autem accedit, hac sonum sine motu facit, tum propter locorum amplitudinem (nam intrò subiectis in immensum diffunditur) tum propter aeris repulsi exiguitatem. Præterea Solis caligo, & obscuritas sine nube proueniens, & uenti tranquillitas, atq; frigus aere, quæ nonnunquam ante matutinos terre motus accidere solent, causæ prædictæ indicio sunt. Nam & Solem caliginosum, obscurumq; fieri, & cum dies instat, atq; diluculum appetit tranquillitatem, atq; frigus oboriri incipiente conditi in uenas terre spiritu, qui uim dissoluendi, discernendiq; aerem obtinet, necessum est. Quandoquidem tranquillitas parte plurima (quemadmodum etiam prius diximus) accidit: quia spiritus intrò ueluti refluit. Et magis, ante maiusculos motus. Nam spiritu cum non partim intrò, partim extrà distrahitur, sed uniuersus conditur: necessario accidit ut plus roboris, ac uirium habeat. Frigus uerò propterea quod exhalatio, quæ per se suapte natura calida est, intrò conuertitur. Non uidentur autem uenti esse calidi perinde ut neq; spiritus ille, qui per os efflari solet quoniam aerem mouent, qui uapore frigido, eoq; multo refertus est. Is enim è propinquo quidem calidus est, qualis etiam est cum exhalamus, uerim propter exiguitatē non aquè percipi potest: è long



è longinquo uerò frigidus, eadem qua uenti causa. Deficiente igitur in terram tali uirtute, uapida effluxio humiditatis ratione coiens frigus importat, in quibus locis eiusmodi affectū fieri contingit. Hæc eadem etiam causa est, & eius signi, quod nonnunquam præcedere motu futuro consuevit: aut enim interdiu, aut paulò post occasum: sereno, ceu tenuis linea nubis in longum porrecta spatium uisitur, nimirum languescente spiriui propter demigrationem. Nec absimile in ipso quoque mari circa litora euenit: nam cum mare fluctuosum exundat, fluctus qui litore frangi solent, admodum crassi & obliqui redduntur: cum uerò sopitū est, propter exiguam secretionem tenues ac recti. Quod igitur mare circa terram, id flatus circa caliginem, quæ in aëre est, efficit: adeò ut cum coelum tranquillum fuerit, nubes, quæ ueluti fluctus aëris existit, modis omnibus recta, tenuisq; relinquatur. Hæc eadem etiam de causa nonnunquam accidit, ut circa lunæ defectus, terra quatiatur. Cum enim iam terræ obiectus instat, & nondū prorsus lumen defecit, nec calor à Sole profectus ab aëre recessit, sed iam emarcescere cœpit, tranquillitas oboritur, commigrante in terram spiriui, qui ante lunæ defectus motum terræ committit: (nam uenti quoq; sepe ante lunæ defectus excitantur:) initio quidem noctis cum defectus medio incidit noctis, medio uerò cum manè. Id autem euenire propterea solet, quod calor lunæ hebetatur, cum cursus iam proximè est quo defectus exultet. Remisso itaq; calore, quo retentus aër quiescit, rursus moueri, ac spiritus reddi pro defectionis tarditate tardius incipit. Cum autem ualidus terræ extiterit motus, nec illico, nec fundius quaterre desinit: quinimo non ante quadraginta dies sistitur, plerunque & tardius: utpote cum quidam annuo, & biennij spatio circa eadem loca uigeat.

geat, duretq;. Porro tam spiritus multitudo, quam forma  
cauernarum, uel cuniculi per quem meat, magnitudinis ter-  
ræ motus causa existit. Qua enim spiritus resultat, nec fa-  
cile penetrare potest, & maxime quatit, & in specuum  
angustijs intercludatur aquæ modo, quæ pertransire non  
potest, necessarium existit. Quocirca ut in corpore pul-  
sus non repente nec subito sedari, sed paulatim elangu-  
escente affectione solent: ita nec origo ipsa, à qua exhalatio  
prodijt. Quin in aperto quoque est, spiritus delationem  
non protinus omnem absumpsisse materiam, ex qua uetum  
illum concreauit, quem *σεισμὸν*, hoc est, terræ motum,  
nuncupamus. Quod igitur quantum spirituum superest  
insumptum sit, terram quatit, sed leuius, & eò usq; dum id  
quod exhalat minus sit, quam ut ingenue mouere queat,  
necesse est. Porro spiritus sonos eòs facit, qui sub terra  
fiunt, quiq; terræ motus præcedere solent. Quin & sine  
motu, iam alicubi sub terra factus est sonus: nam ut aer cum  
flagellatur, uarios edit sonos, ita etiam cum ipse percutit,  
multiplices sonorum differentias affert: nihil enim interest,  
hoc, an illo afficiatur modo, quippe cum omne, quod per-  
cutit, simul & ipsum percuti soleat. Præcedit uerò mo-  
tum sonus, quoniam subtilis est, atque penetrare melius,  
quam spiritus potest. Cum autem minor est, quam ut ter-  
ram mouere propter suam tenuitatem queat, quia facile  
percolatur, transmittiturq; mouere terram nequit: quia  
uerò feruet contra solida, cauq; corpora, & uarias ca-  
uernarum figuras, uarias edere uoces assolet, adeò ut non-  
nunquam (id quod etiam portentorum scriptores aiunt)  
terra mugire uideatur. Iam uerò & aquæ eruperunt,  
dum terra quateretur. At nequaquam ob id aqua, motio-  
nis causa existit: sed siue in summa telluris parte sit, siue  
ab imo

ab imo ui spiritus efferatur, spiritus id est, quod mouet: quomodo uenti, fluctuum: non fluctus, uentorum cause sunt. quandoquidē uel sic quispiam terram esse huiusce affectionis causam dicere posset. Siquidem terra dum quatitur, a qua modo subuerti solet: effluxio nanque non nisi subuersio quædam existit. Verū ambo isthæc, terra, inquam, & aqua, cause ut materies sunt: patiuntur enim, non agunt: spiritus uerò, ut principium. Vbi autem inundatio simul, cum terre motu accidit: spiritus ex aduerso flantes in causa sunt. Id uerò fit cum spiritus, qui terram quatit, mare ab alio spiritu delatum repellere nequit omnino, sed propellendo, ac in unum contrahendo, magnam uim maris colligit: tunc enim hoc spiritu euicto, uniuersum à contrario spiritu pulsum erumpere, ac diluuium facere necesse est. Id quod circa ipsam quoq; Achaiam accidit. Extra namq; flabat Ausser, intrà Aquilo: cum facta fuit tranquillitas, & uentus intrò fluere cœpit, unà cum inundatione etiam terræ extitit motus: & eo præsertim, quòd mare nullum spiritui sub terra debacchanti respiraculū, nullamq; diffinitionem concedebat, imò obstipabat, intersepiebatq;: nam se mutuo oppugnando, spiritus motū terræ fecit, fluctus diluuium. Fiunt etiam particulares quidā terræ motus, & plerunq; non ultra paruum procedentes tractum: uenti uerò nulli. Particulares, inquam, cum exhalationes proprii, uiciniq; loci in unum coierint, quomodo squalores, imbreisq; particulatim fieri diximus. Et quidem terræ motus ad huc fieri modum solent, uenti minimè. Nam subterranea principatum obtinent, ut ad locum unum omnes contendant exhalationes. Sol uerò non æquè facere potest ut omnes, sed magis quæ suspensæ in aëre sunt, cum iam principium sui cursus à Sole pro locorum differentia cœperint, in unum fluant.



fluant. Quoties igitur spiritus est multus, terram in latum tremoris instar mouet. Fit autē & quibusdam in locis terræ motus, sed raro, ueluti pulsus, cum assurgens intumescit, alternoq; motu residet. Quocirca & rariuscule ad hunc quatiit modum: haud enim facile fit, ut adeo multum coeat principium: quippe cum exhalatio in longum multo plus quam in crassitiem digeri soleat. Vbi autem motus terræ factus est eiusmodi, copia lapidum, eorum in more, qui in cribris emergunt, per summa telluris iacet. Siquidē terræ motu ad hunc modum facto, Sipylus uocatus Phlegreus ager, & regio Ligustica, euersa fuerunt. Porro insule procul in alto posite, minus quam quæ continenti uicine sunt, quati solent. Nam maris copia exhalationes refrigerat: nec non suo pondere obstat, quominus quatiatur, uimq; insert. Præterea mare flatibus euictum fluit: non quatitur. Item quia mare magnum occupat locum, haud ad hoc, sed ex hoc ueniunt exhalationes, quas quæ e terra oriūtur, comitari assolent. Insule autem illæ, quæ continēti uicine sunt, continentis portio sunt, & proinde quati solent, quādo mare, quod insulas illas, continentemq; interiacet, præ sua exiguitate uireis nullas habet. At quæ sunt in medio mari posite, nequaquam absq; toto mari, quo ambiuntur, moueri possunt. Igitur de terræ motibus, & quæ nam sit eorum natura, & quam ob causam fiant, item de ceteris, quæ circa ipsos accidunt, ijsq; maximis, dictum est.

De Tonitru & Fulguratione veterum opinioniones.

CAP. IX.

Hic refert Arist. veterum de tonitru, & fulgure, opinionones.

**D**E Tonitru autem, & Fulgure, & insuper de Vortice, qui Typhon uocatur, id est uibratus, & Turbine accenso, quem Græci Prestera nūcupant, & deniq; de Fulminibus, dicamus oportet: nam horum omnium idem esse princ

principium, existimandum est. Cum enim (uti diximus) duplex sit exhalatio: altera humida, altera sicca, cumq; ipsa concretio hæc ambo potentia habeat, & in nubem consistat (quemadmodum antea dictum est) & insuper cum nubium constitutio apud supremum finem densior euadat, (quæ enim calor sequestratus superiorem in locum deficit) hanc constitutionem densiorem esse, frigidioremq; necesse est. Quocirca & Fulmina, & Procellæ, & omnia generis eiusdem, deorsum feruntur. Atqui calidum omne, in sublime, suapte natura scandit. Verum expressionem fieri in contrariam densitati partem, necessarium existit, quomodo nuclei, qui è digitis elabuntur, exprimi solent: hi enim quamvis pondus habeant, tamen sursum plerunque feruntur, calor profectò qui excernitur, in superum spargi locum assolet: quantum autem aride exhalationis in mutatione frigescents aëris intercipitur, id coëuntibus nubibus excernitur: quod cum ui feratur, & ambientibus nubibus incurrat, ictum facit, cuius sonitus tonitru nuncupari solet. Efficitur autem ictus, haud aliter (ut parvæ affectioni magnam conferam) quam qui in flamma fit sonus: quem alij Vulcani risum, alij Vestæ, nonnulli horum minas uocant. Fit autem cum exhalatio in flammam conuersa, dirumpentibus sese lignis, atq; siccantibus, exilit. Sic enim & spiritus secretio, quæ in ipsis nubibus fieri solet, cum nubium densitati ingruit, tonitru excitat. Varij autem, ac multifor- mes soni fiunt, tum propter nubium inæqualitatē, tum propter cauernas, quæ intermedie sunt: quæ densitatis continētia deficit. Tonitru igitur id est, atq; ex hac causa fit. Spiritus autem qui extinguitur, serè conflagrat tenui, & imbecilli ardore: atq; id est, quod uocamus fulgetrum, quo ceu tinctus excidens spiritus uideatur. Fit autem post ictum, atque

atq; tonitruum: sed prius cerni, quàm tonitruum audiri  
 affolet: quoniam aspectus auditum anteuertit. Id quod re-  
 migatio irremium declarat: cum enim iam rursum remos  
 nautæ referunt, primus remigij sonus ad aureis peruenit.  
 Quanquàm quidam aiunt haudquaquam ignem intra nu-  
 bes gigni. Hunc autem Empedocles quidem id esse inquit,  
 quod è solis radijs intus circumuenitur, coërceturq;. Ana-  
 xagoras uerò, quod è superno æthere, quem ille ignem uo-  
 cat, deorsum è sublimi deferitur. Itaq; splendorem huiusce  
 ignis, fulgetrum: sonitum uerò, atq; stridorem, quem facit,  
 cum intra nubes extinguatur, tonitru esse dicunt, tanquam  
 sicut prius fulgetrum fieri, quàm tonitruum uidetur. Ita  
 etiam prius fiat. At illa ignis interclusio, utroque quidem  
 modo à ratione remota est: sed magis superni ætheris de-  
 tractio. Nam dicenda causa est, cur, quod sursum ferri aptis-  
 simum est, deorsum feratur: & quam ob rem id in cælo  
 fiat tantummodo, cum nubilum est, nec id tamen assidue  
 cum ita est affectum, cælo uerò sereno non fiat: siquidem il-  
 lud leuiter dictum modis omnibus uidetur. Pari modo &  
 illud quoq;, dicere inquam radiorum solis calorem, qui in  
 nubibus inhibetur, atq; detinetur, esse harum rerum cau-  
 sam haudquaquam probabile existit: etenim hæc ratio osci-  
 tanter admodum reddita est. Nam & à tonitru, & fulge-  
 tro, & cæteris generis eiusdem, causam semper esse discre-  
 tam, atque distinctam, & sic illa fieri, necesse est. At illud  
 plurimum ab hoc discrepat: simile enim est atque si quis  
 putet aquam, niuem, & grandinem, cum antè in nubibus  
 essent, postea excerni, & non fieri: quasi ad manum fa-  
 ciente semper concretionem unumquodque eorum: nam  
 pari ratione hæc, concretiones: illa, secretiones esse exi-  
 stimandum est. Quare si ex hisce altera non fiant, sed  
 sint,



sint, utrisq; eadem accommodabitur ratio. Item cur caloris in nubibus interceptionē diuersiorem esse dixerit quispiā, quā ut in hisce quæ densiuscula sunt? Atqui aqua à sole, & igni calefit, sed tamen cum rursus coit, & inalgescendo densescit, nullam talem fieri excidentiam contingit, qualem illi prædicant: quanquā eam fieri oportuit, pro magnitudinis ratione. Atq; spiritum, ignis opera in aqua genitum, feruorem facere, qui ut insit prius, nec fieri potest, nec illi sonitum feruorem esse statuunt, sed stridorem. At stridor, non nisi parvus feruor est: quo enim id quod incidit dum extinguitur euincit, ac superat, hoc feruendo sonitum edit. Sunt etiam qui fulgur, quemadmodum & Clidæmus, haud esse dicant, sed apparere, per similitudinem dicentes, quæ affectio similis sit: ut mare cum uirga percutitur noctu, resplendere uidetur, sic humorem cum in nebula flagellatur, fulgoris apparentiam, quæ non nisi fulgetrum est, ingerere. Verū hi nondum uersati fuerant in opinionibus, quæ de refractione sunt, quæ quidem eiusmodi affectionis causa esse uidetur. Nam aqua dū percutitur, fulgere uidetur, refracto ab ea ad quippiam lucidum aspectu. Quāobrem noctu magis, quā interdiu, fulgurat: nam interdiu non apparet, propterea quod maius dici lumen illud offuscat, & hebetat. Igitur hæc sunt, quæ de tonitru, & fulgetro ab alijs dicuntur, alijs fulgetrum quidē esse refractionem, alijs fulgorē dicentibus: tonitru uerō extinctionem ignis, non qui per singulas affectiones nubibus innascatur, sed qui insit. Nos autem super terram uentum, in terra terre motum, in nubibus tonitru, eandē esse naturam dicimus. Nam hæc omnia, idem essentia sunt, nempe exhalatio arida, quæ cum modo quodam fluit, uentus existit: cum autem isto, motus terre facere solet: cum autem in nubibus mutationem

tionem subiens excernitur, coëuntibus ipsis, & in aquam concreſcentibus, tonitrua, & fulgura, & inſuper cetera alia, quæ eiſdem cum hiſce natura ſunt. Atque de tonitru, & fulgure dictum iam eſt.

# ARISTOTELIS

## METEOROLOGICORVM

### LIBER III.

#### *Argumentum ex Alexandro.*

**L**ibro præcedente, ad finem eiſ diſputationis propoſuit de tonitru, & fulgure, vortice, prætere, ac fulminibus, aſignata ratione, ob quam de omnibus hiſce ſimul eſſet dicturus, & quòd omnia hæc ſubiecto unū eſſent. Et poſtquam in præcedente libro expoſitionem feciſſet de tonitru atque fulmine, quòd ſiant excreta, violenter ea aporatione aëris ſicca intra nubes incluſa, conſiſtentes videlicet, ad denſas, & propria denſitudine, frigiditateq; ipſum velut ignientes: in hoc libro de reliquis huius excretionis operibus, quæ patrare ſolet, diſſerere proponit. Sunt autem hæc, procellæ ventorum, & vortices, prætereſ, fulmina. Horum nanque cauſa eſt, ſiccæ euaporationis violenta è nubibus expulſio. Quem modum expoſitiones, ait, vt in præcedentibus duplex vaporatio dicebatur, è qua generationis initium ponebatur eorum, quæ in ſublîmi agebantur, ſic in hiſ quoque fore, quæ dicenda ſint. Ac primū de ventis dicit, quibus, quòd è nube ſpirent, nomen eſt inditum *ἐκνεφίας*.

Hic Ariſt. de ecnephia, & typhonis cauſis, eorumq; generatione, & diſſerētis, atq; de fulminū ſpeciebus determinat.

Ecnephię & Typhonis cauſæ: eorum generatio & diſſerentiæ: & fulminum ſpecies. CAPVT I.



**D**E reliquis autem ſecretionis huiusce operibus, modo, quo iam cœptum eſt, dicamus oportet. Nam ſtatu iſte, qui excerni ſolet, cū in parteis exiguas, ſparſimq; diſfunditur, & ſæpe fit, ac perſtat, necnon ſubtilior eſt, tonitrua, & fulgura edut. At ſi uniuerſa

ſua

sus & densior, minus autem subtilis expressus fuerit, Procellam gignit, quæ uocatur à Græcis Ecnephas. Quo fit, ut etiam uehemens existat: nam excretionis celeritas, robur aduehit. Cum igitur magna, & continens secretio fuerit consecuta, tum profecto idem accidit, quod cum rursum aduersam in partem halitum copia tetenderit, euenire assolet: tum enim pluuia iugis, multaq; fit. Itaque hæc ambo in materia, potentia insunt: & quidem cum utriuslibet facultatis principium factum est, quod è materia coëxcernitur, cuiuscunque copia maior fuerit abundantius subsequi assolet: fitq; huius exhalationis pars altera, imber illius altera, Ecnephas. Cum autem flatus, qui in nube erat excretus, alteri incurrendo repercutitur, perinde ut cum ex lato in angustum adigitur uentus in portis, uisq; (nam repulsa prima corporis ad hunc modum fluentis, parte, propterea quod illa nequaquam cedant, aut ob loci angustias, aut quod in frontem aliquis alius afflet spiritus, in istiusmodi locks flatus circulum, uertiginemq; fieri sæpe numero accidit: siquidem aliud ne ulterius procedat arcet, aliud à tergo impellit. Quare cogitur in latus, quæ nimis parte non prohibetur, sese uertere: atque ita semper quod proximum, continuumq; est, quousque unus euadat. Hoc autem, circulus est: cui enim figuræ unica latitudo competit, eam ipsam circulum esse necesse est) ob id profecto uertigines in terra, & in nubibus similiter iuxta principium fiunt. Nisi quod quemadmodum cum Procella fit, semper nubes excernitur, atq; continuus cooritur uentus, ita hic semper nubis continuus subsequi solet. At ob nubis densitatem impotens ab ipsa flatus secerni, in orbem primo conuertitur, ob eam quam diximus causam. In præceptum autem fertur, quia continuè nubes densantur qua parte ca-



lor excidit. Quare hæc affectio, si coloris expert fuerit, uocatur Typhon, qui quidem uentus est, ueluti Ecnephias, inconcoctus. Non sit autem Aquilonijs Typhon, nec niue iacente Ecnephias: præterea quod hæc omnia flatus existunt. Flatus uero, nisi calida, siccaq; exhalatio est. Igitur gelu, atq; frigus, quia euincunt, principium ipsum cum adhuc sit, statim extinguunt. Quod autem euincant, dominenturq; palam est: non enim esset nix, neque partes ad Aquilonem posite humerent: quippe cum hæc uincente frigore accidant. Fit itaq; Typhon, cum Ecnephias statim abortu excerni e nube non potest. Est autem ob uertiginis oblationem, cum ad terram conuolutio ipsa delabitur, quæ secum aliquid abreptum e nube desert, a quo absolui non potest. Quæ autem tramite directo procedit, eâ flatu agiat: atq; motu in circulum facto cuiusque rei impetu uiolento ingruerit, eam contorquet, sorbetq; in excelsum. At spiritus, qui e nube detrahitur, ardens, accensusq; dum fuerit, quod quidem accidit, si tenuior efficiatur, Prester uocatur, hoc est, incenso: incendit enim simul aërem, adeo ut ardore ipsum inficiat. Quod si ex ipsa nube multus, ac tenuis expressus fuerit flatus, is fulmen exultat: quod si admodum tenue fuerit, sed præ tenuitate non adurat, illud est quod Poëtæ Arges (id est, clarum) uocant: si uero minus adurat, quod Psoloën, quasi dicas fumidum. Nam illud ob essentiae tenuitatem feritur: at ob motus celeritatem ante penetrat, quam ut adurat, et mora facta insuscet: hoc autem cum sit tardius, inficit quidem, non autem adurit, sed penetrare anticipat. Quocirca et quæ obsidunt, quæpiam pati solent: quæ minime, nihil. Verbi causa, iam es, quo scutum integebatur, liquatum fuit: lignum uero nihil sustinuit: nam propter ligni raritatem, prius spiritus percolatus

tus fuit, atq; transmissus, quam ut lignum affici ullo pacto  
 quiverit. Per uestris quoq; pari modo transiuit, quas non  
 adusit, sed protruit. Quare hæc omnia flatus esse, uel ex  
 talibus conſtat. Licet autem oculis quoque ipsis interdum  
 contemplari: id quod nuper fecimus in templi Ephesini cō  
 flagratione. Tunc enim flamma seorsum reuulsa, multas in  
 parietis continua ferebatur. Fumum spiritum esse, ac arde  
 re, apertum est, et alio loco antea dictum. Cum autem uni  
 uersim abscedit, tum esse flatus aperte uidetur. Quod igitur  
 in paruis rogis fieri uidemus, hoc idem uel tunc, multa  
 nimirum ardente materia, longè ualidius fiebat. Ruptis ita  
 que lignis, unde spiritus origo, atq; initium erat, multus  
 qua parte efflabat, uniuersim secedebat, et ardens in subli  
 me ferebatur. Quare, flamma ipsa ferri, et incidere in do  
 mos uidebatur. Semper enim spiritum fulmina præcedere,  
 comitariq; putandum est: sed nō cerni, quia coloris expers  
 sit. Ideoq; quati prius omne, et efflari, quam percuti: ut po  
 te cū spiritus ocior fulmine sit. Quinetiam tonitrua fini  
 unt, dissipantq; non sono, sed spiritu. Nam spiritus tam so  
 num, quam ictum efficiens, unā cum illis excernitur: qui se  
 percutiat, findere, non urere solet. Verū de tonitru, fulgu  
 re, et Enephria, tum etiam de Preſtere, Typhone, et ful  
 mine, et quod omnia idem sint, et quenam ipsorum o  
 mnium inter se differentia sit, dictum est.

Halonis causæ, generatio, & accidentia.

C A P. I I.

**D**E Area autem, siue corona, et Arcu cœlesti, et quid  
 utrūq; sit, et quam ob causam fiat, uem de Parelijs,  
 et Bacillis, dicamus: nam hæc omnia, eisdem de causis eue  
 nire solent. Primian autem sumamus oportere affectiones,  
 et quæ circa unumquodq; ipsorum accidunt. Area igitur  
 plerunque completa circuli forma cernitur, sitq; circa so  
 nat.

K 2 lem,

lem, lunamq; & splendida astra. Præterea non minus noctu, quam interdiu: & hors antemeridianis, quam postmeridianis: mane uero, & circa solis obitum, rarius. At arcus celestis, nec unquam circulus euadit, nec maior, quam dimidia circuli forma sectio. Et occidente, & oriente, minimi circuli maximus ambitus: cum autem eleuatur magis, circuli maioris minor ambitus. Item post autūni æquinoctium, die decrescēte, quacunq; hora sit, æstate uero per meridiem non cernitur. Nec unquam plures simul quam duo, fiunt. Horum autem, quamuis uterq; tricolor sit, atq; eosdem, pariq; numero ac reliquis colores habeat, tamen qui in exteriori sunt, obscuriores habentur, atq; ordine contrario positi. Nam arcus interior primam, quæ maxima est, circumferentiam puniceam gestat: exterior ultimam, quæ minima est, sed illi proximam: atq; reliquias proportionabiliter. Cæterum colores hi sunt, quos serè solos facere pictores nequeunt: hi enim quosdam aliorum mixtura faciunt. At puniceus uiridis, & purpureus, nequaquam hoc pacto fiunt: hos autem colores arcus habet. Qui autem puniceum, & uiridem interiacet, huius plerumq; flauus apparet. Parelj autem atq; Virgæ, ex obliquo semper effici solent: & nec supra solem, nec infra prope terrā, nec e regione, nec etiam noctu, sed semper circa solem. Propterea aut ascendente, aut descendente: occidente frequēter: cœli umbilicum perreptante, rarò: id quod in Bosphoro aliquādo accidit. Nam coorti duo Parelj, ab matutino tempore durauerunt in occasum. Quæ igitur circa eorum quodq; accidunt, hæc sunt. Horum autem omnium una, eademq; causa est: nam hæc omnia, refractio sunt: differunt tamen modis quibus fiant, & in hoc, nempe à quibus, & quomodo refractio solem uersus, aut aliquid aliud lucidum fiat. Item arcus interdiu




terdiu quidem sit: noctu uero, à luna scilicet, ueterum quidem sententia minime fiebat. Hoc autem illis accidit, propter raritatem: eos enim latebat. Fit tamen, sed raro. Causa, quòd colores in tenebris lateant, quodq; alia multa concurrere, eaq; omnia una die mensis, oporteat: nam plenilunio fiat: si futurus sit, necesse est: atq; tunc, oriente, aut occidente luna. Quamobrem in annis supra quinquaginta, his tantum in eum incidimus. Quòd igitur ut ab aqua, ita etià ab aère, cæterisq; omnibus, quæ superficie leui cōstant, refrangatur aspectus, ex hisce quæ circa aspectum demonstrantur, sumenda fides est, quodq; in quibusdam speculis nō modò colores, uerum etiam figure appareant, in quibusdā uerò colores solū. Eiusmodi autem sunt, quæcunque exigua sunt, & sensilem diuisionem nullam habent. Nam fieri non potest, ut in hisce figura appareat: uideretur enim esse diuisibilis: nam figura omnes simul & esse figura, & omni ex parte diuidi posse uidetur. At cum quippiam in alijs apparere sit necessum, figuram autem impossibile sit, reliquum est profectò ut color solū appareat. Porro splendorum color interdum splendidius apparet, interdum uerò, aut quia cum speculi colore permiscetur, aut quia respectus infirmus est, alterius coloris ingerit phantasiam. Sed de his in hisce, quæ de sensibus demonstrantur, sit à nobis considerandum. Proinde ex hisce alia dicamus, alijs uti ueris utamur.

Halonem esse circulum: & quid denuntiet. CAP. III.

**P**rimum autem de Arcæ figura, & cur circulus euadat, & cur circa solem, lunamq; & consimiliter circa aliquod aliud astrum cerni soleat, dicamus: nam omnibus eadem accommodabitur ratio. Fit igitur aspectus refractionis, cum uapidus aër in nubem concreuit, dummodo consistens

Hic ostendit Arist. aream esse circulum, quid denuntiet exponit.

æquabilis sit, ac partibus constet exiguis. Quamobrè cùm uapor consistit, aquæ signum datur: cùm uerò dissipatur, aut emarcescit, minime. Nam cùm dissipatur, flatum: cùm uerò emarcescit, serenum indicat. Si enim uapor nec emarcescat, nec dissipetur, sed suam sortiri naturam sinatur, merito aquæ signum existit: quando iam talem fieri consistentiam indicat, ex qua ad aquam uenire densatione continentiam accipiente, necessum sit. Vnde etiam fit, ut hi uapores omnium maxime colore atro sint. At cùm dissipatur, flatu porredit. Nam uaporis diductio à flatu fit, qui iam quidem est, nondum tamen apud nos excurrit. Cuius rei indicium est: quòd unde præcipua dissipatio fit, hinc flatu accedit. Cùm uerò emarcescit, serenitatē. Nam si aer nullo pacto ita sese habeat, ut quē in se continet calorem euincat, et in pluuiam densitatem ueniat, constat exhalationis partem humentem, ac frigidam, ab arida, et ignea nondum esse sequestratam: quòd serenitatis causa existit. Itaq; quo pacto habente aëre refraction fiat, dictum est. Refrangitur autem aspectus à caligine, quæ circa solem, lunam ue consistit. Quocirca Area non è regione, perinde ut Arcus, apparet. Cùm autem



tem equo undique modo refrangitur aspectus, circulum exultare, aut certe circuli partem necesse est. Nam lineæ æquales ab eodem puncto ad idem punctum ductæ, semper supra circuli lineam franguntur. Sit enim à puncto A, uersus punctum B, fracta linea ACB, & linea AFB, & linea ADB: sintq; æquales inter se hæ, AC, AF, AD: & quæ ad B se conferunt, nempe CB, FB, DB, itidem inter se æquales, atque producatæ linea AEB. Quare trianguli æquales, similesq; sunt: quippe qui super æqualem lineam AEB, consistunt. Ducantur autem ex angulis ad lineam AEB, perpendiculares: ab angulo C, perpendicularis CE: ab angulo F, perpendicularis FE: ab angulo D, perpendicularis DE. Hæ itaque inter se æquales sunt. Nam in æqualibus triangulis, & uno in plano, omnes constant: omnes enim sese ad rectos angulos lineæ AEB, in uno puncto scilicet E, iungunt. Igitur descripta linea, circulus erit: centrum uero, E. Sit autem punctum B, sol: punctum A, aspectus: circumferentia CFD, nubes, à qua solem uersus refrangitur aspectus. Specula etiam continua intelligere oportet. Verum singula ob paruitatem inuisibilia sunt. Quod autem ex omnibus constat, unum esse uidetur, quia ita digesta sunt, ut unum deinceps post alterum sit collocatum. Quod autem cernitur album, sol est, qui in unoquoq; speculo per circumlum continenter apparet, nec ullam quæ sensui peruia sit, recipit diuisionem. Huic autem proxima, continuq; ora nigricat ob illius alborem atrior apparens. Sed circa terram magis, quod locus terræ uicinior magis uenio careat. Nam fieri non potest, ut flante uento, statio certa fiat. Porro circa lunam Aræ sepiusculè fiunt: quia sol cum sit calidior, oculus aëris constitutiones dissoluit. Circa astræ



autem, fiunt quidem eisdem de causis, non tamen ex aequo portendunt, quòd constitutiones prorsus exiguas, & nondum fecundas significent.

De Iridis accidentibus tum cæteris, tum coloribus: & de eius ad Halonem differentiis. CAP. IIII.

Hic Arist. de iridis accidentibus, coloribusq; quor item iridis, & arcæ differentia sing, determinat.

**Q**UOD autem Arcus refractio quidem sit, iam diximus: qualis autem, & quo pacto, quaq; de causa singula, quæ illi accidunt, fieri soleant, in præsentia dicendum. Igitur ab omnibus leuibus refrangi aspectus uidetur, de quorum numero est tam aer, quam aqua. Fit autem refractio ab aëre, cum densescit. At ob uisus imbecillitatem, frequenter uel sine inspissatione uisum refringere idem assolet. Id quod cuidam molliter, non acutè uidenti, aliquando accidit: dum enim ambulabat, semper simulacrum aduersa fronte præcedere uidebatur: quod illi continebat, quoniam uiso ad ipsum deslecebatur: nam præ languore adeò imbecilla, tenuisq; modis omnibus erat, ut & propinquus aer speculi uicem illi perinde ut qui remotus, densusq; esset, præstaret, & ab illa repelli nequiret. Quocirca & promontoria in mari, reuulsa, & Euro spirante omnia maiora uidentur. Item quæ in caligine posita sunt, ut sol, & astra, dum oriuntur, & occidunt potius, quam cum cœli mediam tenent. Ab aqua autem maxime uisus refrangitur, & adhuc ab ea, quæ fieri incipit melius, quam ab aëre. Etenim quamlibet partium, è quibus consistentibus roratio fit, potius quam caliginem, speculum esse necesse est. Cum autem & apertum sit, & iam dictum in huiusmodi speculis colorem duntaxat, non etiam figuram apparere: necessario accidit cum pluuere incipit, & iam quidem nubium aer in mollem pluuiam concreuit: nondum tamen pluit, si è regione sit sol, aut quippiam aliud, quod adeò lucidum sit,

ut

ut nubes speculum reddi queat: & refractione in corpus lucidum ex aduerso fiat, coloris, non figuræ apparitionem fieri, cum speculum quodq; paruum sit, atq; inuisibile. At cum magnitudinis continētia, quæ ex illis omnibus exultat, uideri queat, magnitudinem perpetuam eundem prætendere colorem necesse est: nam speculum quodque ei, quod ex omnibus coalescit, suum colorem tribuit. Quare cum hæc accidere possint, quoties sol, & nubes sese ad hunc modum habebunt, & nos solem inter, & nubem erimus, apparitio quædam ob refractionem fiet. Quinimo & tunc, & non aliter habentibus illis, Arcus in cælo cernitur. Patet igitur Arcum esse refractionem uisionis in solem. Quamobrem & Arcus, nisi sole aduerso: Area uerò, nisi circa solem non fit. Et quidem ambo, refractiones sunt: uerum colorum uarietas alteram à reliqua discriminat: nam altera ab aqua, atq; & è longinquo fieri solet: altera ab aëre, qui suapte natura candidior est, & è propinquo. Quod autem fulgidum est, per atrum, aut in atro (nihil enim refferi) puniceum apparet. Contueri autem possumus ignem, qui è uirentibus lignis fit, rubram flammam habere: propterea quòd ignis, qui fulgidus, albusq; est, multo fumo admixtus est. Quinetiam sol ipse per caliginem, & fumum, puniceus apparet. Quocirca Arcus refractione prima, eiusmodi colorem habere uidetur: quippe cum ea refractione à paruissimis asperginibus fiat. At Area refractione, minimè. De cæteris autem coloribus postea sumus dicturi. Præterea talis constitutio circa solem ipsum permanere diu non potest, sed aut pluit, aut dissoluitur: dum tamen è contrarijs aqua gignitur, tempus quoddam interuenit. Si enim illud eueniret, Area modo Arcus tinctæ forent: nunc autem integra quidem, aut circularia nulla fiunt, quæ talem habeant appa-

ritionem: sed exigua, & per partes, nempe qui uocantur  
 Bacilli, seu Virgæ. Quando si caligo talis consideret, qua-  
 lis esset aquæ, aut cuiuspiam alius atri, sicuti iam diximus,  
 Arcus coelestis integer perinde, ut qui circa lucernas sit,  
 appareret. Nam frequenter per hyemem flante Austro  
 circa lucernas sit iris, quam maxime uident, qui oculos ha-  
 bent humidos: quoniam eorum aspectus præ imbecillitate  
 celeriter refrangitur. Fit autem tam ab æris humiditate,  
 quam à fuligine illa, quæ à flamma defluit, atq; cum ære  
 miscetur: tunc enim speculum uel propter nigrorem fieri  
 assolet. Nam fuligo, fumida existit. At lucernæ lumen non  
 album, sed purpureum, & flori Ireos simile, non autem pu-  
 niceum, circulo apparet: nam & aspectus qui refrangitur,  
 exiguus est: & speculum, atrum. At iris illa, quæ à remis  
 fieri solet, qui è mari referuntur, seu quidem eodem fit mo-  
 do, quo quæ in cælo cernitur, colore tamen similior ei est,  
 quæ circa lucernas apparet: non enim puniceum habere  
 colorem uidetur, sed purpureum. Ipsa autem refractione à  
 minutissimis quidem, sed continuis asperginibus fit, quæ nõ  
 nisi aqua sunt, quæ iam prorsus discreta est. Fit autem etiam  
 iris, si quis talem locum, qui soli oppositus sit, & hæc qui-  
 dem sol faciem suam ostendet: illæ uerò umbram faciat, te-  
 nuibus conspergat rationibus. Nam in tali loco, si quis in-  
 tra irroret, ei qui foris stat, quæ solis radij permittantur, at-  
 que umbram efficiunt, iris apparere solet. Hæc autem mo-  
 do locoq; consimili fit, & causa eadem, quæ quæ à remis  
 efficitur: nam qui irrorat, manu uice remi uti solet. Quod  
 autem iris color talis sit, simul & de cæterorum colorum  
 apparitione, ex hisce patebit. Intellexisse enim oportet,  
 uti iam diximus, atq; supposuisse, primò quidem rem luci-  
 dam in nigro, aut per nigrum, colorem efficere puniceum.


Secundò,



Secundò, aspectum qui se longè deducit, imbecillio-  
rem, minoremq; reddi. Tertiò, atrum esse ueluti abnegatio-  
nem: nam quia uisus deficit, atrum apparere solet. Quo-  
circa quæ longè absunt, nigriora omnia apparent: quia ui-  
sus ea minus assequatur. Sed ista ex hisce, quæ circa sensus  
accidunt, considerentur: nam quæ de hisce rebus dicuntur,  
ad illa pertinent: nunc autem de ipsis dicamus, quantum  
nobis opus est. Hac igitur de causa, tam quæ remota sunt,  
quàm quæ in speculis, nigriora, minoraq; ac leuiora ap-  
parent. Quinetiam nubes hisce, qui in aquam, quàm qui  
in ipsas aspiciunt, nigriores esse uidentur, idq; admodum  
insigniter: nam aspectu exiguo, propter refractionem,  
spectantur. Nihil autem interest, conspectus dimoueat,  
an res conspectui obuia: sit enim ratio uirilibet, ut idem  
eueniat. Adhæc, nec id nos latere oportet: accidit enim ut  
cum nubes prope solem, si fuerit, si quis in eam dirigat pu-  
pillæ aciem, nullo infecta colore, sed alba appareat: at si in  
aqua eandem spectet, colorem quandam Arcus cælestis ha-  
bere uideatur. Patet igitur, quod conspectus fractus ut præ  
imbecillitate quod nigrum est, magis nigrum, ita quod al-  
bum est, minus album apparere facit, atq; ad nigrorem ad-  
ducit. Validior igitur aspectus, colorem album in puniceum,  
proximus ab illo in uiridem, qui præterea imbecillior est,  
in purpureum mutare assolet. Ultra hos autem colores,  
nullus præterea apparet: sed ut plurima quoq; alia, ita &  
hi ternario definiti sunt. Aliorum autem colorum muta-  
tio, insensibilis est. Quocirca & Arcus tricolor, uterque  
quidem, sed opposito modo apparet. Primus igitur exte-  
riam, supremamq; circumferentiam, puniceam habet. Nam  
aspectus à maxima circumferentia soli plurimus incurrit:  
extrema autem, maxima est. Proxima uerò, & tertia, iuxta  
propon

proportionem sese habent. Quare si quæ de colorum apparitione differuimus, probè dicta sunt, Iris & tricolorē esse, & hisce solis coloribus tingi necesse est. Flauus autem color iccirco apparet, quia iuxta positi colores spectantur. Nam color puniceus iuxta viridem, albus apparet. Cuius rei signum est, Nam in nube nigerrima, Iris maxime pura, sinceraq; fieri assolet: tunc enim accidit, ut color puniceus flauior esse uideatur. Flauum autem illud, quod in Arcu apparet, color est inter puniceum, & uiridē medius. Igitur ob nubis circumstantis nigrorem, quicquid eius puniceum est, album apparet: nam puniceum, ad illa, album est. Et rursum emarcescente proxime terram Irīde, cū dissoluitur puniceum, nebula alba iuxta uiridē sese applicans, in flauum transire solet. Hæc autem maxime indicat lunæ Arcus, quippe qui albus omnino appareat: quod accidit, quia & in nube atra, & noctu spectari solet. Ergo ut ignis igni adiectus, sic nigrum iuxta nigrum positum, quod remisse albū est, quale est puniceum, prorsus album apparere facit. Hæc autem affectio, uel in floribus perspicua est. Nam in texturis, & uarietaturis, colores quidam iuxta alios, & alios positi, apparitione supra quā dici queat, differunt: ut purpurei in albis, nigris uel lanis. Præterea in splendore tali, aut tali. Quocirca & qui uariis florum coloribus flores concinnant, cū ad lucernam operantur, sese frequenter errare, & imprudenter alios pro alijs accipere aiunt. Quod igitur Iris sit tricolor, quodq; hosce colores tantummodo præferat, dictum est. Quæ autem ambit, secunda, & coloribus languidioribus est: quos item situ diuerso, atq; prima, hæc ipsa de causa habet. Nam affectus longius procurrens, ut quod remotius est, ita quod hic est uidet. A superiori igitur Irīde refractione imbecillior exultat:

exultat: quia remotiore in loco fit. Quare cum minor inuadat, colores apparet languidiores efficit. Item ordine conuerso, propterea quod sese à minori, ac interiori circumferentia ad solem maior trudit. Nam quæ uisio minus distat, à propinquissima primæ Iridis circumferentia refrangitur: minima autem exterioris Iridis circumferentia, propinquissima est. Itaque ea puniceum colorem habebit: illi autem proxima, et tertia, iuxta proportionem. Exterior Iridis, B: interior, A: Colores, C puniceus, D uiridis, E purpureus. Pars autem illa, quæ est F, flaua apparet.



Cæterum tres Arcus, aut plures facti ad hoc usque, cui nunquam fuerunt: quia secundus obscurior euadat, adeo ut tertia refractione admodum infirma reddatur, nec ad solem peruenire queat.

Iridis proprietates aliquot.

CAP. V.

**P**orro Arcum coelestem nec in circulum euadere posse, nec in portionem semicirculo maiorem, atque de cæteris, quæ illi accidunt, ex descriptione fiet, considerare uolentibus apertum. Nam hemisphærio supra terminantem circulum A existente, centro autem K, atque puncto quodam

Hic aliquot Iridis proprietates Aristoteli ponit.



quodam alio ceu G exoriente, si lineæ quæ à K in turbinis speciem prociidunt, uelut axem lineam G K faciant, & lineæ à K ad M productæ ab hemisphærio ad G super angulum maiorem refragantur, lineæ profectò, quæ à K egrediuntur, sese circuli oræ applicabunt. Atque si in astri exortu, abitu ue fiat refractio, dimidia circuli portio, quæ supra terram sit, excipi ab horizonte consuevit. Si uerò dum astrum supra in parte cœli existit, refrangatur aspectus, semper arcus minor dimidia circuli forma assumitur. Minimus autem, dum illud circumulum attingit meridianum. Sit enim primum in oriente G, & lineæ K M in G refrangatur: atque planum E, quod à tergo trianguli G K M existit, educatur: nihil enim refret, si quodlibet planum ex hisce, quæ supra lineam G K, iuxta triangulum K M G consistunt, educum sit. Orbis itaque sectura, circulus erit, maximus sit E. Lineæ igitur à punctis G K hac ratione ductæ, haudquaquam in alio, & alio quàm semicirculi illius in quo E, puncto concurrent. Nam cum & puncta G K data sint, & lineæ K M data utriq; erit & lineæ M G. Quare & ratio lineæ M G ad lineam M K. Datam igitur circumferentiam, punctum M attinget. Sit itaque ea, N M.

Quare circumferentiarum sectio data est. Ad aliam enim quàm N M circumferentiam, ab eisdem punctis eadem ratio in eodem plano minime consistit. Extra descriptam igitur figuram, lineæ quedam, nempe D B, seorsim iaceat, seceturq; ad hunc modum, ut quomodo lineæ M G ad lineam M K sese habet, ita lineæ D ad lineam B sese habeat. Maior autem est lineæ M G, quàm lineæ M K: quandoquidem turbinis refractio super maiorem angulum sit: sub maiori enim angulo trianguli

guli  $MKG$ , porrigitur: maior ergo est linea  $D$  linea  $B$ . Accedat igitur ad lineam  $B$ , linea  $F$ , ut quod est linea  $D$  ad lineam  $B$ , id linea  $BF$  ad lineam  $D$  sit deinde quod est linea  $E$ , ad lineam  $KG$ , id linea  $B$  ad aliam, puta  $KQ$ , fiat: atque à puncto  $Q$  ad punctum  $M$ , producaturs linea  $QM$ . Igitur punctum  $Q$  circuli cui lineæ à  $K$  profluens ingruunt, uertex erit. Nam ut linea  $F$  sese habet ad lineam  $KG$ , & linea  $B$  ad lineam  $KQ$ , ita & linea  $D$  ad lineam  $QM$  sese habebit. Ponamus enim non ita habere, sed aut ad minorem, aut ad maiorem lineam  $QM$ . Nihil enim refert, utram dicamus: sit ad lineam  $QR$ . Eandem igitur rationem lineæ  $GK$ , &  $KQ$ , &  $QR$  inter se habebunt, quam lineæ  $F, B, D$ , habent. At lineæ  $F, B, D$ , rationum similitudinem subeunt: nam quod est linea  $D$  ad lineam  $B$ , id linea  $FB$  ad lineam  $D$ . Quare sicut se habet linea  $GQ$  ad  $QR$ , sic linea  $QR$  ad  $QK$ . Si igitur à punctis  $G, K$ , ad punctum  $R$  protrahantur lineæ  $GR$ , &  $KR$ , hæc protractæ eandem seruabunt rationem, quam linea  $GQ$  ad lineam  $QR$ . Nam lineæ trianguli  $GQR$ , & trianguli  $KRQ$  circa eundem angulum  $Q$ , rationum similitudinem subeunt. Quare & linea  $GR$  ad lineam  $KR$  eandem habebit rationem, quam & linea  $GQ$  ad lineam  $QR$  sortita est. Eandem autem rationem habet linea  $MG$ , ad lineam  $MK$ , quam linea  $D$ , ad lineam  $B$ . Quare quæ à punctis  $G, K$ , ducuntur, ambæ non modò apud circumferentiam  $MN$  concurrent, tametsi eandem habeant rationem, uerùm etiam alibi quod sanè fieri nequit. Cum igitur linea  $D$ , nec cum maiori, nec cum minori quàm  $QM$  (utrunq; enim similiter ostendetur) communem obtineat rationem, patet idem illi cum ipsa linea  $QM$


euenire. Quære quod est linea  $MQ$ , ad lineam  $QK$ , id erit linea  $GQ$ , ad lineam  $QM$ . Igitur si circulus descriptus sit, qui uertice  $Q$ , & intervallo  $QM$  uatur: angulos omnes attinget, quos refractæ lineæ, quæ à punctis  $K$   $G$  prodeunt, efficere solent. Quod si non attinget: quæ alibi, quàm in semicirculo cõcunt, eandem habere rationem consimiliter ostendentur: quod fieri non posse, iam diximus. Si ergo semicirculum  $E$  circa diametrum  $GKQ$  circumagas, quæ à punctis  $GK$  ad punctum  $M$  refrangi solent, omnibus in planis consimiliter sese habebunt, efficienq; angulum æqualem, nempe  $KMG$ : & quem angulum lineæ  $KQ$ , &  $QM$ , super lineam  $GQ$  committent, semper æqualis erit. Igitur trianguli super lineam  $GQ$  constituti triangulo  $GMQ$  æquales sunt: horum autem perpendiculara, in idem punctum lineæ  $GQ$  cadent, atque equalia inter se erunt. Cadant in  $O$ , igitur  $O$ , circuli centrum existit: cuius partem alteram, nempe eam, quæ circa  $MN$  horizon abstulit.



Rursum, sit horizon  $AC$ , supra quem iam subiectum sit punctum  $G$ : sitq; nunc axis  $GQ$ . Reliqua omnia, haud secus atq; prius ostendentur. Circuli enim uertex  $Q$ , sub horizonte  $AC$ , eleuato puncto  $G$ , erit. Vertex autem circuli, & centrum tam circuli, quàm eius, qui nunc puncti eleuationem terminat (is enim est  $GQ$ ) in eadem linea



nea sunt. Cùm uerò puncta  $K G$ , supra diametrum  $A C$  sint, circuli centrum scilicet  $O$ , sub priori terminante, nempe  $A C$ , in linea  $K Q$  erit. Quare portio, quæ supra horizontem existit, ut  $S T$ , sole supra eandem eleuato, minor semicirculo erit: nam  $R S T$ , semicirculus erat, nube autem à terminante  $A C$ , intersectus est: portio itaque  $R S$ , minimè apparebit.



At cùm idem in meridie existit, minima. Nam quò punctum  $G$ , superius fuerit, eò circuli centrum, & uertex inferius erunt. Cur autem ab æquinoctio autumnali die decrescente quacunque hora fiat  $1^h$ , & eo rursus crescente ab æquinoctio uerno usque ad alterum per meridiem non cernatur, ratio est, quòd circularũ sectiones, quæ ab æquinoctiali

noctiali ad septentrionem uergere solent, omnes semicirculo maiores sunt, atque subinde semper maiores euadunt: quod uerò diffaret, parum. Contrà quæ ab eodem ad meridiem spectant, minores (nam quæ supra terram extat, parua est: quæ autem infra, magna:) & quæ longius ab sunt, semper minores sunt. Vnde fit, ut diebus solstitio æstiuo utrinq; proximis, ob sectionis magnitudinem, priusquàm punctum G, ad sectionis medium, meridianamq; lineam perueniat, T prorsus deorsum existat: propterea quòd meridiæ à terra protul ob sectionis magnitudinem abest.

At diebus solstitium hybernium stipantibus, propterea quòd circulorum sectiones non admodum supra terram sunt, contrà accidere necessum est: nam paululum eleuato puncto, G, sol in meridie consistit.

Virgarum & Pareliorum causa & generatio. CAP. VI.

Hic Aristot.  
uirgarum, &  
pareliorum cau-  
sas ac gene-  
rationem de-  
clarat.

**D**E geminato autem sole (quem Græci Parelium uocant) & Virgis, sive Bacillis, easdem cum ijs, quas diximus, causis esse existimandum est. Nam tum Parelius fieri assolet, cum solem uersus refrangitur aspectus. Virgæ autem propterea quòd aspectus talis, qualem semper fieri diximus, quoties nubibus prope solem consistentibus ab aliquo humido refrangitur, ad nubem sese applicat. Nam nubes cum per directum spectantur, coloris expertes esse uidentur: cum uerò in aqua, plenæ Virgarum apparent. Verum tunc, nempe cum in aqua spectantur, color esse nubis uidetur: ac cum Virgæ in coelo sunt, idem in ipsa nube apparet. Hoc autem fit, cum nubis constitutio inæqualis est, & nubes partim densa, partim rara, & una in parte aquosa magis, in altera minus existit: nam refractio in solem aspectu, solis figura non cernitur, sed color. At quia sol lucidus, & albus existens, quem uersus refrangitur aspectus,

flus, in re apparet inæquabili aliud puniceum, aliud uiride, aut flauum apparet. Nihil enim refert per talia uidere, an à talibus refringi aspectum dicamus, utroq; enim modo colore simili apparet. Quare si illo modo puniceū, & hoc quoque tale apparebit. Virgæ igitur, propter speculi inæquabilitatem, non figura, sed colore fiunt. Parelus autē fit, cum aer quàm maximè æquabilis, & ex æquo densus est. & proinde albus apparet. Nam speculi æquabilitas, apparitionis colorem unum reddit. At aspectus uniuersi refractionis, quod à caligine, quæ densa est, & necdum quidem aqua est, sed prope est ut aqua sit, ad solem concurrat, colorem qui in sole est apparere perinde facit, ut cum ab ære leui ob eius densitatem frangitur aspectus. Quare cum solis color albus sit, Parelus quoq; albus apparet. Ob id ipsum autem Parelus, quàm Virgæ certior aquæ futurae index existit: quippe qui aërem gignendis imbribus procliuem esse magis indicat. Et cum in Austrina coeli regione constituerit, magis quàm cum in aquilonia: quoniam austrinus aer, quàm septentrionalis melius in aquam mutari solet. Fiunt etiam tam Parelus, quàm Virgæ, uti diximus, in oriente, & occidente, & nec supra solem, nec infra, sed ex lateribus, nec prope admodum, nec procul omnino. Nam si illa aeris concrefcentis soliditas prope sit, resoluetur à sole: si procul, aspectus refragi non poterit: cum enim longè de paruo speculo remeet, imbecillus redditur. Quãobrem Astræe quoq; fieri nō possunt è regione. Quod si supra, & in propinquo inchoetur, à solis feruore dissoluetur: sin procul, aspectus minor, quàm ut refractionē facere queat, solē haudquaquā inuadet. Sed in latere fieri potest, ut speculum ita distet, ut nec solis feruore absorbi possit, et aspectus uniuersus recurrat: nā si in terrā, quasi per immensum sparsus



feratur, deuenire ad solē non potest. Sub solē etiam fieri nō potest, quia si prope terram exiiterit, consumetur feruore: si autem supra cōlo in medio, aspectus distrahetur, & eua nescet. Deniq; nec ē latere quidem effici illa potest. cū sol cōli umbilicum perrepat: nam aspectus nequaquā fertur in terram. Itaq; exiguus ad speculum uenit, & refractus omnino imbecillus recedit. Quæ igitur opera in locis quæ supra terram sunt, secretionem exhibere contingat, tot ferē numero, taliaq; sunt. Quæ autem in terra ipsa, eadem in terræ partibus oclusa efficiat, dicendum. Duas enim corporū differentias, quoniam & ipsa quoq; duplex est, ibi perinde ut in sublimi, efficere assoler. Nam ut halitus duo sunt (ut diximus) alter uapidus, aliter sumidus, ita & eorū quæ in terra fieri solēt, genera duo sunt: etenim alia fossilia sunt, alia metallica. Igitur exhalatio arida, suo calore fossilia omnia, uerbi causa tam illiquabilia lapidum genera, quā sandara cam, ochram, minium, sulfur, cæteraq; generis eiusdem efficit. Plurima autem fossilium, partim coloratus puluis sunt, partim lapis ē tali consistentia factus, ut cinnabari. At quæcūq; metallica sunt, & aut fusilia sunt, aut ductilia, ut ferrum, æs, aurum, ad uapidam pertinent exhalationem. Vapida autem exhalatio, cū in terra includitur, & in lapidibus potissimum ob eorum siccitatem constringitur in arctius, densescitq; roris, aut pruina modo cū excernitur, ea omnia commutit: sed inibi ea prius, quā illa excernatur, gigni solent. Vnde fit, ut partim aqua sint, partim minime: nam eorum materies potentia quidem aquæ erat, nondum tamen est. Nec ex aqua, quæ per affectionem quampiam saporum in morem fiat, constant: non enim ad hunc modum hoc æs, illud aurum euadit: sed horum singula concreta prius exhalatione, quā ortum subeant, fiunt. Quo-

circa

circa & terram continent in se, & uruntur omnia, quod siccam exhalationem habeant. At aurum, unum omnium nequaquam uri solet. Sed de his omnibus, communiter quidē a nobis dictum est: propriē autem ij cōsiderent oportet, qui generis cuiusq; determinationem suscipiunt.

## ARISTOTELIS

## METEOROLOGICORVM

## LIBER IIII.

*Argumentum ex Alexandro.*

**Q**uartus liber, inscriptus De rebus sublimibus, Aristoteli est sane ipsius Arist. et non est traditionis sublimiū: nō enim ad illā expositionē pertinent, quæ in hoc dicuntur. Et quantū ad materiem, quæ hīc traduntur, rerū attinet, magis locandus fuerit post libros De generatione & interitu: siquidē cū in iis esset locutus de facultatibus quatuor tactilibus, caliditate, frigiditateq; humiditate, ac siccitate, atq; ostēdisset ex harū coniugatione elementa fieri, & alias quidem actiuas, alias uerō passiuas esse: in hoc libro ostendit, quæ nā sint ea, quæ harum facultatū unaquæq; patiatur, aut agat, in rerum constitutione scilicet, quæ res ex elementis conitant.

*Aliud huius libri Argumentum.*

**L**ibro quarto Meteorōn traduntur ab Arist. affectiones, quæ omne corpus mistum, quatenus eiusmodi est, consequuntur. Sunt autem, primum misti generatio, ut mistū est, & huic opposita corruptio, quæ nomen generale quidē nō habet, sed in singularibus rebus putrefactio appellatur. Per hanc generationem corpora mista ex quatuor illis primis coagmentari ostendit, in qua fabrefactione artifex est calor: materia artificij, humidum, actionem caloris excipiens. His adiciuntur vtrinq; huic quidem siccum, quo firmum, stabileq; efficiatur ipsum humidum, vt actionem calidi retineat. Calido autem frigidum apponitur, vt materiei proportionē respōdeat. Si quidem calor summus, uelut ignis est: modum

huiusce actionis, quam in mistorū constitutione videmus, non habet. Absumit enim, & in se tota ea conuerit; quibus est superior. In mistis nō fit istud, sed cū modo, & mediocritate quadam actionē suam temperare videtur calor. id quod nō aliunde, quā à proportionē ad ipsa patientia habet, quam proportionem adiectione frigidi accipit. Frigidū itaq; in generatione misti inter effectrices qualitates cēsetur, quatenus calido, à quo actio hæc vniuersa proficiscitur, adiectū proportionale, atq; ad hanc actionem aptū facit, per quam actionem mistio primū consistit. Siccū verò patitur, quatenus humidi mediocritatem efficit quandā, per quam partes eius consent, nec diffuant, & prōinde fictionē caloris deperdāt: velut cera effigiem quam accepit, perdit, dum liquefit. Humidū itaq; ante misionem nullū terminum habet, sed ab agente accipit, efformante ipsū, & admitione siccī efficiente vt immaneat terminus, quem effinxerit. Hanc igitur actionem omnino aliqua forma consequitur, non hæc, aut illa quidē, sed simpliciter misti forma. Hanc transmutationē, misti generationem simpliciter vocant: cui opponitur misti corruptio, quæ nomen quidē generis totius nullū habet peculiare, sed in rebus singularibus putrefactio dicitur. Est enim hæc transmutatio, per quā mistio dissoluitur. Quemadmodū igitur per generationē misti, terminus quispiā humido inducitur à calore agēte, idemq; siccī admitione ab eodem retinetur: sic per putrefactionē dissoluta misione siccī ab humido, aboletur terminus. Cuius signum esse ait Arist. quòd ea, quæ putrefiunt, foris humida, intus sicca apparent, humido scilicet per dissolutionem misionis, ad extrema tendente. Insuper modum ostēdit, per quem istud fiat: nimirū calor mediocritatem habens & efficit misionem, & eā conseruat: sic amissa mediocritate, neq; efficere illam potest, neque cōseruare prius factam: eaq; propter dissoluitur mistio nullo scilicet retinente: & ita interit, quod fuerat mistū. Eundem modum latius explicat, inquiens nonnunquā fieri, vt calor natiuus, qui rem sua mediocritate conseruabat, à calore ambiētis euincatur, inde ad eū ipsum moueatur, è mediis scilicet misti partibus, atq; vna rei ipsius humidū, in quo tāquā subiecto consistit, educat, quo modo separatio fit humidi à sicco. Hæc itaq; hoc pacto peragūtur, post quæ sequitur cōtemplatio affectionū de rebus iam cōsistētibus, per quæ aut



perficiuntur res, uelut fructus immaturi concoctione absol-  
uuntur, aut perfectæ, absolutæq; ad legitimum terminum usq;  
conseruantur. Sunt autē, digestio, atq; indigestio. Digestione  
res aut perficiuntur, aut cōseruantur, eiusq; species tres sunt,  
*μιναισις*, siue maturatio, & *ψησις*, siue exilatio, & *ἀσπασις*, siue assa-  
tio. His totidem species opponuntur, & *μετρώσις*, quidē *ἀμώ-  
σις*, id est, cruditas, cuiusmodi cernitur in fructibus non ma-  
turis, uelut in botryonibus, qui ab hyeme nomen apud no-  
stros acceperunt. Species digestionis ita differre videntur, vt  
digestio omnis, siue ea sit, qua res perficiuntur, uelut est ma-  
turatio, siue qua cōseruantur, uelut reliquæ species duæ, in  
calorē referatur, cui uniuersum hoc artificium est attribuedū.  
Sed illi aut peculiariter tribuitur, quatenus calor est, & tunc  
appellabitur maturatio: aut vt humido iūctus est, vel vt secco.  
Si vt humido, tūc elixatio appellatur: sin vt secco, assatio dici-  
tur. Has appellationes Arist. ab arte petit, ob similitudinem  
scilicet operū. Quemadmodū enim cocus elixa excoquit per  
calidū adiuncto humido, ita Natura in animalibus sanguinē  
excoquit calore, adiuncto humido. Et vt cocus assum parat,  
calore ignis solo, qui siccitati est iunctus, sic in animalū cor-  
poribus bilis gignitur, calore siccitati iūcto. Porro phlegma  
incoctum est, & per eam digestionis speciē fieri uidetur, quæ  
elixationi opponitur. Calor itaq; aut solius præcipuā actio-  
nem agere intelligitur, aut vt alteri qualitati est iunctus, idq;  
bifariam. Aut enim ut secco, aut ut humido iungitur. Et sunt  
in uniuersum hæ differentię tres numero, ē quibus species  
digestionis tres nascuntur, & totidē, quæ huic opponitur, in-  
digestionis. Atq; hæ sunt primarū qualitū actiuarū coniu-  
gationes, & actionū, quæ ab ipsis proficiscuntur, modi, atq;  
differentię: quibus subiungit passiuarū qualitatum effectus,  
eorumq; differētiās, ē quibus sunt mollities, atq; durities. Sūt  
enim mollia, quæ plurimū habēt humidi: dura, quæ sicci plu-  
rimū habent, quorū iudiciū pertinet ad tactum. Et quia hæc,  
& quæ huiusce generis sunt cetera, congelatione fiūt, de hac  
ipsa quoq; disputationem instituit, & quæ huic opposita est  
liquatione. Postremū autē ad expositionē similariū partiū  
transit, quæ in animalium corporibus primæ sunt, ac simpli-  
cissimæ: harum modum, ac differentias, vt eos eē hisce quali-  
tibus sortiantur, exponit aptissimē. Rectē itaq; dictum est,

hunc librum primum esse inter eos, qui de compositione  
mistorum habentur, quando & mistionis ipsius constitutio,  
& hæc hanc pro qualitatibus passivarum natura consequi  
uidentur rerum affectiones, uniuersim hic exponuntur.

Quænam qualitates sint actiue, & quæ passiuæ. Ac de  
putrefactione pulchra disputatio.

CAP. I.

Hic Aristot.  
quæ qualita-  
tes actiue sint  
quæ passiuæ,  
declarat.



VM autem elementorum causas quatuor  
esse à nobis definitum sit, & iuxta coniu-  
gationes harum ipsa quoque elementa esse  
quatuor acciderit, è quibus due quidem,  
calor, inquam, & frigus agere solent: due  
uerò, ariditas uidelicet, & humiditas pati (cuius rei fides  
ex inductione sumi potest.) Nam in omnibus calor, & fri-  
gus, tam quæ unius, quàm quæ diuersi sunt generis definire,  
copulare, transmutare, humectare, arefacere, indurare, &  
mollificare uidentur. Arida uerò, & humida, tum ipsa per  
se, tum communia corpora quæcumq; constant ex utrisque,  
definiri, & ceteros, quos diximus, affectus pati. Præterea  
& hoc quoq; rationibus ipsis, quibus eorum naturas defi-  
nimus, perspicuum existit. Nam calidum, & frigidum, uti  
actiua dicimus: quod enim congregandi uim habet, id uelut  
actiuum quid existit. Humidum uerò, & aridum, passiuum.  
Nam promptè, & ægrè terminabile, quo eorum natura  
quippiam sustinet, dicuntur. Esse igitur alia actiua, alia pas-  
siua, in aperto est: cum hæc, inquam, definita sint, eas prose-  
cuto operationes, quas quæ actiua sint exhibeant, atq; passi-  
uorum species sumere oportebit. Principio igitur uniuersa-  
liter simplex, absolutaq; & naturalis generatio, atque ei  
opposita per naturam corruptio, ab hisce potentijs effici  
assolent. Ipse ergo in plantis, animantibusq; & eorū par-  
tibus insunt. Est autè simplex, naturalisq; generatio, trans-  
mutatio quæ ab hisce fit potentijs, ubi ex subiecta materia  
ad

ad quamque naturam rationem obtinent: ea autem sunt passivæ illæ potestates, quas diximus. Porro tum calor, & frigus gignere solent, cum materiâ euincunt. Cum uerò non euincunt, particulariter quidē inquinatio, & incōcoctio effici solet. Simplici autem generationi contrariū maxime commune, putrefactio est. Omnis enim corruptio, quæ natura fit, seu senectus, et arefactio, ad eam ducit. Nam horū omniū finis, marcor est: nisi quid ex hisce, quæ natura constant, ui corrumpatur. Nam & carnem, & os, & quodvis eorum cremare licet, quorū finis eius, quæ natura fit corruptionis, putrefactio existit. Idcirco quæ putrent, primò humida, postea tandem sicca euadunt. Nam ex hisce facta sunt, definitumq; est humido siccum: operantibus hisce quibus agēdi facultas est tributa. Corruptio autem fit, cum id quod definitur, ob id quod ambit, continetq; dominantius eo fuerit quod definit. Verū putrefactio de hisce quæ particulatim corruptionem subeunt, cum à sua recesserunt natura, peculiariter dici solet. Quocirca et reliqua omnia, præter ignē, putrent: etenim terra, & aqua, & aēr putrescunt: nam hæc omnia, igni materia sunt. Est autē putrefactio proprii, naturalisq; caloris in unoquoq; humido existēis ab extraria caliditate corruptio: hæc autem est, quæ in eo quod circumfunditur, ac continet, existit. Quare cum caloris defectu patitur frigidum omne, quatenus eiusmodi potentiam desyderat, ambo utriq; putrefactionis causæ erūt, et putrefactio frigiditatis propriæ, & caliditatis peregrinæ communis asfectio. Ob id enim & quæ putrescunt, sicciora redduntur omnia, & tandem finis, ac terra fieri assolent. Abeunte siquidem calore proprio, naturalis humiditas unā cum illo diffatur, atq; euaporat, nec amplius id quod humorem inuolare solet, in ratione rerum existit. Nam calor proprius



trahendo, humorem inuehit, adducitq;. Atq; in frigore minus, quàm tempore, res putrescunt. Nam tempore hyberno circundans aër, & aqua parum caloris retinent, & ideo nullas vires habent: æstate uerò plus. Itē nec id putredinē sentit, quod concretum est. Nam magis frigidum est, quàm calidus sit, aër: nō euincitur igitur. At id quod mouet, uincit: nec id quod feruet, aut calidum est: calor enim qui in aëre est, minor eo est, qui in re ipsa existit. Quare nec dominatur, nec mutationem ullam committit. Simili modo & illud, quod motu cietur, ac fluit, minus eo quod quietem agit, immotumq; manet, putrilagine tangitur. Nam motus illē, qui ab aëris calore prouenit, imbecillior eo efficitur, qui in re ipsa etiā ante inerat. Quare facere non potest, ut quicquā mutetur. Eadem autē causa est, & cur multū minus, quàm paucum putrescere soleat. Nam in re maiore, maior est caliditas propria, atq; frigiditas, quàm ut potentia, quæ in circumsuso aëre sunt, euincant. Vnde etiā fit, ut mare in partibus quidem distractum celeriter putreat: sed integrum, ac totū, haudquaquam. Et reliquæ aquæ, pari modo. Quinetiā in hisce quæ putrescunt, animalia gigni solent: quod calor qui naturalis est, dum educitur, quæ segregata sunt cōsistere faciat. Igitur quid sit generatio, et quid corruptio, dictum est.

Quid sit concoctio: & quid, quæ huic opponitur, cruditas.

CAP. II.

Hic de speciebus digestionis & indigestionis determinat Arist.

**R**estat iam dicamus consequentes species, quas ex subiectis, quæ natura constant, dictæ vires efficiunt. Est itaq; caloris quidem, concoctio: & concoctionis, maturatio, elixatio, assatio. Frigoris uerò, inconcoctio: & huius, cruditas, inquinatio, excaldatio. Hæc autem nomina, haudquaquam propriè dici existimandum est: non enim in uniuersum, rebus similibus nomina posita sunt. Quare non

hæc,

has, sed tales esse species, quas diximus, putare oportet: sed quid ipsarum quæq; sit dicamus. Concoctio igitur, perfectio est, quæ à naturali proprioq; calore ex oppositis fit passivis, quæ sua cuiq; materies existunt. Nam cum quid concoctum est, perfectum est, ac genitum. Atq; perfectio nis exordium à nativo calore provenit, quamvis aliquo externorum adminiculo ad calcem usq; perducere soleat: quomodo alimentum per balnea, & id genus alia concoquitur, ut rari principij vicem internus calor occupat. Porro concoctionis finis, alijs natura existit: natura autem est, quam veluti formam, essentiamq; dicimus. Alijs, ad quandam substantiam formam contendit: ubi scilicet humor, qui torrebatur vel elixabatur, vel putrescebat, vel alio quovis modo incalescebat, talis tantusq; evasit: tunc enim & utilis est, & concoctionem recepisse dicitur, ut mustum, & quæ in tuberculis collecta sunt, cum ad suppurationem pervenire, & lacrymæ cum sordes in oculis obortæ sunt, & cetera simili modo. Hoc autem omnibus obtingit, cum materies, atq; humiditas ipsa victa fuerit: hæc autem est, quæ ab ea caliditate, quæ in ipsa natura est, definiri solet: nam hoc tandiu natura est, dum in ea, ratio ipsa insit. Quocirca & eiusmodi, & urinæ, & alui sedimenta, & omnino corporis excrementa, sanitatis indicia sunt: & concocta dicuntur, quod humorem à calore vinci significant. Quæ vero concoquantur, crassiora evadant, atque calidiora, est necesse. Nam ei quod concoquitur, ampliorem molem calor tribuit, & crassius illud, aridiusq; reddit. Igitur concoctio, hoc existit. At inconcoctio, imperfectio est, quæ proprii caloris penuria, accidit: caloris vero penuria, frigus est. Atq; imperfectio, ad opposita passiva pertinet, quæ profecto natura cuique materies existunt. Hoc igitur pacto  
concoct

concoctio, atq; inconcoctio, definitæ sint.

Concoctionis species tres sunt, maturatio, elixatio, assatio: & quid sit harum vnaquæq; Idem cruditatis totidem species sunt, & harum definitionis. CAP. VII.

Hic Arist. de  
maturatio-  
ne, elixatio-  
ne, assatione,  
& contrariis  
determinat.

**M**aturatio uerò, concoctio quedam existit. Nam eius Malumonia, quæ in arborum fructibus est, concoctio, maturatio nuncupatur. Cum autem concoctio, perfectio quedam sit, tunc maturatio perfecta est, cum semina, quæ in fructuum genere sunt, aliud eiusmodi quale ipsum est, efficere ualent. Nam & in cæteris, perfectum ita dicimus. Hec igitur maturatio, fructus arborum est. At multa quoq; alia ex hisce, quæ concocta sunt, eadem quidem forma, sed translatione matura dicuntur, propterea quod nomina (quemadmodum etiam prius dictum est) cuiq; perfectioni circa ea, quæ à nativo calore, ac frigore definiri solent, haudquaquam indita sunt. Tuberculorum autem pituitæ, & cæterorum id genus maturatio, contenti humoris concoctio, quam nativus calor efficere assolet, existit: nihil enim nisi præualeat, ac superet, determinare quicquam potest. Quæ igitur maturescunt, omnia ex ærijs aquea, ex aqueis terrea consistendo fiunt, & è tenuibus subinde crassiora reddi assolent, atque hoc pacto natura quedam ad maturatorem adducit, quedam ab ea submouet repellitq;. Dictum est igitur, quid sit maturatio. Huic autem, cruditas aduersatur. Maturationi uerò contraria est, eiusce alimenti quod in arborum fructu continetur, inconcoctio: hoc autem est humor non definitus. Quamobrem cruditas, uel ærea, uel aquea, uel eorum, quæ ex utrisque constant, existit. Cum autem maturatio, perfectio quedam sit: cruditas, imperfectio erit. Imperfectio uerò ob caloris naturalis defectum, atque commensum humori ad maturitatem pergeni minime



minimè respondentem, fieri affolet. Porro nullum humidum per se, sine arido maturum fit. Etenim aqua, ex humida sola, non crassescit: quod ideo euenire solet, quia uel exiguum calorem, uel magnam humoris, qui definitur, copiam habeat. Et proinde, crudorum succus prætenus est, & gelidus potius, quàm tepidus, & esu ac potu inutilis. Caterum ipsa quoque cruditas perinde ut maturatio, multifariam dicitur. Vnde & distillationes, & urine, & alui sedimina, cruda dici eadem de causa solent: ex eo namq; cruda nuncupantur omnia, quòd à calore nec uincantur, nec consistant. Quòd si longius progredi uelinus, & fictile, & lac, & multa alia cruda dicuntur, si cum a calore transmutari, ac consistere possint, inaffecta permaneant. Quare elixa dicitur aqua, sed cruda minimè, quòd crassa non euadat. Quid igitur sit maturatio, atque cruditas, & cur utraque sit, dictum est. Elixatio autem in uniuersum quidem, est indefiniti in humore existentis concoctio, ab humido calore facta. Sed uocabulum, de elixis solum proprie dici solet. Hoc autem, nempe quod indefinitum est, aëreum, uti diximus, uel aqueum esse potest. Fit autem elixatio ab igni, qui in humore est. Quod enim in sartagine igni admouetur, torreri affolet: nam ab extremo calore patitur. Humorem autem illum, in quo est, plenius aridum ad se trahendo reddit. Quod autem elixatur, contrà efficit: nam calor quem externus humor habet, ab eo humorem foras pellit. Quam ob rem elixa assis aridiora sunt: non enim quæ elixantur, ad se humorem attrahunt, quando externus calor internum uincit. Quòd si præualeret internus, humorem ad se traheret profectò. Porro non omne corpus elixabile est: nam neq; id, in quo nihil est humoris, seu lapis: neq; id, in quo humor quidem inest, sed densitas

tis ratione uinci non potest, ut lignum, elixari potest. Sed  
 ē corporibus ea duntaxat elixari solent, quæ humiditatem  
 habent eiusmodi, ut ab igni, qui in humore existit, pati  
 queant. At aurum, lignum, et pleraque alia, elixari dicun-  
 tur: forma quidem eadem, sed translatione: non enim differen-  
 tijs propria indita sunt uocabula. Liquida quoque, ceu lac,  
 atque mustum, elixari diximus: ubi circundans, et forinse-  
 cus excofaciens ignis saporem, qui in humore consistit, in  
 aliam quandam saporis speciem transmutat. Quare modo  
 quodam simile quippiam dicte elixationi committit. Finem  
 autem non eundem nata sunt omnia, nec quæ elixatur, nec  
 quæ concoquuntur, sed aliorum finis in esitatione, aliorum  
 in sorbitione, aliorum in alio usu consistit: quandoquidem  
 uel medicamenta ipsa elixari dicimus. Quare elixabilia  
 omnia sunt, quæcumque crassiora, uel minora, uel grauiora:  
 aut eorū quædam eiusmodi, quædam diuersa fieri possunt:  
 propterea quod eorum quæ disgregantur, alia crassa sunt,  
 alia tenuia: quomodo lac in serum, atque cascum distribui  
 assolet. Oleum autem ipsum per se non elixatur, quod ho-  
 rum nihil subeat. Igitur concoctio ea, quæ elixatio nuncu-  
 patur, id est: nihilque interest, instrumentis arte, an natura  
 paratis fiat: eadem enim de causa, fiunt omnia. Inquinatio  
 autem, inconcoctio quidem, at elixationi aduersa existit.  
 Fuerit autem, cum ei, qua de priore loco differuimus, ad-  
 uersari dicatur, inconcoctio infiniti in corpore existentis,  
 quam caloris humoris circumfusi penuria committit. Quod  
 autem caloris penuria frigus habeat ammixtum, dictum  
 est: per alium tamen quam frigus, motum, fieri solet: nam  
 calor ille, cui coquendi officium delegatum est, depellitur,  
 ac offuscatur. Atque penuria illa, copia frigoris in humo-  
 re circumiacente, uel eo quod elixatur existentis, proue-  
 nire

nire solet. Tunc enim euenit, ut calor, qui est in humore, amplior sit, quàm ut non moueat, sed minor quàm ut aqua bilixatem asferre, atque concoquere possit. Vnde fit ut inquinata, elixis duriora sint: & humida, siccantibus magis definita. Quid igitur, & cur elixatio sit, atque inquinatio, dictum est. Assatio uerò concoctio est, quæ ab arido, & alieno calore efficitur. Ea de causa cùm quis elixare quippiam nititur, si id non ab humoris caliditate, sed ab igneo calore mutari, ac concoqui faciat, ubi perfectum est, assumpsit, non elixum, & exuperantia insuper adustum esse dicitur. Vbi autem perfectum, siccus euadit, à calore sicco fit. Quo fit ut partes extimæ intimis fiant aridiores: id quod in elixis contrà euenit. Atque in hisce, quæ manuum beneficio confici solent: plus assatio negotij, quàm elixatio inuehere solet: quippe cùm summas, & internas rei partes æquabiliter excalficere, per arduum sit: nam quæ igni uiciniores sunt, semper ocyus siccant, quare & impensius. Cùm igitur foramina illa, quæ extrà prominent, coeunt, adductanturq; contentus humor exprimi non potest, sed intercluditur ubi meatus conuiuent. Igitur assatio, & elixatio, arte quidem efficiuntur: sed & natura quoque, sicut dicimus, species uniuersaliter eadem fiunt. Nam affectus, qui fieri assolent, tametsi nomine careant, haudquaquàm tamen dissimiles existunt, cùm ars naturæ æmula sit. Quandoquidem & cibi in corpore concoctio, elixationi persimilis habetur, quippe cùm in calido, & humido, à corporis calore fiat. Et inconcoctio, inquinatio. Nec in ipsa concoctione nascuntur uermes, sicuti quidam aiunt: sed in excrementis, quæ in aluo putrent inferiore geniti, in sublime postea se attollunt. Nam in superiore uentriculo, concoctio effici solita est: at quod secreuit natura, id



in inferiore putrescit: quam autem ob causam, dictum aliàs est. Inquinatio igitur, elixationi aduersatur. At ei concoctioni, quæ assatio uocatur, quippiam oppositum pari modo existit, sed eiusmodi, ut difficilius sibi, quam illa nomenclaturam inueniat. Fuerit autem perinde, ut si excaldatio fiat, non assatio, propter caloris indigentiam: quæ sanè aut exterioris ignis paucitate, aut in re assanda humoris diluti copia accidere potest. Nam calortum maior est, quam ut motum non excitet: minor, quam ut concoquere queat. Quid igitur sit concoctio, & inconcoctio: maturatio, & cruditas: elixatio, & assatio: & hisce contraria, dictum est.

De Passionibus, qualitates passiuas in corporibus mixtorum consequentibus.

CAP. IIII.

Hic Arist. de speciebus passionum humidorum, & siccorum determinat.

**P**ASSIUORUM autem, aridi, inquam, & humidi, species, dicamus oportet: sunt autem passiuas corporum primordium, humidum, atque siccum: cetera uerò ex hisce temperata quidem sunt, sed magis huius per naturam sunt, ex quo largius: uerbi gratia, alia magis siccæ, alia humidi. Hæc autem omnia parim actu erunt, partim potentia, quæ actu aduersatur: quo pacto eliquatio, & eliquabile sese habent. Cum autem humidum facile, & siccum ægrè definiatur: haud aliter sese quam obsonium, et condimenta, uicissim habent. Nam humidum, arido ut definiatur causa est, & alterutrum alteri glutinis instar existit: id quod & ipse quoque Empedocles in naturalibus asseruit, farinam aqua agglutinans. Et ea de causa, definitum corpus utroque constat. Porro ex omni elementorum genere peculiariissime terra quidem siccum, aque autem humidum tribuitur. Eam ob rem omnia ista definita corpora, non sine terra, & aqua consistunt: sed potentia quoque huius esse uidetur, cuius plus habuerit. Quinetiam

etiam animantes in terra, & aqua solum sunt, in aëre autem & igni minimè: propterea quòd terra, & aqua, corporum materies existunt. Ex corporeis autem affectibus hi, duritia, inquam, aut mollities, primi definitæ rei competent, est necesse. Nam quod ex arido constat, & humido, durum, aut molle necessariò euadit. Est autem durum, quod per summa in sese non refugit. Molle uerò quod in sese non obluendo refugit: aqua nãque haudquaquam mollis est, quippe cuius pars summa, compressu intrò minimè cedit, sed circumsistat. igitur absolute durum aut molle est, quod absolute est eiusmodi: ad aliud uerò durum, aut molle, quod respectu illius tale est. Hec ergo inter sese uicissim collata indefinita sunt: quòd magis, atque minus dura, mollia ue sint. Sed cum sensibilia cuncta sensu dijudicentur, nos tam durum, quàm molle simpliciter tactu, eodem ueluti mediocritate quadam utentes, definiuisse constat. Quocirca rem omnem, quæ tactum edomat, duram: quæ uerò subterfugit, mollem esse dicimus.

Quòd corpus terminatum omne, durum aut molle esse necesse sit: & de coagulatione determinatio, eiusq; causæ.

CAP. V.

**C**orpus autem omne suo definitum termino, durum sit, aut molle necesse est: nam aut in sese cedit, aut nequaquam. Adhæc concretum sit oportet: hæc enim re definitur. Quare cum res omnis definita, atque consistens, uel mollis, uel dura sit, concretionisq; opera euadat eiusmodi: nulla profectò composita, definitaq; corpora, sine concretionem esse queunt. Ergo de concretionem differendum. Duae itaq; sunt causæ illæ, quæ circa materiam uersari solent: id, inquam, quod agendi facultatem obtinet, & affectus ipse: hic ut species, ac forma: illud, ut id à quo proficiscitur. pen-

Hic Arist. de corpore determinato, alijsq; determinat.

M

delq;

detq; motus. Quare & concretionis, & dissolutionis, & assiccationis, & humectationis causa, totidem erunt. Porro ipsum agens, duplici potentia agit: & patiens, duabus itidem patitur affectionibus, uti dictum est. Nam agens, calore agit, atque frigore: at caloris, frigoris ue presentia, aut absentia, passionem fieri constat. Sed cum concretio, ferme assiccatio sit, de hac prius dicamus. Quod itaque patitur, aut humidum, aut aridum, aut ex utroque conflatum existit. Atq; aquam, humidi: terram, sicci corpus esse statuimus: quippe quæ inter humida, & sicca, maxime passiva sint. Quocirca frigus, passiuorum, magis existit, in his enim est: quandoquidem & terram, & aquam, frigere supponimus. At frigus, actiuum est quatenus corrumpere, aut aliud quippiam per accidens efficere potest: quemadmodum antea est dictum. Nam interdum & urere, & excalescere dicitur: non tamen perinde ut calor, sed quia calorem cogit, & in uinum contrahit, aut eidem circumobstitit. Quæ autem aqua, & aquæ species sunt, aut aquam siue aduentitiam, siue insitam habent, siccescunt. Aduentitiam eam uoco, quæ in lanam sese insinuat. Insitam, quam lacteus humor habet. Aquæ uerò species sunt huiusmodi, uinum, urina, serum, & omnino quæcunq; nullum, aut certe paucum sedimen, nec id tenacitatis ratione habent: nam tenacitas in causa est, ut quibusdam nihil subsideat: id quod oleo, & pici accidit. Siccent autem omnia, dum aut calefiunt, aut refrigerantur, utrunq; tamen calor uel internus, uel externus committere assolet. Etenim quæ frigore siccent, perinde ut uestis, si cum humida est seorsim ipsa per se maneat: ab interiori calore humorem secum educente resiccare solent, si humor exiguus sit calore ob circumfusum frigus egrediente. Siccent igitur uniuersa, dum uel calefi



calefiunt, uel refrigerantur: quæ omnia calore uel interno, uel externo humorem secum educente fiunt: externo, ut elixar: interno, ut cum humor à calore, quem in sese continet, respirante, eximitur, absumiturq;. Dictum est igitur de assiccatione.

Coagulabiliū alia esse aquam, aut species aquæ, alia aquæ & terræ. Et de modis differentibus coagulandi, soluendiq; res.

CAP. VI.

**A**T humectatio uno quidem modo accidere solet, cum quid in aquam consistit. Altero, cum id eliquatur, quod prius concreuerat. Horum autem est spiritus, qui in aquam frigore densatur. De eliquatione autem, pariter atque concretionem, perspicuum euadet. Quæcunque autem concrescunt, cum aut ad aquam, aut ad terram, & aquam spectent concrescere, idq; uel frigore, uel calore sicco, assolent. Quocirca & quæcunq; calore, uel frigore concreta soluntur, contrarijs solui solent. Nam quæ calore sicco concreuere, aqua soluntur, quæ humor algidus est: quæ uero frigore, igni, qui calidus existit. At nonnulla aquæ beneficio concrescere uidentur, quod genus est mel decoctum: uerum id non ab aqua, sed à frigore aquæ indito prouenit. Quæ igitur ad aquam spectant, seruiore ignis concrecere nequeunt: nam ab igni soluntur. Idem autem eadem secundum idem contrarij causa non est. Adhæc quia calor egreditur, res concrescere solent. Vnde fit ut quia ingreditur, resolutionem fore constet. Quare, agente frigore res concrescunt cogunturq;. Quocirca eiusmodi omnia cum concrescunt, haudquaquam spissari solent. Nam cum partes humide euanescent, & sicca coagmentantur, spissatio oboriri assolet: sola autem ex humidorum genere aqua, non spissatur. Atque telluri, & aquæ communia sunt tam

Hic Aristot. coagulabiliū alia esse aquā, aut aquæ species exponit, alia aquæ & terræ.

M 2

igni.

igni, quàm frigore concreſcunt. At quæ ab utroque ſpiſſantur: quod partim eodem modo, partim diuerſo fieri ſolet. A calore quidem, qui humorem educit: nam euaporante humore, pars arida ſpiſſatur, atque conſiſtit. A frigore uerò, quod calorem exprimit, diſcutiūq;: quocum dum euaporat, ſimul humor abit. Quæcunque igitur mollia ſunt, ſed non liquida, abeunte humore non ſpiſſantur, ſed concreſcunt, ut fiſtile coctum. At è miſtorum numero quæcunque liquida ſunt, ceu lac ſpiſſantur. Pleraque autem & humeſcunt prius, nimirum quæ frigus antè ſpiſſa, duræ uere reddiderat, quemadmodum & fiſtile dum cogitur, prius euaporat, atq; molliusculum redditur. Ob idq; in ſurnis peruerti aſſolet. Igitur ex hiſce, quæ cùm terræ, & aquæ communia ſint, plus tamen terræ habeant, frigoris opera concreſcunt: quæ ideo concreſcere ſolent, quòd calor egrediatur: ea calore liqueſcitur, eodem ſcilicet ruriſum ingrediente, aſſolent: ueluti cœnum, ubi in gelu concreuit.

Quæ autem ob refrigerationem, & quia ſimul uniuerſus calor euaporauit, concreſcunt, ea ſolui non, niſi caloris exuperantia, queunt, ſed molleſcere ſolent, ut cornu, atque ferrum. Liqueſcit autem & ipſum quoque elaboratum ferrum, adeò ut liquidum reddatur, & ruriſum concreſcat.

Nec ſecus chalybem facere conſueueri: ferri namq; ſex, ſubſidet, atq; in inum ſecernitur. Vbi autem ſæpe deſectum fuit, ac purum, mūdumq; euasit, fit chalybs. Sed id nequaquam ſæpe agunt, propterea quòd dum repurgatur, ſubſtantie plurimum deſluit, libramentumq; minus efficitur. At ferrum, eò præſtantius eſt, quò minus habet excrementi. Item & lapillus ille, quem Pyrimachum uocant, intantum eliquari ut ſtillet, fluatq; aſſolet. Quod autem concreuerat, ubi fluxerit, ruriſum dureſcere ſolet. Quin-

etiam

etiam lapides molares, adeò colliguescunt ut diffuant. Cæterum dum id, quod concreuerat fluit, tametsi colore est atro, calcis tamen in modum albicat. Porro tam tellus quam cœnum liquefieri possunt. Eorum autem, quæ calore arido coguntur, quedam humoris ui solui nequeunt, quedam queunt. Fictile igitur, & nonnulla lapidum genera, qui terra feruore ignis deusta sunt, ueluti mola, solutionem haudquaquam admittunt. At sal, atq; nitrum, humore soluuntur, non tamen quolibet, sed aligido. Et ideo aqua & aque generibus omnibus, præterquam oleo, eliquari consuevere: nam calori arido frigus humidum aduersatur. Ergo si alterum coëgit, resoluet alterum. Ita enim contrariorum affectuum contrariæ erunt cause.

Sales alij aquæ, alij terræ plus habent. Et de proportionibus horum in mixtis cæteris.

CAP. VII.

**Q**Uæ igitur plus aquæ habent, quam terræ, igni solummodo spissari possunt: quæ uerò terræ, concrescere. Quocirca nitrum, sal, fictile, lapis, ad terram potius, quam ad aquam spectat. Olei autem natura, perquam ambigua existit. Nam si plus haberet aquæ, ut frigore glaciæ modo cogeretur, oporteret: sin uerò terræ, ab igni perinde ut fictile. nunc autem à neutro cogi, sed è regione ab utroque spissari uidetur. Cuius rei causa est, quod ære refertum sit. Quapropter & aquæ per summa insidet: etenim ær, quem continet, sursum uersus effertur. Frigus igitur dum è spiritu, qui inter oleū est, aquā elicit, oleum spissescere facit: semper enim ubi aqua, & oleum permista fuerint, quippiam utroq; spissius oriri assolet. Ab igni autem tractuq; temporis, albescit, crassescitq;: albescit quidem, aqueo humore, si quis insit, euaporante: crassescit uerò, quod marcescente calore, ær in aquæ uicem transcat.

Hic Aristot. qui salū aut aquæ, aut terræ plurimū communicē declarat.

M

3

Viraq;



Vtraque igitur ex parte, atque eandem ob causam, uerum non  
 eodem modo, eadem oriri affectio. Ergo opera utriusque  
 spissari assolet, à neutro tamen asiccatur: siquidem neque  
 solis calor, neque frigus oleum asiccare potest: non modò  
 quòd tenax, lentumque sit, sed etiam quòd aërea sortis exis-  
 stat. Aqua uerò ab igni nec asiccatur, nec decoquitur,  
 quòd tenacitatis ratione in fumum euanescere nequeat.  
 Quæ autem terra temperantur, et aqua, ea iuxta utriusque  
 copiam nuncupentur oportet: est enim uini genus quoddam,  
 quod decoquitur, atque concrescit, ceu mustum. Humor au-  
 tem aqueus ab omnibus eiusmodi, dum inarescunt, exire so-  
 litus est. Quòd autem aqua insit, indicium est: nam uap-  
 or, in aquam consistit, si quis colligere uelit. Quare qui-  
 buscumque quippiam remanet, id profectò terrene sortis  
 existit. Porro ex hisce nonnulla frigoris etiam uehemen-  
 tia (uti diximus) crassescunt, asiccanturque: frigus siquidem  
 non modò cogit, et desiccet, uerum etiam incrassat: nam  
 aquam quidem asiccet, aërem autem, cum aquam ex eo es-  
 licit, crassescere facit. Concretionem uerò, asiccationem  
 quandam esse diximus. Quæ igitur frigore spissari ne-  
 queunt, sed concrescere, ad aquam potius spectant: quod  
 genus sunt, uinum, urina, acetum, lixiuium, serum. At eo-  
 rum, quæ quanuis non euaporent, seruire tamen ignis cras-  
 fescunt, spissanturque, quedam terrena sunt, quedam com-  
 munitè ad aërem, et aquam pertinent: mel quidem ad  
 terram, oleum uerò, ad aërem, et aquam. At lac, et san-  
 guis utrique, aque, et terræ communia sunt: sed magna ex  
 parte plus terræ continent, perinde ut et humores illi,  
 unde sal, atque nitrum fiunt: ex quibusdam autem talibus, la-  
 pides constitui solent. Quocirca serum, nisi sequestratū sit,  
 cum decoctionem subit, calore ignis deuiritur: terrena uerò  
 portio

portio, si quis aliquantulum decoxerit, uti medici ingesto coagulo faciunt, ut quoque coaguli in caseum densari consuevit: atque ad hunc modum, a caseo serum sequestratur. Cum uero sequestratum est, haudquaquam præterea crassescit, sed aquæ modo deurit. Quod si lac aliquod nihil, aut parum habeat casei, ad aquam potius spectat, atque nullatenus alit. Sanguis quoque haud secus habere sese uidetur: nam quod frigore sicceat, cogitur. At qui cogi nequit, ut ceruinus, is ad aquam magis pertinet, atque oppidò quam frigidus habetur. Et ideo fibras nullas habet: quippe cum fibre ad terram spectent, atque quod stabile, ac firmum existit. Quare si etiam illæ adimantur, sanguis concreescere non potest: quod ideo accidit, quia non siccet: quod enim superest, id perinde atque lac caseo iam exempto, aqua existit. Signum autem est. Nam sanguis uitatus, concreescere non solet: quippe qui saniem præ se ferat, quæ non nisi pituitosus humor, et aqueus est, quod cruda, incocta, et à natura non uicta sit. Præterea quedam solubilia sunt, ut nitrum: quedam insolubilia, ut fictile: atque ex hisce alia mollescunt, ceu cornu: alia minime, ueluti fictile, atque lapis. Causa autem est, quia contrariorum contrariæ causæ sunt. Quare si res duobus, frigore, ac siccitate concrecant, coganturque: calore, et humore soluantur est necesse. Vnde fit ut igni, et aqua soluantur: ea enim contraria sunt. Aqua quidem, quæ igni solo: igni uero, quæ frigore. Quare si qua ab ambobus cogi cõtingat, ea maxime insolubilia sunt. Talia autem euadunt, quæcunque concalfacta prius frigore postea coguntur: usu enim euenit, ut ubi calor exeundo exhaustus est, rursus humoris plurimum frigoris opera inculcetur, adeo ut ne humori quidem transitum frigus concedat. Atque eam ob causam, nec calor ea soluit: quæ enim frigore

solo concreſcunt, hæc calor ſoluit. Nec itidem aqua ſoluere poteſt. Nam quæ frigus cogit, aqua ſoluere non poteſt: ſed quæ ui caloris aridi ſolummodo concreuere, poteſt. At ferrum caloris feruore colliquatum, frigore concreſcit. Quare, utroque ut concreſcat indigere conſpicitur. Vnde fit, ut ſolui nequeat. Ligna uero, terre ſunt, & æris. Quare colliquari, aut molleſcere nequeunt, uri queunt.

Item ſuper aquam innatant omnia, præterquam ebenus, quæ minime inuehitur. Nam cætera, æris plurimum continent: at ær ex ebena atra reſpirauit, in qua & terra maior, quàm æris portio ineſt. Fiſtile uero, ad terram ſolummodo ſpectat: quòd ſiccendo paulatim concreuerit. Quare nec aqua illud ſoluit: non enim aqua ingredi per foramina illa ualet, per quæ ſpiritus ſolum exiuit. Nec itidem ignis: nam eius opera concretio illius prouenit.

Quid igitur concretio, & eliquatio, quotq; ob cauſas eueniant, & quibus competere poſſint, dictum eſt.

Mixtorum perfectorum paſiones, earumq; enumerationatio.

CAP. VIII.

Hic Aristot.  
paſiones mixtorum perfectorum enumerationat.

**E**X his autem per calorem, ac frigus conſiſtere corpus omne, in aperto eſt: hæc autem ſpiſſando, & cogendo ſuo fungi munere ſolent. Atq; propterea quòd ab hiſce cætera conſciuntur, omnibus in rebus calor ineſt: in quibusdam etiam frigus, quatenus ille deſicit. Quare cum calor, ac frigus quòd agant: & humor, atq; ariditas quòd patiantur, corporibus inſint: quæ communia ſunt, hæc omnia participant. Similaria igitur corpora tam in plantis, quàm animalibus, terra, & aqua conſtant. Item metallica, ceu aurum, argentum, & cætera id genus: tum ipſis, tum exhalatione, quæ ab utroque dimanat, intercluſa, ut aliàs diximus, conſtant. Porro hæc omnia, & peculiari affectione, quæ ad ſenſus



sensus pertineat, & agendi quippiam facultate, inter se dis-  
crepant. Nam candidum, odorum, sonorum, dulce, calidum,  
& frigidum, quod sensum mouere, ac irritate queant, in  
ratione rerum sunt. Quæ uerò ex eo nomen sortita sunt,  
quod patiantur, ceu eliquabile, concretile, flexile, & reli-  
qua id genus omnia, per alias magis peculiareis affectiones  
existunt: cuncta nanque eiusmodi perinde atque humidum,  
aridumq; passiuæ sunt. Itaq; os, caro, neruus, lignum, cor-  
tex, lapis, & cætera alia corpora simularia quidem, sed na-  
turalia, hisce discrimen subeunt. Primò autem dicamus nu-  
merum eorum quæ iuxta potentiam, et potentiæ priuatio-  
nem dici solent. Sunt autem hæc: Concretile, Inconcretile,  
Eliquabile, Ineliquabile: Mollificabile, Immollificabile:  
Humectatile, Inhumectatile: Flexile, Inflexile: Fractile,  
Infractile: Friabile, Infriabile: Impresile, Inimpresile:  
Formatile, informatile: Pressatile, Impressatile: Tractile,  
Intractile: Ductile, Inductile: Fissile, infissile: Sectile, inse-  
ctile: Tenax, Remittens: Densatile, indensatile: Combusti-  
le, Incombustile: Exhalabile, Inexhalabile. Plurima igitur  
corporum, his ferme differunt affectibus: quam autè quodq;  
horum uim habeat, edisseramus. Igitur de concretili & in-  
concretili, & eliquabili, & ineliquabili, tametsi prius ge-  
neratim dictum est, tamen & nunc quoque dicere aggre-  
diamur. Nam ex corporibus, quæ concrescunt, atq; durent,  
quædam seruire caloris, quædam frigore: illo quidem hu-  
morem assiccante, hoc uerò calorem extrudente, ita affici  
solent. Quare alia humoris absentia, alia caloris, hocce pa-  
tiuntur: aquea quidem, caloris: terrea uerò, humoris. Quæ  
igitur humoris absentia, ea liquefacere humor potest: nisi  
adeò sese collegerint, coierintq; ut minora partibus aque,  
foramina relictæ sint: id quod fictili accidit. Quæcunq; au-

tem non ita coierunt, humore liquantur: ceu nitrum, sal, terra è coeno orta. At quæ caloris priuatione, calore deliquescent: ut crystallus, plumbum, as. Quæ ergo sint concretilia, & eliquabilia, & quæ ineliquabilia, dictum est. Inconcretilia autem sunt, quæcunque nec humorem habent aquosum, nec aqueæ sortis sunt, sed terræ plus calorisq; continent: uti mel, atque uinum passum, quippe quæ ueluti feruentia sint. Item quæcunque aquea quidem sunt, sed aeris plus continent: perinde ut oleum, argentum uiuum, & si quid tenax, lentumq; est, ueluti uiscum, atque pix.

Passionum reliquarum enumeratio.

CAP. IX.

Hic de reliquis passionibus Arist. determinat.

**M**ollificabilia autem sunt, quæcunque concreta non ex aqua constant, ut glacies (omnis enim glacies, aquæ est) sed quæcunque ad terram potius spectant, & nec eorum humor uniuersus perinde ut in sale, nitro uè assiccatus est, nec inequaliter, ut in fistili, sese habet, sed tractilia sunt, & non humectatilia: aut dustilia, & non aquea, atque ignis opera, ac feruore mollificabilia ut ferrum, cornu, lignum. Et eliquabile, & ineliquabile, quædam humectatilia sunt, quædam inhumectatilia. Verbi causa: as inhumectatile est, cum eliquabile sit: lana uerò & terra, humectatilis: nam madesceri assolet. Et quidem as colliquabile est, non tamen ab aqua colliquari potest. Sed & eorum, quæ aqua liquari queunt, nonnulla inhumectatilia sunt, ceu nitrum, atque sal: nec enim quicquam humectatile est, quod cum aqua inspergitur, molliusculum non fiat. Nonnulla autem, cum humectatilia sint, eliquabilia non sunt, ut lana, atque fructus. Ceterum humectatilia quidem sunt, quæ cum terrena sint, & aqua duriora existant, meatus ampliores quàm partium aquæ molles, continent. Liqueabilia uerò aqua, quæcunque illos per totum commeantes possident.

Cum

Cur igitur terra humore eliquari, atq; humectari, nitrum uerò eliquari, non humectari potest? Nimirum quòd in nitro foramina continuata totum penetrant: unde fit ut aqua partes continuo dissepant. At in terra, foramina euariant, nec inter sese respondent: quare quoquo pacto aquam exceperit, diuersa oritur affectio. Porro corporum alia flexilia, atq; directilia sunt, ut arundo, ac uimen: alia inflexilia, ut fictile, atq; lapis. Flexilia autem atq; directilia corpora sunt: quorum longitudo ex ambitu in rectum, & còtrà recto in ambitum permutari ualet. Atq; flecti, & dirigi, in rectum, aut ambitum migrare, atq; transire existit: etenim tam quòd reflectitur, quàm quòd inflectitur, flectitur, curuaturq;. Flexio igitur est, ad deuexitatem aut concauitatem, seruata longitudine, motio. Si enim flexio ad rectitudinem quoque transitio esset, idem simul flexum rectumq; foret: quòd profectò, rectum, inquam, flexum esse, fieri nequit. Quòd si omnino uel reflexu, uel inflexu res flecti soleant, quorum alterum ad conuexum, alterum ad còcauum migratio est: flexio sanè ad rectum profectio esse non potest, sed aliud flexio, aliud directio existit. Atq; hæc sunt, flexilia & directilia, & inflexilia, & indirectilia. Itè alia, fractilia & friabilia, simul & seorsim existunt: uerbi causa, lignum fractile est, non friabile: glacies autem, & lapis, friabilis, non fractilis: at fictile, & fractile, & friabile. Differunt tamen, nam fractio, in magnas partes diuisio, atque distractio existit: friatio uerò, in quasuis sine discrimine, & quæ duabus plures sint. Quæcunque igitur ita concruere, ut multis scateant foraminibus, quæ directim posita non sint, friabilia sunt: hac enim fini, inter sese distant.

Quæ uerò longè porrecta habuerint foramina, fractilia. Quibus autem utrunq; competit, ea tam friabilia, quàm fractilia



Aëlia sunt. Porro alia impressilia sunt, ut æs, cera: alia mi-  
 nime, ut fictile, aqua. Est autem impressio, partis eius, quæ  
 per summa refidet, introrsum migratio: quæ pulsione, aut  
 ictu, sed in totum tactu accidit. Sunt autem eiusmodi, tam  
 mollia, ceu cera, quam alia superficiei parte immota par-  
 tim suffugit: quam dura, ut æs. Item quæ impressionem de-  
 fugiunt, tum dura sunt, ut fictile (non enim superfices re-  
 fugit) tum liquida, uelut aqua, quæ cedit, at non secundum  
 partem, sed ad rei prementis latera resilit. Impressilium  
 uerò, quæcunque facile manu imprimi queunt, manentq;  
 impressa, ea quidem formatilia sunt. At quæ difficile (lapi-  
 dis more, uel ligni) imprimuntur: aut facile quidem: sed im-  
 pressio, ceu lana, aut spongiæ non remanet, hæc formati-  
 lia non sunt, sed pressatilia. Pressatilia autem sunt, quæ pul-  
 sa colligere sese possunt, intro recedente superficie, non di-  
 stracta, nec aliò demigrante parte alia, id quod in aqua fa-  
 cit: quippe quæ in sublime resilire solet. Pulsio autem mo-  
 tio est ab eo, quod mouet, orta, quæ per tactionem effici-  
 tur. Ictus uerò quæ per delationem. Pressantur autem,  
 quæcunque cognati corporis uacuos meatus obtinent. At-  
 que pressatilia ea sunt, quæ in sua coire uacua, foramina ue-  
 possunt (interdum enim foramina in quæ coeant, inania  
 non sunt) id quod in madefacta spongia euenit, nam sua fo-  
 ramina imbibito humore distenduntur. At ea, quorum  
 meatus corpore molliori, quam idipsum quod suapte na-  
 tura in eos coire potest, referti fuerint, pressatilia quidem  
 sunt: ut spongia, lana, cera, caro. Impressatilia uerò, quæ  
 pulsione in sua coire foramina per naturam nequeunt, quod  
 uel nulla habeant, uel re duriore oppleta gerant. Ferrum  
 nanque, lapis, aqua, & liquidum quodcunque impressati-  
 lia sunt. Tractilia uerò sunt, quorum superficies in latum  
 porrigi

porrigi potest. Trahi autem, est superficiem perpetuam  
existentem uersus ad ipsum porrigi, quod facultatem mo-  
uendi obtinet. Sunt autem quedam tractilia: ut pilus, lo-  
rum, neruus, massa triticea, uiscum: quedam intractilia, ut  
lapis, atque aqua. Igitur quedam tractilia, et pressatilia  
eadem sunt, ut lana: quedam non sunt, uerbi causa, pituita  
pressatilis non est, sed tractilis: et spongia pressatilis, sed  
non tractilis. Sunt porro etiam quedam ductilia, ut es:  
quedam non ductilia, ut lapis, atque lignum. Ductilia au-  
tem sunt quorum superficies non tota in latum, pariter at-  
que profundum migrare eodem ictu potest: non ductilia ue-  
ro, quorum non potest. Porro ductilia omnia, etiam impres-  
silia sunt: at non omnia impressilia, ductilia, ceu lignum:  
quod tamen, ut in uniuersum dixerim, recurrit. Sed pressa-  
tilium, quedam ductilia sunt, quedam minime: cera qui-  
dem, atque coenun, ductilia sunt: lana autem, atque aqua,  
haudquaquam. Sunt et quedam fissilia, ceu lignum: que-  
dam infissilia, ut fictile. Est autem fissile, quod ampliorem,  
quam quæ ab eo quod diuidit fiat, diuisionem subire po-  
test. Nam tum quippiam finditur, cum diuisionem, quam  
corpus diuidens adferat, maiorem admittit: atque diuisio  
ipsa, quod facultatem obtinet diuidendi, anteuertit: id quod  
in sectione minime euenit. Infissilia uero sunt, quæcunque  
istud pati nequeunt. Porro fissile nullum molle existit: de  
hisce autem loquor, quæ absolute, et non ad alia, mollia  
sunt: ad hunc enim modum, uel ferrum ipsum molle foret.  
Nec dura omnia, fissilia sunt. Sed, quæcunque nec liquida,  
nec impressilia, nec friabilia existunt. Talia autem sunt,  
quæcunque meatus, quibus inter se partes coherent, in lon-  
gum porrectos, sed non in latum habent. Sectilia autem  
sunt ex hisce, quæ dura constant, mollia uero sunt, quæcunq;  
nec

nec diuisionem necessario anticipare, nec comminui cum diuiduntur, possunt. Insectilia uero, quaecumque aut eiusmodi, aut liquida sunt. Nonnulla autem et sectilia, et fissilia eadem sunt, ueluti lignum: uerum parte plurima quod per longitudinem fissile est, per latitudinem sectile existit. Cum enim in plura quodque diuidatur, quo longitudines multae una sunt, eo fissile est: sed quo plures latitudines in unam constantur, eo sectile existit. Tenacia autem, siue lenta sunt, quae cum liquida, mollia ue sint, protrahi possunt. Talia autem permutatione fiunt, quaecumque corpora catenarum modo componuntur: ea enim distendi multum, et rursum contrahi possunt. Quae uero non sunt eiusmodi, remittentia existunt. At densatilia sunt, quaecumque pressatilium stabilem, fixamque habent pressationem. Indensatilia uero, quaecumque uel impressatilia sunt, aut pressationem obtinent inconstantem. Quinetiam quaedam combustilia sunt, quaedam incombustilia: uerbi causa, lignum, ossa, lana, combustilia sunt: lapis, atque glacies, minime. Combustilia autem sunt, quaecumque meatus habent eiusmodi, ut ignem introrsum admittant, atque in hisce meatibus, qui per rectum dispositi sunt, minus ualentem, quam ignem, continent humorem. At quae nullum habent, aut ualentiorum, ceu glacies: et quae uehementer uirent, incombustilia sunt. Exhalabilia autem sunt, quaecumque corpora humorem habent, sic tamen habent, ut euaporare nisi ignitis addantur, non possint. Est enim uapor, ab humido in spiritum, aëremque, uel caloris urentis facta secretio, quae madefacere queat. Ea autem, in aërem temporis spatio secernuntur: atque euanescendo: alia arida, alia terra fiunt. Sed haec secretio in hoc discrimen nata est, quod neque madefacit, neque spiritus efficitur. Est autem spiritus, fluxus aëris in longitudinem

cont



continuus. Exhalatio uerò, communis sicci, & humidi secretio, quæ uniuersim caloris uisui opera fieri solet. Proindeq; non madefacit, sed colorem potius admouet. Est autem lignosi quidem corporis exhalatio, fumus. Eodem nomine & ossa, & pilos, & quicquid est eiusmodi, appellito: nam tametsi commune nomen inditum non est, omnia tamen sub eadem proportionis lege comprehenduntur: quemadmodum & Empedocles inquit. Ista, pilli, squame, frondes, & densa uolucrum pluma solent fieri, quæ uiuida membra tegantur. Pinguis autem, fuligo: oleosi uerò, nidor.

Ea de causa oleum nec decoquitur, nec crassescit, quod exhalabile, non euaporabile sit: at aqua, haudquaquam exhalabilis est, sed euaporabilis. Vinum autem passum, utpote quod pingue sit, exhalat, atq; idem quod oleum facit: nam frigore cogi nequit, atque deuri assolet. Est autem uoce uinum, re nequaquam: etenim eius sapor, uini saporem non refert. Quocirca nec homines reddere ebrios asolet, uinum autem quodcunque, assolet. Sed exhalationem habet exiguam. Vnde fit, ut etiam flammam emittere queat. Combustibilia autem esse uidentur, quæcunque corpora in cinerem resoluuntur: id quod omnibus obuenit, quæ uel calore, uel utroque, calore & frigore coguntur: nam hæc ab igni euinci conspiciuntur: at è lapillis, gemma illa, quæ Carbunculum nuncupamus, minime eum sentire uidetur. Porro combustilium, alia quidem flammabilia sunt, alia uerò inflammabilia: atque horum nonnulla carbonabilia. Flammabilia igitur sunt, quæ flammam emittere queunt. Inflammabilia uerò, quæ nequeunt. Quæ autem cum liquida non sint, exhalare possunt, ea flammabilia sunt: pix tamen, & oleum, & cera, flammabilia sunt, sed magis cum alijs quam per se: maxime uerò cum hisce, quæ fumum ei acul

ei aculeantur. Carbonatilia autem sunt, quæcunq; eiusmodi, terræ plus, quàm sibi continent. Præterea nonnulla, cùm liquabilia sint, flammabilia non sunt, ueluti es: nonnulla item flammabilia, non liquabilia, ceu lignum: alia, utraq; ut thus. Cuius rei causa est: Nam ligna compactum, & ubique continuum ita ut deuratur, humorem gerunt. Aes, per singulas partes dispersum, non continuum, & pauciorē quàm ut queat flammam producere. Thus, partim hoc pacto, partim illo habet. Planè exhalabilem flammabilia ea sunt, quæ idcirco colliquescere nequeunt, quòd ad terram magis spectent: partem enim aridam cum igni habent communem: hæc igitur pars arida, si calefiat, ignis oriri solet. Eam ob rem flamma, spiritus, uel fumus ardens existit. Verùm lignorum exhalatio, fumus dicitur. Cera uerò, thuris, picis, cæterorumq; id genus, & quæ picem continent, aut quippiam eiusmodi, fuligo. At olei, & eorum, quæ proxime ad olei naturam accedunt, quæq; sola ideo minimè ardent, quòd aridi parum habeant, per quod sit in ignem migratio, sed cum alio celerrimè (hoc enim est, ficcum pingue, aut oleosum) nidor: Ergo è liquidis, quæ exhalare queunt, ad humiditatem magis pertinent: quæ uerò ardere, ad siccitatem.

De Homœomeris, siue similaribus partibus. CAP. X.

Hic Arist. de homœomeris siue similaribus partibus determinat.

**H**is autem affectionibus, atque differentiis similaria corpora secundum tactum, uti diximus, & insuper odore, sapore, & calore, inter se distant. Similaria dico, ut metallica, aurum, inquam, es, argentum, stannum, ferrum, lapides, & cætera id genus, et quæ per secretionem ex hisce fiunt: necnon quæ in animantibus insunt, ut carnem, ossa, nervos, cutem, uiscus, pilos, fibras, uenas, ex quibus tantæ dissimilaria constant, ceu facies, manus, pes, cæteraq; generis

generis eiusdem: item quæ in plantis, ut lignum, corticem, frondes, radicem, & quæcunq; sunt istiusmodi. Cùm autem similia alia ratione, ac uia, quàm quæ dissimilium sunt partium constitui soleant, & ex quibus ea fiant, sint materies quidem aridum, & humidum, & proinde terra, & aqua (horum enim utrunq; utrisq; potentiam habet euidentissimam) agentia uerò calor, atq; frigus (hæc enim ex illis similia corpora constituunt, compinguntq;) ex similibus quæ terræ, quæ aquæ, quæ denique utriusq; communes sint species, sumamus. Itaque è concretis corporibus, alia liquida sunt, alia mollia, alia dura. Horum autem quæ mollia, aut dura cōcretionis ratione existant, dictum est prius. Liquidorum igitur quæcunq; euaporare queunt, ad aquam spectant. Quæ nequeunt, uel ad terram, & aquam communiter spectant, ceu lac: uel ad terram, & ærem, uti mel: uel ad aquam, & ærem, ut oleum. Et quæ quidem seruore caloris spissantur, communia sunt. At inter ea, quæ liquida sunt, de uino quispiam ambigat. Nam & euaporare potest & spissari assolet, ut quod recens est. Causa autē est, quòd uini plures sunt species, & aliud alio habet modo: nam quòd recens est, magis quàm quòd uetus, terrosum existit. Quo fit etiam ut calore potissimum crassescat, & frigore minus cogatur, quoniam caloris multum, ac terræ contineat: uelut Arcadicum, quòd utribus inditum fumo adeò assiccari solet, ut cùm depromitur concreseat. Quòd si uinum omne fecem habeat, pro sectis copia utriuslibet uel terræ, uel aquæ existit. Quæ autē frigore crassescunt, terræ. Quæ uerò utroq; plurimum cōmunia sunt: ut oleum, mel, prædulce uinum. Sed ex hisce, quæ consistunt, quæ frigore concreuere, aquæ: ut glacies, nix, grando, pruina. Quæ calore, terræ: ut fictile, caseus, nitrum, sal. Quæ utraq; cuius-

N

modi



modi sunt, quæ refrigeratione coagulata sunt: hæc autem sunt, quæ priuatione utriusq; caloris, inquit, atq; humoris, unâ cum calore abeuntis concreuere. Nam sal, & quæ terra sincera constant, solius humoris: glacies autem solius caloris priuatione concrescunt) ea profectò utriusq; sunt. Quocirca ut utrunque sortita sunt, ita ab utroq; cogi assolent. Quorum igitur uniuersus humor exudauit, ea omnia terrene sortis existunt, ceu fictile, atque succinum: etenim succinum, & quæcunque sibi lacrymæ nomen usurparunt, uti myrrha, thus, gummi, refrigeratione fieri solent. Huius autem generis succinum quoque uidetur esse, concrescitq;: nam oclusa in eo animalia conspiciuntur. Fluminis autem rigore calor succini perinde egrediens ut decocti mellis cum in aquam fuerit demissum euaporare humorem facit. Quinetiam quædam illiquabilia sunt, & immollificabilia, ueluti succinum, & lapides nonnulli, ceu pori, qui in speculaculis gigni solent: etenim hi non secus orti, ac illa subeunt, nec caloris facultate efficiuntur, sed frigoris: nam cum calor dimanat, humor pariter cum calore, qui à se discedit, egreditur: alij autem in rebus, calor externus humorem discutit. At quorum non uniuersus humor exudauit, ea terrea potius sunt, sed mollescere ualent: ut ferrum, atque cornu. Thus tamen & eiusmodi, perinde ut ligna euaporant. Cum igitur liquabilia poni oporteat, quæ igni colligantur, aquosiora sunt: nonnulla etiam communia, ut cæra. Quæ aqua, terrea. Quæ neutro, aut terrea, aut ex utroque conflata. Si igitur uel liquida, uel concreta sint omnia, et quæ dictis affectibus obnoxia sunt, de eorū numero sint, nec inter ea quippiam interueniat, dicta sunt uniuersa, quibus terrene, an aquæ, uel plurium quippiam commune sit, & an igni, an frigore, an utroque constiterit, diiudicemus.

mus.

mus. Itaq; aurum, argētum, æs, stannum, plumbum, nitrum, & lapides multi nomine uacantes, aquæ sortis sunt: quippe cum ea omnia seruore caloris deliquescere solita sunt: nonnulla præterea uini genera, urina, acetum, lixiuium, ferum, sanies: nam frigore cuncta gelant. At ferrum, cornu, unguis, ossa, nerui, pili, lignum, cortex, folia: potius terreie sunt: adhuc succinum, myrrha, thus, omnia quæ lacrymæ nomen acta sunt, & porus, id est totus lapis, necnon fructus, ut legumina frumentumq;: nā ex hisce, quæ talia sunt, tamen si quedam magis, quedam minus, omnia tamen terrena existunt: eorum enim alia mollificabilia sunt, alia exhalabilia, atq; frigore genita, insuper sal, nitrum, & ea lapidum genera, quæ neq; rigore sunt, neq; eliquari queunt. Sanguis uero, ac genitura, ad terram, aquam, & aërem communiter spectant. Nam sanguis, qui quasdam ueluti fibras habet, magis terrenus existit: & proinde ut refrigeratione cogitur, sic humore deliquescit. Qui uero nullas habet, aqueus: ideoq; cōcrescere nescit. At genitura, quod una cum tempore humor decedat, refrigeratione coagulatur.

De temperamentis mixtorum, quæ frigida sint, quæ calida plerunque, & quo pacto.

CAP. XI.

**E**X concretis autem, liquidis uel, quænam tepida, aut frigida sint, ex hisce, quæ iam diximus, persequi decet. Quæ igitur ad aquam pertinent, magna ex parte frigida sunt, nisi calorem externum habeant, ceu lixiuium, urina, uinum. Quæ ad terram, magna ex parte calida, ob uim teporis esse tricen, ut calx, atq; cinis. Porro quedam, quantum ad materiam attinet, perquam algida esse sumamus oportet. Nam cum siccum, & humidum sint materia (passiua enim sunt) atq; horū corpora maxime terra & aqua, hæc autem frigore definita sint: palam est quod corpora

Hic Aristot. aquea plerūque esse frigida: ut terrea calida ostendit.

omnia, quæ utriuslibet elementi absolute fuerint, frigida magis sunt: nisi calorem externum habeant, ueluti aqua, quæ effluet, aut quæ per cinerem transmissa, atque percolata fuit: etenim ea à cinere teporem contraxit: nam in omnibus quæ ignem sensere largius, parcius uel tepor inest. Quocirca & in marcidis uermes innasci assolent: nam in eis tepor quidam inest, qui suum cuiusq; calorem disperdat, absumatq;. Quæ autem communia sunt, ea calorem possident: plurima siquidem ui caloris eiusce, qui cōcoctionem peregit, consistere: quædam uerò ceu colliquamenta, nō nisi si putrefactio existunt. Vnde fit ut cum suam retinent naturam, calida sint: ut sanguis, genitale profluuiū, medulla, coagulum, & reliqua id genus omnia: cum autem corrumpuntur, & à natura sua recedunt, nō amplius: etenim materies, quæ terra est, aut aqua, remanet. Quocirca utrunq; quibusdam placet: & ea alij frigida esse, alij calida dicunt: quoniā ea uideant cum in sua natura sunt, calida esse, cum autem ab ea recessere, concreta. Res igitur perinde omnino habet, ut definitum est. Nam in quibus aquæ plurimum materies est, ea frigida sunt: siquidem aqua igni potissimum aduersatur. In quibus uerò terræ aut aeris, calidiuscule. Contingit autem interdum, ut eadem frigidissima, & calidissima externo tepore fiant: etenim quæ maximè concreuere, & oppidò quam solida, firmatq; sunt, ea ut frigida maximè euadūt, si suo priuentur calore, ita deurunt maximè, si ignis opera concaluerint: quomodo aqua, quam fumus: & lapis, quam aqua uehementius urit.

Homœomera, ut caro, os, neruus, & reliquorum: quodq; ea elementis constant. Et quod posterior, quorum grana homœomera sunt, & ipsorum organa, notiora ipsis sint.

CAP. XII.

Cum



**C**um autem de hisce singulatim definitum sit quid ca-  
 ro, aut os, aut quodlibet ceterorum, quæ similium  
 sunt partium, edisseramus. Nam ex quibus simularium natu-  
 ra constet, eorum genera cuius quodq; generis sit, ex ortu  
 ipso colliquescit. Nam ex elementis simularia constant, ex  
 simularibus autem ut materia, integra naturæ opera confi-  
 ciuntur. Atque omnia sunt, ut è materia quidem, ex hisce  
 quæ dicta sunt: ut autem secundum essentiam, ratione. Hoc  
 autem semper magis apertum in posterioribus est, & o-  
 mnino hisce, quæ ut instrumenta sunt, & alicuius gratia.  
 Nam quod emortuus homo æquiuocè homo sit, constat ma-  
 gis. Perinde ergo emortui hominis manus æquiuocè manus  
 dicitur, atq; si uel lapideæ tibie, tibie dicantur: nam & hæ-  
 quoq; uelut instrumenta quedam esse uidentur. At eiusmo-  
 di in carne, & osse minus aperta sunt, & adhuc in igne &  
 aqua minus. Nam ubi materiæ plurimum existit, ibi id  
 gratia cuius quippiam factum sit, minime constat. Perinde  
 enim euenit, atq; si extrema sumantur: nam materies nihil  
 aliud est, quàm materies: essentia, quàm ratio: quæ inter  
 hæc media sunt, ut quodque propè est, quando & horum  
 quodlibet, alicuius gratia existit. Quinetiam non quous-  
 modo habet aqua, aut ignis: sicuti nec caro, nec uiscera ad-  
 huc autem magis, manus, & facies. Sed suo munere, ac offi-  
 cio definita sunt uniuersa: nā quæ suo fungi munere queūt,  
 singula uerè sunt: ut oculus si cernat: quæ uerò nequeunt,  
 æquiuocè: ut emortuus, lapideus ue oculus: non enim serra  
 lignea, præterquàm serræ imago, ac effigies existit. Sic &  
 caro, uerum eius officium minus quàm linguæ, dilucidum  
 est. Sic & ignis: sed adhuc forsitan minus eius, quàm carnis  
 officium naturaliter innotescit. Sic & plantarum partes,  
 & inanima, ut æs, atq; argentum. Cuncta namq; facultate

Hic Aristot.  
 homœ ontē-  
 ræ, ex elemen-  
 tis constare  
 ostendit.

quadam aut agendi, aut patiendi sunt, uti caro, ac nervus: sed rationes eorum nequaquam ad unguē perspectæ sunt. Quare quando sint, & quando non sint, non est facile discernere: nisi admodum depravata sint, & figura sola reliqua sit. Cuiusmodi sunt vetusta illa cadauera, quæ in capsulis adseruata in cinerem subito uertuntur: necnon fructus admodum inueterati, qui figura tantummodo, non etiam sensu fructus esse uidentur: item quæ lacte coacto constant. Tales igitur partes calore ac frigore, & eorum motionibus fieri contingit, cum caloris ui, atque frigoris cogantur: eas autem intelligo, quæ similes sunt, ut carnem, ossa, pilos, nervos, & quæcunque sunt eiusmodi: omnes enim differentiis hisce, quas prius diximus, tensione scilicet, tractione, comminutione, duritia, mollitie, & cæteris id genus distant. Tales, inquam, partes calore, frigore, & multis motibus fiunt. At dissimiles, quale est caput, aut manus, aut pes: ex illis constitutæ nemini uidebuntur: sed sicuti frigoris, & caloris motio ut æs, argentum uel fiat, causa est, ut uerò serra, aut phiala, aut arca, non item: sed hic ars, illic autem natura, aut alia quædam causa est: sic & ut ille fiat, in causa esse putabitur. Cum igitur iam sit ostensum cuius similitudinem quodque generis sit, de unoquoque quid sit, uerbi causa, quid sanguis, aut caro, aut genitale semen, & aliorum quoque sumamus oportet. Tunc enim cur quodque sit, & quid sit scimus, cum materiam, aut rationem, sed maxime cum utramque, & unde sit motionis exordium, cognoscimus. Quibus elucidatis, pari modo de dissimilibus, & denique hisce quæ ex eis constant, ut homine, planta, & cæteris id genus, contemplandum uidetur.

FINIS LIB. IIII. METEOROLOGICORVM.

DE

## DE ANIMA LIBRI

TRES ARISTOTELIS.

Ioan. Argylpilo interprete.

*Argumentum primi libri.*

Libro quarto Sublimium ostendit affectiones omnibus mixtis corporibus, quatenus scilicet mixta sunt, communes, siue ea animata sint, siue non sint. Quapropter is communis quispiam liber est, ita se habens ad sequentes tres physiologiæ partes, ut octo libri Physicæ auscultationis ad reliquos libros totius considerationis de Natura, & sunt, De metallis tractatio, De plantis, & De animalibus, totidē enim sunt differentiæ, perfectam mixtionem habentium corporū. Formæ autem, quæ talem mixtionem consequuntur, aut cognoscentes sunt, & iuxta suam cognitionem agunt: aut nullā cognitionem habent, & absq; ea suas actiones obeunt. Atq; illæ sunt animalium formæ, quæ sensus cognitionem habent, iuxtaq; illam agunt. Hæ inanimatorum sunt, & itidem plantarum, quæ nulla præcedente cognitione, sed alia quadam abstrusa reconditaq; vi impulsæ, functiones suas exercent. Eaq; propter scholam Platoniorū, quam in hoc sequuntur Medici, functiones, quæ à plantis, id est, ab animatis quidem rebus, sensu tamen carentibus proficiscuntur, Naturæ tribuebat, non animæ, quemadmodum cæterorum, quæ à Peripateticis inanimata dicuntur, quod eas nulla cognitio præcedat, quemadmodum & inanimatorum actiones absque cognitione sunt. Nam in quibus est cognitio, in iis electio quandā constituunt. Alitionis neq; electio est, neq; cognitio vlla, cum ignorantibus etiam, atque inuitis nobis fiat: eaq; propter eandem functionem in nobis quoq; in Naturā magis, quàm in animam referendam esse, ut & in cæteris, quorū hæc sola sit actio. Nam illorum formas sub Naturæ rectius, quàm animæ generi censeret, actionesq; perinde esse, ut sunt motus cæteri, velut ignis, ac terræ, quorum motiones tum à Natura, tum absq; cognitione fieri non controuersum est. Eodem itaq; modo & alio, & quæ hanc sequuntur, augmentū,



& decrementū, tum in cæteris, tum in animalū corporibus sine cognitione fit. At quæ in animalibus supra hanc actionē functiones sunt, aut cognitiones sunt, aut absque ipsis non fiunt, tanquam hæc vis, cognoscens scilicet, & quæ eam consequuntur. cæteræ, primæ esse debeant, quibus animæ nomē, rationemq; accommodare liceat. At peripatetici contrā statuentes, aiunt nutritionem, & quæ hanc sequuntur auctiōnē, decretiōnemq; animæ functiones esse, non Naturæ. Id hac potissimum ratione commonstrant, quod nullus Naturæ motus, ut est ignis, ac terræ, iuxta positiones contrarias fiat. Neque enim ignem & sursum ferri, & deorsum, sed sursum tantum: neq; terram iuxta positionem utraq; sed deversus solum tendere. At nutritionem iuxta omnem positionis differentia fieri, quando & auctio, & quæ huic opponitur, mutatio, in omnem positionem modo fiant eodem. Siquidem non iuxta vnam tantum positionem augetur id quod fit maius animal, sed & longius fit, & crassius, & omnino in omnē differentiam sese extendit. Quapropter non à Natura sola, nec à formis elementorum: quæ sub hanc referuntur, talem operationem proficisci arbitrantur Peripatetici, sed aliud quoddam principium, & maius repetendum esse. Nam si Natura fit, quæ istud efficiat sola, quo pacto in mistis id agant formæ elementorum, foris non itidem, ut scilicet in omnes differentias motus sese vertant? Est itaq; animæ hæc functio, & idcirco tres constituunt mistorum corporum differentias. Primam eorum, quorū sola Natura principium fit, functioq; omnis ab ea ipsa pendeat sola. Alterā in iis constituunt, quorum functionis principium, & causa anima fit, nondum tamen cognitionē habens vllam, cuius generis plantæ sunt. Tertia eorum est, quæ cognitionem habent, & omnino sensum, appellanturq; animalia nō ab anima quidē, tanquā prima sint, quæ ipsam habeant, sed à sensu: Græci *ἔναι* dicunt. De horū itaque animalium principio ipsa scilicet facultate mouente, agenteq; Aristot. in hoc libro copiosè simul ac diligenter pertractabit. Cum autē pleraq; omnia Arist. scripta eiusmodi habeantur, ut demirari præstantiā hominis eius facile suppetat, nulla profectō cōmentatio est, in qua ille perinde ingenij sui vim, atque sublimitatem ostenderit, atque in hac ipsa de anima disputatione. Siue enim multitudinem quæstionum quæras,

quæras, siue copiam rerum pulcherrimarum, siue doctrinæ subtilitatem & vbertatem, eiusmodi sunt hi De anima libri, ut vni illi homini omnia, quæ ad hoc genus pertinent, in numero fuisse, constituisseq; videantur. Ad eò intelligitur, ne numerando quidem, percensendoue attingi illa à veteribus potuisse. Atq; hæc omnia liquidò mox intrantibus patebunt.

De dignitate scientiæ, de Anima, & de difficultate eius.

CAPVT I.



**M** omnem scientiam, rem esse bonam arbitremur, ac honorabilem, et aliam aliam magis ex eo talem esse putemus, quia uel exactior est, uel rerum est cariù, que magis præstabiles, magisq; sunt admirabiles, scientiam anime nimirum ob hæc utraq; non iniuria ponendam in primis esse censemus. Videtur autem et ad ueritatē omnē, ipsius anime cognitio uehementer conferre, et maxime ad ipsius nature scientiam. est enim anima, quasi principium omnium animalium. Atq; perspicere, cognoscereq; naturam eius, et substantiam querimus: deinde ea, quæ circa ipsam accidunt, quorū quedam affectus ipsius esse proprii, quedam animalibus etiam per ipsam inesse, competereq; uidentur.

Hic ait Arist. scientiam de anima omnium esse difficillimam, & præstantissimā.

Verum enim omni ex parte, atq; omnino difficillimum est, fidem aliquā de ipsa tandē accipere. Nam cum hæc questio cōmunis sit etiam cum alijs rebus cōpluribus, de substantia dico, et quid est unus cuiusmodi fortasse modus, una uia quedam esse uidetur, qua cognoscere quidnam sit unaquaq; possumus rerū, quarum substantiā percipere uolumus, perinde atq; modus unus est hisce, quo proprii rerum demonstrantur affectus. Quapropter querendum est, quenam sit illa uia, quis ille modus unus, quo rerum substantiæ percipi possint. Quod si nō unus quidam, atq; cōmunis sit ille modus, longē difficilior ipsa pertractatio sit: oportebit enim de unaquaq;

N S rerum

rerū accipere, quā ad unamquāq; modus accommodabitur. Si uerō pateat illum demonstrationem, uel diuisionem, uel etiam quēdam alium modum esse, complures insuper difficultates, erroresq; emergunt in ijs exquirendis, ē quibus uniuscuiusq; conficienda est definitio: aliarum namq; rerum alia principia sunt, ut numerorū, superficierumq;. Primum autem fortasse necessariū est diuidere, atq; accipere in quoniam generum collocetur, quidq; sit anima: utrum sit substantia, an in qualitate, uel in quantitate, uel in alio quodam prædicamentorum genere collocetur. Deinde peruestigandum est, utrum eorum subeat rationem, quæ potentia sunt, an potius quidam sit actus: non enim parum interesse uidetur. Considerandum est præterea, si partibilis sit nec ne: et utrum eiusdem sit anima speciei omnis, nec ne. Et si non sit eiusdem speciei, utrum specie tantum, an etiam genere differat: nunc enim ij, qui dicunt, atq; querunt de anima, de humana tantum querere, perscrutariq; uidentur. At cauendum est ne nos prætereat, utrum una sit eius ratio ut animalis, an uniuscuiusque sit alia ratio, ut equi, canis, hominis, Dei. Animal autem uniuersale, aut nihil est, aut posterius est, et quicquid itidem aliud communiter prædicatur. Præterea si non plures sint animæ, sed partes: utrum animam totum, an partes querere prius oporteat. Difficile autem est id quodque determinare, quænam, inquam, partes à quibus diuersæ sint. Et utrum ipsas partes, an ipsarum partium operationes prius querere, perscrutariq; oporteat: ceu intellegere an intellectiuum? et sentire an sensitiuum? et eodem modo de cæteris. Quod si operationes sint exquirendæ prius, rursus profecto quispiam dubitauit, si opposita prius sint inquirenda, ut sensibile prius quàm sensitiuum, et intelligibile quàm intellectiuum. Non solum autem ipsius quid



quid est cognitio, conferre uidetur ad perspicendas earum causas, accidentium, quæ per se substantijs insunt: ut in mathematicis confert quid est rectum, & quid curuum, uel quid linea, quid superficies ad cognoscendum quot rectis angulis trianguli sunt æquales. nam ipsum quid est, omnis est principium demonstrationis, sed e conuerso etiam accidentia magnam afferunt opem ad illud percipiendum. Nam cum per imaginationem de accidentibus, aut omnibus, aut pluribus reddere possumus: tum aliquid etiam de substantia dicere poterimus optimè. Quare patet eas omnes definitiones differendi modo, uanèq; dictas, & assignatas esse: quibus non sit ut accidentia percipiantur, aut de ipsis coniectura facilis habeatur. Est etiam de affectibus animæ dubitatio, utrum omnes communes sint cum eo quod habet animam, an sit & ipsius animæ proprius aliquis? hoc enim ipsum accipere quidem necessarium est, non tamen accipi facile potest. Atque plurimi sunt, quorum sine corpore nullum aut agere, aut pati uidetur: ut irasci, considerare, cupere, omnino sentire. Maxime autem ipsum intelligere, proprio simile est. Quod si hoc etiam imaginatio sit quedam, aut sine imaginatione non sit: nec istud esse sine corpore potest. Si igitur operationum animæ, uel affectuum aliquis proprius sit ipsius, fieri potest ut ipsa anima separetur. Sin uerò nullus sit eius proprius, non separabilis est, sed est de ipsa perinde atque de recto, cui multa quidem ut rectum est, competunt, ueluti puncto pilæ æneam tangere, non tamen ipsum unquam separatum tanget: est enim inseparabile: quippe cum semper aliquo cum corpore sit. Videntur autem & omnes affectus animæ cum corpore esse, ira, mansuetudo, timor, misericordia, confidentia, gaudium, odium deniq; atque amor: nam unà cum his ipsum

ipsum corpus aliquid patitur. Quod quidem ita esse ex eo patet: interdum enim non irascuntur, neque timent, etiam si se uehementes ipsis, manifesta uel cause offerant: interdum à paruis quibusdam mouentur, atque exiguis, si feruet; con- citaturque corpus, et perinde se habet atque cum afficitur ira. Hoc magis ex eo patet, quia nonnulli nulla re penitus accidente, quæ quidem possit terrere, nulloque imminente periculo, ut ij qui meuiunt, perturbantur, ac afficiuntur timore. Quæ si ita sint, patet affectus rationes esse materiales: quare et definitiones ipsorum sunt tales. Irasci namque motus quidam talis est corporis aut partis, aut potentia, ab hoc huius gratia. Idcirco naturalis est de anima, uel omni, uel tali considerare. Diuerso autem modo Naturalis, et differendi artifex, unumquodque ipsorum definit. Nam alter iram appetitionem esse dicit doloris uti- sim aduersario inferendi, aut aliquid tale: alter sanguinis, aut caloris eius, qui circa cor est, feruorem, ebullitionem uel: atque alter materiem, alter formam hoc pacto reddit, et rationem. Hæc enim est ratio rei, quam necesse est si fuerit, in tali materia esse: sic enim et domus assignari definitioni solet. Nam quidam talem eius rationem assignat, esse dicens tegmentum, quod quidem prohibere propulsareque potest incommoditates eas, quæ tum à uentis, tum ab imbribus, tum etiam ab æstu fieri, euenireque solent. Quidam dicit lapides esse, lateres, atque ligna. At alius formam in hisce ponit, horum dicendo gratia. Quis igitur istorum est Naturalis? ut ne qui materiam assignat, et rationem ignorat, an is qui solam rationem reddit, et materiam ipsam omittit? an is potius qui utranque complectitur? At illorum uterque quis est? At enim constat neminem esse, qui circa materiae uersetur affectus non separabiles, et ut non se-  
para

parabiles sunt, præter ipsum Philosophum naturalem. Et enim Naturalis circa omnia ea uersatur, quæ talis corporis, talisq; materiei sunt operationes, atque affectus: circa autem ea, quæ talia non sunt, non Naturalis, sed alius solet uersari. Atque de nonnullis quidem considerat si forte fuerit artifex, faber, inquam, uel medicus. De his autem quæ separabilia quidem non sunt, attamen non ut affectus corporis talis, sed abstractione sumuntur, Mathematicus. At ea, quæ sunt separata, & ut talia sunt, ipse prius Philosophus contemplatur. Sed eò redeundum est, unde nostra defluxit oratio. Dicebamus autem affectus animæ esse inseparabiles ab animalium naturali materia, ut tales sunt: & nō ut separatur linea, superficiesq; sic iram, & metum à subiecta sibi materia separari.

Antiquorum de Anima opiniones. CAP. II.

**V**erum enim uerò necesse est considerantes de anima, & de his dubitantes, ac ambigentes quæ nos oportet procedentes inuenire, atq; percipere, in medium eorum antiquorum afferamus opiniones, qui de anima tractarunt aliquid, atque dixerunt, ut ea quidem accipiamus quæ bene sunt dicta: ab his autem caueamus, quæ non bene, recteq; dicta fuere. Initium autem inquisitionis hoc erit profecto congruum, si prius posuerimus ea, quæ maximè uidentur animæ competere suapte natura. Animatum itaq; duobus his ab inanimato maximè differre uidetur, motu, ac sensu. A maioribus etiam nostris hæc duo ferè de anima acceptamus. Inquiunt enim nonnulli animam id esse, quod maximè, primòq; mouet, atq; existimantes fieri non posse, ut id aliud quicquam moueat, quod non moueatur, animam unum quid eorum esse putarunt, quæ motu cidentur. Quocirca Democritus ignem, atq; calorem ipsam cēsuit esse: nā cum  
sint

Hic Aristot.  
antiquorum  
opinionēs a-  
liquot de ani-  
ma refert.



sint infinita figurae, ac indiuidua corpora, rotunda dicit ignem, & animam esse. Hec indiuidua corpora, similia corpusculis ijs esse, quae in aëre ferri uidentur, in ipsis inquam radijs, qui per fenestram ingrediuntur, & rerum elementa generandarum, seminaq; totius esse naturae dixit. Eadem & Leucippus ille censebat. Horum igitur corporum ea, quae sunt rotunda, ignem, ac animam asserunt esse, propterea quod maxime omnium figurae tales totum corpus ingredi, penetrareq; possunt, atq; cetera mouere, cum moueantur & ipsa arbitrantur enim animam id esse, quod motum animalibus praebet. Quapropter & respirationem, uiuendi rationem, atque causam esse putant: nam eo quod continet contrahente corpora comprimentē ue, ac extrudente figuras eas, quae praebent animalibus motum, quia nec ipse unquam quiescunt, succursum, auxiliumq; respiratione fieri dicunt, ingredientibus alijs figuris similibus, quae quidem egredi prohibet ipsas, quae animalibus insunt, id repellendo quod contrahit, atq; premit, & consq; uiuere animalia, quousq; id facere possunt. Videtur autem & id, quod à nonnullis Pythagoricis dicitur, eandem habere sententiam. Quidam enim ipsorum ea corpuscula, quae agitantur in aëre: quidam id quod illa mouet, ac agitat, animam esse dixerunt, propterea quod continuè moueri uidentur, etiam si nullus uentus penitus afflet. Eodem feruntur & ij, qui dicunt animam id esse, quod seipsum agitat motu: etenim omnes ij motum uidentur putasse maxime proprium esse animae, & alia quidem uniuersa per animam, hanc autem à seipsa moueri: quia nihil uidebant mouere, quod nō moueatur & ipsum. Similiter & Anaxagoras id, quod mouet, animam esse dicit: & si quis alius censuit uniuersum, mentē mouisse: non tamen perinde penitus atq;

atque Democritus. Is enim animam, & intellectum simpliciter idem esse putauit: etenim id quod uidetur, uerum esse dicebat. Quocirca rectè dixisse, inquit Homerum, Hectora iacere alia sapientem. Non igitur ut potentia quadam circa ueritatem, utitur mente, ac intellectu: sed idem esse animam dicit, & intellectum. Anaxagoras autem minus de ipsis explanat: multis enim in locis, boni, rectiq; mentem causam esse dicit: alibi autem animam, ipsam mentem esse asserit: nam animalibus uniuersis, tam paruis quàm magnis, tam præstabilibus, quàm minus etiam præstabilibus mentem inesse dicit. At ea mens tamen, & intellectus, cui prudentia tribuitur, nō uniuersis similiter animalibus, quin etiam neq; cunctis hominibus inesse uidetur. Omnes igitur ij, qui ad animantis respexere motum, maxime motiuum, animam esse putarunt. At qui cognitionem animaduertunt ipsius, ac sensum quibus res cognoscit, & sentit, ij dicunt animam ipsam principia rerum esse. At qui plura principia faciunt, hæc ipsa: qui uerò unum, id ipsum animam esse censent. Empedocles enim ex elementis quidē uniuersis ipsam constare censet, tamen & unumquodq; istorū animam esse putat. Dicit enim, Terram, nam terra, lympa cognoscimus undam. Aetheraq; æthere, sanè ignis dignoscitur igne: Sic & amore amor, ac tristi discordia lite. Eodem & Plato modo, animam in Timæo ex elementis constare censet: simili nanque, eius quoque sententia, cognoscitur simile: & res ipse ex principijs sunt. Similiter determinatum est ab eodem & in hisce, quæ de Philosophia dicuntur, animal quidem ipsum ex ipsius unius idea, forma'ue, & ex longitudine prima, & latitudine, profunditate'ue constare: cetera uerò simili modo. Insuper & alio pacto, intellectum quidem, esse unum ipsum, ipsa uerò duo, scientiam: est enim ipsa

ipsa tantum ad unum processio. Superficieï præterea numerum, opinionem, solidi, sensum, nam numeri quidem formæ ipsæ, & principia dicebantur: sunt autē ex elementis. Res uerò partim intellectu, partim scientia, partim opinione, partim sensu dijudicantur, ac discernuntur: atq; hi numeri formæ sunt rerum. Cum autem anima motiuum, & cognitiuum sit, quidam utrunque complexi sunt. atq; animam numerum esse seipsum mouentem asseruerunt: omnes tamen de principiis quæ, & quot sunt, inter sese dissentire uidentur, atque maximè quidem ij, qui corporea putant esse, ab hisce dissentiunt, qui incorporea ponunt: minus autem ab ijs, qui composuerunt, & ex utrisque principia rerum assignauerunt. Dissentiunt etiam & de multitudine eorūdem, quidam enim unum, quidam plura principia dicunt esse.

Atque ut de principiis senserunt, sic de anima etiam determinauerunt: non enim abest à ratione in primorum natura mouendi causam collocare. Quapropter ignis quibusdam esse uidetur. is enim subtilissimarum est partium, & longè magis, quàm elementa cætera, incorporeus: mouetur insuper, & cætera primo mouet. Democritus autem & subtilius dixit, cum assignauit cur est istorum utrunque: dixit enim animam quidem, mentemq; idem esse, hoc autem ex ipsis primis, atque indiuisibilibus corporibus esse: atque ob partium quidem subtilitatem, mouere, ob figuram uerò, moueri: figurarum autem omnium mobilissimam. figuram rotundam asserit, talemq; esse intellectum, & ignem. At Anaxagoras uidetur quidem aliud animam, aliud intellectum, mentem uel dicere, quemadmodum et antea diximus, utitur tamen utrisque, perinde atque una natura. Verùm mentem principium maximè omnium ponit: solam nanque rerum omnium ipsam, simplicem, & non mixtam, & puram esse, syn-

ceramq;



ceramq; dixit. Atque eidem principio hæc utraque tribuit, cognitionem, inquam, & motum, dicens uniuersum mentē mouisse. Thales etiam uidetur ex hisce, quæ tradita memorie sunt, motiuum quiddam animam ipsam esse putasse: siquidem dixit magnetem habere animam, quia mouet trahitq; ferrum. Diogenes autem, sicut & alij quidam, ærem ipsam censuit esse, hunc subtilissimæ substantiæ, rerumq; principium esse putans. Iccirco cognoscere, atque mouere animam dixit: hoc quidem cognoscere, quo primum est, & ex hoc ipso cætera constant: hoc autem esse motiuum, quo subtilissimum esse. Heraclitus quoq; principium ait animam esse: quippe cum exhalationem esse, ex qua cætera dicit constare, & maxime incorporeum esse, & semper fluere dicat: atq; id quod mouetur, eo quod motu cietur cognosci, constat. Moueri autem res uniuersas, & ipse, & alij complures arbitrabantur. Simili modo & Alcæon de anima putasse uidetur. Dicit enim ipsam immortalem esse, ex ea quia similis ipsis immortalibus est: quod quidem ideo dixit ipsi competere, quia semper mouetur: mouentur enim & res omnes diuinæ continuè semper, luna inquam, sol, stellæ, totumq; cælum. Quidam, & magis importuni, animam aquam esse dixerunt: ut Hippon, qui quidem ad hanc sententiam ratione seminis uidetur esse compulsus, quia omnium semen humidum est: etenim redarguit eos, qui sanguinem animam asserunt, quia semen sanguis non est: hoc autem, primam animam esse dicit. Sunt & qui sanguinem ipsam esse dixerunt, ut Critias, sentire ipsum maxime proprium animæ esse putantes: quod quidem competere propter naturam sanguinis, crediderunt. Ita omnia elementa, præter terram, iudicem habuerunt: hanc autem nemo tribuit animæ, nisi quis ipsam dixerit ex omnibus elementis constare, aut

O

omnia

omnia esse. Ut igitur in summam omnia redigamus, tribus his omnes animā, motu, sensu, incorporeoq; definiunt: quorum unumquodq; reducitur ad principia rerum, ut patuit. Quapropter & ij, qui cognitione definiunt animam, aut elementum, aut ex elementis faciunt, ipsam similiter omnes præter unum, dicentes. Inquiunt enim, simile simili sibi cognosci: atq; cum uniuerſa cognoscat, ac percipiat anima, ex uniuerſis rerum principijs ipsam constare dicunt. Quibus igitur placuit unam causam, elementumq; unum ponere rerum: ij animam etiam unum, uelut ignem, aut ærem esse ponunt. Qui uerò plura rebus principia tribuunt, ij plura quoque dicunt animam esse. Solus autem Anaxagoras mentem passione uacare dicit, & nihil prorsus cum cæteris habere commune. Verum cum talis sit, quonam pacto cognoscat, & quam ob causam, neq; ille dixit, neq; ex dictis perspicui potest. At uerò qui contrarietates in principijs faciunt, ij conficiunt animam etiam ex contrarijs. Qui uerò tantum alterum ponunt contrariorum, calidum, inquam, aut frigidum, aut aliquid aliud huiusmodi: ij similiter & animam unum istorum asserunt esse. Quapropter & nomina ipsa sequuntur: nam ij, qui calidum esse dicunt, inde inquirunt ipsum uiuere ductum, nominatumq; fuisse: & ij rursus, qui frigidum esse censent, animam inde nuncupant ob respirationem & refrigerationem asserunt esse. Hec igitur sunt, quæ de anima tradita sunt à maioribus nostris, & hæc sunt causæ, ob quas illi talia de ipsa dixerunt.

Aduersus omnes, qui putant Animam esse corpus mouens & morum, CAP. III.

Hic ostendit  
Arist. animā,  
nec ignē esse,  
nec seipsam  
mouere.

Considerandum est autem primum de motu. Nam fortasse non solum falsum est, substantiā animæ talem esse, qualem ij dicunt, qui animam id asserunt esse, quod seipsam mouet,

mouet, aut mouere potest: sed etiam unum id esse quoddam uidetur eorum, quæ nequeunt esse, motum inquam ipsi inesse, atque competere. Non necessarium igitur esse id omne moueri quod mouet, olim iam diximus, & probauimus. Cum autem omne, quod motu ciatur, dupliciter moueatur, aut enim per aliud, aut per se mouetur: per aliud autem id omne moueri dicimus, quod est in eo quod motu ciatur, ut nauigantes: hi namque non perinde atque nauis mouentur: hæc enim per se mouetur, illi motu ciatur, quia sunt in eo, quod motu ciatur: quod quidem ita esse, patet in partibus: motus enim proprius pedum est ambulatio, qua mouentur & homines: tunc autem hisce motus non inest, ut patet in nauigantibus. Cum igitur id, quod mouetur (ut diximus) bifariam dicatur moueri, consideremus nunc oportet de anima, si per se moueatur, motusque particeps sit. Cum igitur quatuor sint motus, latio, alteratio, accretio, atque decretio, aut istorum uno, aut pluribus, aut omnibus, ut patet, mouebitur. Quod si non per accidens moueatur, natura sanè motus inerit ipsi: at si hoc sit, locus etiam eidem identidem competet: omnes enim iam dicti motus in loco sunt. Quod si substantia sit animæ seipsam motu ciere, non per accidens inerit ipsi motus, ut inest albedini, aut tricubito: mouentur enim & ipsa, uerum per accidens: quippe cum corpus id moueatur, cui res tales insunt. Quapropter & locus nullus ipsorum est: at erit animæ sine controuersia locus, si natura motus particeps est. Præterea si natura motu ciatur, ui quoque moueri potest: & si ui mouetur, & natura moueri potest. Eodem modo de quiete quoque dicere possumus: in hoc enim natura res quiescere solet, in quod suapte natura mouetur: in hoc pari modo ui planè quiescit, in quod ui pulsa mouetur. Atqui motus erunt animæ uiolenti, quietes uel

O 2

neque



neq; si fundere uolumus, assignare facile possumus. At uero si sursum mouebitur, ignis, si deorsum, terra: hisce namq; corporibus, hi motus competunt. Eadem est et de medijs corporibus ratio. Præterea: cum uideatur anima corpus mouere, rationi consentaneum est ipsi motibus ipsum mouere quibus et ipsa mouetur. Quod si id sit, conuertendo uerum quoq; dicere possumus, eo ipsam motu cieri, quo mouetur et corpus: at latrone corpus mouetur, quare mutabitur et anima: perinde atq; corpus, et aut tota, aut partibus locum mutabit. Quod si id fieri potest, fieri quoq; potest ut egressa, rursus corpus ingreditur: ex quo fiet, ut animalia ea quæ mortem obierunt, resurgant. At enim motu per accidens ab alio quoq; mouebitur: animal enim uel pelli potest. Non autem oportet cuius in substantia inest a seipso moueri, id ab alio motu cieri, nisi per accidens: quemadmodum neq; quod per se, uel propter se bonum est, id per aliud oportet, aut gratia cuiuspiam esse. Animam autem, si mouetur, a sensibilibus maxime quispiam dicet moueri. At uero si mouet seipsam anima, et ipsa quoque mouetur. Quare cum omnis motus, exitus, atque remotio sit eius, quod motu cietur, ea ratione qua motum subit, anima nimirum ex substantia dimouetur et exit, nisi seipsam per accidens moueat: at motus, ut inquit, substantiæ est ipsius per se. Quidam autem asserunt animam id corpus in quo est, eodem mouere modo, quo et ipsa mouetur, ut Democritus: qui quidem perinde atq; Philippus Comicus, dicit. Ille namq; Dædalum ait, ligneam Venerem confecisse, quæ motu mouebatur argenti uiui, quod in illam infudit. Et Democritus pari modo pilas indiuisibiles secum trahere corpora totum, atq; mouere dicit, ex ea quia nunquam ipse quiescunt suapte natura, desinuntq; moueri. Nos autem ipsum

interr

interrogabimus, si quietem etiam id ipsum faciat unquam? At quonam pacto quietem faciet, difficile est dictu, uel potius dici non potest. Omnino autem anima non sic mouere uidetur animal, ut inquit ipsi, sed electione quadam, intelligentione ue. Eodem autem modo Timæus etiam animam corpus mouere dicit: mouere enim ipsam ex eo censet, atque asserit corpus, quia mouetur: propterea quod ad ipsum conexa est. Ipse enim dicit ex elementis eam constitutam, numerisque distinctam sonoris, ut insitum sonoritatis, atque concentus habeat sensum: et ut uniuersum feratur consonis lationibus, rectitudinem coëgit, atque flexit in circulum, et cum unum in duos diuississet circulos duobus in punctis conuinctos, rursus unum in septem orbes diuissit, quoniam lationes ipsius cœli, motiones sunt animæ, quibus ipsa mouetur. Primum igitur non recte dicitur, animam magnitudinem esse: nam animam uniuersam talem ipse uult esse, qualis est ea, quæ mens, et intellectus uocatur, non qualis est sensitiua, nec qualis est ea, quæ est principium cupiendi, quippe cum harum motus non sit, ut patet, conuersio. Intellectus autem unus est, et continuus, perinde ac intellectio. Intellectio uero est ipsius intellectus conceptio. Sed hi nimirum unum hoc sunt, quod alius deinceps post alium est, uti numerus, sed non uti magnitudo. Quocirca nec intellectus hoc pacto continuus est, sed aut partibus penitus uacat, aut non est ut magnitudo continuus. Atque si magnitudo sit, quonam pacto quacunque suarum intelliget partium, siue illæ sint magnitudines, siue etiam puncta, si hæc quoque partes appellare oporteat? Nam si puncto, puncta uero sunt infinita, nunquam pertransibit, ut patet. Sin magnitudine, sapius, uel infinites idem intelliget. At uidetur et semel intelligere posse. Quod si sat est,

quamuis partium tangere, quid oportet aut orbe uersari, aut omnino magnitudinem ipsum habere? Quod si necesse est ipsum intelligere toto tangentem circulo, quis est ipsarum partium tactus? Præterea quonam pacto uel impartibili partibile, uel impartibile partibili ipse intelliget? Necesse est autem intellectum esse circulum hunc: intellectus namque motus, intellectio est: circuli uero, conuersio. Si igitur intellectio conuersio est, & circuli is intellectus erit profectò, cuius talis conuersio intellectio est. Aliquid præterea semper intelliget: oportet enim ipsum, aliquid intelligere semper, quippe cum conuersio sit perennis, atque perpetua. At constat intellectio rerum earum, quæ cadunt sub actionem, terminos esse, ac fines: omnes enim alii cuius sunt gratia. Contemplatiue quoque rationibus idem tidem terminantur: & rationum aliam definitionem, aliam demonstrationem esse patet. Demonstrationes autem & ex principio sunt, & finem habent quodammodo ratiocinationem, aut conclusionem. Quod si non terminantur, at saltem non ad principium redeunt, sed medium, extremumque semper sumentes rectè proficiuntur: at conuersio rursus, ut patet, ad principium redit, atque reflectitur.

Definitiones etiam finitæ sunt omnes, ac terminatæ.

Præterea si sæpius eadem conuersio fiat, idem sæpius intelligere oportebit. Præterea intellectio quieti magis, & statui, quam motui similis esse uidetur: eodem modo & ipsa etiam ratiocinatio. Atqui neque beatum id est, quod non est facile, sed uiolentum, ut patet. Quod si motus non sit ipsius substantia, præter naturam sanè mouebitur. Laboriosum est etiam cōiunctum esse cum corpore, neque ab solui ab eo posse, & insuper maximopere fugiendum: quippe cum melius sit intellectui non esse cum corpore, quemad-

admo



admodum & dici solet, & complures plane consentiunt. Causa præterea qua cælum conuertitur, non uidetur ex dictis illis emergere. Neque enim animæ substantia, causa est conuersionis, sed per accidens hoc modo mouetur: neque etiam corpus, sed anima corpori potius causa est motionis.

At uerò neque dicitur ita melius esse, & tamen oportebat ideo deum animam orbe uersari facere, quia melius est ipsi moueri, quàm stare, & hoc pacto moueri, quàm alio modo: Verum enim cum huiusmodi consideratio magis alijs accommodetur sermonibus, eam nunc omittamus. Illud autem absurdum euenire uidetur tam huic sententiæ, quàm etiam compluribus alijs, quæ dicuntur de anima. Etenim coniungunt quidem animam cum corpore, ponuntque ipsam in eo, & tamen nihil prorsus determinant quam ob causam, & quomodo sese habente corpore: quod tamen necessarium esse uidetur. Nam ob propinquitatem hoc quidè agit, illud patitur: & hoc rursus mouetur, illud autem mouet: quorum nihil sanè quibusuis inter sese competit. At illi dicere quidem quale quid sit ipsa anima enituntur, de susceptiuo uerò corpore nihil penitus dicunt, atque determinant: perinde quasi fieri possit, ut quæuis anima sine ullo discrimine quoduis corpus ingrediatur, ut Pythagoricorū fabulæ dicunt: animantis enim cuiusque propriam spectem habere, formamque uidetur. Perinde igitur dicunt, atque si quispiam artem fabrilem fistulas ingredi dicat: etenim ars quidem instrumentis, anima uerò corpore utatur oportet.

Animam non esse harmoniam: & de Anima mundi: & utrum anima nostra uita potius, quàm anima sit dicenda.

CAP. IIII.

**E**st autem & alia quedā opinio de anima tradita probabilis quidem compluribus, & nulla earum inferior,

quæ de ipsa dicuntur, reprobata tamen & hisce rationibus,  
 quæ in communibus sermonibus fiunt. Animam enim har-  
 moniam quandam inquiunt esse: harmoniam namque tem-  
 perationem esse, compositionemq; contrariorum dicunt, et  
 corpus ex contrarijs compositum esse. Verum enim har-  
 monia quidem ratio quedam eorum est, quæ sunt permista  
 uel etiam compositio: anima autem neutrum istorum esse  
 potest, ut patet. Præterea harmoniæ non est mouere, animæ  
 autem id omnes maximè tribuunt. Accommodatius autem  
 harmonia de sanitate, atq; omnino de uirtutibus corporis,  
 quàm de anima dici potest: atque manifestissimum id erit  
 profectò, si quispiam operationes, atque affectus animæ in  
 aliquam harmoniam reducere enitatur: accommodare nanq;  
 perdifficile est. Præterea in duo respicientes harmoniam  
 dicere consueuimus, & propriissimè quidem earum ma-  
 gnitudinum compositionem, quæ motum habent, positio-  
 nem uel, cum adeò sunt coniunctæ, ut nihil eiusdem generis  
 inter sese suscipere possint: hinc autem & rerum rationem  
 mistarum. At neutro profectò modo consentaneum est ra-  
 tioni, harmoniam animam appellare. Neq; partium corpo-  
 ris compositio facilis est admodum inquisitionis: complu-  
 res namq; compositiones sunt, ut patet, & uariæ, partium.  
 Cuius igitur, aut quonam pacto intellectum, aut etiam sen-  
 sitiuum, aut appetitiuum, compositionem esse putare opor-  
 tet? Similiter absurdum est sanè, mixture quoq; rationem  
 animam esse putare: non enim elementorum mixtio ratio-  
 nem habet eandem in carne & osse, cæterisq; corporis  
 partibus. Fiet igitur ut complures habeat animas, per to-  
 tumq; corpus, si partes quidem uniuersæ corporis ex ele-  
 mentis consent permistis: ratio uerò mixture harmonia  
 sit, ut inquiunt, animaq;. Id etiā quispiam & ab Empedocle  
 non

non iniuria petet : unamquamque nanque partium , aliqua ratione dicit esse confectam. Vtrum igitur ratio ipsa sit anima, an potius sit aliquid aliud anima, & ipsis membris adueniat? Præterea utrū cuiuslibet mixtionis sine ullo discrimine causa sit ipsa concordia, an eius quæ ratione conficitur? Et hæc utrū sit ipsa anima, an aliquid diuersum à ratione? Hæc igitur tales dubitationes habere uidentur. Verum si anima diuersum à mixtione sit, uti diximus, cur una cum ratione carnis, & cæterarum etiam animalis partium tollitur? Insuper si non unaqueque partium animam habeat, si non sit anima ratio mixtionis, quid est quo decedente corrumpitur anima? Ex his igitur quæ dicta sunt, patet animam nec harmoniam esse posse, nec orbe uersari, per accidens tamen (ut diximus) moueri potest, & seipsam mouere: mouetur namque corpus in quo est, mouetur autem, ut patet, ab anima: alio uero modo fieri nequit, ut ipsa moueatur motu ad locum accommodato. At enim rectius de hac ipsa quispiam ad talia respiciens dubitabit, putabitque ipsam moueri. Dolere nanque dicimus animam, gaudere, confidere, timere, insuper irasci, sentire, ratiocinari: quæ quidem omnia motus esse uidentur. Quapropter ipsam quispiam existimabit moueri. Verum id non necessarium est: nam etsi quam maxime dolere, uel gaudere, uel ratiocinari motus sunt, uel potius moueri, tamen ipsum moueri ab anima est. Irasci namque, aut timere, est hoc modo moueri cor: ratiocinari autem aut tale forsitan est, aut etiam aliud. Atque quædam istorum sunt, cum aliqua latione mouentur: quedam cum aliqua alterantur: quænam uero sint illa, & quomodo sunt, alia ratio est. Dicere autem animam irasci, uel timere, simile est atque si quispiam animam texere dicat, uel edificare. Nam melius est fortasse dicere non animam, sed hominem



minem anima misereri, uel discere, uel ratiocinari: idq; non  
 quia motus in illa sit, sed quia nonnunquam quidem usque  
 ad illam, nonnunquam uerò ab illa, ueluti sensus quidem,  
 ex hisce: recordatio autem ab illa ad eos motus uel status,  
 qui sunt in ipsorum sensuum instrumentis. Intellectus au-  
 tem aduenire uidetur, & substantia quedam esse, ac non  
 corrupti. Nam ab ea maxime, quæ in senectute fit, obsusa-  
 tione corrumpitur. nunc autem perinde sit atque in sen-  
 suum instrumentis: etenim si senex talem acciperet oculo-  
 rum, uideret sicut & iuuenis. Quare senectus non est, quia  
 anima quicquam est passa, sed quia id in quo est aliquid,  
 passum est: quemadmodum in ebrietatibus, & morbis fie-  
 ri solet. Et ipsum igitur intelligere, ac contemplari mar-  
 cescit, quia aliud quoddam intus corrumpitur: ipsum autem  
 passione uacat. Ratiocinari uerò, & amare, aut odisse, non  
 sunt illius affectus, sed huiusce quod habet illud, ea ratione  
 qua illud habet. Quapropter & hoc corrupto, nec recor-  
 datur, nec amat: non enim erant illius, sed ipsius communis,  
 quod quidem perijt. Intellectus autem, diuinum quid est for-  
 tasse, passioneq; uacat. Esse igitur impossibile moueri ani-  
 mam, perspicuum iam ex dictis euasit: quod si omnino non  
 motu cietur, patet nec à seipsa motu cieri. Atqui numerum  
 animam esse dicere seipsum motu cientem, multò longius,  
 quam ea quæ dicta sunt, à ratione distare uidetur. Nam ipsi  
 qui id asserunt, ea primum impossibilia quæ emergunt ex  
 motu, deinde propria quedam ex eo, quia dicunt ipsam  
 numerum esse, eueniunt. Quo nanque modo unitatem mo-  
 ueri intelligere oportet, & à quo, & quonam pacto, cum  
 impartibilis sit, & nullam habeat differentiam? si enim  
 motiua sit, atque mobilis, diuersam esse oportet. Præterea  
 cum lineam quidem motione superficiem facere dicant,  
 punctum

punctum autem lineam, unitatum etiam motus erunt continuo lineæ: punctum enim unitas est positionem habens, atque numerus animæ iam alicubi est positionemq; habet. Præterea si quis à numero numerum, uel unitatem abstulerit, alius relinquitur numerus: atqui plantæ, multaq; animalium uiuunt diuisa, & eandem animam specie uidentur habere. Atq; nihil referre uidebitur, unitates dicantur, an corpuscula parua. Etenim si puncta fiant ex Democriti pilulis, modò maneat quantitas, erit in ipsis aliud quiddam quod mouet, aliud autem quod mouetur, sicut in magnitudine: non enim quia magnitudine differunt, aut paruitate, id quod dictum est accidit, sed quia subeunt quantitatem. Quocirca necesse est aliquid esse, quod ipsas unitates mouebit: quod si id, quod in animali mouet, anima est, & id quod in numero mouet, anima est. Quare anima non est id quod mouet, atq; mouetur, sed id quod mouet duntaxat. At uerò quid fieri potest, ut hæc unitas sit? oportet enim ipsius à cæteris aliam quam differentiam esse: at unicus puncti quænam præter positionem esse differentia potest? Si igitur unitates, puncta uel que sunt in corpore, diuersa sunt ab unitatibus animæ, atq; punctis, erunt ipsæ unitates in eodem profectò loco: punctum enim animæ locum occupabit puncti corporis. Atqui quid obstabit, ac prohibebit ut si duo puncta sunt simul in eodem loco, & plura sint duobus, ac infinita? quorum enim locus indiuisibilis est, & ipsa indiuisibilia sunt. Sin uerò ea puncta, que sunt in corpore, sint ipse numerus animæ: uel si numerus, qui ex punctis constat, que sunt in corpore sit anima, cur non omnia corpora animam habent? nam in cunctis puncta esse uidentur, & etiam infinita. Insuper quid fieri potest ut separentur, ac absoluantur à corporibus ipsa puncta: siquidem lineæ non diuiduntur in puncta.

Aduersus

Aduersus omnes eos, qui dicunt, animam ex elementis conditam esse: & reliqua priscarum opinionum confutatio.

CAP. V.

Hic ostendit  
Arist. animā  
non cōponi  
ex corporeo  
subtilissimo.

**F**it autem uti diximus, ut partim idem ij dicant, quod illi, qui corpus quoddam subtilium partium animam esse dixerūt, partim proprium ipsos comitetur absurdum, corpus ab anima perinde moueri, atq; Democritus assererat. Nam cum anima sit in omni corpore sentiente, necesse est in eodem duo corpora esse, si anima corpus aliquod esse ponatur. Et horum etiam sententia, qui animam numerum esse censent, fit: ut in uno puncto multa sint puncta, aut omne corpus habeat animam, si non numerus quispiam alius, atque diuersus à punctis ipsius corporis superueniat. Fit etiam ut animal à numero perinde moueatur, atq; Democritum diximus idipsum moueri cēdere. Quid enim interest, parue pile dicantur, an unitates magnæ, uel unitates omnino quæ agitantur motu: utroque nanque modo necesse est ipsas ex eo mouere animal, quia ipse motu cientur. His igitur qui motum, ac numerum in assignanda anima coniunxerunt, hæc quæ dicta sunt absurda, & alia huiusmodi multa eueniunt: est enim impossibile non solum definitionem animæ talem esse, sed etiam accidens. Quod quidem patet, si quis ex hac ratione operationes, atq; affectus animæ conabitur assignare, cogitationes, inquam, sensus, uoluptates, dolores, & cetera istiusmodi: nam, ut prius diximus, neq; uaticinari ex ipsis facile possumus. Tribus autem traditis modis, quibus antiqui definiunt animam, duos iam reprobauimus, & quas habet utraque sententia dubitationes, contrarietatesq; penè diximus: & eam, inquam, quæ maximè motuum ipsam esse ex eo ponit, quia seipsam mouet: & eam quæ corpus ipsam subtilissimarum partium



partium, aut magis quam cetera incorporeum esse censet. Restat igitur tertius modus, atque sententia, quæ ipsam asserit ex elementis constare, quam quidem deinceps consideremus oportet. Atque patet ob hoc ex elementis animam constare quosdam dixisse, ut sentiat ea quæ sunt, & rerum unamquamque cognoscat. At hanc sententiam multa profecto comitantur absurda, atque eorum quam plurima, quæ fieri nequeunt: asserunt enim simili cognoscere simile, quasi animas res ipsas esse potentes. Verum non elementa sunt solam, ut patet, sed præter ea multa sunt etiam alia quin potius infinita fortasse numero, quæ constant ex ipsis ac componuntur. Sit igitur ea cognoscere, sentireque animam ex quibus illorum unumquodque componitur, at totum ipsum compositum quo cognoscet, quæso, uel sentiet? ut quid sit deus, uel homo, uel os, uel caro, & cæterorum compositorum unumquodque similiter? non enim unumquodque istorum est ipsa elementa, quous se habentia modo sine ullo discrimine: sed ex ipsis unumquodque conficitur ratione quadam, compositione uel, quemadmodum & Empedocles os ex elementis constare censet. Dicit enim, Cæperat ante duas tellus iustissima uasis Aëris, ac fontis partes, Vulcanus & ipse. Quatuor ex octo adiunxit: quæ cæcæ dida, magna Vis, fecundaque natura, consecerat ossa. Nil igitur elementa prosunt, si sint in anima, nisi rationes etiam insint & composito: unumquodque enim cognoscet simile, os autem aut hominem non cognoscet profecto, nisi ipsa etiam insint: hoc autem opus est unam eorum esse dicere, quæ fieri nequeunt. Quis enim ambiget unquam, si lapis uel homo, uel equus insit in anima, & bonum similiter, & non bonum, & de cæteris identidem rebus? Præterea ciam id quod est, multipliciter dici solet (quoddam enim substantiam

stantiam, quoddam quantitatem, aut qualitatem, aut aliquod aliud enumeratorum iam predicamentorum significat) utrum ex uniuersis, an non ex uniuersis anima constet? At non uidentur communia omnium esse elementa. Ex hisce ne igitur solis constat, quæ substantiarum sunt elementa? At quonam pacto cæterorum etiam unumquodq; cognoscit? An dicent uniuscuiusq; generis elementa propria, atq; principia esse, ex quibus anima constat? Erit igitur ipsa, & quantitas, & qualitas, & substantia. At fieri nequit, ut ex quantitatis elementis substantia sit, non quantitas. Eos igitur, qui censent animam ex uniuersis constare, hæc & huiusmodi alia comitantur. Absurdum est etiam, simile quidem à simili non pati dicere, simile uero sentire simile, simileq; cognoscere simili putare, atq; asserere inde sentire, pati quoddam esse, moueriq; ponere, & intelligere, similiter & cognoscere. Atqui multas dubitationes, ac difficultates Empedoclis habere sententiam (corporeis inquam elementis, & sibi similibus cognosci res singulas) testatur id quod experientia late patet. Partium enim animalium corporum eæ, quæ sunt simpliciter terre, ut ossa, nerui, pili, nihil sentire uidentur: quare neq; similia sibi: at oportebat tamen. Præterea cuiq; principiorum maior ignoratio, quam cognitio inerit nimirum. Vnumquodq; enim cognoscet unum, multa autem ignorabit: cætera namq; omnia. Fit etiam Empedoclis eadem sententia, ut deus sit amantissimus, quippe cum ipse solus unum elementorum non comprehendat, ipsam discordiam, inquam, mortalia uero cuncta cognoscant, cum ex uniuersis singula constant. Præterea dicat oportet omnino, quam ob causam non habent animam omnia: cum omne quod est, aut sit elementum, aut ex elemento uno, uel pluribus, uel omnibus constet: necesse est enim omne quod

est, aut unum quid, aut quædam, aut uniuersa cognoscere.

Dubitabit etiam non iniuria quispiam, quidnam id sit, quod ipsa continet, atq; unit: elementa namq; materiei similia sunt. Atq; præstabilißimum id esse patet, quod continet quicquid id tandem sit: at nequit esse quicquam præstabilius anima, quod quidem dominetur, & magis etiam intellectus: maximè enim rationi consonū est, hunc omnia præcessisse, & præstantißimum omnium, & natura dominum esse: illi autem elementa, ea quæ sunt præcedere censent. At enim nemo prorsus de omni anima dicit, nec eorum qui censent ipsam ex elementis ideo cõstare, quia sentit, cognoscitq; ea quæ sunt, nec etiam eorum qui maximè motuum ipsam asserunt esse: non enim omnia mouentur quæ sentiunt. Sunt enim animalia nonnulla quæ mouentur loco, & tamen hoc solo motu anima uidetur animal agitare. Similiter & eorū qui tam sensitiuū, quàm intellectum ex elementis conficiūt, nemo animam omnem complectitur: uiuere namq; uidentur plantæ, at expertes sunt tamen & lationis, et sensus: animalium quoq; complura sunt, quæ mente, rationeq; uacant. Quod si quis & hæc illis concesserit, intellectumq; partem esse posuerit animæ, & identidem sensitiuum, neque sic de omni anima, neq; de ulla tota dicere uidebuntur. In hoc eodem errore uidetur esse & ea sententia, quæ carminibus Orphicis fertur. Dicit enim Orpheus animam ferri uentis, et ex toto ingredi respiratione. Id autē nequit ipsis accidere plantis, neq; quibusdam itidem animalū: quippe cū haud uniuersa respirent: quod quidē eos præterijt, qui ita de anima censuerunt. At uerò si conficere animā ex elementis oporteat, non ex uniuersis continuò conficienda esse uidetur: altera namque pars contrarietatis sufficiens est seipsam, oppositamq; discernere: recto enim et ipsum rectum, ut patet;

&



& obliquum cognoscimus: regula namq; iudex est utriusq;  
 at obliquū nec sui planē, nec recti. Sunt & qui in toto uni-  
 uerso permistam ipsam inquirunt esse. Quocirca forsitan &  
 Thales, omnia plena Deorum esse putauit. Hoc autem di-  
 uinationes habet nonnullas. Quam enim ob causam anima  
 in aëre quidem, uel igne si inest, non facit animal, in mistis  
 autem facit: præsertim cum in illis uideatur esse præstatio.  
 Queret etiam quispiam: quam ob causam anima ea, que  
 est in aëre, præstabilior est, ac immortalior ea, que in ani-  
 malibus inest? Utrobique autem emergit quoddam absurdū,  
 & rationis egrediens metas: nam ignem, aut aërem animal  
 esse dicere, rationis egreditur fines: & asserere rursus ani-  
 malia non esse, si inest in ipsis anima, per absurdum est sanē.  
 Videntur autem ideo putasse in his animam esse, quia totū,  
 & partes eiusdem sunt speciei. Quare necesse est ipsos, &  
 animam, & partes eiusdem esse dicere speciei, si animalia  
 ex eo fiunt animantia, quia in ipsis aliqua pars continentis  
 recipitur. Quod si aër quidem discerptus eiusdē est speciei,  
 anima autem est dissimilium partium, patet aliam ipsius  
 partem inesse, aliam non inesse. Necesse est igitur ipsam, aut  
 similiū esse partium, aut non in quacunque totius inesse  
 parte. Patet igitur ex dictis, neque cognitionem ex eo com-  
 petere animæ, quia constat ex elementis: neque recte, uereq;  
 dici motum eidem inesse. At quoniam cognoscere, sentire,  
 opinari, insuper cupere, deliberare, & omnino appetitio-  
 nes, ipsius animæ sunt, motus etiam animalium loco, ab ani-  
 ma fit: & insuper accretio status, atque decretio: queret  
 utiq; quispiam, utrum horum unumquodq; animæ compe-  
 tat, & nos intelligamus, & sentiamus, & moueamur, cete-  
 rorumq; unumquodq; agamus: patiamurq; tota, an alijs alia  
 partibus? Ipsum præterea uiuere, utrum in horum aliquo

uno, an in pluribus, an in omnibus consistant, an sit eius alia quaedam etiam causa? Atq; sunt qui dicunt ipsam esse partibilem, nosq; alia eius parte intelligere, alia eupere censent. Quid igitur ipsam continet animam, si partibilis sit? non corpus, quippe cum contra potius uideatur corpus animam continere. Quapropter & egressa dissoluitur corpus, atq; putrescit. Si igitur aliquid aliud ipsam contineat, unumq; faciat, illud erit potissimum anima. At oportebit de illo etiam querere, utrum unum, an multarum sit partium? Atque si sit unum, cur & animam continuo non dicimus unum esse? Sin partibile, rursus ratio quereretur quidnam sit illud, quod illud etiam continet? atq; hoc pacto fiet in infinitum abitio. Dubitabit etiam quispiam de partibus eius, quam unaquaq; potentiam in corpore habeat. Nam si anima tota totum contineat corpus, oportet & unamquamque etiam partem, aliquam partem corporis continere. Id autem esse non posse uidetur: quam enim partium corporis intellectus, aut quo continebit pacto fingere quoque difficillimum est, uidemus autem & plantas diuisas uiuere, & animalium insectorum nonnullas, utpote animas, & si non numero, tamen specie eandem habentia. Itaq; partium utraque, & sensum habet, & per aliquod tempus loco mouetur. Nec absurdum est, si non perdurant: instrumenta nanque non habent ut naturam conseruent, sed nihilominus omnes in utraq; partium insunt animae partes. Atque animae partes eadem sub specie collocantur, & etiam tota: ille quidem, quia non separabilis sunt: tota autem anima, quia indiuisibilis est. Videtur autem & id principium, quod inest in plantis, anima quaedam esse: haec enim sola communis est & plantis, & animalibus. Atq; haec quidem a sentiendi principio separatur: sine autem ipsa, nihil est prorsus quod habeat sensum.

## ARISTOTELIS

DE ANIMA LIB. II.

*Argumentum ex Simplicio.*

Cum libro primo veterū de anima opiniones recensisset simul ac examinasset, & interim ostendisset quod & substantia sit ipsa anima, & incorporea, quodq; alia ipsius pars ueluti finem præbeat, terminum uel corpori mobili uiuenti, alia uero moueat item quod rationalis anima actiones habeat quasdam, non utentes organo corporis, & quod hæc princeps sit maximè: deinde quo pacto cognoscat, non iuxta elementarem scilicet, sed per formalem, quam ad cognobilia habet, agnationem: ostendisset insuper totius elementaris molis ad particularia, animationis differentiā, & quod una in quoq; sit anima: Ipse deinceps per se propriā de hac re tota considerationē instituens, & de omni anima vitam habentiū communem tractationē proponens: primum quærit quidnā omnibus commune sit, per quod scilicet omnes animæ sint, dicaturq; animalū mortaliū formæ. Verū quia non eiusdē inter se speciei sunt, nec cōmunis cuiuspiam naturæ rationē habent, neq; tamen prorsus solū nomen cōmune est omnibus, quando una quodā modo totius ab anima proficiscētis vitæ notio est, quatenus scilicet intra res ipsas latēs suis quibusdam certis motionibus agit eas, cietq; & proinde non plures habet notiones, ut cæterorū æqui uocorū unū quodq; peculiarem habet sibi notionem: sic alia est terrestriū canis notio ab illa maritimi, aut cœlestis, eius uel, qui inter morbos habetur, & sub spasimum refertur. Verum cū una hæc, & cōmunem totius generis naturā cōplexa notio iuxta unamquamq; speciem variet, ita ut secundum profunditatē multiplex contingat diuersitas, ueluti se habent, quæ ab uno dicuntur, & ad unū: necessaria in his est, non quæ iuxta cōmunitatē eam solū, aut solam variationē, sed quæ iuxta utrunq; sit consideratio: ut quæ admodū se res habent, sic ipsas cognoscamus, sciamusq;. Habet autem se hoc loco, ut neq; commune istud absq; dicta differentia, neq; uarietas absq; communi illo aut esse possit, aut considerari rectè. Cæterum cognitio nostra partilis cū sit, & proinde initio statim utrūq; simul amplecti nequeat,



nequeat, prius quàm peculiariter utrūque norit, rectè Philo-  
sophus quodnā cōe istud sit primū cōsiderat, id ita cōe scili-  
cet est, vt sunt quæ multis modis dicūtur, uelut ens est, ac bo-  
num, & unū & sanū. Neq̃ enim de uniuocis tātum, sed & de  
iis, quæ hoc modo sunt cōia, una scientia haberi potest. Sic  
ipse in Metaphysica tractatione docet, quo loco unam  
quandam entis definitionem assignat, quāuis multis modis  
ens dicatur. Sic in Physica quoque auscultatione Motui u-  
nam definitionem assignat, & neq̃ ineptè id fit. Nec sub re-  
præhensionem uenire debet, cōmunē hīce definitionem assi-  
gnasse, quæ hoc pacto dicūtur multipliciter, id enim necessa-  
riū est omnino: sed hac sola cōrētū abiisse prius, quàm pecu-  
liares singulis differētiis apposueris, ut per cōmunis, & pro-  
priae cuiusq̃ naturæ cognitionē, exactā de unoquoq̃ scientiā  
assequaris. Hoc loco rursus memoria repetēdū est, quod de  
animaliū mortaliū anima præcipuus illi scopus est, ē quibus  
nostri quoq̃, quæ scilicet rationalis dicitur, portio habetur.

Definitio animæ, & ipsius inquisitio.

CAP. I.



**I**CTIS hīce, quæ à maioribus de A-  
nima nobis tradita sunt, redeamus rursus  
oportet, atq̃ enitāmur uelut ab initio de-  
terminare quid anima sit, & quanam sit  
eius cōmunis maximè ratio. Dicimus itaq̃

genus unum quoddam eorum quæ sunt, ipsam substantiam  
esse, atq̃ huius aliud ut materiam, quod quidem per se non  
est hoc aliquid: aliud formam, & speciem qua quidem iam  
hoc aliquid dicitur: & tertium id, quod ex istis cōstat, atq̃  
componitur. Est autem materia quidem potentia, forma ue-  
rò actus, atq̃ perfectio: quæ quidem bisariam dicitur: quæ-  
dam enim est ut scientia, quædam ut contemplatio. Maxi-  
mè autem corpora uidentur esse substantiæ & ipsorum ea  
magis, quæ naturalia sunt: hæc enim ceterorum principia  
sunt. Naturalium uerò corporum, quædam habent uitam,  
quædam non habent, sed ea uacant. Vitam autem dicimus,

Hic Aristor.  
animæ defi-  
nitionem, e-  
iusq̃ declara-  
tionē ponit,

nutritionem, accretionem, atq; decretionem, quæ quidē per  
 idipsum sit, quod uiuere dicitur. Quare corpus omne natu-  
 rale particeps uitæ, substantia est & ita substantia ut com-  
 posita. Atq; cum tale etiam sit corpus, id est, habens uitam,  
 corpus perfectio non erit anima: corpus namq; non subit ra-  
 tionem eorum, quæ sunt in subiecto, sed ut subiectum potius  
 est, & materies. Necesse est igitur animam substantiā esse,  
 perinde atq; formam corporis naturalis potentia uitam ha-  
 bens: substantia uerò actus est, & perfectio: talis igitur cor-  
 poris est perfectio, atq; actus. Sed cum perfectio, atq; actus  
 bifariam dicatur, ut diximus (quidam enim est ut scientia,  
 quidam ut contemplatio) patet animam actum esse perinde  
 atq; scientiam. Nam ex eo quia anima est, & somnus est, &  
 uigilia: atq; uigilia quidem contemplationi, somnus autem  
 scientiæ operatione uacanti similis est. Altera autem alterā  
 in eodem, scientia, inquam, contemplationem generatione  
 præcedit. Quapropter anima primus est actus, perfectioq;  
 corporis naturalis potentia uitam habens: & talis plane,  
 ut partes ipsius sint instrumenta. Enimvero partes quoque  
 plantarum, instrumenta sine controuersia sunt, quamuis ui-  
 deantur penitus simplices esse: eius enim quod circa fru-  
 ctum est, tegmen est folium, & fructus etiam, illud: radices  
 præterea uicē subeunt oris: utriusq; namq; trahitur alimen-  
 tum. Si igitur commune quid de omni anima sit dicendum,  
 ipsa perfectio prima, primusq; actus est corporis naturalis,  
 cuius partes sunt instrumenta. Idcirco non querere opor-  
 tet, si unum sit anima, atq; corpus, sicut neq; ceram, & fi-  
 guram, neq; omnino materiem cuiusq; & id cuius mate-  
 ries est: nam cum unum, & esse multifariam dicatur, actus  
 est id, quod proprie unum est, atque proprie est. Vniuer-  
 saliter igitur diximus, quidnam anima sit. Est enim ea  
 substantia

substantia, quæ est ut ratio: hæc autem est, quidditas corporis talis: & perinde sanè, atq; si quod instrumentorum artis naturale corpus esset, ceu securis: eius namq; substantia ipsius esset, ut patet securis ratio: idq; esset anima, quæ separata, non esset ulterius, ut patet securis, nisi nomine tantum, at nunc est securis: non enim talis corporis substantia, ratioq; est ipsa anima: sed naturalis, ut diximus, talis, quod in se motus status uel principium insitum habet. Atq; id quod dictum est, in partibus etiam inspicere licet: nam si oculus esset animal, eius anima uisus ipse nimirum esset: hic est enim, ut patet, oculi substantia, quæ sese habet ut ratio: oculus autem est materies uisus, qui cum defecerit, non ulterius erit oculus, nisi nomine tantum, & perinde atq; lapideus, uel etiam pictus. Id igitur quod de parte dictum est, ad totum corpus uiuens accommodare oportet, est enim hic perfectio rationum similitudo: nam ut pars sese habet ad partem, sic totus sensus ad totum sensitiuum corpus, ut talis est ratio. Non est autem id potentia uiuens, quod abiicit animam, eaq; uacat, sed id quod ipsam habet. Semper uero, fructus uel, id nimirum est quod potest tale corpus euadere. Ut igitur incisio, uisioq; sic est uigilia actus: & ut uisus rursus, instrumentiq; uis, sic est anima actus: corpus autem est id, quod, ut diximus, est potentia uiuens, uerum ut pupilla, uisusq; oculus est: sic anima, & corpus est animal. Animam igitur non separabilem esse à corpore, uel partes ipsius nonnullas, si partibilis sit, non obscurum esse uidetur: corporis namq; partium patet aliquas, animæ partium actum esse: nihil tamē uetat ut aliquæ partium sint separabiles animæ, propterea quod corporis nullus sint actus. At obscurum est, necdum patet, si perinde corporis anima sit actus, ut gubernator actus est nauis. hoc igitur pacto uniuersaliter de anima determinatum, descriptum uel sit.



A notioribus esse incipiendum, & definitionem afferendam, quæ causam, quamobrem, contineat: & omnia per animam uiuere.

CAP. II.

Hic animam  
ait Aristot. ex  
suis operibus  
inuestigandā.

**A**Tenim cum ex obscuris quidem, magis autem manifestis fiat id notum, quod est dilucidum, ac notius ratione: enitendum est rursus hoc pacto de ipsa anima pertrahere. Rationem enim definitiuam non solum esse significare, ut complures dicere definitiones uidentur, sed etiam in ipsa causam inesse, ac apparere oportet. Nunc autem definitionum complures, ut conclusiones esse uidentur, ueluti quid est quadratio? constructio figure laterum equalium, angularumq; rectorum, equalis altera ex parte longiori figure, atque definitio talis, conclusionis occupat locum. At ea, quæ quadrationem, inuentionem esse medix dicit, ipsius rei profectio causam, ut patet, assignat. Dicamus igitur, hinc considerationis initio sumpto, animatum ab inanimato uita sciungi. Atq; cum multifariam uiuere dicatur, etiā si unum tantum istorum insit, uiuere illud dicimus cui inest: ut intellectus, sensus, motus loco, ac status, & insuper motio nutrimento accommodata, & accretio, decretio ue. Quapropter & uniuersæ plantæ uidentur uiuere, quippe cum uideatur in seipsis uim habere talem, atq; principium: quo, ad contraria loca tam incrementa, quam decrementa suscipiunt: non enim sursum quidem accrescunt, deorsum autem non accrescunt, sed ad utraq; similiter differentiam, & omni ex parte, semperq; nutriuntur, & eousq; uiuunt quousq; possunt alimentum accipere. Atq; hæc quidem uis à cæteris sciūgi, separariq; potest: cæteræ autem in ipsis mortalibus, ab ista nequeunt separari. Quod quidem in ipsis perspicitur plantis: nulla enim prorsus in ipsis, ut patet, alia, præter hanc, animæ potentia, atq; officium inest. Viuere igitur, ob hoc princ

principium uiuentibus competit. Animal autem est, ob sensum primò: nam & ea, quæ non ciuntur motu, nec mutant locum, sensum autem habent, non solum uiuere dicimus, sed etiam animalia nuncupare solemus. At uerò ex sensibus, tactus primò cunctis animalibus inest. Atq; ut uegetatiuum à tactu sensuq; omni, sic à cæteris tactus separari sensibus potest. Eam autem partem animæ, uegetatiuam dicimus esse, cuius et plantæ participes sunt. Animalia uerò cuncta, ipsam uim habere sentiendi tactu uidentur. Atq; quam ob causam istorum utrumq; sit, postea dicemus, ac explanabimus: nunc eousque tantum dicatur, animam, inquam, principium esse eorum quæ dicta sunt, & hæc esse definitam, uegetatiuam, sensitiuam, intellectiuam, etiam motu. Querendum autem est, utrum horum unumquodque sit anima, an animæ pars: & si pars, utrum hoc pacto ut sit separabile ratione solum, an etiam loco: atque de nonnullis quidem istorum uidere, discernereq; facile possumus: nonnulla autem dubitationem habent. Nam ut plantæ nonnullæ diuise, seiunctæq; uidentur uiuere, propterea quòd anima, quæ est in istis, actu quidem in unaquaque planta est una, potentia uerò plures: sic & circa alias uidemus animæ differentias fieri: cum inciduntur animantium ea, quæ insecta uocamus, utraque namq; partium & sensum habet, & motu loco ciuntur. Quòd si sensum habet, & imaginationem: & appetitum etiam habet, ubi namq; est sensus, ibi dolor etiam existit, atque uoluptas: at ubi sunt hæc, ibi necessario cupiditas etiam inest.

De intellectu uerò, contemplatiuaq; potentia, nondum quicquam est manifestum, sed uidetur hoc animæ genus esse diuersum, idq; solum perinde atque perpetuum ab eo, quod accidit, seiungi, separariq; potest. Cæteras autē animæ partes, separabiles, quidem non esse, ut quidam asseruerunt, ex

ijs quæ diximus patet. Ratione uerò differre, non obscu-  
 rum esse uidetur: sensitiui nanque ratio diuersa est ratione  
 principij opinandi, siquidem diuersa sunt sentire ac opina-  
 ri: & unumquodq; dictorum similiter. At uerò quibusdam  
 animantium cunctæ partes, ut patet, insunt: quibusdam non-  
 nullæ sunt: & quibus una tantum inesse uidetur, atque id  
 ipsum differentiam animantium facit. quam autem ob cau-  
 sam ita sit, postea perscrutabimur. Eadem & circa sensus  
 fieri sanè uidemus: quedam enim omnes, quedam aliquos,  
 quedam unum duntaxat habere uidentur: tactum, inquam,  
 ipsum, qui quidem est omnium maximè necessarius. Quo-  
 niam autem id, quo uiuimus, quo uè sentimus, bifariam dicitur,  
 tur, perinde atque id quo scimus, & id etiam quo sani su-  
 mus, atq; ualemus (quoddam enim scientiam, quoddam ani-  
 mam dicimus, quippe cùm utroque scire dicamus, & aliud  
 sanitatem, aliud partem corporis aliquam, uel totum dici-  
 mus corpus, atq; horum utrumque tam scientia, quàm sani-  
 tas, forma quædam, & species est, & ratio, & tanquam a-  
 ctus suscipientis, scientia quidem, scientis: sanitas autem, sa-  
 ni. Actus enim agentium, in eo quod patitur, atq; disponitur  
 inesse uidetur. anima autem id est, ut patet, quo uiuimus,  
 & quo sentimus, ac intelligimus primò ipsa profectò ratio  
 quædam erit & forma, sed non ut materies, atque subie-  
 ctum. Nam cùm substantia tripliciter dicatur, ut diximus:  
 (quædam enim est forma, quædam materies, quædam id  
 quod ex utrisque componitur: & materia quidem est, ut  
 patet, potentia, forma autem, actus) cùm igitur, ut diximus,  
 substantia dicatur trifariam, animasq; id sit, quo ex utrisq;  
 corpore, inquam, & anima constat, corpus profectò non  
 est actus animæ, sed ipsa corporis alicuius est actus. Idcirco  
 rectè admodum putant ij, quibus anima neq; esse sine cor-  
 pore,



pore, neq; corpus aliquod esse uidetur. etenim ipsa, corpus quidem non est, est autem corporis aliquid. Et inest ob hoc in corpore, atq; in corpore tali: non in quouis sine discrimine ullo, quemadmodum ueteres ad corpus ipsam accommodabant, nihil prorsus determinantes quodnam illud, & quale sit corpus. atque non recte, ut patet: quippe cum non uideatur quoduis sine ullo discrimine, quodcumq; suscipere. Hoc autem pacto cum ratione etiam fit sanè, actus enim uniuscuiusq; in eo quod est potètia, & in propria materia, suapte natura fieri, esseq; solet. Animam igitur perfectionem quandam eius, & actū, ac rationem esse, quod potentia habet ut huiusmodi sit, ex hisce quæ diximus innotescit.

De animæ potentiis, ordine ipsarū. atq; differentia definitionū, quæ per notiones cognominis, & quæ per essentiam constituuntur. Item singulas definitiones ad singulas animæ species accommodandas esse. CAP. III.

**A**nimantium autem, quibusdam omnes insunt potentiæ dictæ, quibusdam nonnullæ sunt, & quibusdam unatantum inesse uidetur. Atque potentias animæ diximus has, nutritiuum, sensitiuum, appetitiuum, loco motiuum, atq; intellectiuum. Et plantis quidem nutritiuum est duntaxat, alijs autem & id ipsum, & sensitiuum: quod si sensitiuum inest, & appetitiuum etiam inest: nam appetitus, cupiditas est, & ira atque uoluptas. Animalia uerò cuncta unum ex sensibus habet, tactum, inquam, ipsum: atq; cui sensus inest, ei uoluptas etiam, & dolor inest, & perceptio iucundi atq; molesti: quibus autem hæc insunt, ea cupiditatem etiam habent: hæc est enim appetitio eius, quod afficit uoluptate. Alimentis præterea sensum habent, tactus enim, sensus est alimenti. Nam siccis, & humidis, & calidis, atque frigidis aluntur uiuentia cuncta: horum autem, ut patet, sensus est

Hic Arist. de animæ potètiis, eiusdèq; figura: ac de ipsi cōuenientibus, determinat.

tactus: ceteris uero sensibilibus, per accidens nutriuntur: nihil enim conducit ad alimentum sonus, uel color, aut odor. Sapor autem, unum quid est, eorum, quæ tactu percipiuntur. At uero fames, sitis uel cupiditas est: sicci quidem, & calidi, fames: frigidi uero, & humidi, sitis: at sapor horum quasi quoddam est condimentum. Verum hæc declaranda posterius sunt: nunc eousque sit dictum, animantium, inquam, hisce, quæ tactum habent, & appetitum inesse. De imaginatione uero non patet, sed de hoc postea consideremus oportet. Nonnullis insuper & loco motuum etiam inest, & alijs ratiocinatum, ac intellectus, ut hominibus: & si quid sit aliud tale, uel etiam præstabilium. Perspicuum igitur est unam animæ rationem esse perinde, atque figuræ: neque enim ibi figura ulla præter triangulum est, & eas, quæ deinceps sunt collocatæ, neque hic anima ulla præter eas quas diximus. At ut in figuris una communis ratio fieri potest, quæ cunctis quidem figuris accommodabitur, nullius autem erit figuræ propria ratio, sic & in animalibus dictis fieri potest. Quapropter ridiculum est & in his, & in cæteris rebus communem querere rationem, quæ quidem nullius eorum quæ sunt, erit propria ratio, nec in propria cuiusquam accommodabitur, & indiuidua specie, rationem eam omittentes, definitionem uel, quæ cuilibet hoc pacto competere, accommodarique potest. At uero quemadmodum in figuris, sic & in anima sit: nam tam in figuris, quam in animalibus, in eo quod deinceps est collocatum, id inest potentia, quod illo est prius: in quadrato namque triangulus, & in sensitivo u egetatiuum inest, ut patet. Quapropter in singulis querendum est quenam sit cuiusque anima: ut quenam sit anima plantæ, quæ bestię, quæ denique hominis. Quam autem ob causam deinceps sic sese habent, considerare oportet.

Sensit

Sensituum namq; sine uegetatiuo non est: at à sensitiuo uegetatiuum in plantis seiungitur. Rursus sine tactu, nullus ceterorum sensuum est, at ipse tactus sine ceteris est: complura namq; sunt animalium, quæ neq; uisum, neq; auditum, neq; sensum habent odoris. Et eorum rursus, quæ sentiunt, quedam habent loco motiuium, quedam non habent: extrema autem, atq; minima, rationem habent, & mentem: quibus enim mortalium inest ratio, his sunt continuo & cetera cuncta: at quibus unumquodq; illorum inest, hisce non omnibus inest & ratio, sed quedam imaginatione uacant, quedam hac sola uiuunt. De intellectu uerò contemplatiuo, alia ratio est. Quæ cum ita sint, patet horum cuiusq; rationem, anime maxime propriam rationem esse.

Trium causarum uicem obtinet in uiuentibus anima.

CAP. IIII.

**N**ecessè est autem cum, qui de hisce consideratione facturus est, quidnam sit unumquodq; ipsorum accipere, deniq; querere, perscrutariq; de hisce quæ sequuntur, ac comitantur. Quod si dicere oporteat quid unumquodq; ipsorum sit, ut quid sit intellectiuium, uel sensituium, uel nutritiuium, antea dicendum est quidnam sit intelligere, quid sentire: nam operationes, actiones ue potentijs, uiribusq; priores sunt ratione. Quòd si ita sit, atq; prius etiam obiecta, quam ista, contemplari oporteat, primum profectò de illis propter eandem causam, ut de alimento, de sensibili, de intelligibili, determinare oportet. Quare de alimento, generatione ue, primò dicendum esse uidetur. Nutritiuus namq; anima & ceteris inest, & prima est, & maxime communis anime uis, & potentia, qua cuncta uiuentia uiuunt. Cuius sunt operationes, officia ue, generare, nutrimentoq; uti: hæc enim operatio maxime omnium operationum uiuentib

Hic Arist. animam in uiuentibus trium causarum uicem obtinere declarat.



uentibus est naturalis, uiuentibus, inquam, hisce, quæ sunt perfecta non membris capta, quæq; non sine semine oriuntur: unumquodq; inquam, aliud sibi simile procreare, animal quidem animal, plantam autem plantam, ut sint semper hoc pacto, conditionemq; subeant quoad possunt diuinam: id enim ipsum appetunt uniuerfa, gratiaq; ipsius omnia agunt, quæcunq; secundum naturam agunt. Duplex est autem id, causa cuius cætera sunt, atq; unum est quo, alterum cui. Cum igitur semper esse, conditionemq; diuinam subire continuatione nequeant animantia, quia fieri nequit ut caducorum, atq; mortalium quicquam idem, unumq; numero semper permaneat, ut unumquodq; potest, sic æternitatis, conditionisq; diuinæ particeps est: aliud quidem magis, aliud autem minus: permanetq; non ipsum, sed tale quale est ipsum, numero quidem non unum, specie autem unum. Est autem anima, corporis causa, principiumq; uiuentis. Atqui cum multifariam hæc dicantur, anima pari modo tribus determinatis modis causa est. Nam est ea causa, à qua profluit motus: est etiam ea, gratia cuius cætera fiunt: est insuper, ut forma corporum animatorum substantia ue. Atque causam ut substantiam animantium esse, non est obsecrum, causam namq; cunctis ut sint, formam ipsam, atque substantiam esse patet. At uiuere, uiuentium est esse: cuius sanè causa est, ut constat, atq; principium, anima. Præterea actus eius quod est potentia, ratio est eiusdem: at anima, uiuentis est corporis actus. Patet etiam animam esse causam, ut id gratia cuius cætera fiunt: nam ut mens, sic et natura alicuius gratia facit, quod quidem ipsius est finis: atque tale est in ipsis uiuentibus anima et secundum naturam: uniuerfa namque naturalia corpora tam animalium, quam etiam plantarum, ipsius animæ sunt instrumenta.

• Quo

Quo fit, ut ipsa sint animæ sine controuersia, gratia. Duplex est autem id, ut diximus, causa cuius cætera fiunt: atque unum est quo, alterum cui. At uerò constat animam id etiam esse, unde primum motus ad locum accommodatus emergit: uerum hæc uis, non uniuersis inest uiuentibus. Fit etiam per animam & alteratio, & accretio: sensus enim, alteratio quædam esse uidetur, sentiitq; nihil quod non habeat animam. Eadem est & de accretione, decrectione uel, ratio: nihil enim incrementa naturaliter, decrementa uel suscipit, quod non nutriatur: & nihil prorsus nutritur, quod non uitæ particeps sit. Atq; hac in parte sententia Empedoclis est post habenda, qui quidem hoc non recte dixit, ac addidit, ideo incrementa plantas suscipere, tum in radicibus infra, tum in ramis etiam supra, quia terra deorsum suapte natura, & ignis sursum identidem pergit. Primum namq; non recte accipit in plantis differentias dictas, infra, inquam, ac supra: non enim eadem sunt omnium rerum, & uniuersi supra & infra: sed quam habet rationem in animalibus caput, eam subeunt in plantis radices, si instrumenta diuersa, uel eadem, operationibus, officiis uel dicere, asserereq; oportet. Deinde quid est quod continet terram, ignem uel, quæ quidem in contraria loca feruntur? distrahentur enim profecto, nisi aliquid sit, quod ipsa prohibeat, atque detineat. Quod si sit aliquid, id est profecto anima ipsa: quo fit ut ipsa sit augendi causa, nutriendi uel, non elementa, quemadmodum ille putabat. Sunt autem quibus ipsius ignis natura, causa simpliciter nutritionis, & accretionis esse uidetur: ipse nanque solus omnium corporum, aut elementorum, nutriri, ac augeri uidetur. Quæ propter & in plantis, & in animalibus putabit quispiam ignem id ipsum esse quod operatur, uerum non ita est. Sed

cum comitetur causam, est ob id ipsum quodammodo, non simpliciter causa, sed talis est potius anima. Nam ignis quidem accretio in infinitum progreditur, & eousque fit, quousque sit cōbustile: at eorum omnium quę natura constant, est finis & ratio tam magnitudinis, quā accretionis.

Hęc autem animę sunt, non ignis, & rationis potius quā materię. Cum autem eadem uis animę sit, & nutriendi, & generandi, primum de alimento determinare necesse est: hęc enim à cæteris potentijs hoc opere, atq; munere seiungitur. Videtur itaq; contrarium esse contrario nutrimentum: at non cuilibet quoduis, sed id ei quorum alterum ex altero non solum mutuo generatur, sed incrementa etiam suscipit: complura nanque contrariorum sunt quidem ex sese mutuo, sed non à suis omnia contrarijs incrementa suscipiunt, ut ex agrotante sit sanum. At uerò nec ira modo eodem sibi mutuo nutrimentum esse uidetur, sed aqua quidem alimentum est igni, ignis autem non nutrit aquam: At in simplicibus corporibus horum alterum alimenti, alterum eius quod nutritur maxime subire rationem uidetur. Verum enim is locus, dubitationem habere uidetur. Sunt enim qui dicunt, simile simili nutriri, quemadmodum & accrescere. Quibusdam autem (uti diximus) non hęc sententia, sed contraria placet, censentq; non simile simili, sed contrario contrarium aliter enim fieri nequit, ut iniquiunt, ut à simili simile patiatur: alimentum autem mutatur, atque digeritur: mutationemq; rerum omnium in oppositum, uel in medium esse, constat. Præterea nutrimentum quidem aliquid patitur ab eo quod alitur: hoc autem ab alimento non patitur quicquam, quemadmodum nec à materia faber, sed materies, ut patet, à fabro, qui quidem ex otio mutatur tantum ad operandum.

Aten



At enim interest planè, si nutrimentum sit id, quod ultimò tandem adiungitur, atque additur, an non hoc, sed id quod primum ingreditur. Quòd si utrunque quidem est alimentum, alterũ tamen est digestum, alterum indigestum, utroq; profectò modo, & contrario contrarium, & simile simili dicere licet nutriri. Nam si ut indigestum sumatur, contrarium contrario alitur: sin ut digestum, simile simili nimirum hoc pacto nutritur. Quare patet illos utroq; partim rectè, partim non rectè dicere, atque sentire. Cum autem nihil nutriatur, qui habeat uitam, animatum id erit profectò corpus, quod alitur, ea sanè ratione, qua est animatum. Quare nutrimentum ad animatum per se refertur, & non per accidens. Atqui diuersa est alimenti ratio, ut nutrit, & auget. Nam ut ipsum alimentum quantum est quoddam, auget, ut est hoc aliquid, & substantia, nutrit: conseruat enim substantiam, & est eousque profectò quousq; nutritur. Efficit præterea generationem, ac ortum, non eius quod alitur, sed talis quale est id, quod nutritur: iam enim est ipsa substantia, & nihil seipsum generat, sed conseruat. Quare tale quidem animæ principium, ut est talis, ut id cõseruet, quod ipsam habet, ea nimirum ratione, qua ipsam habet. Alimentum autem ad operandum præparare uidetur. Quapropter alimento priuatum, esse non potest. At uerò cum hoc in officio tria sint hæc, necessarioq; concurrant, id, inquam, quod nutritur, & quo nutritur, & quod nutrit: id quidem quod nutrit, est ipsa anima prima, id autem quod nutritur corpus est, quod ipsam animam habet, at id quo nutritur, ipsum est alimentum. Atq; cum sit par uniuerfas à fine res appellare, sinkq; huius animæ sit generatio talis, quale est id, quod ipsam habet: erit anima prima profectò principium generandi tale, quale est id quod  
hanc

hanc ipsam animam habet. Id autem quo nutrit anima duplex est, quemadmodum & id quo gubernator gubernat, manus, inquam, & clauus: atque aliud mouet, atque mouetur, aliud mouet tantum. Neesse est autem omne nutrimentum nature sit talis, quæ digeri possit: at digestionem efficit calor. Quapropter omne animans habet calorem. Quid igitur sit alimentum ipsum, uniuersaliter diximus, postea uerò de ipsis exactius perscrutabimur.

De vi sentiendi generatim: Sensum esse passionem quandam: item simile pati, tum à simili, tum à dissimili. Item actionem & passionem genera esse comparisonem motus, & alia quædam. CAP. V.

Hic Arist. de sensibus modisq; potètia determinat.

**D**eterminatis autem his, præmum de omni sensu communiter, deinde de unoquoque dicamus. Fit itaq; sensus, cum mouetur, atque patitur aliquid, uti diximus: nam ipse sensus, alteratio quædam esse uidetur. Inquiunt autem quidam & à simili simile pati, quod quidem quonam pacto fieri potest, aut non potest, in uniuersalibus de actione, & passionibus, passionem uel diximus. Habet autem is locus dubitationem, ambigetiq; nō iniuria quispiam, cur & sensuum ipsorum sensus non sit: & cur sine his quæ sunt extra, non efficiunt sensum, cum insit, & ignis & terra, ceteraq; elementa quorum est per se sensus, uel per ea quæ ipsis accidunt. At enim patet sensitiuum non esse actum, sed potentia tantum. Quapropter non sentit: quemadmodum combustibile non uritur ipsum per se, sine eo quod ipsum urere potest: ureret enim seipsum, & non indigeret eius, qui actus est ignis. At uero quoniam sentire bipariam dicere consueuimus (nam & id quod potentia uidet, & audit, uidere, audireq; dicimus, & si forte dormiat, & id identidem quod iam operatur) dupliciter & ipse sensus projectio dicitur,

dicetur, quidam ut potentia, quidam ut actu. Similiter et ipsum sentire, et quod est potentia, et quod est actu. Primum igitur id scire oportet, nos, inquam, quasi sint eadem pati, moueri, ac operari, ita nunc his uti ac dicere: motus enim est quidam actus, imperfectus tamen, ut in alijs diximus. Ea uero cuncta, quae patiuntur, atque mouentur, ab actiuo, et eo quod est actu patiuntur, atque mouentur. Idcirco fit, ut tum à simili sibi, tum à dissimili res omnis patiantur, ut diximus: patitur enim ea, quae est dissimilis: at cum est passa, tum similis est, ut patet. Deinde distinguendum est de potentia, atque actu: nunc enim de his ipsis simpliciter dicimus. Nam est hoc pacto quippiam sciens, ut si dicamus hominem esse scientem, quia homo est talis suapte natura ut sit sciens, atque scientiam habeat. Est etiam hoc pacto quippiam sciens, ut hominem eum iam dicimus esse scientem, qui Geometriam atque Grammaticam habet. Atque horum uterque non eodem modo potest, potentiaque subiicitur: sed alter quidem ex eo quia genus ipsum est tale, materies uero: alter uero propterea quod cum uoluerit contemplari, potest id ipsum facere, nisi quid externum forte prohibeat, impedimentoque fiat. At praeter ipsos est is, qui iam contemplatur, et est actu, proprieque sciens hoc A. Ambo igitur illi primi potentia quidem sunt scientes, ut diximus: uerum unus indiget alteratione per disciplinam, qua quidem nonnunquam etiam ex habitu contrario dispositioneque mutatur: alter habet quidem sensum, aut Grammaticam, sed indiget operationis, ut ex otio tandem, operationisque uacuitate agat, ac operetur: atque hic modus potentiae, diuersus est, ut patet, ab antea dicto. At uero neque ipsum pati simplex esse uidetur, sed aliud est à contrario corruptio quaedam: aliud est salus potius eius, quod est potentia, ab eo quod est



est actu, simileq; perinde atq; potentia sese habet ad actum. Fit enim contemplans quod scientiam habet: quod quidem aut non est alterari (in ipsum enim fit incrementum, & in actum, perfectionem ue) aut aliud alterationis est genus. Quocirca non recte se habet, dicere ipsum sciens, cum scit, alterari: sicut nec adificatorem cum adificat. Quod igitur in actum ducit ex eo quod est intelligens potentia, atq; sciens, id non doctrinam appellare oportet: sed aliud nomen est equum habere. At quod ex eo quod est potentia, discit, accipitq; scientiam ab eo quod est actu sciens, atq; ab ipso docente, id aut non est dicendum pati, ac alterari, aut duos alterationis esse modos fateamur oportet, eam, inquam, mutationem, quæ ad priuatiuas est dispositiones, & eam quæ est ad habitus, atque naturam. Hæc cum ita sint, prima quidem mutatio sensitiui, ab eo quod generat, fit: cum autem ortum, ac generatum est, habet iam sensum perinde atque scientiam: & sentire actu, simile est ac contemplari. Differentia tamen est: nam ea quæ actu sensum efficiunt, extra sunt, ipsum, inquam, uisibile, & audibile, & sensibile cætera. Cuius causa hæc est, actu nanque sensus singularium est: scientia uerò, uniuersalium est. hæc autem in ipsa anima quodammodo sunt. Quapropter intelligere quidem cum quispiam uoluerit, in ipso est situm: sentire autem, non collocatur in ipso: necesse est enim sensibile ipsum adesse. Pari modo res sese habet & in scientijs sensibilem, & ob eandem utique causam: quia sensibilia, singularia sunt, & extra, sicuti diximus. Sed ut de his exactius, dilucidius ue dicamus, dabitur nobis rursus occasio.

Nunc id sit à nobis determinatum, cum simplex, inquam, non sit id quod dicitur esse potentia, sed aliud quidem sit, ut puer quem militare posse dicere licet, aliud autem ut is,

qui

qui iam etate, militariq; arte aptus euasit ad militandā: sensitiuum similiter se habere. Atq; cum ipsorum differentia nomine careat, determinatum autem sit ipsa esse diuersa, & quo pacto diuersa sunt, necesse est ipso pati, ac alterari tanquam proprijs nominibus uti. Ipsum autem sensitiuum potentia tale est, quale iam ipsum sensibile est actu, sicuti diximus. Patitur igitur cum est non simile: at passum euasit simile, & est tale, quale est illud.

Aliqua esse sensibilia communia, aliqua propria, aliqua per se, aliqua per accidens.

CAP. VI.

**A**Tenim de unoquoq; sensu deinceps à sensibilibus cuiusq; proficiscentes dicamus oportet: atq; prius ipsa sensibilia distinguenda esse uidentur. Sensibile itaque triariam dicitur: sensibile enim quædam per se, quædam per accidens sentiuntur. Et illorū rursus alia sunt uniuscuiusq; propria sensus, alia communia cunctis. Atq; proprium id sensibile dico, quod alio sensu sentiri non potest, & circa quod error fieri nequit, ut color respectu uisus, & sonus auditus, & sapor gustus. Tactus autem plures differentias habet quidem, iudicat tamen de illis ut cæterorum sensuum quisque de suo sensibili, & non decipitur. Visus enim non errat esse colorem, aut auditus esse sonum, sed quid sit id quod est infectum colore, uel ubi, aut quid sit id quod sonat, aut ubi. Huiusmodi enim sensibilia dicuntur uniuscuiusq; propria sensus. Cōmunia uero sunt hæc, motus, quies, numerus, figura, & magnitudo: talia nāq; nullius sunt propria sensus, sed omnibus cōmunia sunt: etenim tactu motus quidam sensibilis est, atq; uisu. Per se igitur sensibilia hæc sunt. Per accidens autem sensibile dicitur, ut si albū Diarthe filius sit: per accidens enim hoc sentit, quia albo, quod sentit, id accidit. Quapropter & nihil ipse sensus ab huiusce-

Hic Arist. de sensibilibus per se, & per accidens determinat.

modi sensibilibus patitur, ut talia sunt. Eorum autem, quæ per se sentiuntur, illa sunt propriè sensibilia, quæ propria sunt, & ad quæ substantia uniuscuiusq; sensus est apta.

De Visu, & de incidentibus subiectisq; uisui, & de Perspicuitate.

CAP. VII.

Hic Aristot.  
de colore &  
perspicuo de  
terminat.

**C**uius igitur uisus est perceptiuus, id est uisibile: uisibile uerò est color. & id, quod oratione quidem explicare, ac dicere licet, nomine autem caret, atq; id ipsum maximè patebit, cum ulterius procedemus. Visibile igitur est color: hic autem id est, quod est in eo, quod per se uisibile est: per se uerò, non ratione, sed quia in se causam habet ut sit uisibile. Color autem omnis, motiuus est eius, quod est perspicuum actu: & id est ipsius natura. Quapropter non est uisibile absque luce, sed omnis uniuscuiusque color in lumine sanè uidetur. Quamobrem quidnam sit ipsum lumen, prius dicere, declarareq; oportet. Est igitur aliquid perspicuum. Perspicuum autem id dico, quod est quidem uisibile, non est autem, ut simpliciter dicam, per se, sed per alienum colorem uisibile. Atq; res talis est aer, & aqua, & solidorum complura: ut uirum, & glacies, & huiusmodi corpora: non enim aqua, uel aer, ut est aqua, uel aer, perspicuum est: sed quia natura eadem inest in his utrisq; & in perpetuo supero corpore. Lumen autem, actus est huiusce perspicui, ea nimirum ratione, qua perspicuum est. Ad id est potentia, in quo nunc id ipsum inest, nunc tenebræ. Atque lumen quasi perspicui color est, cum est perspicuum actu ab igne, uel ab huiusmodi corpore, quale est ipsum superum corpus: nam huic inest aliquid unum & idem. Quid igitur est perspicuum, diximus, & quid etiam lumen: nam neq; ignis est, neq; omnino corpus, neq; corporis est ullius de fluxus (esset enim quoddam, hoc quoq; pacto, profecto



perfectò corpus) sed est ignis, uel huiusmodi cuiusdam in  
perspicuo presentia corporis: fieri namq; non potest, ut in  
eodem sint duo corpora simul. Videtur autem tenebris  
contrarium esse lumen. At tenebræ priuatio sunt talis ha-  
bitus, atque ignis, uel corporis talis absentia à perspicuo.  
Quare patet huiusce presentiam, esse lumen. Atq; non re-  
cte dixit Empedocles, & si quis itidem censuit, lumen fer-  
ri, atque extendi tandem inter terram & continens, nosq;  
id ipsum latere. Hoc enim & rationis metas egreditur, &  
est præter ea nimirum quæ apparent: in paruo namq; spa-  
tio motus fortasse lateret, sed ab ortu solis ad occasum tan-  
ti corporis motu latere, magna nimium perfectò est postu-  
latio. Atqui coloris quidem, id est, susceptiuum, quod colo-  
re uacat. Soni autem, id quod sono. Vacat autē colore per-  
spicuum ipsum, & inuisibile, uel id quod uix tandē uidetur:  
quale id esse uidetur, quod tenebris est affectum: atque tale  
est ipsum, ut patet, perspicuum: attamen non cum est perspi-  
cium actu, sed cum potentia: eadem enim natura, modò est  
tenebræ, modò lumen. At uerò non uniuersa uisibilia in lu-  
mine sunt uisibilia, sed solam uniuscuiusq; proprius color:  
nonnulla namq; in lumine quidem non uidentur, in tenebris  
autem efficiunt sensum: ut ea quæ apparēt ignea, atq; splen-  
dent, hæc autem nomine carent uno, ut fungus, cornu, pisciū  
capita, squamæ, oculi: sed nullius horum proprius color ui-  
detur. Atq; quam ob causam hæc uisibilia sunt, alia ratio  
est. Nunc tantum patet, id, inquam, quod in lumine uidetur,  
esse colorem. Quocirca, sine lumine non uidetur. Hæc est  
enim sanè coloris ratio, esse, inquam, eius motiuū, quod est  
perspicuum actu: actus autem perspicui, lumen est, uti di-  
ximus. Id ita esse, ex eo tanquā ē manifestò signo, patere po-  
test: nam si quispiam id quod habet colorem super ipsum  
uisum

uisum posuerit, non sanè uidebit. sed color quidem mouet  
perspicuum, ut aërem: ab hoc autem cum sit continuus, sen-  
sus instrumentum mouetur. Non enim hoc loco rectè sen-  
tire uidetur Democritus, qui quidem putat, si medium spa-  
tium uacuum fiat, formicam etiam si sit in cælo, exactè, perse-  
ctèq; uideri: etenim id ipsum fieri non potest: uisio nanque  
fit patiente aliquid sensitiuo, at ut patiat, ab ipso colore,  
qui uidetur, fieri nequit: restat igitur ut à medio. Quare  
necesse est aliquod esse medium inter colorem ipsum, &  
uisum. Quod si id uacuum fiat, non modò non exactè, sed  
neque quicquam omnino uidebitur. Quam igitur ob cau-  
sam necesse est in lumine colorem uideri, diximus. At igitur  
in utrisq; planè uidetur, in tenebris, inquam, atq; lumine: id  
autem necessariò accidit, ipsum enim perspicuum, ab hoc  
perspicuum sit. Eadem autem est & de sono, & de odore  
etiam ratio: nihil enim ipsorum sensus instrumentum tan-  
gens, efficit sensum: sed ab odore quidem, & sono, moue-  
tur medium: ab hoc autem utrunq; sensuum instrumentum.  
Quod si quispiam super ipsum instrumentum sensus uel id  
quod sonat, uel id quod olet, posuerit, nullus profectò sen-  
sus efficietur. Simili modo res sese habet in tactu, & etiam  
gustu, sed non apparet: quam autem ob causam, postea dice-  
tur, ac patebit. Atq; medium quidem in sonis, est aër: in odo-  
ribus autem, nomine uacat. Nam ut perspicuum in colore  
communis est quidam affectus in aëre, atque aqua, sic alius  
quidam in odoribus est affectus, qui quidem inest in his u-  
trisque, in aëre, inquam, & aqua. Videntur enim & anima-  
lium ea quæ uersantur in aquis, sensum odoris habere: ue-  
rùm homo, ceteraq; animantia, quæ degunt in terra, atque  
respirant, nequeunt sine respiratione olfacere. Et causa  
etiam huiusce posterius explicabitur.

De Auditu, &amp; subiecto Soni.

CAP. VIII.

**N**Vnc autem post hæc de sono, & auditu determinamus oportet. Est itaq; sonus duplex: quidam enim est actu, quidam potentia, sonus. Nam corporum quedam non habere dicimus sonum, ut spongiam, lanam, & huiuscemodi: quedam habere, ut æs, & quæcunq; solida, leuiq; sunt: quia possunt sonare, id est, inter se & auditum sonum efficere. Fit autem actu sonus, alicuius semper ad aliquid, & in aliquo: ictus est enim, qui sonum efficit ipsum. Quapropter fieri non potest, ut si unum sit corpus, sonus efficiatur: quippe cum aliud sit id quod uerberat, aliud quod uerberatur: quare id quod sonat, ad aliquid sonat. Sine autem latione nunquam efficitur ictus. Atque, uti diximus, non quorumuis ictus corporum sine ullo discrimine sonus est: nullum enim efficit sonum, si percussa fuerit lana: sed æs, & quæcunque sunt lenia, concavaq;: æs quidem, quia corpus est leue: concava uerò, quia per reflexionem, complures post primum efficiunt ictus: quippe cum non possit aer motus, ac agitatus exire. Præterea auditur quidem sonus & in aëre, & in aqua. At uerò nec aer est autor soni, nec aqua: sed opus est ut inter sese solidorum corporum atq; ad aërem ictus fiat: quod quidem tum fit, cum aer percussus permanet, neq; diffunditur. Quapropter si citò uehementerq; percutiatur, sonat: opus est enim ut percutientis motus, diffusionem præueniat aeris, perinde atque si cumulum, aut aceruum arenæ cum feriur, uelociter quispiam uerberet. Fit autem echo, sonitus, inquam, qui post sonum resultat, cum aer factus unus ob uas, uel locum, qui terminauit ipsum atq; dissolui prohibuit, inde resilit ueluti pila, repulsus. Videtur autem talis sonitus fieri semper, sed non semper clarus efficitur: nam & in sono perinde atque

Hic Arist. de duplici sono, deq; auditu determinat.



in lumine fit. Lumen enim semper refrangitur, alioquin non fieret lumen ubique, sed essent extra locum eum tenebrae, quod radij solis perueniunt. Verum non ita semper refrangitur, ut umbram efficiat, qua terminare lumen solemus: quod quidem tum fit, cum ab aqua, uel aere, ceterisque leuibus, ut patet, reflectitur. Recte autem à ueteribus audiendi uacuo tribuitur autoritas: nam aer, uacuum esse uidetur, is autem est, qui audire facit, cum continuus, unusque fuerit agitat. Verum quia fragilis est, non personat, nisi id, quod est percussum, sit leue: tum enim unus ipse simul ob planitiem ipsam euadit: leuis namque corporis planum, est unum. Id igitur sonum efficit, quod mouet usque ad auditum continuatione aerem unum. Inest autem auditui quidam insitus aer, atque cum auditus in aere sit, cum externus aer mouetur, et internus mouetur, ac agitur. Quapropter animal non omni audit ex parte, neque quous aer pertransit, et penetrat: quippe cum animatum non habeat aerem ubique, quo possit quous sua parte moueri. Ipse igitur aer uacat ex se sono, quia facile dispergitur, ac dissoluitur: uerum cum prohibeatur dissolui, tum motio ipsius est sonus. At is aer, qui in auribus est collocatus, intus est conditus, ut sit immobilis: atque hoc, ut exacte sentiat differentias omnes motus. Et propter hoc in aqua etiam audimus: quia non ingreditur in ipsum insitum aerem nec in aurem ob obliquitates ipsius, aqua. Quod si acciderit, non audimus: nec ite, si egrotauerit ipsa membrana, quemadmodum etiam non uidemus, cum ea pellis egrotat, quae pupillam complectitur. Atenim signum id est audiendi, uel non audiendi: nam auris semper sonat perinde ac cornu: semper enim aer insitus, motu suo quodam in auribus agitur: uerum ipse sonus alienus est, et non proprius. Et propterea ueteres uacuo nos inquirunt audire ac personante:

nante: quia audimus eo quòd determinatum aërem habet. Sed utrum horū duorum sonet, utrum id quod uerberatur, an id quod uerberat? At cōstat utrunq; sonare, modo autem diuerso. Sonus enim motio est eius, quod eo motu moueri potest quo mouentur ea, quæ resiliūt à corporibus leuibus cūm quispiā percutit. Nec omne quoduis tam uerberatum, quā uerberans, sonum efficit, ut diximus: non enim, ut patet, sonus efficitur, si acus feriat acum: sed opus est ut id quod uerberatur, sit planum, quo simul aër inde resiliat, totus uē concutiatur. Atque differentie sonorum, actū soni manifeste fieri solent: nam ut absq; lumine non uidentur colores, sic neq; acutum, graueq; sine sono discernitur. Hæc autem à tangibilibus translatione dicuntur: acutum nanque multum in breui tempore sensum mouet: graue uerò, longo in tempore parum. Non igitur idem est acutum, & uelox, neq; graue, tardumq; sed sit alterius quidem motus propter uelocitatem talis, alterius autem talis ob tarditatē. Et similia esse uidentur acuto, atq; obtuso, quæ sunt in tactu (nam acutum quidem, quasi pungit: obtusum autem, quasi pellit) quia illud in pauco, hoc in multo tempore mouet. Quare fit, ut illud sit uelox, hoc tardū. Atq; de sono quidē determinatum sit hætenus. Vox autem sonus quidam est animantis: nihil enim inanimatorum uocem habet, sed similitudine quadam dicuntur uocem emittere: ut tibia, lyra, cæteraq; inanimata, quæcunq; extentionem, concentum, & locutionem habent: horum enim soni similes esse uoci uidentur, quia uox & hæc eadem habet. Atqui complura sunt animalium, quæ nō eliciunt uocē, ut ea quæ sanguinis expertia sunt: & eorum quæ sanguinem habent, pisces: atque id non absque ratione: siquidem sonus motio quædā aëris est. Sed qui uocem dicuntur emittere, ut Acheloi fluuij pisces, ij branchijs sanē so-

nitant, uel aliqua simili parte. Vox autem & sonus est animalis, & non quauis efficitur sine discrimine parte. Sed cum aliquo percutiente aliquid, & in aliquo, quod quidem est aer, sonus effici soleat, iure profecto uocem animalium ea solum habebunt, quae suscipiunt aerem. Iam enim ipsa natura ut ad gustum, & locutionem utitur lingua, quorum gustus quidem necessarium est (quapropter pluribus inest) interpretatio uero est gratia boni, sic & aer, qui respiratione trahitur, ad duas utitur operationes, ad internum, inquam, disponendum calorem, quod quidem est necessarium, & causam in alijs explicabimus, & ad uocem etiam consociendam ob bonum. Instrumentum autem respirandi fauces sunt: pulmoque id est, gratia cuius est ista pars: nam ea quae gradiuntur, hac in parte plus habent caloris, quam cetera. Is praeterea locus, qui circa cor est, primus, respiratione nimirum eget. Idcirco necessarium est aerem ingredi respiratione attractum. Quare uox est ictus aeris respiratione attracti, qui quidem ab anima fit ea, quae his in partibus collocatur, ad eam partem, quae gurgulio appellatur. Non enim omnis quiuus animalis sonus, uox est: uti diximus (fit enim ut & lingua sonus efficiatur, & etiam ut tussientes efficiunt) sed oportet & animatum fit id quod uerberat, & aliqua cum imaginatione. Vox enim sonus quidam est significatiuus, & non aeris eius qui respiratione trahitur, uti tussis, sed hoc ferit aerem eum, qui est gurgulione ad ipsum. Signum autem est, non posse quenquam edere uocem spirantem, aut respirantem, sed aerem retinentem: detinens enim aerem, hoc ipso nimirum mouet. Patet autem & quam ob causam pisces uocem non fundunt: fauces enim non habent, at hanc partem non habent, quia non suscipiunt aerem, neque respirant. Sed qui ita dicunt, uehementer



ter aberrant: quam autem ob causam, alius sermo est.

De Olfactu, quem homo habet hebetissimum, deq;  
Odoribus, quod propria nomina non habent, sed  
à saporibus transferuntur.

CAP. IX.

**D**E odore uerò, & odorabili non eque bene atq; de  
hisce, quæ dicta sunt, discernere determinareq; possu-  
mus: non enim sic patet quale quid sit odor, ut sonus, uel lu-  
men, uel color. Cuius causa est, nos non habere hūc sensum  
exactum, sed inferiorem complurium animalium sensu re-  
misē: namque homo olfacit, & nihil odorabilem percipit  
absq; dolore, uel uoluptate, propterea quod sensus instru-  
mentum huiusce non est exactum, atq; perfectum. Atq; cō-  
sentaneum est rationi tam animalium ea, quæ duos oculos  
habent, sic sentire colores, ut non eorum percipiant diffe-  
rentias nisi terrore, contrariōq; ipsius, quā hominum ge-  
nus odores. Similem autem rationem subire uidentur, odo-  
ratus ad gustum, & odoris species ad species ipsas saporū.  
Verū exactiorem gustum habemus, quā odoratum: ex  
eo quia gustus tactus est quidam, quem quidem sensum ho-  
mo exactissimum habet. In ceteris nanq; sensibus, uehemen-  
ter à ceteris animalibus superatur: at tactu longè ceteris  
omnibus excellentius percipit. Quapropter & prudentis-  
simum est animalium. Indicium autem est, in hominum ge-  
nere ob hoc instrumentum sensus, ingeniosos esse hebe-  
tes'ue, & non ob aliud quicquam. Qui nanque sunt duri  
carne, ij sunt inepti mente: qui uerò sunt molles carne, ij  
sunt ingeniosi, menteq; dextri. Ut autem saporum alius  
dulcis, alius est amarus: sic & odorum quosdam dulces,  
quosdam appellamus amaros. Verū quedam odorem ha-  
bem, saporemq; simul: rationis, dulcem, inquam, saporem,  
dulcemq; odorem: quædam contrā. Similiter & acer est,

Hic Aristot.  
de odore, &  
odorabili de  
terminat.

&

& acerbus odor, & acutus, & pinguis: nam quia odores  
 non sunt, uti diximus, manifesti perinde atq; sapores, ideo  
 nomina odorum deducta sunt à saporibus per similitudinē  
 rerum: alius enim est dulcis, ut croci, mellisq; alius acer, ut  
 thyni, ac huiusmodi rerum: idem & in cæteris modus  
 seruatur. Atqui sicut auditus est audibilis, atq; inaudibilis:  
 & uisus uisibilis, atque inuisibilis, & quisque similiter sen-  
 suum, sic & odoratus est odorabilis, atque inodorabilis. In-  
 odorabile autem multipliciter dicitur: nam & id quod o-  
 mnino caret odore, neque unquam odorem habere potest,  
 & id quod exiguum habet, & id etiam quod malum, te-  
 trumq; habet odorem, hoc appellari nomine solet. Simili-  
 ter & ipsum ingustabile dicitur. Fit autem olfactus etiam  
 per medium, ut aërem, aut aquam: etenim animalium ea,  
 quæ in aquis degunt, uidentur odorem sentire, tam habentia,  
 quam non habentia sanguinem, sicut & ea quæ uersan-  
 tur in aëre: horum namque nonnulla odorem alimenti per-  
 ciipiunt eminus, perguntq; ad ipsum. Quocirca dubitatio-  
 nem is locus habere uidetur, si cuncta quidem similiter ol-  
 faciunt, homo uerò respirans, non respirans autem, sed spi-  
 rans, aut detinens spiritum non olfacit, neq; eminus, neque  
 cominus, neque si in ipsis naribus intus rem olentem posue-  
 rimus. Atque sensum quidem non fieri, si in instrumentum  
 sensus res ipsa sensu percipiēda ponatur, commune omni-  
 bus est: sed non sentire sine respiratione, proprium homi-  
 num esse uidetur, quod quidē experiētia latē patet. Quare  
 ea quæ sanguinis expertia sunt, cum non respirent, sensum  
 quendam præter eos sensus qui dicuntur, altum habent. At  
 id esse non potest: quippe cum odorem percipiant: sensus  
 enim rei tam malē, quam bene olentis, olfactus sine contro-  
 uersa est. Præterea à uehementibus & ipsa corrumpi ui-  
 dentur.

dentur odoribus, à quibus & homo corrumpitur, ut bituminis, sulphuris, & similia. Necesse est igitur ipsa olfacere, non respirantia tamen. Atque huius instrumentum sensus in homine perinde uidetur ab instrumento differre talium animantium, atque oculi differunt ab eorum oculis animalium, quæ duros oculos habent. Nam animalium ea, quæ molles oculos habent, palpebras ipsas uti sepem, & tegmē habent, quas nisi mouerint, ac aperuerint, non uident, ut late patet: at ea quæ durorum sunt oculorum, nihil habent profecto tale, sed illico res eas uidet, quæ in perspicuo sunt. Sic igitur & instrumentum olfactus in hisce quidem quæ non respirant, uelamine caret, perinde atque oculus durus, ut diximus: in his autem quæ suscipiunt aërem, habent uelamē, quod cum respirant, aperitur, uenis, meatibusue distentis. Et idcirco quæ respirant, non olfaciunt in aqua: necesse est enim olfaciant respirando: at id in aqua facere nequeunt. Est autem odor sicci, sicut humidi sapor: ipsum uero instrumentum olfactus est potentia tale.

De Gustu, & Sapore.

CAP. X.

**G**ustabile autem est quoddam tangibile. Atque hæc est causa, ut ipsum non sit sensibile per medium corpus externum: neque enim tactus tali medio percipit: enim uero corpus etiam id, in quo tanquam in materia est ipse sapor, qui gustu percipitur, humidum est, quod est tangibile quoddam. Quapropter si etiam essemus in aqua, dulce sane sentiremus in ipsa positum, & non sensus illius nobis per aquam, tanquam per medium esset: sed quia permixtum illud esset cum humido, quemadmodum in potione fieri solet. Color autem non hoc uidetur, quod miscetur, neque defluxibus. Non igitur ut est ibi, sic & hic esse de medio dicere possumus: nullū enim externū est medium ut diximus, ut autē uisibile

Hic Arist. de gustabili & gustandi sensu determinat.



sibile est color, sic est gustabile sapor. Atqui nihil absq; hu-  
 miditate saporis efficit sensum, sed omne quod ipsius efficit  
 sensum, humiditatem aut actu, aut potentia nimirum habet  
 ut salsum: nam & ipsum liquefcere potest facile, & lin-  
 guam, ut patet, cum liquefcit humidiores efficere potest.  
 At uerò sicuti uisus est uisibilis, & inuisibilis (& tenebre  
 nanque sunt inuisibiles, quas etiam uisus discernit) & eius  
 quod ualde splendidum est (& hoc enim inuisibile dicitur,  
 quapropter, non eodem, sed alio modo quàm tenebre) sic  
 cut igitur uisus uisibilis, & inuisibilis est, & auditus simi-  
 liter soni, silentijq; quorum alterum audibile, alterum in-  
 audibile est, & etiam soni magni perinde atq; splendidi ui-  
 sus (nam ut paruus sonus, modo quodam inaudibilis est, sic  
 etiam & magnus, ac uiolētus. Inuisibile uerò multifariam  
 dici solet: quoddam perinde dicitur, atq; in ceteris etiā id,  
 quod impossibile est: quoddam hoc pacto, ut aptum quidem  
 sit id habere quo uideri possit, illo autē careat, aut habeat  
 remissē, uel prauē, ut informe dicitur, aut indoctum) sicut  
 igitur uisus, inquam, uisibilis, & inuisibilis est, & auditus  
 similiter, sic & gustus gustabilis, & ingustabilis est, quod  
 quidem aut exiguum habet, aut prauum, aut uastantem gu-  
 stum saporem. Videtur autem potabile, & impotabile esse  
 principium, utrūq; enim gustu percipitur: uerū alterum  
 est prauum, gustumq; deuasat: alterum est amicum natu-  
 ra. Est autem potabile, gustui cum tactu commune. At uerò  
 cum gustabile sit humidum, necesse est & instrumentum  
 sensus ipsius neq; humidum esse actu, neq; etiam tale ut hu-  
 mectari non possit, humidumq; euadere: patitur enim ali-  
 quid gustus ab ipso gustabili, ea nimirum ratione, qua gu-  
 stable est. Necesse est igitur instrumentum gustus, potentia  
 quidē humidū esse, humectari autē actu: ita autē humectari,  
 ut eius

ut eius conseruetur: cum humectatur & ratio. Signum autem est linguam neque cum est ualde sicca, neque cum est nimium humida, sentire. Is enim tactus fit humidi primi perinde atq; si cum prægustauerit quispiam uehementem, acrem uel saporem, deinde aliū gustet, et ut in egrotantibus fit, quibus cuncta uidentur amara, qui lingua sentiunt tali humiditate referta. Species autem saporum ita sese habent, quemadmodum colorum. Dulce nanq; et amarū, contraria simplicia sunt: haeret autē dulci quidē, pingue: amaro autem falsum. At inter hęc collocantur, acre, acerbū, acidum, atq; acutum: hęc nanque fere differentie uidentur esse saporum. Quare gustus quidē instrumentum id est quod est potentia tale, Gustabile autem, id quod ipsum actu facere potest.

De tactu.

CAP. XI.

**D**E tangibili autem, & tactu, eadem ratio est. Nam si tactus non unus sit sensus, sed plures, necesse est & ea, quę tactu percipiuntur, plura sensibilia esse. Dubitationem autem iste locus habere uidetur, utrum plures sint tactus, an unus tantum: & de instrumento tactus quid tandem sit, utrum ipsa caro, & id quod in ceteris simile est carni, an ita non sit: sed id quidem ipsum sit sensus huiusce medium: instrumentum autem ipsius primum aliud quoddam sit institus. Omnis enim sensus, unius contrarietatis esse uidetur: ut uisus, albi, nigriq; et auditus, acuti, grauiq;: & gustus, dulcis, atq; amari. At in tangibili plures insunt contrarietates, ut patet: est enim calidum, frigidum, humidum, siccum, molle, durum, & istiusmodi alia. Sed esse uidetur ad hanc dubitationem quędam solutio. Nam in ceteris etiam sensibus plures sunt contrarietates: in uoce nanque non solum est acumen & grauitas, sed etiam magnitudo, & paruitas, & lenitas, & asperitas uocis, & alia huiuscemodi.

Sunt

Hic Arist. de tactu, deq; eius ad alios sensus comparisonem determinat.

Sunt & circa colorem differentie alie tales. Verum quid nam sit unum obiectum tactui, sicut unum est auditui sonus, non esse manifestum uidetur. Huius autem utrum instrumentum tactus intus sit post carnem, an non sit, sed statim sit ipsa caro, id non esse signum uidetur, sensum, inquam, illico fieri cum res tactu percipiende tanguntur. Etenim si quis nunc circa carnem subtilem pellem extenderit, deinde rem tactu percipiendam tetigerit, sensus statim similiter fiet: & tamen patet in illa pelle tactus instrumentum non esse. Quod si copulata fuerit, uelocius, ut patet, sensus perceptio fiet. Quapropter talis pars corporis, perinde sese habere uidetur, atque si circumfusus aer coniunctus esset nobis, ac copulatus: tunc enim uno quodam instrumento profecto sonum, & colorem, & odorem uideremur sentire: & unus quidam uideretur esse nimirum sensus, uisus, auditus, atque olfactus: nunc autem quia seiunctum est id per quod fiunt motus, patet instrumenta iam dicta sensuum esse diuersa. In tactu autem id ipsum nunc latet: fieri enim nequit, ut ex aere uel aqua, corpus animatum tantummodo constet, quippe cum solidum quiddam esse oporteat. Restat igitur ut ex his, atque terra sit mixtum: quale est ipsa caro, & id quod uicē ipsius subit. Quare necesse est ipsum corpus copulatum, medium esse inter instrumentum ipsius tactus, & res ipsas tangibiles, per quod fiunt ipsi sensus, qui quidem sunt plures. Indicat autem plures esse, tactus is qui in lingua consistit: nam eadem in parte, & omnes res tangibiles & saporem etiam sentit. Si igitur & ceterae partes carnis sentirent saporem, unus idemque tunc sensus uideretur esse profecto gustus, & tactus. nunc autem quia non fit cōuersio, duo diuersi sensus esse censentur. At uerò dubitabit hoc loco non iniuria quispian: Nam si corpus quidem omne, profunditatem habet:

atque



atque hæc est tertia magnitudo: fieri uerò nequit ut ea corpora sese mutuò tangāt, inter quæ corpus aliquod medium intercedit, humidumq; non est sine corpore, nec humectatum, sed necesse est uel aquam esse, uel aquam habere: quò fieri potest, ut corpus tangat corpus in aqua: etenim necesse est, cum extrema non sint sicca, in medio aquam esse, quæ repleta sunt ipsa extrema. Quòd si hoc est uerū, fieri profectò non potest, ut corporū tactus fiat in aqua. Eodem etiā modo de ijs dici potest, quæ in aëre collocatur: simili namq; modo sese habet aër ad ea, quæ sunt in ipso, & aqua ad ea quæ sunt in ipsa: latet autem nos magis in hisce quæ in aëre collocantur, quàm in animalibus quæ sunt in aqua, si humectatum, humectatū tangit. Vtrum igitur omniū simili modo sit sensus: an sensuum quidam ut nunc uidetur eodem, quidā diuerso modo obiecta sua percipiant, gustus quidem, & tactus tangendo, ceteri autem eminus? At id profectò non ita est, sed durū etiam, & molle per alia planè sentimus, quemadmodum et id quod sonat, & uisibile, ac odorabile: uerū hæc quidem eminus: illa uerò, cominus sentiuntur. Quæ propter latet, si per mediū illa percipiantur: nam sensibilia cuncta per medium sentiuntur, sed in illis idipsum latet, ut diximus. Enimvero si per subtilem pellem, ut prius etiam est dictum, positam circa carnē sentiremus omnia tangibilia idipsum non animaduertentes, sic nos tum utiq; sentiremus, ut nunc in aëre sentimus, & aqua: nunc enim uidemur res ipsas tangibiles tangere, & nullum mediū esse. Interest autē inter tangibile, & ea quæ sonāt, & uisibilia: nam hæc quidē sentimus, medio in nos aliquid agente: at tangibilia sentimus non à medio, sed unā cum ipso medio moti, uti fit quū quispiam per clypeū est percussus: non enim percussus clypeus percussit, sed fit ut ambo sint simul percussi, clypeus, atque

R

miles.

miles. Omnino autem ut aer, & aqua sese habent ad uisum, & auditum, atq; olfactum: sic caro, ac lingua sese ad huius instrumentū sensus habere uidentur: atq; nec ibi profectò, nec hic perceptio sensus fiet, cum instrumentum sensus à re sensibili tangitur: ut si quispiā super extremū oculi corpus posuerit albū. Ex quo etiam planè patet instrumentum sensus ipsius, quo res percipiuntur tangibiles, intus esse collocatū, ut diximus. Sic enim & in hoc sensu fiet id porro, quod in ceteris sensibus fieri solet: sensibilibus enim, si in ipsis instrumentis ponantur sensuum, non fit, ut patet, perceptio: at si super carnem ponatur tangibile, fit, ut docet, experientia, sensus. Quare sine dubio ipsa caro medium est in tactu. Atqui ea tactu percipiuntur, quæ corporis sunt, ut corpus est, differentie. Dico autem differentias eas, quæ rerum elementa distinguunt, calidum, frigidum, siccum, ac humidum, de quibus antea diximus ijs in locis, in quibus de elementis ipsis tractauimus. Instrumentum autem, id quo dictæ qualitates sentiuntur, & in quo primo sensus is collocatur quem appellare consueuimus tactum, pars ea sanè est, quæ est potentia talis. Sentire nāq; pati quiddā est, ut diximus. Quare id quod agit, tale illud facit, cum sit potentia, quale est ipsum actu. Quocirca simile calidum, atque frigidum, & durum, ac molle non sentimus, sed exuperationes: quia sensus est quasi mediocritas quedam contrarietatis eius, quæ in ipsis sensibilibus inest. Et propter hoc sensibilia ipsa discernit, nam medium ipsum extremorum est iudex: fit enim ad utrumque ipsorum alterum extremorum. Atque ut id quod album nigrumq; percepturum est sensu, neutrum ipsorum actu, sed potentia sit utrumque oportet, & in ceteris eodem modo, sic & in tactu neque calidum, neque frigidum id actu sit oportet, sed utrunq; potentia, quod utrumque est percep

percepturum. Præterea ut uisus uisibilis, ac inuisibilis quodammodo est, uti diximus, ceteriq; sensus oppositorū similiter, sic etiam est tangibilis, ac intangibilis, tactus. Intangibile autem est etiam id, quod exiguum admodum differētiam tangibilium habet, quale passus est aer: & exuperationes etiā tangibiliū, qualia sunt ea quæ corrumpere possunt. De sensuum igitur unoquoq; dictū sit hoc modo, quasi figura.

Communia sensuū, hoc est, sensum recipere sine materia res sensiles. Item non propria pati sensum.

Item exuperantias sensilium omnibus sensibus officere: & alia.

## CAP. XII.

**H**OC autē uniuersaliter accipere de omni sensu oportet, sensum, inquit, id esse, quod sensibiles sine materia formas suscipere potest: perinde atq; annuli signū sine ferro, uel auro suscipit cera: suscipit autē æneum, uel aureum signum: sed non ut æs, aut aurum, neq; signum ut est aureū, æneum uel. Simili patitur & sensus uniuscuiusq; sensibilis modo, ab eo quod habet colorem, aut sonum, aut saporem: sed non ut unumquodq; illorum dicitur, sed ut est tale, & ratione. Instrumentum autē id sensus est primum, in quo est talis uis, atq; potentia collata. Atq; sunt idē, ratio uerò non est eadē, sed diuersa: nā id quod sentit, aliqua est magnitudo, non tamen ratio sentiui: neq; sensus est magnitudo: sed est quedā ratio, potentiaq; illius. Patet autem ex his, & cur sensibilium exuperationes, sensuū instrumenta corrumpūt: nam si motus sit uehementior, instrumentiq; sensus superet uires, dissoluitur ratio: id autem erat sensus, dissoluiturq; perinde atq; concentus intentione, cum uehementer fides pulsantur. Patet præterea & quam ob causam non sentiunt planta tametsi partem aliquam habent animæ, atq; ab ignis tangibilibus patiuntur: frigescent enim, & calefiunt, ut patet. Nam huius causa est, mediocritatem non habere,

Hic Arist. sensus rerū formas sine materia suscipere declarat.



neq; principium tale ut sensibilem sine materia suscipiant  
formas, sed cū materia patiuntur. Dubitabit autē quāspiam  
si possit id ab odore pati, quod olfacere nequit, aut id a calo-  
re quod haud quoq; uideri potest, & in ceteris simili mo-  
do. Quod si odorabile sit odor, si quid in odoratum agit,  
odor profecto agit. Quare fieri nequit, ut ab odore quicquā  
patiatur eorū, quæ olfacere nequeunt: eadē est & in cete-  
ris ratio. Nec etiā fieri potest, ut a sensibilibus quicquā pa-  
tiatur eorū, quæ sentire possunt, nisi ut quodq; est sensiti-  
uum. Id ita esse patere potest, & hoc etiā pacto: nā neq; lu-  
men, & tenebræ, neq; sonus, neq; odor in corpora quicquā  
agit, sed ea nimirū in quibus sunt ipsa: aer enim, qui est cū  
tonitruo, scindit lignū. At enim tangibilia, saporesq; agunt:  
si enim non agerent, a quonā inanimata paterentur, atq; al-  
terarentur? Quid igitur, agunt' ne & sensibilia illa? at ut ui-  
detur, non omne corpus ab odore pati sonosq; potest: & ea  
quæ patiuntur, terminis uacant, & non manent, ut aer: olet  
enim ipse, tanquam aliquid passus. Quid aliud est olfacere  
quidē præter id ipsum aliquid, inquā, patit' at enim olfacere  
quidem, sentire est: aer autem passus, citō sensibilis fit.

## ARISTOTELIS

### DE ANIMA LIB. III.

#### *Argumentum ex Simplicio.*

Scopus præcipuus libri tertij est, de Animæ parte ea dis-  
serere, quæ ab electione, cui est præfecta, *λογιστική* dici-  
tur, id est, de rationali, & intelligente, quæ mortalibus inest,  
anima. Nam & in tota hac tractatione de Anima, quæ mor-  
talibus inesse deprehenditur, considerationem instituit, ut  
scilicet inde ad præstationes fortē, superiores' ue, proportio-  
ne quadam, & ueluti per gradus subducamur, & maxime e-  
ration

rationali eius parte, quæ in his quoq; conspicitur. Caterùm cum libro secundo maiorem disputationi partem de altera ea, quæ cæteris quoque animalibus, est communis, transegerit. in hoc tertio libro præcipuum scopum de rationali instituit. Atque à sensu sumit initium, cum ut continuus hic sermo sit præcedenti, tum ut appositione horum facta diuersitatein, quam rationalis anima ad hunc habet, intueamur. Itē quantum rationalis facultatis vestigium ad sensum usq; deueniat, prorogetur, ue, cōtemplamur, ut est impatibile esse, & quodammodo separabile, & se ipsum apprehendere posse, cognoscere, ue, & quia intellectus practicus sensu quoque ipso vitur. Quæritur autē statim initio, sit ne alius quispiam præter dictos quinque sensus, ut inductione quoq; rationis, quam ad ipsos habet, differentiā intuentes, non ambigamus, num alius quispiā ignotus adhuc nobis, præter illos supersit. Itē quia scientiæ maximè accommodatum est, quantū fieri possit, species cognobilium omnes cōplecti, & vtile quoque est ad confirmationē de vnoquoq; sensu, quod functionem propriam apprehendat, veluti cum visus nō solum colorem agnoscit, sed & sese illū agnoscere apprehendit. Non enim ratio est, quæ primū cognoscit, cum particulare sit, & indiuiduū, quod cognoscitur. Et neque alius quispiā sensus, nō enim ē reliquis quatuor aliquis neq; præter assignatos quinque; alius est vllus, vt ob hoc ipsum etiā necesse sit existimare nullū aliū à quinque; dictis haberi sensum, ne ipsius propriā quis existimet cuiusq; sensationē esse. Videturq; aut solū aut maximè animalis rationalis sensui tribuere sui cognitionē. Ea; propter, in tertio hoc libro hanc disputationem proponit, quando mentis maximè, deinde rationalis quoq; peculiare id est, se ipsum apprehendere, & omnino vitæ eius, quæ à corporibus separari potest. Corpus enim ipsum, quod partes eius aliæ alibi sint sitæ, seipsum apprehendere, aut in sese cōverti nequit. Vnde & sensui quoq;, qui rationi est coniunctus, etsi non prorsus, aliquo ramen pacto à corpore seiuncto id ipsum inest. Vnde igitur fidē facit Arist. quod non sit alius quispiā, præter quinque; assignatos, sensus? Neq; enim inductione istud cōstat. sunt enim plura animalia, quàm quæ nobis cognita sint, & obscura sunt alia quidē mortalia, alia verò ē dēmonū genere. Neq; ex elementis hu-

ius fides esse potest, uelut si unūquodq; ē quatuor sub pro-  
 priū sensum referatur, & euaporatio sub quintū, qui sit olfa-  
 ctus. Sic ignis sub visum, sub auditū aer, & sub reliquos duos  
 cætera, uelut sub gustū aqua, sub tactū uerò terra. Non enim  
 à solo uisū, sed & à tactu calor ignis apprehenditur: quare  
 manifestū non est, num alia quoq; illi insit qualitas quæ nos  
 lateat, quòd sensus, qui illā apprehendere possit, desit nobis.  
 Quonā modo igitur confirmat Aristoteles, quinq; solos sen-  
 sus esse, tū ex perfectione uitæ, quæ sit in nobis, tū ex orga-  
 nis nō deficientibus? Nā deficere posset nobis sensus aliquis,  
 aut quòd Natura obscura sit in nobis, & imbecillior, quàm  
 ut per omnes possit actiones exercere, aut quòd desint orga-  
 na, id est sensiteria. Quòd si & uita in nobis sit perfecta, &  
 neque sensiteriorū aliquod desit, sequetur necessariò adesse  
 sensum omnē. Quonam igitur modo perfecta in nobis uita  
 definitur, eaq; inter mortales, de qua scilicet sermo hīc est?  
 Cū itaque initium motus ab internis sit, primus autē Natu-  
 ra motus sit localis, in animalibus, quæ hoc ipso motu cien-  
 tur, perfectio uitæ motricis est quærenda. Neque tamē in iis  
 ad faciendū est, quæ pro parte tantū, ueluti ostrea, sed quæ  
 toto loco cientur: nec si quæ indefinitē, ueluti uermiū, & pu-  
 licū genus, sed finitē, determinatē ue, neque si tenue solūm  
 habeat uestigiū huius finitionis, ut formicæ, & apes, sed quæ  
 intellectuē, & artificē facultatem illam ostentant: & maxime  
 quæ rationi parere, eaq; duci, & præceptis item assuescere,  
 eaq; cognoscere per eandem facultatem didicerunt. Perfe-  
 ctissima uerò ē sensili genere uitæ est, quæ omnium præstan-  
 tissimā iungi potest, ipsi scilicet rationali: id nanque signum  
 summæ perfectionis est. Quòd si hæc sit perfectissima, finia-  
 tur autem quinque sensibus solis, necesse est, præter assigna-  
 tos quinque, nullū aliud sensuum genus haberi. Neque id di-  
 co, quòd in ratione præditis sensitiua sola sit perfecta: pro-  
 funditatem nanque habet ipsa quoque perfectio. Et perfectis-  
 sima quidē tū hæc est, tū quæ in aliis quoque habetur, ratio-  
 ni parens, & quæ artificē, intellectuēq; facultatem, ac fini-  
 tionē non tenuē ostentat. Imperfectū est enim, non finitū il-  
 lud, ac tenuē, locoq; immobile, nō quidē tāquā ea, quæ præ-  
 ter Naturā sunt: nam iuxta Naturā quidē ipsum quoq;, arta-  
 mē tenuius, ac ueluti terminus, obscurā quandā, & exilē uitā  
 uiuent



uentium. Quare & hoc quoque licet imperfectū sit, iuxta Naturam tamē est, speciemque totā constituit. Quod igitur quantū ad perfectionē attinet vitæ, animalibus perfectis nullus desit sensus, satis per hęc sit repetitū. Considerandū superest, num instrumentū quodpiam deficiens indigentia hanc efficiat: & cum sensus instrumentū, aut mistū ex elementis omnibus, aut simplex esse sit necesse, quærendū est ē qualibus simplicibus sensiteria esse possint. Itē quib⁹ sensibus simplicia, & quibus mistū assignari conueniat: & an ne omnia, quæ esse possunt, in animalibus perfectis habeantur sensuum instrumenta? ut cognoscamus scilicet, nec sic quidem sensum aliquem deesse nobis, quia sensiteriū scilicet aliquod desit. Quādo igitur per quædā media, neque enim absque iis à sensilib⁹ rebus mouetur prima sensiteria, non ineptē ē mediis ipsis de sensiteriorum natura coniecturā facit. Dum enim utraq; sensiliū actionum suscipiunt, & naturæ velut cognatione quadā, perque cōtinuitatē sensiliū actiones ad sensiteria transmittant media, suam illis cognatā scilicet esse substantiā significant. Velut perspicuum esse oportet id, quod visibile suscipit, quare ambobus hoc inerit, & medio scilicet, & sensiterio. Sed & ab vno ad alterum absque; vi vlla, & vltro facta tralatio: agnatione ipsorū inter se fit, quapropter medio sensiteriū simile est: quæ igitur media sint, spectari oportet. Et alia quidē in nobis sint, ut in gustu, & tactu: alia extra nos, ut in sensibus cæteris. Quæ in nobis sunt, & in superficie habentur, omnino mistionē habēt. Nam animalium natura firmiter quodā, ac renitente velamento opus habet, ne incommodis facile pateat: neque; tamen prorsus immobili. Quapropter neque; simplex, sed mistum erit. Extra nos duo simplicia sunt, sensuū actionem transmittentia, aer scilicet, & aqua. Aut si mista sint, alterum ex his in mistione omnino superabit. Neque; enim ē terra, quod difficulter mobilis sit, & passionē non recipiat facile, neque; actionē aliorum. Neque; ex igne, ob vehementē scilicet vim actionis ipsius, per quam magis mouet alia, suaque; illis imprimat, quā ut ab illis motus ipsorū passiones recipiat. Quoniam itaque; pacto, quod in nobis est, medium, superante natura terrea, gustatiliū rerum, tactiliūque; sensiles actiones suscipit? Nōne quia viuīdū est, utpote à vita, quæ in nobis est, elaboratū? Quo pacto autem *ὑποκείμενα* perspicuū est, ac personorū, an quia ignis sit elementaris istud? Videturque; ignis feruor ē, vltulandi; vim tum

abieciſſe, tanquam non per ſe ſenſiterium exiſtat: vt quod in  
aëre eſt hypocauma, commune ſit omnibus, q̃ nihil abſque  
caliditate ſit ſenſitiuum, cauſticum verò nullius ſit. Cùm itaq;  
è ſimplicibus duo ſunt media, a qua, & aër, ſit nanque elemen  
tare quoq; in aëre, aut commune: è ſimilibus verò ſenſiteria  
ſint, & vtraque habeamus, quorquot inter animalia ſumus  
perfecta. In animalibus itaq; perfectis non ſolùm vita habe  
tur perfecta, ſed & nullum organum deficit: quare neq; ſen  
ſus deficit. Quòd ſi ita ſit, ſoli quinque ſenſus erunt. Iambli  
chus autem cognomento Magnus multa animalia eſſe opi  
natur nobis ignota, tum demonũ generis, tum præſtantiora,  
neq; inductione affirmare oportere ſenſuum numerũ, rectè  
dicens. Sed & Ariſtoteles inductioni huic ſoli non innititur,  
ſed tum vitæ ipſius perfectioni, tum quia nullum nobis deſit  
ſenſiterium, ſed ſenſum cœleſtium, præſtantiore eſſe ait, im  
patibilem ſcilicet prorſus, & intus excitatum, neque ſoris  
laeſſentium, cientium<sup>ue</sup> indigentem: ipſum nanque & ad  
vitaẽ ſuam, & ad ſenſilium cognitionẽ ſufficere. An<sup>ne</sup> igitur  
plures, quàm quinq; conſtitui oportebit: ob eum ſcilicet, qui  
cœleſtiũ ſit ſenſus: an potius hiſce non annumerari conue  
niet illum, quemadmodũ neq; cauſam cauſaris, & tanquam  
omnes hoſce cõplectentem, quemadmodũ neq; ſenſum, qui  
in nobis eſt cõmunem vt ſextum aliquẽ hiſce quinq; annu  
meramus. Atqui inſeparabiliter hiſce annexus eſt, q̃ cõmuniter  
apprehēdat omnes. Quare multò magis q̃ è numero omniũ  
eſt exemptum, ſeparariq; poteſt, & tanquam cauſa reliquos  
cõplectitur, annumerari ipſis non oportet. Dēinde neque  
alius ſimpliciter à prædictis quinq; cœleſtiũ corporũ ſenſus  
eſt. Nam diuerſitas tum in ratione cõſiſtit, quatenus hæc ſci  
licet diuerſa ſit, tum in ſenſibilibus ipſis. At cœleſtiũ ſenſus  
eatenus non differt, ſed ſolūmodo diuerſus eſt, quando ſen  
ſilia plura nō ſunt, quàm quæ à nobis apprehēdi ſolent. Vni  
uerſa itaq; propoſiti negotij demonſtratio talis mihi eſſe vi  
detur perfectioni ſcilicet vitæ innixa, quę in animalibus non  
orbatis, neq; præter naturā cõparatis habetur. Itē integritati  
inſtrumentorũ, qđ etiam ipſum non inductione, ſed è natura  
inſtrumentorũ ſenſus cõfirmavit. E quib<sup>9</sup> bina ſimplicia ſunt,  
in ſenſib<sup>9</sup> ſcilicet è lōginquo res appi<sup>9</sup> edēdētib<sup>9</sup>: vnũ miſtũ  
eſt, in tactu videlicet quādo corpus animalis mortalis miſtũ  
eſt totũ. Hiſ itaq; per primā huius libri partem ad hunc mo  
dum

dum pertractatis, ad excellentissimā de mente hominis disputationē, cæteraq; huic finitima, in parte altera sese conuerteret.

An præter quinque iam expositos alius quispiam sensus sit.

CAPVT I.



**S**ENSVM autem nullū alium esse præter hos quinque: Visum, inquam, Auditū, Odoratū, Gustum, & Tactum, ex hisce profecto quæ nunc deinceps dicemus, credere quispiā potest. Nam si nunc sensum omnis eius habemus: cuius sensus est tactus, omnes namque rei tangibiles, ut est tangibilis, effectus nobis sunt sensibiles tactu: nullus itaque Tactus, uel Gustus, uel Olfactus, uel Auditus, uel Visus deesse nobis uidetur. Præterea si sensus nobis deficiat aliquis, et instrumentum necesse est illius nobis deesse. Præterea omnis sensus per medium sentit, ut patuit. Mediū autem aut coniunctum, aut seiunctum, externumq; esse necesse est. At nos habemus utrunq; & id, inquam, quod est cōiunctum, quo quidē tangentes sentimus sensibilia tactu, & id etiam per quod eminus non tangentes sentimus: id uerò duplex est spatium simplex, aër, inquam, & aqua. Res autem ita sese habere uidetur: ut si sensibilia plura diuersa genere per unum medium sentiantur, necessariū sit eum, qui sensus instrumentum habeat tale, sensitiuum illorum esse: ut si ex aëre sensus sit instrumentum, & aër sit medium in colore sentiendo, ac sono. Quod si unum idemq; per plura media sentiatur, ut color per aërem, atq; aquam (hæc enim utraq; perspicua sunt) is qui alterum tantū habet ipsorum, sentiet nimirum id, quod per utrunque sentiri potest. Nam ex hisce duobus simplicibus tantum, instrumenta sunt sensus, ex aëre, atque aqua: etenim pupilla ex aqua, auditus ex aëre, odoratus ex horum altero, constat. Ignis, aut nullius est

Hic ostendit Arist. nullum præter quinque exteriores sensum superesse



instrumenti, aut communis omnium est: quippe cum sine caliditate nihil sit sensitiuum. Terra etiam, aut nullius est instrumenti, aut in tactu maxime commista. Quocirca restat nullum sensus instrumentum esse præter aërem, atq; aqua. Hec autem nonnulla nunc animalium habent. Ab ijs igitur animalium, quæ sunt perfecta, non imperfecta, nec membris capta omnes sensus habentur: etenim & talpa sub cute oculos habere uidetur. Atq; si nullum aliud corpus est, præter ea quæ percipimus esse, nec ullus alius affectus, præter eos qui corporibus hisce competunt, quæ sunt hic, nullus profecto deficit sensus. At uerò neq; sensus instrumentum quicquam proprium sensibilem communium esse potest: motus, inquam, quietis, figuræ, magnitudinis, numeri, unius, quæ uno quoq; sensu sentimus non per accidens. Omnia enim hæc, sanè motu sentimus, etenim magnitudo, motu sentitur. Quare & figura quidè, cum figura quædam magnitudo sit. Et id quod quiescit, ex eo quia non mouetur. Et numerus, continui negatione, & sensibilibus proprijs: unusquisque namq; sensus nimirum unum sentit. Quare patet fieri non posse, ut communium: cuiusque sit proprius sensus: si enim esset, perinde tunc fieret atq; nunc uisu dulce sentimus: quod quidè propterea fit, quòd utrorunq; sensum habemus, quo cum concurrunt, agnoscimus. Quod si ita non esset, nullo alio modo profecto nisi per accidens, sentiremus: quo pacto filium sentimus Cleonis: non enim Cleonis filium, sed album sentimus: huic autem accidit, ut filius sit Cleonis. At communium habemus iam sensum communem, non per accidens sanè. Nullus igitur ipsorum sensus est proprius: nullo enim sentiremus modo, nisi eo quo diximus filium uidere Cleonis. Propria autè sensibilia sensus ipsi per accidens, alter alterius sentiunt: non hoc sanè quo ipsi sunt, sed quo unus, cum simul

simul in eodem sensus efficitur, ceu bilem amaram esse, ac flauam: non enim ad alterum pertinet, unum ambo hæc esse dicere. Quapropter & errat, & si sit quippiam flauū. Quæri potest autem cuiusnam gratia plures sensus, sed nō unum tantū habemus. At ut minus ipsa quæ sequuntur, atq; communia lateant, ut motus, & magnitudo, & numerus. Nam si esset solus uisus, qui quidem est & coloris, magis laterent, ac idē esse omnia uiderentur: propterea quòd color, & magnitudo simul se sequuntur, & comitantur: nunc autem cum in alio quoque sensibili ipsa communia sint, fit inde perspicuum unumquodque illorum aliquid aliud esse, atque diuersum.

An eodem sensu quo sentimus, sentire nos percipiamus.

CAP. II.

**C**VM autem sentiamus nos uidere, ac audire, necesse est aut uisu sentiamus nos uidere, aut alio sensu. At si alio sensu, tum idē sensus erit & ipsius uisus, & etiā coloris subiecti. Quare uel duo sensus eiusdē erunt subiecti, uel se ipsum sentiet ipse. Præterea si alius sit sensus, qui percipit ipsum uisum: aut in infinitū fiet abitio, aut erit aliquis sensus, qui seipsum percipiet sentientē. Quare id ipsum in primo sensu continuò est faciendum. At hinc oritur dubitatio. Nā si uisu quidē sentire nihil aliud est, quàm uidere, uidetur autē color, uel id quod habet colorē: si quippiā uiderit id, quod uidet, & colorē id habebit profectò quod uidet primum. Patet igitur, non unū id ipsum esse, sentire, inquit, uisum: nā cum non uidemus, tenebras, & lumen uisu discernimus, sed non eodē, ut patet, modo. Præterea id ipsum etiam quod uidet, colore quodā modo delibutum est. Instrumentum enim uniuscuiusq; sensus, ipsum sensibile sine materia suscipit, uti diximus. Quocirca sensibilibus ipsis semotis,

Hic inuestigat Arist. an eiusdem sensus diuersa sit uis.

insunt

insunt in sensuum instrumentis sensus, imaginationesq;  
 Atqui operatio rei sensibilis, atque sensus, una quidem, &  
 eadem est: at earum ratio non eadem est: dico autem sonum  
 actum, & auditum actum: fit enim ut is, qui auditum habet,  
 non audiat: & id quod habet sonum, non semper sonet:  
 sed cum operatur id, quod audire potest, & sonat id quod  
 sonum efficere potest: tum simul fit & auditus actus, & so-  
 nus etiam actus: quorum alterum quispiam auditionem, alte-  
 rum sonationem esse, non incongrue dicere potest. Quod  
 si motus, & actio, atq; passio in eo est quod patitur, atque  
 mouetur, necesse est & sonum, & auditum actum, in auditu  
 qui est potentia esse: agentis namq; mouentisq; operatio, in  
 ipso patiente suscipitur, atq; inest. Quocirca non necesse  
 est, id quod motu ciatur, moueri. Actus igitur sonatiui, so-  
 nus est, uel sonatio: auditui uero, auditus, uel auditio: du-  
 plex enim est auditus, & duplex etiam sonus. Eadem est  
 & in ceteris sensibus, ac sensibilibus ratio: atque ut actio,  
 passioq; non in agente est, sed in eo quod patitur, sic & in  
 ipsius sensibilis actio in ipso est sensuiuo. Sed in quibusdam  
 nomina quoq; sunt posita, ut sonatio, ac auditio, in quibus-  
 dam autem caret alterum nomine: operatio enim uisus, ui-  
 sio dicitur: at coloris, nomine uacat: operatio præterea gu-  
 stus, gustatio dicitur: at saporis, nomē non habet. Hæc cum  
 ita sint, atq; unus actus rei sensibilis, sensuiuiq; sit, quamuis  
 diuersas habeat rationes, si uui diximus, necesse est simul  
 corrumpantur, simulq; sint salua, auditus, ac sonus, qui hoc  
 modo dicuntur, & sapor itidem, & gustus, ceteraq; simi-  
 liter. At ea que dicuntur potentia, non hanc ipsam profe-  
 ctō necessariō subeunt legem. Non rectē igitur priores na-  
 turales Philosophi sentiebant, qui quidem sine usu neq; al-  
 bum ullum, neq; nigrum esse dicebant: neq; item ullum sine  
 gustu



gustu saporem. Nam partim rectè, partim non rectè censebant: etenim cum dupliciter sensus, sensibileq; dicatur, potentia, atq; actu, in his quidè secundis fit idipsum sanè quod dictum est, in illis autem primis non fit, ut luce clarius exat. At illi de hisce simpliciter loquebantur, quæ simpliciter non dicuntur. Quòd si uox quædam concentus est: uox autem & auditus tum unum, tum non unum, aut non idem sunt, & concentus est ratio, necesse est & auditum quandam esse rationem. Atque ob idipsum exuperans quodque tam acutum, quàm graue, corrumpit auditum, atque deuas-  
stat, & in saporibus, gustu: & in coloribus uisum, id quod nimirum est splendidum, & tenebrosum: & in odoribus, uehemens odor siue dulcis, siue amarus: quia sensus ipse, quædam est ratio rata. Quocirca sensibilibus ea quæ synce-  
rè talia, quæq; simplicia sunt, ut acutum, uel dulce, uel sal-  
sum, cum reducuntur ad rationem, sensui sunt iucunda: tunc enim ipsum delectare uidentur. Omnino autem ipsum mi-  
stum magis concentus est, quàm acutum, uel graue. Tactui quoque non calidum sanè simplex, ac frigidum: sed id quod est ad rationem redactum, amicum est, atque iucundum, enimuero sensus ipse ratio quædam est, uti diximus: sensi-  
bilibus autem ea quæ exuperant, aut dolor in afferunt ipsi, aut tandem ipsum corrumpunt. Vnusquisq; igitur sensus, ut sepe diximus, sensibilis est obiecti: estq; in instrumento suo ea ratione, qua illud sensus est instrumentum, & diffe-  
rentias sensibiles obiecti sui discernit: ut album quidem, & nigrum uisus, dulce autem & amarum, gustus: & ceteri similiter sensus. At enim cum album, & dulce, & singula sensibilibus ad singula nimirum aliquo comparemus, ac discernamus, & sentiamus differre, necesse est idipsum profectò fieri sensu: quippe cum illa sensibilia sint. Quo  
patet,

patet, carnem ultimum instrumentum sensus non esse: nam  
 necesse esset id, quod discernit, tangendo discernere. Fieri  
 igitur non potest, ut separatis discernatur dulce diuersum  
 esse ab albo, sed uni cuiusque ambo nota esse oportet: illo  
 namque modo sanè pateret inter sese illa differre, etiam si  
 alterum ego, alterum tu sentiret. Vnum igitur dicat opor-  
 tet, diuersa esse dulce, ac album. Dicit igitur idem: quare  
 ut dicit, sic et intelligit, atque sentit. Patet ergo, fieri non  
 posse, ut separatis separata diiudicentur. At hinc patet,  
 neque fieri posse, ut separato in tempore discernantur.  
 Nam ut idem aliud esse bonum, ac malum dicit, sic quando  
 alterum dicit aliud esse tunc et alterum etiam dicit: atque  
 dico quando non per accidens: ueluti nunc dico quippiam  
 aliud esse, non tamen dico illud nunc aliud esse: sed hoc pa-  
 eto non dicit, ut dicat, et nunc illud esse, simul igitur dicit.  
 Quo fit, ut inseparabile et in inseparabili tempore, sepa-  
 rata discernat. At uerò fieri non potest, ut simul idem ea  
 ratione, qua diuisibile est, et in indiuisibili tempore moti-  
 bus contrarijs moueatur. Ad dulce quidem sic mouet sensus  
 sum, ac intellectum: amarum autem, contrario modo: et  
 album itidem diuerso. Est ne igitur quod discernit, indiui-  
 sibile quidem numero, separatum autem ratione? Partim  
 igitur ut diuisibile res sentit diuisas, partim ut indiuisibile:  
 nam ratione quidem, diuisibile: loco autem, atque numero,  
 indiuisibile est. An id minimè fieri potest? idem enim po-  
 tentia quidem est ipsa contraria, et diuisibile, et indiui-  
 sibile: actu autem esse non potest, sed patiendi diuisibile est.  
 At fieri nequit ut simul sit album, et nigrum. Quare ne-  
 que formas ipsorum simul sensus, ac intellectus, si taliæ sint  
 ut patiantur, suscipient. At enim hoc perinde sese ha-  
 bet, atque id quod quidam punctum appellant, quod quid-  
 dem

dem tum unum est, tum duo, quo pacto & diuisibile est. Quo igitur indiuisibile est, hoc unum est id quod discernit, ac simul: quo uerò est diuisibile, hoc non unum est: his enim eiusdem signi simul fit usus. Quo ergo finis usus sit ut duorum, hoc duo discernit, atque est separata, ut separatum: quo uerò unum est, hoc unius fit usus, & simul. Sed de principio quidem quo dicimus animal sensituum esse, si hoc modo determinatum.

De mente, Intellectuq; quem veteres existimarunt idem esse cum Sensu. Item in quo differat Intellectus à sensu.

CAP. III.

Cum autem duabus prisci differētijs maximè definiant Animam, motione, inquam, loco accommodata, & intelligendo, & discernendo, ac sentiendo, considerandum est si quid intersit inter intelligere, ac sentire. Videtur nanq; tam intelligere, quàm etiam sapere, ueluti quoddam esse sentire: etenim his utrisque rerum aliquas anima discernit, atque cognoscit. Et ueteres idem esse sapere, sentireq; censent, quemadmodum & Empedocles dixit: Ad præsens, hominum crescit sapientia semper. Et alio rursus in loco: Hinc uaria his semper prudentia somnia monstrat. Idem & Homerus, his carminibus sensisse uidetur: Tales nanque insunt mentes mortalibus ipsis, Quales quotidie summi fert rector olympi. Etenim omnes hi putant ipsum intelligere corporis esse, perinde atque ipsum sentire. Et sentire simili simile arbitrantur, & sapere: ut in superioribus diximus lock. Oportebat tamen ipsos de errore quoque, deceptio-  
ne uel differere: sunt enim hæc magis propria animalium, plusq; id temporis est, quo in his anima uersatur, ut patet. Idcirco necesse est aut uniuersa quæ uidentur, ut quidam inquirunt, esse uera: aut dissimilis rei tactum, errorem esse, decept

Hic Aristot. disquirat, an intelligere, sapere, ac sentire sint idem.



deceptionem ue: quippe cum id sit contrarium illi, simili, inquam, cognoscere simile. Videtur autem & deceptio & scientia contrariorum esse eadem. Non idem igitur esse sentire, ac sapere, patet: illud enim omnibus animalibus, hoc ualde paucis inest. At neque intelligere idem est, ac sentire: intelligere, inquam, quo recte, atque non recte res percipi solent: quo nanque recte percipit, id est, prudentia, & scientia, atq; opinio uera: at quod non recte, id est nimirum his dictis contrarium. Etenim propriorum sensus, semper est uerus, & uniuerfis animalibus inest: at sit ut falso quoq; quis ratiocinetur neque cuiquam competit, cui non inest et ratio. Imaginatio namq; diuersa est à sensu, menteq;: atque neque hæc fit sine sensu, neque existimatio sine hac esse potest. Non idem autem esse imaginatione, existimationem ue patet. Hic enim affectus in potestate nostra sine controuersia collocatur: licet namq; cum libet fingere quicquid uoluimus, atque ante oculos ponere, perinde atque ij faciunt, qui in artificioso memorie comparatis, atq; dispositis locis imagines fingunt, atque simulacra collocant. At opinari, in nobis non est situm: necesse est enim opinantem, aut ueram, aut falsam existimationem habere. Præterea cum opinamur aliquid malum esse, atque terribile, continuo perturbamur: similiter & cum opinamur quippiam esse tale, ut in illo sit confidendum. At cum imaginamur talia, perinde afficimur, atque si in pictura, eadem spectaremus. Sunt autem & existimationis ipsius hæc differentie, scientia, & opinio, & prudentia, & ea quæ sunt hisce contraria: de differentia quorum alius sit sermo magis ad id ipsum accommodatus. At uerò cum diuersum sit sentire, ac intelligere, & huius aliud imaginatio, aliud existimatio esse uideatur, de imaginatione primò, deinde de altero dicamus oportet.

Si igitur imaginatio, id est phantasia, fit id quo uisum, phantasmaq; aliquod in nobis dicimus fieri, & non aliud quicquam quod per translationem hoc eodem nomine nuncupetur, ipsa profectò una quædam est potentiarum earum, aut habituum quibus discernimus, & aut uerè percipimus, aut falsò. Tales autem sunt, sensus, opinio, scientia, intellectus. At ipsam non esse sensum, ex hisce patere potest. Sensus enim, uel est potentia, uel operatio, ut uisus, uel uisio: atqui nonnunquam neutrum est istorum, & tamen apparent aliqua, uidemurq; uidere, ut ea quæ in somnis apparent. Deinde sensus quidem semper adest, imaginatio autem non semper. Quòd si idem esset imaginatio, ac operatio, bestiis imaginatio profectò cunctis inesset: at non esse uidetur: ut api, aut formicæ, aut uermi. Præterea illi quidem ueri sunt semper, imaginationes uerò plures fiunt, ut patet, falsæ. Præterea cum exactè circa sensibile operamur, non dicimus hoc nobis hominem uideri, ac apparere: sed potius cum clarè sentimus, quando etiam fit ut sit uerus sensus, & falsus. Atque nobis (quod quidem paulò antea dicebamus) clausis etiam oculis uisa uidentur, atq; apparent.

Atqui nec ullus habituum eorum erit, qui ueri sunt semper, ut scientia, uel intellectus: est enim & falsa imaginatio, non solum uera. Restat igitur ut perscrutemur, si sit opinio. Fit enim opinio & uera, & falsa: uerum opinionem quidem sequitur fides: quippe cum fieri nequeat, ut hisce quisquam non credat, quorum habet opinionem. Bestiarum autem, fides quidem nulli: imaginatio uerò compluribus inest. Præterea fides omnem opinionem sequatur, persuasio fidem, ratio persuasionem. At imaginatio quidem quibusdam bellus inest, ratio autem nullis. At uerò patet nec opinionem esse cum sensu, nec opinionem per sensum,

nec opinionis, sensus ue coniunctionem, & per ea quæ dicta sunt, & hac etiam ratione: patet enim si imaginatio sit opinionis, sensusq; coniunctio, opinionem non cuiusuis rei, sed eius esse, cuius est etiam sensus: dico autem imaginatio- nem si sit coniunctio sensus, opinionis ue, coniunctionem esse opinionis albi, & sensus eiusdem albi: non enim erit ex opinione quidem boni, sensu autem albi: apparere igitur, est opinari rem eam, quam sentit, non per accidens. At apparent nonnunquam etiam falsa, de quibus simul ueram opinionem habet: sol enim pedalis quidem apparet, at persuasum est terra ipsum esse longè maiorem. Fit igitur ut aut suam is opinionem quam habet ueram, abijciat, re modo eodem sese habente, non oblitus nec dissuasus: aut si adhuc illam habeat, eadem sit necessariò falsa, simul & uera. At constat opinionem tum euadere falsam, cum res mutata latet. Neque igitur unum est istorum, imaginatio, neq; ex his est coniunctum. Verum quoniam fieri potest, ut aliud moueatur ab eo ipso quod motum est, imaginatio uerò motio quædam esse uideatur, & non fieri sine sensu, sed sentientibus, & eorum etiam esse quorum est sensus: fit autem ut motus oriatur à sensu iam actu, quem quidem necesse est ipsi sensui similem esse. Imaginatio motio hæc est profectò, quæ neq; sine sensu nimirum esse, neque competere non sentientibus potest. Atque multa per ipsam id agere, pati ue contingit, quòd ipsam habet: & insuper & ueram, & falsam esse. Atque id propterea fit, quòd sensus quidem propriorum est uerus, aut rarò admodum suscipit falsitatem. At est sensus eius etiam rei, cui propria sensibilia accidunt: ubi iam fit, ut ipse sit falsus: nam non est falsus, si album dixerit esse: sed si album, hoc, aut aliud esse. Est præterea commune, sensus: quæ quidem perinde atque propria



propria ijs accidunt, quæ sunt per accidens sensibilia: dico autem motum, & magnitudinem, quæ, ut patet, accidunt sensibilibus: circa quæ maximè error, deceptioq; fieri sensu potest. Motus igitur hisce, qui sit à triplici tali sensu, differenciam ob id ipsum nimirum habebit: atque primus quidem, cum operatio sensus adest, est uerus: ceteri uerò falsi etiam esse possunt, & præsentie, atque absente: præsertim cum à sensu longe sensibile distat. Si igitur nihil aliud præter imaginationem habeat ea quæ dicta sunt, sitq; id ipsum quod diximus ipsa: imaginatio motus is est profectò qui sit à sensu iam operante. Cum autem uisus maximè sit sensus, hinc est, quod nomen imaginatio ab ipso lumine sumpsit, phantasiaq; dicitur, quia sine lumine uisio fieri nequit. At quia imaginationes immanent, sensibusq; similes sunt, ideo per ipsas animalia, bestię, inquā, atq; homines multa agunt: illa, quia mentis sunt, ut patet, expertes: homines, quia mēs perturbatione nonnunquam, uel morbo, uel somno submergitur. Sed de imaginatione quidem, determinatum sit hæcenus: satis enim quidnam ipsa sit, & cur sit, hisce quæ iam dicta sunt, explicauimus.

De intellectu potentie, qui ut sensus à sensibilibus, ita ipse ab intelligibilibus patitur, nec ullā propriam formam habet.

## CAP. IIII.

**D**E anima autem ea parte, qua cognoscit, atq; sapit, siue sit separabilis, siue non separabilis magnitudine, sed ratione, considerandum deinceps est quam differenciam habet, quoq; pacto tandem sit intelligere. Si igitur ipsum intelligere sit ut sentire, aut pati quoddam, erit ab ipso intelligibili, aut aliquid aliud tale. Vacare igitur ipsam passionem, sed formæ susceptiuam esse oportet: & potentia talem, sed non illam esse: & similitudinem subire cum sensu,

Hic ostendit Arist. sensum intellectum, imaginationemque non idem esse.

ut quemadmodum sese habet ad sensibilia sensus: sic sese habeat ad intelligibilia intellectus. Quare necesse est ipsum, cum uniuersa intelligat, non mixtum esse, sicut Anaxagoras dixit, ut superet, atque uincat, id est, ut cognoscat, atque percipiat: alienum namque, cum apparet iuxta, prohibet, atque seiungit. Quo fit, ut neque ulla sit ipsius natura, nisi ea solum, qua possibilis est. Is igitur qui intellectus anime nuncupatur (dico autem nunc eum, quo ratiocinatur anima, & existimat) nihil est actu prorsus eorum, quae sunt antea quam intelligat ipse. Quocirca neque cum corpore mixtum ipsum esse, consentaneum est rationi: qualis enim quidam fieret, calidus, aut frigidus, & instrumentum aliud quod ipsius esset, profecto, sicut est sensus: nunc autem ipsius nullum prorsus est instrumentum. Atque bene, recteque censent, qui formarum locum, animam inquiunt esse: attamen neque tota est locus, sed intellectiua, neque est actu, sed potentia formae. Atqui passionis uacuitatem non similem esse sensui, atque intellectui, patet in sensuum instrumentis, atque in ipso sensu. Sensus enim ex uehemente sensibili sentire non potest: auditus namque non audit sonum, post magnos sonos: & uisus non uidet, atque odoratus non olfacit, post uehementes colores atque odores. At intellectus aliquo ualde intelligibili intellecto, non minus sane, sed magis percipit, intelligitque inferiora, sensitiuum enim non est sine corpore: at intellectus ab eodem est separabilis. Factus autem unumquodque perinde atque is qui dicitur actu sciens, quod quidem tum accidit, cum ipse per seipsum operari potest: est quidem et tunc quodammodo potentia: sed non perinde ut erat antea quam didicisset, uel inuenisset. Atque tunc, seipsum etiam intelligere potest. Cum autem aliud sit magnitudo, aliud magnitudinis esse, & aliud aqua, aliud aquae esse, & in alijs

iudem

itidem multis (non enim uniuerſis hic modus accommodatur, ſed ſunt in quibus hæc ipſa ſunt eadem, nõ diuerſa) aut alia ſanè, aut parte quidem eadem, ſed aliter ſeſe habente, carnem, & eſſe carnis diſcernit: caro nanque non eſt ſine materia, ſed perinde atque ſimū, hoc eſt, in hoc. Senſitiua igitur parte calidum diſcernit, & frigidum, quorum quædam eſt ratio, caro: alia uerò eſſe carnis diſcernit: aut ſeparabili, aut ſeſe habente ad ſeipſam, perinde atque ſeſe habet cū extenſa fuerit, linea flexa. Rurſus in hiſce, quæ in abstractione conſiſtunt, eadem eſſe uidentur: rectum enim ſe habet ut ſimū: eſt enim ipſum cū continuo ſemper. Quòd ſi quidditas ſit diuerſa, aliud eſt proſectò eſſe recti, aliud ipſum rectum, ut ibi: ſit enim dualitas. Quare ſit, ut hæc etiam alia, uel alio modo ſeſe habente parte diſcernat. Omnino igitur ut res ſeparabiles ſunt à materia, ſic ſeſe habent & ea, quæ ſunt circa intellectum ipſum. Dubitabit autem non iniuria quiſpiam, quonam modo intelliget intellectus, ſi ipſe quidem ſimplex ſit, ac paſſionis expers, nihilq; habeat cū ulla re prorsus cōmune, ſicut Anaxagoras aſſerit, intelligere autem pati quoddā ſit, ut diximus: quo nāq; quippiam eſt utriſq; cōmune, hoc nimirum alterum agere, alterum pati uidetur. Præterea ambiget quiſpiam, ſi ipſe etiam intelligibilis ſit. Nam aut cæteris rebus inerit intellectus, niſi alia ratione ſit intelligibilis ipſe: intelligibile autē unum quoddam eſt ſpecie: aut aliquid ipſe muſtum habebit, quod ipſum intelligibilem perinde atque cætera, facit. At enim ipſum pati diuiſum eſt prius una quadam ratione cōmuni Atque intellectus, potentia quidem eſt quodammodo intelligibilia ipſa: actu uero nihil eorum antea quàm intelligat ipſa. Oportet autem in ipſo nihil eſſe, perinde atq; in tabula nihil eſt actu ſcriptū, antea quàm in ipſa ſcribat ur:



hoc enim in ipso fit, atq; accidit intellectu. Est etiam intelligibilis & ipse, ut intelligibilia cuncta. Nam in hisce quidē, quæ sine materia sunt, intelligens, & id quod intelligitur, idem est: etenim idē est contemplatiua scientia, & id quod ita sub scientiam cadit: sed cur non semper intelligit, consideranda est causa. In ijs autem, quæ materiam habent, unumquodq; intelligibilium potentia est. Quare illis quidem non inerit intellectus: nam intellectus talium potentia sine materia est, ipse autem intelligibilis rationem subibit.

De intellectu agente qui fit necessarius ad intellectum potentia perficiendum.

CAP. V.

Hic ostendit  
Arist. intellectu  
ex actu,  
potentia con  
stitui.

**C**um autem in omni natura sint quædam, quorum alterum quidē unicuiq; generi materies est, quod id esse patet, quod est potentia illa cuncta: alterum uerò causa est, & efficiens omnia, nimirum efficiendo, atq; agendo talem subiens rationem, qualem ars conditionē ad materiā subit, necesse est & in anima differentias has easdem inesse. Atq; quidam est intellectus talis, ut omnia fiat: quidam talis ut omnia agat atq; efficiat: qui quidem ut habitus est quidam: & perinde ac lumen: nam & lumen, colores qui sunt potentia, actu colores quodammodo facit. Et is intellectus separabilis est, & non mixtus, passioneq; uacat, cum sit substantia actus: semper enim id quod efficit, atq; agit, præstabilius est eo, quod patitur: & ipsum principium omni non materia. Scientia autē ea, quæ est actu, est idem quod res: ea uerò quæ est potentia, in uno, prior est tēpore, absolutē autem neq; tempore: sed non nunc quidem intelligit, nunc autem nō intelligit. Separatus uerò, id est solum quod est, atq; id solum est immortale, perpetuumq;. Non autem recordamur, quia hoc quidem expers est passionis. Intellectus uerò passivus extinguitur, & sine hoc, nihil intelligit.

Primam

Prīmam intellectus actionem esse circa simplices terminos versari: deinde circa compositionem, in qua iam sit veritas ac falsitas.

CAP. VI.

**I**ndiuisibilem igitur intellectio, in hisce consistit, circa quae falsitas non est. At in quibus & falsitas iam, & veritas inest, in hisce compositio quaedam iam est conceptuum intellectus, quasi ipsi sint unum. Atque ut Empedocles dixit:

Hic Arist. de operationib<sup>9</sup> intellectus, & indiuisibilis modis determinat.

Multorum certe capita, admirabile dictu.

Cervice absque fuere exorta in luminis aura.

Illam tamen dulcis post hoc concordia iungit.

Sic & haec separata, componi solent, ut incommensurabile, & diameter.

Quod si eorum etiam, quae fuerunt, uel erunt sit compositio, & tempus insuper intelligitur, atque additur: falsitas enim in compositione semper consistit: nam si album non album esse dicat, ipsum tum non album componit. Licet autem diuisionem etiam omnia dicere. Attamen falsitas, aut veritas non solum consistit in hoc, Cleon est albus, sed in his etiam, Cleon erat, uel erit albus. Id uero quod singulos dictos conceptus componit, unumque facit, ipse est intellectus. Cum autem dupliciter indiuisibile dicatur, aut potentia, aut actu: nihil prohibet intellectum cum longitudinem intelligit, indiuisibile intelligere, et in indiuisibili tempore: est enim indiuisibilis actu. Et tempus, perinde atque longitudo diuisibile, ac indiuisibile est. Non igitur dici potest, quid in utroque temporis dimidio intelligebat, non est enim, si non diuiso fiat, nisi potentia. At cum utrumque seorsum intelligit, diuidit simul et tempus, atque tunc ut longitudes, illa intelligit. Quod si longitudinem ex utrisque constantem intelligat, in eo quoque tempore nimirum ipsam intelligit, quod ex utrisque pari modo temporibus constat, atque componitur. Quod

uerò non quantitate, sed forma est indiuisibile, id in indiuisibili tempore, & animæ indiuisibili intellectu percipit, atq; intelligit: per accidens autem, & non hoc sanè, quo illa diuisibilia sunt, id quod intelligit, & tempus in quo intelligit, sed hoc quo indiuisibilia sunt. Inest enim & in his indiuisibile quiddam, at fortasse non separabile, quod quidem unum tamen tempus ipsum, quàm ipsam longitudinem facit: atq; id in omni sanè continuo, & tempore, & longitudine similiter inest. Punctum autem, omnisq; diuisio, & id quod est sic indiuisibile, perinde atq; priuato cognoscitur, manifestumq; euadit: simile esse uidetur & in alijs ratio: hoc enim modo malum cognoscit, atq; etiam nigrum: contrario namq; quodam modo cognoscit. Id autem quod cognoscit, potentia nimirum esse, et in ipso potentiam inesse oportet. Quòd si causarum alicui nullum sit omnino contrariū, illa seipsam profectò cognoscit, & est actus, et etiā separabilis. Est autem dictio quidē, quippiam, de quopiā quemadmodū affirmatio: atq; omnis est uera, uel falsa. At intellectus non omnis, sed qui est ipse quid est ad formam accommodati, est uerus, & non quippiā de quopiā dicit. Sed ut uisio proprii ipsius est uera, si uerò album hominem esse dicat, aut non, non semper uera, sic sese habent ea, quæ sine materia sunt.

Quod in sensu uoluptas & dolor est, hoc in intellectu esse bonum & malum. Item quo modo & quando tam sensus quàm intellectus persequatur aliquid aut fugiat.

CAP. VII.

Hic Arist. de sensus, & intelligētiæ conueniētiis determinat.

**S**cientia autem ea quæ est actus, est idem quod res: ea uerò quæ est potentia, in uno, prior est tempore: simpliciter autem, neque tempore, sunt enim uniuersa quæ fiunt, ex eo quod actu est. Sensibile autem, ad actum ex potentia sensitiuum ipsum deducere, actūq; uidetur efficere: non enim patitur,



patitur, ac alteratur. Quapropter alia quædam est hæc species motus, nam motus, actus est imperfecti: ac tactus simpliciter: qui quidem est rei perfectæ alius est omnino, diuersusq; ab illo. Sentire igitur, ipsi dicere solum, ac intelligere simile est. Cum autem sensus iucundum, aut molestū discernit, quasi affirmauerit, aut negauerit, tum persequitur, aut fugit. Atq; delectari, aut dolere, est operari ipsa medietate sensus ad bonum, aut malum, ut talia sunt, et fuga: et appetitus qui est actu, hoc sunt: et nō aliud est appetituum, aliud fugitiuum, nec alia sunt ista à sensitiuo: quanquam ipsorum ratio non est eadem, sed diuersa. Animæ autem, quæ principium est ratiocinandi, ipsa phantasmata perinde atq; sensibilia sensui ipsi, subiiciuntur: atq; cum bonum, aut malum esse dicit affirmando aut negando, tum fugit aut persequitur. Quapropter ipsa anima sine phantasmate nunquam intelligit. Fit autem et hic perinde ut ibi: nam aer quidem pupillam talem efficit, ipse autem aliud: et auditus simili modo: ipsum uerò ultimum unum quidem est, et medietas una: at ipsius plures sunt rationes. Quo uerò diiudicat, atq; discernit calidum à dulci differre, dictum et prius est, et nunc etiam est dicendum: est enim, unum quid ipsum, et ita unum ut terminus. Atque hæc ipsa unum sunt, aut similitudine rationis, aut numero quem habent ad utrunq; ut illa inter sese habent. Quid enim interest, si quonā pacto discernit aut ea, quæ sub eodē genere collocantur, aut contraria, dubitemus, ut album ac nigrum? Sit igitur ut est A, quod est album, ad B, quod est nigrum. sic C ad D: quare mutato ordine comparationem etiam eorundem uerè facere licet. Si igitur C D sint unum, ipsa profectō sese habebunt perinde atq; A B, ut sint idem, et unum nō eandem autem habeant rationem, et illa simili modo. Eadem erit omnino

S S ratio,

Nigrum	Album
B	A
D	C
Amarum	Dulce

ratio, & si A quidem sit dulce, B uero albū. Intellectuum igitur ipsas formas in phantasmatibus ipsas intelligit. Et ut in illis ipsi definitum est, id quod sciendum est uel sequendum: sic & sine sensu cum in phantasmatibus est mouetur: sentiens enim signum facit datum ignem esse, uidensq; ipsum communi sensu agitari motu, cognoscit hostem accedere: at nonnunquam hisce quæ sunt in anima, phantasmatibus, aut mentis conceptibus, quasi uidens, ad ea quæ sunt præsentia ratiocinatur, atque deliberat de futuris. Et cum dixerit hic, aut ibi rem eam esse, quæ uoluptatem, aut dolorem affert, tum fugit, aut persequitur, & omnino aliquid agit. ipsum etiam uerum, ac falsum, quæ sine actione sunt, in eodem genere sunt, in quo sunt bonum, ac malum: sed absolute differunt, atq; cuiuspiam ratione. At uero res eas, quæ uocantur ob abstractionem abstractæ, hoc pacto intelligit: nam ut si quispiam finitatem, nō ut est finitas, quo quidem pacto percipi separata non potest, sed ut concauitas est, intelligeret actu, sine ea tum ipsam intelligeret carne, in qua concauitas est: sic cum res intelligit mathematicas, tum separatas ipsas, ut separatas intelligit. Omnino autem is intellectus, qui actu intelligit, res ipse est, uti diximus. Si uero fieri possit, ut aliquam, ipse non separatus à magnitudine, separatarum rerum intelligat necne, cōsiderandum est postea.

Anima quodammodo omnia est.

CAP. VIII.

**N**unc autem ea, quæ de anima dicta sunt, quasi ad quædam capita redigentes, rursus dicamus animam ipsam ea uniuersa quodam modo esse, quæ sunt: nam ea quæ sunt, aut intelligibilia sunt, aut sensibilia. Atque scientia quidem est res eæ quodammodo, quæ sub ipsam scientiam cadunt: sensus autem, ipsæ sensibiles: uerum quo pacto id ita est, queratur oportet. Scinditur igitur in ipsas res, scientia,

atque

atq; sensus : is quidem, qui est potentia, in res potentia tales: is uerò, qui est actu in actu similiter tales: & scientia pari modo. Sensituum autem animæ, & id quod scientiis affici potest, hæc potentia sunt. hoc quidē, id quod sub scientiā cadit : illud uerò, sensibile. Atqui necesse est aut res ipsas, aut formas in anima esse: at non sunt in ea, res ipsæ profectò : non enim ipse lapis in anima, sed forma lapidis inest. Quare anima, est ut manus, manus enim instrumentorum est instrumentum : & intellectus, formarum est forma: & sensus, uidem sensibilem forma. Cum autem nulla res sit præter magnitudines separata, ut uidentur res ipsæ sensibiles, in ipsis profectò sensibilibus formis, ipsæ sunt intelligibiles formæ, tum earum rerum, quæ abstractæ uocantur, tum eorum etiam sensibilem quæ sunt habitus, atque affectus. Idcirco & qui non sentit, nihil discere, uel intelligere potest. Et qui contemplatur, necesse est unā cum phantasmate contemplatur: ipsa namque phantasmata, uelut sensibilia sunt, attamen sine materia. Est autem aliud phantasia ab affirmatione, negatione uel: uerum enim, uel falsum, complexio est conceptuum intellectus. At mentis primi conceptus, quo quæso differrent, ut non phantasmata sint? An neque ceteri sunt phantasmata, non tamen sine phantasmatibus sunt.

De anima motrice secus locum.

CAP. IX.

**C**um autem animalium anima hisce duobus sit definita, discernendi, inquam, potentia, quod quidem est opus, officiumq; mentis, atq; etiam sensus, & insuper etiam mouendi motu ad locum accommodato potentia, de sensu quidem, & intellectu hæc sint determinata, ac pertractata.

Deinceps autem de eo, quod mouet, quidnam sit ipsius animæ, consideremus oportet, utrum una quædam ipsius, sit

Hic Aris. declarat ipsius animæ mouendi uis quæ sit.



sit pars separabilis magnitudine, uel ratione, an ipsa anima  
 tota: & si pars sit aliqua, utrum sit alia quedam propria  
 præter eas, quæ dici solent, & eas quas diximus, an istarum  
 aliqua una? Atq; hic existit continuò dubitatio, dubitabitq;  
 non iniuria quispiam, quomodo partes animæ, & quot, o-  
 porteat dicere: nam infinitæ quodammodo, & non ex so-  
 lùm esse uidentur, quas diuidendo quidam dixerunt, ratio-  
 nis, inquam, particeps, & irascēdi, ac cupiendi principiū,  
 uelut alij rationis particeps & rationis experts. Per diffe-  
 rentias enim, quibus hæc diuidunt, & separant partes, &  
 aliæ partes esse uidentur, quæ maiorem inter sese quàm di-  
 ste distantiam habent. Vegetatiua, inquam, quæ quidem &  
 plantis, & uniuerfis animalibus inest. Et sensitiua, quam  
 nec ut rationis expertem, nec ut eiusdem participem quis  
 quam facîle ponet. Præterea imaginatiua, quæ ratione qui-  
 dem ab omnibus est diuersa, cui uerò sit iungenda, ut sit idē  
 quod illa, aut aqua seiungenda, ut sit alia ab illa, magnam  
 dubitationem habet profectò, si quis seiunctas animæ par-  
 tes, separatasq; ponat. Insuper appetitiua, quæ & ratione,  
 & ui, alia diuersaq; sine dubio ab uniuerfis esse uidetur.  
 Absurdum autem est, hanc à ceteris diuellere partibus: sit  
 enim & in particepe rationis, uoluntas: & in ratione ua-  
 cante, cupiditas, atque ira. Quòd si tres in partes diuiditur  
 anima, in unaquaq; profectò partium inerit appetitus. Sed  
 ut redeamus unde digressi sumus, quid est id quod mouet  
 ipsum animal loco, quo de nunc disputatio nostra est insti-  
 tuta? motu nanque eo, quo incrementa, decrementaq; susci-  
 piuntur, qui quidem omnibus animantibus inest, id moue-  
 re sanè uidetur, quod uniuerfis inest eisdem, principium,  
 inquam, generandi, ac nutriendi. De respiratione autē, ex-  
 piratione uel, & somno, atq; uigilia, posterius considerare  
 oportet:

oportet: nam & hæc ipsa, magnam dubitationem, difficultatemq; habent. Nunc est de motu ad locum accommodato considerandum, quidnam id tandem sit, quod ipsum animal motu mouet progrediendi. Patet itaq; non esse ipsam potentiam nutriendi: nam alicuius gratia semper hic motus efficitur, estq; cum imaginatione, uel appetitu: nihil enim non appetens, aut fugiens, hoc motu cietur, nisi forsitan ui. Præterea plantæ quoq; tali cicerentur profectò motu, partemq; aliquam ad hunc motum ut instrumentum haberent. Pari modo nec ipsam sentiendi uim, motus huiusce principium esse constat: sunt enim animalium multa, quæ sensum quidem habent, manent tamen, & semper immobilia sunt. Quod si natura nihil facit frustra, neq; necessariorum quicquam omittit, nisi in animalibus membris captis, ac imperfectis, atque animalium hæc & perfecta sunt, & non membris capta, cuius id indicium est, & generant enim, & statum, decrementaq; suscipiunt, haberent & eas ipsa profectò partes, quæ progrediendi sunt instrumenta. At uerò neque ratiocinandi uis, & id quod intellectus appellatur, principium est mouendi. Intellectus enim contemplatiuus, nihil eorum quæ sub actionem cadunt contemplatur, neq; dicit quicquam omnino si sit fugiendum, an persequendum: at motus, semper aut fugientis, aut persequentis quippiam est. Actiuus etiam cum rem aliquam huiusmodi contemplatur, minimè iam fugere, aut persequi iubet: tamen si res illa terribilis sit, cor ipsum mouetur: sin efficiēs uoluptate, pars aliqua alia corporis agitur. Præterea intellectus nonnunquam iubet, ratio quæ fugere aliquid, aut persequi dicit, at non obtemperat homo, neque mouetur, sed agit cupiditate, ut in ipso fieri solet incontinente. Omnino autem persepe fieri uidemus, ut non medeatur hisce, qui medici-

nam

nam habet, nec is conficiat statuam, qui statuariam habet artem: propterea quod non ars ipsa, neque scientia, sed aliquid aliud hanc habet uim, et potentiam, ut per ipsam artem aliquid, scientiamque agatur. At uero nec appetitus auctor, atque princeps huius est motionis: continentes enim quamquam appetunt, atque cupiunt, non tamen agunt ea, quae cupiunt, sed intellectum ipsum sequuntur, rationique obtemperant.

Intellectum actiuum, et appetituum iunctim causam esse motus animalium.

CAP. X.

**V**identur igitur duo haec esse mouentia, uel appetitus uel intellectus, si quis imaginationem ut quamdam intellectionem esse ponat. Nam et homines magis imaginationem, quam scientiam plerumque sequuntur: et in ceteris animalibus non intellectio, neque ratio, sed imaginatio inest. Haec igitur ambo, intellectus, et appetitus, mouendi motu dicto, principia sunt. Intellectus is, inquam, qui alicuius gratia ratiocinatur, quique principium est agendi, atque hic sine ab intellectu contemplatio differt. Appetitus etiam omnis alicuius est gratia: cuius enim est appetitio, id est principium intellectus actiui: at ipsum ultimum, principium est actionis. Quare non sine ratione principia mouendi uidentur haec esse duo, appetitus, inquam, et mens ea, quae principium est agendi: ipsum enim appetibile mouet: et propterea mens mouet, quod appetibile ipsius principium est. Imago quoque cum mouet, non absque appetitione mouet. Vnum igitur est id, quod mouet, ipsum, inquam, appetituum: nam si duo intellectus, atque appetitus mouerent, per aliquam communem utique formam mouerent: nunc autem intellectus quidem non uidetur absque appetitu mouere: uoluntas enim appetitus est quidam. Atque cum sit motus per rationem, et etiam per uoluptatem fit. Appetitus autem absque



absque ratione mouet: cupiditas enim & ipsa quidam est appetitus. Intellectus igitur rectus est omnis: at appetitus, atq; imaginatio, & recta est, & non recta. Quocirca semper quidem ipsum appetibile mouet: hoc autem est aut uerè bonum, aut apparens bonum: attamen non omne bonum mouet, sed id quod sub actionem cadit. Sub actionem autem cadit, quod aliter sese habere etiam potest. Patet igitur taxilem animæ uim, atq; potentiam, principium esse mouendi, quæ quidem est ea, quam appetitum cōsueuimus appellare. Constat etiam eos oportere, qui partes animæ diuidunt, si modò potentias ipsas diuidant, atque separent, complures ipsas esse concedere, nutriendi principium, sentiendi, intelligendi, deliberandi, & appetendi: hæc enim plus inter sese differunt, quàm potentia cupiendi, ac irascendi. Cùm autem appetitiones inter sese contrariæ fiant, quod quidem tum fit, cùm ratio, cupiditasq; contrariæ sunt, idq; fieri solet in hisce, quæ sentiunt, atque percipiunt tempus (mens enim ob futurum retrahere iubet, cupiditas uerò præsens ipsum persequitur: nam quod iam afficit uoluptate, id & simpliciter afficere uoluptate, & absolute bonum esse uidetur, ex eo sane quia futurum non perspicitur.) Specie quidem unū id est perfectò quod mouet, appetituum, inquam, ut appetituum est, atq; appetibile omnium est mouetium primum (hoc enim mouet, & non mouetur, mente, aut imaginatione perceptum) numero uerò plura sunt ea, quæ mouent. At uerò cùm tria sint in animalium motu, unum id quod mouet, secundum id quo mouet, & tertium id quod mouetur: atq; id quod mouet sit duplex: nam aliud est immobile, aliud mouet, atq; mouetur: immobile quidem id bonum est quod sub actionem cadit, id uerò quod mouet, atq; mouetur est ipsum principium appetendi (mouetur enim id quod appetit,

appetit, ea ratione qua appetit, & appetitio est motus quidam, uel operatio) id autem quod mouetur, est animal ipsum, at quo mouet appetitus ut instrumento, id iam corpori tribuendum est. Quocirca de ipso tunc est contemplandum, cum de communibus animæ, corporis uel operibus, atque officiis contemplabimur. Nunc ut in summa dicamus, id quod mouet ut instrumentum, ibi est collocandum, ubi idem principij rationem, finis uel subit, ut in caradine sit: hic enim connexum, & concauum est, quorum alterum finis, alterum principium est. Quapropter alterum quiescit, alterum mouetur. Sunt ratione quidem diuersa, magnitudine uero non separantur: uniuersa nanque pulsus, tractuq; mouentur. Idcirco oportet perinde atque in circulo, aliquid manere, & hunc incipere motum. Omnino igitur, uti diximus, hoc sui ipsius motuum est animal, quo est appetitiuum. At appetitiuum sine imaginatione non est: omnis autem imaginatio, aut rationis est particeps, aut est sensitiua: atque huius & bellæ participes sunt.

De motu animalium quæ imperfecta sunt. CAP. XI.

Hic Arist. de  
insectorum  
motu deter-  
minat.

**A**T enim considerandum est etiam quidnam sit, id quod imperfecta animalia motu ciet, quibus sensus inest tantummodo tactus: atq; inuestigandum est, si his etiam inest imaginatio, cupiditas uel necne: etenim dolor atque uoluptas his inesse uidetur: quod si hæc insunt, & cupiditatem necesse est eisdem inesse. At quonam pacto his imaginatio inest? An asserendum est ut uidetur, hæc & in his inesse, imaginationem, inquam, atque cupiditatem: uerum ut indeterminate mouentur, sic & hæc ipsis sunt indefinitæ. Imaginatione igitur sensitiua, ratione etiam expertibus uti diximus, animalibus inest. At deliberatiua his inest tantum, in quibus ratio inest: nam utrum hoc agat, an hoc rationis

iam

iam opus, atq; officiū est: atq; necesse est uno quodam meatiri, maius enim persequitur. Quare potest unum ex pluribus phantasmatibus facere. Et hæc est causa sanē cur non omnis imaginatio uidetur opinionē habere, quia eam, quæ ex ratiocinatione, non habet: at hæc illam nimirum habet. Quapropter deliberatiuum appetitus non habet. Vincit autem interdum appetitus, mouetq; uolūtatem: interdum hæc illum, appetitus, inquam, appetitum, ut sphaera, cum incontinētia sit: atq; semper superior magis est princeps, mouetq; natura. Quo fit ut tres iam motus efficiātur. Ea uerò ratio, cui scientiæ tribuūtur, non mouet, sed manet. Cum autem existimationum, ac rationum alia sit uniuersalis, alia singularis (illa nanq; dicit, omne bonum honoribus esse efficiendum, hæc uerò dicit, me bonum esse) hæc iam opinio mouet, non illa uniuersalis, quin potius ambæ mouent: at illa, quiescens magis: hæc autem, non quiescens.

Qui sensus animalibus sint necessarij, & quamobrem.

## CAPVT XII.

**N**Ecesse est igitur omne quod uiuit, animamq; habet, nutriēdi uim habere ab ortu, generationēue usq; ad interitum, corruptionem uē suam: necesse est enim omne quod est ortum, accretionē, & statum, & decretionē habere, quæ quidem, ut patet, sine nutritione fieri nequeūt. Necesse est igitur, uniuersis his quæ accrescūt, atq; decreascent, inesse potentiā nutriendi. At non in omnibus uiuentibus necesse est sensum esse: etenim neq; ea possunt tactū habere, quorum corpus est simplex, quæq; non sine materia formarū sunt susceptiua: neq; fieri potest, ut sine hoc sensu animalium quicquam in rerum sit ratione. Animal autē necesse est sensum habere, si nihil facit frustra natura: nam uniuersa quæ natura conficiuntur, gratia sunt ali-

Hic declarat Arist. qui sensum suum animalibus sint necessarij.

T cuius,



cuius, aut sunt casus eorū, quæ alicuius causa sunt. Si igitur corpus quod habet uim gradiēdi, non haberet sensum, corrumpetur sanē: & non ad suum proficisceretur perueniretq; finem, quem quidem opus esse naturæ constat. Quo namq; pacto nutrietur? Immobiles enim adeest nutrimentū eo in loco, ubi sunt orta, quo nutriri possunt suapte natura. Fieri autem nequit, ut corporum quicquam mobile, atq; ortum, animā quidem habeat, discernentemq; mentem, sensu autē uacet. Cur enim non habebit? aut enim animæ, aut corpori id ipsum melius erit. At neutri uidetur melius esse: illa namq; ob hoc non intelliget magis, illud autem nō ob ipsum magis persistet. Nullum igitur, uti diximus, non immobile corpus, habet animam absque sensu. Atqui si sensum habet, necesse est ipsum uel simplex corpus, uel mistum esse. Sed fieri non potest, ut sit simplex: non enim habebit tactū. At hunc sensum inesse necesse est: quod quidem ex hisce perspicuū euadere potest. Nam cum animal omne corpus sit animatum, corpusq; omne tangibile sit, tangibile autē sit id, quod est sensibile tactu, necesse est & animalis corpus uim habeat sentiendi tangendo, si debeat ipsum animal conseruari. Cateri namq; sensus per alia quedam externa sentiunt, odoratus, inquam, uisus, ac auditus: tangens autem, nisi sensum habeat, non poterit alia quidem fugere, alia autem capere. Quod si ita sit, fieri nō potest ut ipsum animal seruetur. Quapropter et ipse gustus, quasi tactus est quidam: est enim alimenti sensus: at alimentū, corpus est quod tactu percipitur. Sonus autem, & color, & odor, non nutriunt, nec accretionem, decretionem ue faciunt. Quare necesse est ipsum gustum, tactum quendā esse, quia rei tangibilis, ac nutritiue est sensus. Hi igitur sensus necessarij sunt animali: atq; perspicuum est fieri

fieri non posse, ut sit animal absq; tactu. At cæteri sensus, boni sunt gratia, & definito iam generi, non cuius animalium sine ullo discrimine, sed cuidam ut gradiendi, necesse est insint: nam si conseruari debeat, nō solum tangendo, sed eminus etiam sentire ipsum oportet. Quod quidem erit, si per externum sentire medium possit, hoc pacto ut à sensibili quidem medium, ab hoc autem ipsum patiatur, ac moueatur. Nam ut in motu ad locum accommodato fieri solet: cū per multa efficitur (primum nanque mouens pellit sensum, pellendoq; facit ut illud pellat id, quod deinceps post illud est collocatum: sitq; hoc pacto motus per medium: atq; primū quidem pellit, & non pellitur: ultimum autem pellitur, & non pellit: medium uerò pellitur, atq; pellit: & interdum plura sunt media, interdū pauciora) sic & in alteratione fieri solet, hoc excepto duntaxat, id inquam quod alterat, eodem in loco manere: ueluti si quispiam in ceram tinxerit, usque ad id mota est, usque quo tinxit: lapis autem non mouetur: at aqua ad distantiam longam, aer autem ad longiorem mouetur, atque agit & patitur, si moueat, sitq; unus, & nō diuisus. Quapropter & de reflexione melius est aërem à figura, coloreq; pati, quousque sit unus (est autem unus in ipso leui) quam egredientem uisionē frangi, atque reflecti censere. Quocirca rursus hic mouet uisum, perinde atq; si signum, quod in ceram imprimitur, transmitteretur usq; ad finem.

Nullum animal ortus occasusq; particeps ex vno elemento constitui posse, & alia quædam. CAP. XIII.

**A**Tqui perspicuum est, fieri non posse ut corpus animalis sit simplex: igneum, inquam, aut aqueum, aut aëreum. Nam nullus alius sensus absque tactu haberi potest: corpus enim animalis omnis, ut dictum est, uim habet

Hic ostendit Ari. animalis corpus simplex esse non posse.

sentiendi tangendo: cætera autē elementa, præter terram,  
 instrumenta sensus fieri possunt. Atq; omne tale, per aliud  
 sentiendo sensum nimirum efficit, & per media: at tactus,  
 in tangendo sensibilia sua, consistit. Quapropter & hoc  
 nomine nuncupatur. Atq; tametsi cætera quoq; sensuum  
 instrumenta tactu sentiunt, tamen per aliud medium sen-  
 tiunt: at ipse tactus, per seipsum solum sentire uidetur. Qui-  
 bus efficitur, ut nullum talium elementorum, corpus sit  
 animalis. At uerò neq; terreū esse potest: tactus enim ue-  
 luti mediocritas est omnium tangibilem, & instrumentū  
 ipsius, non modò terre differentiarum est susceptuum: sed  
 etiam calidi, frigidiq; cæterorumq; omnium tangibilem.  
 Et ideo neq; ossibus, neq; pilis, neque talibus partibus ullis  
 omnino sentimus, quia terrea sunt. Hinc & plātæ omnium  
 sensu sunt, ut patet, expertes, quia & ipse terreæ sunt.  
 At absq; tactu fieri non potest, ut alius quisquā sit sensus:  
 huius autem instrumentum sensus, neq; terreæ est: neq; cæ-  
 terorum ullius elementorum. Hec cum ita sint, patet ani-  
 malia necessario mori: cum hoc solo sensu tactus priuatur:  
 neq; enim fieri potest, ut hunc sensum non animal habeat,  
 neq; si animal est, alium sensum præter hunc habere ne-  
 cesse est. Et propterea fit, ut cætera quidē sensibilia non  
 corrumpant suis exuperationibus animal, color, inquam,  
 sonus, & odor, sed ipsa tantum sensuum instrumenta, nisi  
 per accidens: ut si simul cum sono, pulso, ictusq; fiat, & si  
 a rebus, quæ uidentur, atq; ab olentibus, alia moueantur,  
 quæ tactu corrumpunt: sapor etiam hoc sanè corrumpit,  
 quo simul accidit ipsum tangibile esse. Exuperationes au-  
 tem tangibilem, ut calidorum, frigidorum, & huiusmodi,  
 ipsum interficiunt, atq; interimunt animal. Exuperatio  
 enim sensibilis cuiusuis sensus destruit instrumentum, atq;  
 deuastat.



deuastat. Quare & tangibile exuperans ipsum destruit tactum. At hoc sensu, definitum est animal: sine namq; tactu fieri non posse ut sit anima, demonstrauimus. Quamobrem exuperationes eorum, quæ tactu percipiuntur, non solum instrumentū ipsius sensus, uerū etiam animal ipsum interimunt, atque corrumpunt: quia necesse est animal, hunc solum habere. Ceteros autē sensus animal habet, non ut sit, sed ut bene sit, ut antea diximus. Visum enim habet ut uideat, quoniā & in aëre & in aqua, & omnino in perspicuo degit. Gustum autem, ob id quod uoluptate afficit, aut dolore, ut in alimēto ea sentiat, & cupiat, ac moueatur. Et auditum, ut aliquid significetur. Linguam præterea, ut ipsum, aliquid alij per ipsam significet.

LIBRORVM TRIVM ARISTOTELIS  
DE ANIMA FINIS.

## ARGVMENTVM

LIBRORVM, QUAE PARUA  
VOCANT NATVRALIA, PER

Nicolaum Leonicum.



Vtoris intentio hoc in opère, quæ sanè cognita ad alacritatem præcipuè, discentiumq; studium nonnihil certè facit, huiusmodi esse videtur, explere scilicet, & consummare de sensibus, & sensilibus indicatam in libris de anima institutionem. Cum enim in illis Philosophus de omni communiter pertractasset anima, seorsumq; etiā de singulis illius potestatibus, & viribus, quas vocant potētias, inter quas sanè sensitiua connumeratur facultas: de hac ipsa, & de vnoquoq; sensu subtilissimè in illis cōscripsit libris. Cum autē sine sensiterij opera, id est, sine sensus instrumento, in sentiēdi actum exire nequeat anima: (ad sensitiuas namq; operationes illam corpore indigere palam est) de sensiterijs etiā ipsis Philoso-

T 3 pho

pho pertractare necesse erat: quod in hoc nimirū facit libello, in quo certē de sensibilibus etiā proprijs singulorū sensuū nos planē docet. & quidnam quippiā sui existens natura sensibile est. Aliud autem est ipsius sensibilis esse, & aliud sensibile esse. De sensibilibus enim, vt sensibilia sunt, in libris de anima abundē nos ipse docuit: in hoc autem nos instruit libro de sensibilibus secūdū illorū proprias, peculiaresq; naturas. Ad summā igitur ipsius hoc in libello est intentio, perfectā, consummatāq; nobis tradere disciplinā de ijs, quæ ad sensus pertinentia, & in libris de anima prælibata potius, quā explicata, exactiorem certē requirebant doctrinæ modū, quē ad hunc (vt viderur) libellū reseruauit: de singulorū, in quā, sensiterijs sensuum, & de sensibilibus, vt talia existere animaduertuntur. Ex quibus sanē cuius palām esse potest, quæ nā, & quanta libelli huius sit utilitas, quod secūdū dicendorū fuerat caput. Per hunc enim libellū scientia de anima, quæ, cum nobilissima sine cōtrouerfia existit, tum ab omnibus præcipuē expectanda iure censetur, finē capit idoneū: namq; illa, quæ in libris de anima fuere prætermissa: tanquam huic seruata loco, hoc in libello exactē complētur, & diligenter, apteq; explicantur. A libris præterea de anima ad multijuges de animalibus Commentarios descēdentibus, in quibus vniuersa ferē Physiologiæ explicatur ratio, iam iam partialibus se applicans rebus, & medicæ artis prima tradēs rudimenta, hic profectō liber expeditum præstat ingressum: & hac rectē, cōpendiarieq; itur via, sine qua omnia certē inuia, & salebrosa posterioribus in Cominētarijs offendere cōtinget. Ordo autē lectionis, quod sanē tertio propositū fuit loco, vel ex ipsius processu facile dignosci potest: hæc enim lectio tres illos de anima aureos libellos statim cōsequi videtur. Quod si illi sextum inter naturalīū libros, vt quidā voluere Peripatetici, obtinēt locum, hic nimirū libellus septimū sibi iure, & meritō vēdicare poterit. Cum enim de anima ipse in superioribus pertractauerit libris, communi, in quā, doctrinæ modo, & veluti in quadā illius abstractione: in ijs, quæ hic aguntur, secūdum cōcretionē quādam, & illius ad corpus complicationē nos sanē docet, necnō secūdū operationes, actusq; illius communiter resultant. In libris autem de animalibus, qui hunc continenter sequuntur libellū, de animæ inuestigat operibus

Philosop

Philosophus, secundum eius applicationem ad singulas iam animalium, stirpiumque species. Doctrinæ igitur ordine ij merito præcedere videtur libri, qui animæ contemplantur essentiā, à qua nimirum actiones fluunt, & opera. Hos autē iure è vestigio subsequi censentur illi, qui cōmunes, generalesque operationes, cum animæ, tū corpori assignatas pertractare habent: quales Paruorum naturalium omnes sanè sunt Cōmentarij. Postremum verò obtinent locum ij libri, qui specialius peculiarique magis modo hæc animalium opera ad genera, speciesque descendentes perscrutari, & ostendere sunt aggressi: cuiusmodi reliqui de animalibus Cōmentarij merito esse censentur. Inscribitur autem de sensu, & sensibili hic libellus, vel quoniam (vt hoc loco inquit Aphrodisæus) sermo de sensiteriis, de quibus hic agitur, multum ad doctrinam confert, quæ de ipsis traditur sensibus; de quibus principalius considerat Philosophus: vel quoniam sub sensus vocabulo sensiterium etiā cōueniat intelligi. Cōsueuere namque Veteres (vt inquit ille) sensus nomine duo illa ostēdere, & significare. Quod autem verè Aristoteli hic adscribatur liber illiusque legitimū hoc sit opusculū, vel eloquutionis stylus, Philosopho sanè familiaris, cuius indicio esse potest, brevis, & plenus, semperque sibi instās, & singulis ferè verbis totidē colligens sententias. Sed Antiquorum etiam in hoc mirificus sanè est consensus omnium, qui sanè huiusmodi rē à superioribus veluti per manus traditā accipiētes, alijque inuicē ipsi tradentes, istuc indubitatē esse fidei voluerunt. Vltimū autem, quod præmissum est, caput, ad quam scilicet philosophiæ partē hic ordinetur liber, clarius profectō est, quàm vt exponi, monstrarique desideret. Certissimū enim est, libellū hunc ad naturalis philosophiæ negotiū pertinere, cū in ipso naturales animæ, corporisque contemplantur operationes, & de sensiterijs sensibilibusque ab vnoquoque sensui obiectis, per proprias, peculiareque cuiuscūque naturas exquisitissimè perscrutetur. Ex quo omnibus etiā clarere debet, librū hunc naturalis esse particulā Philosophiæ. Et de proloquijs quidē huic quidem cōmentariolo pertinētibus, vt cursim commemorata, isthæc impræsentia satis sufficere poterūt. Reliquū est, vt ad id, quod secundo proposueramus loco, nostra se cōuertat oratio, de sensu scilicet principijs, & de sensationū modo, sensiterijsque



etiā ipſis (quod polliciti fuimus) pertractare. Quo ſanè in lo-  
co candidos ego Lectores planè admonitos velim, ſi paulò  
obſcurior noſter hic dicendi, docendiq; modus videbitur, &  
in plerisq; , vt accidit, fortaſſe offeſſauerint, ne aut ſibi ipſis  
omnino diffidat, aut iſthæc etiam ſaltidioſe aſpernari velint.  
Nam Pythagoræorū, Platoniorūq; præclara mihi equidem  
recēſenda ſunt dogmata, quæ certè cum librorū iactura, tum  
præceptorū paucitate, ne inopia dicā, penè interiere: & res in  
mediū adducēdæ, quæ quoniam à philoſophandi more, quo  
noſtra nūc vtitur ætas, longè ſunt alienæ, eò ſanè obſcuriores,  
quò deſuetæ magis nimirum eſſe vidētur. Sed eæ ipſæ tamen  
iugi ſtudio, & peruigili retractatæ cura, fieri aliquando pote-  
runt illuſtiores, facilioresq;. Nihil enim adeò eſt operoſum,  
& obſcurū, quod non diligētia, ſtudioue quādoq; aperiatūr,  
& pateat, nitorisq; deſideratam accipiat gratiam. Bona igitur  
cum ſpe totā hanc rem aggrediamur. Verū vt cōſueſta phi-  
loſophantium progrediamur via, ſenſus prius definitionem  
variè à diuerſis traditam viris explicemus, vt illius perſpecta  
natura, facilior nobis ad reliqua poſteā ſit progreſſio. Qua  
certè in re (vt iſthuc etiā à nobis obiter ſit præmiſſum) omnes  
nimirū concorditer conſenſiſſe vidētur, ſenſum nō rei cuiuſ-  
piam ſolitaria, ſed animæ, corporisq; communem quandam  
operationē procul dubio exiſtere. Leucipp⁹ igitur, & Demo-  
critus, (vt ab antiquioribus initiū capiamus) ceteriq; poſtmo-  
dum ſectæ illius aſſertores, qui non tantū ſenſationes, ſed co-  
gitationes etiam, & intellectiones ex idolorū occurſu, offeſ-  
ſationeq; à rebus extrinſecus emanantiū, & in nos incurren-  
tium fieri voluerūt, ſenſum ſanè eſſe dixerūt compulſum, ſiue  
percufſionem occurrētium imaginū, quæ à ſenſilibus obie-  
ctis in ſenſiteria primū noſtra, moxq; ab illis in animæ ſen-  
ſitiuam vim inferūtur. Nihil enim illam poſſe percipere ſine  
horū incurſu, pulſationeq; idolorū, & imaginū, affirmabant.  
Ad quas etiā imagines illi, & Deorū notiones, & diuinādi pe-  
ritiā, necnō ſomniorū coniecturas, & omnē denique cogni-  
tionis noſtræ facultatē reuocātes, illorū externa, aduentitiāq;  
impulſione nimirū omnia in nobis fieri conſtanter aſſeuerā-  
uerunt. Quos ſequutus Epicurus Athenienſis, & ab illorū (vt  
ait Cicero) fontibus hortulos irrigās ſuos, eiufdē perhibetur  
fuiſſe ſententiæ. Verū iſthæc ab vniuerſa poſtmodum anti-  
quitate

quitate explosa fuerūt dogmata, pluribusq; in locis Philoso-  
 phus hanc nō immeritō taxat opinionē. Empedocles autem  
 Agrigētinus, & Heraclides Ponticus nonnunquā cum prio-  
 ribus illis de sensus quidem natura conuenisse videntur, aliās  
 verō proprio quodā, peculiariq; modo sensum esse propor-  
 tionem quandam pororū, id est meatuū corporis. ad sensiliū  
 species obiectorū autumant: cuius certē gratia diuersi in ani-  
 malibus sensationum resultare videntur modi. Proportione  
 nanq; illa aliter, & aliter variata, & cōmutata, alias nimirum  
 imagines ad alios quadrare dicunt sensus. Peripatetici autem  
 veteres, quos & Academicos esse rectē voluit Antiquitas, re-  
 bus sanē conuenientes, dissidentes vocabulis, Stoicorū prę-  
 terea vniuersa ratio, ceteriq; omnes, qui rectius sunt philo-  
 sophati, sensuū cōmunionē quandā animæ cū corpore circa  
 externas res esse dixerunt. Animam enim ipsam ad opus eius-  
 modi vires suggerere, corpus verō instrumenta præstare.  
 Vtrumq; autem per imaginationes, & phātasias res externas  
 comprehendere. Cū enim ipsum sentire, corpora quædam  
 sit percipere, & sensus præsentia animal ipsum cōstituere, &  
 efficere cēseatur, meritō profectō id animæ, dū degit cū cor-  
 pore, attribui, assignariq; debet opus. Nanq; sine corpore ani-  
 mam in Mūdo sanē intelligibili viuere, & nō in sensili isto vo-  
 luerūt. Plotinus autē inter Platonicos vir magni nominis in  
 quinto Enneadis quartæ Cōmētario, qui de Dubijs inscribi-  
 tur animæ, sensum esse dicit cōcordiā, siue cōpansionē quan-  
 dam (quam Græci *συνεσθαι* vocant) vitæ communis vndiq;  
 sparſę ad partes suas. Nanq; illius beneficio cuncta ligante, &  
 annectente, nō difficulter sanē à rebus distātib; & mouētur  
 sensus, & cōforme corpus à cōformi, similiq; patitur corpo-  
 re: vt in lyra exemplo facile est animaduertere, in qua certē  
 alia cōmota, pulsataq; chorda, nullo sanē cōtactu, alia statim  
 eadem harmoniæ temperata ratione mouetur, & resilit. Vult  
 igitur Plotinus, tantam esse compatiendi conformitatē inter  
 visum (verbi causa) & ipsum visile, vt nulla alia re indigētia,  
 dūmodo nequid intercedat, & impediat, ipsa præsentia satis  
 à se inuicē moueātur, & agāt. Et hæc certē sunt, quę de sensus  
 definitione, & natura ab Antiquis tradita, in mediū afferre, &  
 enarrare in præsentia habui. Vltimo restat loco, vt de princi-  
 pijs ipsius sensus, & de sensationū modo, sensiterijsq; ipsis bre-

uiter aliquid dicamus: quā certè de re, vt ferè de omnibus paulò grauioribus, varia varij dixisse, & sensisse videtur. Leucippus enim, & Democritus, & Empedocles, & quicūq; tam ad intellectiones, quàm ad sensum imaginibus vti voluerunt, sensuum principia, idola illa, & simulacra esse dixerūt, quæ à sensilibus effluètia rebus, formamq; & colores obiectorum conseruantia, in sensuū incurrerēt instrumēta: quæ sanè cūm idem postea animæ indicarēt, sensum in nobis proculdubio, sensationē sue fieri esset necesse. Plotinus autē, vt retrò dictum est, cūm sensationes in nobis effici dixerit, per vitæ cōmunis compassionē quandā, quæ sanè ab vnica Mūdi anima procedere dicitur, ad portiones, partesq; suas illam nimirū cōcordiam, & conspirationē sensuū originē, & initiū posuisse censetur. Cūm enim sentire (vt inquit) corpora sit percipere, & sensus animæ in corpore degentis esse cōfirmetur operatio: vis profectò ipsius animæ, & actus aliquando ad corpora se porrigit, & extendit, & per vegetalē sui potestatē manifestum conformat corpus, tenue quidē illud, & spiritale, quod ad externa quādoq; se porrigit: ad quod cū externorū postea motiones perueniant, ad ipsam sanè animā peruenisse videntur. Et in quarto etiā Enneadis libro idē ait Philosophus, animā, cūm corpori cōiuncta est, spiritali quadā vtī natura, ceu quodā medio instrumento, inter eam & externas res, proportionem habēte: ad quā naturā cūm qualitates, siue passiones extrinsecus accesserint, in spiritalē, puramq; & animæ cognatā nimirū conuerti, & euadere speciē, à qua excitā animā latētes postmodum in sese sensiliū suscitare species, & hoc certè id esse, quod vulgò sentire dicūt. Animalē igitur illū spiritū hoc in loco de Plotini sententia inter sensationum esse principia, sanè est cōfitendū: & quod species præterea à sensilibus emanantes obiectis in spiritū illum agere habeant, qui sanè inter animam, & illas mediū esse cēsetur. Quam certè spiritus affectionem cūm præsens percipiat anima, id ipsum sentire dicitur. Illud autem percipere de Plotini sententia, non est pati, sed potius agere, id est alio & alio modo tum patientē spiritum vegetare & fouere, & innatas (vt ait Iamblichus) sensiliū formas edere, & propalare. Verūm isthæc omnia melius, vt arbitror, in Academicorū, Peripateticorumq; placitis paulò pōst declarari, ostēdiq; cōtinget: quam ob rē in præsentia hæc



hæc missa faciamus, & ad vltiora procedamus. Post Plotinum Proclus Lycius, qui Successor cognominatur, ab illo haudquaquã dissentiens, sed alius quodãmodo caput exerēs, hunc de sensu origine, progressuq; & modo, necnon de sensiterijs ipsis, Platonis fuisse asserit sententiam: quam certè vt clariùs percipere, dignoscereq; possimus, prius, quàm ad illã explicandã accedamus, altius quædã non ab re duximus esse repetẽda, quę sunt huiusmodi. Animarũ gradus, siue ordines, Platonici quatuor esse voluerũt: & primam quidẽ inter alias ordinis retinere seriem Mundi animã asseruerunt, postquam sphærarũ animas tam cælestiũ, quàm earũ, quę sublimia sunt, singulos scilicet elementorum orbes regentes secundũ obtinere locũ voluerunt. Tertijs autẽ esse ordinis post illas astrorum animas affirmauerunt. eaq; insuper diuinorum genera animorũ, quę in totalitatibus, v dicunt ipsi, continẽtur astrorum, statosq; illorũ circuitus perpetuò sequi dicuntur. Quartum verò & postremũ locum singularibus nimirũ adscribere animis, circa quos in præsentia de sensuum negotio, omnis alijs generibus, verba sumus facturi. Appellauerunt autem ijdem viri (vt hoc etiã obiter dicatur) supremũ illum gradũ, id est, Mundi animam, vniuersalẽ: infimũ verò, id est, partiales animas, singularẽ: medios verò duos animarum gradus, vt ab vniuersali solũmodo, ad solum singularẽ, per media quædam rationalis esset descensus, mistos quodam modo, & vtrorũq; naturam sapientis esse voluerunt. Et sphærarum quidem animas, cum mundanę animę totalitate sua assimiliari magis, & appropinquare videantur, vniuersales partiales esse dixerunt. Astrorũ verò animas, demonũq; cæterorũ, & Heroũ, illis cognatas, & annexas, cum ad singulares vergant animas magis, partiales vniuersales denominauerunt. Has igitur singulares animarum naturas (vt vnde digressi fuimus, reuertamur) quas à Mundi anima quartum obtinere locum diximus, statis quibusdam temporũ curriculis sursum manere, & rursus, periodis annorũ decretis, corporum (vt aiunt) desiderio, siue fati necessitate, ad inferna delabi, & ad generationem descendere voluerũt. Quã profectò sententiã Academicus sine cõtrouersia Maro ijs carminibus luculẽter sanè, & elegãtissimè expressisse videtur, in sexto Aeneidos suę libro:

Donec longa dies perfecto temporis orbe,

Concret

Concretum exemit labem, purumque reliquit  
 Aethereum sensum, atque aurai simplicis ignem.  
 Has omneis, vbi mille rotam voluere per annos,  
 Letheum ad fluuium Deus euocat agmine magno,  
 Scilicet immemores, supera vt conuexa reuisant,  
 Rursus & incipiant in corpora velle reuerti.

Cur autem hoc singularibus accidat animis, & vtrum fatali quadam necessitatis lege, quam *ἀνάγκη* appellat: an libero mentis motu, connata ve appetitione, vt peculiari quodam modo soli moderetur, & regat. quod sibi munus ante descensum commune cum alijs certe erat animis, & quo præterea modo, aut quando id illis cōtingere dicatur, quæ sanè omnia plenè illi, subtilissimeq; explicant viri: maius profectò est negotiū, quàm vt proloquijs, quibus nunc insistimus, iure committi debeat. Quam ob rem, ijs omisissis quæstionibus, de partialibus prosequamur animis ea, quæ viri illi ad propositum maxime spectantia negotium memoriæ prodidere. Aiunt enim, eos, dum sursum degūt, intellectu quidem esse plenissimos, & solum circa intelligibilia entia assiduam nauare operam, nihil mortali, & caduca indigentes vita, sed puris, & materia seiugatis ætherijsq; (vt inquit Maro) sensus vtentes organis, astrorumq; animos periodicis similibus consecretantes, cum illis sanè vniuersum regere, & temperare Mundū. Cū autem qualicunq; de causa ad inferna deuoluuntur, & ad generationis locum descendere studēt: corpora tangentes materiæ foeditati obnoxia, quæ sanè fluxus, refluxus ve naturam, reciprocātium more sortita sunt, mortale certe illos habere necessariò secum annexā vitam asserunt, quæ à secundis Dijs meritò illis tradi applicariq; censetur. In qua sanè vita sensum, qui eousq; vnicus in illis fuerat, & communis, ab omniq; passionis natura semotus, per varia illico sensiteria distrahi, & ab externis nimirū affici, & pati sensilibus autumant. Quo autem hoc fiat modo, cuius ve gratia id illis accidere dicatur, hinc clarius percipi, dignosciqu; potest. Animam Platonici vt mundana esse dicatur, id est, vt vniuersi pars sit, & Mundi, vt aiunt, ciuis, sensibilis, inquam, huiusce, in quo animalia degunt omnia, necessariò sibi annexū semper quoddam habere corpus, nō ab re voluerūt. Nanq; omni prorsus corpore carens anima, & illius penitus cōtubernio vacans, in Mundo, vt dictum

tum est, intelligibili viuere censetur. Quam ob rem Philo-  
 sophus Aristoteles hanc indissolubile, vt arbitror, illorū co-  
 gnationem volens innuere, in Commētarijs De anima rectē  
 dixisse inquit illos qui animā neq; esse corpus, neq; sine cor-  
 pore esse affirmarunt. Habet igitur, vt dīctat ratio, sibi sem-  
 per annexā corporis cuiusdā naturā anima, quod sanē illius  
 vehiculum Academici appellare consueuerūt, à quo Mundi  
 sanē, vt diximus, ciuis, & in mundana collocari vniuersitate  
 existimatur anima. Mundanū etenim omne ordinem habere  
 quēdam, & aliquā vniuersi ipsius meritō explere debet partē.  
 Est autem vehiculū hoc, vt perspicacissimus sentire videtur  
 Iamblichus, æthereum quoddam corpus æternū, & immor-  
 tale, animæ semper annexum, in quod ab ipsa primum anima  
 rationalem emanare vitam existimāt. Diuinum enim ætheris  
 corpus suapte natura fecundissimum est, vt inquit ille, ad  
 animarum cōparanda, conformādāq; vehicula: & neq; in di-  
 uinis vsquā absumitur corporibus, neq; confundi, dissipariq;  
 potest, sed spiritales illis affatim pręparat, suggeritq; vitas.  
 In spiritali igitur huius vehiculi vita, quæ ab ipsa, vt diximus,  
 anima, tanquā lumen à splendido, luminosoq; procedit cor-  
 pore, principium, & originē sensus, & illius instrumentorum  
 esse voluerunt. Et is nimirū æthereus sensus est, & auræ sim-  
 plicis ignis, de quibus locutus est Maro. Animal enim diuinū  
 cum æthereo illo vehiculo, quod simplicē appellat ignē, tunc  
 esse censetur anima, cum Mundi incolā illius existat causa, id  
 est vniuersi pars, sensumq; habeat, à quo animalis planē insi-  
 gniri natura censetur. Est autem corpus illud æternū, & im-  
 mortale, vtpote quod ipsi animæ à Mūdi opifice causa sit at-  
 tributū. Nihil enim mortī est obnoxīū, quod Mundi cōcesse-  
 rit opifex, cū is secundos appellatos, & à se progenitos Deos  
 mortalium, caducarūq; rerum fabros esse iusserit. Cum hoc  
 igitur (vt dīctū est) æthereo vehiculo animā in superiori sanē  
 Mundo intelligibilibus solū vacare rebus Platonici volue-  
 runt, astrorumq; circuitus certis consecrari periodicis, & vni-  
 uersi demū gubernationē, curamq; cum eisdem diuinis mo-  
 derari, & habere animis. Cæterū cum illā deorsum ferri, &  
 ad generationem, vt diximus, delabi, & ruere sit necesse, aliud  
 etiam sibi aptare vehiculū, quod ex simplicibus cōstans ele-  
 mentis secundi efficiunt dij, summa est necessitas. Quo enim  
 modo



modo à spiritali, & prorsus immateriali, diuinoq; corpore in hoc crassum, & corruptibile descendere iure posset anima, nisi aliquo intercedente medio, quod vtrorunq; nimirum naturam sapiens, vtraq; ille ritè coniungeret, & copularet? Aut quomodo à vita illa, quæ vniuersum regit, temperatq; Mundū ad vitam partialis huius corpusculi gubernatricē sine medijs cuiusdam, interuentu verisimilis est transitus, & accessus? Vniuersam etenim Mundi machinā Platonici medijs, proportionibusue quibusdā cōsentire sibi, & correspondere non immerito voluerunt, solidamq; omnes per gradus, & nusquā hiulcā, & interpollatam asseuerauerunt. Vt igitur id prius vehiculum ex æthereo corpore, vt Mundi ciuis esset, anima ab omnium sanè accepit opifice, æternū quidem illud, & incorruptibile, vt diximus, totū limpidū, totū perspicuū, & illustre, ita ad generationem itura, & iamā ad inferna ruens, alterū capit vehiculū, quod illi ex elementorū, vt dicunt, sphaeris secundi applicant Dijs, sed neq; eternū, vt prius illud, neq; adeo illustre, & perspicuum, neq; illi sempiterno annexū, verū mortale, & separabile: in quo irrationalis nimirum collocatur vita, mortalis & ipsa cū partibilis quodammodo sit, & extensa. Quam vehiculi naturā aliquando deponere, & exuere ipsa censetur anima, tardius aut ciuius periodis quibusdā, vt à Philosophia, disciplinisue, alijsq; plerisq; mylticis expiationū, lustrationūq; modis fuerit expurgata. Et hoc sanè secundū dicitur animal, in cuius irrationali, partibiliq; vita sensus quidam communis est, & vnus, sed non exacta adeo illa est vnitas, vt in priori dictum est animali, verū extensa quodāmodo, & partibilis, vehiculiq; illius nō nihil referens. Cæterū secundum hoc vehiculum, quod non esse animæ perpetuū, sed diuturnū retrō diximus, post singularis animalis interitū cū irrationali eius vita aliquādiu restare Platonici voluerūt: cū illoq; animam inferiorum celebrata pati supplicia, & veterum pœnas expendere malorū dixerunt: vitarumq; varias etiam species cū illo eligere, & transnittere affirmarunt. Verū cū eiusmodi postea vehiculo anima in crassum hunc, materialēq; corporis decidens carcerem, tertiu quoddam vehiculi terrei genus à secundis inde Dijs accipere dicitur, quod sanè sui opacitate, & duritie ostreaceū Platonici appellare cōsueuerunt, cū primum illud æstreū, siue æthereum, secundum verò spiritale, siue

siue elemētare vocitare sint soliti. In hoc etiā, vt in prioribus  
 duobus, ab ipsa anima vitæ quædam resultare dicitur species,  
 quæ & ipsa irrationalis sanē esse censetur, & omnino insepa-  
 rabilis: cum illa, quam in secundo posuimus vehiculo, aliquo  
 modo separari censeatur. In huiusmodi autē vita sensus cum  
 patibiles sunt, tum etiā plures, & per varia diuisi sensiteria. Et  
 istud nimirū tertium est animal, mortale sanē, & corruptibile,  
 & terrenū, ad curas, laboresq; natū, cuius certē vitam cum  
 vehiculo statim interire Platonici voluerunt. Verū de ijs  
 ipsis plura certē, & accuratiora in Dialogo nostro, quem De  
 tribus animæ vehiculis inscripsimus, cum memoriæ fiat pro-  
 dita, isthæc breuiter in præsentia enarrata sufficiant. Vt igitur  
 quæ ad propositū faciunt nostrum, breuiter colligamus, sicut  
 tria illa quodam modo esse cēsentur animalia, ita tres verissi-  
 militer esse sensus naturas existimandum est. Animal enim, vt  
 dictū est, omne à sensu constitui, & insigniri per sensum iure  
 censetur, euidēsq; profectō naturæ illius sensus est indicium.  
 Et prius quidē sensus in primo collocatur animali, in illius  
 scilicet vitæ, impatibilis, cōmunis, & vnicus, vbi etiā iudicium  
 esse perhibetur. Secūdus autē sensus in secundo reponi, con-  
 stituiq; dicitur animali, cōmunis quidē & ipse, verū patibi-  
 lis, ibi etiam ab obiectis excita cōformatur species. Tertium  
 verò sensum in tertio collocari certum est animali, iam non  
 vnum, vt illi, sed multiplicē, & patibilē, cum per variorū mo-  
 tiones, affectionesq; sensiteriorū proculdubio fiat, & in actu  
 exeat. Quo etiam in loco obiter admonitū Lectorem velim,  
 quod vt tria censentur esse vehicula, ita tres esse vitæ species  
 ab anima illis infusas, meritō existimari potest. Et prima qui-  
 dem est vniuersalis vitæ species, quādo scilicet separata anima  
 vniuersum cum reliquis Deorum ordinibus tēperare, rege-  
 req; perhibetur Mundū. Vltima autē partialis, siue potius sin-  
 gularis vitæ est species, quando in ostreaceū sese immerferit  
 corpus anima, & vnus cuiusdā facta fuerit gubernatrix, quæ  
 prius fuerat vniuersi. Media autem vitæ species vniuersaliter  
 singularis, siue partialis meritō esse censetur: cum scilicet me-  
 dio sui vehiculo degit anima, & veluti generationis ciuis exi-  
 stens, varias deinde variarū sortitur differentias. Si enim post  
 eius ab hoc terreo, & materiali corpore absolutionē anima  
 ad mediū illum mox redire cēsetur statum, summa est neces-

fitas

sitas, prius, quàm in hoc mortale sese immiserit corpus, in sta-  
tu illo medio aliquando fuisse. A vita nanq; quæ vniuersum  
temperat, regitq; Mūdum, ad vitā singularis corpuseuli mo-  
deratricē descensum nō nisi per mediū, vt diximus, fieri exi-  
stimandum est, per vitam scilicet, quæ indifferens certē est ad  
multas variasq; vitarū species. Prius enim, quàm quiddā exi-  
stat animal, esse animal est necesse. Nam communiora, & vni-  
uersalia magis, ea sanē, quæ minū cōmunia sunt, amplexatur,  
& continēt. Vt enim ab incorporeo descensus fit in corpus,  
æthereū scilicet illud, cū quo semper degit anima, & nusquā  
illud exuere censetur: ita ab hoc ad generationē decidēs, ge-  
nerabile accipit corpus, id est, secundū eius vehiculū, quod, vt  
diximus non æternū, sed diuturnum esse perhibetur. Ab hoc  
autem descendens etiā, & ad inferna magis se præcipitans, ad  
terreum illud vehiculi genus, id est, ostreaceum hoc corpus,  
quod regere percipitur, cuius partibilis, vt diximus, est vita,  
& simul cū corpore deficere, interireq; perhibetur. Et hæc de  
sensus principijs, sensationūque modo, & de ipsis etiā sensu-  
terijs Proclus, superioresq; Academici memoriæ prodidere.  
Quam certē sententiā antiquissimā fuisse, & quasi Mūdo ipsi  
cōuam non iniuria creditū est. nāq; eam ab Aegyptiorum  
sapientibus exceptā Pythagoras primum, mox Plato in Italiā,  
Græciamq; attulisse dicuntur. Peripatetici autē veteres, quos  
sententijs cum Academicis cōuenire, verbis dissentire sæpe-  
numero dictū est, de sensibus, sensationūq; modo isthæc lite-  
ris mādauere, sensus scilicet esse corporeos, sensationes autē  
in nobis ab externis fieri obiectis, immaterialibus quibuscūq;  
speciebus intercedentibus, quæ sensiteria mouent nostrā ita  
vt actiones quidem animæ, passionēs verō corporis ipsæ sint  
sensationes. Quæ licet noua videatur opinio, & à supra enar-  
rata longē diuersa sentētia, haudquaquā (vt arbitror) huius-  
modi meritō existimabitur, si illius medullam magis, quàm  
corticem, sano mentis iudicio experiri, degustareq; volueri-  
mus. Vt autem vniuersam hanc rem seriatim, meliusue cōpre-  
hēdere, & explicare possimus, Prisciani Lydi, viri Platonici,  
& magni, vt aiunt, Iamblichi auditoris, hoc in loco adducere  
verba decreui, ex ijs sanē Cōmētarijs, quos vir ille in Theo-  
phrastii libellū, qui de sensu, phātasia, & intellectu inscribitur,  
exquisitissimē cōpositos reliquit. Ait enim ibi de Theophras-  
ti sentē



Hi sententia, quod res quę sentitur, quodā modo instrumentum  
 sensus mouet, id est spiritum: talisq; cōmotio passio est, tem-  
 pore, locōue diuisibilis, neq; speciei naturā habet, sed motio-  
 nis: & ideo talis motio nō est sensus, qui indiuiduē sanē, & su-  
 bitō per specię agens, vniuersum apprehendere dicitur obie-  
 ctum. Opus est igitur, inquit, vt per istam motionē, & passio-  
 nem ad aliquā accedatur specię, qua media, & sequestre, fiat  
 sensus: quę certē species illius motionis est termin⁹, quę cūm  
 neque quāta sit, nec sensibilibiter diuisibilis, in re nimirū prius  
 insita esse debet, quę ad minimā sanē redacta sit quantitatē,  
 per quam postmodum ad rationē animę insinuat, quę nul-  
 lam penitus habet quātitatē. Prius igitur in vita specię illa si-  
 ta est, in vita, inquā, animali, quę à superiori procedit anima.  
 Vocat autem superiorem animā, quę separata, vel separabilis  
 est, & verē cōpleta, & absoluta substantia, in se subsistens. Hu-  
 iusmodi autē vita per corpus diffusa, licet substantia quędam  
 existat, est tamen ipsius animalis pars, & vitale quoddā appli-  
 camentū animę ad corpus cum corpore diuisum, quę veluti a-  
 nimę quędam propagatio. Species autē circa hanc vitam se-  
 cundum actum perfecta, haud quaquā ad sensum perficiendū  
 sufficiens esse censetur, quoniā circa quoddā est corpus diuisa,  
 neq; adhuc in vnū impatibile versa est, nō est igitur cognosci-  
 tiua. Verū sensibiliū ratio cognoscitiua in ipsa cōsistere ani-  
 ma, & non collocari in corpore perhibetur: quę vna quidem  
 est, sed non singularis, verū vnū quiddā, in sese multa com-  
 prehensens, & vnicuiq; sanē eorum accōmodatū. Vna enim  
 albi (verbi causa) ratione, anima singula sentit alba, & de illis  
 etiā rectē diiudicat. Hęc igitur oportet adesse rationē, siquidē  
 futurus est sensus, quę à vitali specie excitata, ceu à peculiari  
 quadam re, & cognata, profertur, & in mediū exit: cum qua  
 nimirum agens specię, quę veluti imago, similitudoq; speciei  
 est exterioris, de sensilibus iudicat, & discernit. Id enim, quod  
 iudicat, ratio certē est, & cogitatio per animā sensitiuā. Non  
 imprimūtur autem nouę à sensilibus formarū in anima spe-  
 cies: sed cūm dicimus, animā speciem quampiam ab externis  
 rebus accipere, intelligi nimirū volumus, eam ad illarū prę-  
 sentiā, excutere, proferre q; in actū earum rerū species in sese  
 repositas, & latentes. Possidere autē dicitur anima rerū sensi-  
 bilium species, quoniam illarum ex sese rationes profert, & ex-

plicat, non quia (vt quispiā fortasse existimare posset) ab illis formam,figurationēq; aliquā, cū à sigilli cuiusdam impressione recipere dicatur. Quā ob rem in anima quidē, rei, quæ sentiuntur, similitudo perficitur: in instrumētō autē est imperfecta illa, & cū passione miscetur, & actione. Et passio quidē (vt par est) ab externis aduenit: actio verō pcedit à vita. Præterea species quidem in vita est animalis: iudiciū verō, & cogitatio, in ipso rationis consistit actu. Res igitur externæ peculiari quodā modo instrumētum materiali quā dā affectione mouere, & afficere censentur. Vita verō præsens affectionem illam in immaterialem transinurat specie, à qua postmodum excita anima ad rationem speciei cōgruam proferendā, in opus exit. Anima igitur iis, quæ sentiuntur, fit similis, non quidem eō quōd ab illis accipiat aliquid, sed quia per illorum agit rationē, id est, impressionē apparitionemq; quandā rerū externarū. Quam ob rem anima cōtrariis similis fieri potest rebus, non quidē quia simul patiatur cōtraria, sed quōd agere possit. Sensus autem ipsi secundū actionem, & iudiciū esse perhibentur. Ex quibus sanē cuius (vt breuiter quæ dicta sunt colligamus) manifeste patēre potest, res quidē externas in animalem agere spiritum, qui omnium certē sensuū esse dicitur instrumētū, philosopho etiam auctoritate Aristotele in libris de Anima, vbi scribit omnē sensum calido indigere, id est, spiritus natura. Spiritus autē cū existat corporeus, ab externis nimirum pati perhibetur obiectis. Passio verō illa nihil aliud sanē est, quā spiritus ipsius motio, qua ille ab externis sensibilibus moueri, agitariq; cēsetur. Cū autem illa sit tempore, locoq; diuisibilis, non erit vtiq; sufficientis, & idonea, vt per ipsam fiat sensatio, quæ per talē certē efficitur specie, quæ vniuersum indiuiduē cōprehendat obiectum. Species igitur hæc, quæ motionis, & passionis ipsius spiritus, est terminus, in ipsa spiritus efficitur vita, quæ à superiori (vt dictū est) anima separata aut separabili vbiq; infusa, & sparsa, cū vniuersum corpus, tū singulas illius partes sui præsentia viuificat. Verū nōdū perfecta hæc est species in vita illa, quæ sparsa nimirū est, & ad corporis sectionē diuisibilis. Resilit igitur in sensum rationem animæ, quæ sanē omniū sensiliū est vnica. Hæc enim ratio à vitali excita specie, & cū illa sanē agēs, de sensibilibus iudicat omnibus. Ad summā igitur, (sunt enim huiusmodi

modi res, vt melius imprimantur, sapius retractanda) motio illa, quæ ab externis fit obiectis, in sensilium excipitur instrumentis. Huius autē finis species illa certē est, quæ vitalis appellatur, quoniā in animalis vita collocatur. Ratio autem quæ à vitali suscitatur species, ceu à familiari quadā, cognataq; re, quæ cū sentire, tū iudiciū ferre perhibetur, in animæ ipsius sensitiva potestate esse dicitur. Ex quibus certē omnibus liquidō, vt arbitror, patēre potest, hanc de sensus, sensationūque modo sententiā, quam Priscianus Theophrasto, id est, Peripateticis adscribit, non aliā profectō, aut diuersam ab illa esse, quā Proclus Lycius Platoni, & Academicis attribuere videtur. In ultimo enim animæ vehiculo, vbi sensus per varia sensiteria sunt diuisi, motio illa, & passio ab externis sanē fieri obiectis animaduertitur. In medijs autem vehiculi vita species conformatur illa, quam vitālē Peripatetici vocant: vnica quidem illa, sed partibilis adhuc, & extensa quodam modo: quæ tamen cognatione quadam, naturæq; similitudine, iudicium rationemq; excitat animæ in primo vehiculo existentē quæ certē se la sentire, & iudiciū ferre cēsetur. Quæ sanē omnia eadem etiam esse videntur cum illis, quæ hac de re Plotinus memoriæ prodidit, vt in illius enarratione opinionis breuiter retrō fuit adductum.

## DE SENSU ET

### SENSILI LIBER

V N V S.

Francisco Vatablo interprete.

\*

*Argumentum huius libri.*

**C**Vm in ijs, qui de anima peculiariter inscribuntur, commentarijs, vniuersali quodam doctrinæ modo de omni communiter pertractatū sit anima, separatimq; etiam de singulis illius viribus, quas potētiās, siue potestates vocant, quot scilicet, & quēnam esse dicantur, quæue in re vniuscuiusq; reponatur essentia, & in ijs præterea de sensitiva animæ potestate facta sit mentio, quēnā sit illa, & in quot determinetur,

V

3

diuid



diuidaturq; sensus : & cū eodē etiā in loco de sensus ipsius natura sit determinatū, singulorumq; potentijs, à quibus variæ procedunt sensationes: nec non qualia illorum sint opera, & circa quæ versentur. vt ad materiam illam vtiliter pertractari poruit, exquisitè, & sedulo sit explicatum: consequenti doctrinæ ordine Aristoteles hoc in libello de sensiterijs ipsis, hoc est, sensus instrumentis, conuenientes, & necessarios habiturus est sermones, quale videlicet cuiq; sensui existat sensiterium, quibusuē constituatur ex rebus, cū docendo, tum pro subiecta materia explicare demonstrādo. Hoc autē nō ab re mehercule facere videtur, quoniam sine sensiterio, id est, sensus organo, quippiam sentire haudquaquam conceditur, cū & medio, & sequestre corpore sicut omnia ferē animæ explentur opera, ita sensitiuæ nimirum animæ actus, & operatio perfici, & cōpleri censeatur. In hoc etiam agit, docetq; libello Philosophus de sensilibus ab vnoquoq; sensui cognitis, & quid illorum singulum existens, per propriam, peculiaremq; sui naturam sensile esse contingit. Non idem sanē est, ipsius sensilis esse & esse sensile, id est, de illorū natura, quæ sentiri possunt. Quā ob rem cū in ijs, quæ de anima scripsit, commentarijs, verba fecerit ipse de sensilibus, vt sensilia sunt, non immeritō hoc in loco de eisdem per proprias, peculiarēsque specularur essentias. Ex quibus etiā, vt appositè hoc in loco scribit Aphrodiseus philosophus, inscriptionis huiusmodi causa, de sensu scilicet, & sensili, bene perspicui, dignoscij potest. Cū enim in hoc cōmentariolo de sensiterijs pertractetur, & sensilibus (hæc nāq; libelli huius vniuersa ferē est materia) id nimirū ad exactam de sensibus doctrinam conferre plurimū videtur. Siquidē animæ, & corporis conueniens quædā vis, & potestas ipsa est sensatio: licet nō desint qui asserant, vt idem inquit Alexander, in huiusmodi inscriptione, de sensu, & sensili, per sensum sensiteriū ipsum intelligi oportere. Nam sensus instrumenta quæ nos sensiteria vocamus, priscos appellare cōsueuisse sensus. In præmio igitur ita inscripti libelli, & vbi ea, quæ præmissa sunt, pertractari debent, statim dicit philosophus, consentaneum esse postquam de anima pertractatum est prius, de animalibus etiam ipsius recēscere, & de ijs quæ vitam habent omnibus, de illorum præterea operibus cū communibus, tum proprijs, ijs videlicet,

videlicet, quæ communia anima cum corpore possidet. Quæ ex re, animæ profectò approbari, cōfirmariq; illa videtur definitio, in qua dictum est, animam esse entelechiam, id est, actū corporis physici organici potestate vitæ habentis: cum omnia illius opéra, aut ferè omnia, proculdubio indigeant corpore. Quæ res vel inde liquidò patère potest, quoniam animalium opéra cum per sensum, & intercedētib; perficiantur sensibus, aut saltem non sine illis fiant, communia animæ & corpori nō immerito esse apparēt. Ex suprà dictis quin etiam liquere potest commentarij huius cum ad præcedentes philosophi libros, tum ad consequentes, series, & lectionis conueniens ordo. Cum enim in cōmentarijs de Anima, vniuersali quodam modo de illa, & velut in quadam abstractione, sit pertractatum: in ijs non ab re de eadē agitur anima per complicationem quandam, cōcretionemq; , quam ad corpus habet, & per ea sanè opéra, quæ ex vtrorūq; conubernio generatim prouenire videntur. In libris autem de animalibus, qui hos doctrinæ ordine sequuntur commentarios, de animæ consideratur operibus, vt particulatim se applicat illa in singulas animantium, plantarūq; species iam demersa. Caterum istis, quæ cum ad subiectam libelli huius materiam, tum ad lectionis conuenientem ordinem non immeritò spectare videbatur, necnon reliquorum etiam quæ parua naturalia nostri vocāt, cursim à nobis hoc modo præmissis, & prælibatis, ad ipsam dictionem accedamus.

Hic Arist. de his quæ sunt animæ & corpori cōmunia,

& primum de Visu determinat.

CAPIT. I.



V<sup>o</sup> M de anima in se, & de singulis eius potētij; particulatim definitum iam sit, proximum est ut de cunctis tam animantibus, quàm hisce quæ uitam sortita sunt, quenam actiones eorum propriæ sint, & quenam cōmunes, consideremus. Igitur suppositis hisce quæ de anima dicta sunt, de reliquis exorsi à primis, edisseramus. Planè tam communia, quàm propria

animantibus, ceu census, memoria, ira, cupiditas, deniq; appetitus, & insuper uoluptas, & dolor (etenim hæc, animabus ferè omnibus competunt) promiscua corpori, & animæ maximè uidentur esse. Adhæc quedam omnibus quæ uita participant communia sunt, quedam animatum nonnullis. Horum autem copulæ quatuor numero precipuè existunt: nempe uigilia, & somnus: iuuentus, & senectus: respiratio, & exspiratio: uita, & mors. De quibus contempleri oportet, & quidnam eorum quodque sit, & quibus de causis eueniant. Ceterum ad Naturalem quoque spectat prima sanitatis, & ægritudinis principia cognoscere: etiam enim fieri non potest, ut quæ uita destituta sunt, sana sint, aut ægra. Idcirco tam Naturalium ferè plurimi, quam Medicorum ij, qui doctiusculè artem ipsam persequi, ac tractare student, alteri in ijs quæ ad artem Medicinalem pertinent, suæ considerationi finem imponunt: alteri ab ijs, quæ ad contemplationem nature spectant, Medendi scientiam auspicantur. Quod autem ea omnia, quæ diximus, ad corpus, & animam communiter attineant, haud obscurum esse uidetur. Nam ex eis quedam cum sensu eueniunt, quedam per sensum. Item alia affectus eiusdem sunt, habitus alia, alia porro tutela, atque conseruationes, alia corruptiones, atque priuantia. Sensum uerò per corpus animæ competere, per rationem, & absque ratione constat. Ipsi autem animalibus sensum inesse, quæ nimirum ratione quodque animal est, necesse est: nam hoc ipso, esse animal, & nō esse definimus. Verum de sensu, & sentiendo quid sit, & cur hæc affectio animantibus accadat, in libris de anima diximus. Nunc autem, priuatim de singulis sensibus agendum est. Tactus, & gustus, animalia omnia necessario continentur: tactus, ob eam, quæ in libris de anima explicauimus, causam



causam: gustus, ob alimentum: nam gustus quod uoluptate afficit, quodq; dolore in alimento discernit, ac diiudicat: adeo ut hoc fugiat, illud persequatur: atque omnino sapor, partis alterius affectio existit. At sensus illi, qui intercedente aliquo extrinsecus medio fiunt, olfactus, inquam, auditus, & uisus, ex animantium numero incessabilibus omnibus eos quidem habentibus, tutelae, ac salutis gratia adiuncti sunt, ut praesentientes alimentum persequantur, & quae praua sunt, atque exitialia fugiant. Sed ijs quae prudentiae quoque participes sunt gratia cuiuspiam commodi melioris accersere: nam auditus, & uisus, multas adnuntiant differentias, quibus rerum tam intellectuum, quam quae sub actionem cadere solent, peritia comparetur. Horum ipsorum, ad paranda quae necessaria sunt magis uel per se uisus conducit: ad cultum ingenij capessendum, per accidens auditus. Nam uisus complures, uariasq; differentias aduehit, quod corpora omnia colore participant. Quare & hoc sensus maxime communia sentimus. Communia dico figuram, magnitudinem, motum, statum, numerum. At auditus, soni tantummodo discrimina, paucis etiam uocis renuntiat. Sed per accidens magnum adfert adiuumentum ad acquirendam sapientiam, prudentiamq;: nam sermo, cum sit audibilis, disciplina causa non per se, sed per accidens existit, constat enim ex nominibus: singula autem nomina, quarundam notionum symbola sunt. Quamobrem ex ijs, qui iam inde ab ortu naturae, utroque sensu priuati sunt: qui cecati sunt, hisce qui muti, surdiq; sunt, sapientiores euadunt, atque prudentiores. De uirtute igitur, ac facultate, quam quisque sensuum habeat, diximus.

Hic Aristot. de sensuum organis determinat, oculumq; aquem esse ostendit.

CAP. II.

V 4

Corp

**C**orpora autem sensoria in quibus idē fieri apti sunt,  
 nonnulli quidem iuxta elementa torporū disquirunt,  
 atque inuestigant: sed cū nequeant quinq; sensus ad qua-  
 tuor elementa reducere, cui quintus accommodari debeat,  
 bēstant. Omnes autem uisum igni tribuunt, quod cuiusdam  
 affectionis causam ignorent: nam presso, agitatoq; oculo,  
 igneus fulgōr apparet. At hoc in tenebris euenire natum  
 est, aut cū palpebræ oculos integunt: nam tum quoq; te-  
 nebræ odoriri solent. Habet autem hoc aliam quoq; dubi-  
 tationem. Nam cū fieri non possit, ut quengquam lateat se  
 sentire, ac uidere rem quampiam conspectui obuiam: ne-  
 cessum est ut oculus ipse seipsum uideat: cur igitur idipsum  
 quiescenti oculo non euenit? Causa huiusce & dubitatio-  
 nis, & deniq; quamobrem uisus ex igni constare uideatur,  
 hinc sumenda est. Nam quæ leuia sunt fulgere in tenebris,  
 non tamen illustrare, instum habent: oculi autem pars ni-  
 gra, mediaq; leuis est. Ea uerò cū mouetur oculus, appa-  
 ret: propterea quod tū accidit, ut res una ut duæ sit, id quod  
 motionis celeritas efficit, adeo ut aliud esse uideatur id quod  
 uidet, & aliud id quod uidetur. Iccirco etiam non fit, nisi  
 celeriter, & in tenebris oculi motio fiat: nam quod leue est,  
 in tenebris suapte natura collucet: ceu quorundam piscium  
 capita, & sepiæ atramentum: & cū lentē commouetur  
 oculus, nequaquam euenit ut simul duo esse uideantur quod  
 unum est, nempe uidens, & uisum. Illo autem modo oculus  
 ipse seipsum uidet: quomodo & in refractione agitur. Nam  
 si oculus constaret ex igni, ut Empedocli placet, & in Ti-  
 mæo scriptum est, accideretq; uidere egrediente ueluti ē  
 laterna lumine, cur non etiam in tenebris affectus uideret?  
 Dicere autem uisum cū egrediatur in tenebris extingui,  
 ut Timæus astruit, inane modis omnibus existit. Quanam  
 enim

enim esse potest luminis extinctio: nam aut frigido extingui, aut humido asfolet, quod calidum, siccumq; est, quale est & prunarum ignis, & flamma ipsa: quorum neutrum lumini inesse uidetur. Quod si insint quidem, sed quia remisse insunt, nos lateant oportebat interdum, & superueniente pluvia lumen extinguere, ac tempore glaciali potissimum tenebras fieri: nam flamma ipsa, & conflagrantia corpora idipsum patiuntur. Nunc uero nihil tale lumini accidit: Empedocles autem interdum existimare uidetur egrediente lumine, id quod prius diximus, nos cernere: inquit enim ad hunc modum. Ut cum quis meditatus iter noctem per opacam, Asfolet ardentem faculam, lychnum uel parare, Addens laternam, quæ flatus arceat omnes, Dissipat ista quidem flantis spiramina uenti: At lux egrediens quantum se fundere possit, Collustratq; uia radijs, uincitq; tenebras: Sic tunics clausus ualidis subtilibus, amplis, Ignis natiuus, pupillarem impetit orbem, Hæ magnam laticis uim qui circumfluit arcent, Dissilit ille foras quantum se fundere possit. Interdum, inquam, nos hoc pacto cernere asserit, interdum defluxibus, et exuijs à re conspecta missis. Democritus uero, quatenus uisum esse aquam asserit, rectè dicit: quatenus uisionem esse emphasin, id est, apparitionem, siue apparentiam, non rectè. Id enim euenit, quia oculus leuis est. Atque emphasis, nequaquam in re uisa, sed in uidente existit: quippe ekm ea affectio, refectio sit. Verum necdum illi quicquam, ut uidetur, de apparentibus, & refractione apertum erat. Absurdum etiam & illud est, non succurrisse, inquam, ei ut dubicaret, cur solus uideat oculus, & ceterorum nullum in quibus simulacra appareant. Conspectus igitur esse aqueum, ueritati quidè consonum est: non tamen uisio sit ut est aqua, sed ut translucet: quod & acri commune est. Verum aqua



facilius, quàm aer comprehendì, atq; retineri potest. Idcirco pupilla, & oculus, ex aqua constant. Quod quidem & experientia ipsa late patet: nam quod sauciatis oculis effluere affolet, uidetur esse aqua. Quin & in fixibus nuper afformatis oculi supramodum splendent, resulgentq;. Atq; in sanguinarijs, albida portio oculi, opima, pinguisq; ob id est, ut humor persistat incongelabilis. Et ob id oculus, minimè omnium partium corporis rigere solet: nemo enim unquam interna parte oculi frigit. Exanguium uerò oculos tunica dura ambire solet, quæ illos ab iniuria frigoris tuetur, atq; defendit. Porro illud omnino metas egreditur rationis, nempe conspiciendi uim exeunte quopiam uidere, & aut ad astra usq; deduci, aut cum ad usq; certum quoddam spatium processerit, cum lumine externo ueniri, atq; coniungi, sicuti quidam aiunt. Nam isto prestabilius id erat, nimirum coniunctionem in oculi principio fieri. Quamquam & id quoq; stultum est: quid enim est lumen lumini coniungi, aut quonam pacto id esse potest? non enim quoduis cuius sine discrimine coniungitur. Itē, qui interdū lumen externo coniungetur, cum membrana ipsa, inter illa media sit. De hoc igitur, uidelicet quòd sine lumine non uideatur, alibi diximus. Verum siue lumen, siue aer id sit, quod oculum, & rem cōspectam interiacet: motio ipsa quæ per eum fit, uisionem efficit. Atq; ratione euenit optima, ut interna oculi portio, aquea sit: nam aqua perspicua est. Vt autē extrā non sine lumine uidetur: sic & intra. Perspicuū ergo esse oculū oportet, eundemq; aquam esse necesse est, quando aer non est: nō enim anima ipsa, aut animæ sensoriū, in oculi extremo, sed in parte, ut patet, interna existit. Quamobrē necesse est, ut pars oculi interior, perlucida, & luminis exceptiua sit. Atq; etiam hoc ex hisce, quæ contingere solent, apertū est.

Iam enim quidam accepto in praelio circa tempora uulneris adeo profundo, ut pori oculi, & meatus fuerint exedii, sese tenebris offundi, quasi extincta lucerna, putarunt: propterea quod perlucida pars oculi, & uocata pupilla, abscissa, ceu laterna quedam, fuit. Quare si in hisce perinde euenit ut dicimus: palam est hoc modo assignare oportere, & accommodare unumquodq; sensorium uni elemento. Oculi enim partē cui uidendi facultas data est, ex aqua consistare existimandum est: ex aere, id quod sonos percipit: olfactū, ex igni: nā quod olfaciendi uim obtinet, id potētia est quod olfactus actus sensibile enim sensum agere facit. Quare necesse est eundē sensum potentia prius esse. Odor autem, nō nisi fumida quedā exhalatio existit, quae profecto ignea est. Quocirca & peculiare sensorium olfactus in cerebro situm est, nam rei frigide materia, potentia calida est. Atq; oculi generatio ad hunc sese habet modum: nā oculus a cerebro constitutus est, quod omnium partium corporis humidissimum, frigidissimumq; existit. Cui autē tangendi tributa est autoritas, ex terra cui gustandi, species quedam tactus est. Et ob id sensorium eorum, gustus, inquā, & tactus, haud procul à corde est: nā cor, cerebro ex aduerso iacet, & omnium partium corporis calidissimum est. Ac de sensorijs quidem corporis partibus, hoc pacto definitum sit:

Hic Arist. de colore determinat, ostenditq; unumquodq; sensuum dupliciter dici. CAP. III.

**D**E sensibus autem cuiusq; sensorij, uerbi causa de colore, sono, odore, sapore, & tactili, quod nā sit eorum munus, atq; officium, & quanam sit cuiusq; sensorij actio, uniuersaliter quidem in libris de anima dictum est: quid nā uerō sit quodlibet eorum, ceu quid color, quid sonus, quid odor, quid sapor, & similiter quid tactile, considerandum est.

est. Et primò quidem de colore agendum uidetur. Vnum quodq; igitur bifariam dici solet, actu scilicet, & potentia. Verùm quonā pacto color, & sonus actu sensibus actu, ut sui scilicet, & auditui idē sint, aut aliud, in commentarijs de anima dictum iam est: quid autē existēs eorum quodq; sensum actionemq; faciat, nunc dicamus. Vt igitur ibi de lumine dictum est, quòd perspicui color per accidens sit, ita hīc quoq; dicendum: nam corporis ignei præsētia in perspicuo, lumē est, priuatio tenebræ. Quod autē perspicuitatem nūcupamus, id non aëri, aut aquæ, aut ulli elementorū proprium est: sed est facultas quedam, & natura cōmunis, quæ separabilis quidem non est, sed illis est, atq; ceteris corporibus, alij plus, alij minus inest. Quēadmodū igitur necesse est corporum aliquod esse extremum, ita & huius. Luminis itaq; natura, in perspicuo indefinito est. Quòd autem perspicuitatis corporibus insertæ extremitas aliqua sit, certum est: quòd uerò ea color sit, ex hisce quæ eueniunt patere potest. Nā color, aut in termino residet, aut terminus est. Quocirca & Pythagoræi, superficiē ipsam colorem appellabāt: etenim color in termino corporis inhabitat, sed nequam terminus corporis est: quanquā eandē esse naturam, quæ extrā, & intrā coloratur, putare oportet. Porro aër, & aqua, colorata apparent: etenim aura, talis est. Cæterum nec aër, nec mare, eundē cominus, & e minus colorem formantur, quòd ibi color in indefinito sit. At in corporibus ipsis, nisi id quod ea continet, ac ambit, mutationē aliquam afferat, coloris apparitio definita est: idē igitur hīc, & illic coloris susceptiuū esse constat. Ergo perspicuitas quatenus corporibus inest, inest autē plus, & minus: omnibus ut colore participet, in causa est. Cū autē color in termino sit, perspicuitatis perfectio terminus quidā erit. Quare color,

persp



perspicuitatis in corpore definito terminus erit. Sed & perspicuis ipsis ut aque, & si quid aliud eiusmodi est, atq; hisce, quæ colorem proprium habere uidetur, in extremitate omnibus similiter inest. In ipsa igitur perspicuitate, interdum id inest, quod in ipso quoq; aëre lux efficere solet, interdum non inest, sed perspicuitas eo destituta est. Ergo quemadmodum in aëre modò lumen, modò tenebræ insunt, ita in ipsis corporibus albor, & nigror innasci assolēt. De cæteris autem coloribus distinguendo quot modis fieri possint, iam differendum est. Fieri enim possunt hoc pacto, albo, & nigro, iuxta sese positis, ita ut utrunq; inuisibile sit ob paruitatem, quod ex ambobus refilit, uisibile reddatur: hoc enim, nec album fieri, nec nigrū potest. At cū necesse sit colorem quēdam esse, & neuter horum esse possit, mixtum quēdam colorem, & coloris speciem quādam aliam esse necessum est. Igitur plures esse colores præter album, & nigrum: ad hunc putes modum. Ac plurimos quidem proportionem: nā fieri potest ut tria ad duo, & tria ad quatuor, & ita per alios numeros, iuxta sese ponantur. Alios uerò nulla penitus proportionem, sed excessu quodā, ac defectu incommensibili. Atq; illos eodem utiq; quo continentiamod. sese habere. Qui enim sunt in numeris proportionis genus eximium seruantibus, eos esse qui consonantiarum modo omnium suauissimi uidentur, ceu purpureus, & puniceus, atq; eiusmodi paucos esse, eadē qua concenius pauci sunt, causa. Qui uerò nō sunt in numeris, reliquos esse. Aut etiā colores omnes, tam certos, quā incertos, in numeris esse: atq; hos ipsos cū puri, synceriq; non sunt, quia non sint in numeris tales euadere. Vnus igitur generationis colorum modus hic est. Secundus, quando alter per alterum apparet: ut nonnunquā pictores faciunt, colorē alterum alteri

alteri clariori superlucet, sicut cum facere uolunt ut quipiam in aëre, aut aqua esse uideatur: & ut sol per se appareat albus, per caliginem & fumum, puniceus. Atq; ita multi colores ad eundem, qui prius dictus est, modum erunt: nam ratio quædam superiorum ad inferiores erit. Alij, nulla penitus ratione constabunt. Porro dicere perinde ut antiqui, colores esse destituta, & tali de causa uideri, absurdum est: nam ipsis necessarium est, ut tactu sentiri omnia statuunt. Quare continuo præstat dicamus, sensum fieri, quod a sensibili medium moueatur, quam tactu, & de fluxibus. In illis igitur, qui iuxta sese poni solent, ut inuisibilem accipere magnitudinem, ita insensibile tempus necesse est, ut motionum accessiones nos fugiant, & quia ipsi simul apparent, unus esse uideantur. At in hisce nulla est necessitas: sed color ille, qui superficie extat, cum sit immobilis, & moueatur ab eo qui subternitur, motionem pariet dissimilem. Quocirca & diuersus apparebit, & non albus, aut niger. Atq; isto pacto nihil obstat, quin color quidam communis appareat ijs, qui procul absunt. Quare si fieri nequeat ut ulla magnitudo sit inuisibilis, sed omnis ex quodam spatio uisibilis habeatur, quenam erit hæc colorum mistio? quod enim nulla magnitudo sit inuisibilis, post hæc considerabimus. Quod si corporum mistio aliqua sit, non solum perinde fit, ut quidam putant, uidelicet minimis, sed nobis per sensum incognitis, iuxta sese positis, sed prorsus omnino cōfusijs: quemadmodum in de mitione cōmentario uniuersim de omnibus diximus. Illo enim modo ea solum miscentur, quæ in minima distribui possunt, ut homines, equi, semina: quandoquidē hominum homo, minimū est: equorum, equus. Quare horum iuxta positione, cōpositorum multitudo misca est, unum autē hominē uni equo mistum esse nequaquam dixim

diximus. At quaecumq; in minibus diuidi nequeunt, quo ipsa  
 profecto ut misceantur aptissima sunt: fieri non potest, ut  
 eorum mistio ad hunc fiat modum, sed sit quia prorsus mi-  
 sceantur: quod qua uia, ac ratione fieri queat, dictum est an-  
 tea, ubi de mistione agebamus. Ceterum qua necessitate eue-  
 niat, ut cum miscentur illa, colores quoq; misceantur, atque  
 hanc esse principem causam cur colores multi sint, & non  
 super positionem, aut iuxta positionem, perspicuum est: non  
 enim è longinquo quidè, non autè è propinquo, mistorū co-  
 lor unus apparet, sed undelibet. At complures ideo colores  
 erunt, quòd quæ inter sese miscentur, ea multis misceri ra-  
 tionibus cōtingit. Atq; alij in numeris, alij in exuperatione  
 solum: & cetera ad eum ipsam modū, quæ in iuxta positio-  
 nis superpositis ue coloribus, dicere cōtingit. Ac de hisce quidè  
 quæ misceantur, alibi quoq; determinatū fuit. Quā autem ob  
 causam colorum species, uē saporū, sonorumq; finita sint,  
 & non infinite, postea docebimus. Quid igitur sit color, &  
 quamobrem colores sint multi, explicatum iam est. De so-  
 no autem, & uoce, tractauimus prius in libris de Anima.

Hic Arist. de odore, deq; sapore determinat. CAP. IIII.

**D**E odore uerò, & sapore, nunc agendum: nam eadem  
 ferme affectio est, sed non in eisdè uterq; existit. Porro  
 saporum genus, quàm odorum, nobis euidentius est. Cuius  
 causa est, nos habere olfactum, ceterorū animalium olfactu  
 inferiorem, & omnium sensuū, qui in nobis ipsis sunt, stupi-  
 dissimū: tactum uerò superiorē, & omnium exactissimum:  
 gustatum autem, tactum quendam esse. Igitur aqua, suo pte  
 natura insipida est. Necesse autè est, aut aquam in se omnia  
 saporum genera ob exiguitatem insensibilia, uti Empedo-  
 cles asserit, continere: aut in aqua talem materiam inesse,  
 quæ quasi semina gignendi saporum gentibus suppeditet.

CT.



et omnia ex ea generari, sed alia ex alia parte: aut si aqua  
 nullam subeat differentiam, causam agentem soli, et calori  
 tribuere. Ceterum ex hisce illud esse falsum, quod Empedocles affirmat, perquam facile deprehendatur. Nam sapores calore immutari uidemus, si fructus ex arbore decerpti, soli exponantur, aut igni: ut intelligatur eosdem non quod ab aqua quippiam contrahant, sed quod in ipsis fructibus in alios uertantur, tales effici: item quoties causa temporis diluta pars exhalatur, ex dulcibus austeros, et amaros, et omnimodos fieri: necnon ubi decoquuntur, in omnia propè dixerim saporum genera transmutari. Consimiliter et illud, aquam esse materiam, que gignendis saporibus semina præstet, de numero eorum est, que fieri nequeunt: uidemus enim ex eadem re, ceu ex eodem cibo saporibus diuersos fieri. Reliquum itaque est, saporibus ideo permisceri, quod aqua quippiam patiat. Sed quod aqua non uel sola caloris facultatem eam imbibat, quam saporem uocamus, hinc patere potest. Nam cum aqua liquidorum omnium tenuissima sit, atque ipsum etiam oleum tenuitate superet, quam oleum plus quam aqua distendi potest: quod oleum lentum, uiscosumque sit, aqua uerò remittens, et fragilis. (Qua ratione etiam fit, ut ægrius aqua manu, quam oleum, contineri soleat) et ea ipsa sola, dum calefit, minimè crassescere uideatur, certum est saporibus alteram quandam causam habituros esse, quod omnes crassiusculi existant, cum qua calori causa nuncupatio communis habeatur. Porro quotquot saporibus in fructibus sunt, iidem in ipsa quoque terra inesse uidentur. Quapropter et plurimi ueterum natura interpretum dixerunt, talem esse aquam, qualis est terra per quam meat. Idem in aqua salis maxime spectari potest: nam sal, species quedam terre existit. Quocirca que per cinerem, qui amarus est,

trans

transmittuntur, saporem ingerunt amarum: & quæ per alia, alium. Necnon è fontibus, quidam sunt amari nonnulli acidi, alij uarijs alijs saporibus præditi. Quapropter rationi consonum est, ut saporum genus in plantis præcipue gignatur: nam humidum perinde ut cætera, pati à suo contrario natum est: siccum autem, ei contrarium est. Unde fit ut etiam ab igni quippiam patiat: siquidem ignis natura siccus est. Quanquam calidum igni peculiare est, siccum terre: uti in commentatione de elementis diximus. Nihil itaq; quatenus ignis sit, aut aqua, aut quippiam aliud, agere, aut pati natum est: sed omnia, quatenus contrarietatem subeunt, eatenus agunt, patiunturq;. Vt igitur qui colores, succos'ue in aqua eluunt, talem reddere aquam assolent: sic ipsa quoq; natura, cum in humore partem siccam, terrenamq; diluit, aut per eundem humorem percolat & calore incoquit, humori qualitatem quampiam inserit.

Quæ non nisi sapor est, id est, affectio quæ à prædicto sicco in humore genita, gustatum qui in potestate sit, ad actum demutat: nam sentiendi uim, quæ prius potestate erat, eodem perducit: cum sensu, non discipline, sed contemplationi, respondeat. Cæterum sapor non cuiusvis sicci, sed eius quod alere possit, aut affectiones esse, aut priuationes, hinc sumendum, quod nec siccum sine humido sit, nec contrà, humidum sine sicco: neutrum enim horum animantibus, aut plantis ipsis cibis esse potest, sed quod ex utriusque mixtura consurgit. Quinetiam genere cibi, quem animalia ingerunt, quæ è sensibus tactilia sunt, ea incrementum faciunt, atque decrementum. Etenim id quod ingeritur, horum causa est, quatenus calidum est, aut frigidum: nam calor, & frigus, auctorem efficiunt, atq; decretionem. Alii autem, quatenus gustabile est: omnia namq; dulci aluntur,

tur, uel simplici, uel commisto. Sed de hisce in libris de generatione definiendum est: nunc tamen quantum necesse sit, ea tangamus oportet. Nam calor, ut auget, ita etiam alimentum preparat: atque quod leue est, attrahit: quod uerò falsum amarumq; ratione ponderis relinquit. Quod itaque exterior calor in extraneis corporibus efficit, hoc idem interior in animantium, plantarumq; natura efficere solet. Vnde fit ut ea dulci sapore alantur. Ceteri tamen sapor, perinde ut falsus, et acutus, pro condimento cibis admisceri solent: ut isti, ut retrahant: quia quod dulce est et innatat, nimium alit. Porro quemadmodum colores ex albo et nigro commistis proueniunt, sic et sapor permixtione dulcis, et amari exultant. Quin et secundum proportionem, quod plus, minus uel adsit, singuli producuntur: siue secundum numeros quosdam mixtionis, et motus, siue etiam indefinitè. Qui uerò uoluptatem important mixti, hi soli in numeris sunt. Pinguis igitur sapor, species dulcis est: falsus uerò et amarus, idem ferè sunt: acris, austerus, acerbus, et acidus intermedij. Quandoquidem saporum, et colorum species, ferè numero pares sunt: nam utrorumq; species septem habentur: si quis, uti consentaneum est, fuscum colore non alium quàm nigrum posuerit. Reliquum enim est, ut flauus color ad album, sicuti sapor dulcis ad pingue, pertineat. Puniceus uerò, purpureus, uiridis, et ceruleus, album et nigrum interiacet: ceteri ex horum mixtura gignuntur. Item quemadmodum nigrum, albi in diaphano, id est, translucido corpore priuatio est: ita falsum, et amarum, dulcis in humore, qui alere possit. Vnde fit, ut etiam cims deustorum omnium, amarus sentiatur: utpote à quibus id quod potui idoneum erat, exactum sit. At Democritus, et ceteri nature interpretibus, qui de sensu disseruere plurimi, absurd



absurdisimum quippiam committunt: nam sensilia omnia, tactilia faciunt. Quancquam si hoc ita sit, cerium est omnes alios sensus tactum quendam esse: quod fieri non posse, nequaquam difficile est internoscere. Præterea sensilibus hisce quæ sensibus omnibus cõmunia sunt, tanquam proprijs utuntur: etenim magnitudo, figura, et asperitas, et leuor, et acuties, et obtusitas, quæ moli competit, sensibus cõmunia sunt: quod si non omnibus, saltem tamen uisui, et tactui. Quapropter et circa hæc falluntur: circa propria uerò, ceu uisus circa colores, et auditus circa sonos, nequaquam errare solent. Sunt etiam qui propria redigunt ad ista, sicuti Democritus. Is enim, candorem quidem leuitatem, et nigrorem scabritiẽ esse affirmat: sapores autẽ figuris tribuit. Atqui cognoscere communia, aut ad nullum sensum, aut ad uisum potius spectat. Si ergo ad gustum potius spectaret, cum exactissimi sensus sit in singulis generibus tenuissima quæq; discernere, oporteret sanẽ gustum cum cætera cõmunia maximẽ sentire, tum figurarum arbitriũ esse perspicacissimũ. Ad hæc sensilia omnia, contrarietate sortita sunt: nam in coloribus, albus nigro contrarius est: in saporibus, dulcis amaro. Figura uerò figuræ non uidetur esse contraria: cui enim è multangulis, rotunda contraria est? Præterea cum figuræ sint innumera, sapores quoq; innumeros esse necesse est, quod est impossibile: cur enim è saporibus quidam sentiretur, quidam minim? Ac de sapore quidem, et gustabili diximus: cætera namq; saporum affectiones, in cõmentatione de plantis, propriam nacta sunt cõsiderationẽ.

Hic Arist. de odoris speciebus determinat, ostenditq;

odori cum sapore cognationem esse.

CAP. V.

**E**odem modo et circa odores intelligamus oportet. Quod enim si: citas in humido facit, hoc in alio genere

X 2 uidem

itidem facit, in aëre, inquam, & aqua: de quibus, nunc pellucidum communi ratione dicitur: olfactile tamen est non quatenus pellucet, sed quatenus sapida siccitatis diluendæ, ac diffundendæ uim sortitur. Nam non in aëre modo, sed etiam in aqua olfactio fit. Id autem tam in piscibus, quam in testaceo animalium genere, palam est: nam pisces olfactu uidentur, quamuis nec aër in aqua sit (nam simul ac aër in aqua gignitur, emergere assolet) nec ipsi respirent. Si quis igitur utraq, aërem scilicet, & aquam, humida posuerit: saporosæ perfecti siccitatis natura in humido existens, odor erit: & quod tale fuerit, olfactile. Quod autem affectio ipsa à re sapida pendeat, per ea quæ odorem habent, & quæ odoris expertia sunt, patere potest. Ipsa etenim elementa, ceu ignis, aër, aqua, terra inodora sunt: propterea quod sua tam sicca, quam humida sapore carent, nisi mixturam recipiant. Qua etiam de causa, mare odorem habet: iam enim saporis, & siccitatis quippiam imbibit. Et sal, nitro odorator est: id quod oleo, quod è sale expressi consuevit, declaratur: nitrū uerò, terrosius. Lapides quoque inodori sunt, quia insipidi. Ligna, contra, odora: quia saporem continent: at inter hæc, quæ aquosa sunt, ea minus odorata sunt. Item è genere metallico, aurum inolidum est: nullum enim saporem obtinet. Aes autem & ferrum, olidum: at ubi humor per uersionem absumptus est, recrementa omnium (Græci scorias uocant) inodoratiora redduntur. Argentum uerò, & stannum, his quidem magis odora sunt illis uerò minus: aquosa enim sunt. Ceterum nonnulli fumidam exhalationem, quæ terræ, & aëri communis est, odorem esse putant: atque hi omnes, de odore in hanc eunt sententiam. Et ob id Heraclitus hoc dixisse uidetur: quod si omnia quæ sunt, euaderent in fumum, nares ea dinoscerent.

Ad odorem autem uniuersi accedunt, dicentes eum esse alij uaporem, alij exhalationem, alij utrunq;. Est autem uapor, humiditas quedam. Fumida uerò exhalatio, uti iam diximus, communis aëri, & terræ est. Et ex illo quidem fit aqua, ex hac uerò, species quedam terræ. At neutrum horum odor esse uidetur. Nam uapor, ad aquam pertinet: fumida exhalatio, in aqua fieri nequit: odorantur autem & quæ sunt in aqua, uti dictum iam est. Præterea, exhalatio perinde dicitur, atque defluxio: si ergo ista non probè dicitur odor, nec illa. Quòd igitur humor tum aëris (nam & aër suapte natura humectus est) tum aquæ recipere, ac pati quippiam à sapida siccitate possit, haud obscurum est. Præterea si diluta quasi siccitas perinde in humidis agat, atq; in aëre: palàm est oportere odores saporibus esse proportionales. Imò uerò, iam hoc in quibusdam accidit. Nam odores, & aërei sunt, & dulces, & austeri, & acerbi, & pingues. Quin & putidos, amaris saporibus analogos dicat. Quocirca quemadmodum sapores amari ægre deglutiuntur, ita odores putidi non sine fastigio hauriri naribus assolent. Clarum itaq; est, quod sapor in aqua est, id odorem in aëre, & aqua esse. Ob idq; frigus, & concretio, ut sapores hebetant, ita odores abolent: quippe quæ calorem illum deleant qui mouendi uim obtinet, atque creandi. Porro olfactilis duæ sunt species: non enim non sunt, ut quidam aiunt, sed sunt: determinandum autem est, quomodo sunt, & quomodo non sunt. Nam odorum, alij saporibus respondent, ut diximus, & per accidens cum oblectatione, aut fastidio sentiuntur: nam quia sapores sunt affectiones partis altricks, eorum odores esurientibus suauis occurrunt, repleti uerò, & nihil desiderantibus nō suauis: quo tempore, ne cibus quidem ille, qui odoribus differtus est,



suavis habetur. Quare isti quidem, ut diximus, ex accidenti commotionem uoluptatis, aut doloris afferunt: unde fit, ut omnibus communes animalibus sint. Alij per se uoluptifici sunt, nempe qui è floribus spirantur: nihilo enim magis minus'ue ad edendum prouocant, nec quicquam ad cibi cupiditatem excitandam conferunt, quin potius obsunt: nam illud uerum est, quod ait Stratis, Euripidem taxans, Ne admisceas unguentum, ubi lentem coquis. At qui nunc tales facultates potionibus demiscerent, ij consuetudine uoluptatem ipsam tantisper urgent, quoad è duobus sensibus oblectatio quasi una, & ab uno proueniens exulcet. Hoc igitur olfactile, homini peculiare est: illud uero quod saporum generi respondet, ceteris quoq; animantibus promiscuum, ut antè retulimus. Atque illud, in species secundum saporis diuiditur, quod per accidens delectationem afferrat: hoc, minime: quod eius natura per se iucunda sit, aut molesta. Causa quamobrem talis odor familiaris, ac proprius homini sit, à cerebri refrigeratione petenda est. Nam cum cerebrum suapte natura frigidum sit: & sanguis, qui circa ipsum in uenulis habetur, tenuis quidem, & purus: sed facile refrigerabilis sit (qua de causa & cibi diuaporatio, ratione loci refrigerata, fluxiones morbidas committit) hominibus auxilio ut sanitatem tueantur, talis species odoris existit: eius enim nulla alia, quàm hæc, functio habetur: hanc autem apertè exercet. Nam cibus tam siccus, quàm humidus delectabilis existens, plerumq; morbos excitat: qui præ odore, qui per se bene oleat delectabilis est, is utunque homines habeant, semper propè dixerim utilis aduenit. Ob idq; sensus eius, per respirationem non omnibus, sed hominibus, & è sanguineo genere quadrupedibus, ac ijs, que uberior aëris naturam participant, fieri uidetur.

Cum

Cum enim odores propter leuitatem caloris, qui in eis est, ad cerebrum ascendunt, locus iste incolumius habere solet: quando uis odoris per naturam calida est. Natura autem, spiratione abutitur ad duo: ex instituto, ad opitulandum intraneis partibus pectoris: prater institutum, ad odores excipiendos: nam spirante homine, natura, quasi obiter, per nares motum facit. Eiusmodi uero odoris genus naturæ hominis proprium est, quod homo inter animantia maximum proportionem corporis, humidissimumque cerebrum habeat: ob id enim & cunctis animantibus unus, florum taliumque rerum odores sentit, & eisdem gaudet: nam calor eorum, ac motio, exuperationi humiditatis, & frigiditatis loci illius commensu quodam respondet. Ceteris autem pulmone præditis, per respirationem sensum alterius generis odoris, natura concessit, ut ne duo sensoria faceret: unum enim sufficit, quandoquidem ut homineis utrumque olfactile respirando olfaciunt, ita hæc alterum solum. Quæ uero non spirant, olfactilis sensum habere, in aperto est. Etenim pisces, totumque insectorum genus, exactè uel eminus, etiam si multum distent, cibum sibi peculiarem sentiunt, propter alimentariam speciem odoris, ut mel apes, & paruularum formicarum genus, quas quidam culices dictos muliones appellant: & marinis purpure, & pleraque alia id genus animalia, suum cibum propter odorem acriter sentiunt: quo uero sentiant, non perinde manifestum est. Quocirca dubitauerit quispiam quo percipiant odorem, si respirantia quidem unico, simplicique modo odorentur (id enim in omnibus quæ spirant, contingere uidetur) ex illis autem nullum respiret, tamen si odorari soleant: nisi quidam alius præter illos quinque, sensus habeatur. At hoc fieri nequit: nam ipse olfactilis, olfactus est.

illa uerò hoc sentiunt, sed forsitan non eodem modo: sed respirantibus quidem, spiritus id quod instar operculi cuiusdam superpositum est, aufert: unde fit, ut quando non respirant, nullum odorem sentiant: non respirantibus autem, hoc natura denegauit. Et quidem hac in re perinde atque in oculis euenit: nam ex animantibus, quædam palpebras habent, quibus non apertis cernere nequeunt: quædam nempe quibus duri sunt oculi, eisdem carent. Quocirca nullo indigent quod eas aperiat: sed protinus ex quo spatium fieri potest, ut uideant, uident. Consimiliter et cæteris animantibus quodlibet, neque odorem rerum per se grauius olentium auersatur, nisi quid forte occurrat, quod illi perniciem asferre possit: ab his autem perinde ut homines examinatur: et quemadmodum homines alitu prunarum grauedinem capitis contrahunt, et plerunque suffocantur, ita et illa, uel sulphuris, bituminosarumque rerum fugitant, quod male afficiantur, et interdum extinguere solent. Neque ipsam per se graueolentiam persequitur, quamuis stirpes plurimæ grauius oleant, nisi quid illi ad irritandam gulam cibum uel sumendum conferat. Videtur autem et ipse sensus olfactus, cum sensus numero concludantur impari, et numerus impar medium obtineat, esse medius inter eos qui tangendo suo munere funguntur: quales sunt tactus, et gustus, et eos qui intercedente aliquo sentiunt, cuiusmodi sunt uisus, et auditus. Quapropter et ipsum olfactile, affectio quædam nutritiuorum est: hæc autem in eodem genere sunt. Quin et audibilis, et uisibilis. Vnde fit ut animalia, tum in aëre, tum in aqua odorentur. Quare ipsum olfactile, his utrisque commune quippiam existit, quod et tangibili, et audibili, atque perspicuo inest. Quo etiam fit, ut non ab re per similitudinem quandam dicta sit esse: quasi tinctura quædam



quædam, & collutio siccitatis in humido, & fluido. Quomodo igitur olfactilis species dicere conueniat, & quomodo non conueniat, hætenus dictum sit. Quod autem quidam Pythagoræi dicunt, asserentes nonnulla odoribus ali, haud quaquam rationi consonum est. Nam primò quidem uidemus, oportere cibum esse compositum: etenim ea quæ aluntur, simplicia non sunt. Quocirca & è cibo superuacanea quædam gignuntur, aut intra illa aut extra quomodo plantis accidit. Deinde, nec aqua ipsa per se, & incomposita, alere solet: cum oporteat id quod ex aliquo constituitur corpulentum esse. Sed & adhuc multò minus consentaneum est, ærem corporari. Præterea omnibus animalibus locus inest, qui cibum recipiat, à quo ipsam corpus alimoniam attrahit: at olfactilis sensorium, in capite situm est. Item illud unà cum spiritosa exhalatione ingreditur: quare ad spirandi officinam commeabit. Quod igitur olfactile, quatenus olfactile nihil ad nutritionem conferat, certum est: sed quod ad sanitatem, & per sensum, & per ea quæ diximus patescit. Quare quod est sapor in nutritiuo, & ad ea quæ nutriuntur, id est olfactile ad sanitatem. Per singula igitur sensoria definitum sit, atq; pertractatum hoc modo.

Hic Arist. quomodo qualitates sensibiles sunt diuisibiles, declarat.

CAP. VI.

**D**ubitauerit autem quispiam, quæretq; si corpus omnem in infinita diuidatur, sensiles ue etiam affectiones, ceu color, sapor, odor, sonus, grauitas, leuitas, frigiditas, caliditas, durities, & mollities, in infinita diuidentur, an id fieri nequeat? Quoniam singula quæq; sensilis affectio, sensum facere potest: cum ex eo quod pellere sensum irritareq; possit, hoc nominis sortita sit. Quare necessarium esset, ipsum quoq; sensum in infinita diuidi, necnò sensibile omne

X 3 magnit

magnitudine præditū esse: quandoquidem fieri non potest, ut quis quod album quidem sit, sed non quantum, cernere queat. Nam si ita non sit, continget corpus aliquod esse, quod neque colorem habeat, neq; gravitatem, neque aliam ullam id genus affectionem: quare neq; sensibile prorsus erit: etenim ille, sensibilia ipsa sunt. Sensibile ergo non ē sensibilibus compositum erit. At necessarium est, ipsum ē sensibilibus compositum esse: non enim ē mathematicis componitur. Præterea qua parte agnoscemus ea, atque dijudicabimus an mente, siue intellectu? At intellectilia non sunt: non enim intellectus externa ea quæ sub sensum minime cadunt, intelligit. At si hæc ita sese habeant, ad stipulari videntur hisce, qui magnitudines faciunt indiuisibiles: ad hunc enim modum ratio ipsa dissoluatur. Verum hæc impossibilia sunt: dictum est autem de ipsis in dissertatione de motu. Eorum autem solutio pariter emerget, & cur species & coloris, & saporis, & sonorum, & cæterorum sensilium, finitæ sint. Nam quæ extrema obtinent, eorum intranea finita sint necesse est: ipsa porro contraria, extrema sunt: omne autem sensibile, contrarietatem possidet: uerbi causa, color, album & nigrum: sapor, dulce & amarū, & reliqua omnia ad hunc modum. Ipsum igitur cōtinuum, in infinita quidem inæqualia, infinita uerò æqualia secatur: quod autem non per se continuum est, infinitas species. Cum igitur affectiones ipse, species appellande sint, atque in hisce continuitas semper insit: sumendum est esse potentia, & actu, differere. Ob idq; decies mille simam milij partem uisam latere: quamuis aspectus sese applicet ad nilium: & sonum in die si itidem latere, quamuis auditus totum continentem modulum exaudiat. Nam interuallum illud, quod sese ab intermedio ad extremos porrigit, latere solet. Consimili-

ter & in cæteris sensilibus, illa quæ admodum exigua sunt: ubi enim separata fuerint, potentia uisibilia sunt, actu minime: etenim linea pedalis actu iam diuisa, bipedali potentia inest. Tantillæ autem exuperantiæ, separatæ, ratione optima in continentia ipsa dissoluentur, non aliter quàm si quis modicum succum in mare effundat. Verumenimvero cum exuperantia sensus nec per se sensilis sit, nec separata (ea enim in sensu exactiore potentia inest) neque tantillum sensile separatum sentiri actu poterit, attamen sensile erit iam enim potentia sensile est, & actu erit, ubi toti accesserit. Nonnullas igitur magnitudines, affectionesq; latere, & quam ob causam: item quomodo sensiles sint, & quomodo non sint, dictum est. Vbi uerò adeò tot iam insunt, ut actu sensiles sint, & non solum in ipso toto, sed etiam seorsim, & colores, & sapes, & sonos numero finitos esse necesse est. Dubitauerit porro quispiam, utrum aut sensilia ipsa, aut motiones ab eis profectæ, utrouk modo sensio fiat, ubi operantur, prius ad medium deueniant, quòd tam odor, quàm sonus agere uidetur: qui enim in propinquo est, k prius odorem sentire solet: atque sonus, diuile post ictum ad aurek peruenit. Num ergo sic de eo quod uidetur, & lumine sentiendum, quemadmodum & Empedocles asserit, dicens lumen quod à sole profluit, prius ad medium, quàm ad ipsum oculum, aut ad terram deuenire? Id quod ratione optima contingere uidetur. Nam id quod cie tur, alicundè aliquo cieri solet. Quare necesse est, tempus aliquod exultet, in quo ab altero ad alterum cieatur: at tempus omne diuisibile. Quare erat quando nòdum uidebatur: sed adhuc ferebatur in medio radius. Et quamuis omnia audiant simul & audierint, & omnino sentiant & senserint, atq; sensuonũ nulla sit generatio, sed absq; generatione existant:



stant : tamen nihilominus illa perinde habebunt atq; sonus, qui ictu iam facto nondum apud auditum est. Hoc autem & ipsa literarum affirmatio declarat, quasi latio in medio fiat : non enim audiuisse uidemur id, quod dictum sit : quia aër motum subiens, afformetur. Nunquid igitur & color, & lumen, hoc idem faciunt? non enim ex ijs, quæ æquabili interuallo distant, alterum cernit, alterum cernitur, eo quòd modo quodam sese habeant, cum minimè oporteat utrunque certo loco esse: quoniam in ijs quæ intercapedine æquabili disjunguntur, nihil refert, siue propè, siue procul à sese sint. An sono & odori hoc ipsum euenire consentaneum est: nam perinde ut aër, & aqua, continua quidem sunt, sed tamen motio utriusq; partita est. Quocirca tum idem, tum non idem, primus, & nouissimus audiunt, olfaciuntq;. Videtur autem quibusdam, hoc quoq; difficultatem habere. Quidam enim aiunt esse impossibile, ut alius idem quod alius audiat, aut uideat, olfaciat uel: quandoquidem fieri non potest, ut unum multi, & seorsum existentes audiant, aut olfaciant: idem enim seiunctum à sese, separatumq; esset. An quod primò quidem mouit, ceu tintinnabulum, aut thus, aut ignem, unum & idem numero omnes sentiunt: quod autem iam proprium est, numero aliud, specie uerò idem? Quocirca, plures simul uident, & odorantur, & audiunt. Cæterùm hæc, neque sunt corpora, sed affectio, & motio quedam (alioqui nequaquam istud eueniret) neque sine corpore. De lumine uerò, alia ratio est: nam lumen, essentia quedam, & non motio, existit. In summa, non perinde in alteratione res habet, atq; latione. Nam lationes, iure optimo prius in medium perueniunt: uidetur autem sonus esse motio cuiuspiam, quod lationem subeat. Quæ uerò alterantur, neutiquam similiter faciunt: contin-

git eum quippiam uniuersim alterari, & non dimidium prius,ceu aquam omnem simul concrefcere. Sedenim nō= nunquam,dum calefit,aut concrefcit,pars alteri proxima, ab ea cui heret,afficitur:prima uerò ab ipso alterante im= mutari assolet, nec necesse est,eam simul & uniuersim alte rari. Porro si in humore degeremus,sapor ut odor esset,& adhuc longiore interuallo, antè quàm eum tangeremus, sen tiretur. Ratione quoq; optima euenit,ut sensoria, quæ non nisi aliquo intercedente medio functiones suas exercent,nō simul patiantur, præter quàm in lumine, propter id quod dictum est: propter quod idem etiam de uisione sentiēdum est,nam lumen ipsum,uisionem efficit.

Hic ostendit Arist.omne quod sentitur diuifibile esse:

quodq; est indiuisibile,non esse sensibile. CAP. VII.

**E**st autem & alia quedam talis circa sensus, dubitatio, Utrum contingat duos simul sentire in eodem, & in= diuiduo tempore, nec'ne. Planè semper si ualidior motus debiliorem elidat (Ex quo fit,ut quæ ob oculos diuersan= tur,non percipiant qui fortè uehementer quippiam medi= tantur,aut trepidant,aut ingentem sonitum exaudiūt. Hoc itaque constitutum sit, & illud nempe singula melius sen= tiri simplicia, quàm commista, ut colorem, mel & uinum meracum,quàm temperatum:& neten solam,quàm in con sonantia diapason,quod sese uicissim offundant:id quod fa= ctitare solent ea,ex quibus unum quoddam dissultat) si sem per, inquam, ualentior motus infirmiozem depellat: ne= cesse est si simul sint,etiam illum minus sensilem esse,quàm si solus esset, cum ab eo minor intermissus quippiam de= trahat,si simplicia omnia propius sentiantur. Si ergo mo= tus aequales sint,ac diuersi, neutrius erit sensio: nam alter alieram offuscat, nec simpliciter sentiri possunt. Quare

aut

aut nulla erit sensio, aut ex utrisq; alia emerget: quod etiam effici uidetur ex hisce quæ confunduntur, in quodcunque mista fuerint. Cum igitur ex nonnullis quippiam fiat, ex nonnullis non fiat, talia autem sint quæ diuersas subiiciuntur sensibus (nam ea misceri solent, quorum extrema sunt contraria: at ex albo, & acuto, unum fieri nequaquam contingit, nisi per accidens, & non uti ex acuto, & graui, contentus exultat) nullatenus profectò contingit ea simul sentiri. Nam si motus ipsorum sint æquales, mutuo sese oblitterabunt, cum ex eis unus non fiat: si uerò inæquales, præstantior sensum efficiet. Præterea, anima potius simul duorum unus est sensus, ceu acutum, & graue, uno sensu sentiret: quia motio unius sensus, eadem, inquam, eiusdem potius simul fiat, quàm duorum, ceu uisus, & auditus. At fieri non potest, ut ea uno sensu duo simul sentiat, nisi mista fuerint: nam mixtura ipsa esse unum assolet: unius autem, unus est sensus: unus uerò sensus, simul ipse fit. Quare anima necessariò simul sentit commista, quòd ea uno sensu actu sentiat: nam unius numero quidè est, qui actu unius est: specie uerò, qui potentia. Si itaq; sensus actu unus sit, illa unam dicet: necesse est igitur ea esse mista. Vbi ergo mixta non fuerint, sensus qui actu fiunt, duo erunt. At secundum unam potentiam, & tempus impartibile, unum esse actum necesse est: unius enim potetia, unus est usus, qui semel fiat, ac motus: potentia autem, una est. Nequaquam ergo contingit, uno sensu duo simul sentire animam. At uerò si quæ sub eundem sensum cadunt, anima simul sentire non possit, si duo sint, certum est eam minus posse simul sentire, quæ sub duos cadunt, ceu albū, & dulce. Etenim anima, id quod numero unum est, non aliter quàm simul dicere uidetur: quod autem specie unum est, iudicā: e sensu, & modo quodam



dam. Hoc autem dico, quia fortasse album & nigrum, quæ  
specie differunt, idem sensus indicat: & dulce & amarum  
idem quidem ipse, ab illo autem alius: sed contrariorum  
utrumque diuerso modo. Consimiliter & quæ sibiipsis con-  
sociabilia sunt: nam quemadmodum gustus dulce, ita uisus  
album: & contrà, quemadmodum uisus nigrum, ita gustus  
amarum discernit, atque diiudicat. Præterea si contrariorum  
motiones contrariæ sint, atque fieri non possit ut contraria  
in eodem, ac indiuiduo simul insint, sed sub uno sensu sint,  
ueluti dulce & amarum, nequaquam profectò continget  
contraria simul sentiri. Pari quoque modo constat, nec ea  
quæ contraria non sunt, simul sentiri posse: quando alia, ad  
album, ad nigrum alia pertinent: id quod etiam in cæteris  
similiter euenit, ut in saporibus: quorum ad dulcem alij,  
alij ad amarum redigi solent. Nec ea quæ commista sunt  
(quippe quæ sint rationes oppositorum, ceu diapason &  
diapente) nisi ut unum sentiantur: sic autem extremorum  
ratio una sit, aliàs non: erunt enim simul, altera multi ad  
paucum, aut impari ad parem: altera pauci ad multum,  
aut parisi ad imparem. Si ergo plus adhuc distant inter se,  
ac differunt, quæ per consociationem quidem, seu coordi-  
nationem dicuntur, sed in alio genere sunt, quàm quæ idem  
genus habent: uerbi gratia: dulce & album consociata qui-  
dem, suæ coordinata uoco, genere autem diuersa: dulce  
uero plus adhuc ab atro specie differt, quàm ab albo: ad-  
huc profectò minus ea simul sentiri continget, quàm quæ  
genere eadem sunt: quare si non hæc, neq; illa. Quod au-  
tem quidam ex his, qui circa consonantias uersantur, asserunt  
nempe sonos non simul quidem peruenire, sed uideri, ac  
tempus nos latere ubi insensibile fuerit: probe ne dicitur,  
an non? Fortè enim quispiam nunc quoq; iuxta illud dicat,  
uideri

uideri cuilibet se simul contueri, aut exaudire quæpiam, quòd intermedia tempora oblitescant. An id uerū non est, nec fieri potest, ut tempus ullum sit insensibile, aut lateat, sed omne sentiri contingit. Nam si quando quis seipsum idem, aut alium in continuo tempore sentit, non contingit tunc latere se esse: est autem aliquod in continuo etiam tantum quantum prorsus sensibile est: certum est quòd tunc eundem latebit se esse, se uidere, & denique se sentire, & si sentit. Præterea nec tempus, nec res ulla erit, quam quis sentit, aut in quo sentit, quam aut in quo non sentiat, quod in illius aliquo aut istius aliquid uideat, perinde ac si dicas illum totam terram uidere, quòd hanc eius partem uideat: & in anno ambulare, quòd in hac parte eius ambulet: si magnitudo aliqua tum temporis, tum rei præ exiguitate insensibilis omnino habeatur. Nam si tota die uidet, à toto eodem iugi tempore sentit, non eo quòd in huius aliquo sentiat, auferatur portio CB in qua non sentiat. Non igitur in huius aliquo, aut huius aliquid sentit. At uerò in parte CB nihil sentit. Eo ergo quod in huius puta AB, aliquo sentit: totum, ac tota sentire dicitur. Eadem quodque ratio est, in AC: semper enim in aliquo, & aliquid sentit, totum autem sentire non contingit. Omnia igitur sensibilia sunt, sed non quanta sunt, apparent: solarem enim magnitudinem, quadricubitamq; eminus uidet: at non quanta sit apparet, sed interdum indiuisibilis, uidet tamen non indiuisibilem. Huius rei causa in prioribus dicta est. Nullū igitur esse tempus insensibile, per hæc constat. De dubitatione uerò quam prius dixi, scrutandum est: utrum contingat sentire plura simul, nec ne: dico simul, in uno, ac indiuiduo tempore inter se. Primum igitur utrum sic contingat, uidelicet simul quidem, sed alio animæ & non  
indiu

indivisibili, sic tamen indivisibili ut toto existente continuo? An dicendum in primis quæ sub unū sensum cadunt, ceu visum, ea simul sentiri posse, si alio alium calorem sentiat, pluresq; partes habeat specie easdem? etenim quæ sentit, in eodem genere sunt. At si quis dicat nihil prohibere quin ut oculi duo sint, ita & in anima res habeat, dicendum quod forte ex illis quidem unum quid sit, & actus eorum unus est: hic uero si quod ex ambobus constet, unum sit, id quod sentit illud erit: sin uero illa seorsim maneant, haud similiter habebit. Præterea sensationes ipse plures erūt, perinde ac si quis scientias differentes dicat: quando nec actus, sine potentia sibi respondente: nec sensio sine actu esse potest. Quod si hæc, anima in uno, & indiuiduo sentiat, palam est quod & alia sentit: quippe cum potius ea plurima simul sentire contingat, quam quæ genere diuersa sunt. Itaque si alia parte dulce, alia album sentiat: aut quod ex istis partibus resilit unum est, aut non unum. At necesse est esse unum: quandoquidem pars sensitiva, unum quippiam est. Cuius igitur illud unius erit? nam ex dulci & albo, nullum unum sit. Necesse ergo est unum quid anime esse, quo omnia sentiat, quemadmodum prius dictum est: sed aliud genus, per aliud. Non igitur id quod dulce & album sentiat, quatenus indivisibile quippiam actu est, unum est: ubi uero diuisibile actu euasit, aliud? An quemadmodum in rebus ipsis euenit (idem enim, ac unum numero, album est, & dulce, & pleraque alia) ita & in anima euenire censendum est? nam etsi affectiones separabiles à sese nō sunt, singulis tamen ratio diuersa competit. Consimiliter ergo statuendum est in ipsa quoque anima id, quod omnia sentiat, idem esse, ac unum numero: rationem tamen aliam & aliam esse: horum quidem genere, illorum uero specie.



Quare & anima simul eodem, ac uno sentiet, ratione non eodem. Quod autem omne sensibile magnitudine prædictum sit, nec id sentire contingat quòd sit indiuisibile, hinc manifestum euadet. Nam unde uisibile nō uideatur, infinita distantia est: unde uideatur, finita: consimiliter de olfactili, & audibili, & ijs omnibus, quæ sine actu sentiuntur, dicendum est. Est itaque aliquid, ultimū distantie unde non uidetur, & primū distantie unde uidetur: hoc ergo indiuisibile sit necesse est, ultra quod quicquid iaceat sentire nō cōtingit, citra uerò sentire necesse est. Si ergo aliquod sensibile indiuisibile sit, ubi positum fuerit in extremo illo unde est ultimum quidem non sensibile, primum autem sensibile, accidet illud simul esse uisibile, & inuisibile: quod impossibile est. De sensorijs igitur, & sensibilibus, quo pacto sese habeant, & communiter, & per singula sensoria dictū est. Ex reliquis, primò de memoria, & reminiscencia considerandum uidetur.

## DE MEMORIA ET REMINISCENTIA ARISTOTELIS LIBER,

Francisco Vatablo interprete.

\*

*Argumentum huius libri, per  
Nicolaum Leonicum.*

POSTEAQUÀM à Philosopho Aristotele in ijs, qui de Anima inscribuntur, commentariis, primum quidem de omni vniuersaliter anima pertractatum est: postea uerò de singulis illius potestatibus, & viribus, quot scilicet existunt, & in quam

quānam re esse habeant suum: quo etiam in loco de sentien-  
 te illius potentia verba fecit, ostendens quānam illa esset,  
 quam vsitato vocabulo primum vocat sensum: postmodum  
 declarans etiam in quot illa disternitur, distinguaturque  
 sensus: de ipsis quinetiam sensibus separatim verba faciens,  
 docensque quānam ipsorum vis sit illa, à qua singulis ipsum  
 sentire prouenit: & quidam sint actus, & circa quod versan-  
 tur: & in commentariolo præterea de sensu, & sensili, cum de  
 singulorum sensiterijs sensuum accuratè locutus esset, qualia  
 scilicet essent, & ex quibus constarent: hoc autem idcirco,  
 quoniam sine illis sentire non potest anima, cum sentientis  
 operatio animæ non nisi intercedente fieri animaduertatur  
 corpore. Cum isthæc, inquam, omnia retrò Aristoteles præ-  
 misisset, & cōmodè etiam, & abundè de singulis pertracta-  
 set: consequenti doctrinæ ordine post libellum de sensu, &  
 sensili, commentariolos de memoria, & somno, non sine ra-  
 tione subiunxisse videtur. Quoniam enim memoria, vel pas-  
 sio est, & affectio, vel habitus cōmunis appellati sensus quem  
 primum nuncupauimus sensum, vt cum de illa verba fiunt,  
 manifestè compræhendere licebit, qui sanè communis sensus  
 in primo collocari, cōstituiq; sensiterio cēsetur, quod ipsum  
 esse cor à Physicis penè omnibus pro certo tenetur: non ab  
 re post commentarios illos de sensu & sensili, hos de memo-  
 ria & somno libellos subiungit Philosophus: in quorum pri-  
 mo quærit, quidnam sit memoria, & in qua animæ colloce-  
 tur parte: item quānam sint, quæ memorabilia dicuntur: quo  
 etiam in loco memoriam in primo esse asserit sensu, illiusq;  
 sensiterio. Querit etiam postmodū quonam modo fiat me-  
 moria, & quam ob rem neq; prima ætate pueri, neq; valde se-  
 nes, & decrepita ætate iam fathiscentes, memoria pollere  
 percipiuntur. Præterea, cur interdum accidere videatur, vt  
 illi, qui aliquorum meminerint, falsò sibi ipsis sentire, id est,  
 imaginari videantur. Phantasia enim, & sensus, licet ratione  
 differant, eadē tamen esse subiecto cēsentur. Et rursus, quam  
 ob causam interdum sentientibus accadat, vt non sentire, sed  
 meminisse videantur, quod Antipheronti Oreitæ contigisse  
 ipse asserit Philosophus. Subiungit præterea quānam sit re-  
 miniscētia, & quo proueniat, fiatq; modo, quāue re à memo-  
 ria distare censeatur: & quòd corporea quædam est passio

ipsa reminiscencia. Quinetiam quam ob causam ebriofis minus reminisci valent. Quæ profectò de memoria, & reminiscencia à nobis præcisè nunc decursa, à Philosopho latius in hoc pertractantur commentario. De somno autem & vigilia primò quærit in quanam animæ parte huiusmodi fiant passionibus: ostenditq; quòd in eadē animæ & vnica parte isthæc ambo fiunt. Declarat præterea quòd ambæ istæ passionibus animæ communes sunt & corpori. Quo etiam in loco euidentes explicant causas, cur vicissim animalia dormiant, & vigilent: & quinam ille sit sensus, declarat, quo animalia istas subire passionibus censeantur, cuiusmodi'ue istæ existant passionibus. De insomnijs præterea verba facit, & quanam animæ parte insomnijs cernantur, & appareant: quæue sint, & quomodo fiant somnia. Quinetiam quòd à dijs & superioribus non transmittantur naturis, vt quidam voluere, ostendit, cum illorum quædam sint signa, alia verò causæ eorum, quæ circa corpus versantur: nonnulla autem fortuita quædam accidentia meritò existimari possint. Subditq; postmodum quibusnam certa, significantiaq; accidere solita sint insomnijs, & quam ob causam id contingat. De huiusmodi igitur, vt diximus, seriosius in ijs etiam pertractatur libellis. Quoniam autem memoria subiecto eadem est cum phantasia, quamuis ratione sit diuersa, vt paulò post explicabitur, & idcirco quæ animæ parte sentimus, eadem sanè imaginamur, & meminimus, non erit malū, vt arbitror, si prius quædam circa phantasiæ ipsius naturam breuiter perscrutemur: ita enim quænam sit memoria secundum Peripateticorum placita, nobis erit manifestum. Cæterum vt isthuc etiam melius, expeditiusq; percipere valeamus, quoniam sensus & phantasia differant, prius videamus: non enim, vt diximus, eadem sunt ista, neque rursus omnino censentur esse diuersa. Differt igitur phantasia à sensu (vt ex Alexandri colligitur verbis in commentarijs de Anima) quoniam sensus quidem fieri, & esse dicitur sensibilibus præsentibus: phantasia autem est illis etiam absentibus. Sensus quinetiam vigilantium esse percipitur, phantasia etiam in somno oppressis esse censetur. Præterea sensus quidem in nostra non videtur esse potestate: non enim nostri arbitrij est absentibus sentire sensibilibus, & non sentire præsentibus. Phantasia autem in nostræ spontis arbitrio est repositæ.



reposita: arbitrati namque nostro, quæcunque voverimus, &  
 eum voverimus, licenter, & libere imaginari possumus. Ex  
 quibus palam certè est, phantasiam à sensu multum distare:  
 quo autem modo eadem cum sensu sit phantasia, paulò post  
 clarè ostendetur. Verùm quoniam circa initia omnia sem-  
 per sunt accuratiùs explicanda, vt quæ sequuntur peruia sint,  
 & clarescant magis: idcirco quidnam ipsa existat phantasia,  
 in primis, vt arbitror, est præmonstrandum: quam hoc sanè  
 modo perspicere, & intelligere poterimus. Certum enim est,  
 quòd in nobismetipsis ab operationibus, actibusq; sensuum  
 singulorum figuræ quædam, siue rerum imagines & simula-  
 cra imprimuntur, & conformantur in primo animæ sensite-  
 rio, quod pro confesso à Physicis cor esse existimatur: in qua  
 certè animalis parte sensitiuæ reponitur, & collocatur ani-  
 mæ vis, vt pluribus nos docet rationum euidentia. Aphro-  
 disæus in suo de Anima commentariolo. Hanc enim rem in  
 præsentia recensemus de illorum sententia, qui inter Peri-  
 pateticos Alexandræi fuerunt denominati. In primo igitur  
 sensiterio, id est corde, siue in eius sanguine, seu illius spiritu  
 (hoc enim in præsentia indisscussum relinquimus) eæ figu-  
 ræ, siue rerum imagines, & picturæ expressæ, & manifestæ in-  
 signiuntur, quæ sanè vestigia sunt, & simulacra, reliquæq; ea-  
 rum, quæ à sensilibus præfuerunt, motionû in ipsis sensuum  
 organis affectarum: quæ, inquam, vestigia & reliquæ, ipsis  
 etiam absentibus sensilibus, perstant, & remanent, tanquam  
 imagines quædam, & simulacra, quæ in nobis conseruata, &  
 veluti in promptuario quodam penu reposita, memoriæ  
 postmodum deseruiunt, & subministrant, illiusq; veræ esse  
 censentur causæ. Hæc igitur vestigia, & has absentium sensi-  
 lium configuratas reliquias, phantasiam appellare Peripate-  
 tici censuerunt. Quam ob rem phantasiam definientes non-  
 nulli, illam dicunt esse configurationem in anima reserua-  
 tam, aut in principe animæ sensiterio. Cæterum, vt arbitror,  
 animaduertendum est, ne fortè configuratio illa haudqua-  
 quam phantasia esse dicatur, sed potius ipsa phantastica vir-  
 tutis operatio, & actus circa configurationes, imaginesq; il-  
 las, hoc cèsenda est nomine. Si enim confirmatio illa, & con-  
 figuratio esset phantasia, imaginaremur vtique, & phantasti-  
 ca vteremur virtute, si nihil etiam circa configurationem,

conformationemque illam actu operaremur, sed eam solum habentes, id ipsum sanè efficeremus: quod certè falsum esse apparet. Verum neque hoc solum sequeretur absurdum, sed quòd simul etiam in eodem temporis puncto in pluribus phantasiæ versaremur simulacris: quinimò in illis omnibus, quòrum imagines, & typi in nobis repositi essent, & insigniti. Præterea, qui illò dicunt modo, aut nunc factam configurationem illam phantasiam esse volunt, aut iamdiu affectam, & præexistentem. Quòd si eam, quæ nunc facta est, phantasiam dixerint, sensum profectò in actu esse phantasiam dicere cogentur: quod nimirum absurdum est, & inconueniens, cum ex animæ potestates à se inuicem sint seiugatae. Si verò iam factam, & reservatam configurationem phantasiam appellauerint, memoriam certè denominare phantasiam erunt coacti. Vtrinque igitur, ut apparet, excipiunt angustiae, & in salebris, ut aiunt, manifestè illorum hæret opinio. Melius igitur est, & vero consentaneū magis, dicere, quòd quemadmodum in sensilibus est quippiam, quod sensile appellamus, & rursum quiddam est, quod vim, siue potentiam dicimus sensitiuam: & est præterea tertium quiddam, quod illius potentiae peculiaris censetur esse actus, quem sanè sensum appellare consueuimus, siue, ut ita dicam, sensationem: pariq; etiam modo in intellectu quiddam est, quod intelligibile vocatur: rursusq; aliud, quod intelligens, siue intellectus, siue mens nuncupatur: tertioq; loco actus est ipse, & operatio, qui intellectus dicitur: ita profectò de phantasia ipsa afferendum, quiddam scilicet esse, quod phantasiabile, ut ita dicatur, (ad res enim exprimendas nihil prohibet, ut arbitror, nomenclatoris interdum vice fungi) phantasiabile, inquam, siue imaginabile dicitur: & hoc itaque illa erit pictura, siue formarum reliquiarum, quæ ab actu & operatione sensilium sunt conformatae, & hoc sanè analogiam, siue proportionem cum re, quæ sentitur, vel intelligitur, merito habere censetur. Est præterea quiddam, quod phantasticū, siue imaginosum appellatur, id est, vis ipsa, & potestas phantasiæ. Et hæc nimirum proportionem respondere videtur cum intellectui ipsi eo in genere, tum sensui, id est, potentiae intellectiuae, & sensitiuae. Tertium præterea ipsa est phantasia, id est, actus ille, & operatio virtutis phantasticæ circa imagines illas,

illas, & simulacra à sensilibus rebus in primo sensiterio insignitas. Et hæc profectò intellectiōni, & sensationi proportionē respondere videtur, id est, ad illorum operationes, & actus. Est igitur phantasia, vt in præsentia describatur modò, phantasticæ potestatis actus circa res, quæ phantasiari, & imaginari possunt. Phantasticæ enim subiacent potentiæ, ceu propria, & peculiaria obiecta, simulacra illa, & imagines, quæ in primo sensiterio sensilium in actu reliquæ, & vestigia quædam restant impressa, quæ à nonnullis intrinsecè appellari sensilia consuevere: veluti ea, quæ à sensili percipiuntur potentia, externa, sensilia merito nuncupantur. Figuræ autem illæ, & imagines interdum actu sensus appellantur, quoniam ab actu sensilibus efficiuntur: & hoc modo actu sentire, est has in se ipso configurationes, rerumq; habere imagines, quæ ab externis nimirum sensilibus fuerunt impressæ. Phantastica autem animæ vis subiecto, vt diximus, eadem est cum sensitiua eiusdem potestate, licet ratione isthæc ab inuicem differre censeantur. Sensitiua enim est secundum quod solum præsentibus operari sensilibus potest: phantastica autem, vt absentibus etiam extrinsecis sensilibus, per interna sensilia exire in actum valent, & opus exple suum. Sensus igitur circa externa, phantasia verò circa interna operatur obiecta: imò animæ ipsius operatio sensus esse dicitur, cum vi sua sensitiua sensiteriis intercedentibus circa præsentia versatur sensilia. Cum autem eadem sensitiua animæ potestas circa simulacra, & imagines operatur illas ab actu sensilibus impressas, & relictas, ceu circa internum quoddam sensile, tunc operatio illa, & actus phantasia appellatur. Subiecto igitur (vt aliquoties est dictum) eadem, ratione verò diuersa, sensus & phantasia non ab re esse censentur. Quod si etiam vltèrius sensitiua animæ vis circa imagines, & simulacra operatur illa, non sanè simpliciter vt imagines sunt, & simulacra, & vt per se talia existunt, sed vt externorum sunt reliquæ sensilium, hoc in casu eæ illius operationes cum memoriæ profectò, tum reminiscencia esse censentur. Memoria nanque ex phantasia sæpius vltro citroq; repetita, & versata, nimirum effici dicitur. Reminiscencia verò, est renouatio, & veluti reassumptio prioris iam collapsæ memoriæ, & euanescens, postquam intercedens



obliuio imaginum continuitatem illarum labefactauerit, & dissoluerit. Verum de iis ipsis posthac locis suis conuenientius, & melius explicabitur: in praesentia autem satis sit declaratum, sensum, & phantasiam, necnon memoriam, & reminiscentiam, eadem esse subiecto, & sola differre ratione. Caeterum de phantasia ipsa denuo reassumamus, illiusque naturam pro virili melius, dearticulatiuseque explicemus: namque ex iis etiam qualis existat memoria, liquidò comprehendemus. Hoc igitur perspiciamus modo: Contingit ab alio quippiam commotum, ipsum etiam aliud quidam mouere. Verbi causa, baculus mouet lapillum, cum ipse interrim moueatur à manu. Pari igitur modo de primo contingit animaduertere sensiterio, id est, corde. Motum enim ipsum à simulacris, reliquiisque illis, quæ sibi extrinsecus à sensilibus sunt insignitæ, obiectis partialibus intercedentibus sensibus, phantasticam mouet potentiam, eo, inquam, modo, quo potentia sensitiua ab obiectis mouetur externis. Quamobrem phantasiæ hæc non immeritò poterit esse definitio, motus scilicet à sensibus, qui sunt in actu, motus uidelicet à simulacris effectus, & reliquiis, quæ sunt à sensationibus actu, factus in primo sensiterio.

Hic Aristoteles Memoriam & Reminiscentiam non esse eadem ostendit, quemadmodum Memorari, & Reminisci.

CAPVT I.



VID sit Memoria, & meminisse, quaque de causa fiat, & ad quam partem animæ isthæc affectio referenda sit, necnon quid Reminiscentia, & reminisci, explicandum est. Quippe cum non idem memoria præcellant, & facile reminiscantur: sed magna ex parte qui tardo, hebetique sunt ingenio, memoriosiores sint: qui celeri, ac docili, reminiscentiores. Ac primum quidem quæ sint ea quæ

ea quæ memoriæ subiiciuntur, consideremus addeceret, cum soleat in hoc error intercedere. Nam neque futura meminisse possumus, sed opinari, uel sperare: quo etiam in genere scientia quædam præfagiendi habetur, quam nonnulli diuinationem appellant. Neque instantia memoria complecti solemus, sed sensu: nam sensu neque futura, neque præterita cognoscimus, sed duntaxat præsentia. Præterita uerò mandari memoriæ queunt. Quod autem præsens est, cum adest, ut hoc album cum cernitur oculis, nemo se meminisse dixerit: sed nec quod contempletur, cum quid animo uersat, speculaturq;: sed alterum, sentire solum, alterum, discere ac meditari. At cum scientiam, sensum uel sine actione tenet, tum demum meminisse quippiam creditur, ceu angulos trianguli duobus rectis pares esse, tum quia id aliquando speculatus est, aut condidicit, tum quia ita accepit, aut uidit, aut cuiuspiam sensus opera deprehendit: semper enim cum quis aliquid meminit, secum dicat oportet, hoc se antea aliquando audiuisse, aut sensisse, aut denique intellexisse. Est igitur memoria, neque sensus, neque existimatio, sed alicuius horum habitus, aut affectio, cum iam aliquantisper insederit. Præsentium uerò in tempore præsentis memoria non est, quemadmodum diximus, sed eorundem sensus est, futurorum spes, præteritorum memoria. Quamobrem memoria omnis, non nisi elapso quodam temporis curriculo exultat. Hinc fit ut quæ animalia temporis sensum habeant, ea sola meminisse possint: & eadem animæ particula, qua illud sentiant. Sed cum de imaginatione retrò dictum sit in libris de anima, & fieri non posse ut sine phantasmate quicquam intelligatur (intelligenti enim cœnit cum quid intelligit) quod nobis cum figuram quam-

pian

piam delineamus: nam quamvis nullus nobis usus sit præfinitæ magnitudinis, describimus tamen triangulum constituta certâque quantitate: pari quoque modo & ille, quantumvis quod quantum non sit intelligat, quantum tamen proponit sibi, & quasi subijcit oculis, sed non ut quantum intelligit: quod si suapte natura quantum sit infinitum tamen, indeterminatumque, sibi quantum finitum quidem, atque determinatum præsentat, intelligit uerò ut quantum solum. Ceterum quam ob causam quæ sub tempore non sunt sine mole, & tempore intelligi non possint, alio quidem loco dicendum est: necesse autem est eadem nos amplitudinem, & modum parte cognoscere, quæ & tempus. Vnde constat horum notitia ad primum illum, principemque sensum pertinere, atque phantasma communis sensus affectio sit, memoria uerò ea, quæ de intellectibilibus rebus est, non sine phantasmate habeatur: memoria profectò ipsa per se quidem in sensu principe constituenda est, per accidens autem in ipso intellectu. Quo fit, ut non modò hominibus, & ijs animalibus quibus opinatio, & prudentia tributa est, sed nonnullis item alijs memoria insit. Quòd si in parte aliqua intellectus statuenda esset memoria, neutriamquam mutis è brutorum genere contingeret, imò fortè nulli mortali. Quando ne nunc quidem omnibus ea competit, quòd non omnia temporis sensum habeant: semper enim, ut etiam antè retulimus, cum quis meminit, præterea sentit se prius id uidisse, aut audiuisse, aut didicisse: at prius, & posterius, in tempore sunt. Liqueat igitur, in ea parte animæ postam esse memoriam, in qua collocata imaginatio sit: & ea per se memoriæ subijci, quæ possunt sub imaginationem cadere: per accidens, quæ non possunt sine imaginatione intelligi. Sed quærat aliquis, qui fieri possit



possit ut affectione sola presente, absentis rei meminimus? Nam, ut constat, scire oportet affectionem quandam, quæ pictura similis habeatur, per sensum in anima, aut certè in parte corporis eam habente inuri, cuius habitum memoriam esse dicimus: siquidem motus ille, qui fit, quandam ueluti figuram sensationis imprimit, haud secus atque qui annulis sigillant. Quocirca et in hisce, quos præ affectione aliqua, aut etate multiplex motus exercet, memoria non fit, quasi motus, et sigillum in annem profugum incidat: in alijs uerò ne impressio quidem aformatur, alliniturq; , ob partis quæ affectionem excipere debeat, algorem (inalgescit enim ueterum edificiorum rictu) duritiemq;. Proinde tam pueri, quam senes, immunes mores sunt: propterea quòd alteri, ob accretionem in quodam quasi fluxu sint: alteri, ob decretionem. Pari quoque modo carere memoria uidentur, tum qui præceleres, et impèdio uolucres sunt, tum qui admodum tardi, stupidiq; : nam hi quidem, humidiores sunt, quàm par sit: illi uerò, res torridiores. Primi ergo, uisorum impressionem seruare, ac retinere non possunt: alteri, recipere. At si de memoria statuendum ita sit, utrum huiusce affectionis meminimus, an illius unde hæc profecta est? Nam si huius, nihil quod absens sit, meminisse possumus. Si illius, quæ fieri potest ut hanc sentiendo, eius meminimus, quod non sentimus, quodq; abiunctum remotumq; à nobis est? Item si ex ipsius rei sensu quedam quasi pictura, ac impressio in nobis relicta sit, curnam alterius, et non huius ipsius meminimus? nam qui meminit, hanc affectionem spectat, sentitq;. Quo nam igitur pacto, meminisse potest eiusce quod præsens nō sit: hoc enim modo cernere etiam, et audire absentia liceret. An fieri potest, ut hoc ipsum  
conting

contingat eueniatq;? Vt enim animal depictum in tabula  
 & animal est, & imago, & cum unum, idemq; sit, utraq;  
 est: sed tamen eorum ratio diuersa existit, considerariq;  
 potest & ut animal, & ut imago: sic & de phantasma  
 te quod in nobis est censere oportet, & ipsum quip-  
 piam in se, & alterius simulacrum esse: nam quatenus in  
 se, seorsumq; spectatur, spectrum, aut uisum est: quate-  
 nus uero aliud refert, imago, & monumentum. Quare  
 etiam cum idem animum uellicat, ac laceffit, si quis ipsum  
 in se, & ut sui quippiam generis est animo percipiat,  
 quaedam ueluti conceptio, aut uisum succurrisse uidetur:  
 fin uero quatenus alterius est, & uti in pictura accidit  
 tanquam simulacrum, & imitationem contempletur, ean-  
 demq;, tametsi antea nunquam Coriscum uiderit, tanquam  
 Corisci imaginem consideret, tum sane considerationis  
 huiusce conditio, atque natura longe alia est, quam cum tan-  
 quam animal depictum in animo spectat: hic enim, mera  
 conceptio euadit: illic, quod simulacrum alterius sui moni-  
 mentum, & ob id cum sensio quæ præcessit, tales motus  
 in animo nostro excitat, plerunque nescimus sensu ne, an  
 alia ratione id ipsum proueniat, & nonnunquam hæsitā-  
 mus, si sit memoria nec ne. Interdum autem euenit, ut co-  
 gitando, scrutandoq; recordemur prius à nobis quippiam  
 auditum, aut uisum fuisse. Quod euenit, quoties qui phan-  
 tasma aliquod ita considerabat, ut nihil præterea nisi  
 ipsum illud in se contemplaretur, mutata sententia ut si-  
 mulacrum alterius est, speculatur. Est quando & contra  
 accidat: quemadmodum Antipheronti Oreitæ, caterisq;  
 qui excessu mentis tentabantur, conigit: nam quæ ima-  
 ginabantur, tanquam facta & gesta narrabant, & ita  
 ut qui meminisset. Atque hoc fit, ubi quis id, quod non est  
 imago,

imago, speculatur ut imaginem. Porro meditationes, recolendæ memoriæ conseruant, incolumemq; reddunt: Recolere autem, nihil aliud est, quàm crebro phantasmata ut imagines, non ut se in spectra sunt, respicere. Dictum est igitur quid sit memoria, quid meminisse: habitus scilicet phantasmatis ut imaginis eiusce rei, quæ imaginationi subditur, necnon cui earum, quæ sunt in nobis animæ partium, tribui debeat: nempe illi, quæ sibi primarum sentientiæ potestatem uendicat, quæq; nobis sensum, notitiâq; temporis inuehit.

Hic Arist. de reminiscencia determinat, quidq; à memoria differat ostendit.

CAP. II.

**R**eliquum est, ut de reminiscencia, siue recordatione dicamus. Primum igitur, quæ in aggressorijs sermonibus uera sunt, ea pro ueris habeamus oportet: reminiscencia scilicet non esse resumptionem memoriæ, neq; item assumptionem. Nam cum quis primum discit, aut notitia rei imbuitur, neque resumit memoriâ ullam (nulla enim antegressa est) neque de integro assumit: quia tum demum memoria dicitur esse, cum iam factus, corroboratusq; fuerit habitus, aut certe affectus. Vnde fit, ut memoria non simul cum affectu fiat. Item cum primam affectio facta est, in ultimo illo momento, affectio quidem, et scientia, si tamen affectionem, aut habitum scientiam appellare liceat, in re affecta iam inest, memoria uerò haudquaquam. Nihil tamen uetat, quominus quedam ex ijs quæ scimus, per accidens meminisse dicamur. Quanquam meminisse per se non possumus, ante quàm spatium aliquod temporis interlapsum sit: siquidem nunc eius rei meminere, quam prius audiui, aut uidi, aut aliquo sensu cognoui: et non quam nunc sensi, eius nunc meminere.



mini. Præterea manifestum est fieri, ut qui nunc non reminiscitur, meminerit: si denuò sentiat, aut doceatur quod sit oblitus: at quoties quam prius tenebat scientiam, aut sensum, aut denique quodvis aliud, cuius habitum esse memoriam diximus, iam penè interlitum, obsoletumq; re-  
colendo instaurat, & quasi postliminio reuersum tractat, uersatq;: tum & hoc quoque alicuius eorum quæ dicta sunt reminisci est: accidit tamen ut reminiscantiam memoria, & reminisci meminisse comitetur. Neque continuò sit ut simpliciter illa, scientiam dico, sensum, & si quid est eiusmodi, si prius in anima fuerint, rursus in mentem redire, & instaurari debeant: sed contrà, quandoque restituantur animo, quandoque ab eodem perpetuò exulant: nam & ut iterum discat, & iterum inueniat idem eandem scientiam, uulgò contingere solet. Reminiscantiam igitur ab inuentione, & disciplina, differre oportet: & qui reminiscitur, maius principium intus habere, quàm qui discit, aut inuenit. Fit autem reminiscantia, cum motus animæ ita se habeant, ut alter subinde post alterum fieri natus sit: nam si necessario unus alterum consequio trahat, palàm est simul atque ille mouerit eam, hunc moturum: si uerò non necessario, sed ex consuetudine alter insequatur, maiori ex parte mouebit. Contin-  
gitq;, ut quidam semel permoti magis assuecant, quàm alij sepius. Et ideo, quorundam quæ semel uiderimus, facilius quàm aliorum quæ sepicule, meminisse solemus. Cum ergo reminiscimur, quibusdam antegressu motibus mouemur, quousque eo moueamur post quem ille sequi consueuit. Quocirca & ex hoc nunc, aut alio quodam initio seriem sequelamq; uenamus: & à simili, aut contrario, aut finitimo. Et ob id, recordatio fieri assolet:

motus

motus enim quorundam ex his, idem sunt, quorundam simul fiunt, quorundam alter alterius partem obtinent: connexiq; sunt adeò, ut reliqua pars quæ illam sequatur, exigua sit. Ad hunc igitur modum, inuestigare solemus.

Sed & interim nobis non ita inquirentibus reminisci accidit, cùm recordatio motum alterum continuò excipit, subsequiturq;: cæterum illa ferè fit, antegressis alijs motibus, quos dixi. Nec id spectandum est, quomodo quæ remota sunt meminimus, & quomodo quæ propinqua, negligendum: quandoquidem unum, eundemq; modum esse, liquidò constat: dico autem eum, quo quis ea, quæ in seriem digesta sunt, nulla antecedente inquisitione, recordatione uel recenset: consequuntur enim sese quadam consuetudine, motus. Quoties itaque reminisci uolet, id faciet: motus initium capere studebit, quem hic, id est reminiscentia, sequitur. Quamobrem omnis reminiscentia ex principio pulcherrimè, ac summa celeritate corriuatur: nam quo res inter se ordine dispositæ sunt, eum quoque motus earundem obtinent. Et ea item facile memoria continentur, quæ quodam ordine constant, ut Mathematica: at quæ præuè disposita sunt, agrè custodiuntur.

Atque hoc interest inter reminisci, & iterum discere: quòd qui reminiscitur, ab ipso se moueri quodam modo potest, ad id quod principium est: at cùm per se non potest, sed alterius ceu præceptoris auxilium desiderat, non amplius meminisse uidetur. Sepe uerò iam quidem reminisci non potest: querendo tamen potest, ac inuenit. Quod homini contingere solet, dum tantisper uaria mouet, quoad in motionem eam inciderit, postquam res sequatur. Est enim meminisse, mouentem quandam facultatem intus possidere: sed tamen eiusmodi, ut animus ex seipso

seipso, & motibus quos habet moueri queat, ut dictum est. Ac principium quidem sumi debet. Quocirca nonnunquam uidetur ex locorum dispositione reminisci.


Causa autem est quod citò ex alio in aliud ueniat, ut ex lacte in candorem, ex candore in aërem, ex aëre in humorem, ex humore in autumnii memoriam: cum hanc partem anni satagit inuenire. Videtur autem uniuersaliter in omni genere quod medium est, uicem principij obatinere. Nam si non prius, saltem cum ad id quod in medio titullio est, peruenerit, res uestigata succurret, aut nunquam præterea, nec aliunde: uerbi gratia, scribantur litteræ septem A C D E F G H: per quas mentis cogitatio iura sit. Si enim non continuo ubi uentum est ad E, meminit, simul atque ad H appulerit, meminisse dicitur: nam ab E, in utranque partem, & in D & in F discurrere potest. Quod si ex his nullam disquirat, in C profecta meminerit, si D aut C uestiget: quemadmodum in G profecta meminerit, si G aut F perquirat.

Sin minus, in A: & ita ordine perpetuo. Cur autem ab eodem principio interim meminisse queat, interim non queat, causa est, quod ex eodem principio in multas partes ire contingat: ueluti ex E in F, aut in D. Si igitur non per uetera simulacra discurrat, ad id rapi solet, quod sibi familiarius propter consuetudinem reddidit: iam enim consuetudo ipsa, in quandam naturam commigrat. Quapropter quæ frequenter cogitamus, citò reminiscimur: nam ut natura unum alterum sequitur, ita & operatione: quinimo frequens, multusq; usus naturam facit. Quoniam autem sicut in naturalibus errata quedam naturæ, & fortuita euenire solent, adhuc magis in consuetis, quibus natura non perinde inest, peccata quedam



quedam intercidunt : hinc sanè fit, ut nonnunquam animus  
 huc illhuc impellatur, præsertim cum à certo quodam ini-  
 tio auspiciatus, quous aliò deuius fertur. Propterea con-  
 tingere solet, ut cum alicuius nominis meminisse uolumus,  
 in alterum consimile, non in illud, quasi solæcisinum com-  
 mittentes incidamus. Ad hunc igitur modum, reminisci ac-  
 cidit. Sedenim notitia temporis, siue illud certum, consti-  
 tutumq; habeatur, siue incertum, & infinitum, quàm ma-  
 ximè necessaria existit. Est autem aliquid, quo de pluri,  
 minoriq; tempore indicamus : consentaneumq; est, ut quip-  
 piam in nobis sit, quod sicut magnitudines, ita & tempus  
 internoscatur. Porro magnitudinibus amplissimas, & quæ à  
 nobis procul absunt, intelligere solet: non quòd intelligen-  
 tia ipsa (Græci dianœan uocant) procedat foras, atque ad  
 eas sese applicet, quemadmodum quidam de uisu dixerunt  
 (nam etiam si non sint, ex aquo tamen intelliget) sed per  
 motum, qui proportionem quadam illis respondeat : habet  
 enim in se motus, effigiesq; rebus, quas intelligit, persimi-  
 les. Quo igitur differat, cum maiores intelligit ? An quòd  
 & minores intelligat ? quæcunque enim ambiuntur, inte-  
 rioraq; sunt, minora sunt : & eis, quæ continent, & extima  
 sunt, proportionem quadam respondent. Atque fortasse  
 qualis proportio inter simulacra ipsa, sed adiuncto tem-  
 pore, capi potest : talis & in ipsis quoque interuallis, di-  
 stantijsq; reperiatur. Nam qui lineas AB, & BE con-  
 fecit, lineas AC, & CD, confecisse uidetur, quando hæ  
 cum illis proportionis nexu iunctæ sunt. Sed cur potius li-  
 neas AC, & CD, quàm lineas AE, & FG ? An si-  
 cut refertur linea AC, ad AB, ita linea KH, ad lineam  
 KM ? Qui ergo lineam KM transiegit, simul lineam  
 KH, transfegerit oportet. Si uerò intellexisse uelit li-

neas AF, & FG, lineas quidem AB, & BE, similiter intelligit: at è regione lineæ KM, lineam KL, nam hec ad illam ita sese habet, ut lineam FA, ad lineam BA, se habere uideamus.



Quando igitur negotium, & tempus simul animum inuadunt, excitantq; tum meminisse solet, quod si se coniungere utrunque putet, non tamen coniungit, se meminisse autumat: nihil enim obstat, quin fallatur aliquis: & se meminisse cum non meminerit, putet: quanquam fieri non potest, ut qui meminit, se meminisse non aduertat, sed id eum lateat: nam meminisse, id ipsum est. At si negotium absque tempore, aut contra tempus absque negotio iacentem animum extinuarit, haudquaquam meminit. Ceterum tempus illud, duplex est: nam interdum quis certum tempus non adhibet, ut cum se fecisse non pridie sed aliquando, meminit: interdum, etiam adhibet. Verum meminisse dicitur, etiam si certum tempus minime adhibeat: nam uulgo dici solet: equidem meminisse factum, sed quando non memini,

cum

cum de tempore facti non constat. Quibus precipua inest memoria, non eisdem & reminiscenciam inesse eximiam, diximus supra. Distat uero memoria à reminiscencia, non solum ratione temporis, sed in eo quoque quod & complures aliæ animantes memoria paricipant, reminiscencia nulli ex omnium animalium numero quorum natura completa explorataque habeatur, præterquam homini, concessa sit. Causa cur ita, est, quod reminiscencia ueluti syllogismus quidam: id est ratiocinatio, existit: nam qui reminiscitur, quod prius audierit, uiderit, aut quippiam id genus fecerit, ratiocinari assolet. Item quasi disquisitione quædam: disquisitionem uero ijs solis natura tribuit, quibus consultandi deliberandi; ratio competit, etenim consultatio siue deliberatio, ratiocinatio quædam est. Porro affectione ipsam corporalem esse, & reminiscenciam disquisitionem in tali uiso, indicium est: quod nonnulli obiurbari solent, & cum reminisci non possunt, & cum cogitationem reprimunt, conanturque non ultra reminisci, & potissimum quos acribilibus exercet: hos enim maxime phantasmata mouent. Causa uero cur reminiscencia in potestate eorum non sit, est: quod sicut qui iaculatur, emissum telum non ultra sistere potest, ita qui reminisci, & uestigare aliquid contendit, nescio quid corporeum mouet, cui affectio hæc consignatur. Maxime autem adagitari solent, quibus humoris copia circa sensoriam sedem redundat: non enim facile tranquillatur motu semel initio: quousque id, quod queritur, occurrat: & motio ipsa recto incessu procedens ad metam usque perueniat. Quamobrem & metus, & ira simulatque commotæ sunt, sedari, quamlibet repugnantibus illis, non possunt, sed eodem contrahuntur. Atque perinde euenit, atque ijs qui paulo concitatus, ualidiusque nomina aliquot, orationem uel res



censuere, aut cantionem aliquam emodulati sunt: nam ubi  
 cessarunt, iterum, etiam inuicis canere, ac loqui subit. Cæ-  
 terum illi quibus superiora proportionem reliqui corporis  
 sunt uasta, quique forma pomilionis degenerant, minus me-  
 moria ualent, quam qui contrario sunt habitu: quod ipsa  
 sentiendi uis pondere grauiore opprimatur: quodque nec  
 initio inherere, ac desistere formæ rerum possint, sed dis-  
 siliant, nec cum reminisci uolunt, recto itinere sequantur,  
 reddanturque. Sanè impendia pueri, et admodum senes, im-  
 memores sunt propter motum quem sustinent: nam hi, uale-  
 de minuuntur, illi uerò magnum subeunt incrementum:  
 adde etiam quod usque ad ætatem prouectam, finiles na-  
 nis sunt. Ergo quid sit memoria, quid meminisse, qua sci-  
 cultate animalia meminerint, item quid reminiscantur, quid  
 reminisci, quemadmodum fiat, et quam ob causam, dis-  
 ctum est.

FINIS.

## DE SOMNO ET

VIGILIA LIBER.

Francisco Vatablo  
interprete.

\*

*Argumentum libri.*

POST commentariolum de memoria & reminiscen-  
 tia, non ab re naturali quodam doctrinæ ordine Aristo-  
 teles commentarios de somno & vigilia, & de somniis, no-  
 bis tradere voluit: quoniam cum in istis (ut aliquoties di-  
 ctum est) paruorum naturalium libellis, de communibus

quib

quibuscū animæ & corporis proprietatibus sensuum opera consequentibus pertractare decreuisset, & in priori de memoria cōmentario de eisdem verba fecisset, verū, quæ magis ad animam, quàm ad corpus uergerent, animalibusque tantū conuenirent perfectis: in iis, quos in manibus nunc habemus, cōmentariis, de communibus etiam sibi loquendum duxit proprietatibus sensum consequentibus, iis tamē, quæ cum corpore magis faciant, & ex illius esse parte censeantur, & alioqui uniuerso animantium competunt generi. Huiusmodi autem sunt somnus, & uigilia, & somniorum etiam uisa, & si qua ex iis prædici, prænosci uē possint. Proponit autem à principio statim, ad clariorem dicendorum doctrinam, ea, de quibus uerba facturus est.

Hic Arist. quæ circa Somnum & Vigiliam sint consideranda declarat, quibusque competat ostendit.

CAPVT I.



**D**E SOMNO, & Vigilia, hæc consideremus oportet, primum quid sint, & utrum animæ, an corpori propria sint, an utrisque communia: & si communia sint, cui parti tam animæ, quàm corporis credita: & utrum tributa animalibus sint: & utrum utrumque omnibus communicatum sit, an alteri hoc, illud alteri solū, an alijs neutrum, alijs utrumque. Tum etiam quid sit insomnium. & quamobrem dormientes modò somnient, modò non somniēt: aut somnient quidem semper, sed non meminerint: & hoc si sit, quam ob causam fiat. Item, possint ne futura præuideri, nec ne: & si possint, qua ratione præsentiri queant, & utrum ea solū, quæ agantur ab homine, an etiam quorum causa sit Deus, & natura fiant, temeritate uē aliqua. Ac primum quidem illud constare arbūror, ad eandem animalis partem somnum, &

uigilantem pertinere, quandoquidem opposita inuicem sunt, & ille ut priuatio quædam huius habetur: nam semper extrema tam in alijs, quàm hisce quæ à natura dependent, in eodem recipi, & eiusdem affectiones esse uidentur: ut sanitas & morbus, pulchritudo & foeditas, robur & imbecillitas, uisus & cæcitas, auditus & surditas. Item, & ex ijs, quæ sequuntur, palàm fiet: nam quo uigilare aliam quem cognoscimus, eodem & dormire deprehendimus: qui enim sentit, eundem uigilare censemus. Atque uigilantem omnem cognoscimus, aut quia extremum motum aliquem sentiat, aut quia intestino aliquo feriat. Si ergo uigilia ipsa in alio nullo quàm in sentiendo constat, certum est, quæ uigilant, ac dormiunt, eodem uigilare, ac dormire quo sentiant. Cum autem sentire ipsum, neque animæ, neque corporis proprium sit (nam ad idem, actus, & potentia pertinent: sensus autem actu est motio quædam animæ interuentu corporis proueniens) manifestum est affectionem hanc, dico ipsum uigilare, nec propriam animæ esse, neque item corporis, cum corpus inanime sentire non possit. Porro cum de particulis animæ aliubi iam retrò definitum sit, cumq; uegetatrix seiuncta à reliquis habeatur, reliquæ sine hac subsistere non possint, clarum est, quæ augentur solum, & minuuntur, ut stirpes, ac plantæ, somno & uigilia destitui solere, quòd sensu careant, siue separabilis ille quidem sit, siue non sit: nam potentia, & ratione, separabilis est. Pari quoque modo constat, nullum esse animal, quod aut semper dormiat, aut semper uigilet, sed utrumque eidem tributum à natura esse: non enim si quod animal est sensu præditum, neque dormire id, neque uigilare contingit: quando uterque hic affectus, circa sensum primi sensus



sensitui accidere solet. Fieri autem non potest, ut alter horum eidem semper insit, uerbi gratia, ut genus ali- quod animalis, aut semper dormiat, aut semper uigilet.

Nam fieri nequit, ut ullum semper uigilet: quando quaecunque munia aliqua naturæ obeunt, simul ac tem- poris modum excesserint, inquantum sufficere operi po- terant, lassescant, succumbantq; , & à muneribus quæque suis desistant oportet, ut oculi, manus, & quicquid aliud functionem aliquam exercere solet. Itaque si quid sen- tiendi officio fungatur, spatio exacto, quo continenter gerere, & administrare potest fatiscet, nec præterea operari ualebit. Cum ergo uigilia exolutione sensus fi- niatur: & contrariorum si alterum adsit, alterum abesse oporteat: uigilia uerò somno contraria sit, sitq; ne- cessarium cuilibet alterum inesse, sequitur ut ea dor- mire oporteat. Igitur si talis affectio somnus est, somnus uerò impotentia, quam uigiliæ excessus committit, ui- giliæ autem excessus interim ab ægritudine pendet, in- terim citra ægritudinem accidit: unde fit ut quemadmo- dum exolutio duplex est, ita & impotentia duplex habe- ri possit: necessarium est, ut quicquid uigilat, dormire aliquando contingat, quia ut semper agat fieri non po- test. Consimiliter fieri nequit, ut semper dormiat: nam somnus, affectio quedam sensorie partis, quasi uincu- lum quoddam, & immobilitas, existit. Ex quo sequi- tur, quicquid dormit, sensituiam partem habere. Sen- situium autem est, quod sentire actu potest: sentire ue- rò actu simpliciter, & propriè, nemo per quietem po- test. Nullus igitur somnus est, qui expergiscibilis non sit. Cætera ferè omnia pedestria, uolatilia, natatilia, somno participant: etenim cuncta piscium genera, & ea

que molli crusta integuntur, & præter ea quæcunque oculos habent, soporari cernuntur: nam & quibus oculi duri, & insecta, dormire palam est: quanquam isthæc omnia, somno exiguo contenta sunt: unde fit etiam, ut sepe penumero quempiam lateat utrum obdormiscant, nec ne. Vtrum uero testacea sopore offundantur, nondum sensu quidem cognitum fuit, sed ratione tamen ea, quam prædiximus, si cui probabilis uideatur, persuaderi id potest. Somnum igitur animalibus communicatum omnibus esse, hac ratione patescit: nam animal eo finiri solet, quod sensum habeat: sensus uero immobilitatem quandam, & quasi nodum & uinculum, somnum esse dicimus: contra, exaltationem, atque relaxationem, uigiliam. At plantis nec traharum affectionum communicari potest: quippe cum citra sensum neque somnus esse, neque uigilia possit. At quibus sensus inest, eisdem & dolor, & uoluptas concedi debet: quibus uero dolor, & uoluptas, eisdem & cupiditas. Plantis autem, nihil horum tribui potest. Argumentato, quod facultas, quæ nutrit, uegetat, munus suum melius consopitis, quam uigilantibus animalibus absoluat: tunc enim probius & aluntur, & augentur, ut quæ nihil ad ea, ope sensus egeant.

Hic Aristot. somni, ac uigiliæ usum necessitatemque docet.

CAP. II.

**C**Ur autem dormiant, & uigilent, & per quem sensum, aut per quos, si per plures id eueniat, considerandum est. Cum animalium quibusdam sensus omnes insint, quibusdam non omnes ut uisus, sed cunctis, tactus, & gustus, nisi quid imperfectum, læsissimumque sit, de quibus omnibus in libris de anima dictum est: fieri au-

tem

tem simpliciter non possit, ut dormiens animal ullo sensu abuti queat, patet necessarium esse in somno eandem omnia subire conditionem: nam si partim eodem modo afficiantur, partim diuerso, hac nimirum ratione fiet, ut per quietem animal sentiat: id quod impossibile est. Porro, cum natura singulis sensibus proprium quid iniunxerit, & in omnes commune quid sparserit: proprium ut uisui uidere, auditui audire, & reliquis ad eundem modum: commune uim quandam promiscuam, quæ omnes comitatur, qua animal & uidere, & audire se sentit (non enim uisu se uidere uidet, nec uisu, aut gustu iudicat, iudicare uero potest distare dulce ab albo, neque seorsum, neque simul utroque; sed particula quadam communi, quæ adiuncta sensibus omnibus sit: nam sensus unus est, & etiam principale sensorium unum, ratio tamen sensationi cuiusque generis, ut soni, & coloris non una, sed alia, & alia: hæc autem cum tactu maxime coniuncta est: nam tactus à cæteris sensibus diuelli potest, ab hoc cæteri non possunt: quæ omnia in commentarijs de anima explicata sunt) hinc profecto constat somnū, & uigiliam, affectionem huius esse. Ideoque animalibus cunctis inest: etenim tactum unum, omnia possident. Nam si sopor irrepat, quia sensus omnes afficiantur, absurdum sanè fuerit eos simul feriati, & immobiles persistere, quos neque necesse est, neque possibile quodammodo, simul in opera esse, ac pelli: cum magis consentaneum uideatur, ut simul operentur, quam ut simul quiescant. Quod autem nunc de hisce dicimus, rationi consonum est: nam cum sensus, qui cæteris alijs præest, & quo cæteri sese conferunt, afficitur, necessario & reliqui omnes consentiunt: at si quispiam ex istis elanguescat, & impotens sentiendi redatur, non continuo necesse est illum flaccere, & uiribus



desitui. Constat autem multis argumentis, somnum non ea re consistere, quod otiosi sensus sint, nec eis utatur anima, quodque sentire non possint. Nam cum quis animo linquitur, tale quid euenire constat: quando defectus anime, non nisi nexus quidam, et impotentia sensuum est. Idem et in delirijs quibusdam contingere potest. Præterea, quibus uenæ iugulares apprehenduntur, astringunturque, eripi sensus assolent. Verum impotentia sentiendi, si non quacunque de causa obueniat, neque in quouis sensu sit, sed sicuti nuper dixi, in primo sensu quo animal omnia percipit, somnus est: nam tum iste lassatur, necessario, et ceteri sensus actus suos exercere non possunt: contra, si quis ex illis impotens reddatur, non protinus necesse est idem huic euenire. Sed qualis affectio somnus sit, et quam item ob causam dormire animalia contingat, dicendum est: quando complura haberi causarum genera, certum est. Nam et id cuius gratia quippiam sit, et id unde motus origo pendeat, et materiam, et rationem causas appellitare solemus. Ac primum quidem cum naturam semper agere gratia alicuius, id est, boni, dicamus: quietem uero utilem esse, atque adeo necessariam ijs omnibus, quæ moueri quidem nata sunt, sed semper, et continuè moueri cum uoluptate nequeunt, cumque ob ueritatem ipsam translatio hæc uulgo recepta sit, ut somnus quietis nomine designetur: somnus profectò ad salutem iunctus animalibus fuit. Vigilia uero, rationem finis obtinet: nam sentire, et sapere, finis omnibus est, quibus alterum eorum competit: hæc enim, optima sunt: finis autem optimus esse solet. Item somnus animali cuique necessarius est, non quidem simpliciter, sed ex supposito, et adiunctione: nam si animal naturam suam seruare, ac tueri debeat, necessario quedam adesse ei oportet,

tet, quibus positis, alia subinde adiungenda sunt. Post hæc  
restat dicendum, quo motu, actione uel corporum antegres-  
sa dormire animalibus obueniat, aut etiam uigilare. Planè  
cetera animalia, quæ nimirum sanguine carent, eandem,  
quam quæ prædita sanguine sunt, aut proportionalem  
causam somni habere: sanguinea uerò eam ipsam quam ho-  
mines, arbitrari addecet. Quare per hæc de omnibus con-  
templemur oportet. Principium sensus eadem parte oriri  
quæ et principium motus, definitum supra aliubi est: hoc  
autem, e tribus determinatis, distinctisq; locis, in eo conti-  
neri solet, qui inter caput, et alium medius sit. Principium  
igitur mouendi, in ijs quæ sanguinem habent, partem eam,  
quæ circum cor est, obtinet: nam quæcunq; sanguinem ha-  
bent, habent et cor, à quo motus, sensusq; principis origo  
atque initium pendet. Motus igitur, et spiritus, et omni-  
no refrigerationis principium in corde, ut patet, colloca-  
tum est. Quin et ipsa natura tam partem eam, quæ spiras-  
tioni destinata sunt, quam quæ refrigerio, quod ab humore  
peti solet, ad calorem partis huius seruandum, tutandumq;  
concinnaſſe uidetur. Sed de refrigeratione, infra suo dice-  
mus uolumine. In ijs uerò quæ carent sanguine et insectis,  
et ijs quæ spirare non solent, facultatis motricis regia in  
eo est, quod uice cordis subrogatur: nam ea in parte spiri-  
tus quidam insitus attolli uicibus, et subsidere cernitur:  
quod facîle deprehendi potest in totipennibus, qualia sunt  
uespæ, apes, muscæ, et cetera generis eiusdem. Quoniã au-  
tem animalia nec mouere quicquam, nec agere sine inten-  
sione uirium possunt, intenduntur autem uires retentione  
spiritus, ijs quidem quæ spirant extrinsecus accersiti, ijs ue-  
rò quæ non spirant, insiti: hinc profectò euenit, ut totipen-  
nia ipsa quoties se mouet, attritu spiritus ad septum trans-  
uersum

uersum offendentis, bombos illos edant. Mouentur autem omnia sensu quodam, siue familiari, siue peregrino in primo sensorio facto. Quod si somnus, & uigilia partis huius affectiones sint, quo in loco, & qua primum particula contingere soleat, apertum est. Sunt etiam qui dormientes res surgunt, & plerique agunt, qualia cum uigilant solent: quod tamen sine uisione aliqua, aut sensu contingere non potest, nam somnium quodammodo sensus est. Sed de somnio inferius differetur. Cur autem experrecti insomnia meminerint, que uero per somnum quasi uigilantes gesserint non meninerint, explicatum in problematis est.

Hic Arist. quid somnus quidque uigilia, declarat, & unde.

CAP. III.

**P**roximum ab ijs, que diximus, est, ut quibus factis, & unde affectionis huius origo, somni, inquam, & uigilie proueniat, tractetur, exponaturque. Sanè cum animal ubi sensum habet, tum primum ali & crescere oporteat, sitque alimentum nouissimum sanguineus sanguis, exanguibus quod sanguini proportionem respondet, atque uenis conceptacula sanguinis sint, uenarum autem initium cor, id quod ex diffusionibus perspicui potest. cibum utique illum, qui per os ingeri solet, in loca sua receptum euaporari in uenas, inibi que mutatum in sanguinem uerit, & mox principium ipsum adire constat. Que quanquam in libro de alimento dicta sunt, tamen nunc repeti oportet, at hoc ut principia motionis contemplerur, & quid sustinente parte sensitiua somnus & uigilia contingat. Nec enim somnus quæcunque impotentia sensuum est, ut diximus: nam & dementia, & praesecatio, & animi defectus, talem impotentiam adferre potest. Iam uero accidit, ut & quidam per force animi deliquium, quippiam imaginarentur. Hoc igitur aliquam habet con-

trouer



trouersiam. Nam si defectum animo dormire contingat, continget etiam ut imaginatio illa insomnium sit. Porro multa dicunt, qui ita uehementer tentantur, quique extintorum speciem præferunt. De quibus omnibus eandem esse rationem putandum est. Sedenim, uti iam diximus, non omnis impotentia sentiendi somnus est, sed ea solùm, quam diuaporatio committit alimenti: quod enim sursum halat, quadantenus attolli, deinde regredi, ac refluerè instar Euripi necesse esse: nam animantis cuiusque calidum in sublimè natura fertur: at ubi eò loci subuectum est, mox uniuersum reciprocatur ac descendit. Quamobrem somnus maxime post cibum fieri solet: tunc enim copiosus humor, & corpulentus, sursum conueat. Qui cum consistit, caput aggrauat, & addormiscere facit: cum uerò iam descendit, & reciprocando calorem repulit, tum somno sepultum iacet, dormitque animal. Hæc autem uel somnifica ipsa indicant: omnia enim, siue poculenta sint, siue esculenta, grauedinem capiti adferunt: ut papauer, mandragora, temetum, lolium, Ad hunc item modum affecti uidentur, qui soporantur, dormitantque: quia nec caput erigere, nec palpebras attollere queunt. Et maxime à cibis somnus talis extat: tunc enim multa exhalatio confit. Præterea à fætigationibus nonnullis, nam fætigatio, colliquandi uim obtinet: colliquamentum autem, uicem incocti alimenti, nisi frigidum sit, præstare solet. Quidam etiam morbi hoc idem faciunt: qui ab humido, & calido excremento proueniunt: quemadmodum in febre, & lethargo euenit. Item prima ætas: nam pueri alto sopore premuntur, quia alimentum omne sursum respirat. Cuius rei signum est, quod per id ætatis, superiora proportionè inferiorum maxima sunt, quia incrementum illò contendat. Nec alia de causa, morbo comitiali obnoxij

obnoxij sunt? is enim morbus persimilis somno est. Et idcirco huiusce partis exordium, plerisque per quietem accidit: qui postea dum dormiunt, ea corripi solent: dum uigilant, non solent. Cum enim larga spiritus copia in sublime effertur, ubi rursus descendit, uenas extumescit, et inflat, quibus meatum spirabilem comprimit, atque intercludit. Hinc uinum pueris utile non est, nec etiam nutricibus (nihil enim fore interest: nutrices, an pueri ebibant) nisi dilutum, et modicum hauriatur: nam uinum spiritosum est, præsertim atrum. Et usque adeo superiora pueri plena cibo continent, ut quinque mensium spatium collum obseruare nequeant, quippe cum illis haud secus, quam ebrijs multus uapor sursum ad caput feratur. Quam affectionem, causam esse, cur inijs fetus inter matris uterum quiescant, rationi consonum est. Atque in totum somniculosi sunt, qui conditas uenas habent, et qui forma pomilionis, et capite prægrandi sunt. Nam ij, quorum condite sunt uene, eas graciles, et angustas habet, adeo ut humor ægre decidat, et refluat: Pomiliones uero, et quorum uasta sunt capita, multam diuaporationem, atque effluentiam, quæ ad partes superas uiam capessit. At qui uenas gerunt editas, propter amplitudinem et latitudinem meatuum, somno lentius non sunt, nisi quam aliam contrariam ebiberint affectionem. Neque item melancholici: nam locus interior refrigeratus est. Quare in eis euaporatio multa non fit, ob idque edaci auiditate laborant, cum sint aridi: nam eorum corpora ita affecta sunt, quasi re nulla fruantur. Porro bilis atra, quæ naturaliter frigida est, altricem officinam refrigerat, et alias partes, in quibus recrementum hoc potentia inest. Quare ex ijs quæ dicta sunt, apertum est: somnum esse coitum quendam caloris ad intima refugientis, et naturalem

ralem antiperistalsin, circumobstinentiamq; propter eam, quam diximus, causam. Quocirca qui somno premitur, in motu, & agitu uario est. Vnde & deficit, & refrigeratur, atque ob frigus, palpebræ decidunt. Quinetiam partes superiores, & extimæ, frigent: contra inferiores, & intimæ, ut pedes, & quæ intrinsecus continentur. Quamquam cur ita, dubitabit aliquis: quòd à cibo profundissimus somnus obrepat, & uina soporifera sint, & cætera quibus consimilis caliditas adest: nec rationi consonum esse uideatur, ut somnus refrigeratio sit, & causæ somni calidæ. Vtrum igitur hoc eò accidit, quòd quemadmodum uenter inans calidus est, sed cum oppletur motionis ratione refrigerat, ita meatus, & loci in capite positi, euaporamento commicante refrigerantur? An quemadmodum aqua calida perfusi, repente inhorrescimus: ita illic frigus ascendente calore collectum, partis eam refrigerat, & calorem naturalem debilitat, ac subterfugere cogit: præterea an quemadmodum congestu lignorum ignis restinguitur, ita multa alimonia, quam calor subuehit, superioribus se immiscensente, calor naturalis elanguescit: donec utique illa concocta, perfectaq; sit? Fit enim somnus, sicuti dictum iam est, corpus lento quopiam ui caloris in sublime per uenas euecto: quod cum diutius eo loci persistere non potest, sed copia exuperante aggrauatur, rursum depelli, & ad ima fluere solet: quapropter & ipsi homines corruunt (animalium enim homo unus erectus est) calore, qui eleuandi munere fungebatur, subtracto: atque simulac cor incidit, mētem aufert, deinde imaginationes, & uisa suggerit. An solutiones, quas modò dixi, causas continent, propter quas refrigeratio fieri possit: sed tamen locus ille, qui circiter cerebrum habetur, in ea re committēda principatum obtinet, uti alio loco dixim



diximus? Nam cerebrum partium omnium corporis frigidissimum est: in ijs uerò quæ carent cerebro, id quod uicem eius tenet. Quemadmodum igitur cum humor exhalat, & calore solis in sublime fertur, ubi supernum aeris locum subierit, præ rigore loci refrigeratus consistit, ac de nouò in aquam conuersus in terram defluit: ita cum calor ad cerebrum eleuatur, excremēticia diuaporatio in pituitam, & saniem concrefcit (quamobrem & fluxiones ex capite oriri uidemus) alimentaria, & non morbida consistit, descenditq; , & feruorem cordis delapsa refrigerat, atque moderatur. Ad refrigerationem uerò, & difficilem susceptionem euaporationis, gracilitas, & angustia uenarum conducit, quæ circa cerebrum sunt. Hæc igitur causa est, cur euaporatio, etiam si immodicè caleat, refrigeretur. Expergiscitur animal, quando absoluta concoctio est, & calor, qui ambientis frigoris opera ex amplo in arctum coierit, euitit, atque sanguinem sculentum à sincero discreuit. Est autem tenuissimus, & purissimus sanguis, qui in capite continetur: contra crassissimus, & turbidissimus, qui partibus committitur inferioribus. Omnis autem sanguinis origo, cor est: quemadmodum tum hic, tum alibi diximus. Ex tribus porro uentriculis, qui habentur in corde, is qui in medio est, utrique extremo communis existit: atque extremi specus, sanguinem ab utraque uena, maiore, & aorta, recipiunt: in medio autem sinu, discriminatio illius fit. Sed de his, aptius alio loco definitur, atque determinatur. Quoniam autem sanguis maximè post ingestos cibos indifcretus fit, tū somnus obrepit, & tandiu edurat, quoad sanguis purus ad partem superas, turbulentus ad inferas sequestratus, delegatusq; sit: quo factio, animans ab onere cibi absolute excitantur. Dictum est quæ causa dorm

dormiendi sit, insiti scilicet caloris uniuersim ad primum sensorium confugientis antiperistasis, quæ corpulenti uaporis à natiuo calore subuecti operâ prouenit: tum etiam quid sit somnus, uempe nexus, & uinculū primi sensorij, ut suo fungi munere nō possit. Id quod necessariò quidem fit (nam animal esse non potest, nisi ea contingant, quibus ipsum perficiatur) at salutis gratia, quoniā quies animal tuctur, atque conseruat.

FINIS.

## DE INSOMNIIS,

LIBER ARISTO-

TELIS,

Francisco Vatablo interprete.

\*

*Argumentum libri, per Nicolaum Leonicum.*

POST expeditos de somno, & vigilia præclaros quidem illos, ut vidimus, commentarios, Philosophus in præsentī libello de somni passione quadam, quæ somnium appellatur, & de iis, quæ homines quiescit vident tempore, pertractare aggreditur: statimq; à principio de ipso quærit somno, utrūne intelligenti animæ parti accadat, an illi, quæ sentit, cum iis sanè solis cognoscitiuis animæ partibus homines uti animaduertantur. Ostendit autem, ut videbitur, neutrius istarum partium per se somnium esse passionem. Cæterum, quæ super hac referuntur, philosophorum sententiis hoc loco omisissis, animaduertendum est, quòd in sensiteriis nostris, ab extrinsecis impressæ, insignitæq; obiectis, quædam permanent, durantque reliquæ, simulacra scilicet, & imaginēs ab actu sensilibus impressæ, & quasi in tabellis quibusdam

aa

depictæ.

depictæ. Horum simulacrorum, & imaginum quædam integra, & illæsa, vt impressa fuerant, restant, & perseverant: nonnulla verò conturbantur, & ob nimios caput petentes vapores, confunduntur, neque integri quippiam conservare possunt. Pleraque etiam penitus obliterantur, & evanescent, alijsq; ingruentibus oculûtur sanè, & intereunt. Quæ igitur idolorum vel integra restiterint, vel ita remanserint vt non penitus evanuerint, in ipsum postmodum cor cum vaporibus descendentiâ, qui somni tempore à cerebro devoluuntur, principio sensuiuo applicata, & incôcinnè ingruentia, ipsa haud aliter movere cêsentur, quàm si ab actu sensilibus excitaretur. Et hoc certè modo confusa quædam minimeq; constantia efficere somnia, non ab re existimantur. Primò igitur docet Philosophus, somnia nò esse passiones ipsius actu sensus: antè nos cômonefaciendo, quidnâ sit videre, aut audire. Siquidem visionis opera ipsum est videre, & auditus audire, & omnino sensus sentire, siue circa propria operentur sensilia, siue circa cùmunia. Vbi cùmunia dicit esse sensilia figurâ & magnitudinē, subintelligens etiam motum, & tempus, quæ sanè omnia eiusmodi esse dicuntur, quoniâ pluribus percipi, dignosciq; possunt sensibus. Propria autē sensilia dicit, colorem, sonum, & saporem esse, quæ solummodo ab unico, & peculiari suo sensu dignosci, & cōprehendi possunt. De quibus omnibus, cū propriis, tum cōmunibus sensilibus, cū accuratè in commentariis de anima sit pertractatū, non est cur nunc auxiè repetantur.

Hic Aristot. cui animæ parti asciscendum sit insomnium declarat.

CAPVT I.



**P**OST hæc de Insomnijs querendum est, ac primò quidem qua vi animæ percipiatur: & utrum hæc affectio mentis, ac intellectus, an sensus sit: his enim viribus unis earum, quæ in nobis sunt, cognitio- nem rerum, notitiâq; assequimur. Ergo si functio aspectus visio est, & auditus auditio, & omnino sensus sensio: communia



*communia autem sensilia sunt, figura, motus, magnitudo, & cetera id genus: propria uerò, color, sonus, & sapor; nec fieri potest, ut ullum animal clausis oculis, dormiensq; cernat, aut alio sensu percipiat, nos in somno nihil sentire certum est. Vnde fit, ut insomnia nullo sensu noscatur. Sed neq; opinione comprehendi illa possunt. Nam in somno nō equum modò, & hominē esse id, quod ad nos accedit, pronuntiamus, sed etiam album & pulchrum, quorum nullum opinio absq; sensu, nec uerè, nec falsò dixerit. At animā hoc idem facere contingit: ex æquo enim hominē, & album eum esse, qui occurrit, discernere uidemur. Adhæc præter insomnia, aliud quiddam intelligere solemus. Quemadmodum enim uigilando sentientes aliquid, plerunq; etiā aliud de re, quæ sensum ferit consideramus: ita dormiēdo, præter uisā, interdum alia quædam mens nostra cogitat. Quod facile patebit, si quis mentem ad somnia conuertat, & recurrere ea quoties exurgi enitatur. Imò iam quidem insomnia experti sunt eiusmodi, nimirum qui præceptionē colendæ memoriæ sequentes, pronuntiata quibusdam locis cōstituerē sibi uidebantur: eis enim sepe numero accidit, ut aliud quiddam præter somnium, nempe uisum, phantasmaq; aliud, in cōparato, dispositoq; loco ante conspectū collocarent. Vnde liquere arbitror, non quicquid in somno uidemus, insomnium esse: & nos intelligere, quæ opinione opinamur. Porro de hīs omnibus illud constat, hoc idem quo ægri in uigilia fallimur, facere uti in somno decipiamur. Sed & nobis quāquā sani sumus, atq; adeò uidētes, tamē Sol, pedaneus esse uidetur. Ceterū siue imaginandi uis animæ eadē ad numerū cum sensoria sit, siue diuersa habeantur, nihilominus hoc sine uisione, aut sensione aliqua nō fit: nā hallucinari, & obaudire dicitur, qui uerū quidē aliquid ui-*

det, & audit, non tamen id, quod se uidere, & audire putat. At in somno positum est, neq; uideri quicquā, neq; audiri, neq; omnino sentiri. Nū igitur, quamuis nihil tūc cerani, atq; sentiri uerum sit, tamen nullo modo sensum affici uerum non est, sed & uisum, & ceteros sensus pati aliquid contingit? Nam singuli horum, in somno principē sensum haud magnopere secius atq; in uigilia, non sic autem ut in illa, formis sensibilibus appetūt, feriunt, lacessunt. Quinetiam interdum opinio, quæ uisa sunt, ea falsa esse, ut in uigilia dicit: interdum obligatur, & spectra quasi uera sint prosequi assolet. Constat igitur hanc affectionem, quam somnidae re dicimus, neq; ad opinantem, neq; ad intelligentem pertinere. Sed ne ad sentientem quidem simpliciter: nā alioqui, uidere simpliciter, & audire esset. Ceterum quomodo & qualiter ad istum referri queat, considerandum est. Ponamus igitur id, quod etiam clarissimum est, insomnium sensarise partis affectionem esse: nam & somnus ad eandem pertinet: nec enim animantium alteri somnus, insomnium alteri, sed eisdem utrunq; competit. Cum uerò de imaginatione, & phantasia tractatum in libris de anima sit, & imaginandi uis eadem numero sit cum potentia sentiendi quæ uis essentia, rationeq; differant, imaginatio autem sit motio à sensu actu proueniens, insomnium uerò spectrū quoddam, & phantasma esse uideatur (nam uisum ipsum quod in somno apparet insomnium dicimus, siue illud simpliciter, siue quodam modo contingat) palam utiq; est insomnia sensarise partis esse, sed quatenus imaginaria est.

Hic ostendit Arist. quod uis sensibilium somni obiectum esse.

CAP. II.

**Q**uid autem sit insomnium, & qua ratione fiat, ex ijs maxime cognosci potest, quæ in somno accidunt. Et enim

enim sensilia ipsa in nobis per singula sensoria sensationem efficiunt: & affectio quam ea inuehunt, non modò in sensorijs inest, cum sensus agunt, sed etiam ab opera discessere: nam perinde hic, atque in ijs quæ lationem subeunt, euenire uidetur: etenim quæ lationem subeunt, eo quòd propulsi non amplius tangente, cietur: quod enim mouendi officio functum est, quandam aëris particulam propulsi: quæ cum mouetur, subinde aliam ciet: atq; hoc utique pacto, donec quiescant, moueri aër, & aqua solent. Consimiliter & hoc quoq; in alteratione fieri putandum est: illud enim, quod calentis rei opera incaluit, quod sibi uicinum est, calefacit: penetratq; successio hæc ad id usque, quod primum calefieri potest. Quare & ei cui sentiendi facultas commissæ est, hoc idem accidere necesse est, cum sensum, qui in actu constitutus sit, alterationem esse quandam constet. Quocirca affectio ipsa in opificijs sensuum, non modò sentientibus illis, sed etiam quiescentibus, tam per summa, quàm in imo seruari solet. Id quod, quoties cōtinenter quippiam sentimus, liquido percipi potest. Nā si sensum ipsum ab eo ad aliud, ut de sole in opacum, conuertamus, comitatur eum affectio: euenit enim ut nihil cernat, propterea quòd cōmotio, quæ à lumine profecta est, oculos adhuc possideat. Item si quid album, aut uiride diutius aspexerimus, ad quodcunq; aspectum nostrum deflectamus, concolor illi uidetur. Sed & si oculos contra Solem, aut aliquid aliud quod fulgeat, intenderimus: deinde conueniamus, per rectam lineam, qua aspectum cernere contingit, primum tale obseruantibus appareret, quale reuera est, tum se in puniceum conuertit, proximè in purpureum, donec ad atrum perueniat, exolescatq;. Quinetiam si qui obtutus suos ab hisce quæ mouentur, ut ab omnibus præsertim ocysimè labentibus, aliò transfe-



rant, quæ stant, moueri uidentur. Idem porrò, ab ingenti-  
 bus sonis surdastri redduntur: & ab odoribus uehementi-  
 bus, agerrimè olfâciunt: atque ita in similibus statuendum  
 est. Quæ omnia, apertè hoc eueniunt modo. Quod autem  
 celeriter sensoria ipsa, uel tenues differentias sentiant, in-  
 dicio est, id quod in speculis fieri solet: de cuius ratione, se-  
 orsim dicato opere considerare quis, & addubitare possit.  
 Et insuper ex eodem facillè constat, uisum ut pati, ita etiam  
 agere aliquid solere. Nam cum mulieres tempore men-  
 sium è speculis admodum nitidis aliquod inspeçant, tunc  
 superficies speculi quadam ueluti nebula sanguinis obdu-  
 citur: atque si nouitium speculum sit, haud facile est eiusmo-  
 di maculam abstergere: sin peruetus, facile. Causa autem  
 est, sicuti iam diximus, quòd non solum ab aëre uisus quipa-  
 piam patitur, sed etiam in aërem quippiam agit, atque eun-  
 dem mouet, perinde atque splendida: nam uisus, de gene-  
 re splendidorum, & habentium colorem est. Hoc igitur  
 tempore, quo menses profluunt, eodem modo oculos, quo  
 quamlibet aliam corporis particulam affici ratione opti-  
 ma euenit: quandoquidem suapte natura uenenulenti sunt.  
 Quocirca tempore menstrualis profluij, quod commo-  
 tione, & inflammatione sanguinis prouenit, discrimen in  
 oculis habetur: quod quamuis nobis incidens sit (est enim  
 natura seminis & mensium, eadem) reuera tamen in eis-  
 dem est. Ab ipsis autem mensibus, qui ad oculos penetra-  
 runt, aër mouetur, & inficitur: aër infectus alium aërem,  
 qui speculo proximus est, sibi hærentem inficit, & talem  
 qualis ipse est, reddit: à quo postremum, speculo eluuecu-  
 la quædam alliniitur. Nam specula haud secus, quàm mun-  
 dissimæ uestes, celerrimè notam aliquam contrahunt: quod  
 enim mundum est, atque purum, exactè commōstrat quic-  
 quid

quid exceperit, & potissimum minimos motus: *as uerò quod læue, tersumq; sit qualemunque tactum maxime sensit.* Scire autem oportet, tactum aeris esse quandam ueluti attritionem, deterisionemq; & ablutionem, atque eundem, quantuluscunq; sit, conspicuum, propter speculi puritatem, reddi. Cur uerò macula nouis speculis inductæ difficile eluantur, causa est, quòd ea pura sunt, & tersa: nam macula sese per talia, & in profundum, & in omnes partes diffundunt: in profundum, quòd pura sint: in omnes partes, quòd tersa. In uetustis autem macula non permanent: quia non tam altè figuntur, sed eminentiusculè. Tenues igitur differentias excitare, uellicareq; sensum, & celeriter ab eodem internosci, item non modò pati sensorium quo natura colorum percipitur, sed etiam uicissim agere, ex hisce constat. His quæ diximus, astipulatur, quod circa uina, & unguenta, accidere uidemus. Nam oleum, quod unguento additur, celeriter odores earum rerum, quæ in propinquo sunt, ebibit. Vina quoque, hoc idem faciunt: quippe quæ non modò earum rerum, quæ induntur, admiscunturq; odores in se trahant, sed etiam earum rerum, quæ prope dolia aut locantur, aut nascuntur. Ad eam uerò considerationem, quæ nobis initio instituta est, unum supponatur, quod & patere potest ex ijs, quæ dicta sunt, abeuntibus externis sensibilibus, sensa, quæ & ipsa quoque sensilia sunt, remanere. Item, facile decipi circa sensus, homines in aliquo affectu positos: atque alios, in alio: ut metuculosum, in metum: amatorem, in amore: adeò ut ex tenui similitudine alter hostes se uidere putet: alter, quem amat. Et quo quis utiq; arctius ipso affectu possidetur: eò leuiori similitudine talia sese illi offerunt. Eodem modo & qui ita, & qui demum quacunq; alia cupiditate rapiuntur, facile circumscribi so-

lent: at tantò quidem procliuius, quantò magis libidine ipsa dicuntur. Vnde etiam fit, ut febrientes interdum animalia quædam in parietinis uidere uideantur, exigua similitudine permoti, quam lineamenta quædam congesta prætendunt. Atque hic error quandoque unà cum morbo inualefcit, ita ut cum leuiter ægrotant, se falsos haberi agnoscant: cum uerò grauius, minimè, sed quoque uitij ducantur. Causa uerò quamobrem hæc fiant, ea est: quòd id quod primum obtinet, & id in quo phantasmata fiunt, non eadem ui iudicant. Cuius rei signum est, quod cum Sol appareat pedalis, sæpe aliud quippiam phantasie contradicit. Item perplexis digitis, quamuis quod unum est duo appareat, tamen esse duo neutiquam dicimus: quia uisus, superior, optimiorq; tactus est. Quòd si solus tactus esset, duo esse quod unum est, iudicaremus. Causa autem circumuentionis, ea est: quoniam non tantum quoties sensibile mouetur quælibet apparere solet, sed etiam quoties sensus esse mouetur, si eodem modo moueatur, quo solet à sensibili moueri, sic litus uidetur nauigantibus moueri dum uisus ab alio mouetur.

Hic ostendit Aristoteles, sæpe dormientes in somnio decipi, ut vigilantes perturbationibus solere.

CAP. III.

**E**X his itaq; patere arbitror, non modò uigilantibus nobis motiones illas, quæ per eos sensus accipiuntur, qui foras prospectant, & in parte corporis exteriori iacent, sentiri solere, sed etiam cum affectio ea suborta est, quam somnum uocamus, atq; tunc impensius. Nam interdum, operantibus quidem sensibus, ac mente, eliduntur, atque uane scunt: quomodo exiguus ignis apud ingentem offuscari solet: & dolores, uoluptatesq; modicæ, accessu immodicarum offundi: quiescentibus uerò, minima quæq; emergunt.

Noctis



Noctu autem, quia particulares sensus feriantur, & agere nequeunt propterea quòd calor exteris partibus relictis in viscera se condit, ad initium sensus, originemq; delabuntur, & obturbatione sedata manifestæ fiunt. Porro existimare oportet haud aliter motionem quancunque fieri, quàm paruas illas uertigines per summa amnium decurrentes: quæ interim similes euadunt, interim quòd aquæ aliò retorqueantur, in alias subinde formas soluuntur, diuellunturq;. Quamobrem statim à cibo non somniant animalia, neque cum edita nuperrimè in lucem sunt, ut infantes: nam multum agitatio, motioq; est, propter alimentarium calorem. Quare quemadmodum humore uehementer commoto quandoque nulla redditur effigies, quandoque redditur quidem aliqua, sed distorta penitus, adeò ut alia uideatur esse quàm sit: quiescente uerò semper aliqua redditur, quæ etiam nulla ex parte affecta est, sed pura, & expressa: ita & inter dormiendum interim uisa, & motiones quæ per sensus haustæ supersunt, præ maiore illo motu, qui dictus est, prorsus obliterantur, exolescuntq;, interim præpostere, & monstrosæ uisiones apparent, & ingrata somnia, qualia melancholicis, & uinolentis, & febrientibus accidunt: omnes enim istiusmodi affectus: cum spiritosi sint, commotionem, & perturbationem plurimam asserunt. Simulac autem resedit, & discretus sanguis est in ijs, quæ sanguinem obtinent, incolumes sensuum motiones, quæ à singulis sensibus transmittuntur, grata somnia faciunt, & apparere quippiam, ac uideri per ea quæ à visu deferuntur uidere, per ea quæ ab auditu audire, & pari modo per ea, quæ à cæteris sensuum officinis mandantur, sentire: eo enim quòd motiones à sensibus ad principium sentiendi perueniunt, uideri, uidere, audire, & sentire, necesse est.

Quinetiam quia conspectus non moueri uidetur, cum tamen in motu sit, ut dicimus, & quia tactus motus adnuntiat, quod unum est, duo esse uidetur: nam sentiendi principium quicquid à singulis sensibus afferatur, astringit, nisi aliqua alia uirtus potior contraueniat. Semper igitur apparet, sed non omne quod apparet etiam uidetur, nisi uis illa arbitra manus dederit, aut non moueatur motu uernaculo, & suo. Quemadmodum uerò diximus, alios ob alium affectum facile decipi, ita & de dormientibus statuendum est, qui propter somnum, & eo quod sensoria ipsa moueantur, & cetera quæ per sensum contingunt, procliuēs ad labendum sunt. Quare quod tenuem alicuius rei similitudinem referat, eis ipsa planè res esse apparet: nam cum dormientibus illis plurima sanguinis copia ad sensum principem delabatur, unà & motiones illæ descendunt, quæ in ea materia continentur, alia potentia, alia actu. Sic autem sese habent, ut ex eis una aliqua prior se afferat, moueatq;: quæ assumpta, alia subinde comparet. Et perinde suo quæque ordine sequuntur, atque ranæ est subere, aut quauis alia materia factæ, quæ colliquato sale, quo erant oblitæ, in aqua emergunt. Ad hunc modum, potentia insunt. Reiecto autem eo quod impedimento erat actu sunt. Atque solutæ in exiguo illo reliquo sanguine, qui in sensorijs habetur, similitudinem rerum, quæ sensus extimulare solent, præferunt: non aliter quàm portiones ille nubium, quæ cum modo effigiem hominis, aut Centauri referant, mox se transitu ocyssimo in alias subinde formas conuertunt. Vnumquodque autem horum, ut dictum est, reliquæ, & uestigium sensi actu est. Et digresso sensili, uerè dicere possumus, hoc esse tale, qualis Coriscus est: at cum uis illa superior, & arbitra sentit hoc, nequaquam dicit esse Coriscum:

riscum: sed per hoc, uerum illum Coriscum intelligit. Ea itaq; uirtus, quæ sentiendo, hoc esse Coriscum asseuerat, si non penitus sanguine obruta sit, sentientis more exercetur à motionibus quæ in sensorijs sunt, atq; commouetur. Et tum similitudo rei uidetur ipsa res esse: tanta uis sonni ut id latere nos efficiat. Quemadmodum igitur si quis oculum digito supprimat, neque animaduertat digitum ita ad motum, non modò apparebit, sed etiam uidebitur esse duo, quod unum est: si uerò animaduertat, apparebit quidem, sed non uidebitur: ita & in somno, si quis se dormire intelligat, & affectionem eam sentiat, cui sensus sensariæ paratis addictus est, apparebit quidem ei quod somniat, sed secum dicet, quinquam apparet hoc Coriscus esse, non tamen est Coriscus: nam sæpe euenit, ut quis dormiendo in animo suo dicat, somnium esse quod uidet. Quod si dormire se nesciat, nihil imaginationi contradicet. Quod autem uera sint quæ dicimus, quodq; motiones imaginariæ in sensuum officinis diuersentur, certum apertumq; est, si quis adhibito animo conetur meminisse eorum, quæ nobis obdormiscentibus, & excitatis, expergescuntq; accidunt. Interdum enim qui à somno recens excussus sit, deprehendet simulacra, quæ se illi per quietem obtulerant, esse motiones, quæ in sensorijs sunt: nam pueris nonnullis uel planè uigilantibus, aspectantibusq;, quamuis tenebrosus sit locus, tamen multæ imagines apparent, quæ moueri uidentur, ita ut illi se præ metu sæpe intra stragulum occultant. Ex his itaq; omnibus colligi debet, somnium esse uisum quidem aliquod, sed quod in somno sese offerat: nam neq; simulacra ea, de quibus paulo antè diximus, insomnia sunt, neq; aliud quicquam quod solutis sensibus appareat. Sed neque quicquid in somno se præsentat, insomnium est. Nam primo quidem



quidem nonnullis euenit, ut sonum, & lucem, & saporem, & contrectationem quodammodo sentiant, sed languide tamen, & quasi de longinquo: iam enim qui inter quiescendum cernebant, & mox excitati fuere, lumē lucernæ quod dormientes, ut rebantur, exiliter uidebāt, protinus ubi expergefacti fuerunt, uerum lucernæ lumen fuisse deprehendere. Sed & qui canum, & gallinaceorum uoces debiliter exaudire sibi uidebantur, mox experrecti ueræ uoces suis se aperte cognouerunt. Nonnulli etiam ad interrogata respondent: fieri enim potest, ut si alterum horum, uigilare dico, & dormire, non simpliciter adest, alterum quodammodo adstet: quorum nihil somnium, uocari debet. Neque si quæ præter uisā in somno ueræ intelligentiæ fiant. Sed uisum quod à sensorum motu ortum, per quietem animalibus occurrit in eo quòd dormiunt, hoc somnium est. Iam uerò quibusdam accidit, ut nunquam quicquam somniant in uita: quod quanquam rarum est, interdum tamen contingit. Atque alij per totam uitam in eo affectu persistere, alij accedente etate somniant, qui prius nullum somnium uiderant. Causa uerò quamobrem non somnient, per similes ei uidetur, quæ facit ut statim à cibo, & in etate infanti, nullum penitus contrahatur somnium. Nam quorum ita natura constat, ut in superiorem locum diuaporatio multa concedat, quæ suo regressu ad ima commotiones afferat plurimas, haud ab re nullum his phantasma, uisumq; appareret. Procedente uerò etate somnia illis restitui, nihil absurdi est: nam immutatione aliqua uel per etatem, uel per affectum accepta, necessarium est hanc quoq; rerum contrariarum uicissitudinem accidere.

FINIS.

## DE DIVINATIONE

PER SOMNIVM

LIBER,

Francisco Vatablo interprete.

\*

*Argumentum libri per Nico-  
laum Leonicum.*

POST libellum de somnijs, quem nuper explicauimus, & interpretati sumus, Philosophus commentariolum de diuinatione per somnia, statim subiungit. Nam illis intercedentibus, plerunque quid nobis posthac vel agendum, vel declinandum sit, præmonemur: coniectatiq̃ue, sæpius ualemus de futurorum euentis, quæ ad nos, resque nostras pertinent, diiudicare. Hanc autem dicit ex somnijs diuinationem neque penitus esse contemnendam, veluti nihil de futuris portendentem. Nam tum experientia ipsa nos docet, pleraque nonnullis præcedentibus signis hominibus contigisse, tum in huiusmodi re omnium ferè hominum constans est consensus. Vniuersalis autem fama, Hesiodo teste, haudquaquam est contendenda: Dei enim quædam vox censetur. Neque penitus igitur, inquit, negligenda esse somnia, neque rursum illis omnimodam præstandam esse fidem, aut credere: quoniam in confessis est nonnulla diuinationē habere somnia, idcirco omnia quippiam præmonstrare. In illis nanque aliqua intercedere potest ratio, veluti in genere somniorum, quæ naturalia appellantur, corporisq̃ morbos, & incolumitates præmonstrare valent. In omnibus autem quæcunq̃ somni tempore viderint homines, similem subesse rationis modum haudquaquam verisimile esse videtur. Nam ad Deum inquit, referre somnia, illiq̃ horum causas assignare, cum ratione carere videtur, naturam scilicet diuinam, quæ in se cōuersa, se solam intelligit, & videt, cum sola sit semper intelligens, & intellecta, ad huiusmodi friuola, fragilitatisq̃ humanæ plena negotia demittere: tum absurdū esse, & indecēs, Deum fatuis plerisq̃, & mente captis præmonstrātia mittere somnia,

somnia, quod ferè accidere percipitur: prudēibus autem viris, & optimis, nihil per somnia significari. Semota autem, & seiugata diuina causa, nihil sanè de facili reperiri potest, cui meritò id muneris possit adscribi. Nam quosdā prēmōstrantia videre somnia de ijs, qui in extrema occidentis degunt plaga ad Gaditanum Oceanum, Herculeasq; Columnas, vel de ijs, qui in vltimo Ponti Euxini habitāt sinu, Borysthenēq; colūt, siue vrbein, seu insulam, maius profectò esse videtur, & occultius, quàm vt humana prudētia, mentisq; nostrę discursu, illorū principia, & causæ ritè percipi, & cōperiri possint. Quibus ex verbis Aristoteles, & si non omnia, quædā tamen diuina esse somnia, quæ supra humanū mentis captum quippiam prēmōstrare valeant, clarissimè voluisse videtur: quorum licet ignorētur causæ, non tamen ideo sunt abijcienda, aut diuini cuiusdam vigoris expertia esse illa existimandū est. Maxima nanq; pars, de illius sententia, eorū, quæ scimus, minima est eorum, quæ ignoramus. Quo in loco obiter mihi cū pleraq; succurrant, quæ hac de re apud varios rerū scriptores literis commendata lectitauī, quę videlicet quibus veraciter somni tempore fuere prædicta, quantumq; ars ipsa medica somniorū profecerit visis, tum id maxime, quod Plinius Secūdus, vir alioqui huiusmodi in rebus haudquaquam superstitiosus, & credulus, in vigesimo quinto Naturalis Historiæ conuētario memoriæ prodidit: quod quia cū pulchrum, & scitu dignū est, tum Aristotelis verbis hoc in textu quàm accommodatum esse videtur, illius apponere verbis decreui. Scribēs enim de he. bis quibusdā, isthæc ad literā subiungit: Alias inuenit casus, alias (vt verè dixerim) Deus. Insanabilis ad hosce annos fuit rabidi canis morsus, pauorem aquar, potusq; omnis adferens odiū. Nuper cuiusdā militantis in prætorio mater vidit in quiete, vt radicem sylvestris rosæ, quam cynorhodon vocant, eblanditam sibi aspectu pridie in fruteto, mitteret filio bibendā in lacte. In Lusitania res gerebatur Hispaniæ proxima parte, casusq; accidit vt milite à morsu canis incipiente aquas expauescere, superueniret epistola orātis vt pareret religioni: seruatusq; est ex insperato, & postea quisquis auxilium simile tentauit. Hæc ille. Ex quibus profectò diuina quædā vult esse somnia, quæ pro absentibus interdū videantur, abstrusas habentia causas, quas humanus vestigare



vestigare non potest animus, vt hoc etiam in loco fatetur Aristoteles, quæ Deum ipsum præmōstrare, vir religionē potius negligens, quàm admirans, manifestè confessus est. Cur autem diuina isthæc somnia cuius ē populo, id est, simplicioribus appareant, quàm prudentibus (quod absurdum in litera dixit Aristoteles) haudquaquam perscrutanti ratione carere videbitur. Missa enim facio illa nunc, quòd simpliciores diuinæ naturæ cū propinquiore, tum participabiles magis iure esse perhibentur, cū ij ad diuinū capiendum, admittendumq; lumen sint aptiores, vt sacræ testantur literæ, cū dicitur, Qui abscondisti hæc à prudentibus, & reuelasti ea paruulis: & quod humana prudentia, si ad Deum conferatur, desipientia potius, quàm prudentia, appellari debet: & quòd illi, quos quasi insanos, & stultos quondā neglexerit Mūdus, diuinorum reuelationem mysteriorū habere meruerunt, iuxta illud: Nos insensati vitam illorum reputabamus insaniam, & finem eorum sine honore. & rursum: Annūtiauerunt opera Dei, & facta eius intellexerunt. Vt hæc, inquam, missa faciamus omnia, non ab re sanè esse videtur, humanā prudentiam experiētis, actionibusq; immerfam humanis, ad diuina recipienda somnia minus habilem, & aptam videri: quæ solutus quodam modo animus, nihilq; cum vitæ illius specie agens, quæ sibi cum corpore est cōmunis, sed in separabili illa permanens vita, suscipere nimirū, & clarè cernere censetur, quid humilioribus plerūq; occultis euenisse causis liquidò est animaduersum. Cæterū de his alias plenius, si qua dabitur posthac occasio: nunc ad Aristotelis literam reuertamur.

Hic declarat Arist. somniorum diuinatio quatenus sit asserenda, aut non.

CAPVT I.



**D**iuinationem aliquam esse, quæ in somno fiat, & provenire dicatur ab insomnijs, neque cōtemnere facile est, neq; credere. Nam quòd omnes, aut plurimi arbitrantur insomnia significare aliquid, argu-  
mento est, id præ experientia asseri solere. Item de non-  
nullis

nullis rebus ad diuinationem quandam haberi insomnijs,  
 indignum creditu non est, cum ratione aliqua nitatur. Vnde  
 fit, ut de ceteris quoque somnijs haud secus censere quis  
 possit. Contrà cum nulla rationabilis causa uideatur, per  
 quam isthæc diuinatione proueniat, efficitur ut fides abro-  
 getur. Nam si dicatur, deum esse qui somnia mittat, præter  
 alia multa & hoc quoque subabsurdum est, non optimis,  
 sapientissimisq; sed quibusuis sine discrimine mitti. Sublata  
 autem causa, quæ ad deum referatur, nulla præterea alia  
 uidetur consentanea esse: quandoquidem originem eius in-  
 uenire quod dicitur, quosdam esse in Borysthene, & iuxta  
 Columnas Herculis, qui futura præsentiant, captum inge-  
 nij nostri excedere uideatur. Necessè igitur est somnia esse  
 aut causas eorum, quæ fiunt, aut signa, aut fortuita: aut  
 omnia, aut duo ex his, aut unum solum. Causam uoco, uer-  
 bi gratia, deliquij solaris, lunam: febris, defatigationem.  
 Signum deliquij, cum luna subire incipit: febris, scabritiem  
 linguæ. Rem fortuitam, inambulante aliquo solem delin-  
 quere: nam neque causa, neq; signum deliquij, inambulatio  
 est: aut deliquium, inambulationis. Quapropter res fortui-  
 tæ, neq; semper, neq; maiori ex parte fiunt. Sunt ne igitur  
 somniorum aliæ causæ, alia signa, uidelicet eorum quæ in  
 corpore accidunt: Nam & qui è Medicorum schola paulò  
 peritiores habentur, insomnia diligenter attendenda dicunt.  
 Nec ab re ita existimant: artifices alioqui, sed qui tamen  
 meditari aliquid, philosophariq; solent. Nam motiones,  
 quæ interdum contingunt, nisi magnæ admodum, fortisq;  
 sint, maioribus illis quæ secundum uigiliam fiunt, offun-  
 duntur. At in somno, contrà fit: tunc enim quæ parue sunt,  
 esse magnæ creduntur. Id quod facile constat, ex ijs quæ  
 in somno contingere solent: sæpe enim accidit, ut dora-  
 mientes

mientes modico strepitu exaudito, fulminare, & tonare  
putemus, & tenui pituita distillante, melle, aut dulci alio  
sapore frui: & exiguo calore in quibusdam corporis par-  
tibus exorto, super prunas ambulare, & uehementer ca-  
lesceri. Excitati uero, isthæc hoc habere modo deprehen-  
dimus. Quare cum exordia omnium parua sint, certum est  
& principia morborum, & cæterarum affectionum, quæ  
in corpore perficiendæ sunt, imbecilla esse oportere. Patet  
igitur necessariò hæc in somnis euidentiora esse, quàm in  
uigilia. Sed & quedam ex uisis illis, quæ per somnum ap-  
parent, causas esse suorum cuiusque actuum, à ratione mi-  
nimè abhorret: ut enim qui acturi aliquid sunt, aut qui  
nunc id agunt, aut qui iam egerunt, plerumq; hoc idem per  
somnia contuentur, & administrant, quia diurni initia ad  
talem motum, quasi uiam quandam præparauere: ita econ-  
uerso necessarium est, ut plerumque motiones, quæ se per  
somnum offerunt, principia sint eorum, quæ interdum geri-  
mus, quia econtrario, & hæc antea inter nocturna uisa  
mens nostra concepit. Ad hunc igitur modum è somnijs  
nonnulla tum signa, tum causas esse contingit. At complu-  
ra persimilia habentur ijs, quæ temerè, ac uice fortuita  
proueniunt: præsertim extrema illa, supraq; omnem fidem  
hominis posita, & ea quorum origo in nobis non est,  
sed de nauali pugna sunt, & ijs quæ procul à nobis gerun-  
tur. Nam de his eo modo statuendum est, quo statuitur  
cum id fortè fortuna euenit, quis de quo mentionem facie-  
bat. Quid enim prohibet, quominus idem in somno con-  
tingat? immo uerò multa eiusmodi contingere par est.

Quemadmodum igitur mentio de quopiam, neque si-  
gnum, neque causa fuisse potest, cur idem ad nos accesserit:  
ita neq; somnium, signum aut causa dicendum, quam-



obrem sic prorsus euenerit ut somnianti apparuerat, sed fortuitum quid, temerariumq;. Vnde etiam fit, ut plurima somniorum minime euadant: nam quæ fortuita sunt, neque semper, neque maiori ex parte accidunt. Ad summam, cum è cæteris quoque animantibus aliqua somnient, haudquaquam insomnia à Deo missa ueniunt, aut ad eum finem nobis adiuncta sære: demonia tamē haberi debent: nam & natura demonia est, non diuina. Cuius rei indicio est, quod degeneres admodum, & gregarij homines futura præuident, & ita ut res habet somniant, tanquam non delegante somnia deo. Verum prout quisque natura locutius est, aut ultio bilis atræ laborat: ita multifarias uisiones experi ir. Quia uero plurimè & uarijs spectris feriuntur, aliquando insomnia illa, quibus euentus quidam respondet, incidunt: sicuti nonnulli, cùm totum diem cersant, interim præmium capiunt. Nam quod in prouerbio est, Si sepe iactas, aliud aliàs ieceris, idem & in somnijs contingere solet. Nec uerò absurdum est, plurima non euadere. Nam neque ea signa, quæ in corpore uisuntur, aut in cælo, ut quæ imbrès, aut flatus prætendunt, semper eueniunt: si enim alijs uehementior motus ingruat, quàm sit iste futurus à quo illa fiant, tum ex signo nihil sequi solet. Sed & plurima agendorum, de quibus consiliū optima ratione inieris, superuenientibus inijs alijs, grauioribus, in irritum decidunt: nec enim prorsus omne fit, quod futurum erat: neque idem est fore, & esse futurum. Sed dicendum est, & principia esse à quibus nihil emergat, & signa, quæ nullus approbet effectus. De somnijs uerò, quæ eiusmodi principia non habent, qualia diximus, sed ab hisce, qui somniant: aut temporibus, aut locis, aut magnitudine abiuncta sunt, aut eisdem uicinitate aliqua adiuncta sunt,

sunt, non tamen principia eorum continent, nisi temerè futura presentiantur, sic statuendum ut sequitur potius est, quàm ut Democritus asserit, somnia simulacris, & defluxibus accepta referens. Nam quemadmodum si quis aquam, aut aërem propellat, pars commota subinde aliam commouet, cessanteq; illo accidit talem motum quadam tenus progredi, autore etiamnum absente: ita nihil obstat motus quosdam, & sensus ad animas somniantes peruenire ab ijs rebus, à quibus ille exuias, & imagines mitti affirmat, & quocunque peruenierit, impensius noctu sentiri, quia interdiu delati dissoluantur: est enim aër noctis, ab omni turba liberior, quòd noctes uento minus infestentur: & in corpore facere sensum, ratione somni: quòd motiunculas interiores dormientes, melius quàm uigilantes sentiscant. Porro hi motus, uisa dormientibus asserunt: per quæ uaticinari futura, de rebus ipsis assolent. Et ob id, quibusuis sine lege ulla non prudentissimis, præsagire contingit: nam si Deus somnia mitteret, præsagia interdiu fierent, & sapientibus darentur. Sic autem stolidissimos quosque preuidere par est: mens enim omnium id genus hominum curis referta non est, sed quasi deserta, & cogitationibus uacua: sed & cum mouetur, id quod eam mouet, sequi solet. Quosdam uerò esse, qui in excessu mentis futura presentiant, id causa est, quòd uernaculi motus illos non infestent, sed procul ab eis summoueantur: ex quo fit, ut peregrinos maxime sentiant. Esse item aliquos, qui certissima somnient, & de necessarijs, & amicis suis potissimum quenque futura preuidere, hinc euenit, quòd necessarii de se mutuo impensè solliciti sunt: ut enim de longinquo se maxime agnoscunt, & sentiunt, ita & suos quosque motus: quandoquidem rerum notiorum motiones,

notiores habentur. Melancholici uerò, propter naturæ suæ uehementiam, eminus iaculatorum modo, collimant: necnon propter mobilitatem, ocysime quod consequens, annexumq; sit, imaginantur. Nam quemadmodum qui furore perciti sunt, poemata Philegide, serie quadam cohibili constantia, dicere ac meditari, ut Venerem, & ita ad finem usque premere solent: ita melancholici uisa, quæ perinde colligata sint, celeriter recurrunt. Præterea tanta concitatione rapi solent: ut motus eorum ab alio motu elidendi, aut retorqueri non possit. Artificiofissimus somniorum interpret haberi debet, qui similitudines perspicere possit: nam recta, claraq; somnia interpretari, cuiusuis est. Dico similitudines, quoniam, ut etiam præmonui, spectra similia euadunt simulacris, quæ in torrente apparent: ubi si multa commotio fiat, nullæ apparitiones, aut simulacra ueris rebus similia redduntur. Acerrimus uerò apparitionum coniector est, qui celeriter perspicere, & discernere potest simulacra, distorta alioqui, & incondita, hominem, aut equum, aut aliud quodcunque id sit referre. Et somniorum itaque coniector optimus est, qui simile quippiam internoscere potest: cum motio syncretitatem somniorum interturbare soleat. Sed quid sit somnus, & quid insomnium, & qua de causa utrumque fiat, item de diuinatione quæ ab insomnijs oritur, dictum iam est.

FINIS.

DE



## DE LONGITVDINE

ET BREVITATE VITAE,

*Liber, Francisco Vatablo  
interprete.*

+

*Argumentum libri, per Nico-  
laum Leonicum.*

QVONIAM omnia animalium opera, quæ cùm proprietates, tum passiones Peripatetici appellare consueverunt, animorum corporumq; videntur esse communia. ut aliis plerisque in locis, nec minus in commentario de sensu & sensili est declaratum: quamvis inter illa, alia quidem animos spectent magis, ut sensus, memoriæ, reminiscentiæ, nonnulla uerò ad corpus magis uergere uideantur, ut uigilia, & somnus, sanitas quinetiam & morborum genera. aliaque eiusmodi complura: quoniam etiam (ut eo loci est declaratum) ex huiusmodi operibus quædam magni sunt ambitus, ampleq; se extendunt: nonnulla uerò minus se prorogant, aliqua etenim, uniuersum animalis consequuntur genus, ut uoluptas, & dolor, appetitioque illa, qua naturaliter uoluptatem quidem unumquodque prosequitur animal, dolorem uerò declinat, & fugit: nonnulla uerò in animalium perfectiori genere cernere licet, ut exquisitiores sunt sensus, sic & memoriæ, & reminiscentiæ, cæteraque huiusmodi: ex illis quinetiam nonnulla sunt maximi cuiusdam ambitus, & compræhensionis, quæ animalium uniuersum transcendentia genus, ad superiorem sanè uiuentium ordinem sese applicant, illique merito quadrare videntur: huiusmodi autem sunt cùm mors, & uita, tum utrorumq; horum extensiones, & breuitates, iuuentutes quinetiam, & senectutes. aliaque huiusce notæ: animalibus enim isthæc sanè contingere uidentur, non ut animalia sunt, sed ut uiuentia: nam de arboribus, stirpiumq; uniuerso genere, non minus hæc iussa dici, intelligique possunt. Quoniam igitur sic se habent illa, quæ communia appellantur animalium opera, talesq; inter se habere

censeantur differentias, Philosophusq; retro, ut uidimus, de  
 his animalium operibus, quæ ad illa, ut eiusmodi sunt, perti-  
 nent, copiose, luculenterq; pertractauit in iis, qui sequuntur,  
 commentariolis ea nimirum animalium disquirat opera, quæ il-  
 lis, ut uiuētia sunt, accidere, & inesse animaduertuntur. Quo-  
 rum primus de diuturnitate & breuitate uitæ inscribitur, in  
 quo quærentis, percontantisq; modo (ut sæpe solet) Philoso-  
 phus proponit, cur nam animalium, & stirpiū nonnulla qui-  
 dem esse uidentur longæua, & extenso durantiā tēpore: alia  
 uerò breuioris periodi, & breuioris uitæ. Vbi meminit etiā,  
 ut posteriora prioribus copulet, & coniungat, horumq; no-  
 bis librorū ordinem indicet, se prius pertractasse de somno  
 & uigilia, & quod posthac de morte, & uitæ, sanitateque, &  
 morbo uerba faciet, tanquā de rebus extremis, & ultimis in  
 negotio physico perscrutandis. Quoniam autem quod faci-  
 le corruptioni est obnoxium, breuis est permanentiæ, & æ-  
 tatis: quod autem difficiliter corrumpitur, longæuum sanè  
 & diuturnū esse cēsetur: adcirco hac de re in isto loquitur li-  
 bello: ubi etiam de ipsis per genera docet longæuis: posteaq;  
 etiam quærit, assignatq; causas, cur arbores hominibus sint  
 diuturniores, & in illarum genere aliæ aliis longæuæ sint ma-  
 gis, & æui extensioris. Vbi accuratū de illis sermonē in stir-  
 pium commentariis se facturum pollicetur: quos quidem ab  
 ipso, quod audiuerim, aut legerim, editos non habemus: sed  
 legitimi eius discipuli, & scholæ successoris Theophrasti, il-  
 lorum loco, admirabiles illos de stirpibus libros habemus,  
 uerū de iis posthac uidebimus. Ipse uerò à principio sta-  
 tim huius commentarioli, postquam causas dixit esse perscru-  
 tandas, à naturali scilicet Philosopho, cur in animalium ge-  
 nere quædam sunt longæua, alia uerò breuioris uitæ, sub-  
 iungit, & omnino de uitæ extensione, & breuitate esse per-  
 scrutandum, quod stirpium gratia dixisse uidetur, & arbo-  
 rum, quæ licet altricem habeant uitam, animalia iure uoca-  
 ri non possunt, quæ sensibus insignita perspiciuntur: sed ani-  
 mantia appellantur, in quibus manifeste etiam conspici-  
 tur cum extensio, tum breuitas perduratiōis, & uitæ. Post  
 quæ dicta perscrutationis illius subiungit modum, illum  
 uidelicet necessarium esse asseuerans, qui dubitando, quæ-  
 rendo uel procedere uidetur. Ipse enim est, qui dixit alibi:

Dubitare

Dubitare de singulis non est inutile. & alio sanè in loco: Dubitare, est propè scire. Neque enim hoc ab re, mehercule. Quæstor enim aliquis, & commodus dubitator, latentes, & quasi conspiciuos animorum suscitât igniculos, illisq; sæpe numero ad collustrandam veritatis faciem pro fomite vituri. Quæ autem huiusmodi esse debeat ambiguitatis, & dubitationis ratio, statim subiungit, vtrum scilicet eadem sit, vel diuersa, longitudinis; & breuitatis vitæ causa, cum in animalium genere, tum in ipsis stirpibus, vbi verum animal, quod sensu, vt diximus, insigitur, ab animante non vero determinare animaduertitur. Nam in ipso etiam stirpium genere, inquit, & non solum in animalibus, longitudo & breuitas vitæ manifestissimeprehenduntur. Quædam enim illarum annuo desinunt spatio: is periodi illarum est terminus, vt pleraque herbarum sunt genera, arbutuleq; illæ, quæ in ihs, qui Adonidis vocantur hortuli, conseruntur. Legitimæ autem arbores sunt diuturniores: in quibus etiam maxima est æui differentia. Namque oleæ, quercus, ilices, cupressi, nonnullaq; alia stirpium genera, longissimæ sunt vitæ, & ferè æternæ. Punice autem sici, & mali, exigui sanè sunt æui, breuiorisq; etiam inter illas sunt vitæ præcoces ferotinis.

Hic ostendit Arist. animalium alia brevis, alia longæ vitæ esse: causasq; declarat.

CAPVT I.



VR autem animantium alie plus temporis, alie minus uiuant: atque omnino cur uita longa sit, aut brevis, causas consideremus addeceat. Sedenim ita ordiendum est, ut contemplationis initium sumatur dubitando de his (non enim certum est) utrum diuersa sit, an eadem cunctis animantibus, ac plantis causa, cur illarum quedam diu, quedam parum uiuant, & harum alie annus, alie diuturniore uita fruuntur. Præterea, utrum natura constantiam eadem sint longæua, & natura incolumis, an distincta sint. Et utrum eadem sint uita breuis, & ualitudinaria, an per aliquos quidem morbos corpora, que

bb + natura



natura ualeudinaria sunt, ad eorum naturam accedunt, quæ breuiore uita frui solēt: per aliquos uerò ualeudinaria esse, quæ longæua sunt, nihil obstat. De somno igitur, & uigilia, dictum est prius: de uita uerò, & morte, similiter & de morbo, & sanitate, quod quidem ad naturalem attineat Philosophiam, dicendum posterius. Nunc autem de causa cur altera longam, altera breuem uitam agant, quemadmodum iam diximus, tractandum est. Sane hac differentia genera tota à totis generibus, & eorum, quæ sub una specie collocantur, alia ab alijs differunt. Generatim differre uico, ut hominem ab equo: nam genus hominum uiuacius est, quàm equorum. Speciatim, ut hominem ab homine: eorum enim hominum, qui locorum intercapedine seiuncti sunt, alij uita sunt longiore, alij breuiore: qui enim in calidis degunt regionibus, diutius: qui in algidis, minus uiuere assolēt. Quinimo ex hisce, qui eundē tenent locum, nonnulli pari modo ea ipsa inter se discrepant differentia. Porro sumere conuenit, quid sit inter ea, quæ natura constant, quod faciliè corrumpatur, & quid quod ægrè. Nam ignis, & aqua, & quæ his cognata sunt, cum eandem facultatem minimè habeant, sibi mutuò causæ generationis, atq; corruptionis. Pròinde singula quoq; alia, quæ ex hisce sunt, atq; constant, & non ex multis per congeriem, uti domus, eorum naturam participant ratio congrua existit. Sed de cæteris, alia ratio est. Plurimis enim ex hisce, quæ sunt, peculiæres competunt corruptiones: ceu scientiæ, sanitati, morbo, & eiusmodi: quæ corrumpi soleant, etiam non corruptis susceptiuæ, sed seruatis: quandoquidem ignorantiam reminscentia, atque disciplina corrumpere solent: scientiam obliuio & decæptio. Per accidens tamen cæterorum corruptiones, rerum naturalium interitus sequuntur: nam cum animalia ipsa intereunt,

intereunt, eorundem & sanitas, & scientia corrumpitur. Quocirca & de anima per hæc ratiocinari quispiam profectò potest. Nam si anima haudquaquam natura subsistat, sed ut scientia in anima, sic & anima in corpore sit: erit nimirum ipsius quedam etiam alia corruptio præter eam, qua, cum corpus interit, corrumpi solet. Quare, cum nulla talis esse uideatur, alio sanè pacto cum corpore inijt societatem. Sed fortasse quæret quispiam, idq; optima ratione, utrum quod corruptibile est, id alicubi à corruptione uindicari queat, ceu ignis supero in loco, ubi contrarium nullum est. Quæ enim contrarijs insunt, per accides corrumpi solent, eò quòd illa intereant: tolluntur enim contraria à sese. At contrariorum, quæ in substantijs sunt, nullum per accidens corrumpi potest, propterea quòd substantia de nullo subiecto prædicatur. Quare fieri non poterit, ut id corrumpatur, quod contrario caret: aut in eo loco est, ubi nullum est contrarium. Quid enim erit, quod uim habeat corrumpendi, si quidem à contrarijs uinis corrumpi quicquam contingat, contrarium autem non insit, aut omnino, aut hic? An hoc partim uerum est, partim non uerum? Fieri enim nequit, ut ei quod materiam habeat, non insit modo quodam contrarium: nam ut omnino insit caliditas, aut res-titudo, aut albor, fieri potest: ut alicubi sit, non potest: alioqui affectus essent separati. Si igitur quando actiuum, & patibile simul sunt, semper alterum agit, alterum patitur, fieri non potest quin fiat mutatio. Præterea & excrementa fieri necesse est: at excrementum, contrarij rationem subit: semper enim mutatio è contrario fit: excrementum autem, reliquæ prioris est: Quòd si quicquid actu contrarium est abigeretur, esset ne uel hic incorruptibile, an non, sed ab eo quod continet corrumpetur? Si ergo

id, quod continet, sit satis committende corruptioni, numero eorum quæ dicta sunt, adscribatur: sin minus, inesse quippiam quod sit actu contrarium, & excrementitiâ materiam aggnî, supposuisse operæpretium est. Quamobrem minor flamma à maiore per accidens deurit: quod pabulum, sumum scilicet, quod illa non nisi longo tempore absumere potest, hæc ocyus insumat. Quapropter omnia semper in motu sunt, & ortum, aut obitum subeunt: cui rei, id quod continendi munere fungitur, uel conferre, uel obesse solet. Et ob id, quæ locum demutant, ea tempore quidem longiore, breuiore uè quàm sua ferat natura, edurant: sed sempiterna nusquam sunt, quibuscunque contraria adsint: nam materies, protinus contrarium habet. Quare si sit de prædicamento loci, lationem subeunt: si uerò quantitatis, accrescunt, aut decrescunt: si denique qualitatis, alterantur.

Hic Aristot. humidi vitalis conditiones declarat.

CAPVT II.

**A**T neque maxima corruptioni minus obnoxia sunt: æquus enim minus temporis, quàm homo, uiuit: neque pusilla: nam insectorum plurima, non ultra annum ætatem extendunt. Neque plantæ, omnino minus quàm animalia corruptioni patent, cum nonnullæ uita sint annua. Neque sanguinaria: siquidem ap̃s longiore tempore quàm sanguinea quædam, uiuit: neq; exanguia, quod mollia, annua sint: quamuis sanguine careant. Neq; terrestria: sunt enim tum e plantis, tum e pedestri animantium genere, quæ in anni spatium duntaxat ætatem protrahunt. Neque marina: etenim in mari tam testacea, quàm mollia, parum uiuunt.

Sed in totum quæ diutissime uiuunt, ea in stirpium genere continentur, ut palma, & cupressus: mox in sanguis

neo



neo genere animalium potius, quàm in exanguibus: & in pedestribus, quàm in aquatilibus. Quare & illis duobus iunctis, in ijs quæ sanguinea, pariter & pedestria sunt, ea haberi solent, quæ inter animalia longissimè uiuunt, ut homo, atque elephas. Quin & uastiora, quod maiori ex parte dixerim, diutius quàm minora uiuunt: nam & cæteris quæ uiuaciora sunt, perinde atque ijs, quæ modò retuli, magnitudo adiuncta est. Horum omnium causam, hinc intueri licet. Intelligendum enim est, animal naturæ humidum, calidumque esse, cuiusmodi uita quoque ipsa habetur: at senectus, & quod emortuum est, obarescit, algetque: sic enim habere cernitur. Hæc etiam, calidum, inquam, frigidum, humidum, & siccum materiâ corporibus, quæ in rerum natura sunt, suppeditant: necesse est itaque ea, dum senescunt, inarescere.

Quocirca, & humidum esse tale conuenit, ut non facile siccescat. Et ob id, pingua putrescere non solent. Cuius rei causa est, quòd ea sunt aëris, aër autem ad reliqua ignis est, qui baudquaquam putris reddi potest. Rursum, non paucū esse humidum oportet: quod enim paucum est, facile exarescit. Ideoque magnæ & animantes, & plantæ, ut in uniuersum dixerim, plus temporis uiuere consueuerunt, quæ admodum dictum est antea: nam ratione optima euenit, ut quæ maiora sunt, plus habeant humidi. At non solum propter hoc, uita sunt longiore: duæ enim sunt causæ, quantitas, & qualitas: id est, modus, & genus. Proinde non solum oportet humidum esse multum, sed etiam calidum, ut ne facile aut congelascat, aut resiccet. Hac de causa, diutius homo quàm maiuscula quedam animalia uiuit: nam quæ humidi copia uincuntur, si maiore proportionem per qualitatem superent, quàm per quantitatem uincantur, ea sanè uiuaciora sunt. Calidum autem ipsum in nonnullis pingue habetur.

habetur: quæ res simul efficit, ut neq; facile inarescat, neque facile refrigeretur: in nonnullis, alio succo præditum est.

Præterea oportet ut quod haud facile corruptibile sit, nequaquam excrementis abundet: quod enim tale est, aut ui morbi, aut suapte natura interimitur: nam excrementorum uirtus, atque facultas, uicem subit contrarij: atque interdum naturam ipsam, interdum partem corrumpit. Quapropter quæ salacia sunt, & semine redundant, ocysime senescunt: nam semen excrementum est, & insuper, cum prodit asiccatur. Ob idq; mulus equo, & asino, ex quibus procreatus est, plus temporis uiuit: & femina, maribus, si mares salaces sint. Quocirca & in passerum genere, mares breuiorem quam femina uitam obtinent. Adde etiam quod quicumque mares laboriosi sunt, amplius, laboris nomine, senescere solent: labor enim exiccat: senectus autem sicca est. Natura tamen mares, ut in uniuersum dixerim, uiuaciores feminis sunt. Cuius rei causa est, quod mas femina calidior sit. Eadem etiam animalia, tepidis locis plus temporis quam frigidis: illa ipsa causa, qua quæ maiore sunt corpore uiuunt, & eorum, maxime quæ natura frigida sunt, magnitudo conspectior redditur, atque insignior. Quapropter & calidis locis serpentes, lacerti, & corticata: necnon in mari rubro testata omnia, mira quadam magnitudine augentur: calida nanque humiditas, uitæ ac incrementi causa existit. Locis autem prægelidis, humiditas animantibus indita, aquosior est. Quamobrem, facile congelascere potest. Quare in septentrionali plaga, ex animalibus quæ parum sanguinis obtinent, aut eodem uacant, quedam nullo pacto, siue pedestria in terra, siue aquatilia in mari gignuntur: quedam gignuntur quidem, sed minora sunt, uicq; breuioris: nam gelida celi constitutio, ea incrementum

scere non sinit. Cum autem alimentum non recipiunt tam animalia, quàm plantæ, interire solent: idem enim seipsum emacerant: nam quemadmodum flamma magna parvam exurit, corrumpitq; propterea quòd alimētum eius absumat: sic calor naturalis, cui primaria concoquendi vis inest, materiam in qua sit consumit. Porro aquatilia pedestribus minus uiuunt, non quòd humida simpliciter, sed quòd aquosa sint. Tale autem humidum, corruptioni opportunum est: quia frigidum sit, & promptè congelabile. Item exanguia sanguineis, eandem ob causam, nisi magnitudine uindictentur: nam neq; pinguitudinem præ se ferunt, neq; dulcorem, cum in animali pingue ipsum dulce sit. Quamobrem apes diutius, quàm quedam alia maiuscula animalia uiuunt.

Hic declarat Arist. cur quedam plantæ longioris sint durationis, quàm animalia. CAP. III.

**Q**Uæ autem diutissime uiuunt, in plantis reperiri assolent, idq; potius quàm in animantibus. Primò, quòd plantæ minus in se dilui humori contineant: unde fit, ut non facile congelentur. Deinde quòd pinguitudinem, lentoremq; habeant: & quanquam aride sunt, atque terrene, tamen nō facile siccabilem possideant humiditatē. Sed cur natura arborum longo temporis spatio eduret, causam sumpsisse conuenit: eam enim peculiarem sibi præ omnibus animantibus præterquam insectis, obtinet. Semper enim stirpes iuuenescunt, ideoq; longæ sunt: nam assidue germīna alia euasuntur, alia senescunt, & radices pari modo: & non simul, sed interdum solum caudex, & rami pereunt, alij uerò rami adnascuntur. Cum autem hæc affectio radicibus euenit, aliæ ex eo quod superest, oriri solent. Atque ita perpetuò aliud corrumpitur, aliud gignitur: quocirca & ille longo tempore uiuunt. Assimilantur autem



autem plantæ insectis, uti iam diximus: nam plantæ diuise  
 seiunctæq; uiuunt: ac duæ ex una, atque etiam plures pro-  
 creantur. Insecta uerò uiuunt quidem, sed longo tempore  
 uiuere nequeunt: nam nec instrumenta possident, nec prin-  
 cipium illud, quod singulis inest, ea efficere potest. At illud  
 quod plantis innatum est, potest: quippe cum plantæ ubiq;  
 tam radicem, quam caulem potentia habeant. Quapro-  
 pter ab eo semper aliud recens, aliud senectum prouenit,  
 quæ pauxillum inter se uitæ longitudine differunt, perin-  
 de ut ea quæ auulsu feruntur: etenim in ea satione, quæ a  
 uulso furculo effici solet, idem quodammodo euenire di-  
 cas: id enim quod auulsione seritur, particula quedam est.  
 Verum hoc in satione quæ auulsu fit, seiunctis contingit:  
 ibi, continuus. Causa, quod principium ipsum potentia ubi-  
 que inest. Porro idem in plantis, et animalibus euenit.  
 Nam in animalium genere, marces diutius magna ex parte  
 uiuunt, quorum partes supernæ maiores sunt, quam infer-  
 næ: nam mas, femina magis formam gerit pomilionis: su-  
 perna uerò, calor: et inferna, frigus occupat. Et in planta-  
 rum genere, quæ caput prægraue ac ponderosum gestant,  
 longius uitæ cursum protrahunt, cuiusmodi sunt non annuæ,  
 sed quæ figura sunt arboris: siquidem radix, plantarum pars  
 supera, atq; caput est: quæ autem sunt annuæ, parte infera  
 et augentur, et suos fructus effundunt. Sed de hoc seorsum  
 per se in libris de plantis tractabitur: nunc autem de ceteris,  
 nempe de animalibus, causâ quamobrem alia longum  
 uitæ spatium obtineant, alia breue, explicata est. Restat ut  
 de iuuentute, et senectute, et uita, et morte contem-  
 mur: his enim præfiniis, determinatisq;, animalium doctri-  
 na finem erit affecuta.

FINIS.

# DE IUVENTUTE,

ET SENECTUTE, VITA,

ET MORTE, ET DE SPI-

RATIONE, LIBER,

Francisco Vatablo

interprete.

\*

*Argumentum libri, per Nico-*  
*laum Leonicum.*

POST perferatatas longitudinis, & brevitatē vitæ causas, non solum in animalium genere, sed in ipsis etiam stirpibus, quod in præcedenti factum est libello, consequenti doctrinæ ordine Philosophus in hoc commentariolo, qui de iuventute, & senectute inscribitur, de eisdem pertractare aggreditur, necnon de morte, & vita, & omnino de inspiratione, & respiratione, ut constituta de animalium natura methodus, & ratio, in iis contemplationibus decentem sortiatur terminum. Non ab re autem post eos, qui de longitudine, & brevitate vitæ, præhabiti sunt sermones, de senectute agitur, & iuventute. Ad vitæ enim diuturnitatem necessario sequitur senium, ut cum eiusdem brevitate semper ferè adest iuventa. In hoc igitur commentariolo de huiusmodi pertractat Philosophus. Præterea de ipso spirandi opere: quoniam multis, ut inquit, ex animalium numero id Naturæ opus ad vivendum est necessarium. Vbi multa sanè præclara, & Philosopho viro digna adducet, cum de potestate animalium alterice, & sensitiva, augmentatiuaq; illius viribus, quæ cordis collocantur in arce: tum nos etiam docebit, quod non animalia solum, sed stirpes etiam præsentis refrigeratione indigent, aqua, vel aëre intercedentibus. Antiquarumq; hac de re sermones reprehendet: nonnullaq; præter hæc, circa animalia, & stirpes ipsas partiali disquisitionis modo, eleganter admodum, & eruditè perscrutabitur.

Hic

Hic ostendit Aristot. partem vnam eandemq; esse viuendum animalium, qua viuunt.

CAPVT I.



**D**E Iuuentute, & senectute, & uita, & morte, nunc agendum: forte autem simul & de spiratione causas dicere necessarium est, quod ob eam animantibus nonnullis uiuere & non uiuere contingat.

Cum iam alibi de anima tractatum sit, quanquam constat fieri non posse, ut anime substantia corpus sit, eam tamen esse in aliqua corporis particula, & ea quidem, que inter reliquas ui quadam polleat, apertum est. Ceteris igitur anime aut partibus, aut potentijs (utrouk modo appellande sint) in presentia dimissis, eorum omnium que animalia dicuntur & uiuere, in hisce quidem quibus utraque ista esse animal, inquam, ac uiuere competunt, unam, & eandem esse partem necesse est, qua uiuunt, simul & animalis nuncupationem sortiuntur. Fieri enim nequit ut animal, qua animal est, non uiuat: at qua uiuit, hac esse animal, haudquaquam necesse est: nam plantae uiuunt eadem, sed sensu carent: ipsa autem sentiendi facultate, animal à non animali interstinguitur. Hanc ergo partem, numero unam eandemq;, ratione plures, ac diuersas esse necesse est: neque enim idem est esse animal, quod uiuere. Cum igitur propria sensoria unum aliquod commune sensorium nacta sint, quo necesse sit sensus actu concurrere, hoc autem inter partem priorem, & posteriorem medium sit (nam pars prior dicitur, in qua sensum gerimus: posterior, que e regione illius sita est) & insuper præcisus uiuentibus omnium pars altera supera sit, altera infera (omnia enim partem superam, inferamq; possident) quare & ipse plantæ, uelletandi principium inter eas habebunt: nam partem, qua

cibus



cibus ingreditur, superam nuncupemus, ipsam spectantes, et non totum illud quod nos ambit: quæ uacans materia primum egeritur, inferam. Ceterum illa plantis econtrariò quàm in animalibus, sita est. Nam ex animalibus, homini maxime pars superior ad uniuersi supremum erecta est: ceteris media inter supremum, ac inum haberi solet. At plantis cum stabiles sint, cibumq; ex imo capiant, ea pars necessaria infra posita semper est: quam enim habet rationem in animalibus uocatum os, eam subeunt in plantis radices: nam illæ ore cibum è terra capiunt: hæ radices: cumq; tribus existentibus partibus, in quas perfecta animalia diuiduntur, una qua cibum capiunt, altera qua excrementum emittunt, tertia quæ inter illas media est: hæc in maximis animalibus pectus nuncupetur, in ceteris proportionale, in quibusdam autem magis quàm in alijs articulata, discretaq; sit, et ex eorum numero quæcunque incessilia sunt, ea parteis ad id muneris accommodatas, crura scilicet pedesq;: et ea quibus consimilis facultas adest, adiunctus possideant, quibus totus alueus feratur: uegetalis profectò anime principium in medio illarum trium partium haberi tum uisu, tum etiam ratione deprehenditur. Pleraque enim animalia, adempta utrauis parte, id est, aut ea quæ uocatur caput, aut ea quæ ingestos continet cibos, cum quæcunque ea sit, quæ media est, uiuere solent. id quod aperte in insectis, ut uestigis, et apibus, usu uenit. Sed et plurima, quæ insecta non sunt, præcisa, ob uegetandi principium uiuere queunt: quippe quæ partem hanc actu simplicem, potentia multiplicem habeant. Eodem enim quo plantæ modo constant: etenim plantæ præfectæ seorsim uiuunt: multæq; arbores ab uno fiunt principio. Ceterum quam ob causam plantarum aliæ diuise seiunctæq; ui-

uerè nequeant, alia auulsione serantur, alio explicabitur loco: quanquam in hoc plantæ, & insectorū genus similiter sese habent. Necesse autem est, ut animæ uegetatrix in habentibus actu simplex, unaq; sit, potentia multiplex, ac plures. Nec secus de sentiendi quoq; principio dicendum: nam quæ ex eis diuisa sunt, ea sensum habere cernuntur (Verum plantæ ut natura seruetur, efficere possunt: hæc non possunt, quòd instrumenta ad naturæ tutelam, salutemq; commoda non habeant, careantq; alia eo quod cibum trahit, alia eo quod recipit, alia tum alijs, tum etiam horum utroque.) Huiusmodi enim animalia, animalibus multis natura coherentibus assimilantur. (At quæ optimè constant, haudquaquam quòd eorum natura quàm maximè fieri potest, una, simplexq; habeatur. Quo fit ut partes nonnullæ diuise parum sentiant: quòd affectio quedam animæ illata sit.) Detractis enim uisceribus, cidentur: id quod etiam testudinibus exempto corde euenit. Præterea illud tam in plantis, quàm in animalibus patere potest. In plantis quidem, si generationem quæ fieri semine solet, & insitiones, auulsionesq; consideremus. Nam generatio ea quæ semine fit, omnibus è medio prouenit: cum enim biualuia sint semina omnia, quæ coherent, mediumq; partis utriusque habetur, hinc una cum caule radix etiam eorum quæ nascuntur erūpit, principiumq; medium ipsorum est. Hoc etiam in insitionibus, auulsionibusq; , circa nodos maximè euenit: nodus enim principium quoddam furculi est, & insuper medij rationem obtinet. Quare aut nodum auferunt, aut in eum quippiam indunt: ut uel radix, uel furculus ex eo nascatur, quasi principium caulis, & radicle, è medio sit.

Quinetiam cor animantium sanguine præditorum primum gignitur: quod etiam per ea constat, quæ fuimus speculati

*speculati in hisce, quæ dum adhuc fierent, nobis uidisse contingit. Quare & ijs quæ sanguine carent, id primum fieri necesse est, quod uice cordis subrogatur.*

*Hic ostendit Arist. principium sentiendi, alendi, atque augendi in corde esse.*

CAP. II.

**Q**UOD autem cor uenarum principium sit, quodq; in sanguine sanguis sit ultimum alimentum, ex quo partes efficiuntur, in libris de partibus animalium dictum iam est. constat itaq; oris facultatem alteram operam cibo conficiendo præstare, uentris alteram: cor uero potissimum esse, atque finem imponere. Quare ut sentiens, ita etiam uegetans animæ originem, sanguinarijs in corde haberi necesse est: nam cæterarum partium officia circa cibum, officij cordis gratia sunt. Oportet enim ut principale ad id, cuius causa properet, & non in ijs quæ huius causa subsistat: perinde atque medicus ad ipsam sanitatem.

At uero sensuum principatus in corde, sanguinarijs omnibus est: nam in corde, omnium sensorium commune sensorium haberi necesse est. Duos autem, id est, tangendi, & gustandi, sensus, eò aperte tendere cernimus: quare & reliquos eòdem proficisci necesse est: in hoc enim cætera sensoria motum facere contingit: hæc autem haudquaquam ad locum superiorem tendunt. Præterea si uita hac in parte omnibus collocata sit, esse necesse, ut sentiendi quoq; principium in ea ipsa sedem habeat, perspicuum est: quo enim corpus animale est, eo etiam uiuere: quo uero sensituum, eo esse animal dicimus. Cæterum cur sensuum alij aperte in cor penetrent, alij in capite positi sint (quamobrem nōnulli etiam uim sentiendi sitam in cerebro arbitratur) causa seorsum alio loco explicata iam est. Sentiendi igitur principium, & alendi, & augendi, in hac trium partium, & in



corporis meditullio situm esse, uisu quidem ex hisce que dicta sunt, constat. Ratione uero, quod natura in omnibus ex ijs que fieri possunt, facere uidetur quod optimum sit: cum autem substantia medium, principium utrunq; occupat, tum par utraq; , tam ea que ultimum perficit alimentum, quam ea que ipsum recipit, suo fungi munere maxime potest: ita enim sit, ut iuxta utrunq; eorum, pars utraq; sita sit. Item eiusmodi medij locus, eius quod principatum obtinet, locus est. Præterea id quod utitur, & id quo quid utitur, differant inter se oportet, perinde ut tibia, atq; id quod eas mouet, uidelicet manus. Si ergo animal definitum est eo quod sentiendi principium habeat, hoc principium sanguineus in corde, exanguibus in parte uicaria haberi necesse est. Porro animalium partes omnes, totumq; corpus, calorem quandam naturalem insitum habent. Quocirca dum uiuunt, calida apparent, dum mortua sunt, atq; uita destituta, contraria. Necessarium autem est, ut eius caloris principium sanguineus in corde, exanguibus in proportionali habeatur: cibum enim naturali calore conficiunt, atq; concoquunt omnia: sed in primis id quod potissimum est, nempe cor, aut quod ei proportionem respondet. Quam ob rem cæterarum partium calore frigefacto, uita remanet: cordis prorsus interit, quod omnibus inde caloris principium pendeat, & anima quasi ignita sit in hisce partibus, sanguineorum in corde, exanguium in parte proportionali. Necessum itaq; est utam, & incolumitatem huiusce caloris, uicem mortem, & eiusdem corruptionem, simul esse.

Hic Aristoteles de ignis corruptionibus determinat.

CAP. III.

**A**T uero ignis duas esse corruptiones uidemus, materiam, & extinctionem. Eadem que a seipso prouenit.

nit, marcorem appellitamus: quæ uerò à contrarijs, extinctionem: & illam quidem senectutem, hanc autem uiolentiam. Vtranque tamen corruptionem eadem de causa fieri accidit: subsidente etenim cibo, quòd calor eum accipere nequeat, corrumpitur ignis: nam contrarium ipsum concoctionem intercipiens, quo minus ille nutriatur, impedit.

Est etiam quando ignem marcescere contingit, ampliori calore ob id collecto, quia neq; spiramints quicquam habeat, neq; refrigerij: ita enim calor plurimus sese intercolligens, alimentum celerrimè absumit: idq; prius facit, quàm ut ulla respiratio adhiberi queat. Quocirca non modò minor ignis maioris accessu marcescit, uerùm etiam ipsa per se lucernæ flamma maiori flammæ indita aduritur, haud aliter quàm quoduis aliud cremabile. Cuius rei causa est, quòd flamma maior minoris alimentum prius occupat, quàm aliud superueniat: ignis autem fluminis instar perpetuò gignitur, atq; fluit: uerùm id, præ celeritate nos latet. Clarum itaque est, si seruari calorem oporteat, quod sanè necessarium est, si animal uicturum sit, quandam fieri calori in sua origine refrigerationem oportere. Cuius rei exemplum sumere licet, id quod in hisce carbonibus, qui præfocantur, euenit: nam si continuè obturati sint eo, quod suffocatorium uocant, celeriter extinguuntur: si uerò mutatis uicibus quispiam crebrò operculum auferat, apponatq;, longo tempore ignem retinere suum assolent. At occultatio ignem conseruat: nec enim quominus difflet impeditur, propter cineris raritatem: & circumfuso aëri, ne extinguatur ab eo, copia sui caloris resistit. Verùm causa quæ obrem igni intecto aliter accidat, aliter præfocato (hic enim emarcescit, ille longo temporis spatio edurat) dicta est in Problematibus. Cum autem omnia uiuentia animam

sortita sint, quæ nequaquam absq; naturali calore esse potest, ut diximus: plantis quidem subsidium illud, quod per alimentum, & ambientem aërem paratur, sat est ad caloris naturalis tutelam, atq; salutem. Etenim alimentum, refrigerationem ingrediendo facit: qualis hominibus cum primum quippiam sumpserunt cibi, euenire solet, ieiunia uerò calefaciunt, sitimq; mouent: nam aër cum motu uacat, semper calefit: cum uerò mouetur, ingrediente cibo refrigerari solet, quoad concoctionem admiserit. At si aut continens frigore exuperet ob temporis constitutionem, uigente nimirum ualido gelu, obarescunt: aut per æstatem uehementes æstus accidunt, neque humor qui è terra trahitur, refrigerare possit, calor earum marcore corrumpitur, atq; per id tempus arbores sphacelismum (id est, morbum radicis, siue radicationem) sentire, atque siderari dicuntur.

Quamobrem & lapidum genera quedam, & aquam in uasculis subdere radicibus consueuere, ut stirpium radices refrigerentur. Animantium autem cum quedam in aqua, quedam in aëre degant, & ex his & per hæc refrigerationem sibi conciliant, aliæ aqua, aliæ aëre. Quoniam uerò pacto, & qualiter, institutum sermone explicandum est.

\*

FINIS.

DE



# DE SPIRA- TIONE, LIBER,

Francisco Vatablo

interprete.

\*

*Argumentum in libri, per Nico-  
laum Leonicum.*

CONTRARIO, quàm proposuerat, docendi ordine, hoc in  
commentariolo vsus videtur fuisse Philosophus. Nam  
cùm à principio statim de iuuentute & senectute, & morte  
& vita, & simul de spiratione pollicitus fuisset verba facere,  
priùs nos docuit animæ vim altricem, & sensitiuam, & ve-  
getabilem in viuientium medio collocari, id est, in corde, aut  
parte quapiam illi proportionem respondentem. Postea ad  
connati conseruationem calidi veniens, illud nimirum  
ostendit refrigerationis subsidio indigere: quod varium sa-  
nè esse ostendit, secundum varia, & diuersa viuientium gene-  
ra. Post quæ adducta, ad spirandi præclaros sanè, & verè  
physicos, deuoluitur sermones, quod vltimo propositum  
fuerat loco, vt ex illis postea ad iuuentutis & senectutis, nec-  
non mortis & vitæ indagandas accedat causas, quæ sanè  
primò fuere proposita. Dicit igitur, posteriora hæc superio-  
ribus copulans, & coniungens, quòd de spirandi opere pos-  
sit quidem antiquorum physiologorum verba fecerunt: ve-  
rùm cur id animalibus inesse censeatur opus, ex illorum  
numero quidam omnino reticuerunt: alij verò dicere ag-  
gressi, eiusq; causas explicare, haudquaquam rectè id fecisse  
videntur, nullo vsu callentes de accidentibus iudicare, id est,  
ignari, & in experti, cuiusnam rei gratia animalibus respira-  
tio accidar. In hoc præterea antiquorum plerosque errasse  
asseuerat, quia omnia respirare animalia dixerunt, cùm  
illa solummodò spirare cernantur, quæ pulmones habent.  
Quam ob rem necesse est, inquit, ne indicta (vt aiunt) causa  
quippiam condemnetur, contraq; absentes iniquè afferri  
videatur accusatio, illorum priùs referre sententias, vt illis

scilicet examinatis, & excussis, quid recte hac de re quidve  
 secus dixerint, perpendi, animaduertiq; possit. Dicitq; pri-  
 mo, & pro confesso sumit, palam esse omnibus animalia pul-  
 monem habentia respirare omnia. Hoc autem non solum  
 ratione demonstratur, sed etiam sensu depræhenditur. Quo  
 posito prosequitur dicens, ex animalium numero quæcun-  
 que pulmonem aut sine sanguine habent, aut parum san-  
 guinis habentem (vtrunque enim hoc in loco significare  
 nobis potest Græcum vocabulum ἀνασπαστον) præterea illum  
 habuerint fistulosum, magnos videlicet concauitatum in  
 se habentem sinus: isthæc nimirum omnia paruo respira-  
 tionis indigere opere. Quam ob rem multo manere quæcun-  
 tempore non respirantia, videlicet propter corporis vires.  
 Vis enim quædam ostenditur corporis, & animalis, cum id  
 crebro respirare non necesse habet: vt imbecillitas mēher-  
 cule quædam esse censetur, crebro & incessanti distendi  
 anhelitu. Quæ autem huiusmodi sunt animalia, fistulosum  
 habentia pulmonem, statim subiungit: ouipara scilicet esse  
 omnia, & cum ranarum genus vniuersum, tum etiam testu-  
 dinum, siue lutariæ fuerint illæ, quas Græci μολδας vocant,  
 siue aquaticæ. Multum enim temporis vtræque aut luto,  
 aut aquis immersæ degere valent, vt in iis, qui de Anima-  
 lium partibus inscribuntur, libris, sæpenumero est declara-  
 tum. Cuius rei causam ipse statim subiungit, asserens ho-  
 rum omnium pulmones cum exiguum habere caliditatem,  
 cum modicum habeant sanguinis: tum concauos quosdam,  
 & fistulosos recessus, in quibus insufflatus semel, & re-  
 ceptus aër, motione, id est, expressione, & respiratione re-  
 frigerare potest. Quæ res multum animalia illa sub aqua,  
 demersa manere posse, facit, & minus extrinseci subsidio  
 aëris indigere. Quæ tamen, inquit, omnia, si diutius sub  
 aquis violentia quadam contineantur, respirareq; prohi-  
 beantur, strangulari, & suffocatione interire manifestè  
 conspiciuntur: quoniam scilicet non recipiunt aquam ad  
 calidi refrigerationem innati, vt pisces recipere, & intro  
 capere censentur. Terrestrium enim, non aquatiliū, respi-  
 rant modo. His ita pertractatis, de iis, quæ pulmonem sine  
 sanguine, & fistulosum habent, animalibus, de illis, quæ id  
 membrum excellenter sanguine præditum habent, subdit  
 dicens,

dicens, omnia sanè illa ob excellentem caliditatis copiam proculdubio spiratione indigere. Sanguinem enim, spiritus, & caliditatis esse vehiculum, alibi est ostensum. Omnia verò alia pulmonibus carentia animalia spiratione etiam carere, manifestius certè est quàm vt pluri indigeat disquisitione. Siquidem solum respirare quæ pulmones habeant, cum sensus (vt dictum est) percipit, tum ipsa etiam dictat ratio. Et ad summam vt vniuersa breuiter isthæc colligatur ratio, dicendum sanè est, quòd ex animalium numero quædam pulmonibus carent, quæ etiam spirandi opere carere animaduertuntur: nonnulla verò pulmones habent, quæ profectò spiratione indigent. Cum autem ex iis quædam fistulosum, & pauco cum sanguine id habeant membrum, quæ etiam verò multo sanguine præditum, priora quidem illa non respirantia diutius certè perdurare possunt, posteriora verò crebriore, nimirum ob caloris copiam, indigent spiratione, citoq; respirare prohibita interire conspiciuntur.

Hic Aristot. veterum aliquot sententias de spirandi ratione refert.



**D**E spiratione quanquàm è prioribus nature interpretibus nonnulli, iqq; admodum pauci determinauere, tamen cuius gratia animantibus adiuncta sit, alij nihil dixerunt, alij dixerunt quidem aliquid, sed haud quaquam rectè, immò præter eorum, quæ contingere solent, experientiam. Adhæc, omnia animalia spirare prodiderunt: quod remotum à ueritate est. Quare de hisce prius agendum est, ut ne absentes immeritò accusare uideamur. Igitur animalia, quæ pulmonem habeant, spirare omnia dilucidum est. Sed et ex his ipsis, quotquot exanguem, fungosumq; gerunt, spiratione minus indigent. Vnde fit, ut sine ea, diuile, pro corporis uiribus persistere queant. Fungosum autem pulmonem ouipara omnia



possident, ut ranarum genus, præterea mures amnici, atque testudines: diuq; aquam demersa tolerant, quod pulmo eorum parum caloris retineat, cum sanguinis inops habeatur. Qui ubi inflatur, motu suo refrigerat, efficitq; ut longo temporis spatio edurent. Ceterum si quis ea ut diutius in humore detineat, præfocantur, intereuntq; omnia: nullum enim è talibus aquam, piscium more, admittit. Quot quot autem sanguineum obtinent, spiratione magis indigent, propter caloris abundantiam. Cetera uerò quaecunque pulmone uacant, spirare non solent. Democritus igitur ille Abderitanus, nonnulliq; alij, qui de spiratione tractarunt, nihil de cæteris animantibus præfinire: dixisse tamen uidentur, quasi omnia spirandi usum haberent. At Anaxagoras, & Diogenes, simulac cuncta spirare dixerunt, de piscibus & ostreis, quonam modo spirent, subdidere. Ac Anaxagoras quidem pisces, cum per branchias humorem reddunt, aërem illum trahendo, qui suo in ore sit, quod nihil inane habeatur, spirare tradidit. Diogenes uerò eosdem, cum aqua per branchias euomunt, ex eo humore, qui ori circumquaq; adiacet, aërē opera uacui in ore existentis trahere asseruit: quasi quidam aër esset in aqua. Hæc autem impossibilia sunt. Nam primò quidem, illi negotij partem alteram adiungunt, quia id quod commune est, de altero solo enuntiant: id enim uocatur spiratio: spirationis autem pars altera, inspiratio: altera, expiratio: de qua, quo pacto tales animantes expirent, nihil dicunt. Nec uerò dicere quicquam possunt: nam quoties ille respirant, quæ respirant, hæc rursum expirent, & hoc semper alternatim facitent, oportet. Vnde accidit, ut simul ore aquam excipiant: & spiritum reddant: at necesse est occurstantia, alterum alterum impedire. Deinde, cum aquam reijciunt, tunc

per

per os, aut per branchias expirant. Quare accidit, ut simul  
 expirent, & respirent: dicūt enim tunc respirare ipsas. Ce-  
 terum fieri non potest, ut quicquam simul expiret, & re-  
 spiret. Quare si necesse sit, quæ respirant, expirare, & re-  
 spirare, fieri uerò non possit ut ulla earum expiret, patet  
 neq; fieri posse ut ex eis aliqua respirandi munere funga-  
 tur. Præterea quòd dicūt pisces trahere aërem ex ore suo,  
 aut ex aqua per os, fieri nequit: non enim habent arteriam,  
 quòd pulmone uacent, sed à situ oris continuo uenter est.  
 Quare necessarium esset, ut uentre pisces cundē traherent:  
 hoc autem cetera quoq; animalia facitarent: nunc uerò mi-  
 nimè facitiant. Sed & illi cū extra aquā sunt, apertè hoc  
 idem facerent: at hoc nullatenus facere uidetur. Itē cū spi-  
 rabilia omnia respirant, spiritumq; trahunt, motionē quan-  
 dā particulæ trahentis suboriri cernimus. Id quod in pisci-  
 bus nequaquā euenit: nullam enim uentris partem motitare  
 uidentur: sed branchias solummodò, siue in humore degāt,  
 siue in aridam inciderint, quo tēpore palpitant. Adde quòd  
 cū ea quæ spirant, in aquis suffocata moriūtur, bullæ fiūt,  
 spiritu uiolenter exeunte: ceu si quis testudines, aut ranas,  
 aut aliquod aliud simile genus ut sub aquis detineat. At in  
 piscibus tale quid, etiam si nihil inexpertum relinquant, mi-  
 nimè contingit: ut intelligatur nullum spiritum illos deso-  
 ris habere. Porro illo eodē pacto, quo pisces respirare di-  
 cunt, ipsi quoq; homines demersi respirare possent. Nam si  
 pisces aërem e circumsuso humore in os attrahant, cur non  
 idē facerent & homines, & cetera animalia: & aërē, qui  
 ab ore proveniat, haud secus quàm pisces traherēt? Quare  
 si illa fieri possent, & hæc quoq;: at quoniam hæc fieri non  
 possunt, certum est neq; illa fieri posse. Adhæc si respirāt,  
 cur in aëre intereūt, & instar eorum quæ prefocantur, pal-  
 pitare

pitare uidentur: non enim alimenti inopia, hoc illis euenit.  
 Quam uerò causam Diogenes astruit (dicit enim eos in aë-  
 re, aërem nimium trahere: in aqua, modicum, ob idq; emo-  
 ri) stulta est. Etenim in pedestri genere hoc idem cōtingere  
 oportebat: nunc autem nullum pedestre animal suffocari ui-  
 detur, eo quòd uehemēter respiret. Præterea, si omnia re-  
 spirent, clarum est & insecta quoq; animalia respirare: at  
 plurima ex eis, diuisa non modo in duas partes, sed etiā in  
 plures, uiuere cernuntur, ceu scolopendra, quas cēripedas  
 nuncupant: quæ, qualiter, aut quo fieri potest ut respirent.  
 At uerò nec partium interiorum experientiā habuisse: nec  
 accepisse cuncta naturam moliri alicuius gratia, causa potis-  
 simum fuit, quamobrem haud rectè de ipsis dixerint: inue-  
 stigando enim cuius gratia respiratio animalibus adiuncta  
 sit, & in partibus hoc idē ut in branchijs, & pulmone in-  
 spiciendo, ocyus utiq; causam ipsam inuenissent. Ceterum  
 Democritus quæ spirant, ex respiratione quippiā cōsequi  
 asseruit, inquiens eam prohibere ne anima extrudatur: non  
 tamen quasi natura id huiusce gratia fecerit, quicquam di-  
 xit. In plenum enim, ut ceteri naturales, ita & hic quoque  
 huiusmodi causam minimè attigit. Sed primas illas rotundas  
 figuras, calorem, & animam esse dicit. Quæ ubi periclitari  
 accipiunt, ne continente exprimente, foras protrudantur,  
 succursum, auxiliumq; respiratione fieri: in aëre enim grā-  
 dem numerum talium esse, quæ ille mentem, animamq; ap-  
 pellat. Ac respirante quidem animali, & aëre ingrediente,  
 ea pariter ingredi: & compressioni resistendo, animā quæ  
 in eo est, egredi prohibere. Atq; ob id, in respirādo, & ex-  
 pirādo uitam, & mortem consistere: nam cum id quod nos  
 ambit, comprimendo euincit, ac superat, nec ei præterea id  
 quod de foris ingreditur, resistere potest, cū animal spirare  
 nequeat.



nequeat, tum accidere morte animal occupari: mortē enim esse, eiusmodi figurarum ē corpore digressum, qui exprimente eo quod continet, proveniat. Causam uerō quāobrem necessarium sit cuncta emori, non tamen quouis tempore sine lege ulla, sed secundum naturam senectute, præter naturam uiolētia, nequaquā declarauit. Atqui explicuisse oportuit, cum aliās id fieri uideatur, aliās non uideatur: utrū causa extrinsecus petenda sit, an intrinsecus. Sed nec de spirationis primordio quēnā causa sit, interior ne, an exterior, quicquam dixit: non enim mens ea, quæ forinsecus sit, prædium illud seruare potest: sed spirationis motusq; initium intrinsecus ortum habet, quasi id quod continet, uim nullā adferat. Absurdum quoq; & illud est, simul quod ambit cōprimere, & quod ingreditur dilatare. Quæ igitur ille dixit, & quomodo, ferē hæc sunt.

Hic declarat Arist. quatenus respiratio & exspiratio uitæ, ac mortis principatum obtineant.

**A**T si uera esse, quæ prius dicta sunt, & non omnia animalia spirare arbitrari oporteat, non de qualibet morte causam hanc dictam esse, sed ijs solū quæ spirandi usum habeant, accommodari debere, existimādum est. Sed ne his quidem rectē. Id autem liquidō constat, per ea quæ contingunt, & eiusmodi, quorum experientiam omnes habere uidentur. Nam per æstum calidiores effecti, ut respiratione magis indigent, ita crebrius spirant. Contrā, cum circumfusus aer algidus est, & corpus contrahit, atq; condensat, tūc accedit spiritum retineri. Atqui oportebat tunc aërem deforis ingressum, compressionem prohibere. Nūc uerō contrā res agitur. Quoties enim non expirantibus hominibus calor magna uis collecta fuerit, tunc respiratione indigēt: necessarium autē est, ut inspirando respirent. Porro æstuales  
sepius

sepius respirare solent, quasi id agāt refrigerij gratia: quo tempore fit, ut, quod dici solet, ignis ad ignem addatur. Illa uerò circularis pulsio, quæ in Timæo scripta est, de cæteris animantibus nihil definiuit, quo pacto, eodem ne, an alia quadam ratione, ipsa suum calorem tueantur, atq; conseruent. Nam si solis pedestribus spiratio adiuncta sit, causæ dīci debuit, cur solis competat: si uerò etiam alijs insit, sed modus differat, & de hoc quoq; determinandum fuit, si cūcta spirare possint. Præterea, modus causæ fictitiuus est: nā cum calor foras per os egreditur, circumfusum nobis aërē pelli asserit, & latrone concepta eodē per carnes, quæ raræ, solutæq; sunt interlabi, unde calor interior exiuit, propterea quòd nihil uacuum sit, cum sibi mutuo circum obfistant: ubi uerò calefactus sit, rursus egredi per eundem locum, & intrò per os repellere calidum illum aërem, qui prius foras excidit, atq; id respirando, & expirando continuè semper fieri. Euenit autem hisce, qui sic arbitrātur, expirationem prius fieri, quàm inspirationem: argumento, quòd hæ alternatim fiant. At morientes, expirāt. Quare necessarium est inspirationem uicem subire principij. Item cuius gratia isthæc, respiratio, inquam, & expiratio animalibus tributa à natura sūt, non dixere, qui in hunc modū loquuntur, sed solum quasi de re aliqua temeraria, & quæ casu cōsistat, enuntiauerē. Atqui ista principatum uitæ, & necis obtinere uidemus: tunc enim accidit, ut quæ respirandi usum habent, intereant, cū respirare non possunt. Adhæc absurdum est, caloris quidem per os egressum, & rursus ingressum, nos minimè latere: spiritus uerò in pectus ingressum, & rursus eiusdem calefacti egressum latere. Absurdum etiā & illud est, respirationem esse caloris ingressum: conuerso enim rem habere uidemus, nēpe quod expiratur

ratur, esse calidum: quod inspiratur, frigidum. Cum uerò hoc calidum est, anhelantes respiramus: nam quia id quod ingreditur, nos satis refrigerare nō potest, euenit ut sæpius trahamus spiritum. At uerò neque nutritionis gratia respirationem fieri existimandum est, quasi ignis interior alatur spiritu, & respirante quidem homine, ceu igni materiā incendio aptissimam adijci, alito uerò igni expirationem fieri. Eadem enim & ad hunc quoque sermonem rursum dicemus, quæ ad priores adducta sunt: etenim in cæteris animantibus hoc idem euenire oportebat, aut quod ei proportionem respondeat, cum omnia calore uitali prædita sint. Deinde & quo dicere modo oporteat calorem è spiritu gigni, figmento persimile est: potius enim hunc è cibo fieri uidemus: iuxta quod euenit, ut animal cibum capiat, et excrementū emitat. Hoc autē, in alijs fieri haudquaquā cernimus.

Hic Aristot. Empedoclis de Respiratione sententiam refert.

**D**isseruit autem de Respiratione & Empedocles, sed tamen cuius gratia animalibus data sit, silentio præterijt: neque de omnibus animantibus si respirent nec ne, quicquam certum reddidit: atq; ubi de ea respiratione quæ per nares fit, locutus est, de principe quoq; dixisse putauit. Fit autem spiratio & per arteriam è pectore, et per nares: cæterum animalia, spirare per nares absq; illa non possunt: & cum ea destituuntur, quæ per nares fit, nullum damnum sentiunt: cum autem ea, quæ per arteriam, commoriuntur: natura enim obiter abutitur ad olfactum in quibusdam animalibus spiratione illa, quæ per nares fit. Quocirca olfactū quidem omnia ferè animalia participant, sed sensorium non idem omnia obtinent. Verum de his dictū planius alibi est. Porro respirationem, & expirationem fieri asserit, propter



pterea quod uenae quaedam habeantur, in quibus inest quidem  
 sanguis, non tamē plenae sunt eodem, sed meatus extrā pro-  
 minentes obtinent, corporis quidem partibus angustiores,  
 aëris uerò ampliores. Ideoq; cum sanguis aptus sua natura  
 sit sursum, & deorsum moueri, quando deorsum fertur, aë-  
 rem influere, & respirationem fieri: quando uerò sursum  
 com meat, aërem effluere, & expirationem committi præ-  
 dicat: quod ibi eueniet ei quod in uasis accidit, quae clepsy-  
 dras uocamus, assimilans. Inquit enim: Hoc trahitur pacto  
 cunctis, & redditur aër. Nam partim ex aëne ad corporis  
 ultima uenae Tendunt, quarum extrema caua sub nare fa-  
 tiscunt Oscillis, adeo ut cruor occultetur, et aures incessum  
 facile ualeant prestare meatus. Hinc ubi commotus reperit  
 tener intima sanguis, Tunc aër feruendo subit permixtus  
 eodem. Ast ubi se ille effert, tum rursus redditur iste: Ut  
 cum clepsydra uirguncula ludit abena, Quando tubum pro-  
 perat formosa claudere dextra, Et mox indit aquae molli  
 quae corpore constant, Nondum in uas penetrat demersum  
 lymphas, sed ipsam Aëris ingressi per densa foramina moles  
 Arcet, dum strictam illa uiam patefecerit, at mox. Aëre de-  
 cedente. subintrat limpidus humor, Contra tum fundū uasis  
 tenet humor abeni, Et iam uirgo manus tubuli praeclusit  
 hiatum. Tunc imbrem retinet uergēs intrò exterius aër, Ad  
 streperi portas Isthmi suprema tenendo, Dū manus abscē-  
 dat, tum contrā quā prius, intrò Aëre prorumpente, sub-  
 effluit imber amoenus. Sic tener ille liquor moti per mēbra  
 cruoris. Quando pedē referens subit intima protinus alter  
 Aëris influxus demittitur agmine magno. At cū sese effert,  
 tum rursus expirat abunde. Haec ille de respiratione proa-  
 didit. At quae per arteriam aperit respirant, per os simul,  
 & per nares respirare solent, ut diximus. Quare si de hac  
 respira

respiratione loquatur, scrutari necesse est, quo pacto illi dicta causa accommodari possit: nam e contrario agi uidetur. Siquidem homines locum, cui respirandi munus delegatum est, perinde ut folles in officinis ferrarijs attollendo respirant: quanquam consentaneum erat ut calor attolleret, & sanguis caloris locum occuparet. Eundem uerò ut ibi folles deprimendo, atque pressando, expirant. Verum folles non per eundem locum aërem excipiunt, & regerunt, respirantes uerò per eundem. Si uerò de illa respiratione solum, quæ per nares fit, plurimum aberrauit: non enim respiratio naribus peculiaris est, sed per tractum illum conuallis, quæ columellæ adiacet, qua parte palatum desinit, perforatis naribus spiritus pars altera excurrit, altera per os, egrediens, pariter & ingrediens. Quæ igitur ab alijs de spiratione dicta sunt, tot, talesq; uidentur habere difficultates.

Hic Arist. declarat quæ sit vis caloris, & refrigerationis in animali.

**C**um uerò antea dictum sit, uitam, & animam calore quodam contineri (non enim concoctio, per quam animantes capiunt alimentum, sine anima, & calore absolui potest: quandoquidem omnia igni cibum cōficiunt) idcirco in quo primo corporis loco, & in qua prima huius loci particula eiusmodi principium esse necessarium sit, ibidem & animam uegetalem, quæ prima omnium est, haberi necesse est. Hic autē locus is est, qui medius est inter eum, qui cibū recipit, & eū, quo excrementum emittitur. Ea igitur particula, in exanguibus nomine uacat, in sanguineis, cor dici solet: alimentum enim ex quo iam partes animalium fiunt, natura sanguinis est: sanguinis autē, & uenarū generis idem esse principium necesse est: nam alterum, alterius gratia est, nempe quasi uas, & conceptaculum. Porro uenarum principium

cipium in sanguinels, cor est: non enim per hoc tendunt,  
 sed ex hoc omnes dependent: quod nobis facile constat ex  
 dissectionibus. Ceteræ igitur vires animæ, sine uegetali esse  
 nequeunt: quamobrem dictum iam est in libris de anima.  
 Vegetalis uerò, sine igni naturali: in hac enim parte natura  
 eam igniuit. Corruptitur autem ignis, ut antea dictum est,  
 aut marcore, aut extinctu. Extinctu quidem, à contrarijs.  
 Quāobrem et uniuersus, et ocyus adhuc distractus, ambiēte  
 frigore extingui consuevit. Hæc igitur corruptio, uiolenta  
 ex aquo in inanimis et animatis est: etenim animal cum gla  
 dijs secatur, et nimio frigore concreuit, emoritur. Marco  
 re autem, copia caloris. Si enim circumfusus aer immodicè  
 caleat, et ignis non capiat alimentum, tum igni obuēit ut  
 non à frigore superatus, sed marcore debilitatus aboleatur.  
 Quare necessariū est ut refrigeratio adhibeatur, si seruari  
 debeat: ea enim contra hanc corruptionem auxilio est. Sed  
 cum animalium alia aquatilia sint, alia in terra degant, inter  
 hæc, quæ parua admodum sunt, quæq; sanguine carent, ea  
 continente uel aëre uel aqua satis refrigerari possunt ad  
 hanc corruptionem uitandam: nam cum calorem habeant  
 exiguum, modico egent auxilio. Quamobrem et his ferè  
 omnibus uita breui temporis spatio præscribitur: utroque  
 enim quòd parua sint, uergere solent. Quæcunq; autem ex  
 insectorum genere uiuaciora sunt (insecta enim omnia san  
 guine carent) his corpus sub septo transuerso præinctum  
 distinguitur, ut per membranam subtiliusculā refrigerētur:  
 nam quæ calidiora sunt, ampliori refrigeratione indigent,  
 ut apes: quædam enim apes septenos annos uiuunt. Et etiam  
 cetera, quæcunq; bombos elidunt, ut uespæ, scarabei, et ci  
 cade: nam murmur illud spiritu, dū quasi anhelant, ciere solēt:  
 eo enim spiritu, qui in ipso septo transuerso insitus est, dum  
 sese



se se attollit, ac per uices subsidet, attritum ad membranam fieri contingit: siquidem ea hunc locum mouent, sicut quæ spiritum extrinsecus trahunt, pulmone thoracem, & pisces branchijs caput agitant: haud enim magnopere secius euenit, atque si quis aliqua ex ijs quæ spirant suffocare nitatur, ore compresso, obturatoque: etenim hæc pulmonis opera pedus attollent. Verum eiusmodi motu hæc satis refrigerari non possunt, illa possunt. Atque attritu spiritus ad membranam strepitum edunt, sicut diximus, haud dissimile ei, quem pueri per arundines perforatas superposita tenui membrana emittunt: ob id enim & cicadæ illæ, quæ canunt, canere solent: sunt enim calidiores, & sub præcinctu diuiduæ: quæ autem non canunt, indiuiduæ. Quinetiam è sanguineis, & pulmonem quidem habentibus, sed parum sanguinis nactum, fungosumque, nonnulla irrespiranter longo temporis spatio uiuere possunt: quod eorum pulmo multum attollatur: cum parum sanguinis, ac humoris contineat: quandoquidem propria pulmonis agitatio, ad longum tempus satis refrigerare potest. Tandem uerò non possunt, sed suffocantur non respirando, quemadmodum etiam ante diximus. Ea enim corruptio, quæ marcore ob refrigerationis penuriam fit, suffocatio uocari solet: & quæ ita intereunt, ea suffocari dicimus. Porro insecta non spirare, dictum quidem est etiam prius, sed hoc apertum uel in pusillis est, ut muscis, & apibus: quippe quæ diu in humore supernant, nisi frigidus admodum aut calidus sit: atqui quæ uireis habent exiguas, crebriorem sibi requirunt spirationem. Verum simul ac ueter aqua oppletur, & humor corrumpitur, quæ septum transversum continet, ea intereunt, & suffocari dicuntur. Vnde etiam fit, ut si diutile cinere operiatur, postea resurgat, reuiuiscatque. Quinetiam è genere aquatili, quæ sanguine carèt, ea diutius

in aëre uiuunt, quàm quæ sanguine prædita mare recipiunt, ut pisces: nam quia parum caloris obtinent, aëre sat̃s ad longum tempus refrigerant, ut crustacea, & polypi. Non tamen ad postremum uiuere sufficiunt, propterea quòd exiguum calorem habeant, quandoquidem piscium plurimi in terra, sed immobiles uiuunt, & defossi reperiuntur: quæ enim nullum prorsus, aut certè exanguem habent pulmonem, ea refrigeratione minus indigent. De ijs igitur quæ sanguine carent, alijs continentem aërem, alijs humorem auxilio esse ut uitam tueantur, & cōseruent, dictum est. At ex ijs, quæ sanguine prædita sunt, & cor habent, quæ pulmonem fortiuntur, omnia aërem recipiunt, & spiritū trahendo, reddendq; refrigerantur. Pulmonem autem habēt & uiuipera intra se, & non solum foris (nam chartilaginea, uiuipera quidem sunt, sed non intra se) & ouiperorum tam alata ut aues, quàm corticata ut testudines, lacerti, serpentes. Verum illa pulmonem habent sanguineum: horū uero plurima, fungosum. Quāobrem & spiratione rarius utuntur: quemadmodum dictum iam est. Utuntur autē & omnia quæcunq; uersantur, uictumq; sumunt in aquis: ut hydroorum genus (quas quidem boas nuncupant) & mures aquatiles, & rane, & crocodili, & testudines tam marine, quàm terrestres: & uituli marini, quos Græci uocant phocæ: nā hæc, & cetera id genus omnia, & pariunt in terra, & dormiunt aut in terra, aut in humore rostro emerso spirandi causa. Quæcunq; uerò branchias obtinent, omnia accipiendo aquam refrigerantur: branchias autem obtinent, quæ genere chartilagineo continentur, & cetera quæ pedibus carēt: caret autem pedibus genus omne piscium: nam quæ pedes habere uidentur, eos pinnis similes gerunt. At ē pedatis, quæ nouimus, unum tantum modo brachiātum est.

cordur

cordurus nomine. Caterum simul & pulmonem, & branchias habere, nullum unquam uisum est. Causa cur ita, quòd pulmo quidem refrigerationis eiusce gratia sit, quæ per spiritum fiat (uidetur enim uocatus esse πνεύμων propter πνεύματος, id est spiritus receptionem) branchiæ uerò ob eam refrigerationem quæ ab humore proueniat: porro unum instrumentum ad unum utile est: & omnibus una refrigeratio sufficit. Quare cum natura nihil frustra agere cernatur, si uerò essent duo, alterum frustra foret: ideo alia branchias habent, alia pulmonem, nullum utrunq;. Cum autem quodq; animal ut sit, cibo indigeat: ut conseruetur, refrigeratione: ad hoc utrunq; natura eodem utitur instrumento: etenim ut in quibusdam lingua & ad percipiendos sapor, & ad formandum sermonem uti solet: sic in ijs, quæ habent pulmonem, ore tam ad cibum conficiendum, quàm ad trabendam; reddendumq; spiritum. In ijs uerò, quæ neque pulmonem; neq; spirandi usum habent, os quidem sibi conficiendi causa habetur, branchiæ uerò ad refrigerationem, quibus ea ipsa opus est. Sed quo pacto uti eorum, quæ modo dixi, instrumentorum refrigerationem faciat, dicemus post. Planè ne quod obstaculum cibo ingerendo ingruat, similiter & spirantibus, & susipientibus humorem accidit: non enim respirando simul cibum admittunt, alioqui cibo uel sicco; uel humido per arteriam in pulmonem dilatante, strangulari animal accidit: nam arteria ante gulam posita est, per quam cibus meat in uentriculum. Igitur quæ quadrupedes sunt, & sanguine redundant, ijs minor lingua, siue ligula est, qua ceu operculo arteria clauditur. At ouiperis quadrupedibus, atque auibus, eadem illa adiuncta non est, uerum idem contractione efficitur: nam cum cibus ingeritur, hæc arteriam contrahunt, illa ligulam gutturi



superponunt: cum uerò præterijt, hæc ligulam attollunt, illa guttur diducunt, atq; refrigerationis gratia spiritum recipiunt. At quæ branchiis prædita sunt, cibum per os recipere solent, humore tantum per branchias emisso: nullam enim habent arteriam. Quare, eatenus quidem nullum sentiunt incommodum ab humoris interlapsu, sed quatenus aqua in uentrem ingreditur. Quocirca raptim summaq; celeritate cibum ingerunt, atq; transmittunt. Quinetiam capere omnia acutis, serratisq; dentibus sunt: non enim in molendo cibo commorari possunt.

Hic Arist. ostendit quatenus à quibusdam recipiatur humor refrigerationis gratia.

Cæterum ambigat quispiam de aquatilibus, quæ cetacei sunt generis (nam & ea sese iuxta proportionem habent) uerbi causa de delphinis, balænis, & reliquis quæ fistulam gerunt: hæc enim tametsi pedibus careant, tamen pulmonem habent, & mare excipiunt. Cuius rei causa in eo est, quod modò dixi: non enim refrigerationis causa humorem admittunt, cum spirando refrigerari soleant, ut quæ pulmone prædita sint. Quamobrem & talia exerto ore dormiunt, stertuntq; ipsi quidem delphini: qui etiã reatibus apprehensi, breui tempore strangulantur, quòd spirandi facultatem amiserint: & per summa pelagi fluitare uisuntur, ut spirent. Sedenim cum necessarium sit, ut in humore cibum capiant, humorem quem ore accipiunt, emittant necesse est. Ob idq; fistula data omnibus est: admissum enim humorem, ut pisces per branchias, sic ceriè per fistulam respuere solent. Huius rei argumento uel fistulæ situs est, quæ in nulla parte sanguinaria desinit, sed ante cerebrum sita est, & aquam emittit. Nec alia de causa tam mollia, quàm crustata, ut locustæ, & cancri, aquam excipiunt:

nullum

nullum enim eorum refrigeratione eget, quod parum caloris habeat, & exangue sit, usus adeo ut à continente humore satis refrigeretur. Sed ratione cibi, qui quoties ore capitur, fieri non potest quin simul aliquid humoris admittatur. Igitur quæ crusta integuntur, uidelicet tam cancri, quàm locustæ, per applicamina iuxta hirtiuscula aquam egerunt. Sepiæ uerò, & polypi, per cauum illud, quod supra alueum, quem caput appellant, possum est. Sed de his exactius in commentatione, hoc est, historia animalium scripsimus. Humorem igitur excipi solere refrigerationis causa, & quia animantia aquatilia pro sorte naturæ existentia cibum ex humore capiant, dictum est.

Hic Aristot. de modo refrigerationis in animalibus determinat.

**D**E refrigeratione uerò, quoniam pacto fiat tam ijs quæ spirant, quàm ijs quæ branchias obtinent, post hæc dicendum. Igitur animalia, quæ pulmonem habeant, spirare omnia, suprâ diximus. Quamobrem autem nonnulla particulam hanc obtineant, & quamobrem quæ obtinent spiratione indigeant, agendum est. Causa cur obtineant ea est, quòd quæ inter animalia honoratiora sunt, plus caloris sortita sunt: nam simul & animam sortita esse honoratiorem necesse est: honoratiora enim sunt hæc, plantis. Quocirca & quod pulmonem maiore copia refertum sanguinis, & caloris habet, ei magnitudo corporis maior est: & quod plurimi, & purissimi sanguinis compos est, ut homo, id ex omnibus animalibus erectissimum incedit: atque partem superiorem ad uniuersi supremum erectam obtinet, propterea quòd hanc particulam, talem habeat. Quare, & ea particula, perinde ut quælibet alia causa essentie huius, & reliquorum statui debet.

Ob id igitur, pulmonem haberi solet. Cur autem necessario moueatur, hanc esse causam arbitrandum est, quòd talia animalia sic constant, ut multa non ita constant: nam alia ex terra ampliore facta sunt, ut genus plantarum: alia ex aqua, ut aquatiliū: uolatiliū uerò, & pedestriū, altera ex aëre, altera ex igni. Porro singula ea, suis in locis disposita sunt. At uerò Empedocles improbè hoc dixit, asserens animalium calidissima præcipuè, & copiosissimum natura feruorem aquatilia esse: natiui caloris excessum fugientia: ut cum frigoris, & humoris defectum sustineant, contrario in loco, feruentur, quòd aqua minus, quàm aër calida sit. Nam omnino absurdum est: quò fieri possit, ut singula ea in arido genita, sese mutatis sedibus in humorem conferant, cum eorum pars penè maxima expers sit? At ille primam eorum constitutionem referens, orta quidem in sicco esse dicit, sed fugiendo in humorem uenisse. Præterea, non uidentur esse calidiora pedestribus: nam ex eis, quedam nullum prorsus, quedam paucum sanguinem habent. Attamen qualia dici debeant calida, & frigida per se, considerationem sumpserunt. Cæterum causa ea, quam idem reddidit, aliquo modo quesitam continet rationem, non tamen id, quod ille dicit, uerum est. Nam contraria loca, et tempora, quæ habituum exuperantias exceperint, seruandi facultatem obtinent: natura uerò suis in locis positissimum seruantur: non enim idem sunt, materia ex qua singula animalia constant, & eius habitus, dispositiones uel. Hoc autem ita accipio: si quid è cera, aut glacie natura constituerit, baudquaquam in calido positum seruabit: contrumpetur enim celeriter ob contrarium, quòd calor quicquid à suo contrario constituerit, eliquare soleat. Item si quid è sale, aut nitro constituerit, nequaquam id in humo-



rem transferet, deponetq; cum humor quæ à calido, & sicco constitère, disperdat. Si igitur humidum & siccum materiam corporibus suggerunt omnibus, ratione optima euenit, ut quæ ex humido constant, in humido sint, quæ ex sicco in sicco. Ob id, arborum genera non in aqua nasci solent, sed in terra. Atqui eadem ratione in aquam uenissent, quod præarida sint, qua ille præferuida uenisse affirmat, non enim uenissent in eam, quod frigida sit, sed quod humida. Naturæ igitur materiæ, tales esse solent, qualis est locus, in quo sunt: quæ in aqua sunt, humide: quæ in terra sunt, siccæ. Habituum tamen ij, qui calore excellunt, in frigido positi melius seruantur: contra, qui frigore in calido: natura enim loci, habitus excessum ad mediocritatem reducit. Hoc igitur quæri debet in proprijs locis cuiusque materiæ, iuxta communis temporis uarietates: nam ut habitus locis contrarij sint, fieri potest: ut materia, non potest. Quod igitur non propter calorem naturæ, animalium alia aquatilia sint, alia pedestria, quemadmodum Empedocles asserit, necnon cur quædam pulmonem habeant, quædam non habeant, hæc tamen dictum sit. Cur autem, quæ pulmone prædita sunt, aërem excipiant, spirentq; & præsertim quæ illum sanguinolentum obtinent, dicendum est. Causa spirandi, pulmo est fungosus existens, & fistulis plenus: qui etiam, omnium maxime partium, quæ uscæra appellantur, sanguine refertus est. Quæ itaque sanguineum habeant, ea celeri refrigeratione indigent, quod calor animalis paululum deuerget: & penetratione, quæ per totum eat ob sanguinis, calorisq; copiam: quod utrunque, aër committere facile potest: nam quia natura tenui est, & celeriter, & per totum subit, atque refrigerat: at aqua, non potest. Item, cur ea potissimum spiret,

dd s      quæ

quæ pulmonem habent sanguinarium, ex hoc liquere po-  
 test: nam quod calidius est, id refrigeratione indiget ube-  
 riori. Adde etiam quod spiritus ad originem caloris cordi  
 inditi, facile comheat. Verum quemadmodum cor ad pul-  
 monem foraminibus peruium sit, tum ex dissectionibus,  
 tum ex historijs, quæ de animalibus scriptæ sunt, contem-  
 plari oportet. Omnino igitur animantium natura refrige-  
 rationem desiderat, ob animæ in corde incendium: eam  
 autem per respirationem moliri solent animalia, quæ non  
 tantum cor habent, sed etiam pulmonem. At quæ cor ha-  
 bent, sed pulmone uacant, uti pisces, aqua per branchias  
 refrigerantur, quod eorum natura aquatilis sit. Qualiter  
 autem situs cordis ad branchias sese habeat, ad oculum per  
 dissectiones spectari debet, exacte per historias. Vt autem  
 uel nunc summam dicatur, sese ad hunc habet modum. Cor  
 enim pedestribus animalibus, & piscibus non similem sta-  
 tum tenere uidetur: similem tamen obtinet. Nam quo pi-  
 scium capita eminent, eodem cordis mucro spectat: at cum  
 capita nequaquam eodem prospectent, tam pedestribus,  
 quam piscibus, cor suum mucronem ad os iacitat. Ac fi-  
 stula uenæ & nerui faciem representans, de cordis extre-  
 mo ad medium illud tendit; ubi branchiæ omnes inter se  
 coeunt, copulanturq;: hæc igitur amplissima est. Sed &  
 aliæ de utraque parte cordis ad branchiarum extrema sin-  
 gularum tendunt, per quas in cor refrigeratio penetrat,  
 discursante semper aqua per branchias. Porro quemadmo-  
 dum branchiæ piscibus, sic respirantibus thorax, crebro  
 sursum, deorsumq; mouetur, cum ea spiritum accipiunt,  
 redduntq;. Item quæ spirant, in pauco & eodem aëre: quæ  
 uerò aquatilia sunt, in pauca, eademq; aqua strangulari so-  
 lent: nam eorum utrunq; celeriter calidum redditur: cale-  
 facit

facit enim utrumq; cōtactus sanguinis: qui cūm calidus est, refrigerationem præpedi. Quinetiam cūm spirantia pulmonem, aquatilia branchias mouere non possunt ob affectionem, senium uē, tum ea mori contingit.

Hic Aristot. de uita & morte determinat, earundemq; causis.

**V**T igitur ortus animalibus communis omnibus est, ita mors: sed modi eius specie discrepant: non enim corruptio ipsa differentiarum expers est, quanquā quipiam commune habet: nam mors altera, uolenta est: altera, naturalis. Volenta, cūm principium extrinsecus aduenit. Naturalis, cūm idem in ipso animali est, & particule constitutio talis est, qualis ab initio erat, nec affectio ulla superuenit. Hæc igitur in plantis, ariditas appellatur: in animalibus, senectas. Fit autem mors, & corruptio, perfectis omnibus eodem modo: imperfectis uerò consimiliter quidem, sed alio modo. Imperfecta uoco, ut oua, & ea plantarum semina, quæ radice carent. Omnibus igitur corruptio obuenit, ob caloris defectum: sed perfectis in eo, in quo essentia principium habetur: hoc autem id est, ut antè diximus, in quo superum, & inferum cōiunt: plantis, quod inter germen, & radicem medium est: animalium sanguinarijs, cor: exanguibus, proportionale. Cæterum ex hisce nonnulla, potentia multa principia, non tamen actu, continent. Quamobrem, & insecta quædam præcisa uiuunt. Quin & sanguineorum quæcunq; uiuacia admodum non sunt, exempto corde longo temporis spatio uiuunt, ut testudines, & inambulant si adhuc pusillæ sint, quod eorum natura non bene composita sit, perinde atq; insecta. Porro uitæ principium in quibus habetur, deficere solet, cūm calor uitalis non refrigeratur: tunc enim idem, quod sæpe dixim



diximus, seipsum consumit. Quoties igitur alijs pulmo, alijs branchie obdurefcunt, præ temporis longitudine resiccatis, his quidem branchijs, illis uerò pulmone, & terro-  
 floribus redditis, has particulas mouere, hoc est attolle-  
 re, & comprimere, non possunt: at tandem, accedente in-  
 tensione, calor ille obsolescit. Quocirca & paruis affecti-  
 bus in senectute subortis, animalia citò commoriuntur:  
 nam quia calor exiguus est, ut qui plurimus per uitam,  
 quæ longa fuit, diffarit, si qua intensio parti illi superue-  
 niat, celeriter extinguitur, quemadmodum cum tenuis, &  
 exigua flamma in eo inest, parui motus opera extingui so-  
 let. Quapropter & mors ea, quæ in senecta accidit, dolo-  
 ri obnoxia non est: tunc enim animalia mortem obeunt,  
 etiam si nullo uiolento affectu tententur: imò uerò, citra  
 ullum penitus sensum anima ipsa recedit. Quinetiam in  
 morbis illis, qui durum reddunt pulmonem, aut tuberculis,  
 aut uacante materia, aut caloris morbidì excessu, ut in fe-  
 bribus accidit, spiritus frequens efficitur, propterea quòd  
 pulmo multum attollit, ac subsidere nequeat: tandemq; ubi  
 præterea moueri non potest, expirando uita cum morte  
 commutatur. Est igitur ortus quidem, prima uegetatricis  
 anime cum calore participatio. Vita uerò, mora eius. Au-  
 uenta primæ refrigerabilis particule auctio. Senecta, ei-  
 usdem decretio. Status, siue ætas adulta, quod horum me-  
 dium est. Obitus, atque corruptio: uiolenta quidem caloris  
 extinctio, aut marcor (his enim utrisq; de causis calor ex-  
 tingui potest) naturalis uerò, eiusdem marcor ob temporis  
 transacti longitudinem proueniens: uerum in plantis, ari-  
 ditas: in animalibus, mors nuncupari solet. Cæterum ea,  
 quæ in sensili ætate obuenit, marcor partis illius est, qui  
 quòd eam refrigerare animal præ senio non possit, com-  
 mittitur.

mittitur. Quid sit ortus, & quid uita, & quid mors, & quas ob res animantibus iuncta sint, dictum est. Patet etiam ex hisce, & qua de causa animalibus quæ spirant, in humore præfocari contingat, piscibus in aëre: hi enim, aqua, illa aëre refrigerari solent: quibus utraq; destituuntur, mutatis sedibus. Causa itaq; cur hi branchias, illa pulmonem moueant, quibus assurgentibus, & residentibus illa inspirant, & expirant, hi humorem accipiunt, redduntq; & insuper instrumenti constitutio, ad hunc sese habet modum.

Hic Arist. de palpitatione, pulsu, respiratione cordi accidentibus, determinat.

**P**orro quæ cordi accidere solent, ea tria sunt, quæ eandem habere naturam uidentur, quamuis eandem non habeant, uidelicet palpitatio, pulsus, respiratio. Palpitatio igitur, est caloris in corde existentis compulsio, ob refrigerationem, quæ à materia excrecente, atque inutili, aut alio quopiam tabifico proueniat, ut in eo morbo accidit, quem tremorem uocant, & alijs, & metu: etenim metuentibus partes superiores refrigerantur. Calor autem desurgens, seq; contrahens, motum facit, ubi in angustum adeo compellitur, ut animantes interdum præ metu, aut morbo extinguantur. At pulsatio, quam cor perpetuò facere uidetur, ei motioni persimilis est, quam tubercula cum dolore efficiunt, quòd sanguini mutatio ipsa præter naturam sit: ea uerò sit, usque dum sanguis concoctus sit, & in pus conuersus. Hæc etiam affectio, feruori similis est: sit enim feruor, cum humor caloris opera inflatur: nam humor propterea sese attollit, quòd in molem assurgat amplior. Ceterum quies in tuberculis agitur, si putrefactio nõ perspiret, humore crassiusculo reddito: feruor uerò resistet, si per labra uasculi humor excidat. In ipso autem corde

corde tumefactio humoris, qui semper è cibo accedit, ultiam cordis tunicam eleuantis, pulsum facit: atq; hoc semper sine ulla intermissione fit: nam semper humor, ex quo natura sanguinis oritur, continuè influit: primum enim in corde gignitur: id quod in prima generatione liquidò constat: nam uenis nondum distinctis, sanguinem habere cernitur. Et ob id, iunioribus magis, quàm senioribus pulsatur: utpote quibus diuaporatio maior fiat. Quinetiam uenæ omnes & simul inter se pulsare assolent, quia omnes ex corde sua initia trahunt: cor autem, semper mouet. Quare & illæ semper mouent, & simul inter se cùm illud mouet. Palpitatio igitur est, compellentis frigoris repulsio. Pulsatio uerò, humoris concalescentis inflatio. Respiratio autem fit calore augefcente in ea parte, ubi uegetale principium habetur: nam quemadmodum cæteræ partes alimentum indigent, ita & illa quoque, immo magis quàm cæteræ: quippe quæ cæteris nutritionis causa sit. Necessè itaque est, ut cùm amplior efficitur, instrumentum attollat. Existimare autem oportet, instrumenti constitutionem sciamilem esse foliibus, qui in officinis ferrarijs habentur (parum enim abest, quin pulmo, & cor sibi formam talem uèdicent) geminum autem esse, quod tale est, cùm eam naturalem potentiam, cui nutriendi officium delegatum est, in medio consistere oporteat. Medium igitur, cùm amplius redditur eleuari solet: cùm uerò eleuatur, & eam quoque partem, quæ illud ambit, eleuari necesse est. Id quod in respirantibus fieri cernitur: quandoquidem pectus attollitur, propterea quòd eiusmodi partis principium in eo contentum, hoc idem efficit: cùm enim attollitur, eodem perinde ut in folles aërem exterum, algidumq; influere, & refrigerando ignis exuperantiam restinguere necessum est.



est. Quemadmodum autem cum augetur, hæc pars attolli solet, ita & cum decrescit, eandem residere necesse est: atque ea residente, aërem ingressum rursus egredi, aërem, inquam, qui dum ingreditur, frigidus est, dum egreditur, calidus, propter contactum caloris hac in parte contenti, & potissimum in ijs, quæ sanguinolentum habent pulmonem: cum siquidem introrumpere oportet in multos quasi tubos, & fistulas pulmonis, quarum singulis uenæ adiunctæ sunt: adeo ut totus pulmo sanguine plenus uideatur. Aëris autem ingressus, respiratio uocatur: egressus, expiratio. Idque semper continuè fit, quandiu animalia uiuunt, & hanc particulam continuè mouent. Et ob id, in respirando, & expirando uita consistit. Ad hunc modum & piscibus branchiæ mouentur: nam cum calor sanguini inditus, per particulas in sublime scandit, attolluntur & branchiæ, & aquam admittunt: cum descendit ad cor per meatus, & refrigeratus est, residet, & aquam emittunt. Cum autem semper sanguis in corde contentus efferatur, semper cor eundem refrigeratum rursus excipit. Ex quo etiam fit, ut illis in respirando, & his in admittendo humore, finis uiuendi, & non uiuendi consistat. De uita igitur ac morte, & ijs penè omnibus quæ huic considerationi affinia sunt, dictum est.

FINIS.

